

ШУХРАТ

**Олтин
зангламао**

Р о м а н

Ҳ и к о я л а р

Ташкент — 1980
Гафур Гулом номидаги
Адабиёт ва санъат нашриёти

ББК 847
ш 97

11446
10 392



70303-156
М352(04)-80 175-79-4702057020

ОЛТИН ЗАНГЛАМАС

Р о м а н



*Меҳрибон онам,
севикли муаллимим,
қадрдан дустим,
азиз фарзандларимга
багишлайман.*

Автор

1. АТЛАС ҚҮЙЛАҚЛИ ҚИЗ

Қодир умри бино бўлиб бунақа келишган қизни кўрмаган эди!

У боғда, майса устида, кўйлагини чиқариб, ботинкасини ечиб, майкада дарс тайёрлаб ўтиради. Ҳаво дим. Қилт этган шамол йўқ. Дараҳтларнинг барглари қўрғошиндан қуйилгандек вазмин солланиб туради. Фақат анжор четидаги ўсиқ гиёҳларни сув эпкини ўз ҳолига қўймай тортқилайди, «юр биз билан!» дегандек букиб кетади.

Қодир на ҳавонинг димини, на вақтнинг ўтганини биларди. У билан ўчакишгандек бир жуфт мусича парр этиб қаёқдандир олдинма-кейин учиб келди-да, унинг ёнига тушди. Олдин учиб келгани кейингисига тутқич бермас, у «ку-ку»лаб қархисига борса қочади. Йўрғалаб ёнига ўтса, учиб сал нарига тушади. Яна кейингиси хушомад қиласди.. Бирдан чўқилашиб кетишиди. Икки ювощарнинг бу ножоя иши Қодирнинг ғашига тегиб, энди ҳайдамоқчи бўлиб турган эди, биттаси дарахтга учиб ўтди, кейингиси кетидан қараб қолди. Қодир «қани, энди нима қилас экан!» деб турган эди, қархисида бир қиз кўринди. У, кенг атлас кўйлагига шамол тўлдириб, қархисидаги соясини қувгандек елиб келарди. Қиз Қодирга яқинлашгач, қадамини секинлатди. Қодир унга тузуккина қарагунча бўлмай, қиз сўради.

— Шу ердан иккита қиз ўтмадими? Биттаси чамандагул дўппили.

— Пайқамадим,— деди Қодир. У илон авраган қурбақадек бақрайиб қолган эди,

— Олдидан ўтган қизни пайқамайдыган қанақа йигит экасиз!

Қиз шу сўзни кулиб айтди-ю, йўлида давом этди. Кулганда икки қатор садаф тишилари бир ҳуснинга ўн ҳусн қўшиб юборди. Қиз нарироқ бориб «гапимни уқдингизми, яхши йигит» дегандек яна бир орқасига қараб қўйди. Мана шу қараш умрида бирон қиздан, айниқса, «буғун тушдан кейин дум бераман» деб турган қовундек етилган қиздан икки оғиз ширин сўз эшитмаган Қодирни адойи тамом қилди. Кўлида дафтари билан кестидан бақрайиб қолганини апчадан кейин пайқади. Пайқади-ю, фикрида шу кунгача бўлмаган ажиб ғалаён бошланганини, бу ғалаён унга ҳам ширин, ҳам ваҳимали алланарсалар ваъда қиласётганини ҳис этди. Унинг фикр-ўйи шамол шопирган. ўша атлас кўйлак қатига ўралиб кетган эди. «Ойиси баҳорда, қизил гул сайлида туққанми, бунича кулиши чиройли бўлмаса», деб қўйди ўзича.

Қиз ўша бедана йўрғалашида сўқмоқ йўлдан бориб дарахтлар орасида кўздан гойиб бўлди. Бир оздан кейинн ўша томондан қизларнинг кулгиси эшитилди! Бу кулгини чидан Қодир қизнинг овозини таниди ва юраги гурсилиб уриб, ларзага келди...

Қодир ўзини зўрлаб дарс тайёрламоқчи бўлган эди, кўзи китобда яхмалак отиб, ҳеч нарса бошнга кирмади. Лекин, нима учунидир, бирдан хаёлига ўша атлас кўйлак, чилвир соч, кулиши ёқимли қиз эмас, бояги мусичалар келди. Атрофига қараб уларни кўрмади. Шунда яна хаёлига келди: қизиқ, улар ўша қиз келгунча униб кетишими, ски кейиними? Йега мен пайқамай қолдим? Улар трашганмикни, ёки ҳали ҳам қувлашиб юришибдими? Ярашгандирлар! Ярашишларни керак. Гуноҳи бўлса ҳам кечириши керак. Ялниб-ялпогланиб ўляпти, бечора! Бағритошлиқ яхши эмас. Аҳиллик, меҳру муҳаббатга нима етсин!

Қодирнинг хаёли мусичаларда бўлса ҳам, кўзи қиз кетган томонга йўл чизиб қолди:

Уни яна бир кўргиси, жонон пиёла жарангидай товушни эшитгиси келди. Юраги қиз кетган томонга ундаса ҳам, оёғи тортмади. Лекин кечаси шундай аҳволга тушдикни, орада тубсиз жар бўлса ҳатлаб ўтишга, чўққида бўлса тирмасиб чиқишига тайёр эди. У қизни кўриш орзудан кўра эҳтиёжга айланган эди.

Эрталаб туриб, «йўқ, боққа чиқмайман, шу ерда дарсими тайёрлайман», деб аҳд қилди у. Йўғон қайрагочга суюб қўйилган тумбочкага мук тушди. Бир оз тайёрлаган бўлди. Сал ўтмай сояси қалин, япасқи қайрагоч тагида кулги кўтарилиди. Кимдир ҳуштак чалди. Атрофга қараб қулай жой тополмади: институт ҳовлиси каравотларга тўла. Уларнинг усти қурама. Бирининг устига бекасам тўн кўндаланг ташланган бўлса, бирида шинель, бирининг ёстиғи остида каттакон тугун, бирида кимдир ҳалигача ухлаб ётибди...

Ҳаммаси кўзига эриш кўриниб, ҳар куни шу ерда беларво дарс тайёрлаганига, тинимсиз, шовқин-суронни пайқамаганига ажабланди. Фақат кечагина боққа чиқкан эди.

Боғ асига тушди-ю, қалби ўша томонга унади. Назарида, кечаги атлас кўйлакли, кулиши ёқимли қиз кутиб тургандек, ёки у бориб ўтириши билан яна олдидан ўтадигандек бўлиб кўринди. Лекин қиз у ерда йўқ эди. Қодир тушгача дарс тайёрласа ҳам ўтмади. Олдинро ўтиб кетдими, деб кеча кулги келган томонга қулоқ солди: жимжит. Фақат тўғондан ошиб тушган сувнинг шарқиришигина эштиларди. Кимдир унинг қулогига «энди кулишмасдан тўғри гаплашиб ўтирибди» дегандек бўлди. Қодир бу меҳрибон ғойиб ҳамроҳининг сўзига жон деб ишонди. Ўрнидан туриб кеча қиз кетган томонга йўл олди. Юраги гуп-гуп урар, кўз олди баъзан жимирилашиб кетар эди. Ҳар дараҳт, ҳар чечак, ҳар гиёҳ жонли, кўзи тўрт билиб уни кузатиб тургандек. Оlam нақадар чиройли! Ҳар нарсанинг ўз ҳаёти, ўз ҳусни, ўз камолоти бор. Уз кўрки, ўз фазилати билан бир-бирини тўлдиради, бир-бирининг ҳусини очади, бир-биридан ажралмас бир бутулилк ташкил этади.

Қодир илгари ҳеч қачон пайқамаган ажойиботлар орасидан ўтиб бораётгандек завқланиб, ҳар япроққа, ҳар гиёҳга, ҳатто маржондек тизилнишиб сўқмоқни кесиб ўтасётган чумолиларга гап қотгиси келар, улар душёснини қалбига яқин сезар эди. Лекин бу билан бир вақтда унинг юрагида номаълум бир ташвиш, ҳис-ҳаяжон ётарди. Нимадандир чўчир, нимадандир ҳадиксираётгандек бўлиб, алаанглаб қўярди. «Тўхта,— деди ички бир нидо,— хўш, у қизни топдинг. Кейни нима? Унга айтадиган бирон гапини борми? Йўқ!! Шундай бўлгач, қидириб нима

қиласан. Бор, жойингга ўтир, дарсингни қил, у қиз баҳор шамолидаи ўтди-кетди!»

Қодир чиндаи ҳам бундоқ ўйлаб қараса, у қизда ҳеч қандай иши ҳам йўқ, айтадиган сўзи ҳам! Шундай бўлса-да, кеча кулги эштилган томонни айланиб келди. Учратиб қолса, нима дейишини билмаса ҳам, уни қидирди. Ҳеч қаерда йўқ; на ерда, на кўйда.

Қайтиб кеча ўтирган жойинга келса, мусичалар донлашиб юрибди. Жуда аҳил, бир-бирига меҳрибон, сахий. Ё кечагилар эмасми? Йўқ, ўшалар. Ўшаларнинг ўзи! Аҳиллик, меҳрибонлик қандай яхши!!

Атлас кўйлакли, кулгиси ёқимли ўша очиқ қиз Қодир учун олтин узукнинг сувга тушиб кетган зумрад кўзи бўлди.

Эртасига, ишдинига, бир ҳафтагача уни шу боғдан излади — топмади, кўча-кўйни кузатиб борди — учратмади. Унга қизнинг ўзидан ҳам хаёли ширин бўлиб қолган эди.

Охири, «тушимда кўрдиммикан», деди ўзига-ўзи.

Атлас кўйлакнинг оловидан бағрига тушган учқунни кул босгандек бўлди.

* * *

Қодир институтга қабул қилиниб, уч-тўрт кун она шаҳрининг ҳавоси билан нафас олгани қайтганида имтиҳонлардан яхши ўтганидан хурсанд бўлса ҳам, юрагининг аллақаери нимадандир ачишиб турарди. Ўсиб-ул-файган ҳар битта тошигача унга таниш бўлган она шаҳрини тарк этганида юраги қанча энтиккан бўлса, институтга кириб, ўз шаҳрига қайтаётганида ҳам кўнгли шунчалик ғалати бўлиб кетди. Бегона шаҳарда нимасидир эсидан чиқиб қолгандек, нимасидир кўнглига гашлик солаётгандек туюлди. Ҳеч ким уни кузатгани чиқмаган бўлса ҳам, кўзлари жавдираб кимнидир қидирди, кимгадир айтадиган гапи бордек ўзинча пичирлаб қўйди. Поезд жилганди-ку, купеда туролмай, ўзини деразага урди, кимнидир кўрмоқчи эди... Бу ҳолатнинг боиси ўша атлас кўйлакли, кулгиси ёқимли қиз, олтин узукнинг совға тушиб кетган зумрад кўзи эканини Қодир яхши биларди.

Қодирдаги бу ўзгаришни ҳаммадан олдин унинг онаси Адолат хола оналик қалби билан сезди шекилли, катта ўғли Содиққа:

— Йўқ, болам, укангга бир нарса бўлган. Бунақа эмас эди,— деди.— Ўқишига киргани ростми? Ё номусдан ёлғон гапириб, ич-этини еб юрибдими?

— Қозозини кўрсатди, ўз кўзим билан кўрдим,— деди Содиқ ишонч билан.

— Бўлмаса уканг касал, биздан яширяпти.

— Чарчаган бўлса керак, менинг кўзимга ҳам шунака кўринди. Яна суриштиарман.

— Шундай қил, жон болам, ёш, билмайди.

— Хўп, хўп!

Фарзанд додини кўравериб, юраги безиллаб қолган Адолат хола, Қодирнинг дардини билолмай армонда эди. Бир чеккаси, ёлғиз ўзини ўқишига юборишга ҳам раъий йўқ. Шунинг учун, Содиқ укаси ўқишига кирган шаҳарга кўчиш, у ердаги катта докторларга Жаннатни кўрсатиш, ўзи ҳам аспирантурага кириш ниятида эканини айтганда, аввалгидек, «мени ота-онам ёнига қўйгин», кейин ўз билганингни қил» демади, тезгина кўна қолди. Икки йил Армияда «мусофири» бўлган Қодирни яна бегона шаҳарда ёлғиз ўзини мусофири қилгиси келмадими, ёки яна соғиниб кўз ёши тўкишига бардоши етмаслигини билдими, Содиқни қувватлади:

— Майли, жон болам, ҳаммамизнинг бир жойда бўлганимиз маъқул. Қодир ҳам иссиқ-совуқсиз қолмайди, ёнимда бўлади.

Содиқ бу қарорни Қодирга билдирганда унинг ортиқча қувонмаганидан ҳайратда қолди.

Бу лоқайдлик Содиққа оғир ботди. Укасига бир нарса бўлганига шубҳа қилмай қўйди. «Ойим бекорга ташвишланмаган экан», деди-ю, сабабини билишга жиддий киришди. Уни бошлаб сойға кетди. Йўл-йўлакай укасининг қўйнига қўл солди. Бир-икки шўнғиб чиқиб, офтобда ўтиришар экан, пайти-пайти билан унинг ҳаракатини кузатиб, гап ташлади:

— Марказда анчадан бери бўлганим йўқ, жуда обод бўлиб кетгандир.

— Ҳа.

— Боғларида ҳалиям дам олиш қунлари одам кўп бўладими?

«Боғ» сўзи Қодирни уйғотгандек бўлди, ғалати бўлиб кетди.

Содиқнинг бугунги сэйлдан фаҳмлагани шу бўлдикн, Қодир аввалгидан камгап, кишилар билан учрашишга

майли йўқ, ёлғизликни хуш кўради. Тан-жони соғу, фақат қаттиқ чарчаган. Вақти билан ёзилиб кетади. Иккни йил Армия хизматини ўтаб, бугуиги кунда институтга имтиҳон бериб қиришнинг ўзи бўладими!

Лекин Қодир имтиҳон азобларини аллақачон унуглан, очигини айтганда, унчалик ҳис қилмаган, фақат ёшликийнинг бошқа бир имтиҳони олдида минг бир хаёл билан турарди.

Бу имтиҳон аввалгисидан осон эмас эди.

2. ТИРНОҚҚА ЗОР ОИЛА

Дунёда бефарзандликдан ёмон нарса борми!

Ешникда билинмайди, умр ўйин-кулги билан ўтаверади. Бола муҳаббатини эр-хотинликнинг қайноқ бўсаси ва ҳеч тамом бўлмайдигандек ширин суҳбати босиб туради. Шундай пайт келадики, бу муҳаббат ва бўсани фарзандга кўчириш керак, фарзанд эр-хотинликка файз киритади, онлани безайди. Лекин фарзанд йўқ. Ана шунда зил кетади, ҳалигача ширин деб шимиб келган оғзингдаги обакидандоннинг тахири чиққандек бўлади. Айниқса, сен билан олдинма-кейин турмуш қурғанлар бир-икки фарзанд кўриб, каттасини етаклаб гузарга чиқадиган бўлгандек, қўғирчоқдек ясатиб, бошлаб юрганда ёмон! Ардоқлаб оққа кўчираётган хатингга снёх тўкилгандек юрагинг ачишади.

Содик билан Жаннатининг ҳаёти худди шундай булган эди. Улар севишиб турмуш қуришган, юлдузлари жуда ўнг келган, бир-биrlарини кўпдан синашган кишилардек фазилатларини ошириб, нуқсонларини яшириб, бошқалар ҳавас қилгудек тинч-тотув яшаши.

Ҳамма ўзбек келинларида бўлганидек болага ҳавас бошлаб Жаннатда уйғонди, ахир қизлар бекорга муштумдаклигидан «оббо, болам!» деб қўғирчоқ қучоқламайди-да! Йиллар ўтган сари бу ҳавас заруратга, энг зўр заруратга айланди. Аввалига эрига билдиримай ичиди куйди, бирорга айтгани уялди, ёшлиқ қилди, хилватга ўтиб аччиқ-аччиқ йиғлади. Таинш-билишнинг кўзи ёриганини эшитса, аъзойи бадани зирқираб, изтиробдан титрэб кетарди, кимдир «нега сен туғмайсан?!» деб таъна тоши отаётгандек бўларди. Ушинг кўнгли бузилганини кўрган Адолат хола дарров бошини силарди:

— Сабр қилинг, жон болам, худо севган қулини бе-
фарзанд қўймайди. Сабр сўнгги — сарик олтин.

— Сабр қилмай, нима қиляпман, ойижон! — дерди
Жанинат яна баттар ёнарди, сирти кулиб, ичи йигларди.

Адолат хола табиатан ҳалимдек юмшоқ, ширин сўз
аёл эди. «Сиз» ҳам, «сен» ҳам бир ғиздан чиқади.
«Сиз»ни «сен» қилиш яхшимас, дерди, ўзи шу ақидасига
амал қилас, иккى сўэиннинг бирида «жон болам» деб ту-
рар эди. Шунилг учун бутун маҳалла унинг исмнин айт-
май «жонболам хола» дейишар, бу сўз холанинг қуло-
фига кириб қолса кулиб қўя қоларди.

«Жонболам хола» бундоқ қараса, Жаниат кундаш-
кун чўпдек бўлиб кетяпти, кечагина бармоғига зўрга сиғ-
ған узуги бугун бармоғидан тушса тушиб қолгудек. Ран-
гини айтмайсивми?! Йил — ўн икки ой қўрна-ёстиқ қилиб
ётгани касалнинг ўзи! Нима қилсан она бечора! Қулидан
келган ирим-сиримни қилид — бўлмади, аллақачон ирги-
тиб ташлаган паранжисин аллақайси бурчакдан топиб
фолбинга қатнади, отинга ўқитди — бўлмади, дая хотин
айтган «дорн-дармон»ни қилид — бўлмади. Ҳеч нарсадан
қайтмади. Тирик илонни ют, шу сенга шифо деса, уни
ҳам ютишга тайёр эди Жанинат бечора!

Жанинатнинг назаридаги, тинч турмушининг қасри бо-
ласизлик туфайли йилдан-йил нураб бораётгандек кў-
ринади. Кимдир «орқангда бир туёқ қолмаган умр умр-
ми!» деб кесатаётгандек бўларди. Тўй-ҳашамга бориши-
дан юраги безиллади, хотинлар «туғмас Жаниат аиз
шу» деб бир-бирига қўрсатаётганга ўхшайди, фарзанд-
дан гап очилган тўйдан ҳамма хурсанд қайтса, у ниғлаб
қайтади.

Жаниат «эрим ичиде куйса керак» деб ўйларди. Чун-
ки эри билди промас эди. Минг қилса ҳам эркак! Бунинг
устига иши бошидан ошиб ётибди. Яқинда мактабга ди-
ректор қилиб қўшишди. Қишлоқ жой әмасми, айниқса,
қиз болаларни ўқишга тортиш қийин. Сал бўйи чўзинди
дегунича кетиб қолади, ота-онаси қўймайди. «Бу ишингиз
яхшимас!» деб излаб борса, «хотин кишидан пайғамбар
чиқибдим» дейиншади. Ўша кезларда Содик хотинини
ўқишга киритиб қўйди. Богча мураббиялари тайёрлаш
мактабини битиргач, боғчада ишлатди. Бу билан, бир то-
мондан, уни бошқаларга ибрат қилиб қўрсатмоқчи бўл-
са, иккичи томондан хотинини овутмоқчи, «болага бўл-
ган меҳрингни шу срга тўй!» демоқчи эди.

Жаннат буни пайқади. Демак, эри уни хафа қилмоқчи эмас. Ичида ёнади-ю, ташқарига тутунини ҳам чиқармайди. Шундан биладики, Содиқ унинг ярасини тирнамоқчи эмас, демак, у қалбиди, Жаннат эса кўзида кўрсатиб йиглайди!

Нима учундир, Жаннат ҳамма айбни ўзида кўради. Шунинг учун Содиқ марказга кўчиш қарорини унга айтганда йўқотган нарсасини бирдан топган кишиндек қувониб кетди. Лекин, шу билан бир вақтда юрагининг аллақаерি «жиз» этиб ачишди, нимадир кўнглини хира қилди.

— Хўш, нима дейсан, сенга маъқулми? У ерда катта докторлар бор, ўзингни ҳам қаратасан,— деди Содиқ.

«Ўзингни ҳам қаратасан» сўзи Жаннатнинг қулоғига алланечук бўлиб эшитилди. У, шу вақтгача ўзини туфмаслиги бир касал эканини билмас, касални бунаقا хили ҳам борлигини тасаввур қилмас эди. Демак, эри уни касал ҳисоблайди, касал ҳисоблаганде ҳам катта докторлар муолажа қиладиган касал экан. Мана шу «катта докторлар» сўзи ҳам унинг бағрига учли найза бўлиб қадалди. Яхши, булар у шаҳарга кўчиб боради, Жаннат эри айтган ўша «катта докторлар»га ўзини кўрсатади, лардига даво топса-ю, нур устига аъло нур, борди-ю, топмаса, «дори-дармоннинг фойдаси йўқ!» деса нима бўлади? Йўқ, катта доктор бўлганидан кейин ҳар қандай касалга даво топниши керак.

Жаннат шундай қарорга келган бўлса ҳам, ҳалиги «нимадир» ҳамон кўнглининг бир чеккасини хира қилиб турарди. Бўлмаса унинг бу ерда қоладиган ҳеч кими йўқ. Энг яқин кишиси — эри, энг меҳрибони — қайнаси.

Ўша «нимадир» унга кечаю кундуз тинчлик бермади. Ҳамон кўнглининг бир чеккасини хира қилиб ётарди. Марказга кўчиш эсига тушди дегунча энтикади, қалбини муздай бир нарса кесиб ўтади... Эрталаб кўчишга оёғи тортмаётганини аниқ ҳис қилди. Сабабини тушунтириб беролмайдиган бўлгани учун эрига айтмади. Фақат дея олди:

— Кўчмасак нима қиласи? Доктор бўлса, Қодиржоннинг олдига бориб туриб...

— Нима? У ср сенга ёқмаяптими? Жуда яхши шаҳар, кенг, гавжум...

— Яхшиликка яхши-ю, шундай бўлса ҳам... кўчмайлик... оёғим тортмаяпти...

— Жинни!— деди кулиб Содиқ,— юрагинг увишяптими? Ўрганиб кетасан.

Содиқ хотинининг руҳий ҳолатини тушунмади, тўғриси, хотинларда бўладиган «нүқсон»лардан деб кулиб қўя қолди. Лекин бу «нүқсон» Жаннатнинг қалби тубига чуқур ботиб борар, кўнгилғашлиқдан диққатга айланмоқда эди.

— Бормайлик!— деди охири қатъий.

— Чарчабсан, хотин, дамингни ол!

«Нега Жаннатнинг феъли бунақа айниган? Нега яна кўчишга раъий бўлмай қолди. Сабабини тузук суриштирмай, гапини қайтарганим яхши бўлмади».

Содиқ ўзича муҳокама қилди. Жаннатнинг катта бир далили бўлиши мумкин эмас. Туғилиб ўсган шаҳридан кетгиси, сирдош ўртоқларидан ажралгиси келмаётган— дир. Ё ишини қизғаняптими? Эҳ, аттанг, у ерда ҳам ишлашини айтсам бўлар экан. Тўғри, шу иши учун қиляпти. Хафа бўлма, Жаннат, у ерда ҳам севган боғчангда ишлайсан. Ўзингнинг болаларинг ҳам бир боғча бўлиб кетса ажабмас. Ажойиб бир доктор Ленинграддан келибди деб эшитдим. Ўшанга боқтирасан. Ўксинмай! Оёгинг тортаверсин, жоним!

* * *

Кўчиб кетишлари аниқ бўлгандан кейин, Содиқ маориф бўлимининг илтимоснга кўра, ўз ўрнига одам танлади. У билан бир неча кун ишлашди. Севган мактабининг келажакда ҳам мавқен тушиб кетмасин учун қўлидан келган бутун маслаҳатларни берди. Ўқитувчиларга қисқа-қисқа характеристика ҳам бериб чиқди, «баъзи сир»— ларгача ўртоқлашди. Бир кекса ўқитувчи:

— Кўнглинизни чироғи олиб чиқиб кетилган уйдай қилиб кетяпсиз, Содиқжон,— деган эди.

— Еритиб турган мен эмас, сизларсиз, сизларнинг ўзингиз,— деб кулди Содиқ. Қоровулдан тортиб, янги директоргача ҳамма билан қўл олиб хайрлашди. Хайрлашув орасида ҳар кимнинг ўзига яраша ҳазил қилди, гап қотди. У суюб юрган, ишчидан чиққаш ёш ўқитувчи бағрига ташланиб «энди менинг аҳволим нима кечади?» деганга ўхшаган бир гап қилган эди, Содиқ:

— Күпчилкка суюнинг, кўпчиллик кўтаради. Лекин мутолаани сусайтирманг. Мен сизнинг ҳаракатингизга ишонаман,— деди ва бағрига босиб ўпди, қўлни қаттиқ сиқди. Лекин мактабдан чиқиб кетиши енгил бўлмади, юрагининг аллақаери узилиб қолаётгандек ачишиб кетди. Нимадир эсндан чиқиб қолгандек орқасига бир-икки қараб қўйди, аммо рангининг сал оқаринқираганидан бехабар эди. Эшик олдида мактабга кириб келаётгани болани тўхтатиб, иши бўлмаса ҳам исмини сўради, синфини суриштириди, унинг жазоб беришидан завқ олаётгандек кулиб турди, кейин бағрига босиб, лўпни юзларидан чўлл-чўли ўпди:

— Яхши ўқи, хўпми?— бола ҳайрон эди. Содиқ нарироқ бориб болага хайрлашиб, қўл силкиди.

Содиқ ҳамма билан хурсанд хайрлашган бўлса ҳам, уйига кўнгли ғалати бўлиб қайтди. Ана шунда мактабини қанчалик севганини бутун қалби билан ҳис этганди. У ўйинчоғи сувга оқиб кетган боладек анча вақт хомуш юрди. Фақат кечқурун, оила аъзолари жамулжам бўлиб, овқатга ўтирганда кўнгли аста-секин ёришиди. Чунки сухбат энди бутунлай эртаги кунга, кўчиб борадиган шаҳардаги ҳаётга, ишга бағишланган эди.

Маслаҳат шунга келиб тўхтадики, Содиқ Қодиржон билан бирга олдинроқ кетиб, уй-жой тараддудини кўрадиган бўлишди.

Кўчишга ҳаммадан олдин рози бўлган Адолат хола, иккала ўғлини кузатиш вақтида ўпкаси тўлиб йиғлади. Ёшлигини, бу уйга келини бўлиб тушган чоғларини, кетма-кет ишбул бўлган болаларини эслади. Эрталаб туриб, ҳали-ҳозир жўнаб кетаётгандек, ота-онасининг қабри тепасига бориб келди. «Аллақаерларда ўлиги қолиб кетган»— мардикордан қайтиб келмаган раҳматли эрини ёдлади. Нобуд бўлган болаларни тирик бўлганида неча ёшга киришини хаёлидан ўтказди. Охири Содиқнинг қилич-қалқон тақиб «Оқ подшонинг думи— босмачиларни биратўла йўқотмасак, яна бева-бечора кўпайиб кетадиганга ўхшайди», деб чиқиб кетгани, у йиғлаганда: «Йиғламанг, ойн, сиз йиғласангиз, босмачи қаҳ-қаҳ уради», дегани эсига тушди. Ушанда коптоқдек ёрга урса кўкка сакраїдиган азамат йигитча эди. Мана, кеча кўрса унинг ҳам чаккасига иккита оқ тола из солибди. Лекин манглайи шўр келди, фарзанд кўрмади. Битта сиқиладигани шу, бўлмаса кам-кўсти йўқ. Эл орзу қилса қилгудек,

маслағат солса ақл олгудек әс-хушли. Келини Жаннатдан ҳам айбситадыган жойи йүқ. Очса кафтида, юмса муштумида. Йүқ, йиглаши бекор. Яхши умидлар билан бошланған сафарнинг оқибати хайрли бўлади. Майли, Содиқ олдин борсин, жой топсин, кўчиб кетади. Болаларининг ўз қаноти остида бўлганига нима етсин! Қодиржон икки йил аскарда юрганида соғингани ҳам бўлади. Энди кўтаролмайди. Мусоғир бўлса ҳам болаларининг олдила бўлади, айниқса, Қодиржонга кўз-қулоқ бўлиб туриши шарт. Яхши қиз топса, ўзи бош бўлиб уйлантиради, ёши ҳам анчага бориб қолди. Аслида, шу ердан уйлантириб кетганда яхши бўларди. Боласи тушкур, кўнмади, «олдин ўқийман» деб туриб олди. Онага қолса-ю, йиғлаб-сиқтаб кўпдиради, ўртага Содиқ тушди, «шахтини қайтарманг!» деди. Жаннат бўлса, «шаҳар кўрган йигит қишлоқдан уйланадими, кўз остига олганлари борми ҳали», деб ҳазилга олди. Шунда ҳам она қарши турмади, «вой айланай, розиман. Ҳар ким кўнгли тортган ошни ичади», деди. Лекин Қодирдан ҳадеганди садо чиқмади, фақат анчалан кейин: «Мен оладиган қизниң қулогини кечга тешиблилар, бугун исирға буюртириб келаман!» дея китобиниң қўлтиқлаганича чиқиб кетди. Ана шу «олдин ўқиши» деган ўғли муродига етапти. Үқишга кирди, беш йил ҳам «ҳа-ҳу» дегунича ўтиб кетади. Аскарга жўнаганда «икки йил қачон ўтади!» деб бекор куйған эканман, кўз очиб-юмгунча ўтиб кетди. Буниси ҳам ўтади. Майли, ўқиши битгунча уйланмаса, кейин уйланади, әс-хушини таниб уйлашган яхши бўлади. Ишқилиб, танисоглик, хотиржамлик бўлиб турса бас.

Адолат хола хаёлида ҳамма ишин тарозига солиб, ўзини тутиб олгандан кейин, йўл тараффудини кўраётган ўғиллари олдига кирди. Дераза остида, бир тирсанги рапига қўйиб ўтириди.

— Ҳой, болам, қулогингда бўлсин: жой олсанг, қўни-қўшиинини суриштири. Қўшииниг тинч — сен тинч. Кейин, мен гашлашадиган қари-қартанг ҳам бўлса яна яхши,— деди у. Чамадининг қорнидан камар боғлаётган Содиқ онасига қараб, тузатди:

— Квартир өлсанг денг.

— Кавартир бўлса, кавартир. У ёқларда турадиган жойни кавартиր дейишадими-а, жон болам? — Адолат хола келини Жаннатга мурожаат этди. У «да, шундай»

дегандек бош силкиб қўя қолди. Унинг юраги ҳамон гаш. Кўчишни эшигтган куни юрагида пайдо бўлган, сабабини ҳалигача билолмаган «алланима» ҳозир ҳам тинчлик бермас эди. Бу яхшиликдан кўра, кўнгилсизликни ваъда этаётгандек бўларди. Кечаси жиндай йиглаб, юрагини бўшатиб ҳам олди.

Содиқ вазминлик билан тасалли берди:

— Киши унар-унмасга диққат бўлиб, ҳар нарсани ўзига олавермайди. Бағриигни кенг тут.

Содиқ хотинини ҳам, ўзини ҳам чалғитмоқчи бўлди:

— Сен ишдан бўшашингни кўп чўёзма.

Хотинининг кўпглига қил сиғмас эди, жавобни қисқа қилди:

— Хўп.

— Узоқ ҳаяллаб кетсанг, хат ёз, жон болам! — деди она.

Эшик тагида, хайрлашиш вақтида она ўзини тетик тутди.

Ирим қилиб, битта кулчани ушатиб, бир бурдадан иккала ўғлига берди, қолганини олиб қолди:

— Ризқимиз бир-биримиздан узилмасин!

Содиқ кулиб оғзига солар экан, ҳамон кўнгли гаш Жаннатга назар ташлади: «Бунча хафа бу! Орамизда бир нарса ўтгану, мен билмайманм! Е ойим билан... Иўғ-э... Баъзан киши ўзи шунаقا сабабсиз диққат бўлади», деди ичиди ва Жаннатнинг қўлинини олиб, қаттиқ сиқди. Бу билан «хафа бўлишининг спира ўрни йўқ, жоним!» демоқчи бўлди.

Бир ҳафтадан кейин Содиқдан «йўлга чиқинглар» деган телеграмма келди.

Содиқнинг иккита ўртоғи уларни поездга кузатиб қўйди, Адолат хола бир оз хомуш, Жаннатнинг кўзида ёш милтилларди.

— Сафар олдидан ниятингизни яхши қилинг, жон болам! — деди Адолат хола келинига.

Жаннат ионлож кўзини артди.

Аслида унинг оёғи тортмаганича бор эди, истиқболда уни баҳтсизлик кутарди.

3. ЯНГИ ЖОИ, ЯНГИ ТАНИШЛАР

Шаҳар маорифи бўлимидан йўлланма олиб, район маорифига келгацда Содиқнинг биринчи учратган киши-

си Мирсалим бўлди. Ўлабирдан келган, сурма ранг дўппили, сертакаллуф бу одам маориф эшигидан унга рўпара келди-ю, саломлашганга ўхшаш бир ҳаракат қилиб, унинг дикқатини ўзига тортди. Одатда, нотаниш ерга кириб келаётганингда илк учраган одамдан, айниқса, у очиқ юз билан сенга боқса, кўнглиниг сув ичгандек бўлади, ўзингдан унга яқинлик сезасан. Содиқ ҳам худди шундай бўлди, ундан маориф мудирининг кабинетини сўради. Кейинчалик ўқитувчи Мирсалим эканлиги маълум бўлган бу одам кўриниб турган эшикни «ху, ана!» деб қўя қолмасдан аввал юмшоқ кулди, кейин Содиқнинг олдига тушиб бошлаб кетди. Уч эшик ўтгандан сўнг қора дерматин қопланган қўш қанот эшикни салқия очиб:

— Марҳамат! Мудирнинг ўзлари ҳам шу ердалар!— леди. Бунга ҳам қаноат қилмай, унинг кетидан мушукдек силлиқ кириб, шафтоли қоқидек камгўшт секретарь хотинга тушунтириди.

— Бу кишига ўртоқ мудиримиз керак экан.

Секретарь хотин «Ўзининг тили йўқми» дегандек, унга кўзойнаги остидан қараб қўйди, кейин бу «корчалон»га зарда қилгандек, бир ҳаракат билан машинкасига қофоз қўйди. Унинг бутун ҳаракатидан кўриниб турардики, бу одамни у яхши билади, унинг нимасидир хотиннинг ғашини келтиради, энсасини қотиради. Лекин секретарь хотин машинкасида иш бошлишидан олдии кўзидан кўзойнагини олиб, ёқимли бир табассум билан Содиқка мудирнинг олдида одам борлигини айтди ва ўтиришга таклиф қилди.

Содиқ кўрсатилган ерга ўтираётиб овора бўлгани учун Мирсалимга миннатдорчилик билдирган эди, у яна ўта такаллуф билан нималардир леди, лекин машинканинг шақ-шуқида эшитилмади. Мирсалим Содиқ билан қуюқ хайрлашиб, ҳатто ўз ишига банд секретарга ҳам хайрлашув ишорасини қилиб эшикдан чиқди.

Маориф мудири кабинетидаги кишини кузатиб чиқиб, Содиқни кўриб қолди.

— Сиз Содиқ Қўчқоровмисиз? Жуда яхши. Эрталаб менга телефон қилишган эди. Қани марҳамат!

Мудир Содиқни кабинетига эмас, коридорга бошлиди. Йўл-йўлакай аҳволини, соғлигини сўради, келиб тушган жойини сурнштириди. Меҳмонхонадалигини эшитиб:

— Уша ерда турмөкчимисиз? — деди.

Содиқ «меҳмонхонада туриб ўқитуучиллик қилиш жуда бойваччалик бўлади-ку» дегандек маъноли кулиб, жавоб қайтарди:

— Йўқ. Ишлайдиган мактабим аниқ бўлгандан кейин, ўша атрофдан жой қарасам деган ниятдаман. Маорифнинг жойи бўлмаса керак?

— Бору, банд. Яхшиси, ҳозирча ижарага ўтириб турингу, бир бошпана қуришга ҳаракат қилинг. Биз ёрдам берамиз.

Мудир кадрлар бўлими билан келишиб қўйган экан, кира солиб:

— Мана, ўртоқ Кўчкоров келдилар. Йўлланмалари иш беринг, эртаданоқ иш бошласилар. Сизга эса, ўртоқ Кўчкоров, муваффақият тилайман. Сизнинг тўғриңизда яхши гаплар эшитганман, аминманки, ўшандай ғайрат билан бизни ҳам хурсанд қиласиз.

Бундай ширин-чучмал гапларга Содиқпинг тоқати йўқ, хижолат тортса ҳам жавоб қайташга мажбур бўлди:

— Ишончингиз учун раҳмат! Лекин ким мени буничилик улуғлаб сизга айта қолди, ажаб!

— Еру биродарлар, иннайкейин, жумҳурят муаллимлар кенгашида сўзлаган вутқингиз ҳам эсимда. Тарих фанини ўтиш ҳақида жуда мантиқли гапирган здингиз.

Содиқ қулоғигача қизариб, ўнғайсиз аҳволга тушди. Индамади.

— Ҳа, айтгандек,— деди мудир, кадрлар бўлиминга қараб,— директорига икки энлил ҳат қилиб беринг, ўртоқ Кўчкоров бу томонларда янги, яхши билмайди, квартира топишга кўмак беришенин. Оилангиз каттами? Қачон кўчириб келасиз!

Содиқ иккинчи саволга жавоб бериб қўя қолди:

— Жой топдим дегунича хабар қиласман. Шундай келишганмиз.

— Жуда яхши. Демак, тезлатсин, шундай деб ёзинг директорга.

Кадрлар бўлими ходими мұҳим бир нарса бирдан эсига тушгандек иргиб ўрнидан турди, кўзини эшиккетиди:

— Мирасалим ака ҳали шу ерда юрган эди, кетиб қолмадимикин?

Кадрлар бўлими мудири эшикка елиб чиқиб кетди.

— Мирсалим бунақа ишларнинг жонини киритади.— Мудир ён чўнтағидан папирос олиб Содиққа тутди, у чекмаслигини айтгач, бир донасини ўзи лабига қўндириди, гугурт чақиб тутатгунча йўқ эди, кадрлар бўлимнинг мудири боя Содиққа дуч келган ғўлабир, сурма ранг дўппили, сертакаллуф кишини бошлаб кирди.

— Мирсалим ака, бу киши билан танишиб қўйниг, бундан кейин бирга ишлайсизлар. Бу кишининг сизга жиндай илтимоси бўлади,— деди мудир. «шу қуш боласи уясидан тушиб кетибди, жойнга олиб қўймасангиэ увол бўлади» дегандек бир оҳангда.

Мирсалим, район маорифи мудирининг унга иши тушиганиданми, ёки табиати шунақами бирдан ешилиб кетди, юзида табассум қалқди, қалдии сал эгиб, қўлини кўксига қўйди:

— Бош устига! Биз танишмиз. Приёмнигиэга ўзим бошлаб кирган эдим.

Мудир, бемеҳр отанинг совуқ ўғлини эркалашидек бир табассум қилиб қўйди.

Мудир айтганидек, Мирсалим «ишининг жонини киритди». Шу кунининг ўзидаёқ Содиқни мактабга бошлаб бориб, ҳамма билан таништириди. Кейин:

— Дарс жадвалингиз билан танишиб туринг, мен бир соатларда келамал. Илтимос: кетиб қолманг,— деди.

Мирсалим майда қадам билан шошганича чиқиб кетди. Содиқ орқасидан «бунақа одамлар юриб чарчамайди», деб қўйди. Мактаб илмий мудиридан уни суриштириди: биринчи босқичда илмий мудир ва она тилидан дарс берар экан.

— Дарсидан ҳам кишиларпинг ҳожатини чиқаришини яхши кўради. Оёғидаги куч-кувват бошида бўлгандада... билмадим, ким бўларди,— деди илмий мудир,— бирор нарса илтимос қўлганмидингиз?

— Бирор жой бўлса девдим.

— Ҳа, бунақа ишларга суюги йўқ. Дўндириб ташлайди. Томи қанақа бўлсин, тунукалими, тупроқлими, демадими? Голини-чи?

Илмий мудир Мирсалимнинг ипидан-игнасигача биладигандек, унга кўп иши тушган, ҳаммасини ўзи айтгандек «дўндириб ташлаган» кўринади, лекин уннинг лабидаи Мирсалимнинг нимасинидир менсимаслиги,

паст күришлігі, таққирлашга яқын бир назарда әкан-лиги сезилиб турарди. Илмій мудир Содиқ буни пайқа-ганлығини сезди шекилли, изоҳ берди:

— Үзи тұзук одам. Сал бачканалиғи бор, холос. Та-биати шунақаки, тұрвасини тешған сіңғонға ҳам инда-майди. Оиласи кичкина: хотини-ю, бир қызы. Бутун ша-дарни танийди, ярми қариндош-уруғи ёки дүсті. Яхши қызы бор. Бу йил ўнинчии битириб кетди. Қарқиноқ-дан булбул чиққан. Ұғлингиз борми?

— Ұғлим йўғу, укам бор,— ҳазилга ҳазил билан жа-воб қилди Содиқ.— Баҳорда армиядан келган.

— Ниятингиз бўлса, отингизни қамчиланг, тўғриси, отини укангиз қамчиласин.

— Нега укам?

— Совчи билан эр қиладиган қыз эмас.

Содиқ бундай қызни кўз олдига келтиролмади. У шунча йил директор бўлган мактабдан бунақасини уч-ратгани йўқ. Минг қилса ҳам бу ер пойтахт, маданияти баланд.

Мирсалим одатдаги шошинқираши билан айтган вақтдан анча олдин келди. Тез юргани шундоқ кўриниб турарди. Оққа мойил юzlари қызил тортган, манглайи-да майда тер резалари бор. Лекин қўлидаги қогоғ пап-касини қаергадир ташлаб келган. «Уйнга ҳам кириб чиққанга ўхшайди, шу атрофда әкан-да!» деган фикр Содиқнинг хаёлидан ўтди. Лекин унинг уйнга «меҳмон келади!» деб тайинлаб чиққанидан хабари йўқ эди.

Мирсалимни ўз ҳисоби бор. Үзи билан танишмоқчи бўлган одамдан ҳайиқса ҳам, лекин бирор билан тани-шувни яхши кўради. Бегона одам билан қўл олишиб та-нишаётганидаёқ хаёлидан ўтади: «Бир куни асқатиб қо-лиши мумкин». Шу хаёл билан сертакаллуф муомала қила бошлайди. Бу танишининг ўнг қўлтиғидан кириб, чалидан чиқади, юзидан табассумини аритмайди. Чой-хона олдида бўлса, чойга, ошхона яқын бўлса овқатга таклиф қилади. Эпини қилса, ҳақини тўлаб «ўтқизиб қўяди», ўзининг тили билан айтганда, «қўлтиғига сув пуркайди», мабодо ўша одамга иши тушиб қолса, салом-аликдан сўнг бир амаллаб шу ўтиришин шама қи-лади.

Худди шундай, Содиқ билан ҳам тезда иноқлашди. Ахир, қўлидан бир иш келмаса, бир нарсасига ишонма-са, қишлоқдан шундай шаҳри азимга келадими! Албатта,

бир нарсаси бор. Ҳаракати бардам, боқишилари тетик. Маориғ мудирининг олдида туришини қара, «истасанг иш бер, бўлмаса ўзим топиб оламан!» дегандек виқор билан турибди. Ҳурмат юзасидан тишининг оқини кўрсатмади-я! Бунинг, албатта, бир балоси бор. Ҳали кўтарилиши ҳам мумкин. Бугун ўқитувчи, эртага директор бўлмайди деб ким айтади! Ҳозир унинг ҳеч кими йўқ, ёрдамга муҳтож. Айни пайти.

Бу режасининг дебочаси сифатида йўл ости уйига кириб, қазилик ош буюриб қўйди. Ундан чиқиб асосий ишга киришди: квартира масаласида маҳалла комиссиясига йўлиқди. Яқинини келиб кўрди, биладиганини кўз олдига келтириб, иккитасини танлади. Ишнинг бунчалик тез битганидан хурсанд Мирсалим: «Кўр, сенинг учун қанчалик куйиб-пишяпман» дегандек, Содиқлар олдига кириши билан катта дастрўмолини олиб, юзи ва бўйин терларини артди.

— Сизни кетиб қоласизми деб... Ҳа, айтгандек, сўраб олмабман: томи қанақа бўлсин, тунукалими, ёки ўзимизнинг жайдари — тупроқлиги ҳам бўлаверадими? Биттаси шунақа, лекин поли ер.

Илмий мудир ўзининг боя айтгани тўғри чиққани учун ялт этиб Содиққа қараб кулиб юборди. Содиқ ўзини аранг тутди. Мирсалим кулгининг маъносига тушуммай, сўзини изоҳлади.

— Тўғри-да, сўраган яхши. Ҳар кимнинг ўз диди бор. Масалан, мен қишда тахта полли уйни, ёзда ўзимизнинг жайдаримизни яхни кўраман, салқин бўлади.

— Гапингиз тўғри,— унинг ёнини олди Содиқ.— Квартира кўргани кетганингизни билмадим, бўлмаса сизни икки-икки овора қилмасдан, бирга бора қолардим.

— Ҳечқиси йўқ. Киши кишига яхшилик қилиш учун дунёга келади. Бугун мендан, эртага сиздан...

Шу гапдан кейин Мирсалим Содиқни бошлаб кетди. Мўлжалидаги квартиralарни кўрсатди. Содиққа биттаси ёқди. Бу бир одамнинг алоҳида эшикли ташқариси эди. Икки уй, бир айвон. Сал эскироқ демаса, ўзи бежишим, кичкина ҳовли саҳни ҳам бор.

— Шу дуруст,—деди Содиқ хоналарни айланиб чиқиб,— бу ёғини ўзингиз гаплашасиз-да!

У ижара ҳақи тўғрисида ишора қилган эди, Мирсалим пайқади:

— Хотиржам. Сизга ёққан бўлса бас.

Содиқ ишнинг бунчалик енгил кўчганидан мампун бўлиб, Мирсалимга миннатдорчилик билдириди. Кўча муюшида яна бир марта ташаккур айтиб, хайрлашувга қўл узатар экан, Мирсалим қўлини олди-ю, қўйинб юбормади:

— Каминанинг кулбалари ҳам шу яқинда. Бугун бизда бўласиз. Барибир борадиган жойингиз йўқ. Мусофирихона (у меҳмонхонани шундай дерди) бир зарурат кунидан тушиладиган жой. Хўп денг. Бу ёғини ҳам айтай: келинингиз ҳам сал огоҳлантирилган. Тиқ этса, кўзи эшикда бўлиб, пойлаб ўтиргандир. Хўп дент.

Содиқ шунча яхшилик қилган одамнинг сўзини ерда қолдиргани ботишмади. Унинг розилигидаи Мирсалимнинг боши осмонга стди:

— Сизни маорифда курдиму, «шу одам мен бол» дедим. Юлдузингизга юлдузим тўғри келди-қўйди. Бўлмаса, ҳар ким билан ишоқлашавермайман. Ҳозир яхшидан ёмон кўп. Дил тортиб гаплашадиган одамнинг ишдан бўшамайди. Ҳали сизнинг ҳам ишнингиз кўпайиб кетса...

— Истаган кишин вакт топади.

— Албатта, албатта! Диликнинг яқитлигига боғлиқ.

Содиқнинг тахмини тўғри чиқди. Мирсалимнинг ҳовлиси мактабга яқин экан. Эшикка яқинлашувлари билан Мирсалим олдинга ўтиб, шошиниқираганича ичкарига кириб кетди. Бу билан Содиққа «спэ бир оз сабр қилинг», деган маъниони англатди. Содиқ буни тушуниб, эшик олдида тўхтади. Эшикка пазар солди; ўз вактида аинча кўркам бўлган ўймакор эшик. Албатта, аввал бўёқсиз бўлган. Кейинги вактда замоналаштириб кўкка бўялгани кўришиб турбди. Ҳатто газета-журнал ва хат учун қорнидан кўндалаигига шигичка туйнук ҳам очилган. Қадди паст, япалоқ эшикка бу туйнук бўз кўйлакка садаф тугмача қадагандек ярашмас эди. Содиқ кулиб қўйди.

— Нега тўхтаб қолдигиз, марҳамат! — деди Мирсалим ичкаридан чиқиб. Ваҳоланки, у атайин яввал кириб хотинига хабар берган, хотинининг «бефаросат»лигидан баъзан ҳовли юзида қоладиган жомашов, супургига ўхшаш нарсаларни четга олдирган эди. Эшикка қайта туриб, ҳатто ўрикнинг паст шохидаги қипиқни ҳам юлиб олиб, думалоқлаб хотинига отди.

Содиқ Мирсалимнинг орқасидан кириб бортанда хотини қўл қовуштириб ариқнинг тепасида турар эди;

салом беріб сұрашди. Үйнинг ижозати хотинда бұл-
ганидек, Мирсалым меҳмонни бошлаб ўтар экан,
деди:

— Каравотта ўта қоламиз-да, а, хотин? Е уйга жой
қылғанмиссан?

Мирсалимнинг совунига кир ювиб ўрганиб қолган
хотини дарров жавоб қилди:

— Вой, уй дим, ҳовли яхши!

Мирсалым бу билан меҳмонла бўлган эҳтиромини
яна бир марта сезидирмоқчи эди, инятнга етди. Хотини-
нинг зийраклигидан хурсанд бўлгандек, Содиқнинг елка-
си оша кулиб қўйди. Лекин хотинининг «сохта меҳмои-
дўст бўлмай ўлинг!» дегандек эсаси қотди.

Содиқ квартира қидириб, бир неча ерда бўлганидан
бенхтиёр унинг назарини Мирсалимнинг ўз ҳовлиси торти-
ди. Ҳовли у кўрган ҳовлилардан ортиқча фарқ қилмайди.
Фақат «замоналаштириб» тартибга солингаш, саран-
жом. Ҳатто тарновнинг остига сув тушиши учун мусул-
мон ғиштдан жой қилиб, ишшабини ҳам олиб қўйилган.
Девор остига ётқизилган йўлка бир текис ва кеңг; ғишт-
лари ўтмас тешада қириб тозаланган бўлса керак, теша
излари сап-сариқ йилтиллайди. Ундан пастда ҳафсала
билан ўтқазилган гуллар тизими. Садарайҳон баҳор бу-
лутидек ҳурпайиб, ҳожираиҳон бақатеракдек кеккайиб,
бинафша ранг баргларини очиқ кафтдек тутиб туради.
Улар орасида хинанинг қизил сёғи ва чақмоқ гули дар-
ров кўзга ташланади. Гулибекор бўлса, осмонга чиқиб
пақ этиб сочилган ранго-ранг мушакдек ёнади.

Рўпарада икки уй. Үнг томондагисининг бир дераза-
си ердан бир газ баланд, ганчланган сиркор айвонга
очилади. Айвоннинг пешида ўймакор устуни. Үнга қараб
Содиқ: «Хунар! Эринимаган устанинг иши», деб қўйли.
Айвон токчаларининг ҳаммаси кейинчалик кесак қалаб
урилгани ингичка чизиқ бўлиб қолган зиҳидан кўришиб
туриди. Фақат ўртадаги тахмон қолган. Үнга мажнун-
толга ўхшаган қандайдир гул сурати солиниб, бир шохиги-
га хум чойнакдек қуш қўндириб қўйилган. Оғзиши очиб,
сайраб туришидан булбулга, думининг ерга тегиб тури-
шидан товусга ўхшайди. Худди шунга ўхшаган суратини
Содиқ болалигида дадаси хизматкор бўлиб ишлайдиган
Омил қори юзбошининг меҳмонхонасида кўрган эди. Ҳа,
ӯша меҳмонхона кейинчалик колхоз идораси бўлди.

Мирсалим меҳмонини ёгоч каравотга тўшалган атлас

кўрпачага ўтқазиб, «одатимиз қурсин» деб қисқатина фотиҳа тортди-да, ўзи ошхонага ўтиб кетди. Хотининг нималарнидир шивирлаб, орасида бир хўмрайиб, кейин очиқ юз билан каравотга келар экан, меҳмонининг гулларга маҳлиё бўлиб турганини пайқаб, садарайҳонни кафти билан чайқаб атрини таратди.

— Асл нарса, жонивор. Ҳиди ҳам антиқа! — деди ва шохидан биттасини синдириб, Содиққа узатди, кейин қизил гулларни мақтади, улардан ҳам бир нечтасини қайчилаб, ясатиғлик хонтахтанинг меҳмон ўтирган томонига қўйди.

— Сизнинг ҳам дидингиз яхши экан,— деди Мирсалим каравотга чиқиб ўтиргач, нон ушататуриб,— аввал кўрган ҳовлимизни ёқтиармикансиз деб ўйловдим, йўқ, кейингисини, ҳовлисидан сув ўтадиганини танладингиз. Тўғри қилдингиз. Авваламбор, суви яхши, қолаверса, ҳовлисига гул-пул дегандек, кўнгилочар нарсалар экса бўлади. Бай-бай, бунинг ҳидини қаранг. Шунинг сувини сиқса атир бўлади-да, ал Табиятда мўъжиза кўп. Мана шундан сизга иккита қаламча олиб бераман. Анавинисидан ҳам. Униси тўқ қизил, ҳозир сал вақти ўтди. Райхонни шунинг учун экаманки, кузда баргини янчиб олса ҳам бўлади. Суюқ ошга жуда кетади-да! Хўп десангиз, кслинингизга айтаман, тўғрилаб беради.

Мирсалимнинг меҳмон кўнглини олишга астойдил киришгани чой қўйнишидан тортиб, Содиқнинг олдиға тоғ сариёғ, тоғ мураббо, тоғ хандон писта суришигича, раийхоннинг фазилатидан тортиб, эртага у иш бошлайдиган мактаб қўнғирофининг овозини мақташигача ҳамма нарсада сезилиб турарди.

Содиқ ҳали яқинда нонушта қилгани учун унча иштаҳаси бўлмади. Мирсалимнинг тез-тез дастурхонга таклиф қилиб туришига қарамай, ундан-бундан бир-икки чўқилади, асосан чой ичди. Мирсалимнинг нима биландир ивирсиб, ҳовлида юрганини кўриб, чўнтағидаги газетани қўлига олди. Бунинг устига келиб қолган Мирсалимга меҳмоннинг шундай нозу неъматли дастурхонга бепарво қараб, газета ўқиб ўтириши энсасини қотирган бўлса ҳам, ётиғи билан савол ташлади:

— Оламда нима гап, тинчликми?

— Тинчлик. Мана шу Леваневскийнинг топилмаёт гани яхши бўлмаяпти-да.

— Яна шу ҳақда ёзишибдими? — Мирсалим бирор

«ўзинг газета кўрасанми?» деяётгандай қўшиб қўйли:—
Ҳали бугунги газетани кўрганим йўқ.

— Ёзганда қандай! Москва — Шимолий Америкага учишларни уюштирувчи ҳукумат комиссиясининг маълумоти бор. «Красин» пароходимиз Аляскадан Шимолга йўл олибди. Америка учувчилари Руббинс, Старт излашга қатнашибди.

— Дарагини топишолмалтими?

— Йўқ. Об-ҳаво ёмонлигидан йўлдан қайтишибди. Үзимиздан ҳам тўққиёта кучли аэроплан сафарбар қилишибди. Булар ичиде Шимолий қутбга учиб бориб келган Совет Иттилоғи қаҳрамонлари Мазурук билан Козловнинг АНТ — б аэроплани ҳам бор. Топса ана шулар топади. Об-ҳавонинг сал жўнашиб кетишини кутиб Рудольф оролида турганмиш.

Мирсалим янги олиб келган чойни қайтариб, тишишиб қўйди. Кейин «шамаси тушиб кетмасин» дегандек эҳтиёткорлик билан жилдиратиб пиёлага қуяр экан, сўради:

— Кечаги газетада эди шекилли, шу иш учун Америкадан қандайдир аэроплан сотиб олибмизми?

— Аэроплан эмас, ҳидроплан. Сувда ҳам суздиган.

— Америкада шунақаси ҳам бор денг! — Мирсалим нинг завқлангани кўриниб турарди. Буни фаҳмлаб, Содиқ изоҳ берди:

— Вақти билан бизда ҳам бўлади!

— Албатта-албатта! — шошиб қолди Мирсалим. Лекин тилини бермади:— Бир машҳур учувчи ҳам учади дейилган эди.

— Жемс Маттерни? Йўқ, учмабди. Катта пул сўрабди. Ҳозир ана шуни ўқиб, ҳайрон бўлиб турган эдим. Минг қилса ҳам буржуа кишини-да, пул сўрабди, ҳамма нарсани пул билан ўлчайди. Уялмагани! Ахир биз уни қутқарганда пул сўрамагандик.

— У ҳам шунақа бўлганими?

— 1933 йилда Арктикада қолиб кетганда ана шу Леваневскийнинг ўзи уни ҳалокатдан қутқарган эди.

— Унда пул сўраши жуда понисофлик.

— Ноинсофлик эмас, виждонсизлик бу. Совет ҳукуматидек буюк бир мамлакат бутун имкониятни сафарбар қилиб, олий нисонпарварлик билан иш тутиб турган

бир пайтда орага пулни аралаштириш — ўта пасткашлик. Сиз билан биз талабаларимизни ана шу балодан ҳазар этадиган қилиб тарбиялашимиз керак. Бу бизнинг муқаддас бурчимиш.

Бу сўз Мирсалимга ёқинқирамадими, гап чалғитди:

— Олинг, биродар, дастурхонга қаранг, чойингиз ҳам совиб қолди.

Мирсалим Содиқнинг олдидағи пиёланни энгашиб олиб, совиган чойини бир четга тўкди, иссиғидан қўйиб узатди.

Чой охирига етиб қолганда хотини ошхонадан чиқиб кўриниш берди, эри тушунадиган бир тилда узоқдан лабини қимирлатди. Мирсалим сиполик билан кўзини оғир юмиб қўйди, «яхши» имосини қилди. Қейин каравотдан аста тушиб, ошхонадан дид билан тайёрланган помидор закускани олди, йўл ости ариққа ташлаб қўйилган шишага кўл узатди. Кетидан хотини гулдор хитой лаганда ихчам бўйинтуруқдай қазини порин пиҷоқ билан олиб келди. Сувда қофози кўчиб кўндаланг ёпишиб қолган ароқни одёбсизлик бўлмасин дегандек, хонтахтаниш тагига олиб қўйиб, қавини олдига тортди. Қўлига пуфлаб-пуфлаб, паррак қилиб тўграй бошлади, ора-сира таърифини қилди.

— Жонивор яхши нарса, кишининг йигитлигини эсира солади. Қишида-ку қаҳратоңга қалқон. Қани энди яхшилаб қартаси билан еб, почапўстинга ўралиб, ойдин кечаси қалин қорда ғарч-ғурч юрсанг.

— Ченада кезсанг-чи,— қўшиб қўйди Содиқ,— ёки овга чиқсанг.

— Бу ҳам маъқул. Сиз овни яхши кўрасизми? Афсус, менинг ўқ товушидан қулогим битиб қолади.

Содиқ унинг бу гапини ҳазил тушунди.

— Ишқилиб, каклик кабобига тишингиз қамашмайдими?

— Оҳ, оҳ, қани энди кетма-кет келиб турса!

Мирсалим оғзининг суви келиб бир паррак қазини оғзига солди, кейингишни Содиққа тутди:

— Бай-бай-бай, айни вақти экан, олинг!

Мирсалим қазини бутун қондаси билан тўғраб бўлгач, жайдари сиркада ўлдирилган пиёз билан ўртага сурди. Хонтахта остидаги ароқни олиб, чети гулдор бол пиёлаларга бир текисда қўйди.

— Олинг, биродар! Ёмон кунимиз шунга ўхшасин!

Содиқнинг ичкиликка майли йўқ эди. Улфатга кириб қолгандағина битта-яримта оғзига олмаса, бошқа вақтларда эсига ҳам келмас эди. Шу ёшга келиб, бирор шишининг оғзини очганини билмайди, ўзиникида ичилиб қолса ҳам, кимдир, бошқа одам очади. Одоб юзасидан очишга уринса, ўртоқлари «шунга қолганда талантингиз йўқ, азизим»— деб қўлидан олишарди. Узоқ қийналиб ичишини кўриб, «игнанинг кўзидаи қуйяпсизми. Содиқжон, симирсағиз-чи», деб мазах қилишарди. Шунинг учун у Мирсалим узатган пиёлани олишга олди-ю, ташвишга тушди: билмаган одам «жўрттага таранг қиляпти» деб ўлаши мумкни.

Мирсалим «моҳом боилатани уяляпти» деган андешага борди-да, «мен кетдим» деб битта ташлади. Содиқ «бўш пиёлани ҳазил қилди» деган хаёлга борди. Ийўқ, ичиди. Закуска қилаёттанида билиб қолди. «Бунақа ичадиганлари бўлар экашу», деганича кўзини чирт юмиб, биринчи қадаҳин ярмигача аранг ютди. Иккинчисини ҳўплаб қўя қолди. Мирсалим шунча қистаса ҳам «қўлидан келмаслигини» айтиб, узр сўради, ўзининг тортинимасдан ичаверишини таъкидлади.

Одатда ичкиликнинг бир пиёласи кишиларни бир-бирiga таниширади, иккитаси тилни ечиб, қулфи-дизини очади, учинчиси ҳасрат бошлатади, ундан кейингиларни эса, ё мақтанчоқликини уччига чиқаради ё алам булоғининг кўзини очиб, йиғлатади, ниманидир қасам ичириб, дўстлигини пеш қилдиради. Ичкиликнинг не-не гадой томас кўчаларига кириб чиқсан Мирсалим кейингиги йилларда ҳадди сиғадиган кишилар билан ўтиrsa, учинчи-ти́ртнинчини бемалол ичаверар, кимдандир тан тортиб, ичидаги гидири юзага чиқишидан ҳайнқса, иккинчисидан нари ўтмас, ўтса ҳам ҳўплаш билан чегараланар эди. Ҳали синашта бўлмаган Содиқ олдида ҳам худди шундай қилди. Иккитадан ортиқ ичмади. Улфатининг ортиқча майли йўқлигини билиб, ҳатто ичишни ёмонлаб ҳам қўйди.

— Кўп ичган билан кишининг шохи чиқади дейсизми! Эрмак қилармна, девдим, сизнинг ҳам менга ўхшаган ҳафсалашгиз йўқ экан. Расмга кириб қолди бу савил, бўлмаса, ичмаган маъқул.

Аслида Мирсалимнинг ичини бояги тушган икки пиёла ёстиқ жилдига ўралиб қолган мушук боласидек тимдаларди, учинчисини чақиради. Унинг қўли бенхтиёр

гоҳ шишага, гоҳ тагида жиндай қолган пиёласига кетиб қолар, күзи закускага қадаларди. Содиқнинг яна бир «сиз ичаверинг!» деган таклифига муҳтоҷ эди-ю, лекин Содиқ «бефаросатлик» қилиб индамас, тӯғриси, унинг ҳолатини фаҳмламас эди.

Мирсалим чидолмади, ош келиши билан иккала пиёлага боягидан жонлироқ қуиб, Содиқни қистади. Уни бир ҳўплатиб, ўзи эса:

— Ошдан олдингиси яхши бўлади, иштаҳа очади,— дея оқ урди. Меъёридан ошган бу учинчиси Мирсалими ни қора терга пишиди.

Бу шаҳарда иссиқ ёзнинг ҳам кечқуруни баҳаво бўлади. Кун ботишга яқин сал дим бўлиб турари-да, кейин фир-фир шамол эсиб қолади, кундузининг бутун хордигини чиқариб юборади.

Мирсалим меҳмонни «ётиб қолсангиз ҳам бўларди, ўз уйингиз», деб кузатиб чиқиб келаётганда кеч шамоли садарайҳонларнинг ичини човуриб, атрини анқитарди. Гулибеор эса, аллақачон кўзларини юмиб олган эди.

Мирсалим ариқ бўйига келишганда Содиқни тўхтатиб, гулзорга шўнғиганда эшикдан атлас кўйлакли бир қиз кириб кела берди. Баъзи қизларга ўҳшаб четлаб ўтмасдан, тўғри Содиқнинг қаршисига юрди, одоб билан салом бериб, бошини қалқиди. Худди шундай Мирсалим билан ҳам саломлашди. Шунда:

— Келдингми, қизим, қайчини узатиб юбор, бўлмаяти,— деди Мирсалим.

Қиз қайчини олиб чиқиб, дадасига узатмади:

— Сиз чиқа қолинг, дада, мен ўзим узаман,— деди ва гулни оралаб кетди. Бир зумда бир даста гул узиб чиқди.

— Амакинг билан сўрашдингми? Янги ўқитувчимиз, қўшни маҳаллага кўчиб келяптилар. Борди-келди қиласизлар,— деди Мирсалим Содиққа гулларни текислаб тузатар экан,— сувга солиб қўйсангиз бир ҳафта туради.

Содиқнинг хаёли мактаб илмий мудири билан бўлгаш сұҳбатда, кўзи эса қизда эди: айтганича бор! Ақли ҳам ҳуснидай етукмикан?

Содиқ Мирсалимнидан тўғри почтага бориб, тўйга ҳабар қилаётгандек қувонч билан «йўлга чиқинглар» деб уйига телеграмма берди.

4. ИККИСИННИНГ ҲАМ ҚАЛБИ ГУРС-ГУРС УРАРДИ...

— Салом, азизим! Кеча қандай дам олдилар. Эшигдим, эшигдим! Ҳафтада бир келадиган дам олиш кунини ҳам илм йўлига сарф қилибдишлар.

Мирсалим ўқитувчилар хонасига шундай сўзлар билан кириб келди ва диванда ўтирган Содикқа қўлини узатди. У ҳар вақтдагидак шоду хандон ва юзи тўла табассум эди. Содикканинг қўлини узоқ қўйиб юбормай турди, бу билан ўзининг ҳурматини алоҳида чертиб кўрсатмоқчи бўлди.

— Шундай қилмасак бўлмайди. Дарслик билан кифояланиш жўжаларни катакда боқишдек гап. Баъзан ташқарига ҳам чиқариб туриш керак, кўзи очилади, ўзи топиб ейдиган бўлади.

— Офарин! Жуда тўғри ўхшатдингиз. Қалай, экспонатларга бойми... бойитишибдими? — Мирсалим бу тарих музейини кўрмаганини яшириш учун шошиб қолди,— мен ўтган йили кўрганимда анча камбағал эди.

— Йўқ, яхши. Лекин ўтмиш кўп ўринни олиб қўйган экан.

Мирсалим ўзининг ҳам шундай нарсаларни яхши кўрганини ва талабаларнинг илми учун қайғурувчи қилиб кўрсатмоқчи бўлди:

— Афсус, бизнинг фандан музей йўқ. Бўлмаса мен ҳам...

— Шу музейлар сизга ҳам бўлаверади.

Мирсалим бу музейларнинг нимаси унинг «она тили»си учун бўлаверишини фаҳмлаб етмаган бўлса ҳам, унинг фикрига қўшилди, бирор синфи олиб боришини кўяғлига туғиб қўйди. Бунинг сабаби бор эди. Содикканинг мактабга келганига ҳали ҳеч нарса вақт бўлгани йўқ, лекин текисликдаги тепадек кўзга ташланниб қолди. Мана, кеча дам олиш кунининг баҳридан кечиб саккизинчи синфи тарих музейига ўзи олиб борди. Бўлмаса пионер вожатийга ҳам топширса бўларди. Ундан олдин бир синф билан «Гамлет»ни бориб кўрди. Нимасидир дарсига керак эмиш. Нимаси керак. Мирсалим ҳалигача тушуниб етмайди. Тўғри, «Бой ила хизматчи»га олиб борганда дарров фаҳмлаган эди: камбағалларнинг ўтмишда қандай яшаганини кўрсатмоқчи! Яна бир синфа Тупроқ қўрғон билан нураб қолган мадрасани томоша қил-

дирибди. Күшнининг товуғи ғоз кўрпинади деганлек, Содиқнинг бу оддий ишлари Мирсалимнинг кўзига уни бир поғона кўтариб қўйди, шу билан бир вақтда ғашини келтириб, рашикни уйғотди. Бир ҳафта мактабда бўлмаса ҳам ўрни йўқланмайдиган бир-икки ўқитувчининг чет-четдаш «мусоғир доно» деб кесатганини ҳисобга олмаса, кўпчилик Содиқнинг атрофида. У дарров каттага ука, кичикка ака бўлиб қолди. Мактабга тааллуқли ниша масала бўлса аралащади. Лекин ҳеч ким «нега сен ҳамма нарсага човлингни солаверасан?» демайди. Шундай бўлиши керакдай унга қўшилишади. Демак, унинг йўли тўғри: унинг изидан бориш керак, унинг бағрига кириш керак. Курмак бўлиб сув ичиб туриш мумкин.

— Ҳа, айтгандаи, Содиқжон,— деди Мирсалим унинг ёнига ўтираётуб,— менда бир-икки китоб бор. Тарихга доир. Шуни сизга кўрсатаман, деб неча ўйлайман, ҳеч мавридини тополмайман. Кеча олиб бориб бирпас ҳордиқ чиқариб келай десам, маърифат сайрига кетган экансиз.

Мирсалим кутганидек, Содиқ китобларга қизиқиб қолди. Лекин «диidi айвонини тахмонига солдирган сурати бўлса, китоби нима бўларди», деб ўйлади. Шундай бўлса ҳам, сўради:

— Қандай китоблар экан? Олиб кела қолмабсиз-да.

— Битта яримтаси бу алмисоқдан қолган китобларни пима қилиб кўтариб юрибди демасин, дедим. Бири «Бобирнома», Қозон босмаси, яна бири Герман Вамбери-нинг «Саёҳатнома»си.

Содиқ бу китобларнинг таърифини эшитгану, кўрмаган эди, жуда қувониб кетди:

— О, жуда бадавлат экансиз-ку. Қачон қўлга тушира қолган эдинги.

Мирсалим «биз ҳам чакана эмасмиз» дегандек сал кибрланиб қўйди:

— Ишқибозлини...

Содиқ «бу ҳам ичидан пишган экан-ку», деган фикрни кўнглидан ўтказди. Ҳар кимда ҳам «Бобирнома» бўлавермайди. Содиқ «эски мактаб кўрган» бу ўртоғи билан ичиди фахрланиб қўйди.

Аслида Мирсалим ростини айтмади, айтиши ҳам мумкин эмас эди. Бу иккала китоб ҳам унинг қўлига тасодиф билан кириб қолган эди. У раствада қўш дўкон очиб, теридан бит семириб юрган кезлари бир зиёли ўртоги,

«кўриб қўйинг, бизнинг боболар қанақа кишилар бўлган», деб мақтаниб «Бобирнома»ни берган эди. Та Мирсалим «мағзини чақиб» ўқигуңча «савдо-сотиқ ҳур-рияти» тугаб, ўша ўртоғи ҳам йўқ бўлиб кетди, кейинчалик афронда деб эшилди. Герман Вамберини шундан илгарироқ бир рус таниши меҳмонга қўлтиқлаб келди-ю, эсидан чиқариб қолдирди. У ҳам сўрамади, бу ҳам элтиб бермади, қанақа китоб эканини биланидан сўнг бергиси келмади.

Содиқ бундай антиқа китобларни кўришга жуда қизиқиб, эрталабгача сабри чидамай, кечқурин Қодирни юборди. Кейинги вақтдаги хафақонлиги ҳалигача ёзилмаган Қодир ўтирган ерндан вазмин қўзғалиб салмоқлаб чиқиб кетди. Лекин қайтишда бутун бошқа бир одам бўлиб келди. Кўалари остига яширинган қувонч чақнаб кетай-кетай деб турибди. Содиқ яхши биладики, бундай ҳаяжон ёшликда, факат ёшликда бўлади ва ёшликка ярашади. Қодир ариқ бўйига ўтиб яхшилаб ювинди, нима учундир, артиниш эсига келмай ҳовлига сув сепди, кўмкўй бўлиб униб чиқкан кашнич билан ўスマГА сув қўйди, орасидаги бегона ўтларни юлиб ташлади. Ҳозир иззатли мөхмон келадигандек эшик олдиларига юпқа қиласб сув сочиб, кетидан супурди. Кейин уйга кириб ойната қарди, кийим-бошини тузатди, оладиган куни эртага бўлса ҳам соқолини қирди. Унинг севинчи пичга сиғмас эди, бу шундай севинч эдик юровга айтиб бўлмайди, айтганда ҳам тушуниши қийни.

У олган узугининг сувга тушиб кетган зумрад кўзини топган эди!

Қодир Мирсалимнинг ҳовлисини кўрмаган эди. Шунинг учун суриштиришга мажбур бўлди. Суриштирганда ҳам шундоқкина олдига бориб сўрабди. Устига тўр тўқилган латта копток ўйнаётгани иккита қизчининг биттаси читтак чақонлиги билан югурниб келиб, бидирлади:

— Азиза опаминкими? Ху, аниави кўк эшик.

Қодир кўк эшикни аста қоқди. Қиз яна бидирлади:

— Итқарилик, қаттиқ юқаверини!

Қодир қаттиқроқ қоқди. Ичкаридан аёл кишининг «лаббай» деган товуши келди. Кейин эшикда... ўша.. ўша атлас кўйлакли қиз пайдо бўлди. Ўша... Қодирининг адавуви мумкин эмас. Ўша қомат, ўша қош, ўша кўз. Бу кўзларнинг тенги пўй. Бу кўзлар бугун мавжудотнинг

барча гүзаллиги ва латофатини, камолати ва саҳоватини ўзида жамулжам қилиб турарди. Унда ҳаёт бор, виқор бор, унда қуёш бор, суур бор. Бу күзларга боқиш учун аса бир олам журъат керак. Бу тасодифдан Қодирнинг ҳуши бошидан учди, тили сўзга буралмай қолди. Бармогининг учигача жимиirlаб кетди. Нимага келгани эсидан чиқиб:

— Сиз шу ерда турасиэми? — деб юборганини ўзи ҳам билмай қолди.

Қиз ана шунда Қодирни таниб, ўша кундагидай ёқимли табассум билан деди.

— Ўша куни ўртоқларимни топиб олдим, сиздан сал нарида дарс тайёрлашаётган экан.

Қизнинг товуши Қодирнинг қулоғига гоҳ кирап, гоҳ кирмас эди. У бутун хаёли билан ўша боғда, ўша майса устида турар эди, шу қиз, шу қаршисида ёқимли кулиб турган қиз «олдидан ўтган қизни пайқамайдиган қанақа йигит экансиз» деб таъна қиларди.

Қодирнинг юраги ўша кундагидек бир энтикиб тушди. Ҳамон юзидан табассум аримаган қизнинг юзи тик қаради. Энди у қизга яхшилаб қараб олмоқчи, шунча интизорлиги эвазига тўйиб олмоқчи эди. Лекин бундай бўлиб чиқмади: қурбн етмади! Ениб турган қораҷиғи кенг паттон кўзлар унинг дамини қайтарди. У чор-ночор кўзини олиб қочди, аммо ичини қандайдир илиқ нур тўлдирган, руҳида дарлдан ариган кишидек енгиллик бор эди. Ана шу енгиллик билан яна бошини кўтариб, сўради:

— Дадангиз уйдамилар?

— Йўқ, меҳмонга кетувдилар. Нима ишингиз бор эди?

— Мен Содиқ аканинг укалари бўламан.

— Ҳа... — деди қиз бир нарса эсига тушгандек чақонлик билан, — китобга келдингизми?

«Бу қиз қаёқдан билади? Ёки дадаси билан акам келишиб, атайин мени юборишдими?!» деган фикр Қодирнинг хаёлига келди.

— Ҳа, топдингиз! Дадангиз айтиб кетувдиларми?

— Айтмасалар ҳам ўзим биламан! — деди Азиза ўша боғда «олдидан ўтган қизни пайқамайдиган қанақа йигит экансиз» дегандек қилиб. Бу сўздан Қодир яна тилдан қолди, яна қалби ларзага келди. Яна Азиза ўт ташлади:

— Ўзингиз кириб оласизми, ёки олиб чиқиб берайми? Ойимлардан бошқа ҳеч ким йўқ.

Аскарликда не-не тўсиқлардан ўтиш машқини олган, тобланган йигит, қаршисида турган кўк эшикнинг осто-насидан ҳатлаб ўтишга журъат қилолмади:

— Мумкин бўлса...

— Олиб чиқиб берайми? Хўп бўлади!

Азиза атлас кўйлагининг этакларни чиройли ҳил-пиллатиб бурилиб кетди. Қодир қанча вақт ўтганини билмайди, хазинага йўлиққан гадойдек шошиб қолган эди. Бир маҳал қиз газетага ўралган китоб билан яна ўша ўзи турган ерда пайдо бўлди.

— Кирмадингиз! Ойимлар нега ичкарига таклиф қилмадинг, деб мени койидилар,— дея эркалантансимон бир ҳаракат қилди Азиза.

Қодир қиз билан хайрлашаётуб, унда ҳам тил билан айтиб бериш қийин бир ўзгариш сезди. Унинг қорачиги йирик кўзлари ажаб маъюс нурланиб, кафти ёнар, кафтида қандайдир майин титроқ ҳам бор эди. У Қодирнинг орқасидан йўл чизиб қараб қолди. Кейин ҳар вақтдаги-дек тетик шўхлик билан эмас, вазминлик билан орқасига маъюс ўгирилиб, тиэзларидан мадор кетган киши-дек аста қадам ташлади. Уч-тўрт одим юргач, қандайдир ички куч уни яна орқасига қарашга мажбур этди. Ана шунда тез юриб узоқлашиб кетолмаётган Қодирнинг кўзига кўзи дуч келди. Икки ўртада ўт чақнагандек бўлди. Иккисининг ҳам қинидан чиқиб кетай деб турган қалби бир-бирига эшитилгудек гурс-гурс уради.

* * *

Қодирнинг хурсандлиги кеннойиси Жаннатнинг қон қақшаган кунига тўғри келди.

Жаннатнинг шаҳарга келишидан энг катта умиди но-ми кетган докторда эди. Қимга маслаҳат солса, шу докторнинг номини айтди. Унинг номини эшитган сарп Жаннатнинг ишончи ортди. Не-не умидлар билан унинг кабинетини қоқди. Уни ўрта ёшлардаги чийратма ипдек бир хотин қарши олди. Нима учундир, Жаннат бу машҳур докторни қекса, сочининг қорасидан оқи кўпроқ, кўзойнакли деб фараз қилган экан, ихлоси қайтгандек бўлди. Аммо доктор ўзининг самимилиги ва зийраклиги билан унинг аввалги ишончини ўзинга қайтарди. Жаннат

кўринган ва боқтирган баъзи докторларга ўхшаб шошмади, паридан-бери у ер-бу ерига қулоқ солиб, ўлчаб, дори-дармонга кўчмади. «Сен излаган докторман. Умидсизланма, ҳали боладан қолганинг йўқ. Ҳали қўшалоқ ўғиллар кўрасан» дегандек, юмшоқ гапириб қаршисидаги стулга ўтқазди. Қўлидаги, илгарп боқтирган докторларнинг қофозларини олиб, шошмасдан кўздан кечирди. Кейин гапни эридан бошлади. «Эрингиз аввал уйланганми? Уйланган бўлса бола кўрганми? Уруғида бефарзанд ўтган борми? Сизнинг-чи? Турмуш қурганингларга неча йил бўлди? Қандай касаллар билан оғригансиз? Эрингиз яхши кўрадими? Болага меҳри қандай?»

Шундай қатор савол-жаноблардан кейин унинг ўзини кўрди. Турли кабинетларга, лабораторияларга ёзиб берди:

— Вақтида қатнанг!— деб алоҳида таъкидлади. Баъзан у кирган чоқда ўша кабинет ёки лабораторияда докторнинг ўзи ўтирган бўларди. Буларнинг ҳаммаси Жаннатга унга ширин орзуларни етаклаб келарди. У баъзан тугилажак боласига исем ташлаб қолар, қандай кийимлар кийгизишни ўйлар, у билан гойибона гаплашар, уни осмонга отиб эркалар, кулмаганига қўймай қитиқлар, қиқиллаб кулишидан завқланар, унга қўшилиб ўзи ҳам кулар, хурсанд бўларди. Бола бирпасда ёшига тўлади, тугилган куни катта зиёфат қилиб беради. Бир маҳаллар таъна қилганларни албатта чақиради. Уларга «мана кўрдингларми, орқаваротдан вайсаганинглар қолди» дейди-ю, ҳаммасини кечиради, гийбатнинг бети қурсин, дейди-ю, апоқ-чапоқ бўлиб кетади. Боласини етаклаб уларникига боради, боғларга ўйнатиб олиб чиқади, айтган ўйинчогини олиб беради, синдирса ҳам, бузса ҳам хафа бўлмайди: қўғирчоқ нима деган нарса!

Жаннатнинг тушига нуқул бола киради. Тўргайга ўхшаб узоқдан товуши келарди-ю, ўзи кўринмас эди. «Дононинг йўталида ҳам ҳикмат бор» дегандек, доктор шамалаб ўтган нарсага ҳам астойдил ихлос қўярди.

Лекин бир неча ой ўтса ҳам тушига кирган ингани ўнгида эшилтмас, бутун нияти орзудан нарига ўтмас эди.

Қодир олтни узугининг йўқотган зумрад кўзини ногаҳон топиб, унинг завқида маст бўлиб, айтишга сўз топомай гангиг турганди Жаннат машҳур докторнинг насиҳатини кўзида ёш билан тинглар эди. Доктор унга «овора бўлма, сенда бола бўлмайди» демаган бўлса

ҳам, шунга яқин бир нарса айтди. Бу мұрт стаканға қайноқ сув қуишишдек гап эди. Жаннат қирсиллаб кетди. Үнинг күнглини қанча күтаришмасин — бўлмади. Қодир висол дақиқаларининг завқ-шавқида эшик олдига сув сепиб, энди супураётганда Жаннат кўнгил уйп вайрони кириб келди. Остонадан ҳатлаб ўтди-ю, ҳўнграб йиғлаб юборди. Үнинг йигисини ҳаммадан аввал эшигдан Адолат хола ошхонадан югуриб чиқди.

— Ҳа, болам, тинчликми?

Жаннат индамади, айвонга ўзини ташлади:

— Кошкйиди туғилмаган бўлсам...

Адолат хола фаҳмлади. Деразадан бориб, уйда китобга мук тушшиб ўтирган Содиққа шора қилди:

— Чиқ. Хотинингга доктор бир нарса дедлми, кўнгли бузилиб келди.

Ўзи ҳамир юқи қўли билан ошхонага ўтиб кетар экан, узун «уҳ» тортиб, «эй, худойим!» деб қўйди.

Содиқ елкасига ташлаб ўтирган беқасам тўнини йўл-йўлакай кийганча чиқиб келди. У уйқудан янги турган кишидек хомуш эди. Бутун фикри-зикри ҳали ҳам ўқиётган китобида ва онасининг сўзи диққатини тортмаган бўлса керак, бепарвогина чиқиб, Жаннатнинг айвон четида юзини чанглаб ётганини кўриши билан ҳушёр тортди, кўзи чараклаб, қадамини тезлатди:

— Нима гап? Бирор хафа қилдими?

— Айб сиздамас, менда! Мен ўлгурда, мен баҳти қарода! — деди ўкириб Жаннат ва юзини кўрпачага босди. Содиқ гап нима тўғрисида бораётганига тушунди, хотинининг титраган елкасидан тутди, далда берди... Уларнинг бу ҳаракатини дунё ташвишларидан ҳали бехабар Қодир узоқдан ҳайрон кузатиб турарди. Үнинг шодликла-ри қандай тўсатдан бошланган бўлса, худди шундай бир тарзда тамом бўлди. Азизанинг эшик тубида туришини кўз олдига келтирган эди, кўнглини шодлик эмас, ташвишнамо қайғу босди. Қайғу умидсизликка етаклади...

— Ҳай, жон болам, сен китобга мунақа мукка тушаверсанг ётиб қоласан. Ухла, вақт алламаҳал бўлди, — деди бир ухлаб турса, ҳалигача ўтирган ўғлига Адолат хола. Үғли Қодир:

— Ҳўп, ойижон, ҳозир, — деди-ю, жойидан қўзғалмади. Лекин бу жавобдан қаноат ҳосил қилган бечора она, нариги ёнбошига ағдарилиб, кўзини юмди. Салдан кейин унинг «киффа-пиш» деган майин хурраги эшигилди.

Аслида Қодир дарс тайёрлаётгани йўқ, минг бир азоб билан Азизага хат ёзаётган эди. Қиз болага хат ёзишнинг бунчалик қийин эканини у умрида биринчи марта тасаввур этарди. Нима деса ҳам кўнглидаги қоғозга тушмай қолаётганга ўхшайди, нимасидир етмайди, нимасидир чатоқ. Бошлишининг ўзига қанча вақт кетди: «Севгилим» десинми, ёки «Хурматли Азизахон!» деб мурожаат қилсинми? Ўқиган китобларини эслади: бирортасида андаза олгудек намуна йўқ. Деярли ҳаммасида муҳаббат бор, лекин ҳеч биттаси хат ёзмабди. Демак, хат ёзмаслик керак экан-да! Мен ёзсан кулги бўлмасмикин? Эҳтимол, улар мендан кўра журъатли ва улдабурон бўлишгандир. Йўқ, мен ёзаман. Ёзмасам бу гапларни тилим билан айтотмайман, айтиб ҳам бўлмайди.

Адолат хола бир уйқуни олиб, ўғлини ётишга даъват этганда Қодирнинг хати ҳали ярмига ҳам бормаган эди.

5. ҮГРИ МУШУК

Мирсалим қуюқ хайрлашиб чиқиб кетгач, Жаннат эшикни зарда қилгандек тарсиллатиб ёпди. Эрига деди:

— Бир очилиб ёққан ҳаводан, бир кулиб боққан одамдан қўрқ деган. Мана шу ошнангиз яхши одаммас.

— Нега менинг ошнам бўларкан? — ҳазилга олди Содиқ. У хотинининг хафа бўлишига асос кўрмас эди.

— Ахир сизнинг олдингизга келади-да.

— Сенинг ҳам...

Жаннат энсаси қотгандек индамай қўя қолди. Жаннатлар кўчиб келган куни Мирсалим Содиқ билан станцияга машина олиб чиққан, куйиб-пишиб кўмаклашган эди. Ана шу биринчи кўришдаёқ жибилажибонга ўхшаган бу тиниб-тинчимас одам Жаннатнинг кўзига эски таниш, ҳар кўрганда ғашини келтирадиган танишдек кўринди. Шу-шу уни иқи севмайди. Эшикда кўринди дегунча таъби хира бўлади, сўзлаб турган бўлса сўзи оғзида қолади, юзидан кулгиси қочади. Содиқ шунда:

— Ҳа, бунча? Сенга бир нарса деяётгани йўқ-ку? — деб тегишади. Жаннат ростига кўчади:

— Үзим ҳам билмайман, нега бунақа бўламан. Үгри мушукка ўхшайди.

— Сенинг ниманғни ўғирлайди, тентак! — кулди Содиқ.

— Билмасам... — ўз фикрини исбот қилолмай бўшаши Жаннат. Лекин, барибир, кўнглида қори эриса ҳам музи қолади.

Содиқ ҳам Мирсалимнинг талай нуқсонларини кўради, «нуқсонсиз одам борми?» деган ақида билан парво қилмайди. Ундан кейин, кишининг узатган қўлини сабабсиз қандай қилиб қайтаради. Мирсалим ана шу қўл, бу улкан шаҳарга «мусоғир бўлиб» келганда илк марта дўстона узатйлган қўл. Бунинг устига, Мирсалимдан яхшиликтан бошқа нарса кўргани йўқ. Ҳатто «Домовая книжка»дан ўтишдек серқатнов ишга ҳам Содиқнинг қўлини урдирмади, «сизнинг ишинги эмас бу», деди, икки кунда тўғрилатиб келди. Шундай одамни «менинга келма, хотиним ёқтиримайди сени» деб бўладими? Бунинг устига, у билан ўтиrsa ҳар бир жонда бўладиган турмуш ташвишидан қутулганга ўхшайди, енгил тортади. Мирсалим, мактаб илмий мудири айтгандек, «бутун шаҳарни билади, ярми ё дўсти, ё қариндоши» эди. Содиқ етти ухлаб тушига кирмайдиган қизиқ гапларни ундан эшитади.

Мирсалим бўлса Содиқнинг мавқеи қанча ошса, шунча яқинроқ суйкаларди. Дарси бирор соат олдин тугаб қолса, бир нарсани баҳона қилиб айланниб юрар, кейин Содиқ билан бирга узун-қисқа бўлиб чиқиб кетарди. Унинг феълини биладиган ҳазилкашларидан бири «Мирсалим ака сирғанса оёқ тираб қолишга жой тайёрлаяпти!» деса, бошқаси «йўқ, соябон дегин, ёзда кундан, қишида ёғиндан асрайди», деб кулгига оларди. Тажрибали бошқа бирори нечукдир, кулгига қўшилмайди, «сохиро бахайр бўлсин, ишқилиб», дея салмоқларди.

Бугун ҳам Мирсалим ўралашиб, кетолмай қолди. Содиқ дарсдан чиқиб, бўр юққан қўлини ювар экан, қошига борди:

— Қалхатни боплабсиз-ку! — деди. Содиқ бошида тушумнади, кейин мамнун илжайди:

— Бекорчиликка эрмак.

— Эрмагингиз шунаقا бўлса, астойдил ҳаракат қиласангиз арслоннинг ҳам терисига сомон тиқар экан-сиз-да. Жуда боплабсиз. Худди тиригининг ўзи-я!

— Сомон тиқиши қўлинииздан келади,— кулги билан жавоб қилди Содиқ. Иккиси қотиб кулишди. Айниқса

Мирсалимни баланд чиқди — деразада ўтирган муси-
ча ҳуркиб учди.

Гап Содиқнинг зоология кабинетига ясаб берган кал-
хат чучелоси ҳақида борарди. Содиқ бундан бир неча
кун аввал овга чиққан эди. Ҳеч нарса йўлиқмади. Қуруқ
кетмай, деб калхатга ўқ узди. Калхат ҳам «мен сенга
керакми?» дегандек шалоплаб шундоқ оёғи остига туш-
ди. Ўқ қаерига текканига қизиқиб қўлига олди. У ёқ-бу
ёғини қаради, дарров тополмади, лекин қўлига қон юқди.
Ўқ шундай теккан эдикি, тажрибали овчи Содиқни ҳай-
рон қолдирди. Гарчанд шундан кейин-бир неча тустовуқ
отган бўлса ҳам калхатни ташламади. Хотини Жаннат-
га кўрсатиб мақтанди. Чивиндай ўқ заррасидан ҳалок
бўлган, териси бутун калхат Содиқни яна бир фикрга
олиб келди: чучело қилиб мактаб зоология кабинетига
қўйса нима қилади? Ахир қўлидан келади-ку!

Худди шундай қилди.

Мирсалим Содиқ билан бошлашиб кўчага чиққач,
мақсадга кўчди:

— Хўп десангиз, бир жойга борардик. Сизни менга
тайинлаган.

— Қанақа жой?

— Боргандা биласиз! — Мирсалим чап кўзини қочи-
риқли қисиб қўйди. — Кўнглиңгизга яна бошқа гап кел-
масин, ҳаммаси ҳамкасабалар.

— Кимники, айтинг-чи аввал?

Мирсалим Содиқнинг иккилашганини пайқаб, отини
қамчилаб қолди. Қаерда ва кимники эканини бутун таф-
силоти билан тушунтирди, ўз одатича, бир озгира қў-
шиб-чатди:

— Ёмон бўлмайди, мамнун қайтасиз. Мен сизни но-
жўя ерга бошлармидим. — Ўз дўстлигини писандга ҳам
қилиб қўйган Мирсалим то Содиқ розилигини бергуни-
ча отини суриб борди.

— Хотинлар ҳам борадими? — аниқламоқчи бўлди
Содиқ. Мирсалим бу томонини ўйламаганидан шошин-
қираб қолди. У хотини билан бошлашиб юришни яхши
кўрмаса ҳам эл-юртдан кетда қолмай деб, «хўжакўр-
син»га баъзан етаклаб қоларди. Бугун-ку, хаёлига ҳам
келирмаган эди. Шундай бўлса ҳам тадбирини қилди:

— Олиб борсак бўлади, ўзи ҳам «оиланглар билан»
деган. Аммо «слекиш»и бор...

Содиқ тушунмади.

— Ўғланинг беш ёшга кириш ақидаси... Жаннатхонга қандай бўлар экан... Майли, олиб бора қолинг.

— Йўқ, нотаниш жой. Жаннат ҳам кўймайди.

Содиқ «тош тушган ерига оғир» деб ўйлади-да, қаттиқ туриб олди, кўймади. Лекин уйига келиб, кундалик газеталарни кўздан кечиргунча бўлмай, эшик тақиллаб қолди. Чиқса, ёшгина бир йигит. Унга хат узатди. Хат район маорифининг мудиридан бўлиб, мудир уни Мирсалим таклиф қилган хонадондан ёзган, унинг шу йигитча билан бирга келишини илтимос этган. Мудирнинг имзоси ёнига уй хўжаси ҳам «рад этмаслигингизга ишонамиз» деб имзо чеккан эди. Содиқ ҳайрон бўлиб қолди. Буни Мирсалим уюштирганини тушунди. Энди нима деб боради? Бормаса менсимаган бўлади. Борай деса, Жаннатга: «Овқатингни барвақтроқ қил, паркка чиқамиз»,— деб қўйган. Бир оа ўйлаб тургач, жавоб кутиб турган йигитчага ҳозир!» деди-ю, ичкарига кириб кетди. Жаннатга хатни кўрсатди.

— Боринг. Бормасангиз уят бўлар,— деди Жаннат.

— Парк-чи?— Содиқ «сен ҳам борасаими?» дейишга, Мирсалимнинг бояги сўзини эслаб, ботнимади.

— Парк бўлса, бошқа вақтда чиқармиз.

Хотинидан истиҳола қилиб турган Содиқ енгил тортиди, тезгина кийиниб чиқди. Эрининг кишиликка киядиган шимини чўткалаётган Жаннат оғзига тахир нарса чиқиб қолгандек юзини буриштириб деди:

— Ҳойнаҳой Мирсалим ака ҳам бўлар... Кўп ичманг!

Содиқ келганда жамоат жам эди. Қаршисига илк қанот ёзиб пешвоз чиқсан киши яна Мирсалим бўлди. Кўпдан кўришмаган кишидек қўлинни олиб, кейин бошқалар билан таништириди. Еннidan жой берди. Бир оадан кейин ўрта ёшлардаги ва ҳаётда ўзини тутиб олган уй бекаси ошхонадан очиқ юз билан чиқиб келиб, миннатдорчилик билдириди:

— Раҳмат! Сўзимизни ерда колдирмабсиз. Келин қани? Эй, аттанг! Шу баҳона билан танишиб олардик. Янаги галга қолибди-да, ҳа, майли! Майли! Мушарраф! Меҳмонга қара!

Содиқ бир ёнида ўтирган аёлга энди разм солди. Ўзномини эшитган қўшниси сиполик билан унинг олдига турли таомларни яқин сурган бўлди, таклиф этди.

— Олинг, Содиқ ака, сиз кеч келдингиз,— деди. Мирсалим ароқ қўйиб узатди:

— Штэрфи билан.

Содиқ Мирсалимнинг сўзини эшитмади. Унинг хаёлини ёнидаги қиз — Мушаррафнинг «Содиқ ақал» дегани тортган эди. «Бу қиз менинг отимни қаёқдан билади?» деган ўйга бориб, ўзидан сўради.

— Шунаقا дейишяпти-ку! Ё исмингиз бошқами?— деди Мушарраф ва исмини янгилик айтиб қўйган кишидек қип-қизаридек кетди, кўзини олиб қочди.

— Йўқ, тўғри!— деди Содиқ уни хижолатдан чиқармоқчи бўлиб, лекин шу оснода Мирсалим тутган ароқ тўла рюмкани қанақа қилиб қўлига олиб қўйганини билмади.

— Оқ урасиз!— деди Мирсалим нимадандир жуда мамнун бўлиб.

Содиқ чумоли уясига тушиб қолтан пашшага ўхшарди: улкан балх тут остида безатилган дастурхон атрофида ўн беш чоғлиқ эркак-хотин аралаш ўтиришибди, ҳамманинг кўзи унда. Содиқ узр айтар, бошқалар эса қистар эди. Унинг кам ичишини билган Мирсалим ҳам ёнига тушмас, аксинча, «кўзингизни юмиб, битта симирсангиз, вассалом!» деб қорашақшақдек шақиллаб турарди, бир қўлида закуска. Чорасиз қолган Содиқ бир симириди-ю, ҳаммага teng бўлди-олди, янги келганини, кишиларнинг унга тикилаётганини унудди. Кейин кўп қатори яна бир-икки ҳўплади. Ҳеч ким ортиқча маст бўлмаса ҳам, ғовур-ғувур авжиди эди. Бу маҳалларда энди расм бўлган патефон Тамараҳонимнинг «Рўмалим» ашуласини янгратганда ҳамма жим бўлиб қолди. Фақат уй эгасининг эри сал кайфи ошиб, бу пластинка-ни Москвадан олиб келиш тарихини эзмалик билан қўшнисига тушунтиради.

Содиқ сұхбатнинг боришидан билдики, бу бежирим ҳовли елиб-югуриб хизмат қилиб турган ўрта ёшли, удабурон ўқитувчи Собираҳонники. Беш ёшга кирган ҳам унинг ўғли. Эри уч йил аввал ичкуёв бўлиб кирган. Иккинчи эр. Қаердадир гаражда ишлайди.

Содиқ гоҳ қаршисидаги, гоҳ ёнидагилар билан гаплашиб ўтирди. Ёнида ўтирган Мушаррафнинг ўта сиполиги унинг диққатини тортди: шунча зўрлашса ҳам оғзига олмади. Лимонадга қўшиб вино узатишган эди, билиб қолди. Қандай билганига Содиқ ҳайрон бўлди. У жуда зийрак эди. Баъзан ўринидан чаққон туриб уй бекасига қарашди, «опа! опа!» деб ундан нималарнидир

сұради. «Опа» тұладан келган, юз-күзи ҳали күркниң йүқтамаган думалоқ юзли жувон. Мушарраф бұлса, акси — юзи ориқ ва узунчоқ. Фақат лаби устидаги холи ҳуснини очиб туради. Лекин Содиқ Мушаррафини ориқ деб, хато фикр юритганини ўйин бошланғанда билиб, лабини тишлади. Биринчи бұлиб ўйин бошлаб берган Собирахон ҳовлини бир айланиб келиб Мушаррафини ушлади. То уни күндиргүнча, патефон пластинкани қалиб бўлди. Собирахон югуриб бориб, пластинкани қайта қўйиб келди-да, Мушаррафини тортқиллади:

— Тур, оповси, бу ерда бегона йўқ, ҳаммаси ўзимизники.

Содиқ Мушаррафнинг нималигини ана шунда кўрди. Кўрди-ю, кишининг юзи қанчалик алдамчи эканига тан берди.

Шундай қизлар бўладики, юзларига қарасангиз, чуваккина кўринади, оёқлари чиллак оёқ бўлса керак, деб гумон қиласиз, ортиқча қизинқмайсиз. Кейин бир маҳал кутмаганда қадди-қоматига кўзингиз тушиб қолади. Қомати шундай чиройли, келишган бўладики, ўз кўзингизга ишонмайсиз. Шундай келишган қадди-қомат ориқ юзли қизники эканига шубҳа қиласиз, пайт пойлаб юзига қарайсиз. Йўқ, ўшанинг ўзи! Ана шунда у янгича ҳусн кашф этади, латофат пайдо қиласди.

Мушарраф худди шундай қизлардан эди. Буни ўзи яхши билар, керак жойда келишган қадди-қоматини на-мойиш қила оларди. Мушарраф ёлғиз қадди-қомати билан эмас, лаби устидаги кичик — мошдек тимсиёҳ холи билан ҳам фахрланарди. Унинг унча чиройли бўлмаган юзини очиб турган ҳусн калити шу хол эканини биларди. Уни яна ҳам қорароқ қилиб кўрсатиш учун баъзизда икки қатор инжудек оппоқ тишларини кўрсатиб, табассум қиласди.

Мушаррафнинг ёшини аниқлаш қийин эди: йигирмада деса ҳам бўлади, ўттизда ҳам. Йигирма десанг — ихчам юз бичими, бу юзга ярашиб тушган қора ҳол қафиллик беради, ўттизда десангиз — бўйнига тушган сезилар-сезилмас майда ажин ва кўзининг остидаги сўлғинлик гувоҳликка ўтади.

Уялиб, тортиниб ўртага тушган Мушарраф, гарчанд астойдил ўйнамаётган бўлса ҳам, гоҳ-гоҳ мақомга тушиб қолаётган қўл ташлаши ёки бош қимирлатниши

унинг яхши ўйинчилигидан далолат бериб турарди. Буни Собира опа луқма ташлаб тасдиқлади:

— Ёзилиб ўйнай бер, синглим!

Барибир Мушарраф ёзилиб ўйнамади. Музика охирiga етиб қолганда тўрда, маориф мудирининг ёнида ўтирган чиройли жувонни тутди. «Вой ўлмасам!» деб ўзини олиб қочган бу кўркам жувон қий-чувдан кейин ўртага тушишга мажбур бўлди. Ўзинни қийнб ташлади. Лекин унинг ўзини Содиқнинг кўзига Мушаррафнинг муҳомбираона қўл ташлашидек чиройли кўринимади. Бу чиройли жувонининг мақомида ҳаммаси ошкор, ҳаммаси эл кўзида. Мушаррафникида эса, нимадир яшириқ, нимадир сирли, нимасидир ўзига тортиб, юракни жизиллатиб турарди.

Содиқ ўзинчи жувондан кўзини олиб, Мушаррафга разм солди. У хомуш ва сипо ўтиради. «Унинг ўтириши ҳам ўзгача», деб қўйди кўнглида. Бир маҳал иккаласининг кўзи учрашиб қолди. Мушарраф яна ўшандай сиполик билан олиб қочди, уялгандек қимтиниб қўйди. «Буниси ҳам ўзига ярашади», деди ичиди Содиқ.

Унинг бутун ҳаракатларини Мирсалим зимидан кузатиб турарди. Содиқнинг Мушаррафга маҳлиёлиги пайтида:

— Ҳа, Содиқжон, чапакни олинг!— деб унинг тиззасига шапатилаб туширди. Бу билан «қўймайсиз, иним» демоқчи, ўзининг сезиб турганини билдириб қўймоқчи эди.

Содиқ бу луқмадан хижолат тортиб, қулоғигача қизарив кетди. Мушарраф эса, ўтирган ўрнидан ҳеч нарса билмаган кишидек оғир туриб, орқа томонга ўтиб кетди...

Знёфатдан қайтиб келаётганда Мирсалим кайфи бор кишидек тусмоллаб, Содиқнинг қўйнига қўл солди:

— Қалай, Мушаррафнинг ўзини ёқдими?

— Ким ўзи?

— Яқинда келган. Ўқишда экан.

— Нимадан дарс беради?

— Собирахоннинг мактабида кутубхоначи. Боодоб жувон дейишади!

— Жувон бўлса эр қилган экан-да!— кутилмаганда чапани ҳазимл қилди Содиқ.

— Шу ёшгача эр қилмай ўлдими! Йигирма бешларга бориб қолгандир.

— Ҳа, боргандир.

Сүхбат узилди. Қаршидаги новча терак учидаги катта ёруғ юлдуз ҳали-замон ерга шўнгигб кетадигандек пирпираб чарақлайди. Узоқдаги шаршаракнинг овози, баргларнинг шилдираши бемалол эштилади. Юмшоқ тун киши хаёлини олиб қочгудек сокин. Содиқ бунаقا тунин умрида биринчи марта кўраётгандек, ёки эртага такрорланиши асло мумкин бўлмагандек яйраб-яйраб нафас олар, узоқ-узоқларга назар ташлар, атрофига сукланниб боқар эди. Бўғилгандек ёқасининг тугмасини ечди, кўкрагини очди.

— Ажойиб тун,— деди Содиқ.

— Жуда! Бунақаси кам бўлади!

Содиқ индамади, яна ўз ўйига банд бўлиб кетди. Мирсалим зимдан кузатиб борарди: «Содиқ бугун кўп ичиниб қўйиб ё қаттиқ чарчади, ё Мушаррафга кўнгли сув ичди». Унга шу кейингиси керак эди. У ўсмоқчилади:

— Собирахоннинг мактабини биласиз-а, анҳорнинг париги бетида.

— Кўрганман. Яхши спорт зали бор.

— Кутубхонаси ҳам яхши,— мийигида кулди Мирсалим. Содиқ бу қочириқни фаҳмламади.

— Бўлса бордир.

Бугунги зиёфатдан Содиқда ширин бир таассурот қолган эди. Ана шу тотли таассурот оғушида мамнун келиб, эшигининг зулфини қоқди. Лекин нима учундир уйга киргиси келмас, орқага қайтиб кетгиси, кенг далаларда кўкрагини очиб, бор товуши билан ашула айтиб юргиси келарди.

— Бунча шу вақтгача қолиб кетмасангиз. Зиёфат қуюқ бўлди шекилли,— деди Жаннат эшикни очаётиди.

Унинг қулоғига Жаннатнинг товуши умрида биринчи марта қандайдир дўриллаб, хунук эштилди.

«Нега шу вақтгача буни пайқамагап эканман?»— деди ечиниб, ўрнига кирап экан.

6. ИККИ ДИЛЛИ ВА ИККИ ТИЛЛИ ОДАМ

Собирахон зиёфатга таклиф этар экан, Мирсалим:

— Мушаррафхон, албатта, бўлса керак?— деб сўради. Чунки уларнинг «опа-сингил» эканини яхши билар-

ди. Бу күтилмаган саволдан Собирахон ҳайрон қолди. Мирсалимнинг навбатдаги ҳазили деб, тегиши:

— Нима бало, жигарингиздан урдими?

— Урса арзимабмиэмий!

— Арзийсиз, ундан ҳам ёшроғига арзийсиз? Мўйчинакка жабр бўлади холос, гоҳ оқини, гоҳ қорасини тера-вериб.

— Бўяймиз-қўямыз, вассалом!— Мирсалим бўйинни ичига олиб қаҳ-қаҳлаб кулди.

Мирсалим Мушаррафни суриштирганда маълум режани кўнглидан ўтказиб қўйган эди.

Содиқ янги кўчиб келган кезлари уларнинг боласи йўқлигидан Мирсалим ажабланмади. Бир қизга кўнгли тўлмай, ўғил армонида ёниб юрган Мирсалим «дунёда ўзидан ҳам бахти қора, худонинг қаҳрига учраган кишинлар» борлигини кўриб, шукур қилди. «Яхши куёв кўрсам, шу ўғлим-да!»— деб ўзига тасалли берди.

Лекин Мирсалим бир нарсага тушунмас эди: армон билан ўртаниб ётган бу бефарзанд оила нега бунчалик тинч-тотув яшайди? Бу тинч-тотувлик Мирсалимнинг кўзига ғайри-табиний кўриниб ғашини ҳам келтирарди. Бирор ёнган оловда исинишга мойиллик Мирсалимнинг табиатида бор. Лекин буни у яхшиликнинг елкаси оша қиласади.

Мирсалим аввалига бу «мусоғир онла» билан алоқани пухталади. Меҳмонга айтиб, меҳмонга борди. Меҳмонга боришида хотинига нимта қилиб бериб, ўзи бир жуфт конъякни қофозга ўради. Бу билан хотини кеккаши, ўзи мағурланиши керак эди. Дастурхон устида ўзининг бахтиёрлигини яна бир марта намойиш қилиш учун атайнин бола-чақадан сўз очди:

— Қиз бўлса ҳам бори яхши экан. Мана бизнинг қизимиз онасининг ёнига кириб қолди, уйда бўлса қўлини совуқ сувга урдирмайди.

Мирсалимнинг таҳминига кўра, Жаннат қаттиқ ўқиши, ўзининг бахтсизлигидан нолиши, шу билан Мирсалимнинг ғайир кўнглига ором бериши керак эди. Бундай бўлиб чиқмади. Жаннат, кўчадиган яра кучиб бўлган, ҳар нарсага тегиб зирилламайдиган бўлган бир тарэда гапга аралашди, меҳмоннинг иззатини сақлади:

— Қизздир, ўғилдир, бўлгани яхши. Ҳозирги пайтда ўғил ёққан чироқни қиз ҳам ёқади. Қизинлар яхши, кўриб ҳавасим келди.

— Ўқишини айтмайсизми! Нуқул беш. Тўрт олган куни биз айбдордек қовоқ-димоғидан қор ёғади, овқат унут, то саҳар чироги ўчмайди. Қайта топширади-ю, кўнглига кун тушади.

— Ҳа, айланай, бўладиган бола шунаقا бўлади. Чирогини ўчиранг, ойдинга солиб китоб кўради. Менинг Қодирим ҳам шунаقا.— Гапга аралашди «Жонболам хола».

Мирсалим яна «олтин қоп»нинг оғзини очиб, мақтанишга тушган эди, хотини стол остидан оёғини босди. «Бас, калга ўхшаб олтин тарогингизни мақтайверманг!»

Мирсалимнинг хотинига Жаннат ёқиб қолган эди: оғир-вазмин, рўзгор тутиши режали, гап-сўзи маъноли. Шунинг учун эрининг ўтмас болтага кунда тушира бериши фашини келтирди

Мирсалим бўлса, «кўриб қўй, мана бунаقا мушфиқ оиласлар ҳам бор дунёда!» демоқчи, бу билан ҳамиша «ҳаётидан нолийдиган» хотинига ўз баҳтиёр турмушини таъкидлаб, миннатдор қилмоқчи эди. Лекин акси бўлиб чиқди. Хотинининг бу оиласга меҳри ошиб, ҳаваси келиб қайтди:

— Мунча аҳил! Бир-бирига муомалаларини кўринг. Боласизлик демаса... Сиз бўлсангиз... сўзингизнинг боши отамнинг гўри...

Мирсалим «ҳақиқатни тушунмаган» хотинидан куфури ошиб кетди:

— Эй лаънати, қачон сенга ақл битади, бу аҳиллик эмас, ғарибу бенаволик.

Мирсалимнинг иккита тили бор эди: бири кўчага, бири уйга. Ҳозир шу кейинги тили билан гапирмоқда эди. Бу тилнинг бир томчиси бир чеълак сувни заҳарлашга етарди.

Содиқникида ипакларга ўраб пуф-пуфлаб кўкка кўтарилган қизи Мирсалим ўғил кутганда туғилган фарзанд эди. Бувиси раҳматли бераҳм ўғлига ўчакишиб, «қизим азизу мукаффара муборизи!» деб, исмини Азиза қўйган эди. Ширин кулиб, шўх талпинадиган бўлгунча Мирсалим уни қўлига олмади.

— Ҳой, бемеҳр дадаси, қўлингизга бир мартагина олсангиз-чи, талпинишини кўринг. Ўйингизга этагимда олиб келмаганман-ку!

Мирсалим оғирлик билан «бас!» дегандек хўмраярди. Болани қўлига оларди. Дунё ташвишидан бехабар

бала гурунч доналаридек қўшалоқ тишиларини кўрсатиб, қиқ-қиқлаб кулар, дадасининг бино қўйиб, таралган мўйлабини юлиб олмоқчи бўларди.

— Бунинг ҳалитдан эркакнинг мўйлабига чанг солади... — деди Мирсалим кулиб. Унинг сўзи тугамасдан хотини илиб кетди:

— Ҳа, бўлмаса кўзига чапг солсинми?!

Мирсалим хотинининг устомонлигини тан олди. Хотини ўзи чеккан жафоларига ишора қилган эди.

— Ҳа, ўл! Сенга тилдан берган.

— Тилим бору йўлим йўқ. Остонада сиз турибсан!

«Хотинни бошидан, болани ёшидан кут!» деган ақидага итоат қилиб яшаган Мирсалим хотинини инқилобдан кейин сочиндан бураб, ҳовлида судраб юриб урмаса ҳам, ё пичоқни қайратгани, ёки болтага соп солдиргани югурмаса ҳам зуғумини сусайтиргади, зулмнинг ўрнини ўзгартирди, холос. Урнига кирганда тонг отгунча йиглатади, сирдош кишилар олдида жеркиб, силтаб ташлар, бегона олдида хўмрайиб «ҳали сен тўхтаб тур!» дея давомини кечаснга қолдиради. Шундай қилиб, хотинини қайриб олди, шохини букди. Бунинг устига хотинининг тили қисиқ ери бор эди. Азизадан олдин кўрган қизи ёшига етмай ўлган бўлса, ундан кейин кўрган иккала қизи ҳам нобуд бўлди. Биттаси ўлик тушган бўлса, биттасини эди «ойн»га тили келганда қизамиқ еди. Кейин боладан қолди. Боладан қолишида ўзидан кўра ҳам, аслида Мирсалим айборд эди. Инқилобдан кейин НЭП даврида, унинг ўз тили билан айтганда, «савдо-сотиққа эркинлик» берилган йиллари Мирсалимнинг ошиғи олчи туриб, теридан бит семириб қолди. У чўнтағида ҳам, бу чўнтағида ҳам жиринг-жиринг пул. Тили бурро, қадами тез. У «ҳой» деса, икки-уч киши бирдан «лаббай» дейди. Ана шуinda у босар-тусарини билмай қолди. Бир ҳамсоя дўкондор ўртоғиникида бир конъяқ иҷди-ю, мазаси оғзида қолди. Унга хуруж қилди. Конъяқ эса бузук хотинларга олиб борди. Олдинга жуда ширин туюлган бу ҳаром бир куни уни қон қақшатди. Бу касални у бир ой қўшини шаҳардаги ўртоғиникида «меҳмон»га бориб ётиб, зўрга пулнинг зўри билан даволаб олди. Бу спринт ўзи-ю, у билан бирга оғриған бир ўртоғи биларди. Ўртоғи шу касалдан ўлиб кетди. Мирсалимнинг эса, бу касал пуштини куйдириб юборди. Шундан кейин ҳам Мирсалим хотининга ён босмади, аксинча, уни қизғанадиган

бўлиб қолди, аввалига ёри бўлгани учун кутса, энди бегонага кунчлик қилди, «деразангни кўчага очиб берайми!» деб ўдағайлади.

Савдо-сотиқ тўс-тўполони босилиши билан Мирсалим зийраклик қилиб, муаллимликка урди. Бундан аввал ҳам бу соҳага бош суққан, фамилиясининг охирига «ий» қўшиб, афандилик қилган эди. Энди фамилиясининг сўнгига «ов» қўшди. Эски танишларидан биронтаси «Мирзоҳидий» деб қолса, «қолоқсиз, даврдан кетда судралиб юрасиз» деб кулади. Ўзи ҳам сипо тортиб, ишқи-лоб бўлиши биланоқ «маърифат йўлига жон бағишлаган илғор муаллим»дек зиёли тўнига кирди. «Мутолаага вақт кам қолаётганини» пеш қилиб, кўп дарс олмади. «Илм тоғдаги дўлана эмас, ўзи гуллаб, ўзи пишса, у анжир. Парвариш талаб этади»,— деди. Аслида пинҳона савдо билан шуғулланарди. Савдодан келган фойдани она сутидан ҳалол кўрарди.

Мана шу йиллардан бошлаб уйнга ҳам ислоҳ киритди. Шаҳарнинг анави томонидаги кичик ички-ташқи ота ҳовлисини ворислар билан ими-жимида бир ёқлик қилди. «Мен меросга мұхтож эмасман, ота-онам арвоҳи бетинч бўлмасин, шу эзгу иш қиёматга қолмасин, деб қўл урдим»,— деди ворисларга ва мероснинг карт думбасини шарт кесиб кетди. Шаҳарнинг ҳозир турган еридан жой қилди. Ёниқ қозон ёниқлигича қолди. «Савдо-сотиқ эркинлиги»да орттирилган давлат латтага ўраб, пўлат кутичада уйнинг тахмони остига тайинлик қилиб кўмилди. Бу «кўргуликлар»га хотини сабабчидек, унинг енгидан тортиб келиб, ғазаб аралаш деди:

— Кўриб қўй, лаънати, иссиқ жонман... Мендан кеинин тўрва осиб қўчага чиқсанлар шу бўлмаса!

— Ҳа, мунча! Аввал сиз ўлasisими, менми? Миннат қилмай гапиринг!

— Миннат эмас, кўриб қўй дейман!

— Ҳа, кўрдим!

— Ҳеч миннатдор бўлмас экан-да, бу хотин зоти!

— Худо хайрингизни берсин, битта мен учун бўлса...

Ҳеч ким очидан ўлаётгани йўқ.

— Товуқ бўлиб гўнг титасанми?

— Юрт-эл нима бўлса шу!

— Қизинг-чи! Бошида бир тутам сочи-ю, оғзида ўттиз иккита тиши билан бирорникига кириб борадими?

— Пешонаспидагини күради! Олтин ўрага солгандан күра, олтин баҳтини сўранг.

Мирсалим қаҳ-қаҳ уриб кулди:

— Бахт — пул-да, жинни! Биласанми, пул нима? Кишиларнинг сёғи тагидаги пружина, сакратиб юргизади. Пули бор фармон билан, пули йўқ армон билан яшайди.

Мирсалим хотинининг эски паранжисини эл кўзи олдида барадла куйдирив ташлаган бўлса ҳам, сандиқдаги қўш банорас паранжини шамоллаттириб туради. Хотинини тежаб кўчага чиқаради. Унинг ўз сиёсати бор: бир иш қилгудек бўлса олдинга ҳам ўтиб кетмас, энг кейинда ҳам қолмас эди. Олдинга ўтиб кетса, «эскилик тарафдорлари»дан, кетда қолса замон зарбидан қўрқарди. Хотинининг паранжи ташлаши, саводсизлар курсига чиқиб ўқиши шу «сиёсат»га амал қилиб олиб борилди. Табиатан қувноқ ва ўйинқароқ, тили бурро ва чаққон хотини давр билан қадам ташлашни истар, баъзан эридан шуни талаб қиларди. Шунда Мирсалим жеркиб соларди:

— Нима, этагингда менга ўғил олиб келмоқчимисан?

— Ҳамма кўчада юрганлар этагида бола олиб келяптими? Уялинг!

— Олиб келаётган бўлса сен қаёқдан биласан?

— Биламан: кўзим кўр, қулогим кар эмас. Бино қўйганингизнинг биттаси Мулла Нормат эди. Хотини фаришта, кўча бетини кўрмайди, тўпигидан юқорисини оврат тутиб жиякли иштон кияди, дердингиз. Охири нима бўлиб чиқди. Яхши кўрган йигити билан қочиб кетди.. Ҳа, айтгандай, қиличдек ўтил туғиб олибди.

— Ҳаром! — деди бу мушкулот ўз бошига тушгандек Мирсалим.

— Ўз ота-онасига ҳалол. Сизнинг қизингизга совчи қўяётгани йўқ.

— Бир ками шу эди! Уял ёлғиз қизингни шунақаларга тенг кўргани.

Хотини эҳтиётсизлигидан лабинни тишлади: у, албатта, кўзининг оқу қораси, биттаю битта қизини шундай жойга келин бўлишини истамас эди!

Мирсалим яқингинағача хотинини бир қариндошидан қизғанарди. Рашки келди дегунча ё пичоқни қайратгани, ёки болтага соп солдиргани югуради. Ўзи эса ўл-

гудек суюқ, ўз хотинидан кўра бегонага кўпроқ кулиб боқарди. Бир йили томоғидан илниди-ю, кейин нафаси ичига тушиб кетди. Бу бир бегона хотиннинг унга ёзган хати эди.

Эр хўрлигини тоза тортган хотиннинг қўлига бу хат тушгач, Мирсалим ўтиргани жой тополмай қолди. Бисотидаги бутун сўз санъатини ишлатиб, хотиннинг оёғига йиқилди, ўн қатор йирик марварид олиб беришга ваъда берди, қўлига кузур чиққан ўйинчидек хотини бўш келмас эди.

— Иўқ, олтии косадан қон иҷадиган бўлса, менга унинг кераги йўқ. Улар бўлсам ўлдим. Ҳозир мактабинизга олиб бораман, ҳаммага жар соламан. Кўрсин! Билсин! Бу юмшоқсупургининг қанақа найранглари бор! Дод, бу кўча хандон, уй зинданнинг дастидан! Ҳаромдан қайтмайди-ю, яна пинҳон намоз ўқиганига ўлайми! Бу қандай бедодлик, қизиннинг бўйи етиб келяпти-ю, отаси ўйнаш тутади!

Мирсалим бир энлилк этидан тушиб, бу ҳодисани аранг босди, онт ичди, кўз ёш тўқди. Лекин хотин хатни бермади, «жонинг менинг қўлимда» дегандек яшириб қўйди, у сал қуюшқондан чиқди дегунча эсига солади. Стол тагидан унинг оёғини босиш ҳуқуқини ҳам шундан кейин олган.

Бугун ҳам хотини шу ҳуқуқдан фойдаланиб, Содикникида йўрғалиб кетаётганда тизгинини тортиб — оёғини босиб қўйган, буни Мирсалим тезгина тушуниб, тилини тийган эди.

Бир ҳафтадан кейин Собирахон зиёфатга айтар экан, лоп этиб Мушарраф эсига тушди. Бунинг сабаби бор эди. Чунки Содикникига ўша кейинги боришида Жаннатнинг «ўғри мушук» деганини эшик орқасидан эшишиб қолган эди. Хотин кишининг гапидан сиркаси сув кўтармайдиган Мирсалим ичida «тўхтаб тур, сен қисирни» деб яниб, Жаннатни отгани ўқи, кўргани кўзи йўқ эди. Бирдан эсига унинг туғмаслиги тушди-ю, енгил тортгандек бўлди, гўё чигал ипнинг йўқотган учини топгандек яшнаб кетди. Мушаррафни эслади.

Мушаррафни у жамалак сочли пайтидан яхши биларди. Бу маҳалда Мирсалим фамилияси охирига «ий» қўшиб мактабда дарс берарди. Мушарраф унда ўқир эди. Ўз ҳусни ва дуркунлиги билан синфдош қизлардан лолақизғалдоқдек ажralиб турган Мушарраф Мирса-

лимнинг диққатини тортди. У пайти-пайти билан гап ташлаб юрди, сал муваффақиятни пеш қилиб, ўртоқла-ри олдида мақтади. Лекин Мушаррафнинг қулоғига эса «бу мақтovларни оқлаш керак, синглим» деди, ёрдам берди: баъзан ўқишидан кейин олиб қолиб қўшимча дарс ўтказди, унинг фазилатларини юзига айтиб миннатдор қилди.

Мушарраф эсини таниб «бир нарса»га фаҳми етади-ган бўлган кундан бошлаб, ота-онасиининг хоҳиши билан эр қилган қизлардан «мушук болага ўхшайсанлар, кимнинг этагига солворса индамай кетаверасанлар», деб кулиб юрарди. Узи ажойиб эр топиб, ҳамманинг оғзини очириб қўйишини қасд қилган эди. Унинг онаси барвақт вафот этган, отаси бошқага уйланган, инқилобдан кейинги йилларда ўз мавқеидан қўрқиб, чет элга зудлик билан қочиб кетаётгандা холаси «бу менинг қизим, болалигида эмизганман», деб олиб қолди, иссиқда елпиб, совуқда пўстинга ўраб катта қилди. Эркаксиз хонадоннинг эрка қизи талтайиб улғаймоқда эди. Мирсалим уни кўзининг остига олиб, ёмон ният билан яхшилик қилиб, қўшимча дарс бериб, пайт пойлаб юрганда Мушарраф дуркунгина қиз эди. Эрталаб туриб, ойнага қараб, ўз ҳуснининг фазилати билан қувониб, нуқсони билан ўқсиб юрган чор эди.

Мирсалим озми-кўпми Мушаррафнинг ишончига киргач, қўшимча дарсни бир куни уйнга кўчирди. Мирсалимнинг лофиғига учиб, ҳаммадан кўра яхши ўқийдиган бўлишини ният қилиб юрган Мушарраф, бу гал уннидан қон йиғлаб қайтди: Мирсалим унинг қўйинни пуч ёнғоқ-ка тўлдириб, номусига тегиб қўйган эди!

Бу ишнинг қанчалик даҳшат эканини Мушарраф Мирсалимнинг ўзини четга олиб қоча бошлаганидан кейин сезди. Чунки Мирсалимнинг «хотинимга кўнгилсизман. Уни қўйиб, сени оламан», деганлари ёлғонлиги билиниб қолган эди. Мушарраф унинг ёқасидан тутди. Ноchor қолган Мирсалим аввалига ялинди, сабр қилишини илтимос этди, ҳамма билиб кетмасин, деб уни мактабдан олиб, хотин-қизлар билим юртига киритиб қўйди, охири катта бир мукофот эвазига ёқасини унинг қўлидан қутқариб қолди. Мушаррафнинг энди рози бўлишига бошқа сабаб ҳам бор эди. Қайси бир шаҳардан келиб, квартирада туриб ўқиётган қош-кўзи қоп-қора, барваста йигитни яхши кўриб қолган эди. Йигит дутор

чаларди. Мушарраф эса, музикага ишқибоз эди, ўрганишга уқуви йўқ эди. Йигитнинг моҳирона дутор чертиши уни маҳлиё қилиб қўйган эди. Йигит бир кун «дугориимга ўйнаб бер!» деб қўймади. Мушарраф қараса бўлмайдиган. Дуторчининг кўзини шоҳи рўмолчаси билан боғлаб қўйиб, ўйнаб берди. Уз навбатида дуторчи йигит ҳам унинг кўзини боғлаб қўйиб ўпди. Ҳазил билан бошланган ўйин Мушаррафининг иккицат бўлиб қолиши билан адойи тамом бўлди. Йигит ташлаб қочмоқчи бўлган эди, этагига ёпишди. Мирсалим ўртага тушди, йигитни «бу ишинг хотин-қизлар озодлигига қарши аксил-инқилоб» деб қўрқитди. Ночор қолган йигит шаҳрига олиб кетишга мажбур бўлди. Мушарраф туғди. Қараса, барибир турмуши бўлмайдиган. Буининг устига қўшини қишлоқда йигитнинг иккита болали хотини бор экан. «Итдан бўлган қурбонликка ярамайди» деди-ю, эмизикли болани ташлаб кетаверди. Ўқишни давом эттириши энди мумкин эмас эди. Турли ерда ишлаб юрди, кейин қисқа муддатли кутубхоначилар тайёрлаш курсига кирди. Уни тугатиб, узоқ районда бир неча йил ишлади, «қор ёғди, из босилди» қилиб ўтган йили яна қайтиб келган эди. Гарчанд Мирсалимга энди даъвоси бўлмаса ҳам, барибир Мирсалим ундан ҳайиқиб юради, унинг эр қилиб, тинчиб кетишини истарди. Шу мақсадда уни Содиққа таништирган эди. Таништириш олдидан Собирахон орқали уни тоза пишитган, ҳатто ўзига бир хат ёзиб, пухталаб қўйган эди. Шусиз ҳам бу кезларда Мушарраф тавбасига таянган кишидек ўзини сипо тутиб, тақдиридан нолиб юради. Чунки бир эмас, икки бор шўхлик қилиб тили куйган, эндигисини бошлашга юрагидов бермас эди. Собирахон ийлаб юмшатган кўнгли кутмаганда Содиқдан ғойибона сув ичиб қолди. Орқаваротдан сурнштириди: у ёмон эмас, минса ҳам бўлади, олдига солиб юрса ҳам бўладиган. Ахир қачонгача бева юради, бевани туюнинг устида ит қопади...

Мирсалим Мушарраф билан иккисини қамти қилиб кўрди. Дон олишуви ёмон бўлмади. Содиқнинг кўнгли қандай? Еши улғайиб қолган одамнинг қони тез совийди. Кечаги ўтириши, суқланиши кайфники эмасмики? Йўқ, бу суҳбат — чақилган гугурт бўлди. У ўчиб қолмасидан устига тутантариқ қалаш керак, токи гуриллаб ёнсни. Тирноққа зор бўлса, ёнади! Мушаррафининг кўз сузиши ҳам ёмон бўлмади. Бир қизчалик нозу таманно-

сін бор. Содиқпінг бағрига чұғ ташлади. Бұлмаса, Содиқ, у үйнаган пайтида бунчалик маҳлиә бўлиб қолмас эди. Бундан фойдаланиб қолиш керак.

Бу режасининг ўзига нағи тегадиган томони ҳам бор. Содиқпінг қадам олиши бошқаларниң күшамас, узоққа кетадиган күринади. Ана шунда Мирсалимпінг ўтирадиган түнкаси баланд ва пухта бўлади-ку. Мабодо, фарзанд кўриб қолса борми, Мирсалимпінг бу яхшилигини то қиёмат эсдан чиқармайди!

Шуларпінг ҳаммаси Мирсалимни зуд билан ҳаралат қилишга даъват этарди. У кечиктирмади. Эртасига пайт пойлаб, Содиқни холи учратди. Гапни яна ўтиришининг ёқсан-ёқмаганлигидан бошлаб, бир учини Мушаррафтотомонга эгіб келди.

— Яхши ўтди,— деди Содиқпінг сўзини тасдиқлаб Мирсалим.— Руслардан хотин-қизлар билан бирга ўтиришни ўрганганимиз ёмон эмас. Баъзан дилинг тортганига гап ташлайсан. Умуман, мажлисга руҳ кирилади.

Содиқ нимага имо-ишора қилаётганини сезса ҳам, жавоб бермади. Мирсалим очиқ ҳужумга ўтди:

— Айниқса сизнинг ёнингиздагиси сутга чайқагандеккина эди.

— Исми нима, Мушаррафмиди?

— Ана холос, дарров кимлигини ҳам эсингиздан чиқараёздингизми? У бечора ҳаммани унугиб, сизга қошкўзини сузуб ўлди-ю, сиз бўлсангиз... Қўйинг-э, бунақа беларво муносабатда бўлманг, бечорага жабр қиласиз.

— Жабр қилмаслик учун нима қилишим керак?— деди Содиқ ҳазил қилиб.

— Бир марта «аканг айлансин!» деб сочини силаб қўясимизда, вассалом!

— Шу етадими?— яна тегишли Содиқ.

— Етмаса... яна бирор чораси топилиб қолар! Ўзи ҳам шу кунда жуда кўзга яқин бўлибди: суйса суйгундай, куйса куйгундай. Билмадим, кимпінг бахти-да!

Мирсалимпінг таҳмини тўғри чиқди. Қанча тегизиб тапирмасин, Содиқ тузук бир қаршилик кўрсатмади, кўрсатишга ҳам ожиз ўхшарди. Дадаси «ўйлантириб қўяйми, ўғлим?» деса, «ўзингиз биласиз, дадажон!» деган гўл боладай бўйинни солиб тураверди. Шундай пишиқ, кўпни кўрган кишининг дарров эгилиб келиши

Мирсалимни «бечора, бир турткыга муҳтож бўлиб юрган экан» деган фикрға келтирди. Вақт топиб уларни биринки «тасодифан» учрашиди.

Аслида Содиқнинг кўнгли Мушаррафдан сув ичиб қолган эди. Шундай бўлса ҳам оила Жаннатнинг таклифи билан кейинги кунларда фарзанд асрашга қарор қилган эди. Буни эшитиб, Мирсалимнинг капалаги учеб кетди. Энг яқин кишисини ўнгланмас хатодан қайтараёт-гандек куйиб-ёниб, исботга киришди:

— Бу ишингиз хато! Мутлақо хато! Бироннинг боласини асраш — белидан куч-қуввати кетган одамнинг иши! Худога шукур, ҳали сиз ёшсиз, пушти-камарингиз бутун, белингиз тўла бола. Донолар «етим қўзи боқсанг оғзи-бурнинг ёғ этар, етим бола асрасанг оғзи-бурнинг қон этар» деб бекорга айтмаган. Саттор бойваччанинг ҳангомасини эшитдингизми? Қизи асранди эди-да! Унашиб қўйган жойида, очилиб қолиб, куёв айнаб кетди. Минг қилганда ҳам бегона бегона-ю, ўзингники ўзингини! Бўлмаса, Саттор бойвачча ўзи емай едириб, ўзи киймай кийдириб, қофоздаги қантдай боққан эди. Йўртакда олиб асрраган эди-я, бечора. Кишилар ёмон! Эгри ишни эллик йил ўтса ҳам унутмайди. Энди нима бўлди. Қиз номуусга қолди, Саттор бойваччанинг боши ҳам! Дунёда шундан ёмони йўқ! Ҳа, Содиқжон, шу томонларини яхшилаб танангизга ўйланг. Саттор бойваччанинг куни бошингизга тушганда пешонангизга урганингизнинг нафи йўқ, унда кеч бўлади.

Илоннинг оёғини санаган Мирсалим Содиқни шунақа авраб ташладики, бечора лом-мим деёлмай қолди. Ўнинг исботига шак келтиrolмай:

— Ҳўш, нима қил дейсиз? — деганини ўзи ҳам билмай қолди.

— Бошқага уйланинг! — деди шартта Мирсалим. — Мана Мушарраф, қаршингизда кокилини ёзиб турибди. Ёмон эмас, неча оғиз солганга йўқ деган эмиш. Сизга майли борга ўхшайди. Ажаб эмас қўшалоқ ўғил туғиб берса! Шунча тортган ғам-ғуссаларингиз эсингиздан чиқиб кетади. Эй, Содиқжон, киши дунёга бир келади, пушти-камар ҳам ҳар вақт бирдай туравермайди, унинг ҳам охири бор! Оёғи катта сиғанни, оёғи кичик севганин кияди. Сизнинг севиб киядиган пайтингиз, кийиб қолинг-да!

Мирсалим ҳамма нарсани арчилган шафтолидай Со-

диқнинг оғзига солиб қўйган, унинг «қилт» этиб ютишинга қолганга ўхшарди. Масаланинг бунчалик енгил кўчиши Содиқнинг қалбидағи чўғни чақнатиб юборди. Унинг хаёли беихтиёр яна Мушаррафга кўчди. Унинг чой ҳўплашидан тортиб, келишган қадди-қоматини кўз-кўз қилиб юришигача, момиқ қўлларини мулоимгина узатишидан тортиб, хандон солиб кулишигача — ҳаммасини тарозинга солиб кўрди. Мирсалимга узил-кесил бир нарса демаган бўлса ҳам, ундан яшириб Мушарраф билан кўришди.

Мирсалим эса ҳар дуч келганда Содиқнинг қўлтиғига сув пуркай бериб, тобига келтириб олди. Энди Содиқ Мушарраф билан ҳар кўришганда ундан бир фазилат топар, ҳар сўзидан бир ҳикмат қидирав эди.

— Қишилар қиз олиш учун хотинини қўйди, дейиш масмикин?

— Қизиқмисиз? Одамларниңг сиз билан қанчалик ши бор! Суриштирдим: беш кунгина эр қилган экан.

— Нега беш кунгина?

— Уни ўзидан сўрайсиз! — зарда қилгандек деди Мирсалим ва баланддан келди. Чунки Содиқнинг қармоққа юрагининг қоқ ўзгинасидан илинганига шубҳа қилмас эди. — Қиз бўлса... деб бир таънадан қўрқасиз, беш кунгина умр қилган экан, десам, яна ҳадиксирайсиз. Станциянгиз борми ўзи!

Содиқнинг нафаси ичига тушиб кетди.

— Эй дўстим, Содиқжон, азизим, — деб яна таърифга тушиб кетди Мирсалим. — Ёш хотиннинг нимасини айтасиз! Қаҳратонда писта кўмирли сандалга жийда данаги тутатиб ўтиргандек маза бўлади. Биласизми, Содиқжон, бурунги замонларда одил подшо қариса, ёшга уйлантиришар экан. Сабаб: ёш хотин эрни ёшартишар эмиш. Киши ёши улғайган сари асални яхши кўради, айниқса сиз билан бизнинг ёшда жуда кетади. Ёш хотин ҳам мисоли асал. Оғзингда таъми қолади. Чақирганингизда «лаббай, акажон, шу ердаман, нима шинингиз бор эди», деб бедана юриш қилиб, қошингга келишига нима етсин! Ноз қиласа ярашади, йиғласа ҳам кулаётгандек ҳузур қиласан киши!

Мирсалимнинг гапи Содиқнинг қулоғига кирмас, у Мушаррафнинг фикр-хаёли билан банд эди. Унга қарши оғиз очишдан ожиз эди.

7. ЖАННАТНИНГ КҮЗ ӘШЛАРИ

Машхур доктор «мана, паттангни ол, сенда бола бұлмайды» демаган бўлса ҳам Жаннат ўзича тушунган, энди фарзандсиз ўтар эканман, деб йиғлаб қайтган кундан бошлаб, Содиқ билан иккисини боғлаб турган оила ипининг жуда ингичка тортиб қолганини, кичик бир эқтиётсиз ҳаракат орқасида узилиб кетишини сезиб, юраги беziллаб юради. Содиқ Собирахоннидаги зиёфатдан ширакайф қайтиб хотинининг «бунча шу вақтгача қолиб кетмасангиз! Зиёфат қуюқ бўлди шекилли?» деган гапига жавоб қайтармасдан, индамай ўтиб кетиши шу ингичка ипнинг яна таранг тортилиши эди. Эри ўзгарган эди. У шу кечадан кейин қайтиб ўзига келмади. Қамган, ўйчан бўлиб қолди. Фарзанд асраш ҳақида гап очилганда бир оз ён босиб келган бўлди-ю, яна индамади. Шунда Жаннатнинг юраги яна бир зирқираб кетди.

Содиқ ўзининг ўзгарганини сезар, Жаннатнинг кузатиб юрганини билар, қийналар эди. У Жаннат билан шундай ажralиш керакки, бу қўйди-чиқдининг оқибати кўнгилсизликка бориб тақалмасин.

Пайшанба куни ишдан қайтаётib, юраги сиқилди-ю, йўлда жиндай вино ичди. Ҳар кунгидек онаси, Қодир, Жаннат билан кечки овқатга ўтирди. Лекин унинг безовталигини Жаннат сезди. Сезди-ю, индамади. Содиқнинг кўзига кўринмасдан алланималар билан ошхони томонда иврисиб юрди. Қоронғи тушиб, Адолат хола чироғини ўчириб ётгандан кейин, уйга кириб келди. Индамасдан чироқни ўчириб, ўринга кирди. Бирпас жим ётди. Кейин Содиққа ўгирилиб, гап бошлади:

— Сиз ўзингизни ортиқча қийнаманг. Ҳамма гапдан хабарим бор. Мен сизнинг умрингизга зомин бўлмайман. Мен бир кунимни кўриб кетарман.

Жаннатнинг бўғзига қандайдир думалоқ нарса тиқилгандек нафаси бўғилди...

Содиқ қоронғида кўринмаса ҳам унинг йиғлаётганини сезиб турарди. Айни вақтда унинг кўз ёш тўкишига ўзи сабабчи эканини билганидан, шошиб қолди.

— Йўқ... йўқ... мендан яширманг. Мен розиман. Мен рози!

Жаннат ўридан туриб, ташқарига чиқиб кетди. Эшик олдида нам бурнини кетма-кет иккі марта тортиб қўйди.

Содиқнинг Жаннатга қанчалик раҳми келмасин, ма-салавинг бунчалик енгил кўчишини кутмаганидан, ган-гиб қолди. Жаннатнинг кетидан чиқишини ҳам, чиқмас-лигини ҳам билмади. Чиқса, уни овутиши керак, «ҳамма-си ёлғон, сен ишонма» дейиши керак, чиқмаса раҳми ке-лади, шунча йиллик қадрдони, умрида бирон марта хафа қилган эмас. Ўрнидан аста туриб, деразадан қаради. Ҳовли ёруғ. Ариқ бўйидаги ўрик ости қатиқ тўкилгандек олачалпоқ ойдин. Ана, ўрикнинг шохи тепасида чарак-лаб турган юлдуз шўнғиб кетди. Ундан қолган олов из-дан ўрик шохининг учи чақилган гугуртдек ловиллади. Жаннат ариқ бўйида, орқасини уйга қилиб ўтиради. Юзини муздай сувга ювган бўлса керак, бошидан пешо-набогини олиб, соchlарини текислади. Салдан кейин ўр-нидан туриб орқасига қайтди. Содиқ дарров ўрнига ки-риб, ҳеч нарса билмаган кишидек кўзини юмди. Қўлида пешонабоги билан хомуш кириб келган Жаннат ўйниш-үртасида бирпас тик туриб қолди, пешонабогини танги-ди. Кейин ўринга кириб, Содиққа орқасини ўгириб ётди.

Эртасига ҳамма гапни қайнанасига айтди. Адолаг хола учун ўғли ҳам, келини ҳам қўлларининг бармоғига ўхшарди, қайси бирини тишласа оғрирди. Шунинг учун Жаннатни юлатар экан, ўғлининг шаънига тегадиган бир нарса демади. Ўғлини оқлаб, келинининг хунибий-рон бўлиб турган қалбини ҳам тирнамади. У Жаннатдан хурсанд ва мамнун эди: келин бўлса шунчалик бўларди-да! Лекин ўғлига ҳам жони ачирди, унинг бефарзанд ўтишини истамас эди. Эшикдан ҳориб-толиб кириб кел-ганда «дада!» деб бўйнига оснладиган, бутун чарчоғи-ни ёзиб, кўнглини чоғ қиласидиган бирор фарзанди бўлма-са қийин. Ўзининг ҳам невара кута-кута кўзи тўрт бўлди. Тўртта хотин бир ерга тўпланса, «келинингизнинг бўйи-да бўлмадими?» деб сўрашгани сўрашган!

Шуларнинг ҳаммасини хаёлидан ўтказган «Жонбо-лам хола» айбни ҳеч бирига қўйишни истамади. У яхши-ликдан бошқа нарса кўрмаган одамга қилинадиган чу-қур самимият билан Жаннатга деди:

— Пешонангиз, болам...

— Бирор жой топгунимча шу ерда тура тураман, ха-фа бўлмайсиз,— деди Жаннат.

— Қаёққа борасиз, жон болам, мен сизни ҳеч қаёққа юбормайман. Аввал келиним бўлсангиз, энди қизимсиз. Қизисиз эдим, қиэли бўлдим. Ё Содиқ бир нима дедими?

— Иўқ, у киши ҳеч нарса деганлари йўқ. Мен ўзим рухсат бердим.

Адолат холанинг хўрлиги келди. Кўзига ёш олди. Кўнглида «эй, худэйим, бир тирноқни аямасанг нима қиларди шу бечоралардан!» деди. Қелинини бағрига босди. Иккиси туғишган она-боладек аччиқ йиғлашди.

„Жаннат Мушаррафнинг ҳомиладорлиги сезилгунча, Адолат хола ёнида қолди, орқа эшикдан кириб-чиқиб турди. Кейин ўзи билан бирга ишлайдиган мураббиянинг уйига кўчиб кетди. Энди Адолат хола ҳам индамади. Фақат у эшикдан чиққач «бечора!» деб қўйди, кўзига ёш олди.

* * *

Кўчада Мирсалимнинг хотини Жаннатни учратиб қолди. Унинг эри билан ажралишганидан хабардор эди. Кўнглини сўради. Куттилмаган жавобни олиб, гангиб қолди. Жаннат дардини кимга айтишини билмаган одамдек асабий титраб, аламини сочди:

— Ҳаммасини қилди-қилди Мирсалим ака қилди. Эримни йўлдан урди. Бу дунё-ю, у дунё икки қўлим у кишининг ёқасида. У кишига ҳам худонинг кўрсатадигани бордир! Кўрсатмаса асти розимасман! Эримда айб йўқ. Бахтига тузуккинаси бўлса майли-я! Суюқоёқроқ деб эшитаман.

— Вой, дарров уйланяптилар ҳамми? Кимга?

— Эрингиз айтмадиларми, боши-қошидалар-ку!

— Эрим ўлсин, мошхўрдага қатиқ бўлмай! Қачон кўрсанг бирорни туйнуғида боши. Жувонмарг, ўз аравангни тортсанг-чи, бирор билан нима ишинг бор!

Мирсалимнинг хотини кўнгил сўраганидан ҳам хижолат бўлди. «Кўча хандон, уй зиндан» эрининг қилиқларини билса ҳам, бу сирдан бехабар қолган экан. Жаннатга раҳми келиб, эрини оғзидан қўймай ўхшатиб қарғади, кўзига ёш олди, уни юпатди. Хайрлашаётуб, яна эрини қора ерга киритди:

— Бу юмшоқсупурги ўлгур, нега эрингизга бунақа слим бўлиб ўляпти, девдим-а, тагида бир балоси бор экан-да! Қув-да, жувонмарг, менга ҳам сездирмапти. Содиқ акамнинг ўзларни ҳам дум бериб турган эканларда, дарров хўп дебдилар-қўйибдилар.

— Билмадим!.. — бўшашибди Жаннат. Чиндан ҳам у масаланинг бунчалик тез ҳал бўлиб боришидан бехабар, тўғриси, ҳайрон эди!

Хотини кириб келганда Мирсалим бозордан олиб келган учта пўстдумбанинг иккитасини тозалаб, сувга солиб қўйган, уччинчисини ариқ бўйидаги толга қоқилган мижга илиб энди тозалашга киришган эди. Хотини эшикдан тўғри унинг олдига борди:

— Ҳой, менга қаранг, тўғри йўлингизда юрсангиз бўлмайдими? Бироннинг уйи билан сизнинг қанчалик ишингиз бор. Жаннат қарғаб ўляпти!

Мирсалим «Жаннат» исми аралашгандагина гап нима тўғрида бораётганини фаҳмлади. Бугун у жуда хурсанд эди. Пишпакка юборган моли омон-эсон етган, шериклари «айни вақтида келди» деб хабар қилишган эди. Бу хушхабарнинг чўтали сифатида бугун бозор айланган, пўстдумба харид қилган эди. Хотинининг «дағдағаси» барибир унинг руҳини туширмади, лекин эҳтиёт чораси кўришга чақирди. Агар ҳозир хотинига баланд келмаса, балога қолади. Унинг жон калити бўлган «машҳур хат»ни ишга солиши, шармандасанни чиқариши мумкин. (Бу лаънати хатни йўқ қилиб ташлай, деб шунча қидиради — тополмайди!)

— Нима! — деди дағдаға билан Мирсалим ва қўлидаги пиçoқни зарб билан ариқ бўйига санчди, ирғиб ўрнидан турдя. Хотини ургани турди, деб қўрқиб кетди. — Кўчада бирон хотин қўйса ҳам мен айборми! Тилини тийсин!

Хотинининг нафаси ичига тушиб кетди. Мирсалим баланд келиб, хотинин силтаб ташлади, айбни Содикнинг ўзига ағдарди:

— Ёш хотинни кўнгли тусаган у киши-ю, мен айбормишиманми! Ажабо! Сен нега у манжалаки билан кўришиб юрибсан! Гаплашгани ўша қисирдан бошқа одам топмадингми?

Хотини индамасди. Биладики, бундай пайтларда унга бас келиб бўлмайди. Ҳозир эркак — авра, хотин — астар, деб турган пайти. Яъни авра ҳеч қачон астардан юқори бўлмагандек, эркак хотиндан ақл ўрганмайди. Бир дўқ билан попуги пасайган хотини ўзинча пўнғиллаб қўйди:

— Ҳамма эркакларнинг ахволи шу: ёшроғини кўрса, илиқади-қолади. Жаннатхон қандай жувон эди!

— Бас қил, сендан гап сўраётганим йўқ. Нега сенга

алам қилади, иккى туғыб бир қолганингми! Қисир хотинни деб бефарзанд ўтсимви!

Хотин индамасдан уйга ўтиб кетди. Мирсалим «енгидим!» деб, ариқ бўйига санчилган пичоқни олиб, сувда чайқади:

— Ҳой, онаси, мана буни тузлаб қўй! — деди товорачадаги тозалантаги пустдумбани ўзидан нарироқ суриб.

Хотин ҳали аламидан тушмаган эди, деразадан товуши келди:

— Ёв келдими, тузланар!

Бу гал Мирсалим индамади.

8. ҚАРҚИНОҚДАН ЧИҚҚАН БҮЛБУЛ

Қодирнинг мактуби Азизанинг баҳмал гулни кўрганда ҳаваси келиб, узинб ҳидлайдиган бўлганидан бери эркак кишидан олган биринчи хати эди.

Хатининг қўлига тегиши ҳам қизиқ бўлди. У институтдан хурсанд қайтарди: бугун уйидагиларга билдирамасдан ёзилган таша тўгарагининг илк машгулотига қатнашган, «ўрганиш жуда қийин бўлса керак» деб ваҳима босиб юрган танцанинг илк ҳаракатларини ўрганган эди. Бу дастлабки муваффақият лабига қандайдир ашула қўндириган, шуни трамвайдан тушиб хиртойи қилиб келарди. Бир қиз бола қаршиисдан чопиб келиб, олдида тўхтади: «Мана шу хат сизга экан, хув анави амаким бердилар», — деди. «Қайси амакинг?» — деган эди, қизча чопиб келган томонига қараб лабини тишлаб қолди. «Вой, қочиб кетибдилар», деб йиглагудай бўлди. Азиза хатни олишта мажбур бўлиб қолди, олмаса қизчанинг йиғлаб юбориши мумкин эди. Қизча ётғон гапириб, хижолатга қолган кишидек: «Рост, ҳу анави теракнинг ёнида турган эдилар. Сизга ўхшаб қўлларида папкаларин бор, бошларида шапкалари...» — деди. Азиза қизчани хижолатдан чиқариш учун хатни олиб, «менинг бошимда шапкам йўқ-ку» деб кулди. Қиз ҳам кулди. Орқасига хурсанд чопиб кетатуриб яна бирдан тўхтаб, бақирди: «Аналар, ана. Ўзларни келяптилар».

Қодир йўлкалдаги қатор теракларининг панасида келмоқда эди. Азизанинг унга кўзи тушиши билан ток юргандек бўлди. Қизча билан гаплашган чоқдаги хушнудлик ўринини қандайдир номаълум қўрқув олган, бу қўрқув рангига таъсири қилиб, қонини қочирган эди. Қодир

етиб келиб, Азизадан күра дадилроқ бир алфозда саломлашди. Иккиси ҳам саломдан кейин ерга қаради. Азиза-нинг қўли портфелининг бандини мушукдек тирнарди, Қодир эса чўнтағидаги дастрўмолини зўр бериб ғижимларди. Ғижимлашдан тўхтаб, уни шартта қисди-ю, гап бошлади:

— Кечирасиз, Азизахон, бирор кўриб қоладими деб қизчадан...

Шу сўздан Азиза тетиклашди:

— Ҳозир кўрмайтганмикин? Ўтиб турганлар «биров»-маслигини қаёқдан биласиз: манг, олинг-да, ўз қўлингиз билан бошқатдан беринг? Нималар ёзгансиз? Жуда қалин-ку.

Азиза чўнтағига қўй тиққан эди, Қодир хатини рад этиб қайтиб бераётгандай шошиб қолди.

— Майли, майли, тура берсин. Бундан кейингисини...

— Ие, ҳали яна ёзмоқчимисиз? Шоирмисиз, мунча ёзишини яхши кўрасиз.

...Қодир ҳафсаласи пир бўлиб уйига қайтди. Кечаси билан ажриқقا ағанааб чиқди. Баланд дорга осилиб қўймадими? Хат ёзмаган бўлса ҳам гўрга эди! Ҳаммага кўрсатиб, «мана, аскар йигитнинг аҳволи» деб масхара қилиб юрса-я. Ҳеч хомлигим қолмас экан-да! Ҳўп, кўнглинг кетган экан, аввал суриштири, йигитсан, дадил босиб бор. Тилинг билан шарт-шарт айт, қўй, вассалом! Хатга бало борми!

Минг хил хаёллар билан мияси ачиб кетган Қодир, қандай қилиб ухлаб қолганини билмади. Бир маҳал қараса, тепасида ойиси турибди:

— Тур, болам, бугун ухлаб қолдинг-ку. Танинг соғми?

Қодир апил-тапил кийиниб, институтга чопди. Бугун кечагидан енгил, ширин орзулар руҳини эркалар эди. Ана шундай ҳолат икки жуфт дарс ўтгунча вужудини қоплаб турди.

Охирги дарснинг қўнғироғи унинг қулоги остида чалингандек жуда қаттиқ эшитилди. Юрагини ҳовучлаб ташқарига чиқди-ю, хатда тайинланган жойига боришини ҳам, бормаслигини ҳам билмай қолди. Оёғи орқага тортса, юрагининг аллақаерида бир кичкинагина илмоқ-қа илиниб турган куч олдинга ундар, йўлига нур сочгандек бўларди. «Нима бўлса ҳам бораман, тайин қиллимми, бораман! Рост галга таъна йўқ!»

Қодир тайинлаган жой Азида: «Олдиdan ўтган қизни пайқамайдыган қанақа йигит экансиз», — деган ер эди.

Қодир боғнинг дарвозасини кўриши билан бир энти-киб кетган бўлса, тайинланган ерга яқинлашган сари юрагининг уриши тезлашди, ўзини босиш учун жимиллаб гулларга оқаётган ариқдан икки ҳовуч муздай сув ичди. Сув ҳовурини босиш ўрнига, тер бўлиб бетига тепди, буриқтириб юборди...

Шундай ташвишлар билан етиб келгани жойда ҳеч ким йўқ эди. Фақат эгри-буғри бир нечта излар бор.

Азида у кутмаган томондан, ердан чиққандек бирдан пайдо бўлиб қолди. Юзи тўла таббассум эди. Кўл узатиши билан гинасини сочди:

— Шунаقا вақтга тайинлайсизми! Етиб келгунча ўпкам оғзимга тиқилди. Ҳамманн ўзингизга ўхшаб уч паргина ўқийди дейсиз-да, а? Қўшимча бир пар ўлгурнинг ярми ордона қолди. Сизни деб, бир соат кейин доктор бўладиган бўлдим.

Қодир узр сўради, унинг узрини қабул қилмагандек Азида яна ўпкалади:

— Бир соат бўлса ҳам, ўзим олдинроқ инженер бўлай дейсиз-да, а? Бўлиб бўпсиз! Бундан кейин бунақаси кетмайди. Яна шунаقا вақтга тайинлассангиз, ўзингиз чўпингизни чайнаб ўтира берасиз, мен дарсимни тугатиб келаман.

Чиндан ҳам Қодир Азизани кутиб, сап-сариқ қуруқ ўтни беихтиёр эрмак қилиб тишлаётгани устига у келган эди. Шу гапдан кейин хижолатда бир четга улоқтириди.

Азизанинг эркин гапиришлари унинг шубҳаларини бир зумда кучли шамолдек учираш кетди. Қиз кўпдан синашта бўлиб қолган кишини олдига келгандек ўзини бемалол тутар, гини қиласи бўлди. Бу унинг табиати эди. Мактаб илмий мудири Содиққа «қарқиноқдан булбул чиққан» деганда, Азизанинг ана шу хислатларини кўзда тутган эди. Бу хислат унинг болалигидан бор. «Азизу мукаррам бўлади», деб Азиза номини берган марҳум бувиси ўзи кўзи очиқлигига на отаси, на онасига бийлатди. Ўзи ювиб, ўзи таради, ўз ёнида олиб ётди. Қиз онасига тортиб, шаддод бўлиб ўсади. Отаси онасига ўхшатиб, шохини синдириб, қайириб олмоқчи бўлган эди, бувиси йўл қўймади, «битта қиз ҳам сенга ортиқчалик қилиб қолдими!» деб баланд келди. Сал эсини танига-

дан кейин Азизанинг ўзи бошвоғини бермай қўйди. Бу вақтда қазо қилган бувининг ўрнини она босди, бобиллаб эрига бийлатмади. «Қўйинг, ўқисин, яйрасин, ҳам қизимиз, ҳам ўғлимиз»,— деди баъзан ёлвориб. Бу вақтда илми ўзбек қизлари идораларда кўриниб қолган, ўз тақдирларини ўз қўлларига олиб, эркакларга «қани, менинг жойимдан нарироқ сурилинг», деб дадил даъво қиларди. Мана шу нарсалар таъсир қилдими, ёки қизининг ўзи ҳақини талаб қилиб олганиданми. ҳарнечук, Мирсалим ҳар вақтдагидек бақириб-чақириб болтанинг дастасига ёпишмади. Ўзига қўйиб берди, лекин босган изига тўрт кўз бўлиб турди. Кўрдики, Азиза шўх бўлгани билан одоб доирасида, ўғил болалар билан чумчук боласи қидириб теракларга чиқса ҳам, бекинмачоқ ўйнаса ҳам, қувлашса ҳам, ҳақини юборадиган эмас. Ҳатто болалар ундан ҳайнқишиади, эр болалар уни эмас, у болаларни йўл-йўриққа солаётганга ўхшайди. Мактабда-ку, ўқиши яхши, лекин сал тўполончилиги ўқитувчиларни баъзан ранжитарди. Бир куни фарзанддан тили куйган бир муаллим ўртоғи Мирсалимга полиб, «фарзанд бўлса сизнинг Азизангиздек қобилияти, пишиққина бўлса экан» деб қолди. Бу хушомад Мирсалимга жула ёқиб кетди, «менинг бола тарбия қилишимни орзу қиласиганлар бор экан», деб лабининг таноби қочди. Азиза эркин ва шўх ўси. Бўйи чўзилиши билан бир оз ҳаё тортиб, қуюлган бўлса ҳам, барибир ўзи айтган ериши кесади, деганини қилдиради. Тўққизинчи синфдалигида онаси бир куни совчи келганини айтиб, ҳар қандаи қиз ҳам уйига совчи келса фахрлангандек, Азиза ҳам хурсанд бўлар деб ўйлади. Йўқ, аксинча, Азиза совчини юмма талаб берди, энди келса косов олиб қувшини айтиб, кетидан нима учундир жиндай йиглаб ҳам қўйди. Шунча кунчлиги билан Мирсалим: «Аёлдан пайғамбар чиқибдими! Шаҳар олиб берармиди?»— деган гапларга қулоқ солмади. Азиза ўшинчини битирганда кимдир «шундай аълочи ўқишини давом эттирмаса, отаонасига лаънат келади» деган бўлса, яна бирни Мирсалимпинг ўзига: «Бир қизингиз ўнта ўғилга арзийди, доктор қилинг, яхши ҳунар»,— деди. Мирсалимнинг ўқитиш пияти йўқ, «керак бўлса эгаси чаласини ўқитиб олар» деган фикрда эди. Шунча гапдан кейин гангид қолди. Ўқитмаса, «тушуниб туриб, ўз қизини уйга ўтқазиб қўйди» деган таънага қолади, ўқитай деса, барибир

бировнинг ҳасми, кундан-кун хархашаси кўпайяпти. Да-ласи ўй-ўйлаб, охирига етгунча Азизанинг ўзи масалани ҳал қилиб қўя қолди. Медицина институтидан анкета кўтариб келди, консультация кунлари жадвалини каравоти тепсига осиб қўйди. Мирсалим «бу қандай бўлди?» деган эди, хотини «ўзидан сўранг» деб жавоб берди. Ўзидан сўраган эди: «Докторликдан яхши ҳунар йўқ дунёда» деб фахрланди, китобини кўтариб, имтиҳонга тайёрлангани бир ўртоғиникига кетди. Мана у севган институтининг дастлабки курсида.

— Институтда ўқиш қизиқ бўлар экан,— деди Азиза портфелини ликиллатиб. — Муаллимлар гапириб-гапир-риб чиқиб кета берар экан. Сўраш йўқ. Такрорлаш йўқ.

— Ҳаммасини битта қилиб кейин сўрашади.

— Мен мактабдагига ўхшаш бўлади, деб юрар эканман. Қизиқ.

Азизанинг очиқлиги Қодирни ҳам тилга киритди. Лекин, бари бир, ташабbus Азизанинг қўлида эди. У севган йигитнинг эмас, қадрдои ўртоғининг олдига келтандек тортинимай ўтирас, гап-сўзларини ҳам тарозига солмасдан, пардозини келтирмасдан дангал гапириб юбора берарди.

Қодир аслида шўх қизларни яхши кўради, рус қизларнинг эр болалар билан апоқ-чапоқ бўлиб яйраб юришларига ҳаваси келар, «бизникилар қачон шунақа бўлишар экан», деб кўнглидан ўтказиб қўярди. Азиза ўша қизларни сал-пал эслатиб туарди. «Лекин ўшалардай шўхлиги беғуборми? Бирорта чаққон чалиб кетмаганими!»— деб ўйлади у. Бошини биринчи марта дадил кўтариб, Азизанинг юзига узоқ тикилди. Азиза қизариб кетди, «юзимга сиёҳ тегибдими?» деб жажжиғина дастрўмолчасини қўлига олди. Бу қизариш Қодирнинг фикрини бутунлай ўзгартиб юборди: қизнинг табиати шўх, эркин катта бўлган, у беғубор!

Қўй олдига Мирсалим келди. Уни бир-икки марта кўрган эди. Иккисини солиштириди: икки дунё! Қизиқ, шунақа ҳам бўлар экан-да!

— Ҳеч дадангизга ўхшамайсиз,— деди Қодир Азизанинг ёниб турган юзларига қараб. Азиза «қанақа эканман» деб ўтирмади. Гап нима тўғрисида кетаётганини фаҳмлади шекилли, шартта жавоб қилди:

— Бизнинг дада омихта: эскичага эски, янгичага янги!

Шу зумдаёқ Азида соатига қараб, деди:

— Вой, алламаҳал бўлибди-ку, кетмаймизми!

Қодир Азизанинг ёнида борар экан, ўйлар эди: нима қилиши керакки, бундан кейин кўришиб туриш мумкин бўлсин. Баҳона топди:

— Азизахон, баъзан-баъзан бирга дарс тайёрлаб турсак, қаршимасмисиз?

Азида тўғри жавоб бермади:

— Бундан буёқ папкамда нуқул одам суюги бўлади. Чўчимасмикинсиз?

Аслида Қодир чўчир эди:

— Йўқ, нега! Бемалол!

Қодир унинг розилигини олгандек яшнаб кетди. Демак, Азизанинг кўнгли унга мойил, хатининг мазмунига тушунган, ҳозир севмаса ҳам кейин севади.

— Азизанинг «бундан буёқ папкамда нуқул одам суюги бўлади, чўчимайсизми?»— деган гапини Қодир «мендан қўрқмайсизми, мени хушингиз ёқтирадими?» деган маънода тушунди. Бу тушунча бундан сал вақт аввал жуда узоқда турган Азизани шундоқ ёнига келтириб қўйган, унга бениҳоя ҳурмат уйғотган эди. Бу тушунча уни қанот бўлиб учариши, булбул қилиб сайратиши керак эди.

Қодир Азизанинг ёнида бораётниб, йўлкага згилиб тушган толнинг пастки шохидан бир хивич синдириб олди. Азида уни бояги сариқ гиёҳ сингари оғзига солиб ўйнайди, деб ўйлади шекилли, оппоқ тишларини ярақлатиб кулиб, огоҳлантириди:

— Оғзингизга солманг, пўстлоғи аччиқ бўлади.

Қодир бу меҳрибонликдан мамнун бўлиб, бошқа нарсадан гап очди:

— Мен сизни ўша атлас кўйлагингизда келасиз, деб ўйлаган экацман.

— Сабаб?— деди Азида. Қодир сабабини аниқ билмас, шундай келиши керак, деб ўйлабгина қўя қолган экан.

— Қайдам...— очигини айтди у.

— Е сиз атлас кўйлакни яхши кўрасизми?

Қодир кутилмаганде журъят қилди:

— Йўқ, ичидаги қизни! Атлас кўйлакли қизни!

Азида бўш келмади:

— Сизга теккан қизнинг шўри қурир экан, эримга ёқай, деб ёзда ҳам қопдек атлас кўйлакка ўралиб...

Кулишди. Бу кулишдан орада ҳеч сир қолмагандек бўлди.

Катта кўчага чиқиш билан Азиза бирдан тўхтаб деди:

— Бас, асалнинг ҳам ози яхши, бўлмаса томогингизни бўғади, босқи қилади. Мен кетдим. Кенойингизга салом денг.

— Ойнгма-чи?

— Ойнгизга ҳам, акангизга ҳам! Ҳа, айтгандек,— Азиза икки қадам қўйган еридан қайтди.— Кенойингиз билан акангиз ажралишибдими? Нима бало, Тошкентга борсам қўяман, деб юрган эканларми?

— Билмадим. Бўлмади шекилли-да,— чайналди Қодир.

— Шунча йилдан кейин-а? Кўп ғиди-биди бўлармиди? Кенойингизга ойим бирам ачиняптилар, дилдор жувон эди, дейдилар.

— Яхши хотин эди. Бола кўрмади, холос,— шу кейинги сўзни қиз болага ноўрин айтиб қўйдим, деб Қодир шошиб қолди, сўзни бурмоқчи бўлди:

— Сизларникида ғиди-биди кўп бўладими?

— Бизнинг дада ҳазил эмас-да, Мирсалимбойвачча дейишади ўз оти билан. Шу маҳал бизни кўриб қолсалар борми, оҳо... мен кетдим, хайр.

— Хайр!

Қодирнинг хаёли Мирсалимга кўчиб, бундоқ қараса, Азиза кетиб қоляпти. Шунда эндиги учрашув кунини келишиб олмагани эсига тушди. Кетидан югурди:

— Азиза! Менга қаранг!

Азиза ҳозир келиб тўхтаган трамвайга чиқиш ниятида елиб борарди. Орқасига бир ўгирилиб:

— Чоршанба, соат беш!— деди ва яна тезроқ чопиб кетди. Қодирга ҳам шу керак эди, тўхтаб, узоқдан кузатиб турди. Трамвай жойидан қўзгалиб, олдидан қўнгироғини жиринглатиб ўтиб кетгунча ундан кўзини олмади, Азизанинг ўзини кўрмаса ҳам қўлинин силкиб турди. Трамвай кўздан ғойиб бўлиши билан бирдан юрагида қандайдир бўшлиқ, эслаган сари ҳувиллайдиган бўшлиқ сезди. Хат берганидан бери чеккан изтиробларининг барчаси бекорга чиқиб, Азиза билан учрашгани, унинг қувноқлиги, шўх қочириқлари эсига тушиб, яна юраги завқ-шавқ билан тўлди. Катта кўчада бир ўзининг илжайиб турганини пайқаб, шарт орқасига

бурилди. Яна севгилисинг хәели билан уйига жүвади.

У катта бир имтиҳондан ўтгандек хурсанд эди!

* * *

Қодир Азизани севиб қолғандан бері безовта. Авваллари уни күришга, суҳбатига интилса, энди негадир ҳайиқади ундан. Қандайдир ножүя бир ҳаракат ёки эхтиётсизлик орқасида айтилған ноўрин бир сўз билан озор етказиб қўяётганга ўхшайди. У билан учрашганда ўзини жуда эҳтиёт қиласи, ушлайдиган ери жуда ноқулай шиша идиш ёки бир сават тухум кўтариб кетаётган одамдек, қадамини санаб босади. Имтиҳонга бораётган студент сингари, гаплашадиган гапларини ҳижжалаб кўради. Кўча-кўйда бирор қизнинг товуши уникига ўхшаб кетса, юраги шув этади, нур тезлигида бир нарса бағрини тилиб ўтгандек бўлади. Лекин муҳаббатнинг ёзиқсиз ва такрорланмайдиган қонунлари уларни ўз оқимиға солиб, гоҳ боққа, гоҳ кинога бошлар, гоҳ мажнунтол сояси — сув қирғоғида эртак айттирап, сайдин кечаларни кеэдирар, шеър ёдлатиб, ашула айттирап эди. Семестр тугаб, имтиҳоннинг бошланиши уларни яна ҳам яқинлаштириди. Иккисининг уйнда ҳам дарс тайёрлаш учун шароит кўнгилдагидек бўлмаганидан шаҳар кутубхонасини танладилар. Энди ваъдалашиб, соат белгилаб ўтиришмайди. Ким олдин бўшаса тўғри шу ерга келаверади. Бу ерда иккисининг ўз столи пайдо бўлиб қолди. Улар келиши билан банд бўлса бўшатишади. Улар қаттиқ тартиб билан дарсга киришнади, ҳар соатда ўн минут танаффус. Бу танаффус кутубхонадан чиқиб, унинг ёнидаги камқатиов кўчада ўтказилиди.

Қодир танаффус вақти бўлганини имо қилиб, Азизага соатини кўрсатди. Азиза кўзи билан «хўп» ишорасини қилди-ю, яна китобга шўнғиди. Қодир оёғининг учиди юриб, ташқарига чиқди. Кеча ёққан қор кўча ўрталарида эриган бўлса ҳам, четларда бир-икки энлик қалинликда оппоқ оқарниб турарди. Боядан бери конспект тузиб, бармоқлари толиққан Қодир бир қисм қор олиб, юмалоқлади. Иссик хонадан чиққанлиги учун қор қўлига совуқ туюлган бўлса-да, қандайдир ҳузур баҳш этди. Қодир қорни гоҳ осмонга отиб илиб, эрмак қилиб

туарар экан, ҳориган кўзларини пирпиратиб, пальтосини елкасига ташлаганича Азида чиқиб келди.

— Мени урмоқчимисиз? — ҳазилга олди Азида.

— Йўқ, сизни урганин.

— Мени ким урибди?

— Мабодо...

— Мени ҳеч ким урмайди. Ая·бувларимизнинг еган калтаги ҳам мендақадан юзтасининг умрига етади, Нега индашмаган экан, улар ҳам косов олиб солишса бўлмасмиди?

— Хўп, косов эмас, теша олиб югуриши ҳам деяйлик, кейин нима бўлади? — кулди Қодир.

— Ҳисоб-китоб!

— Ҳисоб-китобни ким қилади. «Дунёда нима ёмон: кайтиб келган ёв билан, қайтиб келган қиз» деган отасими, ёки бир эркакка шариатан тўртта хотин вожиб деб турган қози поччами?

— Сиз бўлғанда нима қиласдингиз? — Азида сина-моқлик билан сўради.

— Ўша вақтдами? Ҳаёт шу экан, деб кўп қатори чоригимни судраб оҳ-воҳ билан яшайверардим.

— Мен бўлсан чидамасдим. Уйин тут, кирини юв, боласини боқ-да, яна урсин. Йўқ, мен чидамасдим. «Бас, тўйдим» деб бошимни олиб чиқиб кетардим.

— Қаёқقا? Яна битта шунақасининг олдигами?

— Йўқ! Мен бошига кўтарадиганин топардим. Топардиму мен ҳам уни бошимга кўтарардим.

— Циркдаги акробатларга ўхшаб, бир-бирларингни навбатма-навбат бошга кўтарар экансизлар-да? Бу ўйин ўша вақтдан қолган экан-да, а, Лизахон? — ҳазилга олди Қодир.

— Мен астойдил гапирсам, бу киши... Эркаксиз-да, эркакларнинг ёнини оласиз, — ўксигандек бўлди Азида.

— Ўша вақтда яшаган бўлсан, жон деб хотин-қизларнинг ёнини олган бўлардим, лекин барибир қўлимдан ҳеч бир иш келмас эди. Шундай фикрли кишилар ўша вақтда ҳам битта-иккита бўлган, кулга тушган кесакдек кўринмаган. Тузум шунақа эди, — деди Қодир Азизанинг кўнглини олмоқчи бўлиб. Азида ҳамон ундан ўлкалагандек, шахтидан тушмаган эди.

— Тузуми ўлсин!

— Үлиб бўлган ҳалиям!

— Барибир ўлганига ишонмайдиганлар, ўзи ўлса ҳам ҳидини олиб қолганлар бор.

— Бу түғри!

— Яна ўзларини күлтүрний қилиб күрсатганилари-га ўлайми! Елғон гапиргани уялишмагани!

— Бир шоир айтган экан: «Елғоннинг тахтида шоҳ бўлгандан, ростгўйнинг чорбоғида гиёҳ бўл», деб.

— Мен ҳайронман, наҳот ўша одамлар «ёлғон гапирганимни ҳеч ким билмайди» деб ўйлашади? Дунёда ёмон кўрганим ёлғон билан қўрқоқлик! Елғонлари кўзларидан шундоқ кўринниб туради.

— Кўринмайди деб ўйлашади-да!

— Бекор! Масалан, мен дарров биламан. Товуши қандайдир галати эшитилади, юзими, кўзими, ҳаракатими, ишқилиб, бир нимаси «Ёлғон! Ёлғон!!» деб туради.

— Доносиз-да,— яна ҳазилга олди Қодир.

— Доно бўлсан, бошчаноғини папкамга солиб, лотинча нечта номи бор экан, деб каллаи саҳардан ёд қилярмидим.

— Доно ҳам аввал ўрганади, кейин ўргатади, Азизаҳон.

— Шунақами, билмаган эканман. Вой, гапга тушиб кетиб, вақтни тuya қилибмиз-ку!— соатига қараб, юрганича ичкарига кириб кетди.

Қодир киргандан у китобга мукка тушган эди.

Вақт — севги дояси. Қодир буни кунлар ўтган сари севинч билан ҳис қилиб бораради. Кўнглида бўлган шубҳа ўрнини ишонч, иккиланиш ўрнини қатъийлик олиб, Азизага бўлган муносабати самимийлашиб, меҳрибонлик чин муҳаббат қоясига кўтарилимоқда эди. У энди Азизанинг шўхлик ва эркинлик сирларини билади. У ҳаётда ўз ўрнини топиб яшашгина эмас, керак бўлса уни жон-жаҳди билан ҳимоя қилиш қобилиятига эга. Худди шундай севгисини ҳам қадрлай билишига, севги билан яшаб, севги билан фахрланишга ишончи комил. Бу ишонч эса, Қодирни ўзини эркин тутишга, журъат билан ҳаракат қилиш, ўз севгиси билан қизнинг юрак-бағрини тўла-тўқис забт этиб олишга ундар эди. Лекин у қанча уринмасин, шошмасин, Азиза юрак қопқасини кенг очмас, «шошган қоқилади» дегандек қия тутарди, холос. Бундан унинг узоқни кўзлаганилиги, ўз баҳтининг ҳеч қаёққа қочиб кетмаслигига ишонганлиги кўринниб турарди.

Бир куни кинодан қайтишар экан, Қодир Азизани ёшларга хос иштиәқ билан қаттиқ құлтиқлаб олган, ёшлардагина бўладиган мороқ билан «йирик мавзулар» да суҳбатлашиб келарди. Қизда ҳам турмушнинг «икирчикир» ларидан кўра мана Шундай дилкашликка майли кўпроқ сезилар, буни ҳар суҳбатида англаш мумкин эди. Азиа бошлаган суҳбатни давом эттириб, хулоса ясандек деди:

— Мен бахтнинг юрак билан топилганиннигина тан оламан. Бу чин бахт.

— Мен унга ақл ҳам қўшилса, меҳнат шерик бўлса экан дейман.

— Фикрларимиз бир-бирига яқин

— Яқин эмас, аслида битта. Фақат масалага турли томонлардан яқинлашялмиз. Сиз «юрак» билан деганда, меҳнатни инкор этмайсиз, ақлни унга шерик тутасиз, шундаймасми?

— Албатта.

— Демак, фикрларимиз яқин, лекин ораларимиз узоқолос.

— Узоқ,— деди Азиа бирдан беихтиёр. Лекин бу ўринисиз жавобнинг маънисига тушуниб қолиб, қизариб кетди. Шу аснода Қодир асл мақсаддага қараб ҳужум қилиб қолди:

— Иккимизга битта фамилия етгани ҳолда, негадир ҳалигача иккита қилиб юрибмиз.

— Ёқмай қолсин!— лабинни луччак қилиб эркаланди Азиа,— нега эркаклар бунаقا шошади?

— Шошмайди, ташаббускор бўлади. Ё қизлар ҳам таклиф этишадими?

— Билмасам. Астойдил севган ва севилганига ишонганидан кейин, нима, айби борми?

— Масалан, сиз ташаббускор бўла оларнидингиз?

— Нега энди!

— Бўпти-да! Йигитларни айбситманг. Таклиф этиш йигитлик бурчига киради.

— Менимча, шу ҳуқуқни қизларга ҳам бериш керак.

— Сабаб?

— Сабаби шуки, йигитлар бу масалада ҳар вақт чукур ўйлашмайди. Оқибати хунук чиқиб, ажралиб кетишганда ҳам ўзининг аҳволи қизникига нисбатан тузук бўлишини ҳис қилиб туради. Бу устунлик эса, баъзан

яхши ўйламай, ҳавас билан муҳаббатнинг фарқига бормай иш тутишларига сабаб бўлади.

— Бу тўёри, лекин қизлар бу мажбуриятни уддалай олармикан, сизга ўхшаганилар кўп эмас-да.

— Инқилобдан бир-икки йил бўлса ҳам аввал туғилганингиз сезилиб турибди, димоғингизга феодализм ҳили кирган-да, анқиб қоляпти,— деди Азиза кафтидаги Қодирнинг қўлини «тушундингизми?» дегандек сиқиб. Кетидан ўзининг шўх кулгиси билан кўчани тўлдирди.

— Мен шубҳаланаётганим йўқ, Азизахон, эҳтиёт чорасини кўряпман,— жилмайди Қодир:— Кал тарангунча тўй тарқалади дегандек, севган қизинг таклиф этишини кутиб, соқолларимизга оқ тушмаса дейман.

— Тушмайди!

— Тушмайдими? Бўлди, мен кутаман.

Ҳазилнинг бирдан жиддий тус олиши Азизани чўчишиб юборгандек бўлди, ялт этиб Қодирнинг кўзига қаради, бу икки кўз нодир китобнинг қўш варагидек бирбирини яхши умид, яхши ният билан тўлдириб турарди, уларда ҳаёт ва ишонч тўла бир завқ порларди.

Қодир Азизанинг қўлтиқлаб бораётган қўлини тирсаги билан ўзига тортиб, қаттиқ сиқди.

Биринчи курсни иккиси ҳам кўнгилдагидек тамомлаб, каникулга чиқиш олдида бир хунук иш бўлди. Навбатдаги имтиҳонни бериб, хурсанд бўлган Азиза институтдан чиқиб, тўғри Қодирнинг олдига борди. Шўхлик билан деди:

— Бугун мени ўйнатинг.

— Хўп, жоним билан! Қаёққа борамиз?

— Истаган ерингизга!— Азиза унга ишонган ҳолда ихтиёрини бераётганини кўзи билан таъкидлаб турарди.

— Марҳамат!— деди-ю, Қодир уни маҳкам қўлтиқлаб кетди. Азиза чиндан ҳам хурсанд, у серқатнов катта кўчага бошласа ҳам индамас эди, бошқа вақтда бўлганида «бу кўчадан юрмаймиз, тоши йирик» демаганида ҳам қўлини тортиб олган бўларди. Магазин витриналарини томоша қилиб, янги чиқсан модаларга пазар ташлаб, ўзаро муҳокама қилиб боришар экан, қаршидан лоп этиб Азизанинг дадаси Мирсалим чиқиб қолди. Азиза унинг ўзига кўзи тушган-тушмаганини билмайди, лекин яшин тезлигида Қодирнинг қўлтиғидан қўлини сугуриб, магазинга ўзини ургани эсида. Мирсалим худди шу магазиндан харид қилиб, нариги эшигидан чиқсан эди. У

пинагини бузмай келиб, Қодирнинг саломига бошини чайқаб алик олди:

— Акангизга салом денг! — деди бамайлихотир. Лекин унинг товушидаги титроқ буларни кўрганидан хабар бериб турарди. Ранги оқаринқираган Қодир:

— Хўп! — деганча оёғи чалишгандек юролмай қолди. Мирсалим ўтиб кетгандан кейингина бир ерда тўхтаб қолганини билди. Бундоқ қараса, Азиза магазининг нариги эшигидан чиқиб, одамлар орасидан пилдираб елиб кетяпти. Қодир унга эргашди. У етиб боргандада Азиза қайилишдаги йўғон теракка орқаси билан суюнган, ранги дока бўлиб кетган, оғзини каппа-каппа очиб нафас оларди.

— Ҳа, мунча? — деди Қодир уни ўзига келтириш ниятида.

— Ие, бу кишини қаранг. Дадам-а!!

— Дадангиэ бўлса... — Қодир гал тополмай қолди. Азиза илиб кетди:

— Юринг, кетдик, кетимиздан келиб қоладилар.

— Йўғ-э...

— Сиз дадамни билмайсиз... Юринг. Балога қолдим.

Қодир нима деб Азизага далда беришни билмас, очиғи, ўзи ҳам бу кутилмаган учрашувдан гангиб қолган эди. Шунчалик ўзини тутиб Мирсалимга салом бериб сўрашганидан қойил эди.

Азиза олдинроқ шошиб, ундан сал кейинда Қодир елиб борар экан, Қодир деди:

— Мени танийдилар-ку.

— Танийдилар... Танигаилари билан қизимни кўчада қўлтиқлаб юргин деганимилар? Сиз ҳам қизиқсиз.

— Бир нарса дермикинлар сизга, а? — ташвишга тушиб қолди Қодир. Шу кўчадан бошлаб нима қиласдим. Айб менда. Азиза ҳам «қўйинг» демади, деб ўзидан койинарди. Бу кўнгилсиз учрашувнинг оқибати нима бўларкин?

— Менга-ку, ортиқча бир нарса демасалар ҳам, ойимга жабр. Бутун заҳрини ойимга сочади, боши таъндан чиқмайди. — Азизанинг ўксигани ҳаракатидан-гина эмас, товушидан ҳам билиниб турарди.

Азизанинг бутун севинчлари чилпарчин бўлиб, Қодир билан совуқцина хайрлашиб уйига жўнади. Қодирнинг юрак ютиб, «мен сиз билан бирга бораман, ҳаммасини очиқ-оидин айтиб қўяқоламиз» деганига кўнимади.

Лекин уйига яқинлашган сари юрак уриши төзлашди. Бу ахволда уйига кириб борса, онасининг ўти ёрилишидан қўрқиб, бир ўртоғиникига кириб, бир оз нафасини ростлаб олмоқчи бўлди. Унга бора туриб яна айнади, орқасига қайтди. Пастликка тушиб сой бўйида бирпас ўтириди. Бирдан дадиллашиб кетди: «Хўш, мен нима гуноҳ қилдимки, бунча қўрқаман! Севган йигитим билан қўлтиқлашиб келаётган эдим, холос. Шу айбми? Нимаси айб? Керак бўлса очигини айтишим мумкин. Наҳот, шу ёшга келиб ўз севгингни ҳимоя қилиб ололмасанг. Уят! Уят, Азиза! Тур! Тур, ўрнингдан! Ташвишланима, севиб, севилганингдан қувон, хандон солиб юр. Кишилар кўрсии, ҳавас қилсин».

Қалбida уйғониб, жўш урган бу фахрланиш ва дадиллик унга қанот боғлади. У ўрнидан ирғиб туриб, этагини қоқди, ҳалигина маҳзун ўтирганидан ўзи кулиб йўлга тушди. У шундай кўринадики, уйга кириб дадаси гап очгунича ўзи сўз бошлаб, очиқ-оидин қиладигац, ҳақ-ҳуқуқини ҳимоя қилиб, кибрланадиган эди. Боя маъюс ўтган кўчаларидан ишонч билан бориб, эшиги тагига келганда яна нимадир журъатини ўғирлагандек бўлди, хавотирланиб, эҳтиётлик билан уйга кирди. Ҳовлига кириб биринчи кўрган нарсаси даҳлиздаги уни тўмтоқ қора ботинка бўлди. «Демак, у шу ерда, мендан олдин келибди» деди-ю, жавобга ўзини ҳозирлади. Шу аснода онаси уйдан чиқиб келиб, уни айвонга ишора қилди. Азизанинг юраги «шув» этиб кетди: демак, достон бошланган!

— Дадам келдиларми? — деди Азиза айвонга ўтгач. Унинг ранги бир оз оқарган эди. «Ҳа» жавобини олиши билан яна алланечук бўлиб кетди:

— Сизни уришдиларми? — деди онасига раҳми келиб Азиза ва онасининг юз-кўзига қаради. У хомуш эди.

— Нимага уришади? Даданг «Азизани кўрдим» деди, холос. Бир нарса бўлдими, айт қизим? Нега безовтасан?

— Бошқа ҳеч нарса демадиларми? — яна ўсмоқчилади Азиза.

— Йўқ! Ўзи нима гап? Кишини бунча хит қиласан, айтақолсанг-чи?

Азиза яна аърофда қолди. Очиқ-оидин онасига айтай деса, бу кутилмаган ҳодиса уни ҳам турли фикрларга олиб бориши мумкин, айтмай деса, онаси қистаб қўйма-

япти. Бундан күра дадасидан эшитганда яхши бўларди, у вақт бунинг ёнига тушар, яккалақ қолган қизини ҳимоя қиласди, чунки киши доим заҳмат чеккан кишига раҳм қиласди. Ҳозир эса, «даданг билса, нима бўлади,вой ўлмасам?» деб жим ётган илоннинг бошини қўзғаб қўйиши мумкин. Шунинг учун Азиза «ҳали тагига олиб кетаётгани йўқ, бир куни эшитар» деган фикр билан гапни чалғитди:

— Иккита-учта ўртоқларим билан хохолашиб келаётган эдим.

— Ҳа, болам, шунга ташвишми! Сенга ўхшаб кўчада хохолашиб юрадиган ёшлар камми! Мен бир парса бўлган эканим дебман.

— Нима бўлиши мумкин, ойижон?

— Ким билади, яна...— она у ёғини айтольмади, тўғриси, айтиши ҳам мумкин эмас эди, чунки у эришининг бундай нарсага муросасиз эканини биларди.

Азизанинг бу ёлғони эрталаб очилди. Дадаси кечаси айтибди. Азизанинг юраги яна кеча эшикдан кириб келганидагидек дук-дук ура бошлади. Дадасининг нима дегани ва нима хулоса чиқарганини билиб олмоқчи бўлиб ойисининг кўзларига термилди, уни кузатди. Ойисининг юзида аламнинг аччиқ изларини кўрмай кўнгли бир оз таскин топди. Шундай бўлса ҳам:

— Дадам нима дедилар, айтиқолинг, ойижон?!— деди ва то онасининг оғзидан жавоб чиққунча нафаси қайтиб кетди. Она кулди:

— Кўрпа-ёстиғингни қоплай бер, деди.

— Бу нима деганлари?

— Қизингни тўй қиласмиз дегани-да, нима бўларди, она қизим.

— Йўғ-э, наҳотки. Шундай дедиларми? Сизни тоза уришгандирлар «қизинг саёқ бўлиб кетибди» деб.

— Йўқ, йўқ, қизим. Индаганлари йўқ. Дадангга ҳам инсоғ кириб қолди, тушунади. Лекин сенга менинг айтадиган гапим бор: ёшсан, ҳеч нарсани билмайсан, ёмон кўп ҳозир...

— Вой, унақа эмас, яхши йнгит ойи!— Онасининг сўзини бўлди қиз.

— Эшитдим, эшитдим. Минг яхши бўлгани билан бегона, сўзига учма, ўзингни маҳкам тут!..

Сиркаси сув кўтармас дадасининг бунчалик «олижабоблик» қилиши жуда гайри табиний, Азизанинг ақлига

сигмас эди. Азиза дадаси кече күриб қолмаганида ҳам бу сир бир куни очпишига күзи етар, катта бир «қийчув» билан газак олиб, кейин тинчишини, ўзининг кучи ва ҳаракати билан тинчишини кутуб юрарди. Бу тўғрида ўзининг режалари ҳам бор эди. Лекин бу «мудҳиш» воқеанинг бунчалик енгил кўчиши уни ҳайратда қолдирди. Аввалига «дадам менга ишонади» деб ўйлади, кейинидан бу ҳолни дадасининг замонага қараб иш тутаётганига, маданиятли бўлиб қолганига йўйди. Аслида бу иккиси ҳам эмас эди. Мирсалимнинг ўз режаси бор эди: бир ҳафтаки мактаб директори кетади, ўрнига Содик бўйлади, деган миш-миш тарқалди. Тагини бундоқ суринтиурса, жони бор, шундай тайёргарлик кетяпти. Содик ким? Қодирнинг акаси! Акаси бўлганда ҳам булар жуда бир-бирига меҳрибон. Мушаррафни рўпара қилиб, бир марта миннатдор қилиб қўйган бўлса, қудалиги нур устига аъло нур бўлади. Бунинг устига Қодир ҳам ёмон йигит эмас. Бир-икки гаплашганида яхши таассурот қолдирган, шу вақтнинг йигити бундан ортиқ бўлмайди! Тепасида оталик қилувчи қозиги маҳкам акаси бор. Онаси ҳам меҳрибон, ширин сўз кампир.

Мирсалим кече Азиза билан Қодирни учратгандан аввал бургадек бир сапчиб тушган бўлса ҳам, шуларни ўйлаб, нафасини ростлаб олди. «Қўлтиқлашиб юриш, ўзи гаплашиб тегиш, битта менинг бошимда эмас, юрга келган тўй!»— деди ва шундай турмуш қилиб тинчиб кетган ёшлардан бир-иккитасини эслаб кўнгли таскин топди, худодан ўшаларнинг йўлини сўради.

Азиза онасининг гапларини эшитиб, қанча хурсанд бўлган бўлмасин, янги унашилган қиздек дадасининг кўзига кўрининшга ботиколмай бир ҳафта четлаб юрди. Буни дадаси «қизим юзимни ерга қаратмайди» деб тушунди, яна хотиржам бўлди, шундай бўлса ҳам хотинига: «Қизингга айт, бошвоғини қаттиқ тутсан, ўз намига ўзи сирғалиб юрмасин»,— деди. Хотини: «Вой, қизимиз унақа қуруқ хазон эмас, сал елга учадиган»,— деб қизининг ёнини олган эди, Мирсалим силтаб берди: «Ўзингдан катта бир нарса деганда хўп де, шаталоқ отаверма».

«Хўп! Хўп, дадаси!»— деди бечора хотин ноилож қолиб.

Азиза онасидан эшитган хушхабарни ўша куниёқ оқизмай-томизмай Қодирга етказди. Кечаси билан гувалак устида ётгандек безовта бўлиб чиқкан Қодирнинг

кўзига олам яна ўз ҳуснини кашф этди, ҳатто аввалгидан серфайз ва кўркам кўринди. Шодлигини байон этишга сўз тополмасди. У Азизани уйига кузатиб келар экан, нуқул дерди:

— Ростданми, а, Азиза, ҳеч ишонгим келмайди. Кечаси билан «шу вақтда Азизаларницида нима бўлаётган экан?» деб ўйлаб чиқибман.

— Ёлғон! Ёлғон! Тилёғламалик қилмай қўяқолинг! Хуррагингиз бизницидан эшитилди. Уз қулоғим билан эшиздим,— деди Азиза жўрттага.

— Ёлғон бўлса Карл Маркс билан Энгельс урсин!— қасамнинг бу янги хилидан иккаласи мамиун кулишди.

Одатдаги хайрлашадиган ерга борганда Азиза таққа тўхтаб: «Бас!»— деди.

— Яна озроқ, ҳу анави қайрағочгача кузатай!— деди Қодир ўша ергача кузатмаса ҳеч бўлмайдиган бир оҳангда. Азиза:

— Бугун бунча меҳрибонсиз!— деди-ю, йўлида давом этди. У Қодирнинг хурсандчиликдан ичтан жиндай виносига ишора қилган эди.

— Қачон меҳрибонлик қилмовдим?

Азиза индамади. Садақайрағочнинг соясида тўхтаган Қодир Азизани гапга солиб туриб, ўзига тортди. Буни кутмаган Азиза шошиб, икки қўлини унинг кўкрагига тиради:

— Қодиржон ака, сизга нима бўлди... Бирор кўриб...

Қодирнинг қулоғига гап кирмас, энтикиб уни ўзига тортар, Азизанинг қаршилиги шунчаки нарса эканини қалби билан сезиб турарди

— Дод дейман!.. Қўйворинг!— дер Азиза, лекин ўзи ортиқча қаршилик кўрсатмай Қодирнинг бағрида кулиб турарди.

— Одам йигинг, қўрқсан номард!— деди Қодир ва унинг лабига ёпишди. Қаршилиги астойдил бўлмаган Азиза ёлворишга тушди:

— Секинроқ, бирор эшигади!— деди ва пайт пойлаб унинг бағридан чиқиб қочди:— Ёмон киши экансиз, энди ҳеч сиз билан учрашмайман.

— Учрашадиган кишингизнинг исмини айтинг, билиб қўяйлик,— тегишиб қолди Қодир. Азиза ҳам бўш келмади:

— Исими? Исми майпараст Қодиржон!

Азида елиб кетар экан, ҳилпиллаган этагининг шамоли Қодирнинг юрак чўғларини янада яллиглатарди. Ойсиз тун сокин ва оромбахш эди!

Қодир ўпиш мазаси лабида қолгандек тамшаниб қўйди.

9. ХУШОМАД ЗИЁФАТИ ВА АРЗ

Мирсалимнинг фикрича, кишилар кўнглига олиб кирадиган йўлнинг бошида арақ солинган шиша туради. Бу шиша кўп мушкулни осон қиласди. Баъзан ақл ўргатадиган бир жилд китобнинг пшини яримта арақ бажарши мумкни. Мирсалим шундай яшаб келган эди, ҳали ҳам шу йўлни тўғри билади. Содиқнинг шиша билан бўлмаса ҳам, шиша турган дастурхон, такаллуф билан анча майлини олди. Жаннатни қўйдириб, Мушаррафга уйлантиришга мусассар бўлди, бағрига кирди. Мана бугун яна унинг бағрида қимирламайдиганроқ бўлиб олмоқчи. Бунга сабаб — Содиқнинг бундан бир-икки ой илгари директор қилиб тайинланishi эди. Аввалги директор билан апоқ-чапоқ эди, сал иложини топди дегунча Мирсалим шишага қўл узатарди. Шиша ўлгур шунаقا кучли дорики, не-не доғларни ювип кетади. Бўлмаса Мирсалимнинг нимаси кўп «иши чиқиб» қолиши, «касал» бўлиши, баъзан ота-оналарнинг унинг дағаллиги устидан арз қилиши кўп. Кечагина шунақалардан биттаси рўй берди. Яна бўлиши мумкин. Чунки дарс вақтида Мирсалим асабийлашиб кетадиган, арзимаган нарсага болаларни қаттиқ койиб синфдан қувиб чиқарадиган одати бор. Бирор ерда нўмайи учраб, кўпроқ тортиб қолган куни-ку, эртасига дарсни ўлди деяверинг!

Буларнинг давоси янги директор билан муомалани созлаб юриш ва шиша. Биринчиси бўлиб турибди, лекин иккинчисини анчадан бери рўёбга чиқаргани йўқ. Аввал Содиқни «чиллалик» деб безовта қилмади, кейин ўзининг юриши болалаб кетди. Шунда ҳам Содиқнинг тизгинини ўзича қўйиб юбормаган бўлиб «Содиқжон-чи, Содиқжон» қилиб турди, баъзан тегишиб «ёши қанақа бўлар экан, куёв бола» деб ишшайнib қўйди, кечқурун уйига келиб иккита қази билан битта катта пўстдумба юборди. Мана бугун Содиқни чақириб оғзини мойлаб қўймоқчи, бунга баҳона Мушаррафни чорлашга ўхшаган бир ўтириш.

— Сен Мушаррафни чақир. Яхшилаб дастурхон ясат! — деди Мирсалим ишидан қайтгач, «камал тұни»ни ечиб, қора беқасам чопонини елкасига ташлар экан. Хотинининг ғаши келди. У Мушаррафни, жилпангламай ўлсин, Жаннатхон қанақа оғир-вазмн жувон эди, деб ёқтирилас эди, унга мулозамат күрсатиш эса, яна оғир ботди. Бундан ташқари, шундай ёш бир нарсаннинг калкatta кишиға тегиши ҳам ғашини келтирар, эришинг ҳам унга ҳаваси келиб, патагига қорт тушиб қолганга ўхшарди. Бир куни Мушаррафни күриб келиб, уни сочига оқ оралаб қолган Содиққа таққослаб, энсаси қотди, кечаси әрига деди:

— Унинг нимасини яхши күради Мушарраф? Бурун лойтовоқдай, ёши анчага бориб қолган бўлса...

Мирсалим эриб турғаш эди, хогинининг бағрига қўлини юбориб, жавоб қилди:

— Сен билмайсан, жонгинам, бэъзи хотинлар эркакнинг ҳуснидан кўра эркалашини яхши кўради.

Эрининг иссиқ қўли баданига хуш ёққан хотин:

— Содиқ aka яхши эркалайдиганлар хилидан эканими? — деди.

Мирсалим бу кутилмаган саволдан совуқ сувга шўнғигандек бўлди, буни «мўмин-қобил» хотинидан кутмаган эди. У бунақа сўзларни бегона хотинлардан эшитган, унда хуш ёққан, яна эшитгиси келган пайтлари бўлган. Лекин хотинниникига чидолмади:

— Бас, оғзингни беларовуз қилма! — деб жеркиб ташлади. Хотинининг, «эрим деб бир оғиз гапни ҳам яйраб гапиролмайман», дея хўрлиги келди:

— Ҳа, мунча, менинг оғзим қопми, боғлайсиз?

Меҳмон чақириш таклифи хотинига ёқинқирамаганини пайқаган Мирсалим эрталаб четдан айлантириб олиб келди:

— Ёшлигинда довучча терганимисан?

Хотин ҳайрон бўлди.

— Термаганимисан? Бошинг нимага қоронғи бўлган эди! Довуччагамиди?

— Ҳа, йўқ. Гилватага. Нима эди, айта қолинг?! Мунча резинкадай чўздингиз.

Мирсалим ўз кашфиётидан мамнун жилмайиб изоҳ берга бошлади:

— Мушарраф ўша довуччалик ўрикнинг бўй етадиган пастки шохи. Уни тортсак юқоридагисининг ўзи

өгилиб келади. Тушундингми? Бурга тутишга ҳам бармоқни ҳўллаш керак, хотин! Тушундингми?

— Ҳа, тушундим, Содиққа хушомад деб қўя қолсангиз бўлмайдими!

— Бу хушомад эмас, тентак, одамгарчилик.

— Одамгарчилик ўлсин золдирга ўхшаб нуқул нишабга думаласа.

Мирсалим қараса, хотини яна чўзадиган, ниятига жутур етказиб, ташвишга қўядиган. Дарров синалган одати— дўққа ўтди:

— Тушундингми?

Эрининг резинкадай чирт узилиб кетадиган феълини билган хотин дарров чўқди:

— Тушундим.

— Тушунган бўлсанг, ҳозирлигинги кўра бер!—деди Мирсалим буйруқ бериб ва уйга бурилар экан, яна дўнғиллаб қўйди:— Хотин кишининг узун тили уйга бахтсизлик олиб кирадиган зина, деб сенга неча марта айтдим! Йўқ, ҳеч қулоғингда турмайди, кишининг жағини очирганинг очирган. Тавба!

Бу Мирсалимнинг сал туриб ярашишга кўрган тайёрлиги эди. Чунки, хотини аразлаб дастурхонни кўнгилдагидек тузатмаслиги мумкин. Шунинг учун уйдан кийиниб чиққач, очиқ чеҳра билан ҳазил қилган бўлди:

— Мушарраф бирам очилиб кетибди.

Хотин аламидан тушмаган эди, чақиб олди:

— Хоҳлаганини еб, ярашганини кийиб юргандан кейин, у очилмай мен очиламанми!

Мирсалим ўринисиз ҳазилидан пушаймон еди.

— Тилинг кесилсан, тўғри гапга ҳам қилич бўлмай!

— Ҳавасингиз келдими, сиз ҳам ёшроғига уйлана қолинг.

— Қани эди!—кўнглидаги рўёбга чиқаётгандек тиржайди Мирсалим.

— Еқмай ўлсин! Сиз эркакларда уят борми, ишшайганига илиқасизлар... Бўйи етган қизингиз бўлса...

Хотинининг ўз тақдирига хўрлиги келди шекилли, кўзига ёш олди.

— Вой тентак, ҳазил-ку!— юпатди хотинини Мирсалим куйдирган калладек ишшайиб.

— Дилингизда бўлмаса тилингизга чиқармиди.

— Менга ўхшаган ит ғажиган суюкни бошига урадими. Ҳаммаси тилда, хотин,

Хотин ишонч ҳосил қылгандек баланд келди:

— Қани қилиб күринг, нақ соқолингизни битталадь юлай.

— Қорасиними?— деди Мирсалим қүш хотинлик афанди ҳақидаги машхур латифани эслаб.

— Ҳаммасини ҳам!— деди хотини бунга тушуймай.

— Бўлди! Бўлди! Унар-унмасга диққат бўлиб, киши ни қийнама. Мен Содиқникига бориб келаман.

Мирсалим бошидан сурма ранг дўпписини олиб, ки-згини чўзди-да, қайта кийди, нимадир демоқчи бўлдир туриб, кўча эшикка қараб юрди. Бирдан орқасига бурилиб:

— Тушундинг-а!— деди. Бу савол эмас, таъкидлаш эди. Хотини яна эрининг дафтарини очтираслик учун бошини сал силкиб маъқуллаб қўя қолди.

Мирсалим Содиқнинг эшигига Мушаррафни учратди. Келин қошда ўсма, кўзда сурма, жиякли атлас ло-зимда сувга чиқиб келарди. Унинг ҳар қадам босишиндан «менга ҳавасинг келсин, мен шунақа чиройлиман» деган маъно ёғилиб турарди. Мирсалим кўнглида «яна очилиб кетибди-ку!» деб қўйди, вужудининг аллақаери жимирлаб кетди.

Мушарраф келинга хос назокат билан салом бериб сўрашди. Унинг ўз турмушидан мамнунлиги кўзининг табассум билан ёнишидан тортиб, челяк тутнингача, ҳаммасида ошкор кўриниб турарди. Мирсалим буни фаҳмлаб, «ёшга уйланиб Содиқ ютган, десэм, аксига ўхшайди-ку! Нуқсони эрсизлиги экан-да!..» деб кўнглидан ўтказди. Мушарраф «менда ишингиз йўқми? Йўқ бўлса, нозимда куйинг» дегандек хушнуд жилпанглаб турарди. Мирсалим сўради:

— Содиқжон уйдами? Нима қиляпти?

— Ҳовончада сув талқон қиляптилар.

— Қодиржон-чи?— Мирсалим ҳам ҳазиллашди.

— Қодиржонми? Қодиржон ҳўқиқ боласини ов қилгани кетган.

Мушарраф «яна ким керак сизга?» дегандек жилпанглаб турган эди, Мирсалим Содиқнинг чиқиб қолишидан ҳадиксираб, ичкарига кирди.

Бу—Содиқ яқинда кўчиб кирган, сропача солинган, тўрт хонали, олдида боғчаси ҳам бор ҳовли эди.

Китоблар полига бетартиб уйиб қўйилган хонада Со-диқ нимадир ёзиб ўтиради. Мирсалимни кўриб ўрни-дан турди, қўлини олди.

Содиқ қилиб ўтирган ишидан жуда хурсанд ва мам-нун эди. Ана шундай хурсандлик билан Мирсалимга гап ташлади.

— Омади келган кишисиз-да, айни вақтда келдин-гиз. Сайловчилар билан бўладиган суҳбатингиз учун яхши бир материал топиб қўйдим.

Мирсалим қилғаш илтимоси эсига тушиб жуда қи-зиқди:

— Хўш-хўш?

— Шу йил бошида Ўзбекистон ССР конституцияси-ни қабул қилган фавқулодда шўролар VI қурултойини Тошкент хотин-қизларининг вакиллари табриклаган эди. Шунда бир хотин жуда чиройли гапирган эди. Ана шу нутқни топдим. Мавжуда Абдураҳмонова номзоди рўйхатга олинган бизнинг округга жуда кетади. Мана буни қаранг, ҳақиқатан ҳам, жуда қизиқ материал.— Содиқ стол устидан ёзганини олиб ўқиди: «Тошкентда ўттиз минг ўзбек хотин-қизлари саводсизликни битириш курсларида ўқимоқдалар. Улар «ўқиган — гулистон, ўқи-маган — гўристан» деган мақолни эсга олиб, шу йил Тош-кентни ялпи саводхон шаҳарга айлантиришга сўз берди-лар... Илгари «ўнта хотин бир қозон қайната олмайди» дер эдилар. Қандай кулгили сўзлар! Нафис ва гўзал сўзаналар тикиб турган бу қўллар милтиқ тутишга ҳам тайёр. Машина ва станоклар бошида турган қизларимиз отларга менинг, бир томчи қонлари қолгунча севимли Ватанимизни ҳимоя қилурлар»,— Содиқ ҳамсуҳбатига қаради,— жойидами?

Мирсалим маъқуллаб, бош силкиди:

— Назаримда, шу қурултойда паранжи ҳақида ҳам гап бўлган эди.

— Тўғри. Ана шу вакиллар қурултойдан паранжи ёпинишни тақиқлаш тўғрисида декрет чиқаришни, қизларни 16 ёшда эрга бериш тўғрисидаги эскирган қонунни қайтадан кўриб чиқиб, 18 ёшга етказишни сўраганлар. Мана, ҳаммасини ёзганман Марҳамат!

— Ўзингиз-чи?

— Ўзимга ҳам бор. Сайлов ташвиқотини жонли фактлар билан шундай олиб бориш керакки, конститу-циямизнинг жаҳонда тенги йўқ демократик ва инсон-

парвар конституция экани, шу қонун асосида сайланадиган депутатлар халқ хизматкори бүлажагидан ҳар бир сайловчи қаноат ҳосил қылсун.

— Бунинг учун сизга ўшаган кишиларни сафарбар қилиш керак,— хушомадомуз илжайди Мирсалим.

— Сиз ҳам чакки эмассиз.

Мирсалим Содиқ узатган қофозни буқлаб, ёнига солар экан, «шунака материалим камроқ эди», деб яна илжайди. Кейин Содиқ яқинда күчіб кирганды бу уйнинг у ёқ-бу ёғини қандайдир бир кузатиш билан кўздан ке-чириб, деди:

— Шу уйни сизга беришиб жуда яхши қилинди, узукка кўздек ярашди!— Лекин бу «текин уй»га файирлиги келаётгани қўй кўзларининг тубида кўриниб турарди. «Ёш хотин. Директорлик. Яхши ҳовли-жой! Берганга қўшалоқлаб...» деб янди ичиди. Аммо тили мойланган ширпиракдек айланар эди:

— Биз ҳам уйда ёлғиз. Зерикамиз. Келин пошша билан эртага бир бизникига боринглар.

— Эртага...—ўйлаб қолди Содиқ,—аввал сизлар келинглар.

— Биз келиб турибмиз... Тўйда шу ерда эдик.

— Эртага боролмасмиз. Мушарраф бир нарса дея-ётган эди. Қани, мен ўзидан...— Содиқ ташқарига чи-қиб кетди. Мирсалим кетидан ўйлади: «Мушарраф қўлига зағчадек қўндириб олибди-ку ҳалитдан!»

Олдин Содиқ, салдан кейин очилиб-сочиленб Мушарраф кирди.

— Мирсалим акам овора бўлиб ўзлари айтиб келган бўлсалар у ёқни қўя қоламиз.

Мушаррафнинг «Мирсалим акам!» дегани ушинг қу-логига шундай хуш ёқдики, «сенинг шу тилинг учун кунда айтиб келишга тайёрман, акаси», деб юборнишига сал қолди, ўрнидан сал туриб миннатдорчилик билдириди:

— Бошим осмонга етди, раҳмат, келин!

Мирсалим, ови ўнгидан келган овчидай уйига хур-санд қайтди. Лекин Содиқнинг баҳти унинг юрагини ўртаб юборган, кўнглида қандайдир нотинч гулув уй-ғонган эди.

— Қалай, келишадиган бўлдими?

— Ҳа, келишади. Бошқа жойга ваъдалари беп экан-у, Мушарраф: «Мирсалим акам ўзлари овора б.

либ келибдилар, олдин шу кишиникига борамиз», деб туриб олди,— мақтанди Мирсалим.

Хотининг назарида, Мушарраф кунда меҳмонга борадигандек кўринди:

— Мунча меҳмонга боришни яхши кўрмаса! Қариса эшик санаб юрадиган хотинлардан бўлади шекилли. Ҳозирданоқ қайнанасини ҳеч нарсага бийлатмай қўйганиш. Уял, кеча келиб, бугун шунаقا қилишга.

Бахти хонадоннинг уйидан ўтган бу чакка Мирсалимнинг бараз билан ёниб турган юрагига малҳам бўлиб томса ҳам, сир бермасдан хотинини қайирди:

— Унчалик эмасдир. Сен кўчадаги гапни ичкарига олиб кирма, эшитган қулоққа хунук!

Содиқ айтилган вақтда Мушарраф билан келди. Эшикда икки буқчайиб кутиб олган Мирсалим Мушаррафнинг кийинишини кўриб: «Яна хотинимдан балога қолдим!»— деб қўйди. Мушаррафнинг бағрига шамол тегиб қолган эди. Оёғида баланд пошна амиркои этик, унинг қўнжи атлас лозим устидан ипак пайпоқ кийган чиройли болдирини сиқиб турарди, шу кунларда энди расм бўлган гулдор қрепдешин кўйлак тақимга шамол елпиб, тараңг кўкрагига ҳусн бахш этарди. Бошидаги чамандагул дўппининг жияигига майдо соchlарининг чиройли жингалаги тармашар, пардоз билан нурланган оппоқ юзда қоп-қора хол янада ўзгача қоралик кашф этган. Чаккасидаги жувон гажаги минг бир ноз билан қулогига нимадир шивирларди.

«Кеча кўрганим ҳам бир нави экан», деб кўнглидан ўтказди Мирсалим ва Мушаррафдан анқиган яхши атир-упаларнинг ҳидига маст бўлиб уйга йўл бошлади. Уй остопасида кутиб олган хотини кечаги гина-кудуратларни унудиб, очиқ юз билан меҳмонларга салом берди, Мушарраф билан қучоқ очиб кўришди.

Мирсалим уларни уйга, уй эмас, чиройли бир қўғир-чоқхонага таклиф этди. У эски, бурун солинган бўлса ҳам, замонга мослаб ислоҳ қилинган. Тоқининг устига фанер қопланганидан гулдор шипи паст бўлиб қолганга ўхшайди. Рӯпарадаги қўшалоқ тахмонга шкаф қилинган, бирининг ойнасидан духоба, атлас кўрпа, якан-доз ва жилти синъкага солинган парқув ёстиқлар кўриниб турибди, иккинчисига кийим-бош осилган. Токчалар камайтирилиб, уларга ҳам жавон қурилган, ичита идиш-сёқ қўйилган, қопқоғи тўнтариб терилган ҳаво ранг

чойнакларнинг биттаси жўмрагига каттакон хитой қозоуз гули тиқилган. Яна битта токчада оқ рух самовар «мен савлатман» дегандек ярқираб турибди. Ҳамма тахмон-токчалар қулф-калитли. Токчалардан холи деворга қизил сёқ гилам осилган. Унинг тепасида иккита сурат бор, бири Мирсалимнинг ёшлигига тушган чақмоқ телпакли, иккинчиси Азизанинг шу кунларда тушган сурати эди. Кира беришда, чап томонда обрез бўлган бўлса керак, пол қоқилгандага унга қопқоқ қилингани кўриниб турибди.

Буларнинг барчаси сепсиз эрга теккан Мушаррафнинг кўзини ёндириб юборди. У эрининг оёғини стол остидан аста босиб, «кўряпсизми, кишиларнинг уйи қана-қа» деган ишорани қилди. Содиқни эса, Мирсалимнинг китоблари қизиқтираарди. Унинг назарида, «Бобирнома» каби антиқа китоби бор одамнинг бой кутубхонаси бўлиши шарт. Китобларни қаерда сақларкин? Бегона кўздан четроқда туар экан-да!

Мушарраф шкаф-тажмондаги кўрпа-ёстиқларни санаб, суқланиб, деворда чўғдек ёниб турган гиламга назар ташлар экан, қайнанаси билан бўлган ҳангома эснага тушиб кетди. У бир куни полдаги гиламни қоқиб-тозалаб, деворга осар экан, Адолат хола «қўйинг!» деб розилик бермагаидек бўлди. Шунда Мушарраф «маданият» деган, хола эса «маданият шу бўлса ўлсин, жон болам, оёқ остидаги гилам деворга, киши бошига осилса», деб кулган эди.

Мушаррафнинг кўзлари ёниб томоша қилишидан Мирсалим жуда мамнун, лекин Содиқнинг бепарволигидан ҳайрон эди. Шунда Содиқ кутилмаган савонни бериб қолди:

— Китобларингиз қаерда? Токчаларингиз китоб қўядиган экан!

— Китоб... китобларни... китобларимни нариги уйда сақлайман.

— Болалар титмасин дейсиз-да?

Гарчанд уйда майда болалар бўлмаса ҳам, Мирсалим эвши топди:

— Ҳа, албатта! Қариндошлар, Азизанинг ўртоқлари келиб туришади...

Йўқ китобларни бор қилиб, Содиқни ишонтирганидан кўнтли таскин топган Мирсалим, меҳмонларни дастурхонга қистади, гапга чалғитди.

Меҳмонлар ўтириши билан хотини Мирсалимга кўзини ташлаб, «фотиҳа қилиб юборинг» ишорасини қилди. Мирсалим пайти келганини билиб, қўлни очди, кетидан қўшди:

— Янаги йил шу пайтларда учта бўлиб келинглар. Содиқ ўнғайсизланди.

Сал ўтмай Мирсалим битта конъяк, битта винони тўртта рюмка билан келтириб ўртага қўйди. Хотини эса, уй-жойдан нолиб, эрини ношудликда айблар эди.

— Қизимизнинг бўйи етиб келяпти. Шу ерда тўй қилиб бўладими? Асти рози бўлмасман. Олдин яхши жой қиласиз! Шартим шу! Эшитдингизми, дадаси.

Мирсалим индамай конъякни усталик билан очди. Аввал Мушаррафга қўймоқчи эди, Содиқ қайтарди.

— Бўлмаса, винодан.

Қадаҳларга қуилиб бўлгач, Мирсалим ҳамон булбулигёелик қилаётган хотинини қайирди:

— Бўлди! Бўлди! Содиқжон уй тақсимот қилмайдилар. Қани, рюмкангни ол, Мушаррафхон билан уриштир, қўшалоқ ўғиллар ният қил.

— Сиз шунаقا дейсиз-да, одамлар уй-жойга қарайдиган бўлиб қолган,— деди хотини рюмкани ола туриб.

Мирсалим Содиқ билан уриштирас экан, деди:

— Нафсамбирга қараганда бу уй эмас. Сизларники — бу бошқа.

— Алмашамизми?— деди Содиқ. Мирсалимниң ҳаваси келаётганидан атайлаб.

— Туф-туф-туф! Ўзингизга буюрсин, азизим,— Мирсалим «шу сўзингиз ерда қолсин» деган мазмунда бир чеккага туфурган бўлди, қадаҳини жиринглатиб уриштириди. Бир ҳўплаб ерга қўйган хотинига тегишиди:

— Сени ҳеч маданиятли қилолмадим-да! Ана Мушаррафхонни кўр, симирди-қўйди.

— У киши ёш, ичса ярашади...

Мирсалимнинг меҳмон чақиришдан мақсади ўзининг яна бир фазилатини кўрсатиб қўйиш бўлганидек икки рюмкадан ичилгандан кейин, филофи билан қозиқда осиғлиқ турган танбурни олиб, «созли тордан нозли куй чиқади» дегандек зерикмасдан созлади, «нима чалиб берай!» деб сўради, лекин жавоб кутмасданоқ, «Чаман йиғлар» куйини бошлаб юборди. Чиндан ҳам у танбурни яхши чертарди. Умрида биронта музика асбобини қўлида тутмаган, лекин музикага жуда ишқибоз Содиқ

завқланиб тинглади. Икки рюмка винони охирги томчи-сигача симириб, кўзлари чарақлаб, юзлари яна бир кўрк кашф этган Мушарраф-ку, аллақачон маҳлиё бўлиб қолган эди. Мактабдалигидан шунча уриниб, дуторда «Вақвақа тўрам»дан бошқасини ўрганолмагани ҳали-ҳали алам қиласарди. Бирорта музика асбобини ча-лишни билган одам, уннинг назарида, дунёда ҳеч армони йўқдек бўлиб кўринарди. Чунки бундай одамлар қайгу-дан бегона, сал юраги сиқилса куй билан ёzádi! Ўзи билмаганига яраша эри чалса кошкӣ эди!

Икки машқдан кейин Мушарраф яна бирор нарса чалиб беришни ўтинди.

— Ё энди сиз оласизми? — деди эрига тегишиб.

— Панжа йўқ, — кулгига олди Содиқ.

— У қишиникининг хизмати бошқа: ов милтиқнинг тепкисини яхши босади, — деди Мирсалим Содиқни ҳи-моя қилиб.

— Чиройли хат ҳам ёzádi денг! — деди Мушарраф ҳазилидан алланечук бўлган эрига ялпогланиб. Лекин бу сўз бадхат Мирсалимга тегиб кетган эди. Уннинг жи-закилиги тутди:

— Буни сиз яхши биласиз. Бизларга ҳеч хат ёз-маганлар.

Мирсалим «мен сени биламап, тўйиннггача тоза дона-лашгансан» деб таъна қилмоқчи эди, уни Мушарраф шундай тушунган бўлса-да, бошқа ёққа бурди:

— Албатта! Бирор ёққа кетсалар тез-тез хат ёzádi-лар. Тўғрими, Содиқ ака?

Содиқ жавоб қайтармади. Хотинининг бачканаликли-ри ғашини келтирган эди. Содиқнинг бу ҳолатини Мир-салимнинг хотини фаҳмлаб, «бас қилинг» дегандек, стол остидан эрининг обёгини босди.

Мирсалим дарров ўзини ўнглаб, таңбурни чертди. Лекин аввалги завқ билан куй таратмас эди...

Мирсалим Мушаррафнинг бу қочириғини меҳмонлар кетгандан сўнг ҳам унотолмади. «Директорнинг хоти-ниман. Шу ҳушингга келадими?» дегандай бўлиб, жил-ланглашига асти чидамас эди, унга алам қиласарди.

* * *

Директор қилиб тайинлашгандан кейин, Содиқ аспи-рантурага кириш ниятини эндиги йилга қолдирди. Гарчанд уннинг бу шаҳарга кўчиб келишдан бир муддаоси

шу бўлса ҳам, райкомга чақириб айтишгач, «Партиянинг иродаси шу бўлса розиман», деди-ю, ўзига хос шижоату куч-қувват билан ишга шўнғиб кетди. Иш тифиз пайтларда кечқурун қолиб ишлади. Ана шунга ҳам талайгини вақт бўлиди. «Бўлса бўлар, бўлмаса ғовлаб кетар» қабилида ишлайдиган бир-икки ўқитувчиининг кўнгли олинганини ҳисобга олмаса, кўпчилик ундан хурсанд. Буни коллективда ташаббус уйғонишидан, ўқиш-тарбия сифатининг яхшиланишидан кўриб турибди.

Содик шуларни хаёлидан ўтказиб ўтирас экан, каби нет эшиги тақиллаб қолди.

— Мумкинми? — эшик тирқишидан хотин кишининг боши кўринди. Содик ичкарига таклиф этса ҳам у киришга тортинарди. Содик ўзи бориб, эшикни кенг очиб уни ичкари киритди-да, яна ёпиб қўйди, хотинга жой кўрсатди:

— Келинг!

Хотиннинг бутун вужудидан маҳзунлик ёғилиб турарди. Салқиб тушган қовоқлари уйқусиз ўтган тундан хабар берса, маъюс кўзлари «забун бир ҳаётнинг гувоҳиман» деб ўксирди.

Хотин бошидаги рўмолининг учини ҳимариб туриб, сўзлаш ўринига йиғлаб юборди:

— Улар бўлсан ўлдим. На менга, на болаларга тинчлик бор,— икки куннинг бирида дилспеҳлик. Чой қайнатсан ҳам тагига олдирдинг, деб жанжал. Сиз ўша бир койиб қўйганингиздан кейин анча тузук бўлиб қолган эди, кейин... сиздан кетгандан кейин яна...

Содик хотини энди таниди. Унинг эри Фаҳриддин Шукуров аввал шу мактабда муаллим эди. Анча шалоқ. Хотини у энди директор бўлган кези ҳам арз қилиб келган, шунда эри билан яхшигина гаплашиб, тўғри йўлга солиб олган эди. Лекин бу тўғри йўлдан юришга унинг бардоши етмади, оқибат, яқинда бўшатиб юборишга мажбур бўлган эди. Демак, яна эски изга тушиб олган.

— Нима дейди, бирор мақсади борми? — аниқламоқчи бўлди Содик.

— Мақсадини айтмайди, излагани жанжал, топгани уриш. Бир кун рўшнолик йўқ. На ичганимда, на еганимда ҳаловат бор. Улар бўлсан ўлдим. Болаларга жабр бўлиб кетди. Ўзингиз бир нарса демасангиз... сиздан ҳаниқади.

Содик ҳайрон бўлиб, қўлини энгагига тиради. Пичоқ

сүякка тақалган бечора хотинга ширин сўзлаб, қўйини пуч ёнғоққа тўлдириб юборишининг қизиги йўқ. У маслаҳатга эмас, ёрдамга муҳтоҷ. Ёрдам қилиш учун эрига учрашуви керак. Эри бўлса, ҳозир бошқа мактабда ишлайди. Модомики, ўзида ишламас экан, унга бир сўз айтиш ноқулай. Шармандага шаҳар кенг — уни беҳурмат қилиб қўйиши мумкин. Лекин Содиқ унинг беҳурмат қилишидан чўчимади, шундай бўлса-да, маслаҳат солди:

— Нима қил дейсиз, синглим?

— Сиздан ҳайиқади... Инсофга чақириб қўйсангиз-микни...

— Қейин, арзга борибсан демайдими?

— Утган сафар индамовди.

Хотиннинг бу жавоби Содиққа яна далда берди. Шундай бўлса ҳам, хотиндан бутун воқеани суриштириб олди, хотиннинг ўз камчиликларини ҳам айтиб, маслаҳат берди.

— Қарс икки қўлдан чиқади, синглим, сиз ҳам ҳадеб тиклашаверманг. Йинсон тили ҳар қандай ханжардан ўт-кир! Севдирадиган ҳам тил, бездирадиган ҳам тил.

— Вой, айланай, ўн сўзидан биттасига жавоб қайтарсам, дунёга ўт кетади-ку! Сўз бошламасимдан «гапингдан тутун ҳиди келади» деб оғзимга уради. Яна ўзидан эшитарсиз-ку, чўғни қофозга ўраб бўлармиди!

Хотин яна болаларига жабр бўлганини, дадаси эшикдан кириши билан дағ-дағ титрашларини айтиб, йиғлаб юборди.

— Худойимдан ўргулай, тилаганга бола бермайди, безганга қўшалоқлаб...

Хотиннинг бола ҳақидаги гапи Содиққа қаттиқ таъсир қилган эди. У, шу болалар ҳаққи ҳозир хотиннинг эри билан гаплашишга қарор қилди. Хотинни эшиккача кузатиб, соатига қаради. Телефонда унинг мактабда бор-йўғини суриштирди.

— Кетиб қолмасин, мен ҳозир етиб бораман,— деди. Поездга чиқаётган одамдек шошилинч билан эшикка отилди.

Туянинг пайпоги, отнинг одими улкан дегандек, Содиқ от юриш қилиб «бегона» мактабга етиб келганини билмай қолди. Дарвоза ённаги кичик эшикдан кириши билан, болаларнинг қий-чуви «шу ер мактаб!» деб турарди. У девор остига ётқизилган гишт йўлкадан борар экан, ўйларди: нимадан гап бошлишим керак. Шундай

галлашувим керакки, сих ҳам, кабоб ҳам куймасин. Албатта хотинининг ҳамма гапи рост эмас, арзга борган доим қўшиб-чатади, ўзи истамаса ҳам алам ва жаҳл шунга мажбур этади. Аввал эрининг улфатларини билиш керак, яхши яхшига ёндаштиради, ёмон йўлдан адаштиради.

Лекин Содиқ айтгандек бўлиб чиқмади. Содиқнинг келаётганини эшитган Шукуров қисқа бўйини чўзиб, олдинига «менинг аравамга шатак керак эмас», деб жўнаб қолмоқчи бўлди. Мактаб илмий мудири жавоб бермагач, «шу одам ҳам ҳар нарсага човлисини сола беради-да», деб бир оз бўшаши. Кейин яна тажанглашди. Кўзи уришқоқ хўроэнинг тожисидай қонга тўлди. Худди шунинг устига Содиқ кириб келди. Самимий кўришиб, энди мулойим гап бошлаган эди, бургадек сакраб тушди:

— Содиқ ака, худо хайрингизни берсан, менга оталик қилманг. Ҳар қанча насиҳат бўлса отамдан олиб қолганман.

— Йўқ, эшитасан! — деди қатъий қилиб Содиқ ва баланддан келди: — Гап ёлғиз сенинг оиласанг ҳақида эмас, совет ўқитувчисининг ахлоқи ҳақида. Тарбиясиз киши бошқани тарбиялай олмайди. Ахлоқдан лоф уриши пуч.

Шукуров кўрса, Содиқ қалтис жойидан олди, куч этмаганин сўз эгадиган. Бирпаста ели чиққан пуфакдек бўшашиб тушди.

— Уйдан безибман. Уйда ўтирсам юрагимни бирор сандиққа солиб, қулфлаб қўйгандек бўлади. Хотинимнинг ҳатто кулгани ҳам кўзимга хунук кўринади.

— Сен чучмал гап қилма, — деди Содиқ уни ўзига яқин тутиб. — Бу ҳаммаси ичкиликнинг оқибати. Асабларингни бўшаштириб юборди. Нима, хотин қўймоқчимисан, бешта боласи билан-а! Одамларнинг юзига қандай қарайсан? Қадамингни ўйлаб бос, бола, жар ёқасига келиб қолибсан. Эр хўрлиги — ер хўрлигидан ёмон! Тўғри бўлсанг, соянг эгри тушмайди, ўзингни оқлама! Ахир мен сени энди кўраётганим йўқ.

Шу кейинги жумла Шукуровнинг эсига анча нарсани туширди: худди шундай масала юзасидан унинг тили бир куйган, гарчанд мактабдан қувилмаган бўлса ҳам, «ўз хоҳиши билан» бўшаб қочган эди. Мана ўша унга таниш узун қўл ҳозир ҳам унинг гирибонидан тутиб туриди. У, бу мактабда яна масала қўйдириши мумкин.

Кўйдирибгина қолмай, ўзи иштирок этиши, астар-ав-

расини ағдариб ташлаши турган гап. Ана шундан кейин у Содиқни меҳрибонлиги, оиласининг ғамини еганлиги учун эмас, ундан қўрққанидан тилёғламалик билан ҳурмат қила бошлади. Айини бўйнига олди, узр сўради, гап орасида «янгам ҳам келинингизга жиндай насиҳат қилиб қўйсингиз, қуш тилинга қуш дарров тушунади», деди. Лекин қўйнига каттагина алам тоши солиб олди. Ичида «хаф сеними, тўхтаб тур!» деб қўйди.

10. МИРСАЛИМ МУШТУМИНИ ТУГДИ...

Ҳамма гап Мирсалимнинг бир ҳафта йўқ бўлиб кетишидан бошланди. Үннинг устидан рапорт кўтариб кирган илмий мудир: «Бу ҳолва, бундан қизиқлари ҳам бор» дегандек гап қилиб, Мирсалим доим директор қаноти остида яшаб келганидан арз қилди ва «мана энди сизнинг ўтигининг билан кириб, кулингиз билан чиқиб турибди»—га гап келтирди. Ҳеч қачон қаноти остидан бундайларга паноҳ бермаган Содиқ учун бу оғир гап эди. Демак, Мирсалим уни қора тортиб ўқиш-тарбия ишига путур етказяпти. Бу яхши эмас. Бунга Содиқ муроса қилолмайди. У Мирсалимнинг қайтишини кутиб, дастлаб ўша илмий мудирнииг ўзи билан бафуржка суҳбатлашмоқчи бўлди.

Содиқ, «Дарсдан кейин қолинг, озгинагап бор», деганда сал ҳуркиган илмий мудирнинг кўнглидан турли гап ўтди. У дўсти Мирсалим устидан арз қилганим аччиқ данакдек меъдасига ботмади шекилли, деб ўйлади, лекин айтган сўзидан қайтмоқчи эмас, аксинча, бутун тафсилоти билан фош қилиб ташламоқчи бўлиб директор олдига яна кириб борди. Директорлик креслосида ўтирган Содиқ ўрнидан туриб, пастга, илмий мудирнинг ёнинга ўтди.

— Боя гапимиз чала қолгандек бўлди,— дея сўз бошлади Содиқ.— Назаримда, сиз Мирсалим акани менга яқин тутиб, баъзи гапларни ямладингиз. Менинг у кишига яқинлигим рост. Мен бу шаҳарга келганимда қаршимга илк салом бериб чиқсан ва одамгарчилик қилган шу киши бўлди. Ҳали ҳам борди-келдимиз бор. Лекин бу, уни ҳар вақт ҳимоя қиласман, мактаб эшигига мих қоқиб кетса ҳам индамайман, деган гап эмас. Мени директорликка тайинлашганда, аллакимларни паноҳингда тут, пешонасини сила дейишмаган, дейишмайди ҳам, дейиш-

ган вақтда мен мактабни олмас ҳам әдим. Менга, ўша ердаги ўртоқлар билан мактабни күтәр, дейншган. Сиз билан менинг виждон бурчимиз ҳам шу. Сиз билан биз бир дараҳтмиз, ҳұснімиз бўйимизда эмас, мевамизда, мевамиз шу болалар. Демак, шундай экан, кечаги гапни батафсил гаплашсак дейман, токи Мирсалим аканинг нуқсони газак олиб кетмаса, вақтида олдини олсак.

Илмий мудир Содиқдан бунчалик гапни кутмаган, ўз дўстини силаб-сийлаб қўя қолар, деб ўйлаган эди. У Содиқнинг гапини кўнглида муҳокама қилди, муҳокама қилган сари тузланған гўштни чўйнагандек тагидан ма-заси чиқиб келарди. Унга қанот битди. У ҳам очигига кўчди:

— Мирсалим аканинг мактаб ишига ёзда қўли совуқ қотади! Қачон кўрсак кимнингдир пинжида, тош бўлиб сув оққан томонга думалайди. Бир нарса деб бўлмайди, директорнинг қўлтиғидан бошини чиқариб илжаярди. Ҳозир ҳам кишилар шундай фикрда, кечирасизу, «Содиқ акани уйлантирган тўйбоши ҳам — шу, директор қилган далолатчи ҳам — шу» деб қарашади. Маорифдагиларга ҳам ювощу мушук бўлиб юмшоқ суркалгани суркалганда! Мавқен пастроқни-ку, кнопка қилиб босиб юборишга тайёр!

— Дарси қалай? — деди Содиқ суҳбатни Мирсалимнинг ишига бурмоқчи бўлиб.

— Дарси кам, сифати миёна. Лекин қачон кўрсанг, илм дўлана эмас, ўзи гуллаб, ўзи пишса, у — айжир, парвариш талаб қилади, деб юради. Болаларга баҳо қўйишда жуда серҳиммат. Лекин афсус, баҳо билимнинг мезони деб тушунмайдиганлардан. Сиз келмасдан сал илгари икки боланинг ўзига эмас, отасига қараб баҳо қўйибди.

— Бу нима деганингиз?

— Отаси ўртоғи экан.

— Бу ахир... — Содиқнинг нафаси сиқилиб келди, нафрати уйғонди.

— Гап шунда-да! Кейин, кўп «ишилари чиқиб» туради. Бир-икки дарсларига ўзингиз кириб кўринг, бўлмаса, менинг гапларим жуда фийбатга ўхшаб кетди.

— Бу фийбат эмас, иш юзасидан шундай гаплашмасак, унда нима бўлади. Йўқ, сиз бемалол гапираверинг.

Лекин илмий мудир бошқа гапирмади «мана, мен дардимни айтдим, давосини қани, сен қандай топар экан-

сан», дегандек унинг оғзига қараб турди. Хайрлашиб чиқиши олдида:

— Кўпларнинг оғзини боғлайдиган унинг дастурхони! Илдизи чуқур! — деб қўйди.

Бу гап Содиққа «сен ҳам дастурхонига учма» бўлиб эшитилди, ичидан зил кетди.

Содиқ яна бир нечта ўқитувчилар билан суҳбат қилди. Бири: «Мирсалим ака мактабга дарс бериш учун эмас, кўринниш беришга келади. Дарсига инқиллаб кириб, болалардан нолиб чиқади. Дарспидан бошқа мактаб ишини тан олмайди, ёзда қўлинни совуқ сувга ургани эрнади» деса, бошқаси эса уни тўлдирди. «Ў киши тошбақа эмас, товуқ. Тошбақа мингта тухум қўйса ҳам индамайди. Товуқ битта тухум қўйиб оламни бузади». Яна бири: «Мирсалим аканинг тили билан дили бир эмас. Ёлғонни чин, чинни худо урдириб тапиради. Лекин маншати зўр, дастурхони — қалқони! Мактабдан оладиган билан бундай яшолмайди!» — деди.

Содиқ ўртоқларнинг сўзи билан ўзининг кўрган билганларини чоғиштириди: уларнинг гапида жон бор. Коллектив уни хуш кўрмайди, тўғриси, у коллективга қўшилмайди, бир поғона юқори юради. Шунинг учун унинг нуқсонлари бўртиброқ кўринса ҳам ажаб эмас.

Содиқ Мирсалимдек эски муаллимнинг аравадан тушиб қолишини истамасдан, турли тадбирлар ўйлаб юраркан, унинг келганини эшитди. Уйга қайтса Адолат хола:

— Мана буни Мирсалим ўртоғинг бериб юборибди! — деб олдига иккита катта сур тўш қўйди. Тузи юзига тепиб, мойи сарғайиб кетган тўш иссиқдан йилтилларди. «Буни менинг оғзимни мойлаш учун юборган, албатта», деб ўйлади Содиқ ва ўзини жуда ноқулай аҳволда ҳис қилди. Қайтариб юборай деса, онаси билан Мушаррафга нима баҳона топади-ю, Мирсалим қандай тушунади? Олиб қолса, эшитган қулоққа хунук. Ўқитувчиларнинг юзига қандай қарайди?

Бу орада Мушарраф луқма ташлаб қолди:

— Қаёқдан топаркин бунақа таисиқ нарсаларни? Тунов кунги қазисини қаранг: оғзингга тушмай эрнайди-я!

Бу луқма Содиқнинг тилини боғлаган эди:

— Бир четга олиб қўй, нима қилиб бу ерда ётибди, — деди ижирганиб.

— Айтинг, тунов куни уйнда олдимизга қўйганини ўхшаган қазидан бир-иккита топиб берсин. Келди-кеттига

жуда яхши-да!— деди Мушарраф сур тўшни олиб кетар экан. Бу чипқон устига дардек, Содиқдан жуда ўтиб кетди:

— Аввал шуни еб туринг!

— Ҳа, мунчал Қеладиган меҳмон битта меникими? Сизнинг обрўйингиз.

— Мен обрўйимни дастурхон билан эмас, меҳнатим билан топаман!

— Меҳнат... меҳнат... Меҳнат билан топгунча белларингиз қайншиб кетади. Ҳозир кишилар сердастурхон, серсовға бўлиб кетган. Тунов куни ҳам шунақа деб бир ўртоғингизникига тузукроқ совға қилдирмадингиз.

— Киши уялади ахир, пеш қилганга ўхшаб...

— Юрт-эл шунақа, нимасидан уяласиз!!— деди Мушарраф.

Содиқнинг хаёлида ҳамон Мирсалим ва сур тўш эди. Нега юборди? «Бирдан қайтариб юборсам, унинг ҳеч нарсадан хабари бўлмаса, кўнглига ёмон гап келиб элбурундан орани бузиб қўймайин. Зўр келса, ҳақини олади, қайтага қазисининг пулини ҳам қўшиб бераман!»

Мирсалимнинг ҳамма гапдан хабари бор эди. Эсини танибдикн, унинг қулоғи бошқаларнинг гапигагина эмас, ўзи тўғрисидаги сўзларга ҳам айгоқчилик қиласади. У гарчанд «яқин жигарим тўсатдан вафот этибди, йўлга чиқ, деган телеграмма олдим», деб важ кўрсатган, кетиш олдидан хотининг яхшилаб тайинлаган бўлса ҳам, масала бошқа ёқда эди. Телеграмма олгани ва унда хунук хабар борлиги рост, лекин хабар кишининг вафоти ҳақида бўлмай, олдини олмаса бир эмас, бир неча кишини, шу жумладан, Мирсалимни ҳам майиб қилиши мумкин бўлган ташвишли бир хабар эди. Унинг яширин савдо шерикларидан бирни қўлга тушган эди. Унинг касри Мирсалимга ҳам тегиши, уни муккалатиб юбориш хавфи бор эди. Шунинг учун Мирсалим хабар топиши билан ҳеч нарсага қарамай йўлга тушди. Иш анча чувалган эди. Бирини ака, бирини ука, деб минг эшикка кириб чиқди, зимдан иш тутди, маблағ совурди. Хуллас, ўпқоннинг олдини олди, хотиржам бўлди. Лекин иш битгач, қайтаверишга, биринчидан, «бир келиб қолибсиз» деб ёру дўстлари қўймади, иккинчидан, ўзининг ҳам «оёғини бемалол узатиб» уч-тўрт кун майшат қилгиси келиб қолди.

Уйига қайтса, мактабда дув-дув гап. Олдинига

ишионмади, Содиқни орқа қилди, у учун тузган дастурхонларини эслади, кейин билса тўғоннинг бошида туриб, сувни лойқалатаётган Содиқнинг ўзи! Очиқ кўкрак кериб, майдонга чиқишга кучи етмайди. Содиқдан хафа бўлиши бефойда, у тепада, бу пастда. У қўлиниг тирсагидай, ёнида бўлганида ҳам барибир тишлолмайди! Яхиси аламни ичга ютиш, заҳарни дилда-ю, шакарни тилда тутган маъқул. Шу қарорга келганидан кейин, ҳеч нарсадан хабарсиз кишидек, иккита сур тўши корзинкага солиб юборди.

Унинг иши сал ўнгидан келмай қолса, таҳорат қилиб намоз ўқийдиган одати бор эди. Шунинг учун, эрталабки намоз қазо бўлганидан пешинга таҳорат олди, ичкари уйга кириб жойнамоз устида узоқ ўтириди, тиловат қилди. Кечки овқатни барвақтроқ қилдириб, шом билан хуфтонни қўшиб ўқиди. Бу орада ўқишидан қайтган Азиза радиони қўймоқчи бўлган эди, диққинафас бўлиб турган онаси қайтарди:

— Отанг нохуш, эртага қўярсан, қизим!

Мирсалим нохушлнгига уйда қадамлар санаб босилар эди. Азиза оёқ учида бошқа хонага ўтиб кетди.

Мирсалим ён соатини шимнининг липа чўнтагидан олиб қаради. Кейин узоқ фотиҳа тортиб, ўрнидан турди, жойнамозни йифди. Хотинига аччиқ чой дамлатиб бир пиёла ичди-да, «бир жойга бориб келаман» деб чиқиб кетди. Кетма-кет Азиза радиони қўйиб юборди:

— Дадамни шунаقا кўрсам бирарам юрагим сиқиладики! Нима қилибди? Нега хафалар?

— «Ичимни топ» даданг айтармиди! — деди онаси ўксисб.

Азиза онасига далда бермоқчи бўлди.

— Ҳа, ўзлари ҳам унар-унмасга қуруқ хазондек турйиллаб ёнаверадилар!

Мирсалим Содиқнинг эшигини хурсанд кишидек, дадил қоқди. Эшикни очган Қодир салом бериб, ичкарига таклиф этди. Мирсалим Қодир билан сўрашиб, бепарво одамдек гап қотди:

— Хўш, иним, ўқишлиар яхими? Қийналаётганингиз йўқми? Нима янгиликлар? — ундан жавоб олмай, ҳовлида дуч келган Адолат хола билан сўраша кетди: — Ҳа, она, бардаммисиз, тетиккина юрибсизми? Мушаррафхон қўлингиздан ишингизни олиб, яйраб қолдингизми?

— Шукур болам! Ўзинглар тинчмисизлар?..

— Шукур! Шукур! Бундоқ келинни бошлаб бормай-сиз, қадрдонлик шунақа буладими!

— Борамиз, вақти-соати билан, болам! Тинч бўлсанглар бўлди!

— Тинчмиз, тинч.

Уларнинг товушини эшишган Содиқ «ўзи ҳам келиб қолди-ку» деб кўнгли алланечук бўлганича, Мирсалимнинг қаршиисига чиқди. Мирсалим анча вақт кўришмай соғиниб қолган қадрдонлардек сал букиллаб икки қўллаб кўришди, қуюқ сўрашди. Мезбон кўрсатган ерга ўтиргандан кейин кутилмагандага икки ўртага жимлик чўқди. Содиқ уни ҳамма гапдан хабардор деб гумон қилар ва сўз бошлашини кутарди. Мирсалим эса, ундан эшишмоқчи, ҳеч ким йўқ жойда арз-додини айтиб, ёлвормоқчи. Лекин иккала томон ҳам гап бошламади, Содиқнинг бошлаш нияти йўқ, масалани мактабда кепг муҳокама этмоқчи, бошқаларга ибрат қилиб, бундан фойдаланиш истаги бор. Шунинг учун унга масаланинг бу ерда очи-лишидан очилмагани маъқул. Ўртага дастурхон ёзилиб, чой келса ҳам гап бу масала томонга бурилмади. Мирсалим «вафот этган» қариндошларининг фазилатларини айтиб, кўзига ёш олди:

— Бешта сағири шомдати чумчукдек чирқиллаб қолди. Хотини ўтли-шудли бўлса ҳам гўрга эди. Топиб-тутиб турган эри ўлибди-ю, йиғлашини билмайди!

Шундан кейин Мирсалим гапни мактабга айлантириб келиб, Содиқнинг носинашта коллектив билан ишилаши нақадар оғир бўлишини алоҳида таъкидлади. Но-мини айтмасдан баъзи ўқитувчиларнинг ношудлигидан, ишидан, қилмишидан нолиди. Содиқ гапнинг кераксиз жойдачуваб кетишидан чўчиб, уларнинг номини сўрамади.

— Сизга ниҳоятда қийин, жуда қийин. Сизни адаштиришлари мумкин. Лекин сиз тажрибали, кўпни кўрган тадбирли кишисиз. Урнингизда мен бўлсан борми? Дўстни ўзимга душман қилиб қўярдим. Сиз зийраксиз, тадбирлисиз, етти ўлчаб бир қирқасиз. Кишининг қадрига етасиз, меҳнатни улуғлайсиз. Мана шунингизга қойилман, қандингизни уринг!

— Ҳали нима иш қилибмиз, қандимизни урамиз?—
Ғаши келди Содиқнинг «Эшишибди», деди ичидা.

— Йўқ унақа деманг. Зоология кабинетига яна учта

экспонат ясаб берибсиз, шу кичкина гапми? Шу вақтга-
ча бирор қилганмиди? Иўқ!

— Биладиган одам бўлмаган, бўлмаса...

— Иўқ, билганда ҳам қилмас эди. Бошқа биладиган
ишларидан нимани қилинди. Ҳеч...

Содиқ сўзини бўлди:

— Дурадгорлик-чи? Тарих кабинети-чи? Гулзор-чи!
Ҳеч бирига пул сарф қилганимиз йўқ.

Мирсалим бўш келмади.

— Тўғри... Лекин сизники бошқача. Худди тирик бў-
рининг ўзини қилиб қўйибсиз-а!

Мирсалимнинг куйиб кетгани яққол кўриниб туар-
ди, у бир вақтдаги чаққон ва тадбиркор кишига ўхша-
мас, жуда саёзлашиб қолган эди.

Мактабда, ўзи йўғида бошланган гап-сўзининг олдини
олиш ниятида келган Мирсалим шунча тил чайнаб ҳам,
муродига етолмади, «шунчаки гап шекилли, тинч ётган
илоннинг бошини қимирлатиб нима қиласман» деган қа-
рорга келиб, ўрнидан қўзғалди.

Содиқ уни кузатиб, кабинетига қайтиб кирав экан,
Герман Вамбери китоби билан «Бобирнома»га кўзи туш-
ди, шу китобларининг Мирсалимда бўлганига ишонма-
ди, у бундай китобларни ўқиидиган кишига ҳеч ҳам
ўхшамас эди.

— Вой, Мирсалим акам кетиб қолдиларми, корэин-
каларини бериб юбормоқчи эдим,—деб кириб келган
Мушарраф эриннинг орқасидан у ўқиётган китобга кўз
ташлаб, бурнини жийирди.— Ҳалиги айтганимни Мир-
салим акамга тайинладингизми?

— Нимани? — ҳайрон бўлди Содиқ.

— Сиз шунақасиз, менинг гапларим қулоғингизда
турмайди, хаёлингиз қаёқда эди? Қази демадимми?

«У нима дардда юрибди-ю, сен нима орзуда» деган
фикрни кўйглидан ўтказди Содиқ, гапни қисқа қилиш
учун:

— Айтдим!— деб қўя қолди.

Содиқ Мирсалим устидан тушган рапорт ва ўқитув-
чиларнинг фикрларини дарров ўртага солиб наридан-
бери бир ёқлиқ қилиб ташламоқчи эмас, ўша фактлэр
асосида кузатиш олиб бориб, кенг муҳокамага қўйиш
мақсадида арқонни узун ташлади. Бу гаплардан хабар
топган Мирсалим беш-үн кун фаол бўлди, ўзи раҳбар
бўлган синфнинг мажлисини ўтказди, ота-оналарни ча-

қириб суҳбатлашди, ҳатто иккитасининг уйнга бориб дарс тайёрлаш шароити билан танишди, мактаб деворий газетасининг навбатдаги сонини чиқаришда бош бўлди. Буни кўрган илмий мудир, «директор суҳбатлашиб, танибини тортиб қўйибди», деб тушунди, ўқитувчилар орасида «Кесакдан чақмоқ чиқди» деган ибора тарқалди. Мирсалимнинг инсофга келиб қолганидан хурсанд, Содиқ, «қани энди бир дарсига кириб кўрай», деб қўнғироқдан ўн беш минут кейин синфиға кирди, бир четга ўтиб ўтирди. Не кўз билан кўрсинки, Мирсалим дарс ўтмас, синфи бошига кўтариб дафтар муқовасидаги суратлар орасидан совет сиёсатига қарши сўз ёки белгилар қидиритиар эди. Бу иш жуда катта аҳамиятга эга нарсадек Содиқ киргандан кейин ҳам тўхтамади, балки «мана-мана, мен топдим», деб аллақандай белгини кўрсатган болани елкасига қоқиб, зниракликда мақтади, бошқаларни ҳам шундай ҳушёрликка чақирди. Содиқнинг энсаси қотиб чиқиб кетди. Қўнғироқ чалингач, Мирсалимни кабинетига таклиф қилди.

— Бу қанақа бўлди, Мирсалим ака, бир ҳафталаб дарснинг қолиб кетганни етмагандек, яна бунақа бема-загарчилик.

Мирсалим чумчуқдек бир силкиниб олди: .

— Бу ҳушёрлик дарси, ўртоқ Қўчкоров!— деди Мирсалим ўзининг ҳақлигига шак келтирмаган кишидек расмий оҳангда.

— Ҳушёрлик?.. Қўйинг бу бемаънигарчиликни! Дарс ўтинг! Кечагина программа катта, вақт кам деб нолиб юрган эдингиз, бугун...

Содиқнинг зардаси қайнаб бошқа сўз айтольмади. Қўлидаги қаламни стол устидаги ойнага кети билан «чиқ» этиб уриб, ўрнидан турди:

— Шундай бўлсин, Мирсалим ака!— деб юмшатди.

Мирсалим, нима учундир, бу гал кўксига тушиб кетган бошини аранг кўтариб, эшикдан чиқди.

Навбатдаги педагоглар кенгашида Содиқ унинг камчиликларини тилга олиб, ўртоқлик маслаҳатлари берди, дафтар муқовасидаги суратлар орасидан қандайдир сўз ёки белгилар қидириш ҳушёрлик эмаслигини таъкидлаб кулди, шунда бир ўқитувчи:

— Мирсалим акамнинг хурофотга қарши кураш методлари ҳам алоҳида!— деб луқма ташлаган эди, ҳамма кулиб юборди. Кейин маълум бўлди, рўзада Мирса-

лим папкасида нон олиб келиб болаларга бир тишламдан бериб юрганмиш. «Ха, бу нимаси?» дейишса, «рўзага қарши курашяпман!» деб астойдил керилган эмиш.

Ерилиши лозим бўлган бу яранинг ситилганидан мактаб колективи хурсанд бўлди. Лекин Мирсалимнинг боши эгилган бўлса ҳам чўнтағида қўлинни муштлаган, кўксинда кек уйғонган эди. Ҳаммасини Содиқдан кўрарди.

11. ҚАЙФУ ТИЗГИНИДАГИ СЕВИНЧ

Ун беш йил фарзаңд орзусида ўртсанг ан юракнинг ўн олтинчи йили ота бўлишини билгандаги севинчини, ҳаяжонини тасаввур қила оласизми? Албатта, йўқ. Бошидан кечирганнина билади!

Мушарраф бир куни Содиқни жуда хурсанд кутиб олди, ёш қизчалардай эркаланиб, қўлинни унинг бўйнига ташлади:

— Бир хушхабар айтсам, нима олиб берасиз?

Хотинининг бачкана қилиқларини ёқтирамаган Содиқ:

— Айтганинг! — деб қўя қолди, ортиқча парво қилмади.

— Йўқ, отини айтасиз,— яна ёпишди Мушарраф.

— Айтганинг дедим-ку.

— Ростми? Айтганим бўлса, йигирма қатор йирик дур марварид олиб берасиз. Кечадан бери кўнглим нордон нарса тусайди!

— Ростми? Ростингни айт, ростми? — Содиқнинг тили бошқа сўзга келмас, кўзида ёш йилтиллар эди. Севинч тиззалиридан дармонини зулукдек сўриб, у бўшашиб стулга ўтирди. Бу дунёда ундан баҳтли одам йўқ эди!

Мушарраф ҳомиладор бўлганидан кейин очилиб кетди. Жиндек бағбақа солди. Оқقا мойил юзлари таранг тортиб, қўш билак узукли момиқ билаклари, бўғин оралари бўғирсоқ, гўштдор узун бармоқлари пўрсилдоқ, лаблари ўзга чирой касб этди. Айниқса тўши тирсиллаб, ҳар қандай кўйлак кийса ҳам ўзининг виқорини намо-йиш қилиб турарди. Содиқ Мушаррафнинг бутун гўзалиги ва латофатини туғиладиган болада кўрар, унинг завқи билан хушнуд, ҳаваси билан маст эди. Мана шу нозик торнинг пардаларини Мушарраф яхши тушунар,

унга қўл келган, уни вақти-вақти билан истаганича чертиб турар, ҳар чертиши эса Содиқнинг тинчлигини бузарди.

Мушаррафнинг қўнгли фўра тусаган кундан бошлаб Содиқнинг тизгини хотинига ўтиб қолган эди. Фўрадан бошланган эркалик қўш олтин билагузук буюртиришга, марварид ҳарид қилишга, кетма-кет кўйлак тикиришга, пальтонинг сонини учтага етказишга бориб етди. Оёқ кийинмининг-ку сони йўқ. Бошлаб «фигурамни сақлайман», деб баланд пошина олдириди, кейин «докторлар айтди, баланд пошина бўлмас экан», деб паст пошина тикириди, «ёзлик», «қишилик», «уйлик», «кишилик», деб яна инжиқлик қилди, бу орада «туққанимда кияман», деб баланд пошинали сатанг амиркон этик ҳам тикириб қўйди. Тиш докторининг «ҳозир сизнинг тишингиизни арралаб бўлмайди, бўшалганингиздан кейин ўзим яхшилаб қўйиб қўяман», деб ёлворишига кўнмасдан, битта сўйлоқ тишини баҳона қилиб яна тўртласига тилла қоплатди. У бир ҳафта амиркон туфлисини гарчиллатиб таниш-билишларинида кўз-кўз қилиб юрди. Олма уруғини ивтиб, унинг шираси билан чеккасидағи келнинлик гажагини қармоқ нусха қилиб елимлади... Ой-куни яқинлашган сари унинг феъли-авторида шу вақтгача яшириниб ётган нуқсонлари кўзга ташлана бошлади. Бу нуқсоннинг ҳар бири бир инжиқлик, бир кўнгилсизлик ёки бир ортиқча харажат бошлаб келарди. Содиқ айтганига қулоқ солмаса, аввалига «ҳа, билиб қўйинг, болангизнинг қулоғи чипоқ бўлиб қолса мендан эмас, ўзингиз мен айтган нарсамни олиб бермаяпсиз», деб эркаланар, «хотин ҳомиладорлигида сиқилса, кам-кўстлик тортса нуқсони болага уради», деб эшигтан Содиқ қаршилил қилмас, у бошлаган кўчага юриб, у очган эшикдан магазинга кирди. Кўнгли тусаган нарсани едирди, ҳавас қилган либосни кийдирди. Аввалига ҳавас ва зарурат билан бошлаган бу ишлар кейинчалик зуғумга, дағдағага айланди. Бундай пайтда Мушарраф ер тепишар, ҳали туғилмаган болани минг балога гирифткор қиласар, каравотга ўзини отиб соатлаб йиғлар эди.

Бугун эрталаб ҳам Мушарраф ниманидир баҳона қилиб дилисиёҳликни бошламоқчи бўлган эди, Содиқ айтганини оғзига тутди-ю, у қаёққадир чиқиб кетди. Орқасидан ҳайрон қараб қолган Содиқ онасига нолиди:

— Бу қандай бўлди, ойн!

— Қўй, жон болам, хафа қилмал У ҳозир икки йўлнинг ўртасида ўтирибди,— деди Адолат хола Мушаррафнинг ой-куни яқинлигига ишора қилиб.— Аслида «айб ўзингда, бошида маҳкам тутмадинг, менга фарзанд туғиб берар экан, деб оғзига қарадинг, эркалаб, суйилтириб юбординг»,— демоқчи эди, лекин дамини ичига юtdи. Шундоқ ҳам дили вайрон бўлиб ўтирган ўғлига раҳми келди, мисол келтириб, инсофга чақирди:

— Киши турадиган уйнинг тўрт бурчаги бор, болам, икки бурчагидан бол, икки бурчагидан зардоб оқади. Болидан лаззат кўрган зардобига ҳам чидаши керак, жон болам. Ҳамма Жаннат бўлавермайди. Гулни деб, тиканни ҳам суғаради, киши. Беташвиш уй қайда бор, жон болам. Кўзи ёриса, бола билан ўралашиб, тинчиб қолар. Қаттиқ гапирма.

— Кейин ҳам...

— Йўқ, жон болам, худо хоҳласа кейин яхши бўлиб кетади. Баъзи хотин иккιқатлигида шунақа инжиқроқ бўлади. Омон-эсон қутулиб олсин.

Содиқ уининг кўзи ёригандан кейин яхши бўлиб кетишига ишонмасди. Чунки уининг тантиқ ва инжиқлиги ҳомиладорлигидан эмас, характеристида эди. Адолат хола келинининг ёнини олиб, қанчалик меҳрибонлик қилмасин, Мушаррафнинг ортиқча ҳаражатларидан хурсанд эмас эди. Шунинг учун сотиб келинган ота ҳовли пулнинг чўғи ўчишини кўриб, «қўюли очиқ» ўғлидан ўпкалади, бу билан ҳам қаноат қилмай: «Қодирнинг ҳиссасини бу ёқса бер»,— деб бир қисмини олиб қўйди. Буни эшнитган Мушаррафнинг жони-финони чиқиб кетди:

— Дод, кундошдан баттар қайнана дастидан! Кийсам гўримға орқалаб кетаманми, ўғлингнинг обрўйи! Директорнинг хотини бўла туриб, сарпойчан юраймни! Бўз кияими!

— Бўзни сиз билмайсиз, бўз нималигини биздан сўранг, жон болам!

Бу оиласининг тинч қўргонидан илк ғишт кўчиши эди, кейинчалик ғишт эмас, бутун-бутун деворлари ларзага кела бошлади. Адолат холага тушган илк оғирлик, кейинчалик Содиқнинг бўйнига атдарилди. Икки гапининг бирида эриининг ношудлигидан, тизгинини онасиға бериб қўйганидан, эркак бўлиб орзу-ҳаваси йўқлигидан, ишдан бошқани билмаслигидан, ҳатто ёнига ўтирсанг китоб-дафтар ҳиди келишидан нолиди.

Мушарраф ўлгудек кунчи эди. Бир томондан қараганда күпчиллик ҳам ўхшамас, бу эрининг елкасига миниб олиш учун бир баҳонадай кўринарди. Умрида қизғаниш нималигини билмаган, бегона хотин билагини тутмаган Содиқ учун бу жуда алам қилар, айбсиз айблангандек виждонини қийнарди. «Наҳот кўча кўрган хотин ҳам шунақа кўр бўлса», деб куфури ошарди. Содиқнинг кеч қолишидан юраги безилларди. Бугун ҳам район маорифи бўлимида йиллик имтиҳонларга тайёргарлик масаласи муҳокама қилинар экан, сўзга чиқувчиларнинг баъзилари мажлисни чўзиб юборди. Уйни огоҳлантириб қўймаган Содиқнинг юраги ғаш, табиати хира эди. Кейинги нотиқларнинг сўзини деярли эшитмади. Ундан сўзга чиқишини сўрашган эди, соатига қаради. Қоронги тушган деразани кўрсатди. Мажлиснинг чўзилгани етмагандек, маориф мудири иши борлигини айтиб уни олиб қолди. Иши ўша мажлиснинг давомидек бўлди, Содиқнинг янгилигини таъкидлаб, ҳаммага маълум йўл-йўриқни берди. Мажлису йўл-йўриқдан хуноби чиққан Содиқ бурнидан тортса йиқилгудек силласи қуриб уйнга стиб келганида вақт алламаҳал бўлган, Мушарраф қовоғидан қор ёғиб ўтиради. Унинг авзойини кўрди-ю, яна достон бошланадиган бўлди, деб ичкари уйга индамасдан ўтиб кетди. Ечинаё: «Б Мушаррафнинг бошлайдиган «дийдиёси»дан юраги безиллар, унга ўзича жавоб тайёрлар эди. «Эй, тавба, қандай кунга қолдим?» деганича емакхонага чиқиб келди.

— Тузукроқ овқат қилувдиларингми? — деди столга ўтираётib кўзлари киртайиб кетган Содиқ.

Содиқ кутганидек эрининг кеч қолишидан минг хаёлга бориб, ҳар хотинни гар, ҳар жувонни ўйнаш тутиб ўтирган Мушарраф ўсмадан қора айёр қошларнини чиимириб, бижғиди:

— Меҳмон қилган бойвучча ош дамлаб бермадими?

Бир очга, бир касалга тегма дегандек, Содиқнинг зардаси қайнади, титраб туриб ачитди:

— Менинг қучоғимдан чиқиб боргунча тагига олиб кетибди, еёлмадик.

Мушарраф бу аччиқ билан айтилган гап эканини билса-да, пўрсилдоқ лаблари кўкариб, тўнини тескари кийгандан Адолат хола кириб қолди. Унинг салобати Мушаррафнинг оғзига қопқоқ бўлди-ю, лабини қийшайтирганима ошхонага ўтиб кетди. Овқатни «тақ» этиб эри

олдига қўйди. Лекин Содиқнинг иштаҳаси бўғилиб бўлган эди, қўлини ҳам урмади.

— Ол, жон болам, совиб ҳам қолгандир. Ишинг кўпайиб кетдими, кеч қолдинг бугун?

Содиқ боши билан тасдиқлади, ошни олдидан суриб ўрнидан турди. Унинг гапиришга ҳам мажоли келмас эди.

«Оҳ болаларим-а, болаларим, умринг қадрига етмаган болаларим», деганича Адолат хола ўз бўлмасига кириб кетди. «Шамол келини»нинг феъли унга маълум эди.

Содиқ шу куни диванда ётиб қолди. Унинг фарзанд кўриш севинчи қайғу тизгинида эди.

12. ТИРНОҚ ОСТИДАН КИР ҚИДИРИБ...

Педагоглар кенгашидаги гаплар Мирсалимга ўрма қамчи бўлиб теккан эди. Унинг суяк-суягигача зирқираб, узоқ вақтгача аламдан титраб юрди. Бу ишни Содиқ бошлаб берганига сира чидамас эди. «Содиқ ким? Кечагина кўчини орқалаб келган келгинди! Пайтава бошга чиқиб, бугун директор. Шундай шаҳри азимда ўсиб-унган кишиларга ақл ўргатади, йўл бошлайди. Наҳот шу ердан биронта таги-тахтли, аччиқ-чучук тотиган бир одам топилмас эди!— деб ўйлай бошлади Мирсалим,— шунча соясига кўрпача солиб, қаршисига пешвоз чиқдим, дастурхон ёзиб, коњяк қуйдим, бари бир «келгинди»лигига борди, қадримга етмади. Яхши одам бўлганингда, хўп, шу хатолик мендан ўтган экан, секин чақириб, ўз қулоғимга айтиб қўя қолмайсанми? Уйинггаку катта бошимни кичик қилиб эгиб бордим, гап бошладим — шу етмасмиди! Дўст-душман ўртасига олиб чиқиб нима қиласан, нодон? Сен шохимга ошкор болга урсанг, мен зимдан остингга сув қуяман. Менинг ҳам шунаقا йўлларим борки, бир куни пешонангга «оҳ!» деб урганингда биласан! Майли, қилмиш-қидирмиш! Бошладингми, жавобини ҳам кут!»

Мирсалим ана шундан бошлаб Содиқнинг изига тушди, қилдан қийиқ, тирноқ остидан кир қидирди. Аввал унга Содиқнинг Жанинат билан боласиз бўлса ҳам тинчтотув яشاши ғайирлик қуртларини қимирлатиб қўйгав бўлса, энди бир «келгинди»нинг обрўй орттириб, мактаб директори бўлиб ўтириши, кундан-кун мавқеи ошиб бориши, йўлидаги хас-чўпларни бераҳмлик билан сиди-

риб ташлаши унинг ғашини нафратга, аламини газабга айлантирап эди. У пайт пойлаб чалишни мўлжаллаб, заҳрини дилида, шакарини тилида олиб юрди. Ташқаридан кўрган одам бу икки дўст орасидан қора мушук ўтганини пайқамас эди. Содиқ эса, бу гапларга иш юзасидан бўладиган танқид деб қараган, эртасидан унугиб, бояги-боягича муомалада бўлиб кетаверганди.

Буни Мирсалим ўзича тушуниб, биринчи босқичи ўтди, энди иккинчисига замин ҳозирлаяпти, деб ҳадиксираб юрди, ўзича тадбирлар кўра бошлади. Зарур топган бир-икки идорага Содиқшинг «ишлари»дан анонимка ёэди, ҳадди сиққан кишилар орқали турли миш-мешлар тарқатиб турди. Энди у аввалгидек кимгадир орқа қилиб, дарсига бепарво, жамоат ишларидан четлаб юрмасди. Мактаб ишига боши билан шўнгиган бўлиб, Содиқнинг қадамини санайди, ҳар сўзидан бошқа бир маъно излайди. Содиқ ташаббус кўрсатиб бошлаган ҳар ишнинг охирида «вой»и чиқинини тўрт кўз бўлиб кузатар, кетидан қуварди, лекин «пичоққа илингудек» тузук нарса қўлига кирмас, бу эса унинг баттар жаҳлини чиқарар, асабини қақшатар эди. Аммо Содиқ билан аввалгидек аҳилга ўхшар, уни баъзан уйига таклиф ҳам қилиб туарди. Аслида унинг мушосабатида қори кетиб, музи қолган эди.

Баҳор чиқини билан Содиқ бошлаган ташаббуслардан бири мактабининг орқасидаги бекор ётган каттагина майдонни обод қилиш бўлди. Ботаника музаллимини чајириб: «Тажриба бояни қилсан қалай бўларкин?» деган эди, у «қани эди!» деб яшнаб кетди. Бу фикр шу вақтгача ўзининг хаёлига келмаганидан сал хижолат тортгандек ҳам бўлди. Шанбалик қилиб бошланган бу эзгу иш колективининг қўллаши билан яхши натижа берди. Майдонга турли мева кўчати, хонадонларда кам бўладиган гул ва чечаклар экилди, тажриба станциясидан нозик декоратив ўсимликлар келтирилди. Болалардан наубатчилар тайинланиб, ҳар синфга участка бўлиб берилиди.

Бу ҳаракатни эшигтан Мирсалим «Зора бир нарса чиқиб қолса», деган умидда ҳовлиниң бурчида занг босиб ётган кетменини наридан-бери тозалаб, иш бошига келди.

— Келинг, Мирсалим ака,— деди Содиқ ва ёнидан жой кўрсатди.— Шу ерга бир жуфт анжир экамиз.

«Анжир» сўзи Мирсалимшинг «илм дўлана эмас, ўзи

гуллаб, ўзи пишса, у — анжир, парвариши талаб қила-
ди» деган ўз сўзини ёдига туширди. Туширди-ю, хаёли-
ни аллақаёкларга бевош етаклаб кетди: «Демак, Со-
диқ менинг пайимга тушган, яна иш чиқармоқчи, акс
ҳолда шу вақтда менга анжирни писандада қилмаган бў-
ларди».

Мирсалим авайлаб юрган ярасини уриб олган ки-
шидек бўлиб кетди ва ҳеч нарса демасдан Содиқ кўр-
сатган ерга чуқур қазий бошлади. Ваҳоланки, Содиқ-
нинг хаёлига ҳеч қандай фикр келмаган, чиндан икки
туп анжир экиш мўлжалланган эди. Ўша икки туп ан-
жирнинг биттасини келтириб, ўзи тайёрлаган ерга сал
ёнбошлатиб ўтқазди, иккинчисини Мирсалимга узатди:

— Бу сизга!

Содиқ иккита ғиштни устма-уст қўйиб ўтири, бир
кафт нам тупроқни олиб қўлида эзғилади, ундан баҳор
ҳиди келарди. Ҳашар қайнаб турган атрофинга қаради:
ҳар жонда бир уйғониш, бир завқ. Баҳор ҳар қалбга
кириб боргандек, баҳор ҳавоси ёшликни эсга солгандек
ёқимли ва юмшоқ. Энди бўртган куртакларнинг кўрки
бир олам. Бир жуфт қалдирғоч осмонда чарх уради:
«Юр, биз билан бинафша кўзи милтиллаган боғларга,
чучмома, лола кеккайган қўрларга,mall ранг сой бўй-
ларнга!» дегандек, худди бошининг устида вижирлайди,
аллақаёкларга учиб кетиб йўл кўрсатган бўлади.

Содиқнинг баҳор завқига маст хаёлини майдондаги
юқори синф болаларининг қий-чуви бузди. Улар нима-
нидир талашар эдилар. Содиқ етиб борди. Майдоннинг
четида қачонлардир отхона вазифасини ўтаган эски
бостирма бўлиб, уни бузинш мўлжалланган эди. Бузин-
шәтиб унинг бир бурчида қалдирғоч уясини кўриб қо-
лишибди. Бир шаддодроғи:

— Ҳеч нарса қилмайди, бошқа жойга қуриб олади
уясини,— деса, бошқаси:

— Увол! Шунча меҳнат сарф қилган!— деб қарши-
лик билдиради.

— Баҳорни ёмон кўрган одам қалдирғоч уясини бу-
зади!— деди бир бола ва «менинг қўлим бормайди» де-
гандек кетмонини бир четта улоқтириди.

Болаларнинг куйиб-ёниб тортишувларига завқ би-
лан қулоқ солиб турган Содиқ, шоир табиатли бола би-
лан яна бирининг елкасига қўлинин қўйиб кулди. Улар-
нинг фикрини қувватлади:

— Тўғри, баҳорни ёмон кўрган қуш уясини бузади!

— Гулхонани қаерга қурамиз бўлмаса?— деди бояги шаддод бола ҳайрон бўлиб. Унинг куйганича ҳам бор эди. Бу нураган бостирмани олиб ташлаб, ўрнига ҳонаки гул ва гиёҳлар учун жой қилиш мўлжалланган эди.

— Бизнинг гулхонамиз шаҳримизнинг генерал пла-нида йўқ. Нариги томонга олиб қурсак ҳам бўлади,— деди Содиқ кулгига олиб, ғолиб чиққан томон чапак чалиб қувонди.

Буларнинг барчасидан хабардор бўлиб турган Мирсалимнинг юраги эзилиб кетди: «Бир паррандага раҳми келади-ю, мени шу қалдирғочча ҳам кўрмайди, тинчимга чанг солгани солган!». Шунда яна бир бошқа қабиҳ фикр хаёлига келди. «Ҳа-ҳа,— деди ичида у,— нима учун қалдирғоч уясини буздиrmаганингни биламан. У Маккадан келган! Болалар ўртасида динни яширин ташвиқот қиляпсан». Худди шундай, деб бир идорага ёзишни кўнглига олиб қўйди.

Мирсалимнинг қора ниятидан хабари йўқ Содиқ унинг ёнидан ўтар экан:

— Шундай ажойиб қушнинг уясини бузишмоқчи-я, болалари тушкур!— деди.

— Макка қуши денг!— дея тегишган бўлди Мирса-лим, мақсади эса «Макка» сўзини одамлар оғзига тушириб қўйиш, керак бўлганда Содиққа тўнкаш эди.

— Гап Маккаданми, бошқа ёқданми келганида эмас, умуман, болаларда паррандага меҳр уйғотиши керак.

Тушлик жуда кўнгилли ўтди. Ҳар ким олиб келган нарсасини ўртага ташлаб, боққа ток очишга чиққан боғбонлардек яйрашиб ўтириб, тамадди қилишиди.

— Икром отамни чарчатиб қўйдик!— деди бир ёш ўқитувчи қаршисида терлаб тамадди қилаётган кекса ўқитувчига тегишиб.

— Отамиз, чинор,— деди у кишининг кўнглини кўтариб Содиқ.— Минг йил яшаган чинорлар ҳам ҳар йилли бир барг ёзиб, илдиз отади. Икром отам-ку...

Бошқа бири унинг сўзини бўлди.

— Отамнинг иликлари тўқ.

— Сиз чиқмасангиз ҳам бўлади, девдим, йўқ, рози бўлмадилар!— деб гапга аралашиб илмий мудир.

— Бир эзгу иш қилиб, кайфини суриш ҳам ўзи бир

даврон, болам!— деди Икром ота, ўз ишидан мамнун эканини билдириб.

— Шу гапдан кейин бир кекса боғбоннинг ҳикояси эсимга тушди. Кўнглингларга олмасанглар айтиб бераман,— деди Содиқ пиёласидан сўнгги қултум чойни ҳўплаб.

— Айтиб беринг, Содиқжон, дўстнинг аччиқ сўзидан нодон хафа бўлади!

Икром отанинг бу холис сўзи «иштонсизнинг чўпдан ҳадиги бор» дегандек, Мирсалимга тегиб кетди, ичидаги «менга кесак отмаган сен сассиқ чол қолувдинг», деб тишини тишига босди.

— Шунаقا баҳор кези экан,— гап бошлади Содиқ.— Соч-соқоли оппоқ бир мўйсафид кўчат ўтқазаётса, оғзиға кучи етмаган бир бойвачча ўтиб қолибди.

— Ота, қариганингизда кўчат экяпсизми?— дебди.

— Ҳа, яхши нав эди.

— Ҳали мевасидан ҳам умидворман денг!

— Бўлмасам-чи!

Мўйсафиднинг жавоби бойвачча йигитнинг энсасини қотириб, жаҳлини чиқарибди, ичидаги: «Наҳотки шу мункиллаган чол кўчати мева бергунча яшаса» деб ўйлабди-ю, бойваччаларга хос ғурур билан отани менсимай:

— Шу кўчатингизнинг мевасини ўзингиз тотисангиз хотиним талоқ бўлсан!— дебди ва отига қамчи бослабди. Бечора чол орқасидан «ҳой-ҳой болам, қасам ичма!» деганича қолаверибди. Йиллар ўтибди. Кўчат улғайиб ҳосилга кирибди, мевасининг донғи атрофии тутибди. Уша бойвачча йигит бу боғнинг таърифини эшишиб келибди. Қараса, ўша мункиллаган чол ҳали тирик, йигитни танимабди, олдига дастурхон ёзибди, мева узибди.

Такаббур йигит мевадан тотиб туриб:

— Ўзингиз ҳам олинг, ота, таом эгаси билан ширин,— дебди.

— Йўқ, болам мен еўлмайман.

— Нега? Сабаб?

— Сабаби шуки,— дебди чол,— шу меванинг кўчатини ўтқазаётган йилим бир йигит ўтиб кетатуриб «мевасини ейишга умрингиз етса хотиним талоқ бўлсан», деган. Шу йигитга жабр бўлмасин деб емайман, болам.

— Олаверинг, ота, ўша йигит мен бўламан. Уйга бориб хотинимни қайта никоҳлаб оламан!— деб узр сўраган ўкан. Шунаقا, биродарлар, кўчат кишининг умрини

чўзади. «Ўлимни ўйлаган иморат солмайди» дегандек, ноумид киши кўчат ўтқазмайди.

Ҳаммага ёқсан бу ибратли ҳикоя, Мирсалимга яна бир факт бўлди: «Ёшларга талоқ ҳақида ахлоқсиз ҳикоялар айтиб беради!»

Мирсалим бундай икир-чикирларни яширин имзо билан ёза бериб чарчади, қараса сезиларли натижа йўқ. Кута бериб тоғати тоқ бўлди. Бу орада Мушаррафнинг кўзи ёриб, Содиқнинг бошн осмонда: ўғил!!

Шу ўтда ёниб бутун ёзни ўтказди. Имкон борича Содиқнинг сояси бўлиб, ажралмасликка урнди, у билан бир-икки овга ҳам чиқди, ўзи бошлаб қишлоқдаги дўстлариникига меҳмонга олиб борди. Ниманки, сал қалтис ёки қалтисликка бурса бўладиган сўз оғзидан чиқса, ёки воқеа бўлса қоғозга олди, қўшди-чатди, «материал»га айлантирди. Барибир булар уни қаноатлантирилас, куя бўлиб емириш эмас, гурэн бўлиб бошига тушишини, қоқинтиришни эмас, умбалоқ оштириб йиқитишни орзу қиларди. Ўйлаб-ўйлаб унинг хатти-ҳаракатидан кўз-қош чиқариш эмас, тўғридан-тўғри туҳмат қилишга жазм этди. «Олдини олмасам, бу лаънати, орқамга қоқиб туғиб, кетимга тепганини ҳам билмай қоладиганга ўхшайман. Йўқ, у тепгунича, мен уни қулатишни шарт!»— деди Мирсалим ўзига-ўзи ва бунга қаттиқ киришди. Бунга Мушарраф жуда қўл келарди.

Минг бир режа тузиб, Мушаррафнинг йўлини пойлади. Шу кунларда ўзинча турли ҳәёлларга бориб, ҳар таниш хотинни эрига ўйнаш тутиб, фифони осмонга чиқиб юрган Мушарраф Мирсалимнинг сўзига бўйинни эгиб, қулоқ солди.

Илоннинг оёғини санаган Мирсалим узоқдан сиполик билан айлантириб келиб, деди:

— Биринчи хотинини қўйиб, сени олган, сени қўйиб, бошқасини ололмайдими! Ҳозир ошиғи олчи турган пайт: ўн етти яшарга совчи қўйса йўқ демайди, худо ҳақи йўқ демайди! Бола ҳам кўзига кўринмайди. Ҳали кеч эмас, олдини ол... Бу беларволингингда ундан ажрабиб, икки қўлингни бурнингга тиқиб қоласан.

Мирсалимнинг сўзига лаққа учган Мушарраф шошиб қолди:

— Қандай қилиб?

Мирсалим жўрттага ўйлаб қолди. Жуда мушкул ишдек манглайини ишқалади.

— Эрингни унақа-бұнақа күч этолмайды. Мактаб, маориға бориб юришингнинг фойдаси йўқ. Тўғри райкомга кир. Бўлган, бўлаётган воқеанинг ҳаммасини айт, яхшироқ таъсир қилиш учун бир оз қўшиб-чатсанг ҳам бўлади. Нимаки десанг— фойданг. Тезда қайириб беришади.

— Ростдаими?— дардига даво топғандек Мушарраф яшиаб кетди. Кейин бирдан иккиланди:

— Тағин...

Мирсалим унинг пима демоқчи эканини дарров фаҳмлаб, гапиртиргани қўймади:

— Бу ёғидан хотиржам бўл, ҳеч нарса қўлмайди. Шунақа қилиб, эрини қайириб олган қанча хотинларни биламан. Мана, мени айтди дерсан, кейин хурсанд бўласан. Кейин эвазинга...— Мирсалим шилқимлик қилди. Мушаррафнинг юрагига бұнақа гаплар сиғмас эди, унинг энгагига чўзган қўлини қайириб ташлади.

— Муича!— деди Мирсалим ўтган кунларни эслаб,— энди бегона бўлиб қолдикми?

Мирсалим иятии бузилиб келаётан бўлса ҳам, ҳозир мавриди эмаслигини эслаб, асл мақсадга қайтди.

— Бирдан-бир йўл шу—райком. Яна ўзинг биласан. Эр менга эмас, сенга керак. Ундан ажраб қолсанг, бұнақа эрни энди тушингда кўрасан.

Мушаррафнинг назарида, Содик уни ҳали-замон ташлаб кетиб қолаётгандек бўлди. Олдини олиши шарт бўлиб қолди: ҳайитдан кейин хинани ачантга бер!

Мушаррафининг лаққа тушганини кўрган Мирсалим унга йўл-йўриқ берди, ҳатто райкомга гапни нимадан бошлаб, қандай тамом қилишгача ҳаммасини уқтириди.

Мушарраф эртасигаёқ Мирсалим апиқлаб берган соатда секретарнинг эшигини қоқди. Зарур иши бўлишига қарамай секретарь кўзида ёш билан кирган бу маъюс хотинин қабул қилди, ҳатто креслоспдан туриб келиб, уинит рўпарасига ўтиреди:

— Келинг, синглим?— деди секретарь «арзингизни эшиштишга тайёрман» деган маънода. Мушарраф ўпкаси тўлиб турган кишидек энтиқди, бурнини тортди, пастга энгашиб кўз ёшини артган бўлди.

— Ўлар бўлсам ўлдим, турмуш шунақа бўладиган бўлса тоқ ўтганим яхши. На уйқуда, на еган-иғганим-

да ҳаловат бор; қўлни косов, сочим супурги. Эшикда оғи товушини эшитсан, азроил келаётгандек дир-дир титрайман. Гап эшитмаган соатим, калтак емаган күшим йўқ.

— Эрингиз ким? Қаерда ишлайди?

— Вой, сизни биласиз, деб ўйлабман. Содик Қўчқоров, 113-мактабининг директори. Мен иккинчи хотиниман, баҳти қаро бўлмасам хотин қўйганга тегаманми! Аввалги хотини бечора ҳам қонзардоб ютиб ўтган экан.

Секретарь столидан қоғоз олиб, нималарни дир ёзиб қўйди, кейин сўради:

— Сиз ўзингиз ишлайсизми?

— Ишлардим, кутубхонада ишлардим. Ишлатмай қўйди: «Чиққанимда чопонимни тутиб, кирганимда қўлимдан олиб турсанг бўлди, қачон хотиндан пайғамбар чиққибди!»— деди.

Секретарь «ҳимм» деб яна нимадир ёзди қоғозга. Буни кўрган Мушарраф яна лаби-лабига тегмай бидирлаб кетган эди, секретарь тўхтатди:

— Тузук одам деб эшитган эдим-ку, уни...— деди секретарь, хаёл сурган кишидек.

— Ташқарига шоду хандон, бир-икки кўрган одам ичини била қолмайди. Мен ўлгур ҳам, шунақалигини билмаганман, ширин сўзига учиб, мана энди бош ургани жой тополмай, ёшимни оқизиб юрибман.

Секретарнинг иши тифиз бўлса керак, соатига қараб, иргиб ўрнидан турди.

— Ҳўп, сингглим, сиз бораверинг, бу ёғини ўзимиз гаплашиб қўямин, турмушнинг яхши бўлиб кетади, хафа бўлмаанг.

Мушарраф яна «ўлар бўлсанм ўлдим!»ни такрорлаб эшикдек чиқди.

Бу иевонинг заҳри Содикка бир ҳафтадан кейин билди.

Бу вақтда Содик юқори синф болалари билан шаҳар четидаги колхозда пахта терар эди. Бир ҳафта бурун шивалаб ўтган ёмғир ва кетидан бошланган совуқ пахтакорларни шошириб қўйган, шаҳарга ёрдам сўраб, илтимос қилишга мажбур этган эди. Содик ҳар йилгидай болаларни муаллимларга қўшиб чиқаришдан кўнгли тинчимай, ўзи олиб чиқди. Уларни иссиқ жойларга ўрнаштирди, колхоз раҳбарлари билан гаплашиб иссиқ-совуғининг ғамини еди. То болалар кўнишиб, иш юри-

шиб кетгүнича ўзи улар билан бўлди, ёиларнда юриб пахта терди. Шу кунларнинг бирида «Район партия комитетининг секретари шаҳардан чиққанлар ҳёти билан танишиб юрганимиш» деган гап тарқалди. Эртасига Содиқ ўқувчилар билан ҳашарга чиққан колхозга келди. Болаларнинг турган ёрларини, терган пахталарини кўздан кечиргач, Содиқни қўлтиқлаб бир четга олиб ўтди. Содиқ унинг хатти-ҳаракатларидан хавотир олмаса ҳам, секретарнинг бугун ўзи билан аввалгидек очилиб сўрашмаганидан, қовоги солиқроқ юрганидан ҳайрон бўлди, «чарчаган бўлса керак» деб ўйлади, парво қилмади. Лекин секретарнинг қовоги солиқлигининг сири улар бир четга ўтгацдан кейин очилди. Секретарь гапни айлантириб келиб, Мушаррафнинг арзига шама қилди.

— Ҳеч нарса тушунмаяпман, ўзи нима гап? — деди Содиқ ҳайрон қолиб.

— Ўзингизни гўлликка олмапг, ўртоқ Қўчқоров, ҳеч ҳам ярашмаяпти. Сиздан буни кутмаган эдик! Яхшимас! Яхшимас! Тарбия ўчоғининг бошидасиз-а! Коммунист!

Содиқнинг ўлимдан хабари бор, лекин бу туҳматдан хабари бўлмаганидан калтаклаб ташланган кишиндек гангид қолди.

Содиқ кутилмаган бу зарбадан шундай ҳолатга келдики, секретарнинг хайрлашган-хайрлашмаганини кеъин ўйлаб, эслолмади. Барчаси мудҳиш тушга, охпри йўқ тушга ўхшар, ундан ҳеч уйғониб кетолмаётгандек қийналарди. У жуда шошиб қолди. «Наҳотки Мушарраф устимдан арзга чиққан, туҳмат қилган бўлса!» — деб ўйлади.

Содиқнинг Мушаррафдан шубҳаланишга қиттай ўрни бор эди. У Мушаррафнинг кўзи ёригандан кейин кишининг ғашини келтирадиган бачкана ҳаракатларидан қайириш мақсадида бир-икки койиган, тўғриси, маслаҳатлар берган эди. «Наҳот шу холис ниyatim Мушаррафга мушукнинг жунини тескари силагандек ёқмагану, ковушини судраб арзга чиққан бўлса!» — Мушаррафнинг бундай туҳматлар билан район партия комитетининг секретарига чиқиши ҳеч миясига сиғмас эди. — «У бўлмаса ким бўлади? Секретарь ичидан тўқимайди-ку!»

Содиқ кечгача гангид, қилар ишини билмай юрди,

муаллимни деб, пионерлар вожатийсни чақирди, идорага деб, хирмонга кетиб қолди. Ахири болалар дала-дан қайтгач, овқатларини едириб, шаҳарга түшиб чиқмоқчи бўлди. Аммо салдан кейин бу фикридан қайтди. Бугун түшиб борса яхши эмас, аламдан ёниб турибди. Жаҳл устида хотинини хафа қилиб қўйиши мумкин. Буни у истамас, лекин масалани очди қилиши керак. Ҳозир эса, асабим бардош беролмай қолади, деб қўрқарди у. Ана шу нарса уни йўлдан қайтарди, биринки кун обдон танасига ўйлаб, Мушаррафга қандай қилиб билдиришнинг силлиқ йўлни топишга қарор берди. Итнинг феъли эгасига маълум бўлгандек, Мушаррафнинг пайраҳадек гуриллаб ёниб кетишини у яхши билади, ахир.

Учинчи куни Содиқ уйига тушди. Эшикдан кириб бориши биланоқ ҳаммаси кўзига ёзиб қўйилғандек хотинининг кўзига боқди. Қай кўз билан кўрсинки, унда ҳеч қандай ўзгариш йўқ эди: Мушарраф эрининг юзидағи безовталиктин пайқаб:

— Тинчликми? — деди. Бу шундоқ ҳам ўз ҳаракатидан хижолат тортиб турган Содиқни ёлғон гапиришга мажбур қилди:

— Кеча сал тобим қочди.

— Шамоллагансиз. Иссиқ кийишниб кетинг демадимми! Докторга кўриндингизми?

— Ҳа, дори берди, бугун тузукман! — охиригача ёлғон гапиришга қарор қилди. Аммо ёлғон чўзилиб кетса удалолмаслигини билиб, ўғли Маратни қўлига олди, лўпни юзларидан ўпди, «мени соғинингмни, ўғлим?», деб унга гап қотди. Бола ҳам дадасининг гапига тушунгандек балиқникига ўхшаган тишсиз оғзини очиб кулди, талпинди. Арзанда ўғлининг бу ширин қилиқлари ҳам унинг хаёлидан мудҳиш тушга ўхшаган лавҳани чиқаролмас эди. У ҳамон хотинининг ҳар бир ҳаракатини кузатар, кўнглида «у ҳали мени бехабар, деб билса керак» деган фикрда эди.

Эрининг бевақт келганидан ташвишланган Мушарраф қайнанасининг «суюқ овқат қилинг, танамиз яйраб ичайлик» деб қайнаттирган овқатини ошга айлантироқчи бўлди.

— Барвақтроқ келганингизда икки қозон осиб юрмас эдим! — деб ўпкалади Мушарраф.

— Борини қайнатавер! Ўзи нима эди?

— Суюқ. Мошхўрда. Ойимлар қатиқлаб ичайлик, деган эдилар. Райҳон ҳам кертиб қўйганман.

Содиқ тошкентлик бўлмаса ҳам мошхўрдан яхши кўрар, ҳатто ариққа солиб қўйиб, сал ачитиб ичарди. Шунинг учун ошга айлантиришга розилик бермади.

Овқат ўтди. Мушарраф чой дамлаб келиб, пиёлани уч марта чайқаб ташлагандан кейин, қўйиб эрига узатди. Сўнгра «концерт вақти бўлибди» деб радио қулоғини буради. Йиғлаган боласининг оғзиға кўкрак солиб ўтириб, радио тинглади. Концерт тамом бўлгач, уни паст қилиб, Маратни Содиққа узатди:

— Бор, дадаңга бориб тургин, ўғлим, дадаңг эртага яна кетиб қоладилар, гаплаш, нималар кўриб келдингиз, дегин. Мен қозон-товоғимни ювиб олай,—деди Мушарраф ва: «Эрим хабар топибди» деган ўй билан тилёғламалик қилди: «Нега одамга бунақа қилиб қарайсиз! Бунақа одатингиз йўқ эди-ку, ё жиндай тортиб келганимисиз?»

Чиндан ҳам Содиқ хотинидан кўзини олмас, қалбини ўртаб ётган гумонига далил қидирар эди, иложини топса, юрагига назар ташлаша ҳам тайёр эди.

У ўғлини қўлига олди. Уғли қўлида-ю, хаёли секретарнинг таънларидан эди. «Ажабо! Ҳеч қандай белги йўқ-ку! Наҳот Мушарраф шундай усталик билан бу ролни ўйнайтики, мен уни пайқаб ололмасам! Мумкин эмас!»— деб ўйлади ва хотини ошхонадан келгандан кейин, тусмоллаб бир-икки тош отиб кўрди. Бундан ҳам бир иш чиқмади. Лекин хотинига ошкора айтиб, подадан олдин чанг чиқаришни лозим топмади. Бир оз сабр қилишга, ипнинг ўзи чувалаб қолишини кутишга қарор қилди.

Мушарраф эса, гўё ҳеч нарсадан хабари йўқ кишини дек, оғзидағи «Бухорий» сақични қарсилатиб чайнар, Содиқнинг «қўй, уят бўлади» дейишига кулиб «тишин тозалайди, буваларимиздан қолган тиш чўткаси», дерди:

Лекин Мирсалим, секретарнинг Содиқ билан қилган кўнгилсиз суҳбатидан хабар топган, бу иши самара бера бошлаганидан қувониб, бағрига шамол тегиб қолгани ҳди. Секретарь орқали қилинган тазийқ юқоридан тушган мушт, энди остидан ҳам сув қўйини зарур эди. Буни Мирсалимнинг ўзи бошлади. Пахта терими вақтида қолиб кетган дарсларни қандай қилиб ўтишга бағишилан-

тап педагоглар кенгashiда сўзга чиқди. Директорни болалардан кам хабар олди, шу пайт ичида мактабда ҳам интизом сусайиб, давомат пасайиб кетди, пахтадан қочган болаларга чора кўрмади, деб айлади.

— Директоримизнинг бир оёғи у ёқда, бир оёғи бу ёқда бўлиб, оқибат яхши бўлмади. Биз пахтадалигимизда тўққизинчи синфдан бир қиз эрга узатилинди. Бунга бошлаб директор, қолаверса, биз айбормиз. Ўқишини битиргандан кейин тегса, боши туйнуқдан чиқиб кетмас эди.

Мажлис охирида Содиқ ўз адресига айтилган сўзларни самимият билан қабул қилди, коллективни ўзига ёрдам беришга чақирди. Лекин у Мирсалимнинг шунчаганин дадил айтганига ажабланарди. У шу мактабга келганидан бери Мирсалимнинг тик туриб, журъат билан айтган илк танқидини эшлиши эди. Бундан қувонди, демак, кишиларда ташаббус, жонкуярлик уйғониб келяпти. Бу яхшиликка!

Лекин ўзи ҳақидаги яхши фикрини Мирсалим Содиқ билан бирга қайтаётгандан уч пул қилди.

— Кўнглингизга олмайсиз-да, Содиқжон,— деди у,— ишнинг нағини кўзлаб бир оз товошингизни босиб қўйдим ибрат бўлсин, дедим.

— Жуда тўғри қилдингиз. Ҳар ким ўз айбии билса қорни ёрилиб ўлади, деган гап бор. Кўрсатдигиз, мана энди кўплашиб тузатамиз.

— Шундайку-я... лекин баъзилар танқидни нотўғри тушунишади. Қани ҳамма ҳам сиздек оқ кўнгиллик билан қабул этса... Дўстнинг юзига танқид қилмаслик, ракиб бўлиб чўнтакда мушт кўрсатиш билан баробар,— деди катта бир ишини бошлаб берган кишидек, бир йўсида Мирсалим. Лекин унинг бир кўзи: «Сен менинг тицчимни буздинг, оромимни олдинг. Изингга тушганим-тушган!»— деса, бир кўзи: «Бошлиқларни танқид қилиш арслонни ўшишга ўхшайди, даҳшати кўп, роҳати йўқ!»— дерди. Тун бўлгани учун Содиқ унинг кўзларини кўрмас, ғаразли фикрларини уча олмас эди.

Муюшга борганда қуюқ хайрлашишди, ҳатто Мирсалим «ойим билан келини пошишага салом дeng, ўғилчани ўпиб қўйинг!»— деди.

Содиқ миннатдорчилик билдириди.

Бу хилда сусткашлик кўрсатиб бораверса, эрта-индин Содиқ яна ёнбошига олиб шунаقا отиши мумкин-

ки, унда ё ўнгланиб олади, ё йўқ. Нима қилиш керак? Бу мушкул савол эди. Бу мушкул саволнинг жавобида ёниб юрар экан, бирдан Фаҳриддин Шукуров эсига тушди. Паст бўйлик, оқ-сариқдан келган бўлса ҳам зардаси тез Шукуров аравага энди кирган отек ўйноқлаб, ҳар томонга ўзини уриб, нима қилишини билмай юрарди. Мирсалим уни учратиб, қўйнига қўлини солди, пешонасини силади, «ўзинги ўтга, сувга урма, акаси, бунинг йўли бор», деди, етаклаб кетди. Бундай пайтда кишининг кўнгли бир оғиз илиқ сўзга муҳтоҷ бўлади. Шу илиқ сўзни Мирсалимдан эшишган аламдийда Шукуров олди-кетини суриштирумай унинг етовида бўлди-қолди. Мирсалим унинг этини аста-секин ўлдириб бориб ишончига кирди, дардкашига айланди.

— Пешонамиз шўр бўлмаса,— деди бир куни унга,— бир келгинди тўрга чиқиб, сиз билан биз пойгакда қолармилик!

— Ана шунисига менинг ҳам чидамайман!— деб юборди тўлиб турган Шукуров.

— Балли! Лекин иолиш билан иш битмайди. Бунинг йўли бор.

— Йўли бор?— косови қисқалик қилиб турган Шукуров бит кўзларини ҳамсуҳбатига тикди.

— Мен унинг кўп сирларини биламан. Қалинлик пайтларимизда кайф аралаш оғзидан гуллаб қўйган. Лекин менинг бир ўзим билганим кифоя эмас. Баъзиларни сиз ҳам кўриб юрибсиз, масалан, яхши ўқитувчиларни қувғин қиляпти. Илгариги мактабида хотин-қизлар озодлигига қарши чиққан, атайлаб ёш қизларни эрга бердириб юборган экан. Бу нима деган гап? Бу советга қарши иево.

— Бўлмасам-чи!— лақقا тушди тўлиб турган ҳамроҳ.

— Эшишишмча, ўз шаҳрида булар бир исчта бўлишган. Ишчуваладига пайтда бу ёққа қочган. Бу ер сер одам-да, тўдага аралашиб кетаман деган. Кўриб турибсизки, яна ўша гайри қонун ишни қиляпти.

— Хўш, энди нима қиласамиз дейсиз!

— Фош этини керак. Бу бурчимиз ахир.

Бит кўз Шукуров «қандай қилиб?» дегандек кўзини лўқ қилиб олди. Мирсалимга айни шу нарса керак эди.

— Албатта ошкора қарши чиқиб бўлмайди, унинг

Йилтироқ сўзига ишонганлар бизга гап бермайди. Бунинг битта ўёли бор: зимдан иш тутиш.

— Зимдан?

— Ҳа, зимдан. Органга икки энлик қилиб ёзиб ташланса кифоя.

Шукуровнинг чўчинқираганини сезган Мирсалим дарров тўнини ўзгартирди:

— Бу бизнинг бурчими! Наҳот шундай ишларини билиб-кўриб туриб, лом-мим дейишини лозим топмасак. Уят! Жуда уят!!

Шукуров бўшашиб тушди, Мирсалим яна унинг қўлтиғига сув пуркаб, тайёр қилиб олди.

Булар ёнига кўмир ўғирлаб қўлга тушган мактаб хўжалик мудири қўшилди. Мирсалим уни ҳам «бир арава кўмир одамнинг хуннми! Кишиларда ҳукуматга қарши юрозилик туғдириш учун атайлаб қиляпти» деб ийлаб юрган эди. Уч бош қовушди. Бир ўтиришда Мирсалимнинг котиблигига ёзиб ташланди. НҚВДга ёнилган бу хат Мирсалим кутганидан ҳам яхши, тўла чиққан эди. Шунинг учун бўлса керак, имзолар чекилиб бўлгач, таъкидлаб қўйилди:

— Ҳаммамиз ҳам ўз хоҳишими билан қўл қўйяпмиз-а, яна кейин айнаб юрмайлик. У идора ҳазилни ёмон кўради: нақ бошларинг кетади!

— Сўз битта! Ҳезалак тонади! — деди дадилланиб Шукуров. Лекин хўжалик мудири хомуш эди.

13. КЎНГИЛСИЗЛИКЛАР

Иккинчи чорак тугаб, болалар қишки каникулга чиққандан бери Содиқнинг кўнгли жуда ғаш, иши ҳеч ривож топмайди, ривож топса ҳам қадр топмайди. Бўлмаса озмунча ишлар қилиб қўйдими! Унинг ўрнида бошқа одам бўлса районга байроқ бўларди: мактаб ремонтини мудатидан аввал сифатли қилиб тугатди. Тежаб қолган пуллига спорт майдончаси қурди, минг ёққа елиб-югуриб тарих кабинети билан физика кабинетини кўшилдагидек қилиб жиҳозлади. Завхознинг қақир-қуқури билан банд бўлиб ётган катта подвалнинг ярмини ремонт қилдириб, буфетга берди-да, буфет ўрнини кутубхонага қўшди, унинг ёнини қироатхона қилди. Юқори синф болаларининг кучи билан ғишт қуйиб, турли тўгаракларнинг ишлаши учун ҳовлининг бир четига алоҳида икки-уч хона

қурди. Узи лой кечиб ишлади. Ёшроқ ўқитувчиларни ҳам сафарбар қилди. Бу ишларни самарали тугатгани ҳақида район раҳбарлариға ўз вақтида рапорт берди. Келиб кўришиб, маъқуллаб кетишди, район маорифи бўлимнинг мудири: «Қани энди сизга ўхшаган ташаббускор директордан кўпроқ бўлса!»— деб қўлинини сиқди. Лекин... лекин шундан бир оз вақт ўтгач, район ўқитувчилар конференциясида на унинг номи, на мактабни тилга олини. Сўз сўраган эди, рўйхатга ёзишди-ю, сўз бернишмади. Сабабини сўраб, район маорифи бўлимнинг мудирига мурожаат қилган эди, «навбат келмади, ёзилгаплар кўп эди», деб тунд жавоб қилди. Содиқча унинг жазобидан ҳам ўзига рўйхушлик бермасдан гапириши қаттиқ ботди. «Хаёли бошқа ёқда шекилли», деб ўзига тасалли берди. Конференция тугаб, энди кўчага чиққанида унинг мактабини яқингинада мақтаб газетага ёзган кишини кўриб қолди. У Содиқнинг қўлинини сиқиб кўришди-да, шундай илгор мактаб ҳақида конференцияда бир оғиз ҳам гапсўз бўлмаганидан ажабланганини билдириди.

— Ҳа, ростанам,— деди газета ходими нимадир бирдан эсига тушганда бўладиган шошинқираш билан,— мана, докладда ҳам сизинг мактабингиз билан номингиз, нима учундир, қизил қалам билан ўчирилган,

Ходим газетада берадиган ҳисоботида фойдаланиш учун олган район маорифи мудири докладининг ўша саҳифасини очиб кўреатди. Чиндан унинг мактаби ва номи қизил қалам билан босиб ўчирилган, лекин ўқиши мумкин. «Ким ўчирган, нимага ўчирган?» деган фикр Содиқнинг хаёлига келди ва мухбирдан сўради:

— Ким ўчирган бўлиши мумкин?

— Ким докладни қизил қалам билан кўриб чиққаи бўлса, ўша бўлади-да,— деди мухбир мужмалгина қилиб. Бу унинг чин жавобими ёки ҳазил қиляптими — билб бўлмас эди. Унинг ҳазил қилиши мумкин эмас, чунки кечагина мақтаб ёзгани учун докладда тилга олинмаганлигидан редакцияда унга сўз тегини мумкин.

Педагогика журналида Содиқнинг «Ўзбекистонда босмачиларга қарши кураш даврини қандай ўтиш керак» деган мақоласи босилаётган эди. Бир куни редакция телефон қилиб, корректурасини кўриб беришни илтимос қилди. Корректурани кўздан кечириб, қўлинин қўйиб, редакцияга миннатдорлик билдириб чиқиб келаётганида мұҳарририга йўлиқиб қолди. Мұҳаррир унинг мақоласи-

дан жуда хурсанд бўлганини айтиб, фаол қатнашиб туришини илтимос қилди:

— Журнал сизларники, ўзинглар фаол қатнашмасангар ким ғамхўрлик қиласди! — деди у ва бундан кейин ёзмоқчи бўлган мақолаларининг мавзуи билан қизиқди. Содиқ боши кўкка етиб ўйига қайтди. Унинг журналда унчалик фаол қатнашув нияти йўқ эди, муҳаррирнинг илтимосидан кейин имкониятларини хаёлидан кечирди. Бир-икки мақоланинг тахминий режасини тузди, ўз тажрибасидан мисоллар эслади. Унинг руҳи енгил, ўзи хурсанд эди. Лекин бу хурсандлик ҳам узоқ чўзилмади: журналнинг ўша сони чиқди-ю, Содиқнинг мақоласи чиқмади. Содиқ ҳайрон бўлиб, редакцияга телефон қилди. Котиб:

— Мен билмадим, муҳаррир олиб қолибди,— деган жавобни айтди. Пайт топиб муҳаррирга учрашди, ўтган гал қадрдан дўстлардек самимий гаплашган муҳаррир бу гал нотанишдек совуқ кутиб олди. Унинг сўроғига бепарволик билан:

— Келаси сонлардан бирида берамиз, жой етмай қолди,— деди. «Гап тамом, чиқиб кетишинг мумкин» дегандек ўз ишига тутинди. Содиқнинг «хайр» дейишига ўтган галдагига сира ҳам ўшамаган бир тусда жавоб қайтарди. Содиқ чиқиб кетгач, кетидан келиб эшикни қаттиқроқ ёпиб қўйди. Лекин мақола келаси сонларнинг бирида ҳам чиқмади, кейинчалик ҳам унга «жой топилмади». Бир йиғинда шу журнал котибини учратиб қолди. Ундан:

— Ўзи нима гап? — деса, у ҳам ўз навбатида:

— Ўзи нима гап? — деди. Иккиси ҳеч нарса билмас эди. Муҳаррир «берамиз» дермишу, мундарижа тузатган вақтда эсига солса, «тура турсин» деб орқага силтармеш, сабабини айтмасмиш.

— Унга ҳам бирор телефон қилганмикан?.. — деди котиб редакцияси учун хижолат тортгандек ийманиб.

Хуллас, мақола босилмай қолиб кетди. Бошқасини ёзишга Содиқнинг қўли бормади. Бу орада район партия комитетининг секретари билан анави кўнгилсиз учрашув бўлиб ўтди.

Буларнинг ҳаммаси Содиқнинг асабини эговлар, ташаббусини бўғар, руҳини туширар эди. Буларнинг ҳаммаси буғдойга тушган митадай вақт ўтган сари-билиндарди. «Омади кетган кишининг аталадан тиши синади»

дегандек, у нима иш қылса кетига кетарди, бурунлари қўллаб-қўлтиқлайдиганлар четга чиқиб турадиган бўлиб қолди. Бу орада ҳамқишлоқ партизан ўртоғи Болтақул-нинг қамалганини эшилди. Уни халқ душманига чиқариб, район партия конференциясида роса қоралашибди. Бу ҳабар Содиқни яна шошириб қўйди: наҳот, босмачилар билан курашда уч бор ўқ еган Болтақул душман бўлсал!

У ҳеч нарса тушунмас ва тушунирадиган ҳам йўқ эди. Ўйлаб ўйига етолмас эди.

Шундай дилхитлик билан иккинчи чоракни тугатди. Унинг кўнгли ғаш ва хира, чироқ ёқса ёришмайди. Тилаб-тилаб топган арзанда ўғлиниң гоҳ эмаклаб, гоҳ ииқила-қўпа тетапоя қилиб келиб эркаланишлари ҳам баъзан юрагига сифмасди.

Эрининг кўнгил ғашлигини писанд қилмаган ёки фаҳмига етмаган Мушарраф эрталаб барвақт туриб, наридан-бери ионушта тайёрлади-да, Маратни унинг қўлига тутди:

— Бола битта меникими, манг сиз ҳам боқинг! — де-ди карашма билан, — кўйлагимдан хабар олиб келай. Бола деб кино-театрлардан колганим-қолган, модадан ҳам қоламаними? Кеча келган ўртоғингиз хотинининг кўйлагини кўрдингизми, битта костюм пулига тикирибди, яна сеники қимматга тушди, дейсиз.

Содиқ индамай болани тиэзасига олди. Мушарраф-нинг енгилтаклигига «ўрганиб» қолган эди. Агар ҳозир қаршилик қилгудек бўлса, ана унда кўрасиз! Пиёлани чойнакка, лаганин косага уриб, айюҳаниос солади, кўз ёши қилади. Лекин барибир Содиқ бугунги тўполондан қутулмади. Уйни наридан-бери йнгиштириб, нима учундир, кўйлагидан хабар олгани ҳамон кетмаётган Мушарраф, бир маҳал ишшайиб келиб, эрининг қулогига шивирлади:

— Пул бермайсиами, битимга олиб келаманими?

— Утган куни олганинг-чи, нимага сарф қилдинг?

— Уйнашимга олиб бориб бердим.— Бирдан қайнаб кетди Мушарраф. У шундай баланд келиши билан эрини босиб олишга ўрганиб қолган. Оғир табиатли Содиқ ҳар галгидек адид-бадига боришга юраги йўқ, шундай бўлса ҳам, аччиқ ҳақиқатни айтишга мажбур бўлди:

— Ўша тортмадагидан бошқа пулим йўқ. Унинг көрак жойи бор. Подпискадаги китобларимни олмаганимга анча бўлди.

— Ҳа, оларсиз, шу муллалигингиз ҳам етади.

— Йўқ-йўқ, у пулга тегма! Рўзғорга зарур бўлиб қолади.

Ана шундан кейин Мушарраф тўнини тескари кийиб олди. Уйни бошига кўтарди:

— Яхши кўрганингиз бор, худо урси, бор. Бўлмаса менн бунақа хор қилмас эднингиз. Қани энди ўша манжалақини бир тутиб олсан эди, ҳар битта мўйинни битталаб юлардим.

— Ҳай, уят, секин! — деди қўшнилар олдида номусдан Содиқ.

— Ўйнаш тутиш уятмасу, гапирса уятми! Уялмайман. Нега уялар эканман! Сиз уялинг. Дод, бу қандай бедодлик, кўчада айшини қилиб келиб, уйда хотинига ауғум қиласди.

Содиқ бардош қилолмади:

— Бас, шаллақилик қилма, тутганингда гапиргин!

— Тутаман, тутмасдан қўймайман ҳам. Мана кўрасиз, тутаман.

Бу Мушаррафнинг биринчи жанжали эмас эди. Унинг мақсади битта: нима бўлса бўлсин буюртирилган кўйлагини бугун олиб келиши керак, ҳозир Содиқдан пул ундириши шарт.

Бундай пайтларда Содиқнинг кўзига ҳеч нарса кўринмайди. Қўни-қўшнилар эшишидан номус қиласди. Шармандага шаҳар кенг, дегандек Мушаррафга барниб, у баттар баланд келади.

Содиқ «вайсасанг, вайсаб ўл» деди-да, кўчага чиқиб кетди. Унинг орқасидан ҳам Мушарраф шаллақилик қилиб қолди:

— Худо олсин ўша манжалақини!!!

Эри чиқиб кетгандан кейин ҳам «манжалақи» анча вақтгача Мушаррафнинг оғзидан тушмади. Заҳрининг қолганини кайнанасига сочди. У бечоранинг айби, Мушаррафнинг ёнига тушиб, Содиқни койимагани! Жанжални ёмон кўрган бечора қайнана кўрпа бўлиб иккаласини ёпмоқчи, кўприк бўлиб тинчитмоқчи бўлди:

— Жон болам, ёш эмассиз, бир боланинг онасисиз. Оғир бўлинг, эшишган қулоқ нима дейди, бу уйдан йиги товуши чиқсан эмас.

— Ҳа, ўша туғмас қисир келинингизни мақтамай қўя қолинг, унинг тили қисиқ эди. Шунинг учун ўғлин-

гиз нима деса, сигирдек бўйини солиб тураверган. Мен Жаннат бўлмайман. Мен Жаннат эмасман. Эр хотининг ҳуқуқи баробар. Болага зор эди, мана туғиб бердим, энди у ҳам менинг айтганимни қилсан. Нега қилмайди?

— Айтганингизни қилмай нима қиляпти, жон болам!

— Уйда ўтириб ҳеч нарсани кўрмайсан. Мундоқ кўчага чиқинг, одамларнинг кийиниб юришларини кўриб оғзингиз очилиб қолади.

— Сизники ҳам кам эмас, шу яқиндагина иккита кўйлак тикирдингиз, бу модадан қолди деб янги туфли олдингиз. Болам бечоранинг битта ўзи топгани нимага ҳам етсин.

— Ўғлингиэга айтинг, рухсат берсин, ишлайман,— деди Мушарраф гўё ишласа эрига қарам бўлмайдиган кишидек кибрланаб.

— Ўғлим бечора ишламанг деяётгани йўқ. Шу вақтгача ишлатмовдими! Бола сал ўзини тутиб олсин деяпти, холос.

— Бу бир баҳона. Мени уйга ойимқиз қилиб ўтқазиб қўймоқчи! Бир манжалақини топган-да, юрганимни кўриб қолмасин, дейди. Кўрмай бўпман, ернинг тагида бўлса топиб оларман.

— Ҳай, жон болам, бу нима деганингиз, яхши гапга ҳам фаришта омин дейди, ёмон гапга ҳам. Эрнингизнинг обрўйини тўкманг, обрўйини тўкиб яна шу эр билан яшайсиэми? Ё бошингизни олиб чиқиб кетасизми? Чиқиб кетсангиз майли-я, бўлмаса қўши-қўшнининг кўзига қандай қарайсанз? Уят-эй! Кўни-қўшнидан номусга ўлдим. Кунда жанжал, кунда тўполон. Бир кун уриш бўлган сурʼан қирқ кун барака кўтарилади, дейишади.

— Ҳа, минг қисса ҳам ўғлингиз-да, жоннинг ачиди, ёнини оласиз. Мен етим... оёқ остидан чиққанман...— Мушарраф ҳўнграб йиглаб юборди. Ўзининг гапига ўзи чидолмасдан ер тепинарди. Бўлмаса бечора қайнана унинг етимлигини пеш қўлларлик бирор сўз айтгани йўқ.

— Етим ҳам худонинг бандаси, жон болам, тавба дейиш керак. Ҳеч ким сизнинг юзингизга солаётгани йўқ. Мен қўш етим боққанман, киймаганимни кийдириб, емаганимни едириб боққанман. Шукур қилинг, ҳаммаси орқа этакдек орқада қолади. Ярашганини кийиб хоҳлаганини еб юрибсанз. Сизни ҳеч ким етим дсяётгани йўқ.

— Башарамта қаранг, куявериб-куявериб, ит мужиган ошиқдек бўлиб кетдим. Хўрлик хотинни, ҳароблик ҳайвонни хунук қиласди, деб шуни айтади-да. Чинчалоғимга тақадиган узугим ўрта бармоғимдан тушиб қоляпти.— Мушарраф ип ўраб бармоғига тақиб қўйган узугини кўрсатди. «Мана-мана!»

— Айби йўқ, жон болам, яқингинада бўшалгансиз, эмизиклисиз, ҳамма билади. Бир терида қўй неча семириб, неча озади, жон омон бўлсин,— деди қайнана. У ёш болалик хотиннинг ороми бўлмаслигини жуда яхши билар, келинига ачинарди ҳам: ахир невараси жуда сер йифи. Баъзан туни билан йиғлаб чиқади, Мушаррафни ухлатмайди, бунинг устига онасидан ажралмайди, «оғзимдан кўкрагингни олма» дейди. Ўйнаса ҳам онаси ning олдида ўйнайди, Мушарраф сал кўздан жилди дегунча, йиғлайди. Адолат хола баъзан ичиде «онасиning худди ўзи, лўли» деб қўяди.

Адолат хола келиниning йиғидан қизариб кетган кўзига, юзларига чаплашиб кетган сурмасига, упа-элигига, тўзиган сочига қаради. Ичиде «тавба, хотин деган ҳам шунақа бўладими» деб қўйди. Шунда бирдан кўз олдига Жаннат келини келди. «Фаришта экан, бечора, билмаган эканман» деган фикр ўтди хаёлидан. Мундоқ ўйлаб қараса, Жаннат шунча йил турмуш қилиб, эрига бирор марта тикланиб келмапти-я! Бундоқ хотин ҳам бўлар экан-ку, дунёда! Ҳар тўқисда бир айб дегандек, худо бечорани тирноқдан сиқди. Биттагина қулини ўша муштипардан аямаса, нима қилар экан. Дунёning зап ишлари бор-да.

Адолат хола ўйларига якун ясагандек «яхши жувон эди Жаннат» деган фикрни кўнглидан ўтказиб, ўз хонасига ўтиб кетди. Шу орада Марат йиғлаб қолди. Адолат хола, «менга эргашди шекилли» деб, қўлига олган эди, баттар бағиллади. У бир нарса чаққандек ёмон йиғларди.

— Ҳай, келин пошша, болангизга қаранг, ўпкаси узилди,— деди Адолат хола Маратни эплолмай.

Мушаррафнинг ичкари уйдан товуши келди, лекин хола уни тузук эшитолмади. «Чиқиб қолар ҳозир» деган ўй билан барча эркалаш сўзларини ишлата бөшлади. Невара қулоқ солмас, ҳамон бўғилиб йиғларди.

— Ҳа, болам, мунча бўғиласан, бирор уряптими сени. Ҳозир онанг чиқади!

Она чиқмасди. Адолат хола шошиб қолди. Маратни күтариб, деразадан келининг қаради: у уйнинг тўридаги тош ойна олдида бамайлихотир пардоз қиласарди. Ҳали-вери чиқиш нияти ҳам йўқдай эди.

— Ҳа, бас энди, қолганини кейин қиласиз, боланинг ўпкаси узилиб кетди,— деди жаҳли чиққан қайнана юмшоқлик билан ўзини босиб. Мушарраф эшиитмаган кишидек бепарволик билан пардозини қиласарди. Ана шунда Адолат холанинг зардаси қайнаб кетди:

— Ҳой, ойиси, сопол товоқни кейин безарсиз!

Мушарраф нимадир деб ғўдирланди-ю, ўрнидан қўзғалмади. Марат қанотини ёзиб талпинар эди. Адолат холанинг сабр косаси тўлди. Мушаррафпинг жойидан қўзғалмасдан ғўдирланниши тўлган косани тоширди:

— Ҳой, ноинсоф, сизга гапирипман, бола қийналиб кетди. Шу маҳалда пардоз қисталон бўлмай, ўлсин!

Мушарраф қорни тўқ одамининг дастурхонга келишидек ҳафсаласизлик билан деразага яқинлашди: чеккасидаги майдо соchlар жингалак қилиш мақсадида ўраб-ўраб боғлаб қўйилган, қошга тортилган қалам қулоққа бирор ғийбатни айтишга шошилгандек тилини чўзиб турибди, лаб устидаги хол яна ҳам қорайтирилган, юз ўртаси қизартирилиб, роса упаланган.

Буни кўриб Адолат холанинг энсаси қотди: шу вақтда пардоз ўлгурга бало борми! Ҳали кўрсанг гўсала, ҳали кўрсанг...

Мушарраф деразанинг ёпиқ бир қанотини очиб, ўғлини олар экан, дўғиллади:

— Ҳа, мунча ўдағайлайсиз, ўғлинигизни ҳам етади.

— Үғлим бечора ҳеч ўдағайламайди-ку, ўзи йўқнинг мунча орқасидан тош отасиз. Ёлғон галиргани уялсангиз бўлмайдими, жон болам.

— Ҳа, сиз билмайсиз, сиз кўрмаганда қиладилар,— деди Мушарраф ёлғонни ҳам дўндириб.

— Содикжон қувлик, шумликни билмайди,— деганича Адолат хола орқасига қайтиб кетди. Мушарраф Маратнинг оғзига кўкрак солар экан, қайнанасига тегизиб ачитди:

— Сен ўлгур ҳам мунча йиғлайсан, болаларга ўхшаб мўлтайиб ётсанг бўлмайдими?

— Сиз ҳам оналарга ўхшаб тўйғизиб эмиссангиз экан: лик этиб унга турасиз, лик этиб бунга турасиз.

— Ҳа, мен шунака енгилман.

Адолат хола унинг пичингига индамади. Шунинг ўзи старли эди. Мушарраф анча вақтгача жигибийрон бўлди. Маратни силтади, «нега тишлайсан, жувонмарг» деб атайн қайнанаси эшитгудек баланд овоз билан қарғади. Хола индамади-ю, ичиде «норастани қарғамай, қарғишинг ўзингга урсип» деб қўйди. Бу Мушаррафнинг биринчи қарғиши эмас, эри сал кечикиб келса ҳам шу болага ёпишади, эри билан уришса ҳам шу бола гуноҳкордек минг балога гирифтор қиласди. Болани турткилаб эрининг ғашига тегади, «ҳай!» дегудай бўлса балога қолади, «ишингиз нима, сизнинг жонингиз оғриб туғибизми?» деб юзига чопади. Содиқ индамай қолади, гап қайтариш бефойда эканини билади. Адолат хола шундай пайтда ўглининг оғирлигига қойил қолади, лекин ичидан зир кетаётганини сезиб «бу қандай бедодлик!» деб юборгиси келади. Тилаб-тилаб олган неварасининг бунчалик хор бўлишига асти чидамайди. Мана ҳозир ҳам Мушаррафнинг қарғишини эшитиб кўз олди туманлашиб кетди. «Эй худойим, шу болани Жаннатга бера қолганингда нима қиласди», деб нолиди. Лекин оғиздан бехос чиқиб кетганидан ташвишланиб, уй томонга қаради: хайрият эшитмади!

Адолат хола катта ўғли Содиқ билан невараси Маратнинг қисматидан ачиниб кўзига ёш олди. Хотинининг жанжалидан бош олиб қочган ўғли қаёққа кетди экан? Мактабда иши йўқ, бугун уйда дам олмоқчи эди. «Бунча пешонанг шўр бўлмаса, болам!» дея Адолат хола қўлига ишини олди.

Кечаки Адолат хола «шамол келиннимнинг шу бемеҳрлиги бўлса неварамни касал қилиб қўяди», деб Маратга пахтали нимча бошлаган эди. Мушарраф: «Қимнинг эскиси! Менинг болам бунақа эски-тускини киймайди» деб жиркаиган ва бу сўз холанинг кўнглига оғир ботиб: «Майли жон болам, киймаса киймасин, бироннинг эскисимас, Қодир амакисининг нимдошгина костюмини бузган эдим, амакисидек катта йигит бўлиб юрсин, деб яхши иият қилиб тикаётган эдим. Яна ўзинглар биласизлар», дея йифишириб қўйган эди. Адолат хола мундоқ ўйлаб қараса, бургага аччиқ қилиб кўрпани куйдирадиган. Кечаки ўғли ҳам эшитиб маъқул топди. Келини, баъзи бир келинлардек чеваргина эмас, игна-ицга қўли қовушмайди. Келин бўлиб тушибдики, йиртиқ-ямоқ холанинг қўлида. Уялмасдан эрининг пайпокларини олиб чиқиб тўқиб-

ямашни таъкидлаганига ўласан киши. Хола «тўқиб-ямаш қанақа, жон болам?» деса қўли билан кўрсатиб, тили билан тушунтиради-ю, иғнага қўли келмайди. «Ямоқ-яқсоққа ўрганинг, болам, мени сизга боғлаб бериб қўйгани йўқ, пишган ошдек нарсаман, бир куни лиқ этиб ўтаман-кетаман» деса, «бо худо, бир камим йиртиқ-ямоқмиди», деб кеккаяди, тилини бермайди.

Адолат хола шуларни ўйлаб нимчани тикар экан, ёшдан кўзойнаги хиралашди. Уни олиб, дока рўмолининг учига артди. Сал ўтмай яна хиралашди, яна артди. Хола ўпкасини тутиб ололмас эди. Шундай бўлса ҳам, бир амаллаб ўзини чалғитиб, ишга уриниб кетди. Қанча вақт ўтганини билмайди, бир маҳал мундоқ қараса тепасида Мушарраф турибди: ясан-тусан, лабида сохта табассум. Қўлида минг бир тўполон билан ўтган ҳафта ёрига олдирган тивит рўмол. Чаккасининг майда сочла-ри жингалак-жингалак.

У, «кўйлагим эзилмасин, кигизнинг гарди юқ-масин» дегандек эҳтиёт билан энгашиб Адолат холанинг тиззасидан нимчани олди. У ёқ-бу ёгини кўздан кечирди:

— Бу кечаги эмас, шекилли,— деди сохта табассумини бузмасдан Мушарраф. Адолат хола унинг тилёғламалигини тушуниб, индамай қўя қолди — Мушаррафга ҳам худди шу керак эди. У чаққонлик билан қаддини ростлаб, кўча томонга буршилди. Лекин одоб юзасидан бўлса ҳам қайнанасидан ижозат сўрашга бўйни ёр бермади, фақат кетаётган ерини билдириди:

— Машиначига бориб келаман!

Бу сўзда «Маратга қараб тур» деган фармойиш ҳам бор эди. Қайнанаси индамади. Фақат кўнглидан ўтди: «Қиз хотин — уй хотини, жувон хотин — йўл хотин!»

Мушарраф шу кетганича кечки олов маҳалида келди. Адолат хола ўчоққа олов ёққан, Содиқ Маратни ўйнатиб ўтиради. Мушарраф қўлтиғидаги қофозга ўроғлил буюми билан тўғри уйга ўтиб кетди. «Марат йиғламадими, яхши ўтирибдими?» дейиш хаёлига ҳам келмади. Бирпастдан кейин бирор уйнинг деразасини аста-аста тақиллатди. Содиқ ўгирилиб қараса, янги кўйлакда Мушарраф турибди. Табассум билан шивирлади:

— Ярашибдими?

Содиқ эрталаб тўс-тўполон қилган хотинининг мунчалик енгилтаклик билан ишшайиб туришидан уялиб

кетди. «Ойим күрмаяптыми» дегандек хижолатда ошхона томонга қаради: хайрият, онаси ичкарида экан!

Сал ўтмасдан Мушарраф уй күйлагида чиқиб келиб, өрталаб ҳеч нарса бўлмагандек қайнанасига эшииттирмасдан эрига уқтира кетди:

— Ҳозир шу фасон мода бўлган. Этагини кўрдингизми? Битирмагунча машиначининг ҳам ҳоли-жонига қўймадим. Зарурлигини билди шекилли, хазон бўлгур, ўн сўм ортиқча берсам, рози бўлмай яна беш сўмимни олиб қолди. Майли, есин-ичсин тўймасин, шу беш сўмимга рози бўлмадим. Барибир буюрмайди.

Содиқ елга совурилган ўн беш сўмга ачинмас, онасининг эшитиб қолиб, кулишидан уялар эди. Ичидা «бас қила қолса-чи!» дерди-ю, айтишга ботинмас эди. Содиқ гап чалғитди:

— Мен келсам Марат бирам йиғлаляпти. Қасал бўлиб қолдими, деб қўрқиб кетдим. Ойим печенъени сувга ивитиб бериб зўрга овутдилар.

— Ҳеч нарса қилмайди. Кўп йиғлаган боланинг кўзи қора бўлармиш. Кўзи қора бўлса ёмонми! Ўзингизники ҳам қора-ку, мен қора кўзни яхши кўраман.

Мушарраф жуда хурсанд эди. Содиқнинг кўнглидан «кайфи йўқми?» деган фикр ўтди.

— Ўзинг қаерда эдинг?— хаёлидан ёмон фикр ўтиб сўради Содиқ.

— Машиначиникда.

— Шунча вақт-а?

— Йўқ,— дея эркаланди Мушарраф кўзини сузиб,— ундан чиқиб бир қиз ўртоғимниги кирдим. Анчадан бери кўришмаган эдик. У ёқдан-бу ёқдан гаплашиб ўтиридик.

Содиқ ана шунда Мушаррафнинг кайфи борини пайқаб қолди. Кўзига қон қуйилди, узатилган оёғини йиғди.

— Кайфинг бор-ку!— деди ғазабдан титраб.

Мушарраф эрининг гапидан ҳайқамди, аксинча, ўзгача бир нозу карашма билан қих-қихлаб кулиб:

— Шариат-ку хотинларга ичишни ман қиласди, қонун ҳам ман қиласдими!— деди. Эрининг ўзгарганини кўриб, яна ялпанглади:

— Хафа бўлманг, жоним, жиндай вино ичдим. Кечаси орқаларингизни яхшилаб силаб қўяман!

Содиқ хотинини танимас эди!

Содиқ өрталаб хотини билан астойдил гаплашмоқчи

бўлиб, пайт пойлаб турганда қишлоқдаги тоғасининг ват-фот этгани ҳақида телеграмма келиб қолди. Беш тоғаси ичидаги энг кичиги ва севиклисисининг бирдан вафот этгани уни шошириб қўйди. У шу тоғасини жуда яхши кўрар эди, ўқиш йиллари ундан хабар олиб турган ҳам шу тоғаси эди.

Аввалига Адолат хола билан Содиқ йўлга чиқмоқчи бўлишди. Лекин Содиқ онасининг нафас сиқиши касали совуқ тушгандан бери тез-тез такрорланиб турганидан розилик бермади. Она «бормасам уят, эшитган қулоққа хунук» деб туриб олди. Содиқ нима қилишини билмай икки ўт ўртасида ҳайрон экан, онасидан хабар олиб турган қўшни врач жонига оро кирди, «кечагина ўтгани юрак приступидан кейин узоқ сафарга чиқишингиз ҳеч ҳам мумкин эмас, ўзингизни, ўғилларингизни ўйланг», деб шахтини қайтарди. Чор-ночор дами қайтган она бир-икки аччиқ-аччиқ йиглаб, индамай рози бўлгандек бўлди.

Онасиининг ўксисб қолаётганини кўрган Содиқ яна бир нозик пардани чертиб, унга далда берди, кўнглини кўтарди.

— Келинингизнинг шу турқи бўлса, болани касал қилиб қўяди! Сизнинг шу ерда бўлганингиз яхши,— деди.

Она йиглаб-сиқтаб ўғлини эшиккача кузатиб чиқди. Маратни унга тутиб:

— Оғзига тупуриб кет буни, келгунингча ичикиб қолмасин!— деди.

Содиқ онасининг сўзини қайтармаслик учун ўғлига энгашаркан, у мени олади, деб қанотини ёэди, талпинди. Иримини қилиб қўяқолмоқчи эди. Мушарраф гап қотди:

— Ола қолинг, ҳали қачон келасиз! Соғинишини биладиган бўлиб қолди.

Содиқ ҳўмрайиб хотинига қаради. Гапни чўзмаслик учун Маратни қўлига олиб ўпди. Болани хотинига узатар экан, Мушарраф эрининг қарашига бардош беролмади, кўзини четга олишга мажбур бўлди. Нима учундир, Маратнинг онасига боргиси йўқ, ҳамон Содиқка талпинар эди. Эр-хотин ўртасидаги бу совуқ манзарани пайқаган Адолат хола:

— Дадангга эргашадиган бунақа одатинг йўқ эдику, болам, сенга нима бўлди?— дея неварасини ўғли қўлидан ўзи олди.

Марат, гүё дадасини бундан кейин уйида ҳеч күрмас-лигинни сезаётгандек ҳамон унга талпинар, қўлини чўзар, қўлини қайтарса, ўзини отгундек бўлар эди, дадаси билан кета қолгиси келарди.

Содиқ уни онаси қўлида яна бир ўпид, шошганича йўлга тушди.

— Кўрганларга салом дегин! — гапириб қолди она.

Оҳ, бечора она, болангнинг бувдан кейин кимларни кўришини билсанг эди, уларга балки салом айтмаган бўлардинг!

14. КУТИЛМАГАН ҚОРА КҮН

Поездда бора-borgунча Содиқнинг хаёlinи гоҳ хотинининг кечаги қўлмиши, гоҳ тоғасининг етим қолган беш боласининг тақдирни олиб қочди. Тоғаси нимадан вафот қилди экан? Касал бўлса эшитган бўларди-ку! Энг катта боласининг ёши нечада эди? Оиласи қийналаб қоладиган бўлди-да. Унча қийналмас, кенойим пишиқ, юмшкор, куйди-пишди. Бир ҳунарининг бошини тутиб олади. Совхоз улардан хабар олиб турар, кенойимга тузукроқ иш топиб берар. Тогамнинг обрўйи яхши эди-ку. Совхозим деб кунни кун, тунни тун демас эди, бечора!

Мушарраф нега бундай ўзгариб қолди? Бирор алам ўтган ери борми? Е бирор йўлдан урдими? Мен уни хафа қилгудай бирорта гап қилганим йўқ, у арзимаган нарсадан ўт чиқарарди. Кеча ҳам худди шундай бўлди. Мана бугун йўлга қўшнисидан қарз кўтаришга мажбур бўлди. Хотини шундай бўлмаса қўшнисига сарғаниб пул сўраб чиқмас эди. Эрининг аҳволига ҳам назар сол-да, подоп. Бор бўлиб сендаи аясам, бу бошқа гап. «Эрка қилиб боқилгаш текис ерда қоқилар» деб шуни айтса керак-да. Нега мен унинг шунаقا тантқлигини аввал билмадим? Ҳаммасини қилди-қилди шу Мирсалим қилди. Шу ўртага тушмаганида бунчалик шошқалоқлик иш бўлмас эди. Қўзимни боғлаб қўйдими, илма бало. Йўқ, ўзимдан ўтди!

Содиқ шундай сўнгги йўқ ўйлар билан жойига чўзилди-ю, хаёл сурдими ёки туш кўриб ухладими — фарқига бормади. Лекин купесидан чиқса, қўшнилар ионушта қилишяпти, уни таклиф этишди. Шундан у кеча кечқурун ҳеч нарса емасдан ётиб қолганини эслади,

қорни очганини сезди. Ювениб келиб қўшниларининг нонуштасига қўшилди. Аммо иштаҳаси бўғилди. Қўшнилар оила ҳақида сұхбат бошлишди. Япасқи бурунли бири баҳсга якун ясагандек деди:

— Шарқ доноси яхши айтган, бундан ўтказиб бўлмайди: яхши хотин, жон озиғи. Ёмондан ўзи асрасини Хотининг ёмон бўлса, сенинг жаҳаннаминг шу дунёда!

Содиқ, сұхбат унинг оиласи ҳақида кетаётгандек баҳсчиларга назар ташлаб чиқди. Ҳеч кимнинг у билан иши йўқ... «Мендан бошқа ҳам хотин жабринга учраган бор экан. Қайси бири экан? Шу япасқининг ўзими? Ё анатими? Иккисига ҳам ўхшамайди. Хотинидан жабр кўрганнинг ранги бунақа хушрўй ва тиниқ бўлмайди. Анави чиройли, қилтириқ мўйловлидир. Хотини қизғанса керак-да!»

Содиқ поезддан тушиб, тоғасиникига стиб келгунча кун пешиндан оғиб, ўлук чиқарилиб бўлган эди. Фарёд уриб, қаршисига илк чиққан кенойиси бўлди. Унинг соchlари тўзғиган, бош яланг, белига қора шол рўмолини икки айлантириб ўраган, рангида қон йўқ.

— Тоғангиздан ажралиб қолдик, Содиқжон! Шўри-миз қуриб қолди, Содиқжон! — деб унинг елкаларига қўлини ташлаб йигларди. Унинг товуши хирпллар, кечадан бери фарёд уравериб бўғилган бўлса керак.

Содиқ кенойисини свутмоқчи бўларди-ю, ўзи ўпкасини босиб ололмас эди.

У тоғасининг таъзиясида уч-тўрт кун қолиб кетди. Ёнгина қўшни йигит ҳар куни шинелда чиқиб Содиқ билан эшикда турди. Исли Қобилжон экан. Оёғида ҳарбийча кирза этик. Бошнда манглайидан юлдузи олиниган шапка. Узи қиздай мулойим ва хушмуомала, келган-кетганга букилиб салом беради. Содиқ уни ҳарбийдан яқинда бўшаб келган фараз қилиб, меҳрибонлик билан:

— Бирор ишга жойлашганингиз йўқми ҳали? — деган эди, у йигит ҳарбий хизматдан отпускага келганини айтди:

— Яна бир йил бор.

— Хизмат қаерда?

— Узоқ. Жуда узоқ. Олатоғдан ҳам кўринмайди, — деб кулгига слди йигит.

Қобилжон Содиқ келганидан бери ўзини унга яқин олиб юрарди. Фотиҳага келганларни кутишда ҳам унинг

ёнида, нонушта ёки овқатда ҳам унинг ёнида. Шуниңг учун Содиқ ундан сўрашга журъат этди:

— Сир денг! Айтиб бўлмайдими!

Аслида Содиққа йигитнинг қаерда хизмат ўтаётганинг қизиги йўқ эди. Нима учундир, бир-икки кундан бери унинг кўнгил ғашлиги, юрак сиқилишга айланди. Кимгадир нималариидир гапиргиси келади, алланималардан ҳикоя эштиши кўнгли тусайди. Бирор юрагини сандиққа қулфлаб, калитини олиб кетиб қолганга ўхшайди.

Қобилжон келувчилар оёғи товсилгандан кейин уйига чиқиб кетиб, қош қорайганда фарғонача беқасам чопонга ўралиб кириб келди. Салом бериб, Содиқ қўрсатган ўрнинг ўтириди. Содиқ узатган чойни ҳўплаб, гап бошлади:

— Боя сиз менинг хизмат еримни сўрадингиз. Одамлар олдида айтишга бўлмай, қизиқчилик қилиб қўя қолдим. Аслида сир. Ҳаммага гапириб бўлмайди. Сиз зиёли одамсан, тушунасиз, сизга айтсан бўлади. Хизматим шимолда, ўн иккни ойи қишу қолгани ёз. Арестантларни қўриқлаймиз, спёсий арестантлар, халқ душманларини.

Содиқнинг уларга жони ачимади. Душман бўлгандан кейин елкасига қоқиб, бошини силайдими! Қетмоининг дамини босмаса, сопи пешонасига тегмас эди.

Содиқ кечаси билан ухлолмади. Мудҳиш туш кўрди.

Содиқ эрталаб ювиниб меҳмонхонага чиқса, болаликда кўча чангитиб бирга ўсган, босмачиларнинг додини берган бир ўртоги ўтирибди. Уни кўриб анча кўнгли ёришди. Фотиҳага келган бу ўртоги Содиқ билан қўл сиқнишиб кўришган бўлса ҳам, «азада ярашмайди, бели боғлиқнинг дили боғлиқ» деб ўйладими, очилиб гапиришмади. «Одамлар оёғи товсилиши билан эшикка бор, кутаман» деб кетди. Содиқ ваъда бериб қолди. Фотиҳага келувчилар оёғи тийилиши билан, йўл олди.

Она қишлоғининг ҳар бир гиёҳи таниш. У суқланиб атрофга назар ташлаб борарди. Якка чўп кўприкдан ўтиб, энди сўлга бурилиши билан хаёлини ёшлик ўйлари олиб қочди.

У худди ана шу ерда илк марта Жаннатни учратган. Сочвонини қўлига олиб келаётган ўйинқароқ ёш қиз қаршисида пайдо бўлиб қолган кишидан юзини бекитаман, деганда аллақаёқдан қувалашиб чиққан

иккита ит уни қўрқитиб юборган, сочвон эмас, бошидаги қизил сатин паранжиси ҳам тушиб кетган эди. Шу маҳал етиб келган йигит, четлаб ўтиб кетиш ўрнига ерда ётган паранжини олиб, қизга узатганди.

— Вой, ўлмасам, қанақа кишисиз ўзи!—деган Жанинат юзини бекитиш ўрнига қип-қизариб, ҳаё аралаш боқиб турарди. Содиқ ҳам бўш келмади:

— Кўриб турганингиз кишиман-да, энди мендан қочмасангиз ҳам бўлади, синглим!— деди.

— Нега қочмас эканман, қўйинг-е! — деган Жанинат юзини сал четга буриб, бошига паранжисини илди.

— Паранжингизни кўрса кучуклар яна қайтиб кела-ди, — тегишид Содиқ.

— Қайтиб келса сиз бор-ку. Наҳот мени итга тала-тиб, кап-катта одам қараб турсангиз?

— Ундаи бўлса эшигингизгача қўриқлаб бора қолай.

Киз бу кутилмаган таклифдан чўчиб:

— Йўқ-йўқ! Узим кетаман, — деди.

Киз сапчиб икки - уч қадам қўйди-ю, яна одимини секинлатди. Ана шунда Содиқнинг юраги алланимани сезгандек гул-гул уриб, унинг ортидан унади. У юрагининг амрига бўйсуниб, қизга етиб олди... Ана шунда икки ёшнинг кўзи бенхтиёр тўқнашди. Шунчалик журъят билан кетидан етиб келган Содиқ тилдан қолгандек бир сўз айтольмас, умрида биринчи марта бегона йигитнинг юзига тикилиб қараган қиз ҳам ўзини бир неча лаҳзага унуди... Кейин яна бир хилват топиб учрашишди... Кейин Содиқ унинг паранжисини олиб ташлатиб, ўқитди, қайнааб турган ҳаёт қўйингизга тортид... Ана у ишлаган боғча. Оппоқ бўлса ҳам ботаётган қуёшнинг нурида қизил тортиб турибди. Унинг ўзи-чи? Ҳозир қаерда экан?

Шу лаҳзада, ажралганидан бери илк марта Жанинга астойдил раҳми келди. Ўзига-ўзи ёмон қўриниб кетди.

Қандай бедаво хатога йўл қўйганини бутув вужуди билан ҳис этди...

Ўртоғи уни очиқ юз билан қарши олиб, ичкарига таклиф этди. Олдига дастурхон ёзар экан, гап қотди:

— Оббо, дўстим-эй, шундақа қилиб пойтахтлик бўлиб олдим дегин? Ишларинг яхшими? Уйланибсан, фарзанд кўрибсан деб эшиздим. Фарзанд муборак! Тўйингга ҳам айтмадинг, энди биратўласи «фарзанд қутлуғ» қилиб борар эканмиз-да.

— Марҳамат, бош устига.

Содиқнинг хомушлигини кўрган ўртоғи аввалига бу ҳолни тоғасининг вафоти туфайли деб тушунди. Кейин сұхбат қизиб, анча ёзилишиб ўтиргандан кейин ҳам ро-йиш бермаганидан ажабланди. Ўнинг кўнглини очмоқчи бўлиб, район янгилигини айтди.

— Биздаги янгиликни эшпетганмисан?

— Қайси бирини? Ёзмасанг қайдан эшиштай.

— Диловархўжа қўрбошининг қўлга тушганини!

— Қачон? Йўғ-е! Ҳали ҳам тирик эканми, лаънати?— бирдан тетикланди Содиқ.— Қайси кавакда ётган экан? Мен уни ўлиб кетгандир, деб юрувдим.

— Мен ҳам! Эсимдан чиқиб кетган экан. Бир куни идорада ўтирсам телефон қилиб қолиши. Мен ҳам сенга ўхшаб ишонмадим. «Лаънатининг башарасини бир кўриб қўйяй, тоза бизни овора қилган эди», деб борсам, йўқ, марказга юборишган экан.

— Бу ёққа нима қилиб дайдиб келиб қолибди?— Яна қизиқди Содиқ.

— Буни билмадим. Туғилган ерини соғинганми.

— Бунақа одамлар соғинини биладим!

— Бўлмаса ажал қувиб келгандир-да!

— Бу бошқа гап. Отишса керак.

— Бўлмасам - чи!

— Уша йиллар эсингда борми? Лаънатилар билан ўзимиз ҳам тоза қувалашдик - да. Ҳафталаб отдан тушмас эдик - а.

— Шундай қилмасак бўлмас эди - да!

Икки жанговар ўртоқ қилич ўйнатишган йилларни узоқ эслалиб ўтиришди. Диловархўжа номини эшишиб чеҳраси бир оз ёришган Содиқ, ош сузилиш олдидан яна хомуш тортиб қолди. Бунинг сабабига ўртоғи тушумасдан, яна соғлигини, ишларини сўради. Маъқул жавоб олгандан кейин, деди:

— Нима учундир сени орган суриштириб юрибди. Тинчмисан?

— Нима деб суриштиради?— парво қилмасдан деди Содиқ,— орган қизиқадиган бирор ғалат иш қилиб қўйибманми?

— Билмасам, мен ҳам ҳайрон бўлдим. Ишларинг яхими ўзи? Яхши бўлса бўпти-да. Органинг сен билан менга даҳшат соладиган ери йўқ.

— Албатта,— деди ишонч билан Содиқ.— Балки Ди-ловархўжанинг иши юзасидан керак бўлдимми?

— Эҳтимол,— унинг фикрига қўшилди ўртоғи.—
Шундай бўлса керак.

Содиқ партизан ўртоқлари Болтақулнинг тақдири билан қизиқиб, ҳамсузҳатидан суриштирган эди, у ҳам ҳеч нарса айтольмади, елкасини қисди:

— Орган қўлга олган. Бир нарса деб бўладими!

Икки жанговар ўртоқ қўл сиқиб хайрлашганда ҳулкар оққан, тун салқини этни чимчиларди.

Содиқ эртасига қий-чув билан хайрлашиб йўлга чиқди. Лекин оёғи уйига тортмас эди. Поездга чиқса ҳам, орқасига қайтгиси келаверди. Мушарраф билан бўлган дилснёхликданми... ёлғиз ўғлини хаёлига келтириб кўрса ҳам, дили ёришмади. «Тавба, ўзи нима гап? Бу ниманинг белгиси?»— деди ўзига ўзи. Кейин бу жинни ҳисдан кулгиси қистади, ўзича масхаралангандек қаҳ-қаҳ уриб қўйди. Поездга кечаси чиққани учун узоқ фикр юритишга вақти бўлмай, ухлаб қолди. Эртасига поезддан тушди. Машина кира қилди.

Содиқ кўзига таниш билолар бир неча йил кўрмагандек чиройли, файзли кўриннарди. Азим теракларни энди кўраётганга ўхшайди. Кутмаганда кўзига ярқираб, ажойибот тўла мўъжизадек бўлиб диққатини тортади. Ана, таниш, неча марта сайр қилиб юрган хиёбонлари. Ялан-ғоч дарахтларда қарғалар учнаб-қўнади, ерда қор йўқлигидан осмонга нола қилади. Осмон булат. Ана, шамол булатни йиртиб, ундан қуёш кўзи билан бирпастгина муралади. Яна булатни аллақаеридан йиртиш ниятида хира кўзи малла бўз парда орқасидаги чироқдек ёнди.

«Шаҳарни айланмаганимга анча бўлди ўзи ҳам», деб қўйди ичиди. Шунда Мушаррафга уйланиш олдидан тез-тез шу томонларга чиқиб тургани ёдига тушди. Ана, улар ўтирган скамейкада бошқа бир жуфт ўтирибди. Уларнинг елкаларигина кўрниади. Шу маҳал кимdir унинг отини айтиб чақириб қолди. Худди Мушарраф чақиргандек юраги орқасига тортиб, «шув» этиб кетди. Товуш келган томонга қаради. Машина эндигина бурилган тор кўчанинг ўйлласида Содиққа нотаниш бир орнқ йигит турарди. Унинг ёнида — қачон Содиқни кўрса оғзи тўла олтин тишинн йилтиллатиб, ажойиб тиш доктори топганини мақтайдиган бир эзма муаллим. Ориқ йигит у билан хайрлашиб, машинага яқинлашди. У оддийгина кийимда, галстук таққан.

— Милицияга кириб чиқсак,— деди у ранги оқарин-кираб. Содиқ гап ким ҳақида кетаётганлигини билмай, аниқламоқчи бўлди:

— Менми, шоферми? Шофер бўлса мен қолай.

— Йўқ, сиз билан бирга кириб чиқамиз.

Машина Содиққа кўпдан таниш кўчалардан ўтиб бориб, темир дарвоза блидида тўхтади. Машинанинг сигналига ичкаридан ҳарбий формадаги киши чиқиб, шофер ёнида ўтирган ориқ йигитга қаради. У, ўзлари тушунадиган бирор имо қилди шекилли, тезда кириб кетиб, дарвозани очди. Уни кутуб олган командир, икки ҳарбий йигит билан тор коридордан бориб, бир хонага олиб кирди. Уни ўтқазиб, ёнида икки ҳарбийни қолдирди. Ўзи чиқиб кетиб, унвон жиҳатидан ўзидан каттароғи билан кириб келди. Янги кириб келгани қўлидаги папкада бир қоғоз олиб, Содиққа узатди:

— Ўқинг, қўл қўйинг.

Содиқ қайси кўзи билан кўрсинки, бу республика прокурорининг уни қамоққа олиш ҳақидаги санкцияси эди. Ў бўшашиб, шимининг темир илгаги кесилган, бегалстук боксда ўтиради. Тушими, ўнгими...

— Қўл қўйинг.

Ярим соатдан сўнг Содиқ ботинкасининг иллари олинган, шимининг темир илгаги кесилган, бегалстук боксда ўтиради. Тушими, ўнгими...

15. ЙИҒИГА АЙЛАНГАН Алла

«Данагидаи мағзи ширин» дегандек, Адолат хола неварасига бутун меҳрини тўкиб, эркалаб ўтиради, унга қўшиқ айтарди:

Маратжоним хон-хони,
Кўкаlamзор майдони,
Ҳамма ёмон кўрса ҳам,
Бувингинасининг жони!

— Ҳозир Маратнинг дадаси келади. Қани Маратга ишмалар олиб келаркин дадаси: жажжи оёқларига этикчами, белига қийиқчами, ё бошига телпакчами? Да-дангга «ашшалом алайкум, дадажон, сизни соғиндим», дейсанми? Ачалом қиласанми?

Ширин болам, шакар болам,
Асқар тоғда битган лолам,
Еңдан чиққан ён қозигим
Ширин-шакар жон озигим.

Қани, қани, битта кулсни, бувижонини битта ачом қилсан! Бувиси айлансиң бўйларидан, азамат ўғлим! Тўю томошаларингни кўрай, илойим! Кам бўлма!

Адолат холанинг тили тилига тегмас, неварасини гоҳ қучоқлаб бағрига босар, нафаси қайтиб, товуш бергунча қўйиб юбормас, гоҳ лўппи юзларидан ўплиб «қийнарди», гоҳ кўкка отиб кулдиради.

Кечки овқатга олов ёққан Мушарраф ошхонадан чиқиб келиб, қайнанасининг қаршисида тўхтади. Холанинг завқ билан неварасини эркалашига ҳаваси келди.

— Бугун Маратни жуда бошқача эркалаб қолдингиз, ойи, яхши туш кўриб турдингизми?

— Ҳа, болам, хурсанд бўлмай нима қилай; мана кута-кута неварали ҳам бўлдим. Энди Қодиржоннинг бошини иккита қилиб олсам эди, гўримда оёғимни узатиб, тинчгина ётардим. Ҳай, айланай келин, эршигиз келганда яна эски дафтарни очманг. Ўтган ўтди, орқадаги гап — охурдаги нишхўрд. Очилиб-сочилиб қарши олинг. Худога шукур, болали бўлдингиз; эрининг қўлида-ю, уйнинг тўридасиз. Ҳа, шундай қилинг, жон болам! Вой, чукинг кесилгур, ҳамма ёғимни расво қилдинг-ку! Бу иззатларга сиймоқ керак дедингми, болам тушмагур! Манг, олинг, бошқа иштон кийгизиб беринг. Дарров кийгизиб беринг.

Адолат хола Маратни Мушаррафга бериб, кўйлагининг ҳўл бўлган ерини чайқаш учун тутамлаганича чиқиб кетди. Вақт ўтиши билан гина-кудурат эсидан чиққандек, Мушарраф эрини соғинган, кечадан бери тиқ этса кўзи эшикда эди. Шунинг учун қайнанасининг насиҳатлари баъзи вақтдагидек гашини келтирмади. Маратни ундан олар экан:

— Уяти йўқ бола, бувингга ҳам гуноҳ қиласанми! — деди эркалаб ва урниш ўрнига бағрига босиб, юзидан ўпди. Ташқаридан Адолат холанинг товуши келди:

— Мушаррафхон, бу ёққа қараворинг!

Мушарраф чиққанда маҳалла комиссиясининг котиби билан икки киши ҳовли ўртасида турарди. Котибининг ранги сал оқаринқираган, қарашлари ташвишли,

У икки кишининг бири томларга қарап, биттаси қўлини чўнтағига тиққанча Мушаррафнинг етиб келишини кутаётганга ўхшарди. Мушарраф салом берди, юраги аллақандай бахтсизликни сезаётгандек гурс-гурс уриб, эти жимирлаб кетди, «нима гап?» дегандек котибга қаради. Котиб нохуш хабарни айтишга тили бормади шекилли, ёнида турганиларга имо қилди:

— Булар келишган экан...

Қўлини чўнтағига солиб тургани келиш мақсадини айтиб, уйни тинтув қилишга ҳужжат кўрсатди.

— Ўзлари қани?— деди титраб Мушарраф.

— Узи ҳам келиб қолади,— деди новчаси.

— Бўлмаса, ўзлари келсинлар, сизлар чой ичиб тура туринглар.

— Йўқ, раҳмат, биз бошлайверамиз. Вақт зиқ!— деди биттаси мулойимлик билан ва Мушаррафнинг йўл бошлишини кутмай ичкарига қараб юрди.

«Ўзи тинчликми, болам?» деганича Адолат жола эшик олдида тошдек қотиб қолган эди.

«Ўзи қозир келиб қолади» билан бошланған тинтув тун оққаида тугади. У икки киши Содиқ белги қўйган, четига ёзган, остига чизган, варагини қайирган китобларнинг ҳаммасини бир бўғча қилди. Унинг конспектларини ҳам оллаб кетмоқчи бўлган эди. Мушарраф:

— Бунн бермайман, эрта-индин дарслари бошланганда нима қиладилар?— деб туриб олди. Новчаси:

— Келишда ўзи билан олиб келади!— деди ва шеригига «қойил қилдимми?» дегандек кўзини қисди.

У бири ўрта бўй, оқ-сариқдан келгани (кейинчалик Қодир актдан исмини билган Пушкарёв) бир четда раниги бўздек оқариб ташвишда ўтирган Адолят ҳолага тез-тез қараб қўярди. Унинг назарида кампир жуда ҳолдан тойиб бораётганига ўхшар, ҳали замон қўлидан бола тушиб кетиб, ўзи ҳам муккалаб йиқиладигандек кўринарди. У Қодирни секин ёнинг чақириб:

— Валерианка йўқми, кампирга озгина ичириб қўйсангиз!— деди.

Қодир ана шундагина онасининг жуда ўзгариб кетганини, мадорсиз қўлларининг титраётганини пайқади, бир пиёла шуздай сув тутди.

— Ҳа, болам, онанг энди дардда адойи тамом бўладиган бўлди, буларининг келиши яхшиликка эмас...— деди

ди она ва ҳўнграб йиғлаб юборди. Онанинг кўэ ёшлари маржон бўлиб қўлидаги Маратнинг кўксига томарди.

— Ииғламанг, эна! — деди Пушкарёв фотосуратларни бир ерга йиғиб, газетага ўрар экан. — Кўчкоров бу· гун-эрта келади, унда озгина гапнимиз бор.

Содиқ бугун ҳам, эртасига ҳам келмади, бир ҳафта, бир ой ўтгач ҳам келмади...

Шу куни Адолат холанинг оққан кўэ ёши то умри-нинг охиригача тиимади!

1. АЙБСИЗ АЙБДОР

Содиқ қулоч ёэса деворларга қўли етгундек боксда нима гаплигига фаҳми етмай ўтирас эди. Бошнга келган биринчи фикр «қаерда ва қачон жиноят қилган эдим?» деган савол бўлди. Ҳаётида битта-яримта нуқсон ёки ишида камчиликлар ўтган бўлиши мумкин, лекин буларнинг ҳеч бири жиноят эмаслигига амни. Шундай бўлса ҳам, бутун ҳаётини хаёлидан бир-бир ўтказди. Бу энг тўғри йўл эди.

Эсини танибдики, қўли қаттиқ, дили юмшоқ отаси йил ўн икки ой Омил қори юзбошиникида чорикор ишларди. Куз келганда юзбоши чети қайрилган червонларни текисласа, отасининг чўнтагида ҳар вақтдагидек шамол ўйнарди. Уларнинг супрасидан сичқон ҳазар қиласарди. Текиннинг миннати кўп, меҳнатнинг зийнати, деб ҳеч иолимас, бутун умидини ўз билаги билан, ўз тилаgidан кутар, жуда мўмин-қобил одам эди.

Ҳазилкаш ўртоқлари икки бўйра ерга ариқ тортиб туз эккан, кўкариб чиқмаганда хафа бўлган содда киши шу Кўчқор ака, деб ҳазиллашар, баъзан Содиқни ҳам «туз экканнинг ўғли» деб юришар эди. Лекин унинг тўнғиҳ ўғли Содиқ унақа содда чиқмади. «Меҳнатнинг зийнати бировга-ю, миннати бизгами, йўқ, кетмайди»,— деди у. Отасининг кетида юриб Омил қорининг молларини боқсан кунидан бошлаб, ўз ҳаёт йўлини қидирди. Отасининг очган йўли, онасининг бичган тўни торлик қилиб қолди унга. Томчи тошни тешади, деб керак бўлган жойда ўз ҳақини талаб қилди, қўрқмади. Унинг энг биринчи «исёни» Омил қори отига мингандада, жило-

виши ушлаб, оёғидан олиб юбормаслиқдан бошланди.
Отаси:

— Үндаш қилма, болам! — деганда:

— Уддаласа мисин! Мен от минганимда жиловни
бировга ушлатмайман! — деб жавоб қилди. Буни
әшитган юзбоши: «Остонамга оёқ босмасин!» — деди.
Содиқ унинг айтганини қилди. Кўрса салом бермади.
Бир куни Омил қори:

— Саломнинг қани, бадбаҳт, еб қўйдингми? — деган
эди:

— Айби йўқ, тақсир, есам еб қўйгандирман, камба-
ғалчилик... — деб кулди. Қори унинг бунчалик ҳозир-
жавоблигига ичидаги таша берса ҳам, жеркиди:

— Зумраша! Беодоб!

Содиқ индамай унинг орқасидан кулиб қолди. Қори-
нинг бўйни барглари сидириб ташланган тол новдага
ўхшарди. «Нега у сира семирмайди? Биروف етилтириб
берганни ёйиш енгилу, ҳазм қилиш оғир бўлади шекил-
ли-да», деган холосага келди ўзиҳа Содиқ. У ақлнини
бот ташиган эди. Омил қори кутганидек, отаси илти-
мос қилганидек, юзбошининг эшигига бош уриб бормади.
Кўчада кесак тепиб, тупроқ чангитиб ҳам юрмади.
Бўш қолганда балиқ овлашга берилиб кетди. Тутган ба-
лиғини ўзларидан анча нарида бўлган темир йўл разъ-
ездидаги ўрисларга бериб юрди. Улар ҳам Содиқни қу-
руқ қўйишмади.

— Мечнатнинг қадрига ўрис етади! — дерди у. Шун-
дай қилиб, ўша разъезддан иш топиб олди. Олдинига
бир рус стрелкачининг атрофида ўралашиб юрди. Кейин
маошли рабочий бўлиб қолди. Бўш кунлари улар билан
тез оқар Қорасувда балиқ тутишди, тўқайда тустовуқ
отишди. Содиқ бу атрофия яхши билганидан, рус ти-
лига анча тушуниб қолганидан, керагида таржимонлик
қилишидан разъезддагилар ҳам уни ёқтириб қолган
эдилар. Омил қори унинг «ўрис бўлиб кетгани»ни бир-
инки марта отасига таъна қилиб, бир кўрганда ўзига
ҳам айтди, худди унинг аччиқ гапига кўзи учиб турган-
дай, Содиқ бир ўрис ўртоғининг келкасини ўйин қилиб
келмоқда эди. Қори уни тўхтатди:

— Бу нимаси!

Содиқ Омил қори сўзини тугатгунча маъносига ту-
шуниб, гапни бўлди:

— Шапка, тақсир, шапка!

— Мусулмон боласига ўрис шапкасиниң кийиш уят!

— Карманингиздаги пул-чи, тақсир, у ўрисники эмасми? Подшоҳ-чи? Номини ҳар кунни хутбага қўшиб ўқийисиз, бу майлими?

— Подшоҳ, подшойи аъзам...— деди дудукланиб қори, кейин фикрининг қалавасини зўрга топиб олди.— Оқ подшоҳ ҳазратлари бошқа, шапка киядиган бу ўрисларинг бошқа.

— Тўғри, тақсир, бу шапкани киядиганлар ҳам шунақа дейишади.

Чиндан ҳам бир-икки йилдан кейин оқ подшоҳ билан бунақа шапка киядиган ўрисларнинг бошқа-бошқа кишилар экаш ҳаммага аён бўлди. Шунақа шапка кийганлар аввалига оқ подшоҳни, кейин оқ подшоҳсиз оқ подшоҳ йўлинни тутадиганларни таҳтдан ағдариб ташлади. Шунда Содиқ енгига қизил bogлагan, кўкрагига қизил лента таққан кишиларни кўрди. Улар қизиқ нарсалар тўғрисида гаплашарди. Бунақа гапларни Содиқ авваллари ҳам эшитган, лекин у вақтда аллакимдан қўрқа-писа секин-секин гаплашар эдилар. Энди бўлса барала!

Сал вақт ўтмай ғарби-шимолдан эсгани шабада Содиқ турган срларнинг моғорини ҳам тозалади. Шўролар ўз ҳукмига кирди. Лекин унинг ҳукмидан бўйин товлайдиганлар ҳам топилиб, хуруж қила бошлиши. Омил қори юзбоши малла ранг салласини чор қирра тақдўзинга алмаштирди. Ўзи босмачиларга чиқиб кетмаса ҳам, тўртта отини бериб юборди. Намозни қавм билан мачитда эмас, ўз уйидаги ўқийидиган бўлди. Хутбага оқ подшоҳнинг муборак номини қўшмаса ҳам, оқ подшоҳчиларни дуо қилади, пинҳон дуо қилади.

Ана шунда Содиқ разъезддаги руслар ва кўкрагига қизил лента таққан ўзбек чавандозлари билан бирга босмачиларга қарши курашга чиқиб кетди.

— Биз етимларнинг холи нима кечади?— деб бўйнига осилиб йиғлаган онасига:

— Етимлигимиэни билдирамаслик учун, бошқалар етим қолмаслиги учун кетяпман!— деди. Унинг отаси оқ подшоҳнинг бузилган кўпригига ёғоч кесиш учун бир неча йил илгари мардикорликка олиб кетилган, кетганидан бери сувга отилган тошдек бедому дарак эдә. Баъзилар қайтди. Лекин қайтмаганлар кўп. Қайт-

маганларга қишлоқ аза очди, қора кийди, лекин Адолат хола аза очтиrmади, ахир қуруқ йўталишга ҳам куч керак. «Кафан кийган кетади, капалак кийган келади» деб туриб олди, ҳамон умид қилади. Бир оқ яктагини келса кияди, деб тишида тишлаб юрди, ҳар баҳор чиққанда бир қоқиб, шамоллатиб, дадаси қизлигига қилган нурсизгини сандиққа яна солиб қўярдл. Аммо Содиқ дадасидан умид қилмайди: тирик бўлса дараги чиқиб қоларди. «Қўпргини тузатаман деб, тегирмонга тушиб кетган. Унинг тегирмонидан омон чиқмаганлар озми!»

Оқ подшоҳнинг қора думи бўлган босмачиларга қарши қонли курашга отланиб, ёнига қилич таққанида Содиқ ерга урса, кўкка сакрайдиган йигирма яшар олов йигит эди. От слдириб, қилич ўйнатди. «Қизил командир» номини олди. Мустақил бўлинма олиб, Диловархўжа қўрбошини қувди. Йигитларини тумтарақай қилиб тор-мор келтирди-ю, ўзини тутолмади... Бир неча йил давом этгани бу курашдан у коммунист бўлиб қайтди.

Юрт тинчиб, ариқлардаги сувларининг раиги тиниқлашгандан кейин турли лавозимларда ишлади. Бундоқ қараса, амал ҳар ким миниб кетаверадиган от. Сўнгра у қунт билан ўқиди. Ўқиб-ўқиб, ўқитувчи бўлди. Китобсиз уй— чироқсиз тун. Ҳар уйга бир эмас, бир неча чироқ керак, чироққа чироғбон керак. Ҳали ёритишлиши лозим бўлган талай уйлар бор.

Эшикнинг шарақа-шуруқ қилиб зарб билан очилиши Содиқнинг хаёlinи бўлди. Чегара қўшини формасидаги аскар останада турар эди: соқол-мўйловини тоза қирган, гимнастёркасига оппоқ ички ёқа тиккан, камарининг мис тўқаси, фуражкасининг юлдузи қия тушган чироқда кўзни олгудек йилтилларди. У Содиқни бошлаб, юқоридаги хоналардан биринга олиб кирди-да, ўзи чиқиб кетди.

Оддийгина бир хона. Кунга тескари томонда итальянча дераза. Эшикдан кираверишда, чапда стол. Унда телефон, сиёҳдон. Бошқа ҳеч нарса йўқ. Стол ёнида ўтирган лейтенант Содиқни олиб кирган аскарнинг қўлидаги қоғозга қўл қўйиб берди. У йигирма беш ёшлардаги гавдали, елкаси кенг, баланд бўйли йигит эди. Сочи тўкилиб битганми ёки кам қолганидан кирдириб юрадими, тақир боши деразадан тушган ёруғда жез қалпоқдек йилтилларди. У аввал Содиқни бурчакдаги

табуреткага ўтиришини буюриб, уни бошдан-оёқ кўздан кечирди. Содиқ лабларини қисиб, термилиб турарди. Лейтенант Содиқнинг бардошини синамоқчи, кўзлари билан қалбининг тубига тушмоқчи, уни титмоқчи, унда нима борлигини билиб олмоқчига ўхшар, киприк қоқмас эди.

— Мен сизнинг терговчинги Чухановман. Ишингиэ менинг қўлимда. Ишонаманки, ортиқча гожлик қилмасдан, ҳаммасини ўзингиз гапириб берасиз.

«Ишингиэ менинг қўлимда» жумласи «тақдирингиз менинг қўлимда» бўлиб эшилди Содиқга. Наҳотки шу ёшгина йигит унинг тақдирини ҳал қилса!

Терговчи қўй кўзларини ундан олмасдан яна салмоқлади:

— Тушунарлими?

— Тушунарли-ку, ўртоқ Чуханов...

Чуханов сапчиб тушди:

— «Ўртоқ Чуханов» эмас, «гражданин терговчи!»

Содиқ бунга ҳайратда қолди-ю, индамади, сўзини тузатди:

— Гражданин терговчи...

Чуханов сохта жилмайди.

— ...Мен ҳеч нарсага тушунмаяпман: ўзи нима гап?

— Тушуниб қоласиз! Қисқа қилиб айтганда, сизни Давлат хавфсизлигини сақлаш органи қамоқقا олган. Буни тушунарсаниз?

— Тушунарли. Лекин қандай жиноятим учун!

Терговчи унинг сўзини илиб кетди:

— Бунисини ўзингиз айтиб берасиз. Қанча тўла айтсангиэ, шунча яхши...

— Тушунмадим.

— Бу ерда тушунмайдиган ҳеч нарса йўқ. Гап бирор ҳақида эмас, ўзингиз ҳақингизда, яъни Содиқ Қўчқоров ҳақида. Наҳот ўзингизнинг ишларингизни ўзингиз билмасангиз. Қизиқ.

Содиқ совуқ сувга шўнғигандек бўлди. Яккама-якка қиличбоэзлик қилиб турган пайтда қўлидан қуроли учеб кетган кишидек бўшашиб тушди: қаршилик кўрсатиш учун қўлида қуроли йўқ, таслим бўлиши эса асти истамасди.

Унинг ҳар бир ҳаракатини синчиклаб кузатиб, таҳлил қилиб турган терговчи, соатига бир қараб қўйдида, бугунги суҳбатга якун ясади:

— Боринг, сизга жой тайёrlаб қўйишган бўлса керак, яхшилаб ўйланг, ҳаммасини ўйланг. Ўйлашингизга истаганинтизча вақт берамиз, шошмаймиз.

Чиндан ҳам унга жой тайёrlаб қўйилган экан. Уни терговчи олдидан олиб тушган аскар тўғри камерага бошлаб борди. Бу камера кундузлари ҳам чироқ ёниқ турадиган узун ва тор коридорнинг энг охирида, ўнгда ёди.

Содиқ каравотга ўтириди. Бошини иккни қўли орасига олиб, ўйга толди. Инiga чўп тиқиб тўзитилган аридек, ўйининг тартиби йўқ, бири тугамасдан иккинчиси босади. Учинчиси иккинчисини қувиб чиқаради, яна бирин келиб унга қоришиб кетади.

Терговчи Чуханов, ўзи айтганидек, кечаси ҳам, эртасига ҳам чақирмади, гўё Содиққа ўйлаш учун имкон берган ёди. Дам олиш кунидан кейин эса ионушта ўтар-ўтмасданоқ, чақириб қолди. Курсига ўтиришга рухсат бериши билан:

— Хўш, яхши дам олдингизми?— деди. У пичинг қиляптими ёки чиндан аҳвол сўраяптими— Содиқ тушунмади.— Ўйлаб бўлгандирсиз, албатта. Қани энди бошлайлик. Чўзганингизнинг фойдаси йўқ.

— Нимани бошлаймиз, менинг сизга айтиб берадиган ҳеч қандай жиноятим йўқ.

— Яна фойдаси йўқ гапни бошлаяпсиз, ўзингизни қийнаяпсиз. Жинояти йўқ одам бу ерда нима қиласди!

— Ўртоқ... кечирасиз, гражданинг терговчи, сиз қандай тушунсангиз, тушуннинг, лекин бу срда ноҳақлик бор. Мен норозиллик билдираман. Рухсат беринг, Марказий Комитетга мурожаат этаман.

Содиқ кутмагандага терговчи ўрнидан турди:

— Боринг, яна яхшилаб ўйланг, ҳали вақтимиз бор.

Чуханов уни яна жойига тушириб юборди ва бир неча кун чақирмади.

Содиқ терговчининг бунчалик жим бўлиб кетишни ўзича тушунди: қўлларида старли ҳужжат йўқ, нима қилишини билишмайди, чиқариб юборгани эса гап сўздан қўрқишиади. Ёки уларни тўғри йўлдан тойдиргани тухматчининг таъзирини бериш билан бандикан?

Бу фикр қоронги ўйга чироқ олиб киритилгандек, Со-

диқнинг кўнглини ёритиб юборди. У бутун-эрта чиқиб кетади. Душман учун мўлжалланган бу камерада чин душман ётади. Душман учун бу ҳам кам.

Содиқнинг ўйига ўғли келди. У ҳамон йўлга чиқиши олдидагидек эшик бўсағасида қулочини ёзиб талпиниб турибди, гўё бола дадасининг ҳали-бери қайтиб келмаслигини билгану, сўнгги марта дадасининг меҳрига тўйиб, нафасини, исини, ҳидини олиб қолмоқчи бўлиб иштилганга ўхшарди. Аслини олганда ёлғиз ўғли билан ораси олис ҳам эмас. Бир соат келар-келмас йўл. Эҳтимол, онаси уни етаклаб шу девор орқасида юргандир. Ана, бола йиғиси эшитилгандек бўлди. Содиқнинг қулоги дингайди. Йиғлаган ўғли, унинг ўғли, ёлғизи, арзандаси! Нега йиғлади? Айб онасида, унар-унмасга болани туртаверади. Шундай севимли ўғлининг Мушаррафининг қўлида бўлганидан юраги эзилиб кетди. Томогига ишмадир келлб тикилди, аччиқ бир нарса димогини ёндириди, ачитди.

Неча йиллаб орзиқиб етишилган фарзандини бир кўришга, бир лаҳзагина лўппи юзлари, мунчоқ кўзларига боқишига муҳтоҷ. Гўё тақдир уни энг ширин орзусига ёриштириб қўйинб, кейин атайин жазолаётгандек, бешафқат. Унинг бутун орзу-умиди шу болада эди. Ҳаёти у билан гўзал, у билан мукаммал эди. Энди-чи! Ўйласа ўйида, ухласа тушида. Ҳеч хаёлидан кетмай қолди. Соғми? Саломатми? Ишқилиб, омон бўлсин. Албатта, кўришади, яқинда кўришади. Унга ўзи тарбия беради. Меҳнатдан ҳайиқмайдиган, қора ишдан жирканмайдиган қилиб таълим беради. Марат ажойиб йигит бўлади, ота келажагини ўз қўли билан унга топширади. Коммунизмдек олий ҳаётда шулар, фарзандлар яшайди. Улар боқий экан, оталар барҳаёт. Эҳтимол, Содиқ ҳам у чоқ невараларни етаклаб, боғларга, хиёбонларга чиқар, суратли китоблар кўрсатиб ўқиб бериб ўтиради. Улар оталар кўрган қийинчилкларни фақат китобдан билажаклар. «Босмачи нима? Ёт унсур қанақа маҳлуқ? Нега нонни тарозида тортиб беришган?» деб сўраб қолишича ажаб эмас! Улар ноҳақлик, туҳмат, ёлғон, манманлик, лаганбардорлик, мунофиқлик нима эканини билмайдилар. Булар барни у вақтгача баҳор қоридек эриб битади, тоңг уфқидаги тумандек йўқолиб кетади. Содиқнинг бу кўргилини эса, бирор туҳматчининг иши. Узоққа бормайди. Ҳақ жойини топади.

У шундай шириң үйлар билан үзини овутар, яхши күнларини эслаб күнглини күтәрарди. Ахир күйганинг фойдаси йўқ. Содиқдек кишига ярашмайди ҳам. Ҳали қиладиган анча ишлари бор! «Бўш ўтирган» вақтларида босиб ўтган умрини кўздан кечириб боқса, анча ишлари ҳали қилинмаган, қилинганлари ҳам кўнгилдагидек эмас. Мактабда ҳам анча имкон бор экану, қилмабди. Ҳаммасини тарозига солиб, ўлчаб, мўлжаллаб қўйди. Чиқди дегунча, шу ишларга киришади. Мактабини район эмас, шаҳарда намунали қилмаса астн ҳисобмас!

Шундай шириң орзу ва умидлар билан бугунни ҳам ўтказди. Енгил тортиб, ўрнига ётди. Үрин ҳам ҳар кундагидан юмшоққа ўхшарди. Эрталаб нонуштадан кейин соқолини олишди. Ӯша енгил руҳ билан сартарошга гап қотган эди, у «кимга гапи пряпсан?» ҳам демади. «Тўхтаб тур, кўчада кўрганимда бир қизартирай» деб қўйди кўнглида Содиқ. Ундан кейин ҳаммомга туширишди. «Булар ҳаммаси чиқариб юборишта тайёрлик бўлса керак, деган фикр кўнглига келди унинг. Қачон чиқаришаркан? Кундузиими, кечасими? Қачон бўлса ҳам бари бир. Лекин қопдаларини бузишмагани яхши!»

Шу пайт оғир эшикнинг тамбаси тортилиб, кейин қулфига калит солинди. «Мана кетдим!»— деди юраги сапчиб Содиқ ва ирғиб ўришдан турди.

Назоратчи эшикни очиб:

— Кийининг! Юриш!— деди.

2. ҚИЗ ИСЕНИ

Одам боласи кимга тилёғламалик қилишга мажбур бўлса, ўшани ёмон кўради, тер тўкиб, қўлига киритган муваффақияти унда ҳасад уйғотади.

Мирсалим ҳам худди шундай. Содиқни ҳар кўрганида бир салом бериб, муваффақиятларидан ёниб юрганида, уннинг «бирдан» қамалиб қолиши сал чўчитди уни, ўзи қазиган чоҳнинг бунчалик даҳшатли эканини энди фаҳмлагандек бўлди, уч-тўрт кун таҳорат олиб, намозга эўр берди. Үзини одамлардан четроқ тутди. Ҳар кўрган одам «ўртоғинг қамалиб қолибди-ку, оранглар жуда қалин эди» ёки «бошини еган ўзинг эмасмисан, жилла бўлмаса сабабини биларсан ахир, бир қошиқдан ош ичардинглар» деяётгандек кўринарди. Лекин ҳеч ким ҳеч нима демади. Фақат кейинги вақтларда актив бў-

либ қолгаң мактабда баъзи бирвлар ундан ўзини четга олди, бирга йўлга чиқиб қолса, бир нарсани баҳона қилиб чапга бурилиб кетишарди, ҳатто бир куни кекса ўқитувчи Икром отанинг «ғаламис» деганини ҳам ўз қулоги билан эшитди, аммо ботиниб жавоб қайтаролмади. Шунда билдики, бу хилда оғизига сўк солиб яшashi яхши эмас, тиқилиб қолиши мумкин. Ўзинга хос чаққоплик билан тўнини ўзгартирди, қаерда тўртта одам бўлса орасига суқилиб, тўдага ўзини уриб, гапга аралашди, ўзини софдил кўрсатиб, Содиқиниг сағанасига тош қалади, ҳатто бир мажлисда сўзга чиқиб уни обдан қоралаб бўлгач:

— Мендан порага қази билан сур тўш ояган! — деди.

— Қассоблик ҳам қиласизми! — деди кимдир пастдан. Сокин тунда отилган ўқдек кулги кўтарилиди. Куттилмаган бу луқма Мирсалимни шошириб қўйди; қази билан сур тўш келадиган жойдаги унинг яширин савдо иши очилиб қолаётганга ўхшарди.

— Нега! — деди ўзини ўнглаб Мирсалим, — топиб беринг деган эди, минг машаққат билан топиб берсам...

— Зўрлаб олибди-да! — яна ўша таниш товуш қичқирди.

— Йўқ, ўзим юборганиман... Зўрлаб берганиман.

Унинг чулдираб қолганидан яна кулги кўтарилиди. Яна бирор:

— Зўрлаб берган ҳисобга кирмайди, мажбур қилиб олса экан! — деди.

— Мажбур қилгап... йўқ... мажбур қилгапман...

Мирсалимнинг дудуқланиши узоқ чўзилмади. У гапни бошқа ёқка буриши билан калавасининг йўқотган учини топиб олди. Дастрўмол билан пешонаси ва қизариб кетган бўйинларини артиб, баланддан келди.

— Сиз менга луқма ташлаб сўзимдан адаштируманг. Мен сизнинг мақсадингизни ҳам биламан, халқ душмани Содиқ билан бирга ошхонага кирганингизни ўз кўзим билан кўрганман, бешта кабобнинг учтасини унга бергансиз. Мен бўлсам унинг зулмини тортиб келдим. Талабалар рўзасини нон бериб очтирганимда мени масхаралаб, рўзани ҳимоя қилган ким? Содиқ! Ўқитувчиларни ҳушёрликка чақириб, дафтар муқовасидан ҳар хил тамфа, сўз қидиртирганимда мендан кулган ким? Содиқ! Педсоветларда ким менинг обрўйимни тўккан? Содиқ! Мен бу халқ душманининг ҳазилакам жабру жафола-

рини тортганим йўқ! Лекин мен унинг кирдикорларини ичимга ютиб кетавермадим, қаршилик кўрсатдим. Ким бошлаб уни педсоветда танқид қилди? Мен! Бошлаб уни мен фош қилдим, мен синфий ҳушёрик кўрсатдим. Эсларингда борми, у болаларга «қалдирғоч Маккай мукаррамадан келган муқаддас қуш, уясини бузиб бўлмайди, бузманглар» деганда ҳам, талоқ ҳақида ўқувчи болаларга ахлоқсиз ҳикоялар айтиб берганида ҳам сизлар индамадиглар. Мен, йўқ упдай эмас, дедим, унинг ёвуз ниятини фош қилдим.

Залдаги сукунатни кекса ўқитувчи Икром отанинг заҳархандаси бузди:

— Керакли жойга ҳам бориб айтганимисан?

Ота сўзини тутатмасдан Мирсалим шошқалоқлаб кетди:

— Айтганим... йўқ, бориб айтнишим мумкин. Айтаман...

— Айтмаган бўлсанг, тезроқ бориб айт, яна чиқариб юбормасин!..

Қимдир пиқирлаб кулди, қимдир йўталиб қўйди.

— «Ўртоқ Қўчқоров иккى кун кўринмаса, мактаб соқолсиз кишидай бўлиб қолади», деб соясинга якандоз солиб юрган ким эди?— деди яна бир ўқитувчи.

— Деганим! Деганим рост, лекин бу гапни тўғри тушуниш керак. Соқол эски одамларда бўлади. Содик бўлмаса мактаб йигитлардек яшиаб кетади, деганим. Бу менинг унга қарши олиб борган курашимниш бир хили эди, замон аравасидан кетда юрмасдан ҳушёр бўлиш керак, ўртоқ...

Мирсалим луқма ташлаганинг номини тополмади, энсаси қотиб ҳеч ким айтмади. Унга-буига: «нима эди фамилияси?» дегандек жовдираганча қолаверди...

Мирсалим бундай сўзларни мажлисларда неча бор такорлаб юрди, кейин район доирасида бўлган бир катта йигилишда ҳам ёзиб келиб, ўқиб берди. Унинг бу «фош қилювчи путьни» кимгadir ёқди-ю, у обрў топиб қолди. Шу мажлиснинг ўзидаёқ район раҳбарларидан бири уни тилга олиб, қўлтиғига сув пуркаб қўйди. Сал вақтдан кейин унинг мактаб директори қилиб тайинлангани ҳақида маорифниш буйруги чиқди. Бу Мирсалимнинг кутганидан ҳам ортиқ эди. Дарров ўзига сиполик бериб, мактабда «ҳушёрик»ни кучайтириб юборди. Со-

диқнинг вақтида эътибор топган кишиларни чўқилали, Икром отани «ўз аризасига кўра» ишдан бўшатди. Зоология кабинетида Содиқ ясаб берган калхат, бўри, юмронқозиқ чучелоларни «бу халқ душманининг ёвуз ниятли иши, акс ҳолда йиртқич бўри билан олғир калхат, кемирувчи юмронқозиқни ёшларимизга ибрат қилас мас эди» деб олдириб ташлади, Содиқни эслатадиган ҳар бир нарсани қириб-қиртишлади, ҳатто «ботаника боғи» деб ном олган мактаб орқасидаги майдонни текислаб юборнишига сал қолди, кўпчилик «биз обод қилганимиз» деб қалқон бўлгани учунгина қолди. Оз муддат ичидаги мактабни ўз расаматига солиб олди. Ҳадди сиқ-қанлардан айғоқчи тайнилаб, кишилар орқасига қўйди. Измидан чиққанларни кабинетига чақирпб, бигизини тиқди, Содиққа ҳамтовоқлиқда айблаб дўқ урди, ҳалқ душманини фош қилишдаги ўз хизматларини пеш қилди, мўйлов силади. Энди ҳеч ким мактабининг камчилиги ҳақида гапиролмас, гапирган киши минг балога гирифтор бўларди! Бу вақтда Мирсалим сурма ранг дўлтини фуражкага, кўйлакни гимнастёрка билан энди энли чарм камарга алмаштирган эди.

Мирсалим мактабни «тозалаб», ўз қолипига солиб олгандан кейин, ўзининг ул ичини бегумон қилиб қўйишга қарор берди. Қизл Азизанинг Қодир билан ҳамон учрашиб туришини билар, бу нарса бир кун эмас, бир куни ўзинга путур етказиши мумкин. «Халқ душманининг укасини куёв қилиши ўзини ёниб турган оловга ташлаш эмасми? Мирсалим минг қоқилиб, неча йил орзу қилиб энди минган амалига жони-жаҳди билан ёпишиб олган эди.

Ичидаги Қодирининг смон йигит эмаслигини биларди. Қизл билан уининг алоқасини бошлаб сезганда ўзини билиб, билмасликка солгап, орқаваротдан кузатган қизининг дидидаш мамнун бўлган эди. Бунинг устига, Қодирининг акаси ҳам чакни обрўга эга эмас эди-да. Энди чи? Энди бу оила — қора қозон, яқинлашганга қораси юқади. Бунинг устига, Мирсалимнинг ўзи ҳам кутмаган баҳт қуши бошига қўнган пайт. Наҳот иккни боланинг қандайдир севгисини деб, мавқендан ажралса. Наҳотки омад нарвонининг илк почаларига энди осек қўйганда кўра-била туриб сирғаниб йиқилса! Йўқ, буига йўл қўймайди! Оталик мавқен билан бир силтаб, қизини қайтариб олади, кейин мансабида бехавотир ўрнашиб ўти-

ради, омади бардош берса, яна юкорига күтарилиш нияти ҳам йўқ эмас.

Мирсалим бу масалани бир неча кун ўйлаб юргач, охири хотини орқали иш кўришга қарор қилди. Ишдан қайтиб келса, қизи ҳамон ўқишдан келмаган, хотини ҳовлини супуриб бўлиб, ахлатни ҳокандозга олаётган эди.

— Тўплаб има қиласан, ариққа оқиз қўй-да.

— Вой, ахлат-а! Кишилар ичади, юз-қўйл ювади...

— Кишилар... кишилар... Уни олдириб ташлашнинг ўзи бўладими, муллажиринг керак! Ё дадангиздан месроғ тегдими! — деди Мирсалим, лекин бугунги нияти эсига тушиб дарров юмшади.— Ке, майли, тўплай бер, мактаб аравасига айтсан олиб кетар. Қани, бу ёққа кел, маслаҳатли иш чиқиб қолди.

Хеч маҳал бундай маслаҳатлашиб иш тутмаган эрининг бу сўзи хотини қулоғига алланечук эшитилди. «Ишқилиб хайрли бўлсин» деганича нақшли жез обдас-тада сув олиб келди. Ҳар кунгидай эрининг осёғига озоз қуяр, эри терлаган бармоқларини битта-битталаб орасига қўлини тиқиб ювар экан, гап бошлади:

— Қизингга айт, Қодир билан учрашувни бас қилсин, охири яхши бўлмайди. У дунёю, бу дунё косаси оқармайди, оқартиришмайди. Ўзиники оқармагани оқармаган, бизга ҳам касри уради. Ёпиқ қозон ёпиқлигича қолсан, айт, тайинлаб айт қизингга.

Муҳаббат нималигини билмаган, муҳаббатга иши тушмаган, ҳатто унинг борлигига шубҳа қилган Мирсалим Азиза билан Қодирнинг учрашувига ёшлик ҳаваси деб қараган, икки оғиз сўз билан ажralиб кетишига ишончи комил эди. Шунинг учун хотинига йўл-йўриқ бериб, уйга кириб кетди. «Бир оз дам олай» деб ётиб, кўзи илинибди. Бир вақт Азизанинг йиги аралаш бақириб, кимгадир гап уқтираётганидан чўчиб уйғонди, ташқарига қулоқ солди.

— Бас, даданг уйда, эшитиб қолади! — дерди хотини.

— Эшитса эшитар. Мен дадамнини эшитдим, дадам ҳам менини эшитса эшитар,— деди Азиза чўрткесиб.

Мирсалимнинг эти жимирлаб, нафаси тиқилиб келди, устига ёпган чопонини иргитиб ташлаб, дир-дир титрагачича ҳовлини чиқиб борди. Дадасини кўриб, айвон четида турган Азиза бошини қуйин солди, хотини

«Энди балога қолдим!» дегандек, пастки лабини тишлаб, юзини четга ўгирди.

— Нима гап? Нима лўлилик?— деди Мирсалим ҳудди ҳеч нарса билмаган кишидек ўзини босиб.

Бир оз жимликдан кейин хотини қизига ер остидан қараб олгач, деди:

— Ҳалиги гапингизни айтган эдим...

— Ҳўш, нима дейди, номаъқул маслаҳатмишми!— деди Мирсалим жўрттага қизи эмас, хотинига қараб. Лекин жавобни хотини эмас, Азизанинг ўзи қилди:

— Акаси учун у жавобгар эмас!

— Жавобгарми, йўқми, менинг ишим йўқ. Унут уни, вассалом!

— Энди ёмон бўлиб қолдими? Қўрқяпсизми? Гап тегадими!

Мирсалим бундай жавобни кутмаганидан, ялт этиб қизининг юзига қаради. Азизанинг кўзларида ўт чақнар, лаблари асабдан қисиқ, «мен ўзимни, ўз севгимни ҳимоя қилияпман» деган иродадан бутун вужудидан барқ уриб турарди. Фазабдан Мирсалимнинг панжаси муштга тугилди, бўйни чўзилиб, кўзига қон қуйилди.

— Ҳа, қўрқаман! Ўша мишиқини деб обрўим тўкилишини истамайман!

— У мишиқи эмас, ҳалол йигит, меҳнаткаш йигит! Акасининг кимлигини билмайману, лекин унинг соғвиждошли киши эканига бошим билан жавоб бераман.

— Акаси ҳам шунаقا, тили бийрон, усти йилтироқ одам эди.

— Акасини билмайман!

— Зато мен биламан!!— деди ўдағайлаб Мирсалим. Лекин бирор «Ҳа, тўғри, сен уни яхши биласан, бошини еган ҳам ўзингсан» деяётгандек чўчиб кетди. Дарров қарорини айта қолди:— Гап шу: ҳалқ душманининг укасини куёв қилмайман!

— Мен сиздан сўраб ўтирамайман!

— Нима?

Азиза жавоб ўрнида бошини мағрур кўтариб чақнаб турган кўзини отасига қадади. Унинг кўзида ҳақсиэликка қарши нафрат, исён, изтироб ва ўз ишига ишонч, фидокорлик ёнар, даданикода эса ўжарлик, манманлик ва гараз, хусумат акси бор эди.

Мирсалим Азизанинг бу тикилишига бардош беролмади, ўз мағлубиятини бақириқ билан яширди:

— Иўқол! Дийдорингни кўрмай! Менинг сендаи қизим йўқ!

Хотини фарёд билан бошини чанглаб, Мирсалимнинг оёғига ташланди. Азида вазмин қадамлар билан Мирсалимнинг ёнидан ўтиб, сўрига илиб қўйган портфелини олди. Оҳиста, вазмин қадамлар билан эшикка қараб юрди.

Эртасига онасини безовта қилмаслик учун ётоқقا жойлашганини айтиб, одам юборди.

Мирсалим эса, бир ҳафтадан кейин Содиқ оиласи билан турган ва бир вақтлар ҳаваси келиб юрган тўрт хонали ҳовлини Адолат холанинг кўз ёшларига қарамасдан бўшаттириб олиб кўчиб кирди. Мункиллаб қолган, ғам-ғуссадан соchlари оқарниб кетган Адолат хола кўчага улоқтириб ташланган юклари устида ўтириб:

— Бу қора кунлар ўтар-кетар, юзингизнинг куйгани қолади, Мирсалим! Содиқжон келса нима дейсиз? Уят! — деган эди, Мирсалим эшитмагандай бўлиб дарвозани холанинг юзига тарсиллатиб ёпиб кириб кетди.

3. ИШОНЧГА КИРГАН ТУҲМАТЧИЛАР

Сўнгсиз шприн орзулас оғушида экан, назоратчи эшикни зарб билан очиб, «Кийин! Юр!» деганида қувончдан ичиде «ана, уйга кетдим» деб апил-тапил кийинган Содиқ, сал ўтмай ўзини яна Чуханов кабинетида кўрди.

Терговчи ўз ўрнига ўтириб, стол тортмасидан оқ қоғоз олиб кўздан кечирди. Кейин бошини кўтариб, Содиқка қаради:

— Демак, иқрор бўлмоқчи эмассиз? Фойдаси бўлса давом эттираверинг, ўзингизга қийин.

Содиқ чурқ этмади. Терговчи ўз жойига бориб ўтириди. Телефон қилиб бир кишини ўрнига вақтинча кириб туришга таклиф этди. Сал ўтмай у одам эшикда кўринди. Янги кирган лейтенант Содиқнинг саломига алик олиб, Чухановнинг ўрнига ўтириди. У тунов куни ҳам бир-икки кириб-чиқиб кетган эди. Шунда кимдир уни Пушкарёв, деб чақирганда, фамилиясини билиб олган эди. У мулоим кириб, Чуханов билан қўл олиб кўришади-да, Содиқка юмшоқ назар ташлаб қўяди, саломига бош чайқаб алик олади.

Пушкарёв ҳозир ҳам Содиқка қараб бир-икки оғиз

жуфтлади-ю, галирмади. Яна қўлидаги китобини варақлади, қизиқ суратга кўзи тушди шекилли, мийнида кулиб қўйди. Кейин юмшоқлик билан унинг аҳволини сўради, кўнглини кўтарган бўлди.

Содиқ Пушкарёвнинг бу меҳрибонлигидан курортга бепул путёвка олган кишидек қувонди ва айни вақтда хўрлиги келиб кетди. Инсоннинг кўнглини олиш, уни мамнун қилиш учун ахир кўп нарса керак эмас-да!

Пушкарёв буни тушунди, ўрнидан туриб келиб, юратиш оҳангига гапирди:

— Хафа бўлманг, кераги йўқ.

У яна нималардир деб юпатмоқчига ўхшарди-ю, лекин журъат этолмагани кўриниб турарди. Содиқнинг фаҳмича, Пушкарёв бу ерда рўй берастган баъзи ноҳақликларни ўз кўзи билан кўриб турибди, ичидан куяди, аммо бирор иш қилишга, бир иш қилиш эмас, ҳатто айтишга ҳам ожиз!

— Юрагингиз касал эмасми? — деди бир оздан кейин.

— Йўқ, — бош қимирлатиб жавоб қилди Содиқ.

— Унда ҳеч нарса қилмайди, ўтиб кетади, сал толиқибсиз.

Содиқнинг кўзи шу кичик суҳбатдан кейин чарақлаб очилди. Кўзига шу лейтенант дунёда энг меҳрибон киши бўлиб кўринди. Бошини кўтариб, Пушкарёвга қарди. Назарида жуда ўзгачадек бўлиб туюлган бу ёшгина йигит оқ-сариқдан келган, кўзлари кўм-кўк, қошлиари сезилар-сезилмас кул ранг, бурнининг учи бирор чертиб қўйғандек тўмтоқ, энгаҳи учли, лаби чўғдек қизил экан. Бунақа оддий рус кишиларни у кўп кўрган. Улардан қанчадан-қанча ўртоқлари бор эди.

У Пушкарёвнинг кўзига термилиб қолди. Бу кўзлар унга ҳаёт ва истиқбол ваъда этарди, бу кўзлар умид ва ишонч бахш этарди. Бу кўзларда одамнйлик ва ҳақиқат ёнарди.

— Сиз ҳам шу срда ишлайсизми? — деди журъат қилиб Содиқ.

— Ҳа, — деди Пушкарёв ва кўзини китобдан олиб кулимсиради. Бу табассум Содиқда яна жасорат түғдирди.

— Сиз ҳам терговчимисиз?

— Буниси сир, — деди у яна кулиб, лекин салдан кейин қўшиб қўйди: — Сизча кимман?

— Билмасам.

— Мен ҳам терговчиман, албагта.

Содиқнинг фикри равшанланиб, ўйлай кетди: Чуханов ҳам терговчи, бу ҳам терговчи. Иккаласи икки дунё. Биридан кишиннинг кўнгли сув ичади, иккинчисидан энсанг тош қотади. Пушкарёвга ўхшаганлар бўлгани ҳолда иега Чухановлар бунақа иш тутади экан?

Содиқнинг Пушкарёвга раҳми келди. Унга ишлаш жуда қийин бўлса керак. Ахир унинг мана ҳозир Содиққа қилаётган раҳмдиллигини Чухановга ўхшаганлардан биронтаси кўриб қолса, индамай турмайди-да!

Пушкарёв китобни бир четга суриб қўйиб, Чуханов тез-тез кўздан кечириб турадиган папкани очди. Ҳар қоғозни ўқиганда юзи ўзгариб турди. Бу Содиқнинг делоси. У анчагина қалин, кепак рангидаги муқоваси уринган. Содиқ унинг ўз делоси эканини бириничи марта кўрганда ишонмаган, шунча материал қаёқдан йифилиди деб ўйлаган, Чуханов муқовасини кўрсатиб, унинг фамилиясини ўқиб беришга мажбур бўлган эди. Барин-бир ҳали ҳам унинг ичидаги материалнинг ҳаммаси ўзига тааллуқли эканига ишонмайди.

Пушкарёв делони ўқиївериб зерикди шекилли, хўрсишиб ундан бошини кўтарди. Уринидан турди. Оғир қадамлар билан Содиқ ўтирган бурчакка келди.

— Ростингизни айтинг, советлардан норози бўлган йилларингиз бўлганми? Ҳеч жиноятга қўл урганимисиз?

— Мутлақо! Ҳаёлимга ҳам келмаган. Бунинг учун асос ҳам йўқ: бадавлат хонадондан чиқмаганманки, отамнинг Совет ҳукумати туфайли қўлдаи кетган молмулкини эслаб, хумори тутса; чет элда бўлганим йўқки, унинг усти ялтироқлигига учсан, ўшандай ҳаётни орзу қиласам; бирорта мафкураси бузуқ одамда ўқиганим йўқки, у мени йўлдан урган бўлса!

Содиқнинг астойдил куйнб-пишиб гапириши Пушкарёвнинг диққатини тортди. У тушундики, қаршисида уйқудан қолиб, ҳолдан толиб ўтирган киши ҳаётга бефарқ қарайдиганлардан эмас, бундайлар комил ишонч билан яшайди, икки юзламаликни билмайди.

Пушкарёв ана шу хуносасини яна бир тасдиқлаб аниқлаб олмоқчи бўлгандек, Содиқни бошдан-оёқ кўздан кечирди, ҳорғин кўзинга боқди, соқоли ўсиб кетган юзларидан нималардир излади. Кейин яна ўз жойинга ўтиб, делони кўрди. Елкаспни қисиб қўйди.

— Қизиқ, жуда қизиқ...

Шундан кейин орага узоқ жимлик чўқди. Анча ҳушёр тортган Содиқ фикран бир неча марта уйига бориб келди, севган мактабини айланди, дарсга кирди, овга чиқди. Ширин орзулар оғушида маст бўлиб ўтирас экан, Чуханов кириб келди. Қўлида бир варақ қофоз, Пушкарёв чиқиб кетди.

Чуханов стулига ўтириб, Содиқни олдига чақирди.

— Мана буни ўқиб, қўл қўйинг.

Содиқ Чуханов узатган қофозни ўқиди-ю, устидан совуқ сув қўйилгандек ҳушёр тортиди. Қофоз унинг партия билетини шаҳар партия комитетига топширилгани ҳақида эди.

— Ўчдимми?— дея олди ўзини бу даҳшатли хабардан аранг ўнглаб Содиқ.

— Бўлмасам-чи!

Содиқ шундан кейин қандай қилиб жойига келиб ўтирганини, қофозга қандай қўл қўйганини, қачон уни камерага олиб тушганларини эслай олмайди. Партия билети ҳақидаги тўрт энлик қофоз кўз олдидан кетмай қолди...

Содиқ ўз ўлимнига ўзи аза очгандек, ҳўнграб йиғлаб юборди, бу унинг умрида балки биринчи марта ҳўнграб йиғлаши эди.

Бир неча кун ўтгач уни яна терговчи чақирди.

Содиқ кириб борганда Чухановнинг хонасида Мирсалим ўтирганди. Содиқни кўриши билан сал безовталанди, лекин тезда ўзини ўнглаб, ютиниб олди. «Бу шима қилиб юрибди?»— Содиқнинг миясига келган илк фикр шу бўлди. Хаёлида бунга жавоб топгунча, нечундир юраги орқасига тортиб кетди.

Мирсалим қандайдир сохта ишшайиш билан ўрнидан қўзгалиб, саломлашган бўлди.

Содиқ ўтирас-ўтирмас терговчи сўз ташлади:

— Таниш бўлсанглар керак?

— Ҳа, бирга ишлардик,—деди Содиқ бўшгина. Мирсалим боши билан тасдиқлади.

— Таниш ҳам гапми, сирдошлар-ку. Қанча-қанча шишаларни бирга бўшатишган,— гапга аралашди Чухановнинг ёнида ўтирган қораҷадан келган, юзларига ҳуснбузар тошиб кетган новча ёш йигит. Содиқ бу йигитни билади. Фамилияси Сайдуллаев. Буни илк бор эшитганда наҳотки фамилиясининг нотўғри эканини

білмаса, асшы Саъдуллаев-ку, деб күнглидан ўтказған әди. Унинг талаффузидан Самарқанд шеваси яққол сезилиб турарди. У баъзан-баъзан кириб Чухановга қўмаклашади. Ҳатто бир куни Содиқ билан ёлғиз қолиб, «бўйнингизга олинг-қўйинг-да, ўзингизни қийнаб нима қиласиз, сиз куч берган тўнка энди кўкармайди», деган әди. Шу-шу йигитни ёмон кўриб қолганди.

Чуханов «барвақт луқма ташладинг!» дегандек Сайдуллаевга қараб, аввалги юмшоқ товуш билан яна сўради:

— Бир-бирингизга шахсий адоватларинг йўқми?

Бошлиб Мирсалим жавоб берди:

— Йўқ.

— Хизматдаги баъзи бир тўқнашувларни ҳисобга олмасак, албатта, йўқ.

Содиқ шундай дейишга деди-ку, аммо ичидан совуқ ел ўтгандек бўлди. Юраги қандайдир кўнгилсизликни сезаётгандек ҳаприқиб кетди.

— Хизматда бунақа гаплар бўлади, адоватга кирмайди!— чўрт кесди Чуханов.

Ана шундан кейин Содиқ стти ухлаб тушига кирмаган гаплар бошланди.

Мирсалим гувоҳликка келган экан. У шунақа айбларни Содиққа тақадики, унча-мунча одамнинг тилигача музлаб кетади. Содиқ ўз туғилган қишлоғида бир неча маслакдош кишилари билан советларга қарши ишлар қилган эмиш. Мақсади — ёшларни йўлдан уриш бўлган эмиш. Шу ниятда маориф соҳасига кўчган, қамалган Болтақул унинг ўнг қўли экан. Ўз фаолиятини кенгайтириш мақсадида марказга кўчиб келган, Мирсалимни вербовка қилишга уринган, у ён босмагандан кейин турли йўллар билан қиса бошлаганиш.

— Ёлғон! Тұхмат!— бардош беролмади Содиқ.

— Бақирманг! Қўл остингиздагиларга бақирадиган директорлик вақтингиз ўтиб кетган. Мен бу гапларни ўз оғзингиздан эшигтанман.

Мирсалимнинг бу сурбетлигидан Содиқ яна тутақиб кетди:

— Тұхматчи! Ғаламис! Бўҳтоң қилгани уялмай-сизми!

Уни Сайдуллаев қайриб ташлади.

— Совет кишинини ҳақорат қилманг, гражданин Кўчкоров.

Содиқ терговчиларнинг танбеҳига парво қилмай, иғ-
вогарнинг ўзинга ташланди:

— Сенинг-ку тилёғлама, ичидан пишганлигинги билардим, лекин юраги қора, ифлос, иғвогарлигинги билан бехабар эканман. Майли, ганир, оғзингга сиққанча гапир, виждонсиз!

Чуханов ишнинг бузилиб кетишидан қўрқдими, нима учундир, оғирлик билан орага тушди:

— Кўчқоров! Енгиллик қилманг! Ҳақиқат доим шунақа аччиқ ва залворли бўлади. Шуларнинг барчасини шу вақтгача ўзингиз тартиби билан айтиб беришнингиз мумкин эди. Бирорнинг оғзидан эшитиш ва фош бўлиш, албатта, оғир! Начора!

Мирсалим хизматлари эвазига мұксфот олаётгани одамдек бемалол ўтиради. Лекин қандайдир безовтавлик юзинга шарпа солиб туарди. У Содиқнинг юзига боқолмас эди: ё бардоши стмайди, ё тұхматининг сезилиб қолишидан чўчирди. Содиқ эса, аксина, уннинг қарашини овлар, кўзини учратиб, ичига назар ташламоқчи бўларди, пайт пойларди. Охири бунга мұяссар бўлди, уннинг кўзини учратди: Мирсалим бир неча лаҳзага бардош беролди, холос! Содиқ уннинг бу беҳаёларча боқишидан ғадамислик, иғво, тұхматчилик қон-қонига сингиб кетган, қотилликдан қайтмайди, кишилар бошига қора күн солишдан завқланади бу одам, деган ишончга келди. «Эҳ, аттанг, нега аввал билмаган эканман» деб ўқпниб қўйди.

Содиқ қанчалик қаттиқ турив ўзини ҳимоя қилмасин, Мирсалим шунчалик безбетлик билан унга тұхмат тошларини ёғдирар эди.

Содиқ бу ерда ҳақлигини исбот қилишга қурби ет-маслигини билди. Иши судга ошса, ўша ерда узил-ке-сил ғалаба қозонишга умид боғлаб, ўзинга далда бериб турғанда яна бошқа бири пайдо бўлди. Бу бир вақтлар дарсга ичиб келгани учун Содиқдан дакки еган ўқитувчи Шукуров эди. У Мирсалимга ўхшаш сурбетларча гердайиб ўтиргмаган, шартта-шартта гапирмаган бўлса ҳам, Мирсалимнинг айтганларини баъзан тўлдирди, баъзан тасдиқлади. Содиқни мактабдаги ҳалол ўқитувчиларни қубғин қилиш, таъқиб остига олиш, талабалар орасида диний тарғибот олиб бориш (қалдирғочни Маккай-мукаррамадан келган деган, талоқ ҳақида одобсиз латифа айтиб берганниш), манший жиҳатдан

бузилиб, ёш хотинга уйланиш, очилган хотин-қиэзларни таҳқирлашда айблади. «Ҳукумат хотин-қизларни эркаклар билан тенг қиласман, деб бекор уринади, йигирмата хотиннинг ақли бир товуқникича йўқ. Бир аёлнинг гийбати қирқта әшакка юк бўлади», деган эмиш.

— Қачон? Қаерда? — сўради ажабланиб Содик.

— Мактабда, коридорда. Мавжуда Абдураҳмонова номзоди депутатликка кўрсатилганда.

Содик Шукровнинг бу туҳматидан ёқа ушлади: — Е тавба! — салдан кейин ўзини тутиб олди. — Шукров, сизнинг туҳматчилигинги замони эмас, ит еганини қусади-ку, лекин қўлинигизга тарбиялаш учун ишониб топширилган болаларга жоним ачияпти. Эсиз болалар! Эсиз тарбия!

— Сиз ўзингизнинг ғамингизни еяверинг, — уни чўқилади Сайдуллаев. Унинг кўкрагидаги Осоавиахим нишони қийшайиб, ўнг кўзи остидаги қора холи йилтиллаб кетди.

— Менинг виждоним пок. Итнинг тили теккани билан дарёниг суви ҳаром бўлмайди. Ёлғоннинг сёри қисқа, узоққа боролмайди, бир куни миси чиқади. Лекин сизларнинг бундай ғаламислар гапига ишонганингларга ҳайронман.

— Халқ душмани Болтақул сизнинг маслакдошингиз эканини унутманг! — чўрт бўлди Чуханов.

— У душман эмас!

— У сиздан кўра ақлли экан: ўзини қийнагани йўқ, ҳаммасини айтиб берди, — деди Чуханов.

«Наҳот, шу гаплар тўғри бўлса! Болтақул душман, ўзи иқрор! Йўқ, мумкин эмас!» — деди ичиди Содик ва яна ажабланди.

Содик гангиганча камерасига кириб келди. У мудхиш тушдан ўйғонолмаган одамга ўхшарди.

4. ЮЗМА-ЮЗ

Шундай вақтлар бўлдики, терговчи ҳафталаб уни чақирмади. Бир куни яна бир киши билан юзма-юз қилди. У босмачиларга қарши кураш йили унда аскар бўлган экан. Уни Содик танимади, сўнгра билса, бир оз кунгина хизмат қиласман экан. Анча ёшларга бориб қолган, соқол қўйған, сўйлоқ тишли, бир кўзи кўр, новча бир киши эди. У Содикни босмачиларга қурол етказиб беришда айблади.

Содиқ мана шу найрангларни хаёлидан ўтказиб, янги камерага кириб келди. Бу камера аввалгидан кенгроқ ва қүш каравотли эди. У биттасига ўрнини ёзиб, иккинчисига қайси «бахтиёр» келар экан, деб күнглидан ўтказди, кирадиган одамнинг қандай бўлиши уни қизиқтирмайди. У одам зотини кўршга, сўзлашишга муҳтож. Аввалги камерада ёлғиз ётганида ҳафталаб оғзидан бирор сўз чиқмаган вақтлари бўлди-да, ахир.

Учинчи кун прогулкадан қайтса, бир одам ўтирибди, Содиқнинг кирганини кўриб, бошини кўтарди. Саломлашди. Қамоқда бир-бировга бериладиган одатдаги сўроқлар бўлиб ўтди: қачон қамалгансиз? Нимага? Қайси камерадан чиқдингиз? Қимларни кўрдингиз?

Содиқнинг бошлаб кўзига ташланган нарса, ҳамсуҳбатининг хумкалла, дўнг пешоналиги, қошининг қошдан кўра мўйловга ўхшашлиги ва рўпарасидан сочма ўқегандек чўтирилиги бўлди. Содиқ унинг исмини сўраган эди, нима учундир, исмини эмас, фамилиясини айтди: Бадалхўжаев экан.

У бошлаб суҳбатга мойиллик кўрсатмади. Нимадандир ҳадиксираши, ўзини эҳтиёт қилаётгани, юрагида эса, тўфон ҳайқириғи ётгани яққол кўриниб турарди, Содиқнинг:

— Нима иш билан ётибсиз? — деган саволига:

— Эски нарса. Ёшлик хатоси,— деб қўя қолди. Бу хато нимадан иборат эканини айтишни истамади. Содиқ уни ўз гази билан ўлчаб, «бу ҳам тұхмат қурбони шекилли» деб қўйди ичида ва унинг юрагини ҳам ўзиникидек ловиллаб ёнаётган ҳисоблаб, унга туз сепишни лозим топмади.

— Тұхмат ёмон! Тұхмат — тошни ёради,— деди унга ачиниб ва ўз гувоҳларининг тұхматини ганириб берди. — Мен босмачига қурол етказиб берган эмишман. Тұхматни қаранг: ҳалок бўлган аскаримнинг милтигини олишга рухсат этмаганмишман. Милтиқ Диловархўжа қўрбошининг йигитлари қўлига тушганмиш, шу қурол етказиб бериш эмиш.

Ўзининг ташвишли ўйлари билан банд, суҳбатга лоқайд қулоқ солиб ўтирган Бадалхўжаев, «босмачи» сўзини эшитиши билан бошини кўтарди, Диловархўжа исми қулоғига кириши билан ялт этиб Содиқقا қаради.

— Ким дедингиз? Диловархўжа қўрбоши?

— Ҳа, Сиз уни танийсизми?

— Уша йиляри бир қулоғымга чалингандек бўлган эди.

— Сиз ҳам ўша томонларданмисиз?

— Ҳа, сиз-чи?

— Фир-ғир шамол қишлоғидан.

Бадалхўжаев яна қизиқиб қолди. Ҳаёл билан қисиқ кўзлари чарақлаб, мўйловга ўхшаган бароқ қошлари қовоги устига уюлиб келди.

— Сизни-ку танимаяман, отангизнинг номлари нима эди? Балки у кишини танирман.

— Босмачилик йиллари «мусулмон командир», «Содиқ командир» дегани эшитганмисиз?

— Уша киши сизнишг отангиз эдими?

Содиқ кулди:

— Йўқ, ўзим.

— Ўзингиз? Йўғ-е!— Бадалхўжаев иргиб тушди. Чўтир башараси оқаринқиради, чап кўзи пирпираб кетди. Дарров ўзини босиб, гапни бўлди:— Унда неча ёшда бўласиз?

— Айни йигит чоғим, шерининг оғзига кириб чиқ деса, қайтмайдиган чоғим эди.

— Ҳа, давр сургансиз, номинтизни кўп эшитганмиз. Хўш, бу ерда нима қилиб юрибсиз?

Содиқнинг ёшлиқ — жанговар йиллари эсига тушиб, руҳи кўтарилиб кетган, қулоқ соловчи бўлса эрталабгacha гапиришга тайёр эди. Ана шу кўтаринкилик билан жавоб қайтарди:

— Бир айланиб кирпб қолувдик, чиқиб кетиш қийин бўляпти, эшиги қўшқулфлик экан.

— Қўшқулфлиги-ку, майли,— унинг кулгисига қўшилди Бадалхўжаев,— то кўчага чиққунча етти эшиги борлигини айтмайсизми!

— Санадингизми?

— Мени-ку бу шаҳарга умрим бино бўлиб биринчік келишшим, шу ерлик биттаси айтган эди.

— Санабди деңг? Шундай қилиб, бизнинг томондан экансиз-да. Нима, ишингиз босмачилик билан боғланганими?

— Зўрлаб боғлашяпти,— деди Бадалхўжаев боягидек гап-сўзта майли бўлмай. Содиқ бошқа титкиламади, суҳбатдоши ҳам тафсилотини айтмади. Иккиси ўз ўрнида хаёл оғушига сингиб кетди. Ётиш олдидан ўрнини тузата туриб, Бадалхўжаев сўраб қолди:

— Диловархұжа құрбоши қочиб құтулиб кетған де-
йншади, шу ростми?

— Рост. Үч күн қувиб удалолмаганмиз. Яқында құл-
га түшгән деб әшитгандим.

Бадалхұжаев яна жим бўлиб қолди. Құрпасининг
бир четини қайриб, ётиш ҳұштагшын кутарды. Гүё
унинг юрагида портлаг көтиши мүмкін бўлган зўр туғ-
ён ётибди-ку, уни қўрпа билан бекитиб, уйқу билан
босмоқидек безовта.

Ҳуштак чалиниб, у ёшига ярашмаган шошмашо-
шарлик билан ўринга кирап экан, яна деди:

— Ушланмагандир. Ушланса эшитиб қолардик. Чак-
қон бўлган дейншади.

— Қўй туриб, эчки имомликка ўтадими, дегандек,
бир нарсаси бўлмаса, қўрбоши бўлармиди?

Бадалхұжаев яна индамай қолди. Энди у галини та-
розинга солаётгандек, шифтга тикилиб ётар эди. Содиқ-
қа орқасини қилиб, ўғирилар экан, луқма ташлади:

— Шу кунда ушлашса нима қилишаркиш?

— Билмадим.

— Отишадими?

— Отишлари ҳам мумкин,— деди Содиқ гап рўёбга
чиқмайдигап нарса ҳақида бораётгандек бепарвогина.

Бадалхұжаев яна жим бўлиб қолди. Унинг мушук-
мижоз, ухламай хуррак отадиган одати бор шекилли,
кўзи очиқ хуррак торти.

Бадалхұжаев ўз саволидан ўзи рози бўлмади. Ке-
часи билан ажриққа ағанааб чиқди. Мижжа қоққани
гумон, Содиқ бир уйғониб қараганда ҳам кўзи шифтда
эди.

— Ухладингизми?— деди Содиқ.

— Хаёл олиб қочди.

Содиқ бошқа ҳеч нарса демади. Бунақа кечалар ун-
га таниш, қанчасини тоқи санаб ўтказган.

Әрталаб Бадалхұжаев сўлиб турди. Тез-тез силаб
турадиган мўйловсифат қоши билан ҳам иши бўлмади,
у болаларлинг тепадиган ланкасидай, қовоғи устида
ёпишиб ётиби. У оғир касалдан тургандек, bemажол,
камгап эди. Чой томоғидан қувурдан сув ўтгандек,
култ-култ қилиб ўтди. Шу куни уни терғовга чақирди-
лар. Кечаси яна. Индинига куни билан терғовда бўлди.
Кейин яна... Ана шу кейингисида фарёд уриб қайтди:

— Мени худо урди! Тамом бўлдим!— деди эшикдан

кира солиб. Дунёда Содиқдан бошқа мәхрибони пўқдек, унинг елкасига ўзини ташлади. Содикнинг: «Нима гаи ўзи?»— дейшига қулоқ солмас, нуқул пешонасига муштлар, «Худо уриб қолди мени!»— дер эди.

Содиқ катта одамнинг бундай йиғисини биринчи марта кўраётганидан, шошиб қолди. Бечоранинг бошига биронта номард тұхмат тоши ёғдириб кетдими? Оқии қора қилиш учун кўп бўёқ керак эмас-да!

— Сабр қилинг, ноумид шайтон.

— Йўқ, сиз билмайсиз. Мен тамом бўлдим.

Бадалхўжаев фарёд уриб, ўз жойига ўтиб ўтириди, бошини узун бармоқлари орасига олиб қаттиқ чангалади, терисини шилиб олгудек чангалади. Шу ўтирганича куни бўйи қилт этмади. Кечаси ухладими, йўқми—Содиқ билмади, лекин анча тетик тортиб турди. Унинг бақиши аламзада, лаби қисиқ, қошлари чимирилган.

— Биласизми, Содиқжон, ким билан бирга ўтирибсиз?

— Йўқ.

Бадалхўжаев кечаги Бадалхўжаев эмас эди, уни бирор тунда алмаштириб кетганга ўхшарди. У човут солишга тайёр, овчидан ҳурккан тулқидек ҳушёр эди.

— Энди яширишимнинг фойдаси йўқ. Ишим кеча тамом бўлди, судга ошди. Уладиган ҳўқиз болтадан тоймас, дегандек, менинг қўрқадиган ерим қолгани йўқ, ҳаммаси очилиб бўлди, ҳаммасини очдилар, органга қойилман. Үн беш йиллик ишни хато қилмасдан тасбек доналаридек бир ипга тизиб чиқишиди. Буларда ҳунар катта. Уша сиз айтган Диловархўжа мен бўламан.

— Йўғ-e!— бармоғини тишлади Содиқ.

— Ҳа, мен, ишонинг! Энди талашадиган ҳеч нарсамиз йўқ. Сиз ҳам бу ерда бекорга ўтирганидирсиз. Бир сабабсиз шудгорда қўйруқ ётмайди.

Содиқ унинг сўзини эшитмас, қаршисида ўтирган одамнинг ўша Диловархўжа қўрбоши эканига ҳали ҳам ишонгиси келмас эди.

Диловархўжа эса, шу вақтгача ўғирлик молни яшириб келган кишидек, ичиди йиғилиб ётган, йиғилиб ётавериб, тайёр ҳикояга айланиб қолган юрак сирларини бир чеккадан айтмоқда эди. Энди яширишимнинг фойдаси йўқ, жиноят ишига тикилган эди.

Ислом байроғининг сопига қизил аскар ўқи тегиб,

шарт синиб тушгандан кейин, иккита жиловдори билан Тожикистонга қочибди. Бир жиловдори йўлда жарга юмалаб кетибди. Иккинчиси билан ғарибона кийиниб, бир чет қишлоқда, тоғда мусофири умр кечириб турибди. Бир куни қараса, жиловдори яшириб қўйган қуролини оляпти.

— Ҳа? — дебди.

— Қишлоғимга кетаман. Нима бўлса пешанамдан кўрдим, бола-чақамни соғинидим.

— Ҳой, бола, шўролар билан ўйнашма, қозиқ қилиб қоқиб юборади, — деса:

— Мен камбағалдан чиққанман, пичоқ ўз сопини кесмайди. — дебди.

Мундоқ қараса, боланинг тўқими ўзгариб қолган, сўзга кирадиган эмас.

— Майли, бор! — дебди. — Лекин бир куни қўлнигни узатсанг, олмайман, хафа бўлмайсан ўшанда.

— Хафа бўлмайман! Бир еганим ҳам бўғизимда турибди.

Рухсат берибди. Рухсат берибди-ю, унинг қораси кўздан ўчгунча ваҳима босибди. «Менинг шу ердалигимни ҳукуматга бориб айтса-я!»

— Бу таги пастга нима, мен ваъда қилган ботмон-ботмон ердан энди умиди узилган, ким бошини силаса мушукдек ўшанинг тиззасига чиқиб ётади, — дебди Диловархўжа ҳаром нарсадан жирканәтган кишидек лабини буриштириб. — Чақирсан, қайтмайди, бунга ақлим ётади. Қувсам қочади. Қўшнимнинг отини бир кунга сўрадиму, олдидан тўсиб чиқмоқчи бўлиб, бошини қўйдим. Тўрдан чиққан беданадай йўргалаб, анча ерга бориб қолган экан. Йўлни тўсдим. Ҳеч кимга ҳеч нарса демаслиги ҳақида қасам ичирдим, худони ўртага солдим. Бундан кейин менинг исмим Диловархўжа эмас, Тошмат эканини, бирор ерда учратиб қолса, шу ном билан аташини таъкидладим. Ҳаммасига хўп деди. Оғанининдек хайрлашиб қолдим, бирор кўрса гумон қилмасин деб, ёнидаги фарғонача пичогини ҳам олиб қолдим. Сал нари боргандан сўнг орқасидан қараб, яна кўнглим ўрнига тушмади. Буларга қасам нима! Тўхта, пичогингни ола кет, йўлда керак бўлади, деб олдига бордиму, қорнига солиб юбордим. Ичак-чавоғи ағдарилиб тушди. Ҳамманинг жони ўзига керак. Бир ялангоёқни деб қаҷонгача жон ҳовучлаб юраман.

— Кейин нима бўлди?

— Кейин нима бўларди. У қишлоқдан ҳам бошимни олиб кетдим. Яна исмимни ўзгартирдим. Сочилган насибамни териб еб юрдим. Тунов куни сиз исмимни сўраганингизда қайси бирини айтишни билмай фамилиямни айтгандим. Унда кўп нарсалар ҳали терговда очилмаган эди. Энди.. бари бир... Мен тепкиси босиғлиқ тўппонча қаршисида турибман, «қарс» этиши қолган, холос.

Содикқа энди бу гап таъсир қилмади. Унинг қаршисида оддий жиноятчигина эмас, қотил ўтиради. Шундай бўлса ҳам, бу хунрезнинг бутун ҳаётини билгиси келиб қолди. Қизиқ, нима билан тугар экан?

— Қандай қилиб шунча эҳтиёткорликдан кейин яна қўлга тушиб қолдингиз?

Диловархўжа қўрбоши шу саволга муҳтоҷ бўлиб тургандек, ғазаби қайнаб, купури ошиб, гапира кетди:

— Мен ўзим аҳмоқман, ўзим! Ит ҳидлаб топмас ерда юрган эдим. Нима бўлди-ю, онамнинг касаллигини эшишиб қолдим: онам мени бир кўришга зор эмиш. «Шунча йил ўтиб кетди, ким ҳам танийди. Бир борсам бориб келай» дедим. Йўлга чиқдим. Келсан, чиндан Азоил онамни бир қўлидан ушлаб турибди. Қувонди, йинглади, тузалгандек бўлди. «Энди мен кетай» десам, эртага ўладиган кишидек: «Сенга илҳақ эдим, ўз қўлинг билан ерга қўй!»— деди. Нима дейиншими билмай, лабимни тишлаб қолдим. Шу куни бир ёмон туш кўрган эдим, тушимга қараганда, кетишим шарт эди. Ноилож қолдим. Онам ўлмай ўлсин, эртасига мени ушлаб олдилар. Мана, ўкинчимдан ўкириб, беш ойдан бери шу ердаман. Онамнинг сўзига қулоқ солиб нима қиласан эканман, ўлгандан кейин мен кўмдим нимаю, бошқа кўмди нима! Она ҳам хотин киши-да, аҳмоқ бўлади. Аҳмоқлиги менинг бошимни еб ўтирибди. Энди буларнинг панжасидан қутулиб бўбман! Қўлга тушибманки, онами сўкаман. Ҳа, лаънати, интизор экансан, кўрдинг, бўлди-да, йўлдан олиб қолиб нима қиласан!

Ўз фарзанди лаънатига қолган номаълум онага Содикнинг раҳми келди:

— Бечора она сизни ушлаб олишларини туш биладими!

— Нега билмайди! Шунча йилдан бери писта чақиб.

әнгоқ ўйнаб юрганимидим. Ватангадолигимни биларди! Энди нима бўлди!

Содиқ қараса, Диловархўжа оқ сут бериб катта қилган ўз онасини яна беҳурмат қиласдан, ўлигининг устига чиқиб тепадиган кўринади. Онанинг нима гуноҳи бор: от миндириб, қилич тутиб, босмачи бўлгун дебдими! Ўзингдан кўр.

Содиқ билдики, қўрбоши ҳозир худосини ҳам танимайди, ўз жонидан бўшқа нарса кўзига кўринмайди, «Онасидан узоқлашиб меҳри совиб кетган бўлиши мумкин. Бола-чақаси бўлса, уларни севар, ахир ота-ку» деган хаёл билан Содиқ гапни чалғитмоқчи бўлди.

— Онангиз олдида бола-чақангиз ўйқими?

— Бир қизчам бор эди. Ҳовузга чўкиб ўлганини эшитган эдим.

— Фотиҳасига бормаганимидингиз?

— Бе! Ўлса ўлибди-да. Азамат ўғил боламидики, ўйимнинг чироғи десанг. Қиз бола — қуш. Қанот чиқаргунча қўлингда, кейин тузоқ қўйиб ушлаб ололмайсан.

Унинг бу жавоби яна Содиқнинг таъбини тирриқ қилди. Дунёда қизиқ одамлар бор: сигири урғочи туғса севинади-ю, лекин хотини қиз туғса энсаси қотади. Қиз туғилмаса, сенга онаю, хотин қаёқда!

Содиқ бу билан гаплашмай деса, ёлғиз ўтиравериб юраги сиқиладиган бўлиб қолган. Одам товуши сандиқ-қа қулфлаб, калитини ташқарига улоқтирилғандек, димиқкан юрагига теккан енгил шамол эди. Бу ҳол уни яна гапиришга мажбур этди:

— Хотин-чи? Хотин кутиб ўтирган эканми?

— Йўқ. Қиздан кейин уй қилиб кетган экан. Колхозда мишиғини оқизиб юрибди. Номаҳрам деб, мендан лойтовоқдек юзларини бекитдилар.

Содиқ уни яна бева қолган эканми, деб ўйлади.

— Эри қаёқда экан?

— Шу ерда. У ҳам колхозчи экан. Бир кўзим тушди, тиззасигача лой, елкасида кетмон.

Содиқнинг кўнглидан ўтди: ўша тиззасигача лой, елкасида кетмон бўлган меҳнаткаш эри минг чандон сендан яхшидир. Бегоналигида орқасидан шунча гап қиляпсан, хотинлигига сендан нима рўшнолик кўрди-ю, кутиб ўтирганда нима кўрарди. Эсли хотин экан! Меҳнат билан топилган нон беминнат бўлади!

— У томонларда ҳам бола·чақа қылғандирсиз, албатта.

— Ҳа, қылғанман. Хотин эмас, чүчқа олғанман. Ийлига икки марта туғадими-ей! Ҳамма ёқни чурвақа бостириб юборди. Уйга киргани юрак безиллади: вакыр-вуқур. «Бас, бўлди!» десам, худо берса нима қиламан, дейди. Лашнатига барим тегиб кетса, туғади-я! Мана энди нима бўлди!!

Содиқпинг кўз олдига ёлғиз ўғли Марат келди, у ҳамон сўнгги марта хайрлашганидек эшик олдида қанотими ёзиб, унга таллинади. Бундоқ ўйласа, уни жуда соғинибди, бир эслашиндаёқ кўзидан ёш чиқиб кетай деди. Диловархўжанинг ҳам болаларини соғинган фараз қилиб сўради:

— Болаларингизнинг чағир-чуғуруни соғингандирсиз?

— Эсимни танибманки, соғиниш нималигини билмайман. Кўрсам, эсимга тушади-ю, икки кун узоқлашсан, ёдимдан кўтарилади.

Содиқ ажабланди: ўз боласини соғинмайдиган ота ҳам бўладими! Демак, у одам исини ёқтирмаиди. Бу одам ҳатто ўз туққаш онасини ҳам соғинишга қобил эмас.

— Болаларингизга жабр бўлибди,— деди Содиқ бир уй болани кўз олдига келтиришга ҳаракат қилиб.

— Болалар... болалар... Болаларга нима! Бир кунини кўриб кетади. Менга жабр бўлди, менга! Эҳ, аттанг, бу томонларга келиб нима қилардим-а!

Содиқ бир маҳал ўқиган шарқ эртагини эслади. Табнат одамии яратганда, бундоқ қараса, янги ҳаёт кўрган мурғак учун кун жуда узун экан. Қисқартириш мақсадида унга уйқуни ҳамроҳ қилибди. У камолга етгандан кейин кўрса, бир уйқунинг ўзи инсон учун жуда кам, жуда зерикарли. У зерикмасин, егаи таомининг таъмини билсин, қадрига етсии деб меҳнатни буюрибди. Меҳнат унинг баҳрини очади, чилиқтиради. Ҳаётига маъно киргизади. Лекин бу ҳам у учун етарли эмас. Сўнгра унга қарши душманни яратибди. Душман эса унинг меҳнати самараларини ҳимоя қилишга мажбур этади, майдонга чақиради, курашга отлантиради. Ана шундан бери уйқу, меҳнат, душман инсоннинг ҳамроҳи эмиш. Тўғри, душмансиз ҳаёт йўқ. Лекин мен душманми? Тўғри, душманлик қилган кишиларим бор. Улар менинг-

гина эмас, бутун бир синфнинг, улкан бир жамиятнинг душманлари. Уларга қарши курашдим, кўп қатори галабам билан қувондим. Менинг бу курашим меҳнатимнинг олий тури эди: кураш — меҳнат, меҳнат — кураш! Наҳот энди мен ўша қарши курашганим кишилар сафиға ўтиб қолсам. Ҳаммасидан ҳам Диловархўжанинг гапи алам қиласди: «Келадиган еримиз битта экану, жонингизни мунчалик жабборга бериб нима қилардингиз ўша йиллари!»

Диловархўжа қўлга тушган бўлса ҳам, шу ўтиридан мамнун. Бир маҳаллар номини эшитса бир чўчиб тушган «қизил командир» бугун у билан ёнма-ён ўтирибди, бир қозондан атала ичиб, бир ҳуштак билан ётиб туради. «Аслида у ҳам бизга ўхшаган шўроларга тоқати йўқ экану, замона зайлар билан ёшлик қилиб, от, қилич, «урра»га қизиқиб юрган экан. Бўлмаса уни ҳукумат қамармиди!» деб ўйласа керак.

Диловархўжа қўрбоши ўз фикрига якун ясагандек салмоқлади:

— Сизга ўхшаган ола ичимииздан чиқмаганда, балки...

— Сиз билан «битта-яримта ола» эмас, халқ курашган, бутун халқ. Халқ нима эканини биласизми? Довул! Ҳар қандай тўсиқни йўлидан олиб ташлашга қодир! Ҳали ичимииздан ола чиқиб енгилганимиз, деб юрибман денг?

Диловархўжа бу сўзларга ишонмас, ишонгиси ҳам келмас эди. Унинг ўз фикри салкам йигирма йилдан бери тинчлик бермайди. Бу унинг метин ишончига айланган, бу фикри энгилганимиз, деб юрибман денг.

— Ҳа, хўп, халқ курашган экан, халқ билан бирга экансиз, нега энди бу ерда ўтирибсиз?

Содиқ неча ойдан бери ана шу саволга жавоб беролмай қийналар эди. Энди бунга нима десин. Туҳмат деса, ишонмайди. Тушунмовчилик деса, шунча вақт давом этадими?

Чиндан ҳам Диловархўжадан кўра, унга қийин эди. Қўрбоши қилган жиноятини билади, пимага ўтирганидан хабардор. Лекин тақдирга тан бермайди: тоҳ опасига ёпишади, тоҳ қонуннинг узоқ кек сақлашига.

Содиқ-чи? Содиқ ҳайрон. Етти ухлаб тушига кирмаган айблар унга тақаляпти. Рад этса, ҳеч ким ишонмай-

ди. Ҳатто уни Диловархұжа қўрбошидан ҳам хавфли қилиб қўрсатишыпти. У онгсизлигидан босмачи бўлган эмиш. Содиқ эса, онгли, олий маълумотли, атайин шўроларга қарши курашга отланган ва курашини эсини танигандан бери тўхтатмаган ёт унсур, хавфли душман эмиш. Содиқ ҳаммасидан шунисига чидамас эди.

Дунёда ҳалок бўлишига иқрор кишидан тили ўткир ва узун одам бўлмайди. Диловархұжа худди шу аҳволда эди. У ҳеч нарсадан ҳайиқмас, бутун дардини тўкмоқда эди:

— Ҳаммамиз бир бўзнинг учи бўламиз, ука, бойкамбағал — нимаси, мусулмон-кофириң ажратиш керак. Дин оёқ ости бўлиб кетди. Бухоройи шарифдан нима қолди! Амир аркида болалар сигир боқиб юришганмиш. Ичимиздан ола чиқиб, «вой сочимни босиб олманг!» дейдиган эркаклар кўпайиб кетди. Уша вақтда ҳам «андоқ қилодурмиз, мундоқ қилодурмиз» дейдиган кўши эди. Вақти келганда ўнтаси битта пичоққа соп бўлмайди. Кўрганман бу ҳезимкашларни, ошга қўли, гапга тили узун, холос. Менда битта бедана томоқ, соқоллиги бор эди, жадид. Сал ҳолимиз танг бўлиши билан «юмуши» чиқиб қолди, сичқоннинг инини ижарага олди. Улар тушида шер минади, ўнгига мушукдан қўрқади. Сиз менинг гапларимдан ажабланманг, Содиқжон, меш ўлган қўйман. Ўлган қўй бўридан қўрқмайди. Ичимда йиғилиб ётганини айтяпман. Ичимда қолиб кетганидан фойда йўқ. Ҳеч бўлмаса сиз эшитиб қолинг.

Чиндан ҳам у шунча йил ичидан, ҳатто ўзидан ҳам сир сақлаб келган, кимга айтишини билмай ёниб юрган, ҳеч кимга ишонмаган манфур фикрларини гапириб қолишига шошилаётган эди. У курашиб ғуродига етолмаган, яшириниб удалолмаган аламзада эди.

Содиқ уни қаттиқ қайириб ташлаши мумкин эди. Лекин нима фойда, барн бир унга кор қилмайди, қўндоқда теккан. Содиқ қанчалик гижинмасин, қулоқ солишга мажбур бўлди. Бошқа жойда бўлганда-ю, ўзи биларди: гапирганига пушаймон қилдириб қўярди! Ундан кейин, Содиқнинг тили қисиқ жойи ҳам бор: бирга, бир камерада ўтирибди, ахир иштони йўқнинг тиззаси йиртиқдан кулишни қаранг, дейиши, жуда бўлмаганда. отдан тушсангиз ҳам, узангидан тушмас экансиз, иним. бу ер қизиллик қиладиган минбар эмас, деб у ҳам қайириб ташлаши мумкин.

Содиқ Диловархўжанинг мўйловга ўхшаган қошлирига боқди. Бу — чин душман. Отилишига кўзи етиб қолгандан бери Диловархўжанинг ичидагача нарса қолмади, ҳаммасини ахлат идишини ағдаргандек тўкди. Ичини бўшатиб, гўё кўнгли тинчилини. Бўш қолди дегунча, қуръон тиловат қнлади, намоз ўқийди. Жаҳли чиқса, жойнамоз хизматини ўтаб турган рўмолчасини бир четга улоқтириб қолади, ҳалигина укпари олинган уккидек кўзларининг шосоққасини ўйнатиб, бир нуқтага тикилади. Соатларча шундай ўтиради. Ана у ҳозир ҳам, жойига ўтира туриб, бароқ қошини асабий силаб қўйди.

Содиқ шу мўйловсифат қошларга қараб туриб, ўйга толди: қўрбошилигида бу қошларнинг бир чимирилиши қанчадан-қанча одамнинг ёстигини қуригандир!

Содиқ унинг қўрбошилик даврини, кийим-бошини, юриш-туришпини ўзича тасаваур қилиб кўрди: бошда чақмоқ телпак, бурама қалин мўйловнинг учн қулоги тагида, кўкрак очиқ, ёқасига пилта урилган яктак устидан беқасам тўн, белда қўш-қўш белбоғ, оёғида ағдарма, баланд пошна этик, қўлда кумуш қопланган иргай сопли қамчи. «Ҳайт!» деса, булутни нишон оладиган қорабайпр доим эгарлоғлик. Минса қўш жиловдор ёнида. Чилим тутган бошқа-ю, май тутган бошқа. У соясида ўтирган дараҳтнинг шохига бенжозат қуш қўнолмайди. У ўтирган ерда қадамлар санаб босилади. Ана шунда кўрсанг эди, бу қошларни! Энди бўлса чўлтоқ супургидек осилиб ётиди.

Содиқ ана шуларни ўйлаб, ўзини унга тенг кўрилганига, у билан бир дараҳтнинг меваси ҳисобланганига чидолмади. Ғазаб билан туфуриб, ўрнидан туриб кетди.

— Оғир бўлинг, Содиқжон, сизни отишашётгани йўқку.— деди Диловархўжа.

— Нимамга отади, қайси қилган жиноятимга отади!!

— Агар мен Шўро ҳукумати бўлсанм, сизни бундай камерага қўйиш эмас, бу ерга отингизнинг гўнгини тўктирмас эдим. Ҳар мўйингизга бир гавҳар осардим. Буларнинг ана шуниси биз аламзадаларга ёқади. Ғумай билан бугдойга чақ-аралаш ўроқ солади.

Диловархўжа жилмайиб қўйди, чўтири юзлари йилтиллади, дўнг пешапаси остидаги қаттиқ кўзлари қисилди.

Содиқ бир нарса дейишдан ожиз эди...

Уч кун ўтгандан кейин Диловархўжани судга чақирдилар. Кечқурун унинг ўрин-бошларини сўраб олдилар. Содиқ ҳукм чиқибди, деб ўйлаб, уни отилганга чиқарди. Лекин раҳми келмади.

5. ЎЛГАННИНГ УСТИГА ТЕПГАН...

Сокинликнинг ҳам ўз товуши бор. Бунинг нималиги ни қалин деворли, темир эшикли, дераза ўрнида кичик туйнукли камерада ўтирган одамгина яхши билади, бу шунаقا товушки, қулоғингдан зинғиллаб ўтиб, бутун асабларингни қақшатиб, қалбингга электр токидек чир силлаб тегиб туради.

Тун, Эртага баҳор байрами. Ариқлар лаби барра ўт, бинафшалар ўтган йилдан қолган қуруқ шохлар остидан мунчоқ кўзларини йилтиллатиб тургандир. Ё шўх болалар байрамга олиб чиқамиз деб, териб кетишдимкан? Эртагача яна бодроқдек очилиб қолади. Лола ҳам чиққандир. Қизил гул-чи? Қизил майдон роса ясатилгандир. Кўчалар-чи?

Содиқ шундай хаёллар оғушида ўтирганида, ўзининг қаердалиги ёдига тушиб қолди-ю, уҳ тортди. Ўтиришга сабри чидамай, ўрнидан туриб, асабий бир тарэда у ёқдан-бу ёққа юра бошлади. Кейин яна ўтирди. Ташқариға қулоқ солди. Ҳар товуш уни қизиқтирас эди: маъносини англамаса ҳам, инсон товуши қулоғига кириб турса бас. У шундай диққат билан қулоқ солардики, гўё ўзиға таниш йўл ёқасидаги дарахтларда тунаган қушларнинг ҳам юрак уришини эшиштишга қодирдек кўринарди. Эрталаб уйғонса байрам овозаси ҳамма ёқин тутган — кўчаларга катта радиокарнайлар қўйилган бўлса керак. Баъзан ўткинчиларнинг товуши эшишилиб қолади. Қишилар шоду хандон. Юртда, жонажон шаҳарда байрам. Бу байрамни шаҳридек севарди у. Ҳозир ўғлини кўтариб, бир қучоқ гул билан Қизил майдондан ўтмасмиди!

Радиодан гоҳ музика янграйди, гоҳ шиор. Парад бошланди. Аскарларнинг шаҳдам қадамидан кейин, танкларнинг ерни ларзага солган гулдуроси эшишилди. Кейин жимлик. Кейин бирдан яна оркестр янгради. Болалар товуши кўчаларни тўлдириди. Эҳтимол, унинг мактаби ўтаётгандир. Одатда, мактабини ўзи бошлаб ўтарди. Кундалик ҳаётни ва байрамини мактабсиз тасав-

вур қилолмас эди. Үртоқлари: «Онанг мактабда туқ-қанми?»— деб кулишарди, Содиқ эса: «Мен туғилган чоқда мактаб анқонинг уруғи, китоблар бизга ўхшаганларга гапирмас эди»,— деб мамнун жавоб берарди. Қани ўша кунлар? Тушмиди бари? Қишилар унинг ҳақида нима дейишаётганикин?

Ҳамон радио янграйди. Шу радио қаерда экан? Қайси күчада? Нега аввал уни ҳеч эшилмапти! Бу күчалардан кўп ўтар эди-ку!. Ҳаво яхши. Одамлар роса ясанишгандир. Мушарраф нима кийдийкин? Онам-чи? Марат, Маратжон-чи? Унга бирор байрам совфаси олиб беришдимикин? Еки бўз кўйлакка садаф тугма ярашмас деб, уйда диққат бўлиб ўтиришибими? Шундай қилишган бўлса яхшимас! Нега хафа бўлишади, эрта-индин чиқиб боради-ку. Мушарраф ўз қилмишларига роса пушаймон бўлаётгандир. Эркалаб боқилган текис ерда қоқилар, деб шуни айтади. Майли, унга сабоқ бўлди, энди қатиқни ҳам пулаб ичади.

Кўлда юрган қўнгир ғоз чўл қадрини билмайди.

Чўлда юрган тувалоқ кўл қадрини билмайди.

Жуда тўғри айтилган. Эй, тентак, тикан бўлиб оёққа киргунча, гул бўлиб ёқага санчилгин эди! Энди нима бўлди! Изимга зордир.

Содиқ ҳамон ўзи-ўзи билан гаплашар, гоҳ онасининг қариганда, қора кунга қолганидан ўкинар, гоҳ ёлғиз ўғлини соғиниб, хўрлиги келар, гоҳ Мушаррафнинг енгилтакликларини кечириб, инсофга чақирап, кўргиси келар, гоҳ Қодирга гап тегиб қолишини ўйлар эди. Ташқарида эса, Биринчи Май байрамининг шукуҳини радио карнайлари оламга таратмоқда.

Бугун байрам, шунинг учун бу ерадагиларга прогулка йўқ. Содиқнинг кўнгли алланечук бўлиб кетди. У севган юрт, у севган кишилар байрам қиласди, лекин унга ҳалқ байрами куни йигирма минутлик прогулкани ҳам раво кўрмайдилар.

Содиқ қанча ёниб-куймасин, унинг игнаси синиқ, ипни узун эди.

* * *

Содиқнинг тергови тугади. Лекин унинг на «советларга қарши фаолияти», на «яширн ташкилотга аъзолиги» исбот этилди.

Шу куни передача олди. Палов, ёғлиқ патир, қанд, пиёз ва беш думалоқ махорка. Ичиди бирор нарса яширилмаганмикин, деб патир ушатилган, пиёз кесилган эди. Содиқ дунёнинг шунчалик нозу неъмати борлигини илк марта кўраётган кишидек бақрайиб қолди. Дами қайтиб қолган паловнинг totли ҳиди димофини ёриб юборгудек анқир, оғзининг сувини тийиб ололмас эди. Ошдан нафаси бир оз ором олгач махорканинг нимага киритилганини билмай қолди. «Диққинафас бўлганда чекар, хуморини тарқатар!» деб киритишган. Бу кимнинг фикри экан: онамнингми ёки Мушаррафнинг?

Содиқ шуларни ўйлар экан, хаёли ўргатилган каптардек ўз уйига, хонадонига учди, улар билан ғойибона суҳбат қурди. Суҳбат қурди-ю, уларнинг Содиққа эмас. Содиқнинг уларга раҳми келди: онаси ориқлаб кетган. Сочининг битта ҳам қораси қолмаган. Юзининг ажини яна ҳам чуқурлашган, ёнига янгилари қўшилган. Мушарраф ҳам хафа, «қилмишларимга минг бор пушаймонман» деб узр сўрайди. Марат эса, юриб кетган, парвойи фалак. Ёғоч от миниб, ҳовлини гир айланади. Чапаев бўлиб, ёвни қиради. Қодир уйда йўқ. Кутубхонада дарс тайёрлаётган бўлса керак.

— Махоркадан бир чекайлик, биродар.

Ҳамхоналарига махорка таклиф қилиш Содиқнинг эсига келмаган экан. Чувалиб кетган хаёлни йиғиб, уч бўлагини бўлиб олинглар, деб узатди. Узи ҳам ўраб чекди. Бадани яйрагандек бўлди. Махорканинг шунчалик «каромати» борини энди сезиши! Шундай ҳузур нарсадан бебаҳра бўлиб юрганидан ажабланди. Босиббосиб тортди. Ярим соатлардан кейин хумори тутиб, яна чекди, кечга яқин яна чекди... Қўзи бироннинг чекканига тушса, қўли махоркага югорди. Ўрганди!

Чекишига ҳеч нарса қолмай, хумори тутиб ўтирган кунларнинг бирида Содиқни юқорига чақириб қолишиди. Қайси кўз билан кўрсинки, Чуханов кабинетида Мушарраф ўтирибди. Уни ёлғиз кўриши билан юраги орқасига тортиб кетди.

— Марат қани? Соғми?

— Соғ-саломат,— деди бўшгина қилиб Мушарраф.

— Нега олиб келмадинг? Ойим қани? Тинчликми?

Мушарраф жавобини учинчи саволдан бошлаб, биринчисига жавоб бермади:

— Тинчлик. Бирдан рухсат береб қолишиди. Ойингизни олиб келолмадим.

Нега «ойимни» демасдан, «ойингизни» дейди, уйдан кетиб қолган шекилли, деб ўйлади Содиқ.

— Уйдамисан?

— Ҳа, уйда. Қўрган куним қурсин.

— Нима, ойим билан уришдингми?

Мушарраф асл мақсадига замин тайёрлаб, ёлғон тўкиди:

— Гулим кетди, тиканим ундан нари, дейдилар нуқул. Марат билан иккаламизни кўргани кўзлари бўй.

— Йўғ-э! — онасининг феълини билган Содиқ ишонмади.

— Кўзингиз билан кўриб, қулоғингиз билан эшитмагандан кейин ишонмайсиз-да. Қачон менга ишонувдингиз...

Содиқ ўзи қамалгандан кейин унинг куйиб эт йўқотганини ёки руҳий азоб чекканини кўрсатадиган бирорта белги тополмади. «Олдин куйгану, кейин тақдирга тан береб, ўзини тутиб олган, ёш эмасми!» деган фикр билан ўзини босди Содиқ. Лекин Мушарраф, нима учундир, Содиқнинг юзига тикилиб боқолмас, нимадир ичини тирнаётгандек нуқул кафтларини бир-бирининг орасига олиб уқаларди.

— Қийналиб қолгандирсизлар. Ишляяпсанми?

— Ким мениншга олар эди, ҳалқ душманининг хотинини!

— А?

— Ҳамма ўртоқларингиз юз ўғириб кетган, Мирсалим-ку...

— Нима, Мирсалим?

Терговчи Чуханов уларнинг сўзини узди:

— Ўз оплавий ишинглардан гаплашинглар. Беш минут қолди.

Мушарраф терговчининг сўзини ўзига берилган танбех ҳисоблаб, асл мақсадга кўчди:

— Менинг... сизнинг олдингизга киришимнинг... киришимдан мақсад... менинг талофимни беринг.

Содиқ ўз қулоқларига ишонмай, аграйиб қолди. Мушарраф пинагини бузмай ўтиради. Демак, бу фикрини

чийраб, пишишиб кирган, деди Содиқ күнглида, ё бирортаси ўргатдими?

Бу кутимаган гапдан Содиқни совуқ тер босди, кафтигача совиб кетди.

— Менга қара, — деди у,— мен сени зўрлаб олганим йўқ эди, зўрлаб ҳам хотин қилмайман. Лекин шартим бор.

Боядан бери ерга қараб ўтирган Мушарраф ярқ этиб унга кўзини тикди. Содиқ унга кўзини бигиз қилиб қадади:

— Шартим шуки, болани ташлаб кетасан.

— Ҳаққингиз йўқ! Бола онаники.

— Йўқ, ҳақим бор. Угай отаникнига етаклаб боришингни истамайман. Онамда қолдир! Гап шу!— Содиқ терговчига боқди:— Мени жойимга тушириб юборишинигиzin сўраиман.

Содиқ ўрнидан қўзгалди. Мушарраф ҳам иргиб турди:

— Йўқ, менинг жавобимни бериб кетасан! Менга сендақа халқ душмани керак эмас!! Сен билан турмайман! Жавобимни бер! Жавобимни бериб кет!

— Жавобинг ўзингда, шарт ўша!— оғирлик билан деди Содиқ.

— Йўқ, болани бермайман. Эпди қайтиб келмайдиган бўлганингиздан кейин ўглингизни.. ўғлимнинг қаерда бўлишининг сизга қанчалик фарқи бор.

— Қайтиб келаманми, йўқми, энди бунинг сенга даҳли йўқ. Талоғингни олдингми, кетавер.

Мушаррафнинг талоқ сўраб келиши Содиқ учун дарз косанинг синишидек бўлди. Лекин Маратнинг тақдиди хаёлидан кетмай қолди.

... Янги ойнинг бошида тергов бўлими Содиқни чақириб, маҳсус кенгашнинг қарорини ўқиб эшилтирди. У ўн йилга ҳукм этилган эди!

«Ҳақиқат зўлдири эмас, ишабга думаласа, у қирғий қўнимас қиядан ҳам ўз жойини топади!» — деди Содиқ ишонч билан ўзига-ўзи.

6. МУШАРРАФНИНГ ҲИРСИ

Содиқ воқеасининг бутун даҳшатини Мушарраф учундан кейин билди.

Бошимга тушган тақдир гурзисининг нақадар оғир эканини ҳис этди. Дилсиёҳликка йўл қўйган онлари

учун ачиниб ўқинди. Энди Содикнинг оёқларига йиқилиб узр сўрашга тайёр эди-ю, лекин Содикнинг ўзи ўйқ, сўзи йўқ, кўзи йўқ эди.

Мушарраф бир ҳафта ичиде озиб-тўзиб кетди, атирупа, улама соч ордона қолди, баланд пошиа амиркон этик, атлас лозим эсига келмади. Ҳар куни кечаси билан хаёлнинг минг бир кўчасига кириб чиқади, баъзан ёлғиз ётгани қўрқиб, Адолат холани олиб кириб ётади.

Шунда ҳаёт тазиқларини кўп кўравериб, продаси нишиб кетган Адолат хола далда беради:

— Балога сабр, қазога шукур керак, жон болам. Узингизни ўтга, сувга урганингиэзниг нафи ўйқ. Содикжонгинам, игна топса эгасига топширмагуича кўнгли тинчимайдиган ҳалол йигит эди. Чиқиб қолади. Тушимда раҳматли дадаси от эгарлаб юрибдишар. Манг, Маратжонни эмизинг, жуда қорни очиб кетди.

— Бир оз совий, терлаб турибман.

Адолат хола куни билан қўлидан қўймаган арзанди неварасини онасига узатиб, ўрнидан турди. Нима иш биландир, Содикнинг хонасига кирди-ю, унинг қозиқдаги чуст дўпписига кўзи тушди. Тобутга ёпилган чопонни кўрган кишидек алланечук бўлиб кетди. Содик уни ҳар куни ишдан қайтганда киймасми! Дам олиш кунику, бошидан қўймас эди. Қани ўша ўғил! Ёлгизгина фарзандини соғингандир. Узи саломатмикин? Очин-тўқин қолмаётганмикин?

Хола дўппини қозиқдан олди, тоза бўлишига қарамай қоқди, ўғлининг иси келадигандек бурнига тутиб ҳидлади. Гўдаклигидан ўзига таниш Содикнинг исидан роҳат қилаётгандек кўзини юмди, очганида ёши дув тўкилди:

— Ишқилиб, ўзинг келиб кийгин, болагпнам!

Мушарраф эртасига Собирахоннинг мактабига борди. Унинг баҳтига Собирахон ўзида экан. Уни «ҳа, синглим, суюнган толинг омонат экан», деб ачингандек кутиб олди. Лекин очилиб гаплашмади, кеча қаттиқ чарчаб, бугун бўшашиб ўтирган кишидек бир-иккى эснади, ниманидир столи ғаладонидан қидирди, спёхдоннинг қолқоғини ёпиб қўйди. Мушарраф унинг «кел, синглим, аҳволларинг яхшими, эрингдан дарак борми?» дейишини кутарди — ахир опа-сингил тутинган-ку. Лекин Собирахон бундай қилмади, ҳамон нима биландир паришонҳол шуғулланарди, «қўли тегмас» эди.

— Собирахон опа,— деб гап бошлади Мушарраф-нинг ўзи — отпускада юриб бўлдим, энди ишимни бошласам.

Собирахон шуни аллақачон кутган, жавобини ҳам тайёрлаб қўйган кишидек оҳиста унга қаради. Унинг кўзлари Мушаррафга бегонага ўхшаб кўринди.

— Ие, ҳали хабаринг йўқми, мен сени биласан деб юрибман. Ўз ҳисобингдан неча ойга отпускага чиқувдинг? Ҳа-а,— деди Собирахон ясама хаёл суреб,— айтмовдимми? У штат қисқариб кетган.

Гапнинг тубига тушунмаган Мушарраф:

— Яқингинада кимдир ишлаб юрувди шекилли! — деди.

— Ҳа, кечаги ҳафта қирқишиди. Шунча қилдим бўлмади.

— Вой... — бўшашди Мушарраф,— энди нима қилдим? Бир томони рўзгор...

Собирахоннинг «Билмасам, ўзинг биласан» дейишга тили бормади, «фалончига учраш» деса, ўзики ёлғон гапириб, четлатиб турган ҳалқ душманинг хотинини бошқа одам пешонасини силармиди! Баҳона топди:

— Мен бир сурнштириб кўрай, бирор иш топармиз.

— Шундай қилинг, опажон! — ёлворди Мушарраф.

Собирахоннинг сўзига ишонган Мушарраф бир ой ичида икки-уч хабар олди. Ишдан дарак бўлмади, Собирахон «йўқ» демас, нуқул ваъда берарди, бирорнинг олдида бўлса, хўмрайиброқ, ҳеч ким бўлмаса, сал дилхушлик билан гаплашарди. Шундай қатнашларнинг бирда бир аёл ўқитувчи уни четга имлади. Мушарраф қулоғини тутган эди, у аёл:

— Овора бўлманг, синглим, Собирахон истаса ўрнингиз жойида турибди,— деди. Мушаррафга ҳамма нарса ойдин бўлди-қўйди: демак Собирахон ҳам қора қозондан ўзини четга олиб қочяпти!

Мушарраф бутун гапни Адолат холага айтди.

— Банда қилса маломат, худо қилсан саломат, жон болам. Қиши ёсиз бўлмайди, бу кунлар ҳам ўтиб кетади, олақарғанинг қагиллагани қолади,— деди Адолат хола келининг чой узатаётуб,— олинг, бир пиёла чой билан икки бурда ион еб олинг, дармон бўлади. Кўчадаги гап-сўзга ҳадеб куйиб-ёнаверманг, дўст куйиб га-

пирса, душман ошириб гапиради. Бирорта кўр бўлғурнинг иғвосига қолди болам бечора! Сиз ҳаммадан хафа бўлаверманг, доим ёмондан яхши кўп, ҳаромдан ҳалол. Ичидаги ғанимий, «жабр бўлди» деб юрганлар қанчайикин! Тили билан айтишга ҳайиқса, нима қилсин, бечоралар!

Ана шундай тили билан ҳам айтишга ҳайиқмайдиганлардан бири — Икром ота шу куни кечқурун эшик қоқиб келиб қолди. Эшик очган Қодир билан қуюқ сўрашди-да, ичкарига кирди, кўрсатилган ерга ўтириб, ҳол-аҳволларини сўради. Содиқни тилга олиб, «Азамат, покдомон йигит эди!» деб қўйди. Анча гапдан кейин Адолат холага пича пул узатди:

— Содиқжондан олган эдим, вақтида жамғариб беролмадим,— деди уэр сўраган бир тарзда.

— Бирорда оласим бор демовди-ку, ё сизга айтувдими, Мушаррафхон? — деди Адолат хола хижолат тортиб.

— Йўқ, йўқ! Менда бор эди, келганда ўзидан сўрасиз,— яна шошиб изоҳга киришди Икром ота. Гапни чалғитди:— Ишга кирмоқчи экансиз, келин, мен бир жой билан гаплашган эдим, хўп десангиз, эртага бориб учрашинг, кичик қизим ўша ерда ишлади.

Икром ота қаерда ва қанақа иш эканини батафсил айтиб берди. Урнидан туар экаи, Содиқнинг девордаги суратига қараб «қарчигай эди» деб қўйди яна. Кейин Содиқнинг чиқишини аниқ биладиган, бунга сира гумони йўқ кишидек ишонч билан далда бериб кетди.

Мушарраф эртасига Икром ота айтган ерга бориб учрашди ва ишга кирди.

Иш Мушаррафни овутгандек, сўнгсиз мудҳиш ўйлар гирдобидан четга олиб, нафасини ростлагандек бўлди. Вакт қалбидаги аччиқ алам иэтиробларини аста-секин елга совуриб, ўрнини яшаш иштиёқи билан тўлдириб бормоқда эди. Бора-бора эрининг қамалишига кўнинка-нидек, номини эшитсагина бир энтикиб, бошқа вақтда хаёлига ҳам келтирмай, ҳаётнинг кенг оғушига кириб кетди. Уйшиңг аллақайси бурчагида ётган улама соч яна юзага чиқди, аста-секин упа-элик асл ҳолига келди, қошга ўсма, кўзга сурма тортилди, кўйлак кунига алмаштирилиб, навбат баланд пошна амиркон этиккача бориб етди. Айниқса баҳор табиатнингина эмас, эри қамалгандан бери сокин ўйқуга кирган Мушаррафнинг

ҳис-түйғуларини ҳам уйғотди, этига эт, ҳуснуга ҳусн құшди. Керишса әрининг қучоғини соғиниб, күзлари сузиладиган бўлди.

Бир дам олиш куни эрталаб Икром отанинг Мушарраф билаш бирга ишлайдиган кенжә қизи келди. Ойисининг тайинлаб юборганини айтиб, Адолат холани олиб кетмоқчи бўлди:

— Юринг! Ойимлар «холанг диққинафас бўлиб ўтиргандирлар, гаплашиб ётиб кетснилар» дедилар. Юринг! Уйда ҳеч ким йўқ, дадамлар аммамларниги қишлоққа кетганлар.

Уни Мушарраф қувватлади:

— Боринг, уйда ўтира бериб сиқилиб кетдингиз, бағриңгизга шамол тегиб келади.

Ўтган ҳафта ҳам Икром отаникidan одам келганда Адолат хола: «Ҳа, жон болам, менга ўйнаб-кулини ким қўйибди»,— деб рад эттап эди. Шунда уларнинг кўнгли анча олинганини кейинчалик Мушаррафдан эшигтан эди. Шунинг учун холанинг қанчалик боргиси келмаса ҳам, йўлга тушди.

— Сиз уйдан хавотир олманг, ҳеч қаёққа бормаймиз,— деди Мушарраф Қодирни ҳам қўшиб. Айвонда дарс тайёрлаб ўтирган Қодир бошини кўтариб тасдиқлади:

— Ҳа, уйдаман. Ишим кўп!

— Уйда бўл, жон болам, ҳувиллатиб чиқиб кетма, кенойнинг чўчнидии,— деди Адолат хола неварасини ўпид хайрлашар экан.— Сен ҳам тўполоп қилмай ўтиргин!

Мушарраф Адолат хола йўлга чиқмасидан олдиноқ бошини ювмоқчи бўлиб қатиқ чаплаб қўйгаи эди, у кетгач ювгани ўтирди. Қодир айвонда ўз машғулоти билан банд, бир вақт бошини чертёжидан кўтариб қараса, кенойиси ярим тўшини очиб, кир ўра оғзида бошни ювяпти, эти жимирилаб кетди. Кенойиси сезиб қолса, хижолат тортишидан ҳайиқиб, ҳовли томонга ёнини қилиб олди. Унинг бу ҳаракатини фаҳмлаган Мушарраф, кўкраги ярим очиқ, сочини охирги марта жомга шалоп-шалоп солиб чайқар ва қўли билан сувини спидирар экан, эркакнинг ҳавасини келтирадиган бир оҳангда деди:

— Қодиржон, соч ўришни биласизми? Бўлиб қўйинг, Азизахон келганда керак бўлади.

— Акам сизниини ўармидилар? — деди Қодир ҳазил тушуниб.

— Акангиз ўришдан кўра кечаси силашни яхши кўрар эдилар. Ё сиз ҳам шунаقا қиласизми?

Қодир охирги жумла ўзигами ёки Азизагами тегизиб айтилганини ажратолмаган бўлса ҳамки, қулогнгача қизариб кетди.

Мушарраф сочини ҳўл тараб, бошига омонатгина рўмомча билан танғиб қўйгач, уйга ўтар экан, деди:

— Бошини ювгандан кейин хотин кишининг сочини ҳеч ҳидлаганимисиз? Хушбўй бўлади шекилли-да, акангиз яхши кўрардилар. Сиз-чи? Ёмон кўрмассиз! Ё ёмон кўрасизми?

Қодир индамади. Мушарраф уйга ўтиб кетди. Ойна олдида ўзига оро бериб, сочини таради, пардоз қилди. Чаккасидаги майда соч толаларини эринмасдан жингалак қилди. Юпқа ҳарир кўйлагини кийди, ўзини ойнага солиб кўрди, шундоқ ҳам бутун кўксига ҳусн бахш этиб, тирсиллаб турган тўшини остидан кўтариб янада бўрттириб боқди, улама сочини серкиллатиб, уйнинг у бошидан бу бошига юрди, ойнадан ўзини кузатди. Кейин ҳовлига чиқиб, иш билан юрган кишидек Қодирнинг олдинан бир-икки у ёқ-бу ёққа сатанг юриш қилиб ўтди. Адолат хола тушда қозон осганидан Мушарраф кечқурунга чой қайнатиб қўя қолди. Қодирни таклиф этди. У қоронғи тушиб қолганидан чертёжни йиғиб, китоб мутолаа қиларди. Кеннойисининг таклифига икки марта: «Ҳозир! Ҳозир», деди-ю, китобдан бошини кўтармади. Мушаррафга худди шу керак бўлгандек, бўйдоқларнинг ҳирсини ўйғотадиган бир мақомда юриб борди. Қодирнинг ўқиётган китобини кўрмоқчи бўлган кишидек, орқа томондан ўтиб, атир анқитиб туриб:

— Китобингиз муҳаббат тўғрисида шекилли, бошингизни кўтаролмай қолдингиз — деди. Қодир китобини келган ерида шарт ёпиб, ўрнидан турди, дастурхонга юрди.

Мушарраф гоҳ қошини, гоҳ кўзини сузиб, унинг орқасидан гапириб борар эди, унинг нозу карашмаси ҳатто товушидан ҳам сезилиб турарди.

— Дунё шунаقا экан, Қодиржон, йигит қиз деб, қиз йигит деб ўларкан. Қариганда бунаقا бўлмас-а?

— Билмасам, қариб кўрганим йўқ,— деди нохушлик билан Қодир.

— Қарилек қурсин! Ёшликка не етсин! Ёшсиз, ўйнаб қолинг, айш қилинг. Кейинги афсус бекор. Азизахон билан тез-тез учрашиб турасизми? Акангиз бунақа бўлиб кетмаганларида шу кунда тўй ҳаракатига тушиб қолармидик. Баҳордагиси яхши бўлади.

— Уқиши тугатмагунча...

Мушарраф Қодирнинг сўзиши бўлди, чой узатди:

— Яна уч йил! Унгача зерниб қоларсиз.

Қодир жавоб қайтаришга ийманиб, нон тишлади.

— Сиз эркакларга маза! Айшингизни қилиб юрсангиз бирор биллиб ўтирибдими, мисқоли камаядими! Азизахонга қийин, қиз бола...

Аёл билагини ушлаб бирор марта хилватга тортмаган тажрибасиз Қодир Мушаррафнинг бу гапларини яхши фаҳмламас, фаҳмлаганда ҳам нима қиларди. Бегона маски, «кет, бетинг қурсин», деб силтаб ташласа! Ундан кейин, кеннойисининг оғзи бачканалигини билади, бу ҳақда акаси неча марта койинганини эшитган. Гапирадиган оғиз уники экан, Қодирга нима, вайсай бермайдими! Шунинг учун у наридан-бери чойни ичиб, туриб кетди. Мушарраф эса, унинг ҳар бир ҳаракатини очкўзлик билан кузатар, бақувват билакларига суқланиб боқар эди. Баҳор қонини ўйнатиб, кўзини тиндириб, ҳатто донлашиб юрган бир жуфт мусича ҳам унинг ҳавасини келтиради...

Кеч кирди. Уфқ анордек қизарди. Том четига келиб қўнган «Адолат холанинг мусичаси» бирдан қувалашиб, Мушарраф рўпарасида тарс-тарс тепишид, «Ачомлашиб ўйнасанглар-чи, жувонмарглар». — деб ўтиб кетди у.

«Бўйдоқнинг ақли икки кўзида бўлади, айниқса, баҳор кези. Жон дейди. Нега жон демасин! Кимдан камлигим бор. Бир ўргатиб олсаму... Бирор биллиб ўтирибдими!» — деди Мушарраф ўрнига кириб ётгач, уйқуси ўчиб. Эти увшандек, ширин керишиб ўрнидан турди. Унинг вужуди ўт бўлиб ёнар, юраги эшитилгудек гурсгурс урар эди. Дераза олдига келиб, Қодир ётган уйга кўз ташлади. Чироғи ўчган. «Қачон ётибди? Нега чироғи ўчганини билмадим? Сезди. Атайн чирогини барвақт ўчирди. Бало!» — ўйлади Мушарраф ва ҳирс билан ҳовлига чиқди. Кўча эшикдан хабар олмоқчи бўлиб, Қодирнинг ўйига қулоқ солди. Жимжит. «Пойлаб ётибди», деб ўйлади, яна бадани жимиirlаб кетди. У ўғридек оёқ учida бориб, Қодир ётган ўйининг эшигини аста

очди. Шиппагини шу ерда счиб, ичкарига яланг оёқ кирди. Қодир ҳеч нарсадан хабари йўқ, бемалол ухлаб ётарди. Деразадан тушган ой ёруғи унинг азамат кўкрагини ёритарди. Қодирни жўрттага ўзини уйқуга солиб ётибди, деб гумон қилган Мушарраф ҳирс тўлғоғида титраб бориб, чўғ бўлиб ёнган лабларини унинг лабига босиб, жон-жаҳди билан қучоқлади. Чўчиб уйғонган Қодирни еб кўйгудек бўлиб, дер эди:

— Мен... мен, Қодиржон... Ўзим айланай! Жоним қоқиндиқ... Ҳеч кимга айтмайман...

Қодир иргиб ўрнидан туриб ўтирди. Мушарраф ҳамон унга ёпишиб, «мен... мен... ўзим айланай!» дерди, дир-дир титрар эди. Қодир шошиб қолган, тилига сўз келмас эди. Номус кучи билан кеннойиснин итариб ташлаб, ҳовлига ўқдек отилди. Салдан кейин кўча эшигининг очилиб-ёпилгани эшитилди.

Мушарраф турган ерида қотиб қолган эди. Бир томондан муродига етолмагани алам килса, иккинчи томондан кўз олдига қайнанаси лип-лип келар эди. Ҳаммасидан ҳам мақсадига етолмаганига чидолмас эди, ииғлаб юборди, ўзини Қодирининг каравотига зарб билан отди!

Эрталаб у ишига кетгунича, «яхши ётиб-турдингларми?» деб етиб келган қайнанасига Қодирдан гинахонлик қилди:

— Үғлингизнинг борадиган жойлари бор экан, шунча қилсан ҳам мени ёлғиз ташлаб кетдилар. Кечаси қўрқиб ўлдим.

Нима дейиншини билмаган Қодир:

— Ҳа, сизга айтиш эсимдан чиққан экан, ойи, бормасам бўлмайдиган иш эди!— деди дудуқланиб. Мушарраф эса, «қойил қилдимми!» дегандек унга кўз қирни ташлаб қўйди.

Ўз тадбирининг муваффақиятли чиққанидан қувонган Мушарраф ишига жўнади. Кечқурун шошиб келиб, наридан-бери овқатланиб, «мажлисим бор» деб пардоғандоз билан чиқиб кетди. Уч кун ўтгач яна... Келинининг авзойи бузуқлигини сезган хола ётиғи билан насиҳат қилган эди:

— Ўйга тиқилиб ўл, дейсизми!— деди.

Хола гапни бошқа ёқдан айлантириб келиб, этини ўлдирмоқчи бўлди:

— Майли, болам, ёшсиз, ўйнаб-кулсангиз ярашади,

үйда тухум босиб ўтириңг демайман. Лекин болангизга жабр бўляпти. Очин-тўқин қоляпти. Баъзи болаларга ўхшаб берганни еб кетавермаса.

— Ҳа, ҳеч нарса қилмайди!

— Ундай бўлса кўкракдан ажратиб қўя қолинг, зора овқатга ўрганса.

— Ҳалиям шундай қилмоқчиман, ҳамманинг жони ўзига керак: кундузи ишласам, кечаси бу сўрса!

— Майли болам, лекин сал ҳақи бор эди ҳали.

— Ҳақи!.. Ҳақи!.. Ўлар бўлсам ўлдим. Кеч қолсам сиз ҳўмраясиз, мажлисига бормасам идора...— деди Мушарраф ва бу ишлардан жуда норози кишидек косани товоққа, чойнакни пиёлага уриб, дастурхонни наридан-бери йигиштириди-да, ўйига кириб кетди. Ярим соатлардан кейин қайнанадан сўров йўқ, истов йўқ улама сочни серкиллатиб кўчага чиқиб кетди. Тун оғганда қайди. Эшик тиқиллаганини Адолат хола эшитса ҳам, атанин алламаҳалгача «сарғайиб ўл!» деб очмади. Буни пайқаган Мушарраф эшикдан кириши билан ўдағайлади:

— Нега мунча тош қотиб ухламасаларинг.

— Ҳа, уйқу ўликка teng, болам,— деди элагини тешиб кетган сичқонга ҳам озор бермайдиган Адолат хола.

Мушарраф қия очилган эшикдан ёнбошлаб кирар экан, ичкиликнинг аччиқ, қўланса ҳиди Адолат холанинг димоғини ёргудек анқиб кетди. Холанинг сабр коғаси тўлиб, ўйга киришгач, деди:

— Ичиб турган ошимга кўз ёшларим тўкилганни етмасмиди, келин! Бу нима қилиқ? Уятмасми!!

— Именинада эдим, ичмасам қўйишмади.

Адолат хола унинг изоҳига муҳтоҷ эмас эди, у неварасини бағрига босганича олиб чиқиб кетди. Мушарраф ҳам астойдил «қаёққа олиб кетяпсиз?» демади. Шу кундан бошлаб Мушарраф бошвогини қайнанаси қўлидан бўшатиб олди. Бу ҳам етмаганидек, «аллакимлар»нинг маслаҳати билан Содиқнинг олдинга талоғини сўраб кирди.

Бегона эркакнинг қўлидан унинг бадани сесканмайдиган бўлиб қолган эди.

Уч ойдан кейин Мушарраф Азида практикада бўлган касалхонага уни йўқлаб бориб қолди. Азида уйидан кетгандан берини Мушаррафни кўрмаган, фақат Қодир

орқали бу эиланинг бошига тушган бахтсизликдан хабардор эди. У Мушаррафни очиқ юз билан кутиб олди, лекин пардозини кўриб ҳайрон бўлди: наҳот бошига қора кун тушган хотин шунаقا юрса!

Азиза Мушаррафга яхшилаб назар солди: ўзини ҳам олдирмапти, фақат қовоқларининг остида халтум ва чуқур чизиқ пайдо бўлибди. У Азизани бир чеккага бошлаб ўтди. Жилпанглаб кулиб қўйди.

Азизанинг ғаши келиб, сўради:

— Иш билан келганимдингиз?

— Аввалам сизни соғиндим, кейин... кейин бир маслаҳатли ишим ҳам бор эди...

— Марҳамат!

— Айбга қўшмайсиз...— Мушарраф уялганга ўхшаса ҳам, лекин енгилтаклик билан жилпанглашини қўймас эди,— Содиқ акангиз унақа бўлган кезлари гумоним бор эди. Қаттиқ куйганимдан ўсмай қолди шекили, мана энди яна сезяпман. Шуни бир нарса қилсан дэвдим.

Азизанинг суриштиришидан шу нарса маълум бўлдики, Мушарраф Содиққа тақаётган бола у айтгандан кўра ёш, бунинг устига Азизанинг қулоғига кирган гаплар унинг гумонини тасдиқларди. Шундай бўлса ҳам таниш докторини илтимос қилиб, унга Мушаррафни кўрсатди. Доктор очиқ айтиб қўя қолди.

— Бола икки-икки ярим ойлик.

Бу ошкора гап Мушаррафни Азиза кутганидек шошириб қўймади, ишшайиб қўя қолди. Бу ишшайнish Азизанинг шунчалик нафратини қўзғадики, ҳайдаб чиқарнишига сал қолди. Бу етмагандек Мушарраф:

— Энди нима қилдик, Азизахон? — деб қолди,— ёрдам беринг.

— Нимага? — деди Азиза ўзини аранг босиб,— бизда аборт қилинмайди.

— Таниш-билишингиз бордир. Хафа қилмасман, хизмати учун мана шу билагузугимни берардим.

Бу сўз ёпиб турган оловга қўйилган бир чеклак мой бўлди, Азизани тирногигача ларзага келтирди:

— Дадасига берсангиз, абортчи ҳам топиб беради! Уятси! Шарманда!

Бир ҳафтадан кейин шаҳарнинг кам қатнов кўчала-ридан бирида хотин кишининг мурдаси топилди; ҳамма

ҳайрон: қўлида қўшбилагузук, сумқасида анчагина пул.
Бирор ери чақа бўлмаган.

Кейинчалик экспертиза аниқлашича, шу атрофда кимдир уйида яширинча abort қилган. Ҳомиладор abortдан омон чиқмагач, кечаси ўлигини кўчага чиқарип ташлаган.

Бу Мушарраф эди.

7. «СИЗНИ ДЕГАНИМ ДЕГАН, ҚОДИРЖОН АКА!»

Мирсалим қизининг ташлаб кетганига сира чидолмас эди!

Аввал у Азизанинг бунчалик кўнгли қаттиқ деб ўйламаган, ёлғиз ота-онасига раҳми келади, қиз боши билан қаёқса ҳам боради, бугун биронта ўртоғи ёки қариндошиникида ётиб қолса, эртага сувга тушган мушукдек бошини эгиб кириб келади, деб ўйлаган эди. Шунинг учун ортиқ ташвишланмасдан, ҳатто хотини у чиқиб кетгач, кўз ёши билан:

— Дод, бу қандай ноинсофлик! Қайтаринг-чи, қайтаринг! — деб ёлворгандан ҳам пинагини бузмаганди. Ҳаммадан унга Азизанинг: «Қўрқасизми? Амалдан тушиб қоласизми?» — дегани алам қиласар, ўз қизининг, яккаю ёлғиз қизининг оғзидаи чиққан бу сўз унинг энг нозик ерига бориб теккан.

— Қизинингнинг томони бўлсанг, сен ҳам бор кетидан, бор! Менга бунақа қиз керак эмас! — деб туриб олди. Айвон четида турган човгумни тепиб юборди, қозиқда илиғлиқ турган сочиқни олиб ерга отди, уйга кириб кетди. Лекин уйда ўтиромади. Бошини қаёқса уришни билмас, уйнинг шифти паст ва ўзи торга ўхшар, ҳаво етишмасдан бўғилаётгандек безовталанаар эди. Бир ерда ўтиришга сабри чидамас эди. Агар шу чоқ Азиза эшикдан кириб келса, яна ҳайдаб юборишга тайёр эди. Наҳот шу гапларни ўз қизи, бино қўйиб, пуф-пуфлаган қизи айтган бўлса!

Вақт ўтган сари Мирсалим совиб, аслига қайтди, лекин Азизанинг сўзи ва шиддат билан эшикдан чиқиб кетиши кўз олдидан кетмади.

Қизининг феълинни эридан кўра яхши билган хотини туни билан йиғлаб чиқди, тиқ этса қулоғи эшикда бўлди, ҳатто шифтнинг қаериладир сичқонининг қитирлати-

ши ҳам эшикнинг тақи́ллашига ўхшаб эши́тилди. Эри-
га бир оғиз сўз демади. Эрталаб нонуштасини дастур-
хонга қўйиб, ўзи ўти́рмади.

Мирсалим унинг хотинлигига бориб ортиқча таш-
вишланишига парво қилмай, ишига кетди. Келгунича
Азизанинг уйда бўлишига шубҳа қилмас эди. Лекин у
уйга қайтганда Азизанинг ўзини эмас, у юборган хабар-
ни эши́тилди: у бундан кейин институт ётоғида яшар
эмниш!

Бу Мирсалим учун кутилмаган янгилик эди. Қизи-
нинг бунчалик бир сўзлигига энди ишонгандек бўлди,
жаҳл устида ёнида турган хотинини:

— Мана, ўстирган арзандангнинг қилгани! — деб
тарсаки билан қўйиб юборди. Кутилмаган тарсакидан
гангиган хотин ҳатто йиғлашини ҳам билмай:

— Урмай қўлингиз синсин! — деди чаккасини ушлаб.
Унинг юзида шапалоқнинг иззи қолган эди.

Мирсалим қизининг кетиб қолганидан кўра, маҳал-
ла-қўйининг таънасидан кўпроқ қўрқар эди. Эртага бит-
таси чиқиб, «битта қизини эплаб ололмаган одам, дип-
ректор бўлиб қаёққа борди!» дейиши мумкин. Шу гап
маорифда қўзғаб қолса борми, унда, вассалом!

У шу пайт қизини ўнинчи синфи битиргандан кейин
уйга ўтқазиб қўймагани, жойи чиққанда оёқ-қўлини
боглаб бўлса ҳам эрга бериб юбормаганидан пушаймон
бўлди. «Ўқисин, ўғи́л ўрнини босадиган қиз», деганлар-
нинг ҳаммасини минг балога гирифтор қилиб қарғади,
пайти келганда ўч олшни кўнглига туғиб қўйди. Улар
дўстлигидан эмас, гўё шундай куннинг унинг бошига ту-
шишини олдиндан билиб, атайнин қўйини пуч ёнғоққа
тўлдирган бўлиб қўринарди.

Энди нима қилди? «Узоқлик қилди, ётоқда ётиб ўқи-
япти» деса, кишилар ишонармикин? Керак бўлса бун-
дан ҳам яхши важ-карсон топади. Лекин Азизанинг ти-
лини bogлаб қўёлмайди. Уйини, ота-онасини ташлаб
кетган қиздан ҳар нарсани кутниш мумкин. Олдини
олиш керак!

Чора топди: «Онасини юбориш керак. Бу лаънати-
ларнинг тили битта. Йиғлаб-сиқтаса қайтиб келишга
унаши мумкин».

Азиза онасини қучоқлаб қарши олди, бир оз кўз ёши
ҳам қилишди. Лекин уйга қайтмаслигини қатъий айтди:

— Албатта, ота безорилик яхши эмас. Лекин бошқа

иложим йўқ. Бир томондан, билмаган эканман, ётоқ яхши, дарс тайёрлашга қулай экан.

Қиз онасининг оғир аҳволда қолганини яхши фаҳмлар, унга жабр бўлганидан хафа эди. Не чораки бошқа йўл тутишин эса, виждонини қийнар, қорани оқ, ёлғонни рост, совуқни иссиқ деб ўзини алдаш бўлар эди. Бу онасининг қийналишидан ҳам оғир бўлар эди. Шунинг учун онасини қучоқлаб:

— Ойижон! Мен сиздан хафа эмасман. Келиб туринг, соғинтириб қўйманг,— деди.

— Даданг мени тириклайн гўрга тиқади-ку, қизим, бу йўлингдан қайт! Қайси ота қизини койимапти!

— Бу койиш эмас, ойижон, ҳақорат, остида катта гап бор. Қодирни севганим ёки у ёмон одам бўлгани учун эмас, ўзининг амалини, нафсини қизганиб, мендан узоқлатмоқчи. Бундан ўтар пастлик борми! Агар Қодир ёмон бўлиб, мен уни фаҳмламай юрган бўлсан, дадамнинг бу гапига раҳмат дердим. Ҳозир Қодирнинг қандай аҳволда эканини билсангиз эди! Бу гапларни мен унга билдирганим йўқ, билдириб ҳам бўлмайди. Унга шу кунларда мадад бўлмаган киши дўстми? Йўқ! Қодир ҳалол йигит! Кўнглингиз мендан тўқ бўлсин!

Қизининг жавоби узил-кесил эканига ишонгани она бўшашиб уйига қайтди. Эрига юмшатиб: «ётоққа келиб қолдим, энди беш-үн кун тура турай, дарс тайёрлашга яхши бўлар экан» деяпти деб етказди. Мирсалим бу жавобга унча ишонмаса-да, бир оз кўнгли таскин топди. Демак, Азиза одамларга ҳам шундай дейди, бу жавоб эса, Мирсалимни гап-сўз бўлишдан асрайди. Лекин Мирсалим бир ҳафтадан кейин яна куз ҳавосидай бирдан айнаб қолди; кўнглига бир фикр келди: Азизанинг Қодирдан узил-кесил умидини узиб қайтариб келтирадиган бирдан-бир йўл — Қодирни институтдан ҳайдатиш. Шунда у лаънатидан кўнгли совийди.

Мирсалимга бу фикр жуда ёқиб кетди, ўзининг ақлига қойил қолиб, «қичқир хўроэим»ни ғинғиллаганича уйга кириб кетди. Қуриб қолган сиёҳдонга сув қўйди, қофозни наича қилиб, учи билан сиёҳдонни ковлаштириди. Ним ранггина сиёҳ бўлди. Олдинига «шу ҳам яхши. Сиёҳга кам иши тушадиган меҳнаткаш одам ёзибди», деб ўйлайди, кўнглидан ўтказди у, кейин қуригандага яна ҳам рангсиз бўлиб, ўқиш қийинлашувидан қўрқиб, бинафша ранг қаламдан тараашлаб солди, ҳалиги қофоз

иайча билан аралаштириди. Яхши эрисин, дегандек, бир оз қўйиб берди, яна «қичқири хўрозим»ни хиргойи қилиб, уйнинг у бошидан бу бошига юрди. Ўз суратининг нақшин рамкасига ўтирган чангни қўли билан артиб, «ёшлиқда ҳам чакки бўлмаган эканман, телпакни чаккага қўндиришни кўр!» деб фахрланди, йўқ мўйловини силаб қўйди. Деразадан ҳовлига қаради. Хотини ўзича ниманидир пичирлаб, ивирсиб юрибди. Қизи кетгандан бери шунаقا ўзи билан ўзи пичирлаб гаплашадиган бўлиб қолган, баъзан ёнидаги киши bemalol әшитадиган қилиб ҳам сўзлаб юборади. Мирсалим хотинининг бу аҳволи қаттиқ хафалигидан эканини билса ҳам, бирон марта кўнглини кўтариб қўймайди, икки оғиз ширин сўзини хайф қўради.

У сиёҳни яна бир аралаштириб, ўтириб ёзишга кириши. У ҳаммага маълум дастхати билан эмас, уни бузиб, ҳарфларга турли шокилалар улаб, бошқа томонга қийшайтириб ёзар эди. Хат Қодир Қўчқоров халқ душмани Содиқ Қўчқоровнинг туғишган укаси экани, бир ҳовлида туриб, бир қозондан ош еб, бир чойнакдан чой ичгани, унинг ҳам «севимли Шўро ҳукуматимизга» хайриҳоҳ эмаслиги тўғрисида борар эди. «Бундай ёт унсурнинг қўли қадоқ, чопони ямоқ меҳнаткаш халқ болалири билан бир партада ўтириб ўқиши биз соғи виждонли кишиларни ажаблантиради. Бундай унсурга билим ўчиқларимизда ўрин бўлмаслиги керак!!!» деган сўзлар билан тамомланди.

Мирсалим хатни қайта ўқиркан, ўзи заковатига қойил қолиб, ишшайнб қўйди, эҳтиёт билан бувлаб, конвертга солди. Бирор йўлда очса сезиладиган қилиб, яхшилаб елимлади. Устига Қодир ўқийдиган институтнинг адресини ёзиб, директор номига юборди.

Бир ҳафтадан кейин Қодирни институт директори чақирди. У юраги орқасига тортиб кириб борди. У директор билан ҳеч вақт қамти келмаган, фақат кўрганинагина салом бериб ўтарди. Кабинетда директордан ташқари яна ўқув ишлари бўйича ўринбосари, декан, комсомол комитетининг секретари ва Қодир лавозимили билмайдиган яна икки киши ўтиради.

Қодир ўртала тўхтади. Гапни директорнинг ўзи бошлади:

— Бизга маълумот тушди. Шуни аниқламоқчимиз. Содиқ Қўчқоров сизга ким бўлади?

Қодирнинг юраги «шув» этиб кетди:

- Акам.
- Туғишиганими?
- Ҳа.
- Ҳозир қаерда?
- Қамоқда.

Комсомол комитетининг секретари орага сүқилди:

- Нега шу вақтгача яшириб келдингиз?

Директор унга, мен ҳали саволимни тугатганим йўқ эди-ку, дегандек норизо қараб қўйди.

Қодир бундай савол тушишини аллақачон кутган ва бунга жавоб ҳозирлаб қўйган эди:

— Ўртоқ Сталин бола ота учун, ука ака учун жавобгар эмас, деган.

— Мен сиздан ким ким учун жавобгар эканлигини сўраётганим йўқ, нима учун институт колективидан яшириб келдингиз?

Секретарнинг баланд келиши Қодирни чўқтириди, то-
вуши титради:

- Яширганим йўқ.
- Бу яшириш бўлмай, нима?
- Ҳеч ким сўрамаса, кимга айтаман.
- Хабар қилсангиз, албатта, яхши бўларди,— деди директор вазмин бир тарзда ва секретарь томонга «Сиздан катталар ҳам бор бу ерда, кўп шаталоқ отаверманг», дегандай назар ташлаб, бошқаларнинг ҳам ўз фикрига диққатини тортди.— Эҳтимол, сиз атайин бекитиб келмагандирсиз. Лекин натижаси яширганга ўхшаб қолибди, шундай деб шубҳа қилишга ўтирганларнинг ҳақи бор.

Ғамхўрлик билан бошланган бу салмоқли гап ўпкаси тўлиб турган Қодирнинг тик бошини эгди, кўзига ёш қўйди. Директор ундаш яна оиласига доир саволлар сўраб бўлгач, деканга юзланди:

- Қандай ўқийди? Ахлоқи?

- Ўқиши аъло, одоби ҳам яхши, аммо мана шу томони сал яхши бўлмапти-да...— деди тил чайнаб декан. Студентлар ичida «Ажойиб одам, студентнинг устига тоғ қуласа тутиб қолади», деб шұҳрат топган деканнинг бундай латта чайнаши, ҳатто суюб турган директор томонига ўтишга ҳам юраги бетламаётгани Қодирнинг ихлосини қайтарди.

Комсомол комитетининг секретари сўз олиб, Қодир-

га шунаقا сифатлар бердики, Қодирнинг ўзи ҳам «гап менинг ҳақимда кетяптими?» деб ёқа ушлаб қолди. Охири секретарь институтдан ҳайдашни талаб қилди. Декан яна эзмаланиб, гапни айлантириб-айлантириб секретарнинг таклифига қўшилганга ўхшаш мужмал бир хулоса чиқарди.

Энг сўнг Қодирнинг ўзига сўз берилди, лекин у шунчалик шошиб қолган эдик, дилидаги гапини тузатиб айтиб беролмади. Үқишини жони-дилидан севишини, иккни йил армияда шуни ўйлаб куни-тунини ўтказганини айтиб, пінғлаб юборди, ўқишида қолдиришларини ялиниб илтимос қилди.

Директор ўрнидан туриб, кабинетининг ўртасига тушди. Бошини қуий эгиб, ёшини маржон қилиб тўкаётган йигитга оталарча қараб қўйди. Бошини кўтариб ёшини артиб қўйиш кўнглидан ўтган бўлса ҳам, журъат этмади. Олдига бориб, елкасидан сал ушлаб, чиқиб кетавериши мумкинлигини айтди.

Қодир эшикни орқасидан ёпар экан, «тамом бўлдим, ўқиши ҳам ўлдӣ» деб кўнглидан ўтказди. Трамвайга тушса юраги сиқилиб кетадигандек пиёда жўнади... Уйига етиб боргунича ҳаммасини муҳокама қилди: акасининг қамалганидан тортиб, Азиза билан бўладиган бундан кейинги муносабатигача, институтга киришга ариза беришдан тортиб, ҳайдалиши (наҳотки!), ундан кейин қиласидиган, қилини мумкин бўлган ишигача — ҳаммасини бир-бир ўйлади, тарозига солди, ўлчади, қирқди. Лекин ҳайдалиши ҳақида буйруқ чиққунча, ҳатто буйруқ чиққандан кейин ҳам ўқишига қатнай бермоқчи бўлди. Барибири шу институтга бир куни яна киради, уни битиради, бу унинг аҳди, орзуси.

Қодир эртасига барвақт келиб, буйруқ ва эълонлар ёпиштириладиган таҳтага югорди. У ерда ҳеч нарса йўқ, эртасига ҳам, индининга ҳам ҳеч нарса чиқмади. Лекин ҳафтанинг бошида чиққан деворий газетада унинг пўстаги тоза қоқилган эди. Унинг аудиторияда хўмрайиб ўтиришидан тортиб, кутубхонанинг китобини атайлаб кечикиб топширишигача, ўз биографиясини яшириб, халқ душмани акаси билан ҳамон алоқа тутишигача тилга олинган эди. Студентлар ёпирилиб ўқир, бир-бирига пичирлаб нималарнидир тушунтиришар, яна бошқатдан ўқишиар эди. Қодир газета олдида туролмади, ташқарига чиқиб кетди. Касалга ўхшаб уйига

қайтди. Бир ҳафта ётиб қолди. Тузалиб, институтга келганды, унинг ҳайдалгани ҳақидағи бүйруқнинг бир чети аллақачон йиртилган, ўтган-кетганинг шамоли уни ҳилпиратарди.

* * *

Азиза билан ҳамётоқ бир қызниң олдига ўртоқлари келишди. Улар ҳам студентлар экан. Гапдан гап чиқиб, қызлар институтларыда кечагина бўлиб ўтган воқеани сўзлашиб қолишли. Бир студентни аввал деворий газетада дўппослашибди, кейин комсомолдан ўчириб, институтдан ҳайдашибди!

— Жуда қобилиятили студент эди! — деди бири.

— Бoodоблиги-чи! — деди бошқаси.

— Савуқ ҳам мевали дарахтни уради, — деди Азизаниң ҳамётоғи нотаниш студентга ачиниб. — Ҳимоя қилмадингларми, аммамниңг бузогидай кўзларингни лўқ қилиб туравердиларингми!

— Акаси халқ душмани экан, — деди бирини қиз.

— Енига тушганлар ҳам бўлди, — деди бошқаси.

«Халқ душмани» сўзи қызниң ҳам нафасини ичига тушириб юборди. Лекин бу гаплар Азизаниң юрагига ташвиш солди, ўзини босиб сўради:

— Ким деган?

— Қўчкоров. Исмини билмадим. Сен биласанми? — шериги ҳам исмини билмади.

— Қўчкоров? — деди ўз қулоқларига ишонмай Азиза, тирногигача музлаб. — Иўғ-э! Акаси қамалган бўлса, унга нима!

— Сиз уни танийсизми? — деди қызлардан бири.

Азизаниң қулоғи остида тўппонча отилгандек том битган, ҳеч нарсани эшитмас эди. Меҳмон қызлар кетгач, у ҳамётоғига аста:

— Фамилияси Қўчкоров бўлса Қодир-да, — деди оғир касалдан энди турган кишидек инқиллаб.

— Иўғ-э, бошқадир! — деди ҳамётоғи Азизани хафа қилгиси келмасдан.

— Кошки эди! Лекин юрагим сезишича, ўша!

Азиза соатига қаради. Ҳамма ерда машғулот тугаган. «Қодир қаерда экан? Бошига шундай оғир кун тушса-ю, мен бехабар қолсам! Нега ўзи ҳам айтмади, ёки «энди нима қилдик?» деб келмади? Қизиқ! Е бошқа Қўчкоровмикин? Бошқадир! У бўлса келарди, дардини

ўртоқлашарди! Йўқ, у эмас! Бошқа, нотаниш одам!» — деб ўйлади Азида ва ўша нотаниш студентга ҳам ачинди. «Бечора! Энди нима қиласди? Наҳот одамлар бир-бирига шунақа бераҳм: акаси учун укасини ўқишидан маҳрум қилишса! Наҳотки, ёмоннинг укаси ёки ўғли, қизи ҳам ёмон бўлса! Бу жуда ғалати-ку! Ноинсофлик, бағритошлиқ-ку! Бундай бўлмаслиги керак. Қишиларга ишониш, эртасидан умидвор бўлиш керак. Ахир инсон балиқ эмаски, зўравони ожизини ютиб, ҳаёт кечирсан!»

Хаёли узоқларга қанотлаб кетиб, қалбига тушган ташвишни сал унуган Азида, яна бир оздан кейин қаттиқ безовталаниб қолди: унинг юрагига ташвиш солган студент бегона эмас, ўз кишини, ўз севиклиси Қодир! Юраги шундай дерди.

— Мен билан бирга бўлсангиз,— деди ҳамётоқ дугонасига. У Қодирникига бормоқчи, эшикни ўзи тақиллатгани уялиб, у қиздан илтимос қилмоқчи эди. Қиз рози бўлди. Лекин бу режаси Азизанинг ўзига жуда эриш кўринниб кетди: «Наҳот шундай пайтда ҳам уятни тиқиб қўйган бўлса!» деб ўйлади ва ўзи ёлғиз боришга қарор қилди.

— Майли, кечирасиз, ўзим бораман,— деди у ва эшикка ўқдек отилди.

Бу шахти Қодирларникига яқинлашган сари пуфадек бўшаган бўлса ҳам, анча дадиллик билан эшик қоқди. У Қодирнинг ўзи чиқишини истарди. Йўқ, Адолат хола кўриниш берди:

— Келинг, болам?

Азида салом бериб, елкасини тутди. У дардини қанақа қилиб айтишни билмай турган эди, «Ким, ойи?»— деб Қодирнинг ўзи чиқиб қолди.

Азизанинг эшик қоқиб келишига мажбур этган нарса нима эканини дарров тушунган Қодир:

— Ойи, мен ҳозир келаман!— деганича Азизанинг олдига тушди.

— Вой, ичкарига кирмадингиз-а, қизим, чой тайёр эди!— деганича Адолат хола қолаверди.

Иккиси ёнма-ён борар, иккисидан ҳам нидо чиқмас эди. Қодир шу ҳафта ичидәёқ сўлиб тушган, кўзларида аввалги чақнаш, юрншларида дадиллик, туришида ғурур ўйқ. Хаёл ва ташвиш билан ўтган шу кунлар унинг қадам олишидан тортиб, нигоҳ ташлашигача — ҳамма-

сигача ўз тамғасини босган. Гүё ўзга бир олам кишиси бўлиб қолган эди. Ҳаётдан ўз улушини олишга қодир, шу улуши умидидан қайтмаган, лекин шу умидини қандай қилиб рўёбга чиқариш дардидা ёнаётган азамат бир вужуд Азизанинг ёнида борарди. Бу вужуд бутун қалби, куч-қуввати, орзу-эҳтироси билан истиқбол ишқида ёнарди, унга ўз ҳиссасини ҳалоллик билан қўшиш иштиёқида эди. Лекин интилиш йўлида тўсиқ пайдо бўлган, бу тўсиқ уни вақтинча тўхтатган, лекин кетидан қайтармаган ва қайтаролмас эди.

Бунинг барчасини ақли билан кўриб, қалби билан сезиб бораётган Азиза тафсилотини сўрашга ботинмади... Фақат бу кўнгилсиз воқеани ўзидан сир сақлаганинг сабабини билмоқчи бўлди:

— Нега мендан яширдингиз, Қодир? Ишонмадингизми? Кўрқдингизми?

— Йўқ, Азиза, яширмадим, яширадиган ери йўқ. Ишнинг бунчалик терс бўлиб кетишини ўзим ҳам кутмаган эдим. Гангид қолдим. Кейин сизнинг ўз ташвишингиз ўзингизга етади. Қўйинг, ўзимникини ўзим тортай! Сизга теккан касрим ҳам етади.

— Йўқ, шундай эмас! Демак менинг елкамга тушган оғирликдан сизнинг белингиз қайишмаган экан-да, мендан яширасиз!

— Йўқ, Азиза, сиз тўғри тушунинг! Фараз қилайлик, мен сизга барчасини айтдим, аламингизга алам қўшдим, бирга хафа бўлдик. Хўш, бундан нима чиқади, менинг ишим ўнгланмайди-ку. Шунинг учун жилла бўлмаса, биттамиз ортиқча ташвишдан холи бўлиб турайлик, дедим. Бошқа мақсадим йўқ.

— Шундай қилсан эшитмайди, деб ўйладингизми?

— ...Киши ташвишли хабарни кечроқ эшитгани яхши!— деди Қодир ўзини зўрлаб кулиб.

Улар қаерга боришлирини аниқ билишмас, кўз тушиб, оёқ юрган томонга кетишмоқда эди. Олдиларидан хиёбон чиқиши билан Қодир, шу ерга ўтирумаймизми, деган маънода:

— Қаёққа кетяпмиз?—деди.

Азиза индамади. Қодир бошлаган томонга юриб, четроқдаги скамейкага ўтириши. Бу ерда одам кам, ўткинчилар сийрак. Даражат орасидаги чироқлар ҳўл ўтишнинг оловидек нурсиз.

Аэизани Қодирнинг жавоблари қаноатлантиргасъ, бу воқеанинг остида бошқа бир сир борга ўхшаб туюларди. Акс ҳолда наҳотки, шунча воқеа бўлсаю, бир марта дардлашгани бормаса! Тўғри, Аэиза ётоққа келгандан бери улар кам ваъдалашиб учрашар, Қодир ўзи истаган пайтида кириб келаверар эди. Аэиза ой сари оғирлашаётган дарси билан бўлиб, Қодирнинг сўнгги ҳафта ичида келмаганини ҳам унуглан экан. Ё шундан хафа бўлиб, ўзинг хабар олмадинг демоқчими? Ҳар ҳолда унинг юрагида нимадир бор. Буни Аэиза билиши керак. У гапни асосий масаладан бошлади:

— Энди нима қилмоқчисиз?

— Нима қиласдим: ишлайман, ойимни боқаман. Иш ҳам топиб қўйдим.

— Дарров-а? Қаердан?

— Нима, азасини тутишим керакми? Қўшни райондаги МТСдан. Электро-механик вазифаси бор экан. Кимман, қанақаман — ҳамасини директорига айтдим. «Бизга яхши ишласангиз бўлди», — деди. Оғир-енгилни кўрган одамга ўхшайди.

— Энди ўқишдан умидингизни уздингизми?

— Мен-ку, узганим йўқ... Ким билади тағин... Бу тўзонли шамол ўтсинн-чи!

— Ҳеч кимга учрашмадингизми!

— Кимга учрашаман? Аввал акамнинг иши бир ёқлик бўлсин.

— Кесвөрган дейншади-ку!

— Кесишига кесган. Сигир қора сут беради деса, ишонаман, лекин акамнинг сиёсий жинояти борига ишонмайман. Мутлако ишонмайман! Жиноятчи эмас, покиза киши томонида эканимдан, виждон азоби тортаётганим иўқ. Фақат ноҳақликининг оқсоқ оёғи бунчалик тез юришидан ҳайратдаман. Лекин буни ҳам бировга айтиб бўлмайди. Мана шуниси оғир!

Улар узоқ ўтириб қолишли. Тун қоронилиги чироқлар раангини равшанлаштирди. Ўткинчилар сийраклашди. Кўршапалак чарх уриб, дарахтлар орасида изғийди, кутилмаган чаққонлик билан шохлар орасидан шўнғиб чиқиб қолди. «Қалдирғочдай чаққон-ку, нега кишилар уни ёқтиришмас экан, а? Кечаси учгани учунми?» Аэиза кўршапалакни кўзидан қочирмай, изидан кузатиб турди. Иўқ, имкони бўлмади, иккинчисп унинг кўзини чалғитиб кетди.

— Азиа,— деди Қодир кафтларини бир-бирига ёпишириб, иккى тиззаси орасига қисар экан, ерга қараб,— бу нарсалар ҳаммаси ўтиб кетади, ҳақ жойини қачондир топади. Лекин...

Азиа ялт этиб унга қаради.

— Азиа, очигини айтайми? Сиздан хавотирим бор. Сиздан ажралиб қолиш олдида бу ташвишлар бар...

— Нима деяпсиз, Қодиржон ака?

— Йўқ, Азиа, мендан яширманг. Энди мени сизга тенг эмасман. Сиз уч йилдан кейин врач бўласиз? Менчи, мен... Йўқ, мени қўйинг! Ҳозир бўлмаса ҳам, бари бир бир куни ўкинасиз, яхшиси ҳозир орани очиб... Кейин менга жуда оғир бўлади, ҳозир чидайман, шунча қийинчиликлар орасида ўтиб кетади.

— Менга қаранг, нима деяпсиз?

— Азиа, шунда тўғри бўлади. Барни бир кейин армон қиласиз.

— Ҳой, сизга бир нарса бўлдими? Бирордан бирор гап эшитдингизми?

— Йўқ, эшитганим йўқ! Ахир бу кўриниб турган нарса-ку, Азиа.

— Ҳали шунинг учун сендан четда юрибман, денг!

— Рост, яширмайман. Буйруқ институтдан ҳайдалишим учун эмас, сиздан ажралиш учун чиқсанга ўҳшайди, шу буйруқ билан ҳамма нарса тамом бўлди, Азиа...

Киз унга ўғирнилиб, бирдан елкасига қўлинни ташлади.

— Қодиржон ака,— деди у,— мен сизни инженер бўлишингизни эмас, ўзингизни яхши кўрганман. Сизни деганман, сизни дейман ўла-ўлгунимча.

— Ростми? Ростданми, Азиа?

— Рост, Қодиржон ака! Сизни деганим деган!! Қодир кўзида ёш билан Азизани бағрига босди.

Азиа бу гал унинг бағридан чиқиб қочмоқчи эмас эди.

Қодир билан Азизанинг муҳаббати чийланган ипга ўҳшарди, узаман деганинг қўлинни қийса қиярдики, узилмас эди!

Кўршапалак ҳамон дараҳтлар орасида чарх уради. Тун ойдин, ёруғ...

Бир ҳафтадан кейин Азиза касал бўлиб қолди. Унинг касалхонада ётганини эшитган Қодир нафаси оғзига тиқилиб етиб борганда, кўричакни операция қилиб бўлишган экан. Ранги ўчиб кириб борган Қодирни Азиза табассум билан қарши олди:

— Яхшиман, қутулдим,— деди ва севган кишисининг бунчалик куйиб кириб келганидан боши осмонга етди. Чиндан ҳам Қодир жуда қўрқиб кетган эди. Шунинг учун ҳадеганда тилига сўз келмади. Азизанинг қон қочган юзлари ҳамон ташвишда.

— Ўзингизни анча олдириб қўйибсиз,— деди.

— Енгил бўлса ҳам операция-да!— яна кулди Азиза,— уч-тўрт кунда оёққа туриб қоламан.

— Мен эртага яна келаман.

— Овора бўлманг, Қодир ака, бир-икки кун ўткизиб келсангиз ҳам бўлади. Яхшиман, руҳим енгил, ойимлар келиб-кетдилар. Хабар олиб турадилар.

— Дадангиз-чи, келдиларми?

— Йўқ. Қўли тегармиди у кишининг, амалларига птур етади!— «орамизни биласиз-ку», дегандек Қодирнинг кафтидаги қўлини сиқиб қўйди.

Қодирнинг узоқ ўтиргиси келса ҳам, ҳамшира «бўлди, касални уринтирамг», деб қаршилик билдири. Ночор қолган Қодир муҳаббатдан маст, хомуш кўзларини Азизадан узолмай, зўрға ташқарига чиққанда бирдан Мирсалимга рўбарў келиб қолди. Қодирнинг кимнинг олдидан чиқиб келаётганини яхши билган Мирсалимнинг тепа сочи тикка бўлди. У кейинги вақтларда пайдо бўлган димоғ билан, Қодирни менсимаган бир оҳангда:

— Сиз бу ерда нима қилиб юрибсиз?— деди. Қодирга гапининг ана шу оҳангни жуда малол келди. «Минг қилса ҳам Азизанинг отаси» деб турган эди, кейин бирдан андишани шартта йигиштириб, унинг ўз оҳангига жавоб қайтарди:

— Мен сиздан сўрамоқчи эдим, сиз нима қилиб юрибсиз?

— Мен қизимни кўргани...

— Мен ҳам севган кишимдан хабар олгани келдим!

— Биласизми, йигитча, бу тентакликни қўйсангиз, Азиза сизнинг тенгингиз эмас.

— Қачондан бери? Акам қамалмасдан илгари ҳам шунақамиди?

Мирсалимга бу таъна тикан бўлиб ботди, зардаси қайнади:

— Акам... акам! Аканг нима? Акангнинг кимлигини билдик! Гап шу: оёғингни тий!

— Азида келма, демас экан, оёғимни тиймайман!

— Йўқ, унинг ихтиёри менда: отасиман!

— Амалим деб уни уйдан ҳайдаган отасисиз-да! Мен сизни яхши ташийман.

Қодир нозик жойидан олган эди. Мирсалим шошиб қолди:

— Мен уни қувганим йўқ, ўқишга қулай деб ўзи ётоққа кетган.

— Шунақами! Жуда яхши жавоб топиб қўйибсиз-ку! Уялинг оқни қора дегани! Бўлмаса сиз ҳам билиб қўйинг: Азида сизниг қизингиз бўлгани билан ихтиёри ўзинда. Мен уни, у мени севади — қўлингиздан нима келса шуни қилишингиз мумкин, осмон қўлингизда бўлса ташлаб юборинг.

Қодир шу гапни айтди-ю, шарт бурилиб чиқиб кетди. Қўлида пакетини қучоқлаганча Мирсалим қолаверди.

У учрашишнинг бунчаликка бориб етишини кутмаган эди: у хивич ҳисоблаб юрган Қодирнинг эгиб бўлмас йўғон чинор эканидан ҳайратда қолди. Қодирнинг сўзлари унга шунақа алам қилдики, Азизанинг олдига киришдан ҳам воз кечиб, қўлидаги совфасини ерга урдида, орқасига қайтди:

— Бундан бешбаттар бўл.

8. МАРАТНИНГ АЯСИ

Нима бўлди-ю, Жаннатнинг йўли шаҳарнинг бу томонига тушиб қолди.

Куз. Дараҳтларнинг мўрт бўлиб қолган тилла ранг япроқлари сал шамол билан дув тўклилади. Юқори шоклари аллақачон яланғоч бўлиб бўлган, уларга низомнинг укфа иплари илинган.

Ҳаво яхши, илиқ. Эрталаблари сал салқин бўлмаса, кундузлари «чивинсиз ёз» — эрталаб кийган кийиминг тушга бориб оғирлик қилиб қолади. Ҳозир айни туш

чоги бўлганидан Жаннат жакетини билагига солиб олган. Аввалгидан сал тўлишган юзлари бўғриққан кўрилади.

Ха, у ўзини тутиб олган. Гарчанд Содиққа «Ўзингизни қийнамаңг, мен рози» деб, уйланишига розилик берган бўлса ҳам, бу ўртада Мушаррафнинг дарров тиқилиб қолиши, ҳадемай ҳомиладор бўлиб ҳамма ёқقا овова тарқатиб юбориши Жаннатга пишмаган патани ёришдек азоб берди. Шундан кейин бу уйда туролмади, энди орқа эшикдан кириб-чиқиб юриш ҳам унга малол келиб қолди. Бунинг устига, бир куни Мушаррафнинг Содиқ билан бўлган кўнгилсиз тўқнашувига, тўғриси, жанжалига беихтиёр гувоҳ бўлиб қолди. «Оҳ, бечора эрим, кўмир деб оловни чангаллаган экансан!»— деб юраги ачиди. У Содиқни ҳамон астойдил севарди. Унинг озор чекишига асти чидамас эди. Адолат холанинг «жон болам, энди сиз қизимсиз, қаёққа борасиз, рухсат бермайман», дейишига қарамай, кўчиб кетди. Гарчанд «келиб тураман, ойи, сиздан бошқа кимни бор бу шаҳарда» деган бўлса ҳам, кеѓинчалик келолмади. Мушаррафдан ҳайқиди. «Ўзи жанжални пулга сотиб оладиган, лаби юпқагина экан, тагин кўнглига бошқа нарсалар келиб тинчлигимни бузатётган кундошим деб юрмасин!», деган андиша билан келмади. Соғинчини, ала-мини ичига ютди. Бу орада Мушаррафнинг кўзи ёриди. Содиқнинг оғзи қулоғига етиб, қувониб юрди. Бунинг ҳаммасини орқаворатдан эштиб, Содиқнинг орауси ушалганидан гоёнибона севинган бўлса ҳам, юрагининг аллақаерини совуқ шамол елпиб кетди, бадани зирқиради. Ўша зирқирашни инсоф кучи билан енгиб, «ҳа, майли, дунёда битта баҳтсизнинг камайгани яхши», деди ичида.

Лекин Содиқнинг бу кечиккан баҳти узоққа чўзилмай, баҳорнинг мунаvvар кунларида бирдан бўралаб қор ёққанидай, унинг бошига кутилмаган қора кун тушди. Етти ухлаб тушига кирмаган бу воҳеа Жаннатни шошириб қўйди, сабабини билмай гангради. Ахир уни Жаннатдан ортиқ ким яхши билади! Содиқ баъзи эркаклар сингари ишларини «бу аёллар иши эмас, улар билмаса ҳам бўлади», деб ундан сир тутмас, балки ошкора ўртоқлашар, маслаҳатлашар эди. Ёки Жаннатдан кейин бирор ғалати ишга қўл урдимикин? Йўқ, Содиқ унақа дарров ўзгариб қоладиган иродаси мўрт ки-

шилардан эмас эди! Бирор неговар, ғаламиснинг касрига колдимиликан?..

Ана шунда Жаннат Содиқнинг ўз юрагига жуда чукур ўриашганини, уни хеч қачон бегона ҳисоблай олмаслигини, унинг елкасидан босган оғир юқдан ўз тиззаси титрашини қэлби-қалби билан ҳис қилди. Үнга раҳми келди. Шундай оғир кунида унга хеч қандай күмак қўлини чўзолмаслигидан ўкинди. Воқеани зимдан кузатди: хеч ким хеч нарса демас, Содиқ гўё сувга отилган тош эди.

Жаннат муюлишда бурилиши билан кичиккина ариқчага дуч келди. Омбордан шариллаб оқиб чиққан сув кўча бўйлаб анча ергача бораарди. Ариқчада бир бола қоғоз қайиқча оқизиб, кетидан югурур, товушининг борича қийқириб қувонар, энди девор остига кириб кетай деганида ушлаб олиб, оқимнинг юқорисига чопарди. Шундай чолиб бораётганида ўзини Жаннатга уриб олди. Уни йиқилишдан ушлаб қолган Жаннат:

— Секинроқ югар, ўғлим! — деди.

— Мен сизнинг ўғлингиз эмасман, дадамнинг ўғлиман, — деди у бийрон тили билан, баъзи ҳарфларни ямлаб. Кейин, омборга қараб елиб кетди. Боланинг чақнаб турган кўзи Жаннатга аллакимни эслатгандек бўлди. У боланинг орқасидан боқиб қолди. Кейин кетидан югуриб бориб, бағрига олди, яна ўша кимнидир эслатган кўзларига боқиб, ёнидан иккита конфет олиб қўлига тутди. Бола яна ўша бийрон тили билан раҳмат айтиб, қайинини сувга қўйди.

— Қайининг одам кўтарадими?

— Бўлмасам-чи!

— Қани бўлмасам мени тушир-чи.

— Йўқ! Аввал дадамларни олиб келаман.

— Даданг қаёқла?

— Узоқда. Жуда узоқда. Томдан ҳам кўринмайди.

Жаннатнинг юраги «жиг» этиб кетди. Хаёлига жуда яқин кишининг исми келди. Наҳотки...

— Отинг нима?

— Марат Содиқович Қўчқоров, — деди пишиқ қилиб бола.

Жаннатнинг кўзидан ёш тирқиради, болани бағрига босиб, у юзидан, бу юзидан ўпди, ўзидан сал узоқ тутиб кўзларига боқди, яна ўпди, яна кўзига, бўйларига

боқди. Марат ҳайрон бўлиб турарди. Бирдан Жаннатнинг бағридан чиқиб чопди:

— Вой, қайиғим кетиб қолди.

Жаннат бундоқ қараса, Марат қайиғига етиб боролмайдиган, ўзи югуриб бориб, энди нариги омборга кириб кетай деганда ушлаб олиб берди. Бола раҳмат ўрнига:

— Яхши чопар экансиз-а?— деди қувониб, кейин қайиғини бир четга қўйиб конфетни очди.

Жаннат бу оиланинг бошига тушган кулфатдан хабардор, Мушарраф фожиасини ҳам эшитган эди. Лекин бола бу томонда нима қилиб юрибди? Улар шаҳарнинг нариги томонида яшайди-ку! Бирор ерга меҳмонга келишганмикин? Боланинг ўзидан сўради, боядан бери бийрон-бийрон гапириб турган Марат бу саволга жавоб беролмади.

— Ўйимиз шетда!— дейншдан нарига ўтмади.

Жаннат ҳайрон бўлиб, Маратдан бувиси билан Қодирни сўради. Турган ҳовлиларини кўриб олди. Лекин ҳозир киришга ботинмади. Бўлмаса у туқсан онасидаи меҳрибон, ўз феълига яраша «жонболам хола» лақабини олган Адолат холани кўришга жуда-жуда муштоқ эди. Бошқа бир куни, албатта, келишини кўнглига туғиб, лунжини шишириб конфет шимаётган Маратни яна бағрига босди, бир-иккни ўпниб, хайрлашди. Үзоқларда туҳмат қурбони бўлиб юрган жабрдийда Содиққа, қариганда қаддини ғам буқкан Адолат холага, не-не умидлар билан дунёга келганида ота меҳрига қонмай йўлига муштоқ Маратга ачиниб, юраги эзилиб кетди.

Салдан кейин неварасидан хабар олиб кўчага чиқсан Адолат хола Маратнинг қўлидаги конфетни кўриб, ким берганини сўради.

— Ху, анави яхши холам берди,— деди Марат анча ерга бориб қолган Жаннатни орқасидан кўрсатиб, Адолат хола пешонасига кафтини қилиб қанча термилмасин «яхши хола»ни танислмади.

— Ким бўлса ҳам, худо хайрини берсин, умридан барака топсин!— деб дуо қилди.

— Ўша хола-чи, буви,— деди Марат,— мени қучоқлади, юзимдан ўпди, кейин мен индамасам ҳам ўзи йиғлади.

Ана шунда Адолат холанинг юраги «шув» этиб, «ким бўлди экан», деб кўнгли эзилди, ўйлаб ўйининг охирига

етолмади, «Содиқнинг бирорта ўртоғининг хотинидир», деб ўзига тасалли берди. Лекин хаёлига Жаннат, фарзандидай яқин бўлган Жаннат, нима учундир, келмас эди.

Адолат хола учун сир бўлиб қолган бу меҳрибонлик Октябрь байрами арафасида очилди. Кўчада ўйнаб юрган Марат пакет қучоқлаб югуриб кирди:

— Буви! Буви! Ҳув авави конфет берган холам келяптилар. Ана!

Бўсағада Жаннат кўринди, қўлтиғида бир қучоқ совра-салом. Мусичаларга айвонда нон уқалаб бериб турган Адолат хола «Вой, сизми?»— деб қаршисига пешвоз чиқиши билан, Жаннат қўлидаги нарсаларни бир четга қўйиб, бағрига ташланди. Иккиси ҳам товуш чиқармай мунгли йиғлади, бир-бирларига узоқ суюниб туриб қолдилар.

Марат ҳеч нарса тушунмай ҳайрон эди.

Адолат хола Жаннатни қўярда-қўймай айвон тўрига ўтқазди. Жаннатнинг овора бўлманг, дейишига қарамай, самоварга олов ташлаб юборди. Кейин Жаннатнинг ҳол-аҳволини бадастир сўради.

— Шукур, ёмон эмас, ўша боқчамда ишлаб турибман. Бу ерга кўчиб келиб қолибсизлар?— деди Жаннат бўғотлари нураб қолган айвон томига қараб.— Бу ерда Мирсалим ака турарди шекилли?

Мирсалим номи тилга олинниши билан, унут бўлаёзган дардининг оғриғи тутиб қолгандек Адолат хола алланечук бўлиб кетди.

— Ҳеч нарсадан ҳеч нарса йўқ, бир куни Мирсалим ёнида бир югурдаги билан кириб келди. На салом бор, на алик. Қўлида икки энлик хат. Менга узатиб, ўқинг, деди. Менда завод борми! Кейин билсам, бу ҳовлимизнинг қора хати экан. Шу куниёқ кўчимиизни кўчага улоқтириб ташлади. «Хой, Мирсалим, сизга нима бўлди? Ўртоғингиз келганда қай юз билан қарайсиз?»— десам, нима дейди денг, умринг қисқа бўлгур, «Менинг унақа ўртоғим йўқ. У энди келмайди». «Вой жувонмарг бўлгин, тилларинг лаҳадда чириснин», дедим ичимда. Қарғадим-йиғладим... Шу-шу, мана бу ерга келиб қолдим. Тупроқдан ташқарида бир амаллаб юрибман.

Бу ноҳақликдан Жаннат изтиробга тушди.

— Қора босгур, биринчи кўришимдаёқ иқимга ўтиргмаган эди-я! Ўғлингизга, «шу одамдан яхшилик чиқмай-

ди, юмшоқ супургى бўлмай ўлсин, кўп пашишахўрда қилманг», деб неча марта айтгандим.

— Болам бечора содда, ҳалол-да, ҳаммани ўзига ўхшатади.

— Энди нима бўлди? Жабр жабр ўзларига бўлди. Шу ишларда Мирсалим мунофиқнинг ҳаром қўли йўқмикин? Бордир? Эл олдида шунча хунук ишлардан тап тортмаган, эймдан хиёнат қилишдан тоярмиди! Мана мени айтди дерсиз, бир куни ҳаммаси очилиб, шу ҳазон бўлгурнинг қўли бор бўлиб чиқади.

Биронага тұхмат ва хиёнат қилишни ҳазар билган Адолат хола, қўли билан ушлаб, кўзи билан кўрмаганидан Мирсалимга тўйнкашни ўзига эп кўрмади:

— Билмадим, қайси бир умринг қисқа бўлгур қўй оғзидан чўп олмаган боламга чох қазиди. Ўзига ҳам аталгани бордир. У эмас, бу эмас, кўргилик, келин. Кўрмаганим шу ғам қолган экан!

Адолат хола уҳ тортиб ўрнидан қўзғалди. Самоварнинг қорнига чертиб, кейин ўтхонасига ўтни ташлади.

— Бекорга овора бўляпсиз, ойи, мен ҳалигина ношула қилган эдим.

— Сиз учун эмас, ўзим учун, келин. Худо ёрлақаб бир келиб қолибсиз, ҳасратлашиб ўтирамиз.

«Бир келиб қолибсиз» сўзи Жаннатнинг қулогига «сиз ҳам мени унугиб юбордингиз» бўлиб эшитилди. Ялт этиб холанинг юзига қаради. Унинг юзини кексаликдан кўра, шу кейинги йилларнинг кўргиликлариғижимлаб ташлаган эди. «Темирни занг, одамни ғам тиригади», деди кўнглида Жаннат. Лекин холанинг кўвияда ёник умид учқуни кўриб, ўзига тасалли берди: «Чинор худди кекса чинор. Шохлари қуриса ҳам илдизи бутун. Қирсиллайди-ю, синмайди».

Айвоннинг нариги бошида Марат жажжи бармоқларини ўйнаб ашула айтарди. Ҳаракатлари ашуласининг оҳангига жуда мос тушарди:

- Буви, буви! Дадам келди.
- Қани? Қани?
- Мана! Мана!
- Омонмисиз - эсонмисиз!

— Тилгинангдан бувинг айлансин,— деди Адолат хола самоварни олиб келгани ўтиб борар экан ва бағрига босиб манглайидан ўпди.

Келгапда иши қисталанғ, ҳали-замон кетгудек бўлиб турган Жаннат чойдан кейин ҳам қўзғалмади. Қечгача қолиб кетди. Самоварда қолган сувга холанинг жомашов олдига эрталаб олиб бориб қўйган кирини ювиб берди. Холанинг: «Қўйнинг, болам, кейин ўзим ювиб оламан, йилда бир келганингизда ишлатишм уят», дейишига қулоқ солмади. Маратни дахлизга олиб кириб чўмилтириди, кийимини алмаштириди.

— Яхши бола байрамга тоза бўлиб чиқади,— деди унинг тутгиларини қадар экан Жаннат.— Юз-қўлларинги ифлос қиласдан юргин, хўпми? Кийимларингни ҳам тоза тут.

— Ундан кейин нима қиласди?— деди Марат гўс тоза юришнинг оқибатида яна бир нарса бўладигандек қизиқиб.

— Ҳамма, яхши бола экан, дейди.

— Байрамга дадам келадиларми?

— Эҳтимол. Бу байрамда келолмаса, янагисига келади. Бундан кейин ҳам тағин байрам бўлади.

— Нега бу байрамда келмайдила?

— Дадангниг иши кўп.

— Ҳамманинг дадаси ишдан кейин ҳар куни уйига келади-ку.

Бу саволга жавоб бернишдан қийналиб қолган Жаннат гап чалғитди:

— Визвизак қилиб берайми?

— Қанақа визвизак?

— Мана ҳозир кўрасан.

Жаннат Маратни чалғитиш ва сўзининг устидан чиқиши учун Адолат холанинг ишпекидан ип олиб, картон қирқиб визвизак ясади. Уни қанақа қилиб ўйнашни ўргатди. Қалб эзадиган саволлар бирпасда Маратининг эсидан чиқиб, визвизак билан овора бўлиб кетди. Жаннат эса, айвондаги шохларни олиб ўчоқбоп қилиб кертиди, самовар тараша қилди, бир чеккага тез қурийдиган қилиб тахлади.

— Ойи, ўтинингиз ҳўл экан, қиши билан эсингиа кетади-да.

— Қодиржоннинг ёзи билан қўли теккани кечаги ҳафта бўлди. Шуни ҳам бирордан тушириб юборибди. Келаси ҳафта бориб ўзим майдалаб бераман деган экан, нима учундир, келмай турибди.

— Ишлари яхшими?— қизиқди Жаннат.

— Шукур, ёмонмас. Бирордан олдии, бирордан ке-
йин яшаб турибди. Бир кунимиз ўтятти. Қуюғига бўл-
маса ҳам, суюғига қорнимиз тўқ. Яхши ҳам шу бола
бор экан, бўлмаса ҳолим нима кечарди? Лекин бояқиши
ўқишдан қолиб кетдим, деб баъзида ўкиниб қўяди.
Ёмон ҳамма ерда бор. Мактабида «аканг фалон экан»
деб чиқиширишмади. Бўлмаса боламнинг ўқишга ихло-
си баланд эди.

— Ҳали ёш, ўқиса бўлади,— холанинг кўнглини кў-
тарди Жаннат.

— Узи ҳам, акам келди дегунча ўқишга кириб кета-
ман, деб яниб юрибди.

— МТСда нима иш қиласди?

— Электрларга қарап экан. Обрўйи яхшимиш. Май
байрамида мукофот беришди. Болам ўтли-шудли, уш-
лаган ерини омбирдек тишлидигангина.

— Ишқилиб яхши бўлсин,— деди Жаннат ҳам қуво-
ниб.

— Ҳар бандай мўминнинг боласи яхши бўлсин,—
уни қувватлади хола.

Унинг кўнгли Жаннатни кўриб, ҳасратлашиб анча
ёзилди. Қайгуларини унут қилгандек, руҳи енгил торти-
ди. «Бунинг ҳам эшикдан кириб борганда «кел» деб
кутиб оладиган меҳрибони йўқ, иссиқ татиб кетсан»,
деб кечки овқатга вақтлироқ қозон осди. Шу маҳал
чўнтағини «яхши хола» олиб келган туршакка тўлдириб
чиқиб кетган Марат бир кафт данак билан кириб кел-
ди, бувисига илтимос қилди:

— Буви, ўрикнинг суягини чақиб беринг.

— Суяк эмас, данак, болам,— неварасининг гапини
тузатди бувиси ва ёнида турган ҳавонча тоши билан ча-
кишни ўргатди. Жаннатга Маратнинг тили чиқиши тари-
хидан гапира кетди.

— Болам тушкурнинг тили жуда бот чиқди. Тили
бот чиққан боланинг юриши кечроқ бўлади. Юриб кет-
ганларга ҳаваси келдими ёки ботинкамни кийсам юриб
кетаман деб ўйладими, бир куни ботинкасини қўлига
ушлаб олибди. «Қийғизиб қўйинг» дейишни билмай, пу-
қул «Ботинкамга оёғимни солиб қўйинг» дейди. Тупов
куни салқин тушганда «Шапкамнинг думини боғлаб қў-
йинг»,— деб кўчадан чопиб келди. «Эшикин қанақа қи-
либ очдинг?»— десам, «Қўлидан ушлаб тортдим»,— дей-
ди. Қўйлагини ювсам гули кетинқиради, уни кўриб:

«Кўйлагимнинг гули сўлиб қолди», деб, хафа бўлиб юрибди. Кеча кўчадан келиб, «Фаттоҳ китобининг пальтосини йиртиб қўйди», — деб бирам куйиб-пишади, асти қўйинг. Суриштирсан, китобнинг қалин муқоваси йиртилган экан. Сиз келмасингиздан сал илгари водопровод жилдираб оқса, «Сув чарчаб қолибди!» — деб юрибди. Омон бўлгур боламнинг тили жуда ширин, ҳали сиздан уялиб турибди. Қани шу тилларини дадаси эшилса! Севинганидан юраги ёриларди!

Боядан бери хушнуд ўтирган Адолат хола кўзига ёш олди. Жаннат бошини қуйи солди.

Кечга яқин Жаннат қайтар экан, Адолат хола: «Қолинг, гаплашиб ётамиз», — деб қистади, Марат барига ёпишиди. Унинг тилини қилиб, хола деди:

— Кетманг аяжон, дегин!

Марат ҳам:

— Кетманг, ая,— деди.

Умри бўйи эшилмаган «ая» сўзидан Жаннатнинг вужуди титраб кетди. Ана шу лаҳзада Адолат хола билан кўзи учрашди. Адолат холанинг хира тортган кўзларига: «Кўрдингизми, болам, сизни нима деб атаяпти? У сизни яхши кўриб қолди, барингизни қўйиб юбормоқчи эмас. Раҳмингиз келсин, шу тирик етимнинг бошини силанг», деган маъно бўлса, Жаннатнинг кўзи «Дунёда мени ҳам «ая», дейдиган бор экан-ку! Бу сўз менга жуда ёқади, мен шунинг гадосиман!» — деб ёнарди.

Жаннат Маратни қўлига олди, жавдираб турган кўзларига боқиб, юзларидан ўпди:

— Энди тез-тез келиб тураман, ўғлим. Сени соғинтириб қўймайман. Уйимга олиб кетаман.

— Уйингизда ўғлингиз борми? — бирдан сўраб қолди Жаннатнинг бўйнидан қучоқлаб турган Марат. Хола Жаннатни мушкул аҳволдан чиқарди:

— Сен-да ўғиллари. Аянгнинг сендан бошқа ўғли йўқ.

Жаннат маъқуллаб бош иргади.

Жаннат узоқ хайрлашиб кўчага чиққанди, уфқ эзилган анордек қип-қизил, кўча гавжум эди. Кеч салқини билан бошланган изғирин дарахтларнинг сўнгги япроқларини ширт-ширт узиб ерга отарди.

Жаннат сал юргандан кейин шаҳарни иккига бўлиб ўтадиган анҳорнинг ёқасига чиқди. Анҳор тўлиб оқар, туви кўринмаса ҳам, суви қаймоғи олинган сутга ўх-

шайди. Сокин. У изғиринда жимирлайди, балиқнинг сиртини эслатади. Юзида қалқиб бораётган барглар банорас түннинг малла ямогига ўхшаб кўринади.

Жаннат анҳорниңг жимир-жимирига маҳлиё бўлиб ёнди кўприкдан ўтган ҳам эди, қаёқдандир пайдо бўлган сўхтаси совуқ Мирсалимга қамти келиб қолди. Бу кутилмаган учрашув иккисини ҳам тўхтатди. Кундузи холаникда бўлгак сұҳбат Жаннатнинг эсига тушиб, энсаси қотди, ўтиб кетмоқчи бўлди. Лекин Мирсалим нимадир демоқчи бўлиб, уни бир четга олди. Ана шунда Жаннат унга назар солди. Мирсалим аввалгидан анча ўзини қўйган, чала ошган хамирдаккина қорин ҳам пайдо қилибди. Пиджаги остидаги уни попукли оқ ипак тизимча камарининг фасон тугуни унинг савлатини яққол намойиш қилиб турибди. Кўйлаги пиджагидан икки әнлик узун, ёқаси қийшиқ очилган. Бошида фуражка, оёғида этик. Бурининг остида нос туфуриб қўйгандеккина мўйлов.

Мирсалим яқинда мартабага мингган кишиларга хос гурурда Жаннат билан сўрашди; унинг юзидан кишининг ғашини келтирадиган табассум аримас эди. Ўзининг одамшавандалиги, мөҳрибонлиги билан Жаннатни мишинатдор қилиб қўймоқчи, кўнглини овламоқчи.

— Мен сизнинг зийраклигинизга қойилман, жуда қойилман. Ҳаммамиздан ҳам ҳушёр экансиз. Содиқнинг жавобини вақтида берганингизни қаранг. Айни вақтида-я! Хотинлардан пайғамбар чиқмаган дейишади. Но-тўғри! Чиққану, эрқаклар тан олмайди. Бир пайғамбарнинг башорати сизникича бўлар-да! Ортиқ бўлмас! Мен сизга қойилман, ҳамма қойил. Буни қаранг, одамнинг оласи ичиди бўлади, деб шуни айтади-да, бўлмаса, Содиқни шунаقا одам деб ким ўйлабди. Сиз ўйлабсизми — йўқ, мен ўйлабманми — албатта, йўқ.

— Нима иш қилган экан? — деди Жаннат, энсаси қотиб турса ҳам жўрттага.

— Эй, қўйинг, сиз сўраманг, мен айтмай.

— Хўш? Хўш?

— Ҳукуматимизга қарши шунаقا ишлар қилган эканки, тумов куни биттасидан эшишиб тепа сочим тикка бўлди, тилимгача музлаб кетди. Аввал турган шаҳрида қилтани етмагандек, бу ерга келиб ҳам авж олдирган экан. Тавба, нега шунаقا қиласди бу одамлар! Бизнинг ҳукуматдан яхши ҳукумат борми дунёда! Қонунимиз-

нинг биттадан ортиқ хотин олишга рухсат бермагани унга ёқмаганими? Нафси галиб эркак-да, хўроға ўхшаб тўртта-бештасини бошлаб юргиси келади. Эй, аттанг! Узига жабр қилди. Битта Содиқ бўлмагани билан давлатимизнинг мурвати бўшаб қоладими? Албатта, йўқ!. Мен сизга қойилман, хотин киши бўлсангиэ ҳам ўнта эркакдан ҳушёр экансиз. Мен нодон ҳеч нарсанни фаҳмламасдан улфатчилик қилиб, қанча гап-сўзга қолдим.

— Гап-сўзга қолдим? — ажабланди Жаннат.

— Ҳа, булмасам-чи! Эшитмадингизми? Гўр оғзидан қайтдим. Сиз вақтида талоғингизни олганингиздан, тинч қолдингиз-да, бўлмасам...

— Бўлмаса, Адолат холага ўхшаб ҳовли-жойдан ажралиб қолармидим!

Мирсалим буни кутмаган, Жаннатни Содиқнинг қамалиб кетишидан хурсанд. «ўл, ажаб бўлибди» деб юрган ўйлаб, олдига похол солаётган эди. Аталадан суяқ чиқиб, эсанкираб қолди. Шунда ҳам бўш келмади, ётири билан:

— Бу даъвонгиз ғалат,— деди.— Мен тортиб олганим йўқ. Катталар, кўчиб кир, деб қўйишмади. Менда нима айб? Айтганларини қилдим. Бари бир бошқа бирор олиб қўярди.

— Уша бошқанинг кўчиб киргани яхши эди.

Мирсалим жавоб тўқигунча Жаннат хайрлашмай жўнаб қолди. Унинг ичи нафратдан лов-лов ёнар эди.

Мирсалим безрайиб қолди. Кутнлмаган зарба уни гангитиб қўйди. Узига келиб, аламдан: «Бу қисирнинг ҳам тили тагида тил бор экан-ку!» дея олди ва пешонасиннинг терини бармоғи билан сидирди...

* * *

Уч кун ўтмай, Маратнинг соғиниб «ая» дегани Жаннатнинг қулоғида жаранглай бошлади. Боғчасидаги ҳар бола Марат бўлиб кўринар, «ая» деб чақираётганга ўхшарди. Кечаси туш кўрди. Маратни эмизаётган эмиш. Марат ҳеч кўкракка тўймасмпш. Бу тушни ўзича таъбирлади, бирорга айтгани ботинмади. Эртасига ишдан чиқиб Адолат холанинг олдига ўтди. Тушини унга айтган эди, хола:

— Маратнинг меҳри сизга умрли бўлиб тушибди, жон болам. Яхшиликка кўринсин! — деб таъкидлади.

Буни тасдиқлагандек, кетгунича Марат ундан ажралмади, «ая-чи, ая» деб ялаб-юлқади. Йиғиб қўйган гаплари сира адо бўлмас эди. Кейин уни анча ергача қўлидан ушлаб бориб қўйиб қайтди. «Эртаси ҳам келинг», — деб ялининб қолди. Унинг юзидан ўтолмаган Жаннат байрам кунин кечқурун яна келиб, Адолат холанинг ёнида ётди, эрталаб туриб Маратни намойишга олиб чиқди. Пуфак, «эскимо» олиб берди.

— Ичига ях қамаб қўйган экан, тилим совуқ еди. Иссифи йўқми, ая — деди Марат. Унинг болача мантиқи Жаннатни кулдирди, меҳрини товлади.

— Совуқ бўлса емай қўя қол.

— Йўқ, иситиб ейман.

Жаннат яна кулди. Эскимонинг устки қофозини пастроқ сурниб берди:

— Кийимингга оқизмасдан егин, хўпми?

— Хўп!

Қизил майдондан ўтгандан кейин Марат аясини яна саволга тутди.

— Анави киши ким? — деди Ленин ҳайкалини кўрсатиб.

— Ленин бобо.

— Доим ўша ерда турадиларми?

— Ҳа.

— Қишида совуқ емайдиларми?

Жаннатнинг юзига яна кулги тошди. Маратнинг саволи тамом бўлмас эди...

Уларнинг эшикдан бошлишиб кириб келишини кўрган хола, ич-ичидан қувониб:

— Кўз тегмасин, бир-бирларингга жуда ярашиб-сизлар! — деди. Кейин яна қўшди: — Сиз келадиган бўлгандан бери болам яйраб қолди, келин. Кўчада сизни қийнамадими? Болам тушкур, жуда сергап, ҳар нарсани суринтираверади.

— Йўқ, яхши юрдик. Болалар бу ёшда шунаقا бўлади, — мураббияларга хос мантиқ билан жавоб қайтарди Жаннат.

Жаннат яна бир-икки марта келиб кетгандан кейин:

— Сиз йўғингизда Марат ўғлингиз ичикиб қоляпти, аяси, — дея бир нимага ишора қилди хола. Буни Жаннат дарров пайқади, тушунганича жавоб қилди:

— Олиб кетиб турардим-ку, ойижон, шеригимга ёқадими, йўқми, деб истиҳола қилялман. Юраги торроқ жувон.

Адолат хола отган ўқининг нишонга текканини пайқади. Чунки Жаннатнинг келиб-кетиб юрганидан бери кўнглида ўзгариш бошланганини кексаларга хос зийраклик билан сезиб юрган эди. Лекин Жаннат ўз ниятини очиқ айтишга ботинолмаслигини ҳам яхши биллар эди. Мана иккиси айни муддао эшигидан келиб чиқишиди. Бундан хурсанд бўлган хола очишини айтиб қўя қолди.

— Ўзингиз шу ерга келиб қўя қолсангиэ нима қилади. Мен ҳам ёлғизман... Қодиржоннинг аҳволи бу — ойда бир келса келади, келмаса йўқ. Бир-биринигча ҳамроҳ бўлардик.

Жаннат ўйлаб қолди, минг хаёлга борди. Унинг бу ҳовлига келиб-кетадиган бўлганидан бери ўз режаси бор эди: агар Қодир МТСда квартира олса (у ҳозир тракторчилар тайёрлаш курсининг ётоҳонасида турарди), холани, албатта, кўчириб олиб кетади, шунда у Маратни илтимос қилиб олиб қолмоқчи. Содиқ келгунча ўзи тарбия қилмоқчи, кейин яна бир гап бўлар, деб ўйлаб юради. Лекин холанинг ҳозирги таклифи уннайдан ҳам нақд чиқди. Буни ўйламаган экан у. Энди бундоқ фикр қилиб қараса, холанинг таклифидан жон бор. Бағрига қулоқ солса, Маратгагина меҳри тушиб қолмай, Содиқка бўлган меҳри муҳаббати ҳам аввалгича. Гарчанд Содиқнинг кўнглини билмаса ҳам, севгиси ҳаққи-ҳурмати уннинг шундай қора куннда тиргаги бўлишни ўз бурчи ҳисоблади. Қолаверса, бу дунёда Адолат холадан меҳрибон кими бор? Соясига кўрпача солади. Унинг устига, бечора, қарниб қолди, боши ёстиқка теккудай бўлса, иссиқ-совуғидан ким хабар олади?

Жаннат шуларни ўйлаб, ўзинча аниқ бир фикрга келган бўлса ҳам, дарров рози бўлиб қолишдан ийманди, истиҳола қилди, бўшашибгина деди:

— Эшигтан қулоққа хунук. Чиқиб кетган жойим...

— Аввало сиз бу уйдан чиқиб кетмагансиз,— деди хола Жаннатнинг ён босганини сезиб, ҳазил қилиб.— У уй бошқа, бу уй бошқа. Орқадаги узунқулоқ гапга қулоқ солмаган ютади. Оғзига кучи етмаганилар нималар демайди!

Жаннат индамади: хола ҳақ. Ундан кейини кўнгли

чопиб турган ишга ортиқча «гож»ликнинг нима кераги бор? Синамаган жойими!

Шу фикрга борган Жаннат, уч кун ўтгач, квартирисини шеригига қолдириб, Жаннат холанинг ёнига, Марат ўғлининг бағрига күчип келди. Марат эса, эртасидан бошлаб яси билан унинг боғчасига қатнайдиган бўлди.

9. ҚУТИЛМАГАН УЧРАШУВ

Содиқ ўн йил муддат олиб лагерга жўнатилганда айни баҳор эди.

Унинг сўнгги марта олган передачасига Адолат хола тўрттагина исмалоқ сомса билан ошига беш-олтида до-вучча солган эди. Содиқ ана шундан, ташқарида қай фасл эканини тасаввур этган бўлса, юкини орқалаб этапга чиқаётганда эса, вокзалдаги ғуж дарахтларининг кўм-кўк шода баргларига кўзи тушди. Лекин уни иккি ҳафтадан кейин поезддан туширган ерларида эса бир метр мўл қор бор эди. Совуқ қирқ градус атрофида-ю, дарахт зоти қилт этмас, бутун борлиқ сукунат ичида гунг қотиб ухлаётгандек. Этапда Содиқ билан келгандардан бири:

— Бу ер ҳам ўз юртимиз!— деб қўйди. Лекин Содиқ унинг нима демоқчилигини тушумади.

Бир ой карантинда тутгандаридан кейин, қулоқчин, пахтали шим, телогрейка, бушлат ва пийма бериб, лагерга чиқардилар. Гарчанд бу кийимлар янги бўлмаса ҳам, ҳали иссиғи кетмаган, бу ернинг совуғига дош бериши мумкин эди. Ҳаммадан ҳам Содиққа пийма эриш кўринди. Умрида киймаганидан унда юролмас, қўнжи тақимига тегиб ғашини келтиради.

Гоҳ-гоҳ кўзга ташланиб қоладиган кишини ҳисобга олмаса, лагерда ҳеч ким йўқ. Аллақайси баракдан чиққан тутун оғир таралади. Кун совуқ, игнали. Содиқни пакана бараклардан бирига бошлаб кирган соқчи навбатчи маҳбусни чақириб:

— Меҳмонни қабул қил,— деди.

Баракка кираверища тумбочка олдида ўтирган қотма навбатчи индамади. Фақат, Содиқ кўтариб кирган кўрпа-ёстигини ерга қўймоқчи бўлганида қаршилик билдириди:

— Юринг, биратўласи жойингизга қўя қолинг.

У бошлаб кетди. Барак катта бир саройга ўхшайди. Ўртасида йўл, икки томонида икки қаватли ёғоч карашвотлар, уларнинг орасида тумбочка. Ўринилар бир хилда бўлмаса ҳам анча тартиб билан тузатилган. Барак қоронгилигидан одеялларининг рангини ажратиб бўлмайди. Лекин навбатчининг яқинда баракни супуриб-сидириб чиқани, нарсаларни саранжом қилгани сезилиб турибди.

— Сизнинг Бригадагиз шу ерда туради.

Содиқ бир бўш жойга ўрин-бошини иргитди. Наридан-бери ўринини тузатиб, устига ўтиреди. Ана шунда баракдан эркак тери ҳидига қоришган захликни пайқади. Бу ерда кимлар туради-ю, нима иш қилишади? Нажот шу ерда ўн йил ҳаёт кечирса? Ичидан келган бир нило уни овутди: одам кўп. Одам одаминг ҳоврини олади, очиқ ҳаво, совуқ бўлса ҳам тоза. Ундан кейин, бу ердан туриб истаган ерига арз қилиши, ҳуқуқини талаб қилиши мумкин. Бир кунда ўнта ариза ёёса бирор йўқ дейдими? Бири бўлмаса бири нишонга тегиб, ижобат топиши мумкин.

У, кечиктирмасдан, шу бугундан бошламоқчи бўлди. Бир четда ўтириб, СССР прокурорининг ўзига шикоятнома ёэди. Қамалишидан тортиб бўлган ҳамма воқеани маржон қилиб тизди, тугилишидан тортиб, қилган ҳамма ишларини бир-бир баён қилди. Гражданлар урушида олган, номи ёзилгани қиличини писанде қилгандек, бир ерига тиркаб қўйди... «Афсус, ўртоқ Фрунзе ўлиб кетган, бўлмаса ўзи гувоҳлик бериши мумкин эди», деди бир ерида.

Шикоятнома анча узун бўлди. Уни оқقا кўчирад экан, навбатчи маҳбус келиб қолди:

— Уйга хат ёзяпсизми! Узун бўлиб кетибди-ку! Нималарни ёздингиз? Унча-бунча гап цензурининг меъдасига ботмайди. Бу ерда хатнинг қисқаси яхши — тез боради.

Шунча меҳрибонлик қилиб турган навбатчи маҳбус ёзилган нарсанинг нималигини билгач, мийигида кулиб қўйди, «Эй ғофил банда, нимадан умид кутяпсан?» дегандек, салмоқлаб қадам босиб жойига кетди.

Бир маҳал ташқаридан одамларнинг олаговури эшитилиб, кейин барак эшиги тарақлаб очилди. Дувиллаб, бир нарсага шошгандек одамлар кирди. Улар билан совуқ ҳаво кирди. Одамларнинг усти боши бугун Содиқ-қа берганларига ўхшаган қалин ва қўпол. Қулоқчинилар

энгаҳдан боғлоғлиқ. Баъзи бирори баракка кирди де-гунча устидан қалин қўсқинини ечиб, ўрнига ётар, сочи-гини олиб қўшни хонага отилар эди. Баъзи бирорининг ҳеч нарса билан иши йўқ, кира солиб ўрнига ўзини оғир ташлайди.

Бу ишдан қайтиш ғувури сал ўтмай босилди. Баракда янги одам пайдо бўлганини шундагина пайқаб, Содиқни ўраб олишди. Лагерь одатича саволга кўмиб ташлашди. Ўзи ким? Қаердан? Нимага? Неча йил?

Худди шу пайтда кимнингдир жуда таниш товуши Содиқнинг қулоғига чалинди:

— Бизнинг томондан? Ким экан бахти қора?

Товуш эгаси одамлар орасини ёриб, олдинга ўтди. Ҳаммадан олдин унинг бароқ қоши кўринди, кейин ҳайрон бўлиб оғзини очганда сўйлоқ тиши кўриниб кетди. У Содиқни кўриши билан бир лаҳзагина ҳайратомуз боқиб турди-ю, кейин эски қадрдонини ногаҳон учратиб қолган кишидек: «Содиқжон, ие, сизми?»— деганича қулочини очди: Содиқ таниб, индамай тураверди.

— Ана холос, ана шундай жойларда кўришармиз, деб ҳеч-ҳеч ўйламаган эдим!

Бу Диловархўжа эди. Содиқ ҳайратда эди. Наҳот қархисида турган ўша Диловархўжа! Содиқ, унинг фарёд уриб йиғлаганича бор, жинояти оғир экан, отишди шекилли, деб ўйлаб юради. Уни бу ерда кўриши, ўлган одамнинг тирилишидек, жуда ғалати туюлди. Диловархўжа ҳам Содиқнинг қамалиши бир хатолик оқибати, бир оздан кейин чиқиб кетади, деб ўйлаган, унинг бу томонларга келишини ҳеч хаёлига келтирмаган эди. Шунинг учун иккаласи ҳам ҳайрон тикилиб қолишиди.

Кийим-бошининг бошқалигини ҳисобга олмаса, Ди-ловархўжа ўша-ўша: бароқ қош, сўйлоқ тиш, рўпарадан сочма ўқ егандек чўтири юз. Лекин у энди анча оқарган, қўзи ухфасини ҳалигина олдирган уккинидек чақнаб турибди.

— Сиз ҳам шу ердамисиз?— деди Содиқ ниҳоят. У ҳамон ўз кўзларига ишонмаётгандек эди.

— Ҳа, шу ерда... Совуқ ялаб ётибмиз. Отилиб кетган деб ўйловдингизми? Йўқ, отмадилар. Худо кўнгиллари-га раҳм солди. Ундан кейин, очигини айтганда, ўзи ҳам ўн беш йил аввалги иш-да. Эскилигини ҳам нафи тегди. Конунда ҳам «шу ерига бир оз эгилиб қара, судья»

деган жойи бор шекилли-да! Хуллас, насибамиз шу ёқларга сочилган экан, териб еб юрибмиз.

Диловархўжа Содиқни қўярда-қўймай ўз каравоти томонга бошлаб кетди. Аллақаердан қайнаган сув топиб келиб, котелокда чой дамлади, дастурхон ёэди. Бисотида бор нарсани тўкиб солди.

— Олинг, йўлдан толиқиб келгансиз.

Диловархўжа жуда меҳрибон эди. Шу ўтиришларини кўрган киши уларнинг бир-бирига ашаддий душман эканига, бир вақтлар бир-бирининг пайига тушиб, ўқотишганига сира ишонмас эди.

— Содиқжон! Мен сизни бу гадой толмас томонларга сира ҳам келмассиз деб ўйлаган эдим. Ахийри қўйишмабди-да. Нима жиноят қила қолган эдингиз, хизматларингизни ҳам ҳисобга олишмабди.

— Туҳмат. Туҳматнинг зарби ёмон бўларкан.

Диловархўжа ишонмади. У органнинг кучини яхши биларди: ахир унинг ўн беш йил аввал қилган ишларининг ипидан игнасигача очиб ташлади-да. Шундай фактларни топдики, ҳатто ўзининг ҳам эсидан чиқиб кетган экан. Наҳот шундай орган туҳматни бир ёқлик қилолмаса, жез билан тиллани ажратолмаса? Йўқ мумкин эмас. Содиқнинг сирли жинояти бору, айтишга ботинмаяти.

Диловархўжа ҳазилга олди:

— Сизнинг бир балойнгиз бор, мендан яширяпсиз, майли. Энди фойдаси йўқ, айтаверсангиз ҳам бўларди.

— Тўрга тушгап балиқ қармоқдан чўчимайди, нимасини яшираман. Туҳмат!

— Тўғри, чивин бирлашса, филни ҳолдан толдирапкан. Туҳматчининг кимлигини билолдингизми?

— Билганим ҳам бор, билмаганим ҳам — ёнган оловнинг тутунини яшириб бўладими?

— Қани энди ўшалар қўлимга тушса-ю, гирибонидан тутиб бурда-бурда қилиб ташласам, деб юргандирсиз.

— Туҳматнинг оёғи қисқа, узоққа бормайди. Ҳақиқат тўқ данак, кўмса ҳам кўкариб чиқади.

— Шулар бирорга туҳмат қилмаса яшолмайдими?

— Яшолмайди, кўнгилдагидек яшолмайди! Бирорнинг бахти ғашини келтиради. Ақли, меҳнати билан истаган бахтига эришолмагандан кейин туҳмат билан, хушомад билан орқа эшикдан тўрга чиқиб олмоқчи бўлади.

— Чиқиб ҳам олади денг.

— Ҳа, чиқиб олгани бўлади. Лекин узоқ яшамайди; баҳорда пахса девор устида унган ўтнинг худди ўзи, ёмғир нами кетгунча кўкариб туради, холос!

— Қуруқ туҳматдан ўзинг асра, деб машойихлар бекор айтмаган.

Диловархўжанинг гапи охир бўлмагунча кимдир Со-диқнинг бригадасини айтиб кечки овқатга таклиф қилиб қолди. Диловархўжа ҳам унуган нарсаси эснга тушгандек иргиб турди:

— Эй, гап билан бўлиб, обиравонни бой бериб қўяй дебмиз-ку. Туриңг, овқатга боринг. Яна кўришамиз.

Содиқ уни кўргиси келмаса ҳам то янги таниш-билиш орттиргунча, учрашганда уч-тўрт оғиз гаплашиб турди.

Диловархўжа лагерни ўзиники қилиб олган, туйнугидан кириб, эшигидан чиқар, қозонида сузиб, чўмичида ўйнар эди. Унинг ўзини олдиримаганлигини сабабини Со-диқ энди тушунди. У баъзи бирорларга ўхшаб, ҳаётдан иполий бермас ҳам эди. Балки бу отилмай тирик қолганидандир, ахир у ҳаётдан умидини узиб қўйган эди-да. Текинга қолган ҳаёти эса, бу ерла ёмон кечмас эди. Лагерга тушиши билан очофат мушуклардай сезгирилик билан атрофни ҳидлади, ўзига ўхшаган олғирлар бу ерда ҳам топилиб қолди. Улар бош биритирди. Бундайлар ҳаромдан ҳазар қилмас, хиёнатдан қайтмас, «дунёни ўт олса, майли, лекин менинг кабобим пишса бўлди», деган ақида билан яшар эдилар. Чунки бу тўдадаги маҳбусларнинг озодликдан умиди кам, улар ўз жиноятларига иқрор, уларнинг виждони ҳеч нарсадан қийналмайди, ҳаёти ўтса бас.

Лекин Содиқقا қийин. У умрида бирорга ботиниб қаттиқ гапирмаган, луқман ҳалолини фақат меҳнат билан топиб еб юрган бўлганидан диловархўжалар тўдасига қўшилмас, улардан жирканар, улардан кўра оғирроқ ҳаёт кечирап эди. У фақат қорни учунгина қайғурмай, туҳматга қолган қадри учун ҳам йиғларди, бу ерда ўзини тутиши, виждони қийналадиган бирор ишга қўл урмаслиги керак. Ишга чиқиши билан энг ҳалол заҳмат-кашлардан бири бўлди. Унинг бригадаси қурилишда, ҳар хил ишлар қиласи эди. Унда яхши фишт терувчи, арматурачи, сувоқчилар билан бир қаторда, дастёрлар ҳам бор эди. Улар ана шу усталарга фишт, қоришма олиб бериб туради, сув келтиради. Содиқнинг бу ерга

мос келадигац бирорта ҳунари бўлмаганидан, бригадир уни ҳар куни ҳар хил ишга қўяди. У гоҳ ғишт терувчига ёрдамчи, гоҳ араматура судраб қолар, гоҳ ер ковлаб қувурларга жой тайёрлар, гоҳ вагондан цемент туширас эди. У ҳеч биридан ҳазар қилмади, қилиниши лозим бўлган зарур иш деб қаради.

Бир куни очиқ вагондан ғишт туширас эди. Содиқ бундоқ қараса, ённадиги шериги ғиштни дуч келган томонга иргитяпти, кўпи синиб кетяпти. Ваҳоланки, бригадир вагон зийига тахта қўйиб, шундан сирғантириб туширишини тайинлаб кетган. Ғиштга жони ачиган Содиқ шеригига: «Қўни нобуд бўлиб кетяпти-ку!»— деди. Шериги унга шундай хўмрайиб қарадики, Содиқнинг юраги орқасига тортиб кетди:

— Жонинг ачияптими? Тушиб тур, мен иргитаман, илиб олиб, бошини силаб ерга қўясан! Патриот!

Ана шунда Содиқ билдики, бу ерда эҳтиёт бўлиш керак. Куйди-пишдилик кетмайди. Лекин бари бир, у виждошлии қийнаб, хўжакўрсинга ишламади. Биладики, бу кўргилек унинг учун вақтинчалик, эртами-индии ҳаммаси бартараф бўлади. Шунинг учун ўзини руҳан тетик тутишга уринар, баъзи бировларга ўхшаб фарёд урмас эди. Модомики, синфий кураш борар экан, турмана ва лагерь бўлиши керак, унда душман ўтириши керак. Душман билан бўладиган муомала аниқ: уни маълум режим билан ишлатиш, тўғри ҳаёт йўлига солиш керак. Содиқ эса, бу даргоҳда вактинча, у эртаги кун — адолатнинг тантанасидан умидвор, уни кечаю кундуз сабрсизлик билан кутганлардан бири. Агар унинг қалбида шу умид машъали пориллаб ёниб турмаганида, унинг эртасини ёрқин кўрсатиб турмаганида, балки Содиқ бу кутилмаган ва кўничиш оғир бўлган ҳаётга бунчалик бардош берниб яшолмас эди. Эртаги кун умиди ишончига айланган, ишонч эса унга бардамлик багишларди. Эртанинг тоғи қанчалик суст отмасин, бугуннинг шомидан нурли ва умидбахш эди.

У ташқаридан келган ҳар бир хабарни чанқоқ кишининг сув симиришидек бесабрлик билан кузатар, у кучли шамолдек умид чўгини алангалатиб юборар эди. Бу хабарлар турли режа ва тахмин туғдирар, оқибати яна ўша муқаддас эркинликка бориб тақалар эди. Эркинлик эса, баъзида, узоқдаги саробдек бетиним ёнарди-ю, унга етиб бориш умиди амри маҳолдек, жудз

мушкулдек кўриниб кетар эди. Уртада қалин ва баланд девор, қатор-қатор тиканли симлар бор. Лекин, бари бир, унинг юраги шу тўсиқлар орқасида, ўз оқими билан тинмай камол топиб бораётган, гўзаллик кашф этаётган катта ҳаёт қўйнида, унинг бир зарраси бўлганлиги учунгина яшарди, ундан бир лаҳза бўлсин узуқлик сезмас эди. Меҳнатининг самараси улкан ҳаёт дарёсига қўшилган жонли ирмоқ эканини сезиб, шу оғир кунида ҳам инсон ва юрт учун нафи тегаётганидан ичидан мамнун эди. Фақат меҳнатни қадрлаб ташқаридагидек «балли, сферин!» деб елкасига қоқувчи йўқ, икки оғиз ширин сўз билан кўнглини кўтариб қўювчи йўқ. Мана шуниси жуда оғир, ўтмас пичоқдек оғир ботар эди.

Содиқ фақат бадном бўлиб ўлиб кетишдан қўрқади. Бўлмаса, ўлим ҳаёт қонуни, туғилган киши бир куни албатта ўлади. Лекин туҳмат сиртмоғида ўлиш жуда даҳшатли. Агар гражданлар уруши йилларида ҳалок бўлганда «умрини шараф билан тугатди, гражданлик бурчини ўтаб кетди» дейишарди. Ундан кейинроқ вазифот этганида ҳам ёмон бўлмас эди, «бир одамча яшаб ўтди», деб эслашарди. Энди-чи? Пок оиласа иснод келтириб, қора ном билан умрини тугатиш нақадар даҳшат! Йўқ! Бу чидаб бўлмас катта дое. Нима бўлса ҳам қутулиши керак.

Содиқ ҳалол ишлар, турли-туман гапларга қулоқ солмас, тўғри келган ерда ғаламисларни силтаб ташларди, оғзинга уради. У ўз эркини фақат ҳақиқатининг тантанасидан кутарди. Лекин кўникмаган иқлим ва меҳнат уни кундан-кун енгандек бўлиб, тез чарчайдиган бўлиб қолди. Энди кечқурун толиқиб ётиб, эрталаб енгил тортиб турмас, кечаги куннинг ҳордиғи ҳамон танасидан аримагандек, карахтлик сезарди бутун баданида. Бугун ҳам худди шундай бўлиб ишга чиқди. Кечқурун қайтганида Диловархўжага йўлиқиб қолди. У билан кўришмаганига бирор ҳафта бўлган, иккиси икки ерга ишга қатнарди. Анча ўзини олдириб қўйган Содиқни кўриб, у меҳрибонлик қилди.

— Ие, ўзингизни олдириб қўйибсиз-ку?

— Сал тобим қочиб турибди.

— Тобингиз қочган бўлса бу ерда нима қилиб турибсиз? Юринг докторга.

Содиқ унга поилож эргашди.

Тиббий бўлим бараклардан анча четда, уч хонали

алоҳида бинода. Улар кириб борганда анчагина одам бор эди. Бу ернинг поли баракникига ўхшамас, деворлари оппоқ. Деворида тиббиётга хос плакатлар бор.

Содиқ бу ерга биринчи кириши бўлгани учун тартибни билмас эди. Диловархўжа эса, бу ернинг ҳавосини олган, кириши билан одамларининг орасини ёриб олдинга ўтди. Навбати келиб қолган биттасининг олдига имо-ишора билан сўқилиб, Содиқни ёнига олди. Навбат келиб, Содиқка шиша банкадан термометр олиб бердилар. Унинг иссиғи деярли жойида эди. Доктор унинг башарасига қараб:

— Янгимисиз? Толиқибсиз,— деди, лекин уни эртаги ишдан озод қilmади, дори-дармон бериш билан кифояланиб қўя қолди. Гап-сўзлари ўқдек, тетик Диловархўжанинг иссиғи 38,5 чиқди. Доктор у билан анча гаплашди. Диловархўжа ўз касали ўзига аёнга ўхшаб, докторга изоҳлар берарди. У эртаги ишдан озод бўлди. Содиқ ҳайрон қолди: соппа-соғ одам-ку!

— Иссиғингиз борми?— ажабланиб сўради.

— Бўлганда қандай! Кўрдингиз-ку.

Содиқ ишонмади. Унинг жавоби ҳам касал одамнига ўхшамас эди. Диловархўжанинг илтимоси билан унинг пешонасига қўлининг орқасини қўйди:

— Сезмадим.

— Сиз доктор эмассиз-да,— хихилаб кўлди у. Сал юргандан кейин у чўнтагидан бир нарса олиб отди. У нарса қорга қизиқ темирдек биғиллаб тушиб, эритиб кириб кетди.

— Нима у?— сўради Содиқ.

— Иссиғим!— хандон солди Диловархўжа. Кейин бирорга айтмаслик шарти билан қулогига аста пичирлади:

— Кўмир шлаги. Дастрўмолга ўраб қўлтиғимга қиссан эдим.

Эртага ишга чиқмаслигидан мамнун бўлган Диловархўжанинг тили бийрон, дили хуш эди.

— Шунаقا ишлар, Содиқжон, бу ерда фидокорлик эмас, устомонлик керак. Жонни сақлаш керак. Шўролар жонингизни жабборга берганингиз билан миннатдор бўлмайди. Буни бошингиздан кечириб, билиб турибсиз-ку, шунда ҳам кўзингиз очилмас экан-да. Сизга қийин, жуда қийин! Жилла бўлмаса, шу ерда ўзингизни тийинг, бунчалик жон койитиб ишлашнинг ҳожати йўқ.

— Нега? Иш эл-юртники. Ўша эл-юртда онам, укам, ўғлим яшайди. («Хотиним» деб юбормоқчи эди, Мушарраф эсига тушиб, тишини тийди.) Нафи менга бўлмаса, ўшаларга тегади. Ҳар ким ўзи эккан дараҳт соясида ўтиравермайди.

Диловархўжа Содиқнинг бу гапидан кулди. Кружкадаги сувни олиб узатди:

— Мана буни ичворинг, бўлмаса тиқилиб қолади! Наф! Наф!! Шунча нафингиз тегиб нима барака топдингиз. Шу ергача етиб келдингизми? Эртага ўлсангиз, ўйингизга икки энлик хат билан хабар қилмайди! Тентак бўлманг. Шунча йил тентаклик қилганингиз бас! Қайси гуноҳларимизга шунча азоб чекамиз. Ахир худонинг бизга атаган ёруғ куни ҳам бордир, шундай қўймас.

Диловархўжа нимадан ёки кимдан умидвор эканини очиқ айтмади, тўғриси, айтишга ботинмади. Лекин Содиқ унинг ёлғиз худодангина мадад кутишига ишонмас, унинг мажруҳ кўнглига далда берниб, саробдек кўринаётган нимадир бор эди. Бу ҳақда синашта бўлган, маслакдош маҳбуслар хилват топиб очиқ галлашишади. Буни Содиқ ҳам баъзан эшитиб қолади. Диловархўжа Содиқни яхши синаб бўлмаганидан фақат қармоқ ташлаб кўрарди.

Содиқ уларни бу умиди шимадан эканини тахминларди. Уларнинг умиди Европада оч бўридек изгиб юрган урушдан эди!

10. ОЛИЖАНОБЛИК

Иродаси метини кишини молу мулкидан, бола-чақасидан маҳрум қилиш мумкин, бироқ эсанкиратиш, йўлидан тойдириш қийин.

Содиқ лагерга янги келган кезлари энди ўтқазилган кўчатдек сал елга эгилиб юрган бўлса ҳам, кейин ўзини тутиб олди. Бу ерда ҳам инсон ҳаёти бор. Бу ерда ҳам инсоний хислат билан яшаш керак. Унинг назарида бу ерга яна бир катта имтиҳондан — иродаси, бардоши, асаби, ишончи эътиқодини имтиҳондан ўтказиш учун юбориб қўйганга ўхшайдилар.

Энди у келган кунидагидек нима ишга буюрсалар шуни қилиб юрган ҳунарсиз ишчи эмас. Олдин сувоқчиликка ўрганди, кейин катта мис тозалаш фабрикаси қурилиши бошланиши билан ғишт терувчиликни ўрган-

ди. Табиатан серзәсү ва җар нарсага қизиқувчи бўлган Содиқ учун ҳар ҳунар бир завқ бахш этар, кўнглини кўттарар, сөғлигини сақларди... Нега ўтган ой ёзган аризаси га ҳалигача жавоб йўқ. Иўлда йўқолиб кетдимикан? Адресси тўғри эди, шекилли.

Шу хаёл билан ўрнига кирган Содиқ, кечаси алланима Бало тушлар кўрнб, эрталабки юрак әзар қўпол сигнал билан уйғонди Уйғонди-ю, тушларига парво қилмай, ўанинг иккинчли қаватдаги ўрнидан сакраб пастга тушди.

— Хўш, дўстим,— деди қўшниси Богун,— бирор фалсафий фикр топдингми?

Содиқ гап нима ҳақида бораётганини дарров пайқади. Бугун мис тозалаш фабрикасининг бир қанотидаги майдонга тушаётган иморатнинг девори кўтарилади. Кеча пойдевор қўйнилиб бўлди, Богун билан туркман йигити Журменек ўзларининг тақдирлари ҳақида хат ёзиб, шу иморат остига бостириб юбориш тўғрисида маслаҳатлашишган эди.

— Бу ерда фалсафанинг кераги йўқ. Рост гапни пухта қилиб қоғозга туширсан бўлди,— деди Содиқ.

Нонушта пайтида ошхонада учрашган Журменек ҳам «Ёдларнинг чиқмадими?»— деб эслатиб қўйди.

Улар ишлайдиган жой икки-уч километрлик масофада эди. Содиқ Богун билан ёнма-ён борар, уларнинг тақдиррида қандайдир ўхшашлик бор эди. У ҳам аввал ўқитувчи бўлиб, кейин МТС сиёсий бўлимига сафарбар қилинган экан. «Менга-ку бало ҳам урмайди, эрта-индин чиқиб кетаман, лекин жўжабирдай жон билан хотинимга жабр бўлди: беш бола-я! Бир-биридан сал катта— бўйсира қилиб қўйгандек», деб эртаю кеч уйидаги ларни ўйлагани-ўйлаган. Ҳозир ҳам уйндан кеча олган хатининг мазмунини Содиқца ҳикоя қилиб борарди.

— Уртанча ўғлим, дадам овга кетган, айқопловон отиб келади, дермиш.

— Билмапани яхши. Билса кўнгли ўксийди,— дея тасалли берди Содиқ.— Бу кунлар ҳам ўтиб кетади.

— Утармикан?

— Утади! Утиши шарт. Утмаслиги мумкин эмас. Мен партияга ишонаман: бу адвониминг узоқ давом этиши ҳеч мумкин эмас. Бунда сен билан мен тушумайдиган мураккаб бир сир бор. Бир куни тагига стилади. Мен бунга аминман.

— Қайси аҳволга тушиб қолмайлик, партияга ишон-маслик — кўрнамаклик бўлади. Бу ҳақда гап бўлиши мумкин эмас. Шахсан менинг ишончим комил. Лекин аҳволни ўйлаб, баъзан ёқамни ушлайман: ўзи нима гап?

Улар ҳаётлари, кўргиликлари ҳақида сұхбатлашиб, қизишиб, совуқнинг аччиқ заҳрини ҳам сезишмас, ҳатто қаердаликларини ҳам унута ёзгандилар.

Богун ҳам кела солиб овчиларга хос чаққонлик билан гулхан қалаб, ўт туташтиради. Унга бағрини очар экан, «Тошкент иссиғини эсга солади-я!» — деб кулиб қўйди. Шу билан Содиқнинг диққатини ўзинга тортди.

— Тўғрими, дўстим? — Богун унинг елкасига қўлини қўйди, — ҳозир сизда неча даража совуғини?

— Совуқ нима қилади, ҳали палакда қовун бор.

— Йўғ-е!

Содиқ бир оз ошириб юборганини сезиб сал паст тушди:

— Ҳозир боғбонникига кирсанг, ишкомдан узмаса ҳам, олдингга олтиндек сап-сариқ ҳусайнини қўяди.

Бу гапдан ўзининг ҳам оғзининг суви келди.

— Ажойиб юртларинг бор. Лекин бизнинг Украина ҳам чакки эмас.

— Она юртнинг ёмони бўлмайди, дўстим. Она юртнини ёмонлаган хор бўлади, одамнинг пачоғи юртига тил тегизади.

— Лекин шунақа одам ҳам бўлар экан! — деди Богун, кейин бир тарихни ҳикоя қилиб берди.

— Унақалар «Юртимга нима нафим тегди» дейиш ўрнига «Юртим менга нима қилиб берди» деб қарашади. Улар учун дунёда ҳеч нарса муқаддас эмас, қорин ташвишидан бошқа илинжлари йўқ.

— Ҳайвон дегин.

— Фарқи — гапиришида, — қатъий деди Содиқ.

Гулхан чирс-чирс учқун сачратиб ёнар, ёлқин тили совуқ ҳавода жилланглар, тоғ изғирин билан бир томонга салом бериб оларди. Қаршидагилар: «Қоч ўт кетди», — деб тегишарди, яна ўтин қалашарди. Қишининг гули — олов, ҳам ўзингни ҳам кўзингни яшнатади.

Йўлда увшган баданини гулханда бир оз яйратгач, Содиқ Богунни бир четга имлади:

— Ҳалигини қилайлик, ҳозир иш бошланиб қолади.
Ана, Журменек ҳам келяпти.

Үч ўртоқ бир хилватга ўтиб, бино остига бостириб юборадиган «келажакка хатлар»ини маслаҳатлашиб ёзишли. Ҳаммага манзур бир текст тайёр бўлгандан кейин, уни тушь билан оққа кўчиришни ҳуснихат Содиққа топширишди. Содиқ маҳбус инженерлар ишлайдиган чертёжхонага кирди. Ўша ерда ҳаммасини тўғрилаб чиқди. Инженерлардан ҳам бир нечтаси имзо чекишига хоҳиш билдирид. Хат имзоланиб бўлгандан кейин, нам ўтмас мумли қофозга ўраб темир банкага солиши. Кечакетонлаштириш пайтида атайин қолдирилган ковакка жойлаб, устидан ғишт териб юбориши.

Ўз ишларидан мамнун ўртоқлар бир-бирига маъноли кулишиб, кундалик хизматларига тарқалиб кетишли. Содиқ эса, ана шу хат кўмилган деворга ғишт қўярди. Навбатдаги қатор устига ётқизилган, қоришмаси музлаб қолиб ғишт тишламаётганидан, дам ўтмай ёрдамчисини шоширап, «Ҳа, бўл, қани!» деб турарди. Ёндан қиялаб қараб, ўз санъатига маҳлиё бўларди. Режакипини яна юқорига сурар экан, нариги бошдан ғишт териб келаётган Богунга гап қотди:

- Қойилми?
- Қойил! — кулди Богун.
- Ишлагандан кейин, астойдил ишлаш керак.
- Бўлмасам-чи!

— Бир хил одамнинг гуручдан курмак тергандек имиллаб ишлашини кўрсам пақ ёрилиб кетай дейман. Атайин шунаقا ишлармикин ўшалар, ё бўлгани шумикин? — Содиқнинг ўзи жавоб қилди: — Атайин қилишади. Менимча, қалби билан ёниб меҳнат қилмаган киши, севинганида ҳам хандон уриб кулолмаса керак. Меҳнат самараси севинч, севинч ахир самимий табасум ва хандон кулги туғдиради.

— Қалби пок кишигина самарали меҳнат қила олади, — деди гапни якунлагандек Богун.

Иккаласи ҳам фикрларини меҳнатда исбот қилмоқчи бўлгандай, ишга астойдил киришиб кетдилар. Содиқ ғишт устига қоришма тўкиб, андава билан текисларкан, ёрдамчисига тайинлади:

— Нуқул бутунини узата берсанг, синиқларини нима қиласмиш, биродар? Аралаштириб узат, ишлатилиб кетсин. Қани, бўл, тез қимирла!

Содиқнинг қора терга түшиб, жон куйдириб ишләтганини күрган қоришка ташувчи маҳбус димогида пинғиллаб қўйди:

— Ишла-я ишла, начальник миннатдор бўлади! Кучинг узилганда бир коса обиравонни ортиқча берармикни!

Бу гап Содиқнинг қулоғига пашшанинг ғинғиллашибек бўлиб кирди. У индамади. «Қўрамиз, ким олдин оёғини узатади: меҳнатдан қочгап сенми ё менми?» дегандек кўзининг қирини ташлаб қўйди. Бунақалар лагердагина эмас, «ташқарида» ҳам топилиб туради.

Содиқ тушлик овқатга занг урнлгандагина манглай терини артиб, девордан тушди. Қўп қатори идишини кўтариб тушлик берадиган дарчага навбат турди. Салдан кейин совуқда қалин буғ чиқараётган сўк бўтқани олиб гулхан ёнига келди. Тўрвадаги нони билан еди. Устидан бир кружка қайнаган сув ичди. У энди танаффус охирингача бирор ерда сал мизғиб олмоқчи эди. Ўз қадрини билганлар шунақа қилади. Ўйқудан кўра яхши дам берадиган нарса борми-кишига!

У тахлаб қўйилган эшиклардан биттасини ерга ётқизиб, энди устига чўзилган эди, бирорвнинг чақиргани эшитилди. Ружанак қилган оёғини ёзиб, бушлатининг ёқасини туширди, товуш келган томонга қаради. У Журменек эди.

— Ҳалигини бопладик-а? Деворини анча кўтариб қўйибсан-ку

Ҳавонинг очиқлигини ҳам билиб бўлмас эди. Боя уфқининг анави этагидан қалин хом сурп орқасидаги чироқдек бир нарса чиқиб, ўша атрофии бирпасгина сарғайтириб турди-да, кейин берироққа ботиб кетди. Бу ернинг қуёши шу.

Сал ўтмай хуррак эшитилди. Иккаласи бир-бирини қучоқлаб, ружанак бўлиб ётарди. Совуқ эса, «қаердан ичинингга кириб, сал ором олсам экан?» дегандек, атрофда изғирди. Салдан кейин уйқунинг айни ширин пайтида қоқилган занг уларни иргиб туришга мажбур этди.

Яна иш... То навбатдаги занг қоқилгунча...

Содиқ ишдан қайтиб, дарвозадан кириши билан соқолининг ўсгани эсига тушди. «Бугун олдириш керак, жуда уят бўлиб кетди»,— деб тезроқ ювениб, сартарошхонага чиқиш ниятида елиб кетди. Эгнидаги бушлатини ечмасданоқ тумбочка устидаги хатга кўзи тушди.

Дастхатни таниди-ю, юраги ҳаприқиб, күэй тиниб кетди: наҳотки ундан?

Бу фикр ўзига эриш кўриниб хат ушлаган қўлиниинг аста титраётганини сезди. Хатни қандай қилиб очганини билмади. Бирор қўлидан тортиб олиб қўяётгандек шошиб хатга кўз юритди. Юритди-ю, бутун аъзойи баданини муздаи тер босди. Пичирлаб ўқиётган лаблари асабдан титради, кўнгли бузилиб, кўзига ёш келди.

Кутмаган одамингиздан хаг олиш нималигини биларсиз, албатта. Лекин ўша одамингиз бир маҳаллар тақдирнинг зайди билан узоқ вақт азоб чекиб юрган бўлса, бунинг устига сиз ўткинчи ҳис-туйғулар тизганига эркингизни бериб, унга яна озор етказсангиз, уйингиздан кўзида ёш билан чиқиб кетишга мажбур этсангизу, у хаммасини унутиб, кечириб, сизнинг бошингизга мушкул, кора кун тушганда, баланд ҳиммат билан шафқат қўлини чўзса, бунинг устига, ўша чеккан азоблари ҳақида лом-мим демай, сизнинг соғлигингизни сўраб, кўнглингизга тасалли берса, киши қандай ҳолатга тушишини тасаввур қила оласизми?

Содиқ ана шундай ҳолатда эди!

Хат Жаннатдан эди. Содиқ унинг бунчалик олижаноблик қилиб онасининг бағрига келишини, Маратнинг бошини силашини ҳеч хаёлига келтирмаган экан, хатнинг охирига етгунча энтикиб кетди. Қулоқларига Жаннатнинг ўша сўнгги кечада кўзида ёш билан титраб «ўзингизни қийнаманг, мен розиман, уйланинг» дегани эшитилиб турди. Қандай муқаддас маъсумлик!

Жаннатнинг хати таъсирида ганграб, қилар ишини билмай қолган Содиқ гоҳ атрофга жавдирап, Жаннатнинг ўзи кириб келаётгандек барак эшигига қарар, гоҳ ҳеч нарсани кўрмай бир нуқтага тикилиб қоларди. Анчадан кейингина ўзига келди. Ўзига келди-ю, нега жавоб ёзмай турганидан ажабланди, ахир бундай мактубга тезда жавоб қайтариш керак-ку! Кечиктиришнинг ўзи жуда бўлмаганда ноинсофликка киради!

Содиқ Жаннатга узр сўраб, бутун бўлиб ўтган ишлардан ўзи ҳам пушаймон эканини, пушаймонини кимга айтишни билмай юрганини баён қилиб, унинг олижаноблиги учун қалбидан миннатдорлик билдириб жавоб ёзмоқчи бўлди. Кейин бу ниятидан қайтди. Бирор: «Ҳолинг шу экан-ку, хотин қўйиб нима қиласдинг, бечора», деб таъна қилаётгандек, Жаннатнинг ўзига ҳам бу маз-

мундаги хат малол келадигандек туюлди. «Битган ярани тирнашдаң нима фойда. Үтган гап — бўз кўйлак, эт қичитади. Мехрибоним кетса ҳам, меҳри дилимдан кетмади, деб турган одамга писанданинг нима кераги бор. Кейин сал бачканалик ҳам бўлади, биронинг қўлига тушса, қулоғига чучмал эшитилади» деган мулоҳазага борган Содиқ, ўйлаб-ўйлаб оддийгина бир мактубча юбормоқчи бўлди. Мабодо у қалбидаги сўзини; андишага бормай, рўйирост айтишини лозим топганида шундай деб ёзган бўлар эди:

«Азизам! Ўксук кўнглимга умид чирогини ёқиб, қанчалик миннатдор ва баҳтиёр қилганингизни билсангиз эди! Нахот, нахот мени кечирдингиз! Сизнинг олдингиздаги гуноҳим кечирилмас, кечириб бўлмас гуноҳ. Мен сингилтак ҳислар кетидан эргашиб, сиздек одамнинг юзига оёқ тирадим, изтиробга солдим. Сиз бўлсангиз ҳаммасини унутиб, орамизда ҳеч нарса бўлмагандек хат ёзибсиз, таъна ҳам қилмабсиз. Юрагингиз бунча кенг! Сизнинг бу олижаноблигингиз қаршисида бошимни згаман».

Жаннатининг хати Содиқнинг оила ҳақидаги мудроқ фикрларини уйғотиб юборди. У бир неча кун Жаннатнинг хаёли билан юрди. Юборган хатининг жавобини сабрсизлик билан кутди. У хатининг мазмунини ўзича тахмин қилди. Лекин хат ҳадеганда келевермади. Шундай бўлса ҳам, Содиқ умидини узмади, унинг хаёли билан яшаб, руҳини тутиб юрди. Кейинги кунлар енгил ўтаётганга ўхшарди.

Ахийри хат келди. Бу хат биринчи хатдан ҳам кўра самимий, ҳаётбахш эди. Жаннат ўзининг иши, оналарининг соғлиғи, Қодиржоннинг обрў билан МТСда ишлашини айтиб, Маратнинг бийрон-бийрон гапларини келтирган эди.

Содиқ бу хатни тузлаб қотирилган гўштдек чайнаб, чайнаган сари яна таъми чиқиб, оғзи маза қилган кишидек қайта-қайта ўқиб юрар экан, бирдан посилка ҳам келиб қолди. Уни ҳам Жаннат юборгани аниқ эди.

Посилка берадиган жой дарвозанинг ёнидаги хонада бўлиб, бу хона икки бўлакдан иборат эди. Биринчи-бошларни ремонтга оладиган жой. Иккинчи хона ундан кўра кичикроқ. Бу ерда посилка соқчи-аскарнинг кузатувида очилар, сўнг эгасига берилар эди. Бундан ташқари, бу хона олинган посилкаларни сақлаш учун

ҳам қулай ва хавфсиз эди. Посилкани түмбочкада асраб бўлмас, «тая қилиб қўювчи»лар доим топилиб турарди.

— Сизга ҳам посылка келганми?— деди соқчи-аскар. У Содикнинг кўзига иссиқ кўриниб кетди. Худди танишга ўхшайди. Ким бу? Бирор ерда кўрганми? Аскар ҳам унга бошдан-оёқ қараб қўйди, ниманидир эслагандек қошини чимириди.

Содик посылкани очганда ҳам кузатиб турди. Қутидан кишиш, баргак, туршак, бир идишчада сариёғ, беш-ўн бош саримсоқ пиёз, унинг остидан бир талай ғалвир ёнғоқ чиқди. Унинг бир чеккасида бир-бирининг устига қўйилган беш қути папирос. Иккита қази.

Қутичадан газетага авайлаб ўралган фотосурат ҳам чиқди. Унда Адолат хола, Жаннат, Марат. Марат Жаннатнинг тиззасида ўтиради.

Аскар Жаннатни кўрсатиб:

— Хотинингизми?— деди. Ўз сири ўзига аён Содик нима дейиншини билмай қолди.

— Ҳа, хотиним,— деди кейин ўзини тутиб. Лекин бу эҳтиёткорлик билан секин қайтарган жавобини Жаннат эшишиб, «Нега тил учидагина айтяпсиз? Малол келса, тўғрисини айта беринг!» деяётгандек бўлиб кетди, шундан сўнг қатъий қилиб такрорлади:

— Ҳа, хотиним! Буниси ўғлимиз. Мана бу онамиз... Жуда қариб қолибдилар.

— Ғам букикан!— деди ёнида турган бир маҳбус.

Содик нарсаларидан сахийлик билан аскарга тутди. Агар ўша Содик ўйлаган киши бўлса, унинг тажминича жилла бўлмаганда, одамгарчилик юзасидан, бир-иккитасини оғзиға солиб, раҳмат айтиши керак эди. У олмади. Демак, у йигит эмас, бошқа, Содик адашибди.

Содик баракда чой дамлаб, олиб келган мева-чевасини шу ерда орттирган дўст-ёрлари олдига қўйди, чекишини ташлаб юборганидан папиросни тақсимлаб берди.

— Эй Содикжон!— деди меҳмонлардан бири,— овора бўлиб нима қиласдингиз? Асраб қўйиб ўзингиз еявермайсизми?

— Тансиқ. Юртдан келган нозу неъмат!— деди Содик.

Ўтган ҳафта посылка олиб, исини ҳам чиқармаган Диловархўжанинг энсаси қотди, бир четга қаради. Бу ерда ўтирганларнинг кўпчилиги такаббурлиги, ҳар нар-

сара човлисини солиб ақл ўргата берганидаи Диловархўжанинг ёқтиришаси, «Кишига эл бўлмайди, тўймаса имонини сотиб ейди»,— деб юришарди.

Эртасига Диловархўжа посиликасидан бир кафт баргак, битта қаттиқ патир кулчани қўлтиғига тиқиб янга келиб қолди.

— Бизникидан ҳам тотиб кўринг, Содиқжон. Бизнинг меваларнинг таъми бошқа, обаки ўринида шимиса бўлади.

Диловархўжа оғзиға солған баргак устидан сув ҳўплади, маза қилаётгандек тамшаниб қўйди. Фақат кешиш олдидангина асл мақсадига кўчди:

— Содиқжон,— деди ҳазиломуз кулиб,— қазини ҳам кечаги сингари хомталаш қилиб, ўртага ташлай берманг, увол кетади. Ўзимиз дам олиш куни резалаб эрмак қиласиз, мен жиндай спирт топаман,— фельдшер билан имо-ишора қилишиб қўйдим. Ундан кейин анави баракда ўзимизга ўхшаган икки-учта азамат ҳам бор. Биттаси оқ генераллардан.

Содиқнинг энсаси қотди, ғазаби қўзғади. Бу сўз Диловархўжанинг маза-бемаза гапларини эшишиб, бемаъни қилиқларини кўриб, тўлиб юрган Содиқнинг сабр косасини тоширган сўнгги томчи бўлди. «Ҳамма ай ўзимда, вақтида қайириб ташламадим» деб ўзидан ўпкалади Содиқ. Лагерга янги келган кезлари хомлик қилиб, оғзиға урмади, мана бугун уни ўзи билан бир қаторга қўйиб, қандайдир оқ генералга улфат қилмоқчи иложини топса, йўл чизиб, шундан юргизмоқчи. Унини назарida Содиқ ҳам аламзада, нима деса шунга кўнади. Мана шунисига Содиқ чидолмай қолди.

— Менга қаранг, қўрбоши, мени қаёққа бошламоқ чисиз? Сиз билан менинг йўлим бошқа-бошқалигини биласизми ўзи?

Диловархўжа бу гапни ҳазил тушунди, кулди:

— Ҳалиям-а? Үн йилни бўйнингизга бўйинтуруқ қилиб осиб олсангиз ҳам-а?

— Ҳал!!! Нима, сиз билан бир лагерга тушган бўлсан орамиздаги тафовут йўқолибдими! Йўқолмайди Имонингиз комил бўлсинки, менинг қонимни қайнатганда ҳам сизникига, сизга ўхшаганларникига қўшил майди. Минг қилинг сиз юрган кўчадан мен юрмайман ба юролмайман. Менинг йўлим бошқа. Бу йўлдан мен сиз тугул, сиздан зўрроғи ҳам қайтаролмайди.

— Улсам ҳам, яша Шўро, деб ўламан денг?— Диловархўжа яна ҳазилга олмоқчи бўлди. Лекин Содиқ жиддий жавоб қайтарди:

— Ҳа, худди шундай деб ўламан! Шўронинг меҳри қоним билан кирган, жоним билан чиқади. Шуни ўнг қулогингиз билан ҳам, чап қулогингиз билан ҳам эши-тиб олинг!

— Хўп-хўп!— ўсал бўлган Диловархўжа кўксига қўлни қўйиб, орқаси билан чиқиб кетди.

Содиқ шу маҳал қамалганидан эмас, Диловархўжа билан бирга бўлиб қолганидан афсус қилди. Ана шунақа «тузлиқ булғарлар» билан бир қозондан овқат еб, бир эшикдан кириб-чиққанига асти чидолмас эди.

Лекин, бари бир, Диловархўжа оёгини тийиб кетмади. Уч кун ўтгач, «Уша куни роса хафа бўлиб турган экансиз-а?»— деб ишшайиб яна кириб келди.

Посилка олишда кузатиб турган аскар эртасига келиб ўзини танитмаганда, Содиқ уни тоғасининг ўлимимига боргандা танишган йигит Қобилжон эканини билмас эди.

Эртасига одатдагича Содиқ овқатга занг урилиши билан ҳавозадан сакраб тушди, идишни олиб ошхонага югурди. Ошхонада одам тиқилиб кетган, тик тургани жой йўқ. Ташқарида холироқ жойни кўзи билан мўлжаллаб турар экан, бирор:

— Яхшимисиз, Содиқ ака,— деб қолди. Бундай ўгирилиб қараса, ўша аскар йигит. Кулиб турибди. «Ҳали овқатингизни еб бўлганилгиз йўқми?»— деди-ю, бир четга бошлаб ўтди. Содиқ унинг Қобилжон эканига энди шубҳа қилмади. Лекин унинг кечаги тундлиги ҳамон кўнглини хижил қилиб турарди. Худди шуни Қобилжоннинг ўзи ҳам билгандек юпатди:

— Кечаги учрашувимиздан, гап-сўзларимдан тоза ҳайрон бўлгандирсиз?

Содиқ ростига кўчди:

— Аввалам яхши танимадим, кейин...

— Шароит шунақа, Содиқжон ака,— унинг гапини илиб кетди Қобилжон.— Шунақа қилмаса бўлмайди. Бизнинг ҳам мурватимизни қаттиқ бураб қўйган.

Содиқ Қобилжоннинг гапига дарров тушунди: демак, бу соқчи йигитларга ҳам қийин. Улар аслида маҳбуслар ўйлагандек, тунд кишилар эмас. Шу ерга келиб

шунақа бўлиб қолишади, тўғриси, шунақа қолипга со-
лишади.

— Сиз нима қилиб бу қармоққа илиниб қолдин-
гиз?— ажабланиб сўради Қобилжон.

— Илинмадим, илинтиридилар!— деди Содиқ ва қис-
қача қилиб айтиб берди.

— Шунақа сизга ўхшаб, чирқиллаб қолганлар кўп-
ми бу ерда?

— Анчагина бор.

— Шикоят ёздингиэм?

— Жуда кўп ёзаман, жавоб йўқ.

— Мен сизга бир сирни айтайми, Содиқ aka? Ариза-
ларингизнинг ҳаммаси шу ерда қолади!

— Шу ерда қолади?

— Ҳа! Эски қадрдан бўлганимиз учун сизга айтип-
ман, бўлмаса мумкин эмас. Шу ерда қолади. Очиб кўр-
ганларида олиб қоладилар.

— Бекорга жавоб кутиб юрибсан денг? Эҳ, аттанг!—
Содиқ қўлидаги идишни овқати билан улоқтириб от-
ди,— бу қайси қонунда бор!!

— Ўзингизни босинг, фойдаси йўқ,— ердан идиш-
ни олди Қобилжон.— Қонунни бузиб, ўзингизни шу ер-
га келтириб қўйганларидан кейин шикоятингизни
ўтказмаслик нима бўлти? Уша катта занжирнинг
битта ҳалқаси, холос. Үндан кўра, келинг, мен сизга бир
яхшилик қиласай. Уша шикоятларингизнинг нусхаси
борми?

— Ҳам?— жонланди Содиқ.

— Шундан битта мукаммалини менга яхшилаб қў-
чириб беринг. Мен уйимга юбораман. Уйимдагилар то-
ғангизникуга чиқариб беради. Улар тайинланган жойин-
гизга ё етказади, ё юборади. Бизнинг хатни бу ерда
очишмайди.

Содиқ яшнаб кетди.

— Раҳмат, ука! Бормисиз! Бизга ҳам шафқат қўли-
ни чўзадиган инсон топилар экан-ку!

— Лекин ҳеч ким билмасин.

— Албатта!

Қобилжон Содиқ билан хайрлашар экан:

— Ҳамма гапларимиз ўз орамизда қолсин-а, Содиқ
ака!— дейишни унутмади.

Содиқ эртасигаёқ ўз шикоятномасини Қобилжон-
нинг қўлига тутди.

II. СОҒИНИБ

Жаннат Адолат холапикига күчіб келгандан бери, Содиқни ўйлайды. Үнинг назарида Содиқ ҳаётида рўй берган бахтсизлик бир туш, узоққа чўзилмайдиган мудҳиш туш. Ҳали-замон тонг отиб уйғонади-ю, ҳаммаси тугайди. Назарида Содиқ одатдагидек ишидан ҳориб қайтади, дадасини кўриши билан бўйнига осилган Маратни кўтариб олади. Шунда Жаннат: «Туш ўғлим, да-данг чарчаб келдилар»,— дейди, үнинг қўлидан Маратни ўзи олади. Ҳа, Мушарраф «тарихи» ҳам бир туш. У ҳам ўтиб кетиб бўлган. Осмондан тушгандек оиласа бир ўғил пайдо бўлиб қолган. Фақат шу мудҳиш туш тезроқ тугаса-ю, Содиқ келса бас!

Лекин, афсус, бу «туш» ҳамон тугамас, тонг отмас, Жаннатнинг дили мунаввар бўлмас эди.

У Содиққа мунтазам хат ёзиб туарар, кўнглини кўтарар, соғлигини сўрарди. Үнинг маслаҳати билан бир-икки идорага бош сўқди, ёрдам сўради. Лекин бундан ҳеч нарса чиқмади. Бу ишга ҳеч кимнинг аралашгиси келмас ёки аралашнинг журъат этмас эди. Шунга қарамасдан, Жаннат, ҳатто Москвага боришни ҳам ният қилиб қўйди. Бу ниятини бошлаб Қодирга билдириди.

— Нафи бўлармискин?— деди Қодир. У ўз вақтида тоза ҳаракат қилган; не-не кишиларга мурожаат этган, фойда чиқмаган эди. Тўғри, улардан биронтаси «уринма, бола, бефойда» демади, кўкрагидан итартмади, эшикни орқасидан тарсиллатиб ёпмади. Арзига бошини қия эгиб ёки қалам кетини столдаги ойнага аста уриб ўтириб ёки кабинетда у ёқдан-бу ёққа юриб қулоқ солишди. Лекин жавоблари бирор хулоса чиқариб олиш қийин бўлган даражада сочиқ, паришон эди. Қодир бориб-бориб шу хулосага келдики, бу одамлар нимадандир, кимдандир ҳадиксирайди, дилидаги маслаҳатини беришга ҳам журъат қилмайди. Бўлмаса, уларнинг Содиқ тақдирига ачинаётганиликларини кўзларидан, баъзан сўзларидан пайқаб олиш қийин эмас эди. Қодир бу ҳаракатини чарчаганидан ёки акасининг жиноятчи эканига иқрор бўлганидан эмас, балки ишининг кўпайиб кетгани, шаҳардан четда турганидан ва қолаверса, натижча чиқавермаганидан сал камайтирган эди. Келин-ойисининг бугунги маслаҳати уни яна жонлантириди.

— Бутун бошли бир одам сувга отилган тошдай жим кетаверадими? Бечорага жуда жабр бўлиб кетди, жуда увол бўлди,— деди Жаннат.— Сизнинг ишдан қўлингиз тегмаса, мен индамасам... Йўқ, бу инсофдан эмас. Шу отпускамда Москвага бораман. Оқни оқ, қорани қора қиласман.

— Харажатингизга мени ҳам қарашардим... — деди Қодир дилида умид учқунланыб.

— Харажати бўлса бир гап бўлади. Кўрпа-ёстиғимизни сотсак ҳам боришим керак. Сиз борманг. Сизга бир гап теккани стади. Ўзим бораман. Мен хотиниман, бир ёнғоқнинг ярим палласиман, мени ҳеч жин урмайди!

Жаннатнинг сўзлари Қодирнинг нафсониятига теккандек бўлди: гўё уни қўрқоқликда айбларди. У изоҳ беришга мажбур бўлди:

— Акам туфайли гап тегишидан чўчисам аллақачон ундан тониб, ўқишини давом эттирган бўлардим. Отасидан тонган, эридан чиққанлар камми? Биттаси Мушаррафиди?— «келинойи» дейишга тили бормади,— Йўқ! Акамнинг ёмон одам эканига мени ишонтирмагунларича мен ҳам тинчимайман. Афсус, бу йилги отпускам ўтиб бўлган. Бўлмаса ўзим борардим. Энди ишдан жавоб беринлари қийин. Бутун қишлоқни шу ёз электрлаштириб, ҳар уйга радио туширишимиз керак. Иш кўп. Қўл тегмайди. Ҳали ойдинда ҳам ишламасак деб турибман.

— Хафа бўлманг, Қодиржон, сизни айблаётганим йўқ. Қани ҳамманинг ҳам укаси сизга ўхшаган бўлса! Акангизга жабр бўлганидан куйиб айтдим.— Жаннат узр сўрагандек мулоим гапирди.

— Майли, келинойи, сиз боринг. Мен бир яхши адвокат топиб маслаҳатлашай, лозим топса бир ариза ҳам ёздириб олай, зора акамнинг иши ўнгидан келса.

— Зора! Олма лиш, оғзиимга туш, деб ўтиришимиздан фойда йўқ, вақт ўтади.

Жаннат бу фикрни Қобилжон орқали Содиқга ёзди. Содиқ Москвага арз қилиб борувчининг ўз қўлига берадиган «маслаҳат калити» борлигини уйга маълум ғилди. Демак, Жаннат аввал унинг олдига бориб шу калитни олиши керак. Жаннатнинг Содиқ олдига боришини эшишган Адолат хола: «Жон болам, мени ҳам

алиб кетинг, беш куним борми, йўқми, Содиқжонни қўриб келаман! — деб туриб олди.

— Харажат икки бўлади-да, ойн.

— Йўқ, жон болам, ундан деманг. Улимлигимни сотсан ҳам бораман, қарз ҳавола қилсан ҳам бораман, боламни жуда соғиндим. Кўрмай қўзимни юмсан, гўримда тик тураман. Зомин бўлманглар!

«Жонболам хола» масалани шундай кўндаланг қўйган эдикки, уни на Қодир, на Жаннат рад эта олди. Рози бўлишди.

— Унда Маратни ҳам ола кетамиз, дадасини қўриб келади, — деди Жаннат, кейин Маратга тегиши: — Да-дангни танийсанми?

Марат «ҳа» деб юрганича уйга кириб кетди, салдан кейин дадасининг суратини олиб чиқди:

— Мана дадам! Мен худди дадамнинг ўзиман. Катта бўлганимда мен ҳам дадамга ўхшаб кўп соч қўяман, шунаقا галстук тақаман.

Марат кўзи уйқуга кетгунча дадасини қанақа қилиб қучоқлаши, нималар дейишини гапиравериб, ҳамманинг миясини қоқиб қўлига берди. Ухлади-ю, оғзи тинди.

— Бугун Содиқжоннинг қулоғи тоза қизиди, — деди Адолат хола, — бола бечора, сен ҳам бизларни тоза соғингандирсан. Маратнинг бийрон тилини эшишиб, севинчдан юраги ёрилиб кетади боламнинг. Худди дадасининг ўзи Марат! Дадаси ҳам тез тилга кирган эди. «Юмшоқ»ка тили келмасдан «ҳушмоқ», «ҳушмоқ нон берилг» деб юради. Юмшоқ нон танқис экан-да ўша вақтда. Ҳа, болам, мана энди қасқларда юрибсан: тилингдан қоқилдингми, оёғингдан қоқилдингми — билмасам! Сенга қасд қилганинг ўзи паст бўлсину, сен тойчадай кишина бўлсанни кириб кел, илоҳим!

Содиқ олдига боришлиарини эшишган Икром ота дам олиш куни Маратга тент кенжа набираси билан келиб, узоқ ўтирди. «Йўл харажатига» деб бир оз пул ташлаб кетди. Адолат хола ёки Жаннатнинг қаршилик қилишини билib, олдини олди:

— Бу ўзимнинг омонат кассадаги пулимдан. У ерда ҳам туради, сизларда ҳам. Еб кетарга эмас. Содиқжон келганда қанақа қилиб олишни ўзим биламан: проценти билан! Қўлимни қайтарманг!

— Илоҳим айтганингиз келсин, Содиқжон келиб, ўз

қўли билан қайтарсин. Болам албатта қайтаради. Бирорнинг ҳақидан ҳайиқадиган йигит.

— Қайтармаям кўрсин-чи, нақ...— яна кулгига олди ота.

— Урасизми?— бирдан гапга аралашди Марат.

— Ҳа, бўлмасам-чи, қулоғини кесиб оламан.

Икром ота хайрлашиб, эшикдан чиқар экан, қўлидаги неварасига деди.

— Оёғингиз билан юрмайсизми, ўғлим?

— Ҳо, ботинкам жий бўсинми.

Кулишиб хайрлашдилар. Икром ота то муюшдан бурилиб кетгунча Адолат хола, Жаннат ва Марат учаласи орқасидан қараб туришди.

— Барака топкур, туққандан афзал,— деди хола кучга эшикни юзига ёлаётуб.

Эртасига Содикдан хат келди. У соғлиғи яхшилигини баён қилгандан кейин, турган ерининг ёзи беш кунликкина эканини, ҳадемай совуқ бошланиб, изгирини ғашга тегадиган бўлиб қолишини ёзарди. Жаннат буни, йўлга чиқсанглар тезроқ отланинглар, бўлмаса совуқда қийналиб қоласизлар, деб тушунди, йўл ҳозирлигини тезлатиб юборди.

Вокзалда Адолат хола ўғлига: «Қодиржон, бор-йўнингни бизга шилиб бериб қўйдинг, иссиқ-совуқдан қийналиб қоласанми, болам!»— деб бағрига босиб ўпди, ҳали эсини танимаган боладай алланнималарни тайинлади. Поездга кузатиб чиққан Икром ота билан Қодир узоқ қўл силтаб туришди. Поезд жилиши билан, Адолат холанинг бағрида нимадир узилгандай бўлди, сабабсиз йиғлади. Эртасига ўзини тутиб олиб, неварасини дадаси билан кўришишга тайёрлаб, турли сўзлар уқтириб, кун ўтказди. Ҳамма нарсага қизиқаверадиган Марат поезд ойнасидан кўрган, одамлардан эшигтан нарсаларини сўрай бериб, бувиси билан аясининг энка-тинкасини чиқарди. Унинг саволи ҳеч тамом бўлмас эди.

— Сен ҳам чарчайсанми ўзи?— деди кулиб Жаннат.

— Чарчаш нима, ая?

— Чарчаганда киши жим ўтиради, ёнбошлаб дам олади.

— Ана, бўлмаса бувим чарчабдилар,— у ётган бувисини кўрсатди.— Буви, нега чарчадингиз?

Марат бўлмаганда шунча кунлик йўлда қайнана-келин диққинафас бўлиб кетишарди. Марат эрмак бў-

либ, күнлар ўтганини билмай қолиши. Марат ухлаганда купе болалари тарқаган синфга ўшаб қоларди.

Күнлар ўтган сари поездда одам сийраклаши. Марат билан ўйнашиб келган ҳамкуелар ҳам тушеб қолди. Бири эсдалик қилиб ўқиб келаётган «Крокодил»ини ташлаб кетди. Қувониб олиб қолган Марат, ўша заҳоти:

— Вой, бундаги одамларнинг ҳаммаси қийшиқ-ку, бунақа китоб менга керакмас,— деб эгасига қайтариб берди. Жаннат таржимасидан унинг гапини тушунган қўшни қаҳқаҳ солиб кулди, «Молодец, мальчик! Тўғри айтасан, бундаги одамлар ярамайди»,— деб, ўрнига ён чўнтағидан «Оғонёк»ни чиқариб берди:

— Бу-чи, яхшими?

Марат тезда икки-уч бетини очиб, боши билан маъқуллади.

Поезд еттинчи куни эрталаб сердарахт ўрмонни иккига ёриб кириб кетди. Манзилга етганда улар билан тушган тўрт-беш кишидан учтаси ҳарбий формадаги эди. Жаннат улардан бирига мурожаат этиб, қўлидаги адресни кўрсатди.

— Хозир машина бўлади, бирга олиб кетаман,— деди бир ҳарбий. Қейин кулиб Маратга гап қотди:

— Хўш, йигитча, бу ёқларда нима қилиб юрибсан? Оқ айиқни кўргинг келдими?

Марат ётсираб бувисининг этагига ёпишди. Хижолат тортган Жаннат:

— Нега қочасан,— деди қўлидан ушлаб,— дадангнинг командири-ку бу киши!

Жаннат гарчанд ўйламасдан айтиб юборган бўлса ҳам аслида башорат қилган эди. У ҳарбий чиндан ҳам ўша лагерда ишларди. Шунинг учун уларни ўзига келган усти ёпиқ юк машинасида лагерь дарвозасигача олиб келиб туширди. Меҳрибонлик қилиб, келувчилар учун ажратилган махсус хонага жойлаштириди. Қейин ичкарига кириб кетиб, анчадан кейин бир аскар билан чиқиб келди:

— Энди сизлар дам олинглар, йўлда чарчаганситлар. Мана бу йигитчани иссиқроқ кийдириб қўйинглар, шамоллаб қолади,— деди у Маратни кўрсатиб.— Мен ҳам бориб нафасимни ростлай. Қўчқоров ишда экан, кечқурун қайтади. Нима ишинглар бўлса мана шу навбатчига айтинглар. Хайр!— ҳарбий орқасига бурилар

экан, навбатчи аскарга алоҳида тайинлади.— Сиз булардан хабар олиб туриңг. Мен у ёғини гаплашиб қўйдим.

— Хушфеъл одам экан!— деди унинг орқасидан Адолат хола ишларининг енгил кўчганини кўриб. Ахир кела-келгунча «Ҳали қандай топамиз? Қаерда сарсон бўламиз? Қимникида турамиз?» деб, озмунича ташвиш тортганмиди!

— Боламинг обрўйи бу с尔да ҳам яхшига ўхшайди, Жаннатхон. Елиб-югуришларни кўринг.

Ахийри Содиқ ҳам келди. Колонна олдида келётган Богун меҳмонларга кўзи тушди-ю, қандайдир ички бир ҳис билан, уларнинг қимлигини фаҳмлади, орқада келаётгани Содиққа хабар қилди:

— Келишибди!

Содиқнинг юраги бирдан гурсиллаб уриб, одамлар орасидан олдинга ўтди.

— Ана дадаси!— деди бошлаб пайқаган Жаннат.

— Қани? Қани?— деб шошиб қолган «Жонболам хола» ўғлини айриб ололмас, олазарак бўлиб қидиради.

Содиқ Адолат холалар назарида йил бўлиб кўринган ярим соат ичиде кийим-бошларини алмаштириб, кулганича чиқиб келди. Қувончини ҳам, йиглашини ҳам билмай титраб турган онасининг бағрига ўзини отди. Она «Болагинам!» дейишдан бўлак сўз айттолмасди. Ўғли билан узоқ кўришди, елкаларига қоқиб, пешонасидан қайта-қайта ўпди. Навбат Жаннатга келганда бир зумгина сокинлик рўй берди. Содиқ шошиб қолган, қандай кўришувини билмас, қучоқлашай деса, ойисидан ийманади, қўлинни бериб қўя қолай деса, Жаннат гўё, «Ҳали оқибат шуми? Балли!» деб ўксиётганга ўхшайди. Иўқ, бу мушкулотдан Жаннатнинг ўзи қутқарди. Онаси қучоғидан бўшаган Содиқнинг иккиланмай елкасига қўлинни қўйди, қўзи ёшли бўлса ҳам тетик сўрашиди.

Марат бир четда тортиниб турарди. У ҳайрон, нима бўлаётганини тушунмас эди. Бувиси «Болагинам!» деб йиглаб кўришаётган киши унинг шу кунгача хаёлида суратини чизиб келган одамга ўхшамас эди. Уйда дадасининг расмлни кунда кўтарди. Унда дадасининг соchlарни текис қилиб тараалган, бўйнида чиройли галс-

тук, эгнида янги күйлак, костюм. Бувиси, аяси билан кўришаётган киши эса бутунлай бошқача.

Жаннат Содиқ елкаспидан қўлини олиш билан Адолат хола ҳамон бўзрайнб, этагига ёпишиб турган Маратга:

— Ана дадаиг! Кўришмайсанми? Ачом қилмайсанми? — деди ва Маратни ўзидан айирган эди, у Содиқнинг бағрига отилиш ўрнига, «Ая!» деб Жаннатга ёпишди, юзини бекитди, зум ўтмай ҳурковчи кийикдай қиялаб қаради.

— Хе, уяти йўқ! Киши дадасидан шунаقا қочадими?

Содиқ арзанда ўғлини ортиқча хижолатда қолдирмаслик учун бир қадам олдинга юриб, уни бағрига олди, юзларидан ёшли шўр лаблари билан ўпди, тих турғизиб арчадек бўйларига боқди, яна бағрига босди. Энди Марат ўзини четга олиб қочмас, дадасининг соғинчи — меҳрини болалик идроки билан ҳис этиб, ўз ихтиёрини унга бериб қўйган эди. Дадаси эса, тилаб олган ўғлининг дийдорига тўймас, териси қалин тортган қўллари билан бошини силар, бу сийпаш ҳорғин қалбига ором бахш этарди. Буларнинг барчаси унинг учун камдек, ингичка, ёқимли товушини эшитгиси келиб қолди:

— Қани ўғлим, «дада» дегин.

Марат дадасиникига ўхшаган кўзларини жавдирашиб гоҳ бувисига, гоҳ аясига қаради. Жаннат аяси унга ёрдамга келди:

— Айт, ўғлим, қани бир дадажон дегин.

— Айт, болам, айта қол, ўзиғининг дадаиг-ку! Куда суратга қараб тавоб қилган дадажонинг-ку.

Содиққа ўғлининг ётсираши оғир ботмади. Чунки унинг қаршиисида бўйн чўзилган, кийим ярашган, ҳатто уялишини ҳам биладиган ўғли турар: у бир вақтда ҳам ғурур, ҳам ўқиич бахш этарди. Охирги марта эшик олдида хайрлашгани кўз олдига келди: бундан кейин узоқ вақт кўришолмасликларини сезгаңдек, шу ўғли митти қўлларини қанот қилиб ёзиб ,унга талпинган эди.

Содиқ Маратнинг бошини силаб туриб, кўзи Жаннат билан учрашиди.

Жаннатнинг ҳам чеҳрасида Содиқ ҳеч қачон кўрмаган шундай жозиба бор эдики, бундай жозиба одатда одам бахтини топганда пайдо бўлади. Жаннат ҳозир буни яширишга қанчалик урнинласин, бари бир, шамол

елпиган шамдек лопиллаб, ёрқинроқ кўринарди. Бу ҳусн таънадек туюлиб, Содиқ мана шу маъсум аёл билан бир қанча йил ҳаёт кечирганини, кейинчалик қандайдир ўткинчи ҳисга берилиб йўлдан адашганини, оқибатда шу покиза хотин азият чекканини хаёлида бир-бир тиклади. Қаршисида бошини сал қўйи солиб ўтирган маъсума хотиннинг кўэ ёшлари, аччиқ аламлари, изтироб аланталари эвазига, ўзининг поймол бўлган файзи-ҳаловати, асабий титроқлари эвазига орттиргани Маратни ҳисобга олмаганда, иложини топса, ўша адашган дамларини умри ҳисобидан жон деб ўчириб ташларди. Эсласа юраги орқага тортиб кетадиган ўша кунларнинг ширин ёдгори шу азamat Марат. Бадбахт онадан туғилган бу бегуноҳ фарзанд, ана шу бир парча эт, бир дона тирноқ учун неча йиллаб заҳмат чеккан, қайғурган, қон ютган бир меҳрибоннинг, беғараз, чин бир меҳрибоннинг тиззасида осуда ўтирибди. «Ким мени орзу қилиб зардоб ютган эди-ю, кимдан дунёга келдим, ҳозир мени эркалаётган, меҳрини дарё қилиб оқизаётган бу хотин ким!» дейиш унинг эсига ҳам келмайди. Табиатнинг мўъжизасини қарангки, бола Жаннатга тортиб, унга ўхшаб кетибди. Бу унинг меҳри туфайли эмасмиикн?

Содиқ шу хаёллар оғушида экан, маҳалласида бўлган бир ғайри табиий воқеа эсига тушди.

Унинг дунган қўшниси бор эди. Узи мўмин-қобил, бефарзанд эди. Қўчанинг нариги бошида ёшгина бир келиннинг кўзи ёриди, сал ўтмай ўзи нобуд бўлди. Омон қолган мурғакни эр-хотин дунган икки ойлигига олиб асрди. Бола йиғлоқи эди, раҳми келган қўшни кампир «сўргичингиз ўлсин, минг қилса ҳам резинка, ундан кўра кўкрак солинг, ҳар нарса бўлса ҳам она тўши» деб маслаҳат берди. У шундай қилди. Бир куни қараса, қизи чўлпиллатиб эмяпти, кўкрагига сут келибди! Қизчадан хабар олиб турган врач табиатнинг бу мўъжизасидан ҳайрон қолди. Шунда ўша маслаҳат берган кампирнинг ўзи: «Бу меҳрдан, айланай, яхшилар, астойдил меҳр қўйганидан»,— деган эди. Қизча юриб кетгандан кейин бундоқ қарашса, худди унинг ўзгинаси, дунган қиз бўлибди-қўйибди.

Содиқ бир лаҳзада шуларнинг барчасини хаёлидан нур тезлигига ўтказиб, Маратнинг Жаннатга ўхшаб кетганинг боисини ҳам худди ўша доно кампир айтган

ҳикматда күрди. Киши қаҳри тошни ёргандай, меҳри темирни эритади!

Жаннатнинг меҳрибонлигидан шу лаҳзада қувониб кетган Содиқ ҳазиллашди:

— Ойи, неварангиз Жаннатга ўхшаса ҳам, лекин қулоғи ўзимники, супрадаккина. Уни қаранг, орқасидағи чироқ күриняпти.

— Боланинг қулоғи бевақт кўчириб қўйилса, шуна қа шалпангроқ бўлади. Сал эт қўйса билиммай кетади. Бу йил бўйига ўси, шунинг учун ориққа ўхшаб турибди,— деди Адолат хола Маратнинг қулоқларига қараб.— Икром ота пешонасининг кенглигини сенга жўяди. Ҳа, ростдан ҳам Икром отадан оласинг бор экан, келтириб берди. Ӯша қамалган кезларингдаёқ берган эди.

— Ҳеч қанақа қарзи йўқ эди!— деди Содиқ ҳайрон бўлиб, кейин тагига тушунди: демак шундай йўсун билан кўмак берган! Содиқ маъноли қилиб бошини чайқади. Буни она ҳам, Жаннат ҳам пайқади.

— Қарзи бўлмаса, яхши кунларида қайтарарсан, болам. Шу келишимизда ҳам «йўл харажатларингга» деб, бир оз пул берди. Қачон бўлса «элнинг юкини енгил қилиб юрган азамат эди!» деб сени тилга олади. Кўп меҳрибон одам.

— Дада-чи, дада, ўша киши сизнинг қулоғингизни кесиб оларниш!— бирдан гапга аралашди Марат.

— Нега?— кулди Содиқ.

Хола бўлган воқеани ўғлига айтиб берди. Маратнинг ширин тилидан ийиб кетган дадаси уни яна бағрига олиб эркалади:

— Қулоғимни кестирмайман, ўғлим, қарезини албатта бераман. Бироннинг пулини еб кетган, ёмонлик қилган кишининг қулоғини кесадилар. Сен билан биз ёмонлик қилмаймиз, тўғри яшаймиз.

— Нега сочингизни олдириб ташладингиз, дада?— Бу саволни Содиқ эшифтади. Унинг хаёли ёмон кунида яхшилик қўлинни чўзган Икром отада эди. Уни жуда яхши эслайди: соддагина кийиниб юрадиган, камгап, серфикр одам эди. Қоматли чўққи соқоли ўзига шунақа ярашар эдик, ношуд сартарош сал кемтиқ тарашласа, ҳусни бузилаётгандек бўларди. Ӯзи ҳам хушфеъл, вазмин чол. Қўш-қўш азамат ўғиллари, қизлари бор. Фарзандлари: «Бўлди, дада, энди ишламанг, оёғингизни узатиб

«Тинч турғаш сув бузилади, оқиб турғани яхши!»— деб күнмаган, ҳавасга дарс берарди. Мактабга ҳам пиёда келиб, пиёда кетарди. Бир куни Содик:

— Трамвайга тушсангиз бўлмайдими? — деб тегиша.

— Буни нимага бериб қўйибди? — деди кулиб ва иккала оёғини кўрсатди, — буни ҳозир минмасам, қачон минаман.

— Ўлгудай хасиссан-да! — тегиши тенгдош ўртоғи.

— Ҳа, мен пулга, сен соғлиғингга хасиссан. Туппатузук юриб турган йўрғани қантара бериб, оёғингга ел тушириб олдинг, — деди Икром ота ўртоғининг хассага суюнганинга ишора қилиб, — юришда гап кўп, дўстим.

— Азроил эшигинг турмини қоқиб турганда-я?

— Азроил... Мен подачиман, ҳаммадан кейин бораман, — деди яна кулиб Икром ота. — Азроил сенга ўхшаб ўтирганинни ушлайди, менга етиб бўпти!

— Икром ота шунақа чол эди.

Содик шуларни эслаб туриб сўради:

— Икром ота анча қариб қолгандирлар.

— Иўқ, ҳали тетиклар, — деди Жаннат.

— Ишлаб турибдиларми?

Буни Жаннат билмас эди, она жавоб қилди:

— Бе, қаёқда, болам! Сендан кейин Мирсалим ўлтур мактабга сифтирмади, бўшаб кетганлар.

— Ишляяптилар шекилли? — гапга аралашди Жаннат.

— Бошқа мактабда.

Мирсалим исминнинг гапга аралашуви холанинг тидини қичитди:

— Лайча деб қопоғон кўплакнинг бошини силаб юрган экансан, болам!!

Шу билан Мирсалим тўғрисидаги гап тугади, ҳеч кимнинг у ҳақда гапиргиси келмас эди. Содик мавзунина Икром отага бурди:

— Яна кейин эсимдан чиқиб қолмасин, мендан Икром отага кўпдан-кўп салом айтинглар.

— Айтаман, жон болам, албатта айтаман. Тез-тез келиб турадилар. Кўчада кўрсалар ҳам тўхтаб ҳаммави сўраб чиқадилар. Бошлаб сени сўрайдилар. Иннай-кейин, кечаси қоронғилатиб келиб-кетадиган битта-иккита ўртоқларинг ҳам бор, исмларини билмайман.

— Ҳаммасини борганимда кўрсатасиз.

— Албатта кўрсатаман, болам.

— Ӯшанда исмларини сўраб бераман, билиб оласиз,— ҳазил қилди Содиқ.

— Исларини билмасам ҳам, барака топишсин. «Хафа бўлмай ўтиринг, кампир», деб кўнглимни кўтаришади. Ӯтган куз-ку, биттаси бир машина саксовул юборибди. Маза қилиб қиши билан ёқиб чиқдим, бечорани шундоқ дуо қилдимки... Ишқилиб, болам, бир куннимиз ўтиб турибди, нолисам ионисофлик бўлади. Факат сен йўқ. Ҳар куни дастурхон устида бир йиғлаб оламан.

Шундай азamat ўғли турганда ҳеч кими йўқдек бирорларнинг кўмагидан миннатдор бўлганидан ўпкаси тўлдими, холанинг кўзларидан икки қатра ёш силқиб чиқиб, юзини чизиб тушганича лабининг тепасидаги чуқур ажинда туриб қолди.

— Қўйинг, йиғламанг!— ўзини зўрлаб кулди Содиқ.— Мана олдингизда ўтирибман-ку. Яқинда бўшаб қоламан. Жаннат Москвага ўтаман деяпти ишқилиб...

Жаннат пастки лабини қаттиқ тишлиб ўтиради. Унинг бу одати Содиқга таниш, буни у юраги жуда сиқилиб кетганда қиласди.

Хола ўпкасини босиб яна гап бошлади:

— Иннайкейин,— Жаннатни кўрсатди,— мана бу умрингдан барака топкур, кечаю кундуз биз билан. Қизимдан аъло. Бу бўлмагандай кам мени сб, адойн тамом қиласарди.

Хижолат тортган Жаннат бошини қўйи солди. Содиқ тишини тишига босди. Онаси гапирган бу гапларни у хатда ўқиган бўлса ҳам, шу маҳал Жаннатнинг қаршиисида алланечук бўлиб кетди. Ахир бир маҳал қаттиқ гапириб, дилига озор бермаган бўлса ҳам, уни қўйиб, ёш хотин олган, ўз орзусини ўйлаб, уни қаттиқ ўкситган эди-да! Мана ўша хотин онасига меҳрибонлик қилиб, тирик етим ўғлининг бошини силаган. Мана бугун бўлса уларни бошлаб келиб ўтирибди.

Содиқ гапни чалғитмоқчи бўлиб, онасининг мусичаларидан гап очган эди, суҳбат яна Мирсалимга бориб тақалди.

— Мирсалим жувонмарг бўлгур ҳовлимиизни тортиб олгандан бери у томонларга ким ўтибди дейсан. Шу кун-

ларда яна шкитаси айвонга қўниб, уйга кириб юрибди.
Ушаларми — билмадим.

— Ҳудди ўшанинг ўзи, ойи,— тасдиқлади Жаннат.

— Бўлса бордир. Мирсалим тулкиникида мусича турадими!

Яна суҳбат қовушмади, Мирсалим номи аралашган сари охирин дилхитликка бориб тақаларди.

Лекин салдан кейин гап қовушиб кетди. Қодирнинг иши, Мушарраф фожиаси, турган шаҳарларининг обод бўлиши, об-ҳаво, нархи паво — ҳаммаси ҳақида гаплашдилар.

Ана шунда соғинчнинг ҳоври бир оз кўтарилгандек бўлди. Марат ҳам энди Содиқдан ётсирамас, дадажонининг тиззасида оёқларни ликиллатиб ўтиради.

* * *

Жаннат гапни ўз шахсий ишларидан четга олиб қочмоқчи бўлса ҳам, бари бир, Содиқнинг кўнгли ҳамон хижил, ҳамон ўрнига тушмас эди. Агар кўнглидагини очиқ-ойдин айтиб, юрагини бўшатиб олмаса, армон бўлиб қолиб, янаги кўришгунларича ич-этини еб юришини биларди. Уни қўрқув аралаш шодлик босарди. Қўрқуви шундан эдики, Жаннатнинг маъзурини эшитгани йўқ, балки маъзур тутмас. Бу қора кунлар ўтгандан кейин, «мен ўз инсоний бурчимни ўтаб, ҳақ жойини топишда сизга ёрдам бердим, лекин ўша гуноҳнингизни кечиролмайман» дейиши мумкин. Жаннатга ўхшаган хотинлар қўлидан бу иш келади. Бу эса, Содиққа ўлимдан оғир, то сўнгги дамигача кўнглини хижил қилган, қалбини эзган армон бўлар эди.

Бу фикр Содиқнинг хаёлидан кетмади, соатлар ўтган сари парма бўлиб чуқурроқ кириб борди. Ана шундан кейин Жаннат билан албатта гаплашишга қарор қилди. Үғлининг худди шу фикрини кўзидан уққан Адолат хола неварасини етаклаб, «шамоллагани» чиқиб кетди. Жаннат қайнанаси олдидагина ўзини дадил ту-таётган эканми ёки шу гапнинг очилиб қолишидан эҳтиёт чораси кўраётган эканми, у чиқиб кетиши билан хомуш тортиб, бошини қўйи солди. Содиқ учун бундан қулай вақт йўқ эди, бутун кучини қалбига йигиб, унинг ёнига сурилди, лекин бетига қаролмади.

— Жаннат, сен мени кечирасанми, йўқми — билмай-

ман. Лекип сенинг бу яхшиликларингни қайтаришга умрим етмаслигини биламан. Мен сендан ўла-ўлгунча миннатдорман. Бу олижаноблигинг ҳаққи-хурмати, ўғлим Марат сеники. Омон қайтиб борсам, қабул қилсанг ўзим ҳам...

Жаннат бундоқ қараса, Содиқнинг ўпкаси тўлиб боряпти, ҳали-замон йиғлаб юбориши мумкин. У умрида эркак йиғисидан қўрқади—эркак бағри сув бўлиб әзилиб оққандада йиғлади. Буни эса, Жаннат сира ҳам истамас эди, айниқса Содиқдек кишининг кўз ёшини кўриш унга ўлимдан қаттиқ. Шунинг учун ўзини тутиб, ҳазилга олди:

— Үзингизни қабул қилмасам, ўғлингизни олиб қўясизми?

Содиқ буни жиддий тушунди, шу пайтда ҳазил бўлишига у ишонмасди:

— Йўқ! Йўқ, бундай деб тушунма! Марат сеники, умрбод сеники! Ота бўлиб унга нима қилдим. Уни тарбия қилаётган сен. Мен сенинг олдингда айборман. Бирор нарса дейишга ҳақим йўқ. Ҳатто кечирим сўрашга тилим бормайди.

— Йўқ,—деди Жаннат, гўё ўтган ҳамма гапларга якун ясагандек жиддият билан,—мен бу ерга сизнинг гуноҳингизни кечирсаммикин-кечирмасаммикин деб келганим йўқ. Ўтган-кетган гапни қўйиниг. Үзингизни ўйланг, тезроқ қутулишни ўйланг. Менинг нима ёрдамим керак бўлса, айтинг, тортишманг, керак эшикни қоқай, турми бузилгунча қоқай!..

Қолган вақт ичида улар шу ҳақда келишдилар.

Орадаи уч кун ўтгач, Адолат хола ўғли билан ҳайрлашар экан:

— Болам, энди кўришамизми, йўқми, ким билади. Кўришмасак, берган оқ сутимга мингдан-минг розиман,— деб кўзига ёш олди.

— Нима деяпсиз, сий, албатта, кўришамиз. Мана, келинингиз Москвага тушади. Москвага бориш деган сўз, ҳақ жойини топади деган сўз!

— Илоҳим шундай бўлсин...— ўзини тутиб олиб деди хола. Кейин Содиқни бир четга тортди.— Энди нима қилганда ҳам мен қариб қолдим, болам, кузакдаги сариқ япроқман, сал шамол турса чирт этиб узилиб кетишим ҳеч гапмас. Шунинг учун сенга битта илтимосим бор.

— Хүш, хүш! — жон қулогини тутди Содиқ ҳам ши-
вирлаб.

— Жаңнатии энди хафа қилма. Үнга тез-тез хат
әзіб тур.

— Ҳұп, ойижон, ҳұп!

— Үмридан барака топкур, топылмас жувон. Ү-
лингни ҳам унинг ихтиёрига бериб қўйганман.

— Майли! Майли!

— Онасидан аъло. Ширин сўзингни ундан аяма.

— Ҳўп, ойижон, ҳўп.

Иккى кундан кейин Ҙаннат Адолат хола билан Ма-
ратни проводникка тайинлаб, ўзи Москва поездига ўтиб
ұтирди.

12. ҚОЧОҚЛАР

Иккى ҳафтадан кейин Содиқни этап рўйхатига тир-
қадилар.

Лагердан лагерга кўчириб туриш аслида одат, ле-
кин у кўчадиган одам учун ташвиш: ҳеч ким «иссиқ
жойини» совутгиси келмайди!

— Қаерга экан, эшитмадингми? — папирос тутата-
ётуб сўради Богун. Унинг ҳам миясида Содиқники син-
гари ўйлар кезиб юргани кўзидан аён эди. Содиқ елка-
сини қисди. Шу маҳал яна кўч кўтарган кишилар кўрин-
ди. Улар бошқа бригада, бошқа бараклардан эди. Улар орасида Диловархўжа ҳам бор экан, Содиқни
кўрди-ю, қоқилсам, тутиб қоладиган бор экан, дегандек,
яшиаб кетди. Этап бўлишини эшитгандан бери юрагини
босган ваҳимани унудти.

— И-е, Содиқжон. Сиз ҳам шу ердамисиз? Майли,
майли, яхши бўлибди, бир-биримизга ҳамроҳ бўламиш.

Содиқ жавоб бергунича йўқ эди:

— Юкларингни кўлларингга олинглар! — деган буй-
руқ бўлди.

Бир соатдан кейин этапга чиққанлар икки вагон
бўлиб, поезд жўнашини кутарди. Содиқ, Богун, Дило-
вархўжа бир купега тушди. Диловархўжа мамнун эди.

— Омадни қаранг, Содиқжон, ниятимиз бир-да, яна
биргамиз. Қаёққа олиб боришар экан, билмадингизми?
Узоқ эмасмикин?

— Билмадим. Юртимиздан чиқиб кетмайсиз.

— Чиқаради дейсизми!

— Рози бўлса чиқиб кетармидингиз? — ўсмоқчила-
ди Содиқ. Диловархўжа сир бой бермади:

— Сиз-чи?

— Ўзини билган одам учун муҳожирлик ҳам лагер-
дай гап. Бегона қўрага кириб қолган итдек доим ду-
минг қисиқ.

Диловархўжа тили билан ҳеч нарса демаган бўлса
ҳам, Содиқнинг бу жавобига дилида қўшилмади. У чет
эл деганда Афғонистон билан Туркияни тушунарди, хо-
лос. Ўзи кўрмаган бўлса ҳам, эшитган, ўша ўқ отиб
юрган йиллари эшитган.

— Сиз шунақа дейсиз-ку, четда жилла бўлмаганда,
мана булари бўлмайди, — Диловархўжа соқчиларни
кўрсатди.

Содиқ хандон солиб кулди:

— Ў срдагисини кўзингиз кўрмайди, холос, бўлмаса
ҳар қадамнингизни шунақа санаб юрадики, асти қўяве-
ринг!

— Бе! — ҳайрон қолди Диловархўжа.

— Үндан кейин, бегона юртга кўниши учун мушук-
дан баттар бўлиш керак киши. Ахир мушукни ҳам бе-
гона уйга элтиб қўйсангиз қочиб келади-да!

— Қочади! Қайтиб келади! — гапнинг тагига тузук
тушуимай унга қўшилди Диловархўжа. — Болалигимда
бир мушугим бор эди, адаштиромай ўлғанман, охири
ўрага ташлаб қутулганман.

«Тошибағирлик қўндоқда теккан касал экан сенга»,
дегандек Диловархўжанинг мўйловга ўхшаган бароқ
қошига қараб қўйди Содиқ.

Поезд шу кетганича манзилга етиб бора қолмади,
икки ерда узоқ тўхтаб қолди. Борадиган ерлари номаъ-
лум ва қисталанг бўлмаса ҳам, маҳбусларнинг хитини
чиқариб юборди.

— Этапнинг мана шуниси ёмон, қонингга ташна
қилади! — деди Бөгун иргиб ўрнидан туриб. «Ўзи бу ер
қаер?» дегандай, ташқарига қаради, ҳеч нарсани кўр-
мади, жойига ўтирди.

— Юрагингни кенг тут, дўстим. Етиб борармиз ҳам,
у ер ҳам жонга тегар. Оёғингни узатиб дамингни ол! —
деди Содиқ.

Богун Содиқ табақасидан айбенз айбдор. Юраги
тору, ўзи ҳақгўй. Содиқ билан иқи чиқишиб қолган.
Ҳаммадан унинг сўзини маъқул кўради. Жаҳли чиқиб

турганда ҳам мовий кўзларини пириллатиб унинг хоҳига кўна қолади. Ҳозир ҳам шундай бўлди. Аламини маҳоркадан олди.

— Ҳей, дўстим, бу чекишингда мени элтиб қўясанку, сал эви билан чек-да!

— Мазасини билмайсан, бир тортгин, бутун дардингни ичингдан суғуриб олади.

— Раҳмат! Ўзингга буюрсин.

— Ана шу-да, ишонмайсан. Мана, бир торт! Лъянатини ақлли одам топган.

— Қелинг, қўлингиз қайтмасин! — деди Диловархўжа ва Богуннинг қўлидан ўрта бармоқдек қилиб ўралган маҳоркани чилимга ўхшатиб узоқ тортди. Тутунини бурнидан бурқсатиб чиқарди: — Бай-бай-бай! Ўзимизнинг жайдари тамакига ўхшайди. Қаёқдан топдингиз бунақа бир тортганда қулатарини?

— Хотиним юборган. Ўзи экибди.

— Эрим кўп тажанг бўлавермасин, хуморини ёзиб турсин деган-да, — деди Содиқ тутунни ҳайдаб.

— Хатида ҳам, сенинг учун эқдим, дебди.

— Қани шунга жиндай наякидан ҳам қўшсанг— оромижон-да! — Диловархўжа ўтган кунларини — мис қоплаган чилимига наша солиб чеккан кунларини эслаб, кўзини сузиб қўйди.

— Үлдиради-ку кишини!

— Аксинча, ўпкадаги қуртларни ўлдиради.

— Ие, дорининг бунақа хили ҳам бор деңг! — мазах қилди Содиқ.

— Мен-чи, — деди Богун, — хотинимнинг шу олижаноблиги учун қайтиб борсам беш йил қўлини совуқ сувга урдирмас эдим!

Содиқ Богуннинг эриб кетганидан ҳазилга олди:

— Овқатни ҳам ўзинг пиширармидинг?

— Ўзим пиширардим!

— Болаларингни ҳам ўзинг ювиб-тарармидинг?

— Ювиб-тарардим!

— Кир ҳам ювармидинг?

— Ювардим!

— Ана шу ерда сал ошиб кетдинг,

— Нега?

— Эркак ювган кир очилмайди.

— Очилгунча ювардим.

— Қўшниларинг таънасиға қолиб ўлар экансан.

— Нега энди! Хотиним менинг ўрнимда ер чопиб, ариқ олганда индамаган қўшним, мен унинг ўрнида ишласам куладими! Қулсин, нақ тишларини қоқиб оларман!

— У хотин, сиз эркак,— чертди Диловархўжа.

— Ана шунинг учун жўрттага кирини ҳам юваман.

— Бари бир хотининг йўл қўймайди,— деди Содиқ.

— Мана бу бошқа гап! Бунингга ишонаман! Лекин, очигини айтсам, хотинимга жабр бўлиб кетди. Бирор дурустроқ ҳунарга ўқитмаганинга ачинаман. Мен то-пиб келибман, у ширин қилиб пиширибди, шунга маст бўлиб юраверган эканмиз. Дунёда мана бунақа чигал ҳангомалар бўлар экан-ку! Ҳа, айтгандай, кейинги аризангга ҳам жавоб бўлмадими?

— Йўқ, хотиним Москвага тушиб ўтадиган бўлди.

— Агар сеники шу йўл билан ўнгидан келса, мен ҳам хотинимни сеникининг изидан юбораман. Лекин, Содиқ, билиб қўй, қора кунда топишган дўстлар ажралмас бўлади. Тағин ўзинг биласан-ку.

— Гап битта, Микола, агар мен олдин чиқсам, ишинг билан ўзим шуғулланаман. То қиёмат бир-бирини унугланамард!

Икки дўст қўл олишди, бунга қаноат қилмаган Богун Содиқнинг бўйнига қўл солиб лабидан ўпди:

— Мен олдин чиқсам ҳам худди шундай қиласман!

Гап маромига бориб тақалган эди. Икки дўст жим қолди, фақат йўлга чиққан поезднинг «Ҳақ гап! Ҳақ гап!» дегандек ғилдирак товуши эшитиларди. Ёмонга кун ҳам қоронги, тун ҳам, дегандек, икки ўртоқнинг савимий қасами Диловархўжанинг ғашини келтирди. «Минг қилса ҳам Содиқ ўриспаастлигига боради!» деб қўйди ичиди. Қўзига Богун хунук кўриниб кетди.

Поезд шу йўлга чиққанича фақат катта станциялардагина тўхтаб, маҳбуслар вагони ҳеч қаерда узиб олиб қолинмади. Бундан хотиржам бўлган Содиқлар, энди манзилга етиб оладиган бўлдик, деб қоронги тусиши билан уйқуга кетишли. Содиқ бир уйғониб, иккинчи ёнбошига ағдарилганда ҳам ҳали тим қоронги, кимдир пихиллаб, кимдир чийиллаб хуррак отиб, ҳамма миқ этмай ухлаб ётарди. Лекин Содиқ тонг яқинлигини уйқуси пишиб қолганидан билди. Шундай бўлса ҳам кўзини юмди. Энди кўзини уйқу элтиши билан самолётларнинг жуда паст учганини эшилди. Шу товуш билан

үйғонған бўлса ҳам, ҳеч нарсадан хавотир олмай, «қаерда тўхтаб турибмиэ?» деган фикрни хаёлидан ўтказди. Худди шу пайт самолётларнинг шўнғигани, кетидан устма-уст портлаш эшитилди. Бу портлаш шундай яқинда эдики, уларнинг вагонини ларзага солди, ойналари чилпарчин бўлиб кетди. Ҳамма бирдан уйғониб, нима гап эканини фаҳмлагунича бўлмай, яна портлаш, қарс-қурс ҳамма ёқни тутиб кетди. Сал ўтмай яна қайталанди. Шу қайталанишида бир бомба улар вагонининг шундоққина ёнига тушиб, уни издан ағдариб, парчалаб юборди. Содиқ ана шундагина станцияда бетартиб қий-чув бошланганини, аллақаер ёниб, алланималар ағдарилиб тушаётганини кўрди. Тутундан кўз очиб бўлмас эди. Содиқ аввалига нима қилишини билмай кўзи тушган томонга қочди. Жонни сақлаш кёрак эди. Станциядан чопиб чиққач, кўзи тушган чуқурга ўзини отди. Бу ер назарида уни хавфдан сақлай оларди. Шундай бўлса ҳам ўлим қувшиб келаётгандек орқасига қараб қўйди. Қоронғи тун эди. Фақат вагонлар ва шу атрофдаги баъзи биноларнинг бурқаб ёниши теваракни ёритиб туради. Ҳамон станция устида самолётлар доира ясар, пайти-пайти билан шўнғиб, бомба ташлаб турарди. Ҳар сафар портлаш атрофни ларзага келтириб, темир йўл изларини ер бағридан ичакдек сугуриб олиб улоқтирас, вагонларини парча-парча қилиб ташлар, ёндирас, янги бир қий-чувни авжга чиқарар эди.

Содиқ ўйлар гирдобида экан, кимнингдир ўзига томон йиқила-қўпа чопиб келаётганини кўрди. «Часовой мени қидириб юрибди, шекилли!» деган ўй миясига келиб, маҳбуслигини, вагон қулаши билан бу ёқка қочганини эслади. Астойдил қочиш нияти йўқлиги, фақат жонини сақлаб бу ерга келгани учун, хавотир олмай жойида тура берди. Лекин елиб келаётган у одам часовой бўлиб чиқмади.

— Ким у? — нидо берди Содиқ.

— Содиқжон, сизми! — дея орқасига қайтди Дилюархўжа. У етиб келиб, Содиқнинг сефига ўзини ташлади. — Бу ерда нима қилиб турибсиз? Қочмайсизми?

— Ҳа, айтгандек, Богун қаёқда?

— Бирга эдик. Ҳу анави ерга келганимизда бомба гумбурлаб қолди-ю, бир-бирилизни йўқотдик.

— Сатқайи одам кетинг! — койиди Содиқ. — Киши шунаقا вақтда ҳам шеригини ташлаб қочадими!

— Тұс-тұполонни күрмайсизми, сичқоннинг ини мінг танга бұлыб кетди.

— Хүп, майли, сіз шу ерда туринг, мен дарров хабар олиб келаман.

— Эй, ушланиб қоласиз.

Содиқ уни эшитмади. Елиб кетди. Олдида бирдан бомба портлады. Ұзинші ерга отди, яна туриб, Диловархұжан күрсаттаган томонға әнгашганича югурди.

Содиқнинг бу күйді-пишдилиги Диловархұжага ҳеч ҳам ёқмади: уни қидириб нима қилади? Ҳозир бирорни излайдиган вақтми? Мендан күра, үша сенға азиз экан, у билан қолавер. Мен кетдім. Ҳар кимнинг гүри бошқа, түри бошқа. Дарё бұлсанғ оғимни ювмадым!

Шу хәллар билан Диловархұжан түш беріб ётған еридан иргіб турды. Барини қоқиб, чуқурликдан чиқди. Бир оз елиб кетди. Лекин бирдан тұхтади, қаеққа боришини билмай қолди. «Хүп, ҳозир-ку, қочаман, бир ковакдан бошпанға топарман. Кейин-чи! Кейин нима бұлады. Бу томонларни билмасам. Ұзын қаердаман ҳозир? Құрган киши үша заҳотиәк ҳиқилдоғымдан хиппа бүгіб, дуч келған милицияға беріб кетади. Кейин нима?

Диловархұжа шахтидан тушиб орқасынға қайтди. Богуннин минг балога гирифтор қилиб қарғады. Содиқнинг унга меҳри тушиб қолғанидан хафа бўлди. Шу вақт ошна қидирадиган пайтми! Ұзингни бил, ўзга билан нима ишинг бор? Сенинг бошиннега қор ёғса, Богун куармикин! Тили бошқа, дини бошқа бўлса...

Үзоқда икки шарпа күринди. Булар Содиқ билан Богун әди. Богуннинг кийим-бошлары йиғтилган, бош кийими қаердадир тушиб қолган. Диловархұжаны күриши билан ачитди:

— Қойилман! Қүёндан ҳам оғиңгиз снгил экан. Устимга тушган тахталарни олиб ташланг, деб шунча бақираман...

Диловархұжа Богуннинг чақырганнини эшитган бўлса ҳам, ўз жони күзига ширин күриниб, жуфтакни уриб қолган әди. Лекин у қасам ичди:

— Тил тортмай ўлай, эшитган бўлсан!

Барча соғкүнгил кишилардек, Богун билан Содиқ ҳам бунга ишонишиди.

Диловархұжа, хайрият, ишонтиrolдим, деб енгил нафас олди.

Богун қўлининг шилингани ерини дастрўмоли билан боғлади. Шунга ҳам шукур қўлгандек:

— Анча одам нобуд бўлди,— деб қўйди.

— Нимасини айтасиз, менинг ёнимда иккитаси «мама» деганича ер тишлиб қолди. Жон ҳолатда устидан ҳатлаб бу ёқса ўтсам, яна биттаси қоп-қора қонига беланиб ётибди. Одам нархи арzon бўлиб кетди. Ўзи нима гап?

Богун ҳам, Содиқ ҳам Диловархўжанинг бу саволига жавоб беришдан ожиз эди. Вагон қулаб, эсини ўнглаб олган лаҳзадан бери уларнинг ҳам ўзига берган саволи шу эди.

Улар тун қоронғилигида жадаллаб станция атрофидан анча четлаб олишди. Уларнинг баҳтига, станция шаҳарнинг четроғида бўлиб, тоңг ёришгунча тошлоқ дала йўлига чиқишга улгуришди.

Тоңг ёриши билан уларнинг кўнглидаги саволнинг жавоби ҳам равшан бўлди: Гитлер шартномани бузиб, Совет Иттифоқига уруш очган!

Жумбоқнинг ечилиши уч қочоқнинг энди нима қилишини ҳам белгилаб берди. Қизиқ устида қочишига қочиб қўйиб, «бу ёғи энди нима бўлади?» деб минг бир хаёлда бораётган Содиқнинг фикрини тиэгинлади, қатъий қарорга келтирди:

— Модомики уруш бошланган экан, биз учун йўл битта: фронт! Эртага ялпи сафарбарлик бошланиб, ҳар одамнинг жойи фронт бўлиб турганда орқага қайтиб лагерь панҷарасидан томоша қилиш ҳам, қочоқ бўлиб бир ковакда мотор босиб ётиш ҳам мен учун малол келади. Арғамчига қил қувват, мен фронтни танладим.

Бу фикр, юртимиз кенг бўлгани билан бу қочоқликда ҳеч қаерга сиғмаслик керак, деб келаётган Богунга ҳам маъқул тушди, у иккиланмай:

— Сен нима бўлсанг, мен ҳам шу!— деди.

Фақат Диловархўжа иккى ўт ўртасида эди. Мабодо йўқ деса, қаерга боради? Энди нима қилди? Тиканли симдан қочиб, ўтга киришга ҳеч тоқати йўқ эди. «Хозирча рози бўлаверай-чи, кейин йўлимни толиб кетарман», деди-ю, илжайди:

— Э, Содиқжон, мендан сўраб нима қиласиз, мен қўлингизда бир парча лойман, истасангиз золдир қилиб думалатасиз, истасангиз сопқонга солиб отасиз. Сиз нима дессангиз, шу-да!

Лекин ҳалимдай бўлиб тилёгламалик қилган бу «бир парча лой» ҳарсанг бўлиб Богуннинг бошини еди.

Йўлда бир тепаликдан ошиб, жарликка тушиши. Богун думалаб кетиб оёғини майиб қилди. Олдинига арзимаган бўлиб кўринган бу оғриқ кечга бориб аламга кирди, шунақа аламга кирдики, туни билан ажриққа ағанаб чиқди. Эрталаб бундоқ қараса дўмбира бўлиб кетган. Кейин маълум бўлдики, ўнг оёғининг тўпиги чиқиб ундан сал юқориси синган экан. Олдинига Содиқ, кетидан Диловархўжа «табиблиқ қилди». Ҳеч нарса чиқмади. Эрталаб чўғдек ёниб турган оёқ тушга бориб мўматалоққа айланди. Шу шишиб боришида кечга қолмай пақиллаб ёриладиган кўринарди. Богуннинг бардоши тугаб, ўлимига рози бўлди: бир томондан оғриига чидамаса, иккинчидан, у туфайли ҳамроҳлари йўлдан қоляпти. Унинг бу ётиши айинқеса Диловархўжага малол келаётгани кўриниб турибди. Содиқ сокин. Унинг дарди ичида.

Богун шерикларини ёнига чақирди:

— Менинг ишнам тамом. Оёққа турганим билан ҳам бари бир фронтга ярамайман. Сизлар кетаверинглар. Мен бир амаллаб бирор қишлоққа етиб оламану, у ёғини баҳтимдан кўраман.

Содиқ сакраб тушди:

— Сени ташлаб-а!

— Бошқа қандай илож бор? Мени деб сизлар ҳам нобуд бўлмаглар, дейман-да! Гожлик билан тошни тепсанг, оёқ оғрийди, холос.

Содиқ кўнмади.

— Йўқ,— деди у,— кучимиз стганча олиб борамиз. Жуда бўлмаганда бирор тайинлик ерга қолдирмагунча мен ҳеч қаёққа кетмайман. Гап шу!

Содиқнинг феълини билган Диловархўжа қанчалик ғазабланмасин, бир нарса дейишга ожиз, деган чоғида ҳам гапи ерда қолишига ишонарди. Чўнтагида қўлинни мушт қилганича бақрайиб тураверди.

— Узингиз биласиз, серкамиз сиз,— деди у пичинг-намо.

— Унинг ўрнида сиз бўлсангиз, ташлаб кетсак хурсанд бўлармидингиз?

Диловархўжа ялатма жавоб қилди:

— Мен сизга ташлаб кетинг деяпманми! Мен майиб қилгандай гапирасиз-а!

Аслида Содиқнинг бу гапи Диловархўжанинг у ёқ-
бу ёғидан ўтиб кетган, қани энди аввалги вақт бўл-
са-ю, бир имо билан иккаласини тавбасига таянипса! Тишини тишига осоди, қўлинни чўнтағида қаттиқроқ
мушт қилди. Инқиллаб ётган Богунга қараб ғазаб билан бароқ қошини чимириб қўйди.

Содиқ ўйлаб ўйининг сўнгига етолмас эди. Албатта Богунни бу ерга ташлаб кетолмайди, ташлаб кетиши инсофдан эмас, ҳатто пастлик. Бу унинг қўлидан келмайди. Минг хил режа билан бу кун ҳам ўтди. Эрталаб Содиқ барвақт уйғониб, чаққонлик билан жардан чиқди.

— Хўш, йўл бўлсин?— деди кўзи очиқ ётган Диловархўжа. У Содиқни ўз гапи билан ёлғиз қочиб кетяпти, деб ўйлаган эди.

— Атрофни бир айланиб келай, зора Богунга бирор жой топсам. Бечора кечаси билан иситмасидан алаҳлаб, бола-чақаси билан гаплашиб чиқди.

— Билдим,— деди Диловархўжа ачингандек,— ёмон бўлди.

Содиқ кетиши билан Диловархўжанинг мудҳиш ғазаби яна тўлқин урди. «Агар шу лаънатининг оёғи лат емаганда, анча ерга бориб қолардик. Худо кўрсатмасин, қидириб қолсалар борми, иш расво! Шундоқ қўлтиғининг тагида ётибмиз-а! Иккӣ туғишиб, бири қолгандек жони ачийди Содиқнинг. Тавба, манглайидан ой кўрдингми! Мана ҳозир яна шуни деб, жонини тикиб алла-қаёққа кетди. Ҳали кетидан бирорта шумоёқ айғоқчини эргаштириб келиб ишнинг расвосини чиқармаса эди! Йўлдан тутилиб қолишимизга ҳам, ҳавф остида кечадан бери ўтиришимизга ҳам мана шу инқиллаб ётган Богун сабаб. Шу ўлади-ю, биз қутуламиз. Ўлармикин? Узи кичкинагина бўлса ҳам, жони итникидан қаттиққа ўхшайди. Бизнинг бошимизни еб, ўзи омон қолмаса эди! У тирик экан, Содиқ ундан ажралмайди».

Диловархўжа бирдан кўзларини чақчайтириб, мўйловга ўхшаган қошини керди. Рўпарадан ўқ егандай бужур юзи йилтиллаб кетди. «Жонинг Аэроил чанг солишини кутиб ўтирмасдан... ўзини унинг бағрига итариб қўя қолиш керак...»

Диловархўжа қатъий бир қарорга келган кишидек Содиқнинг орқасидан чиқиб, асабий аланглаб унинг узоқлашувини кутиб турди. Пастга шошилиниқираб туш-

ди. Богуннинг бошига келди. Башарасидан бир нарсаннинг изини қидираётгандек, бир лаҳза қараб турди. Богун кечаси билан қийналиб, тонгга яқин уйқуга кетганича ҳали қимир этмай ётарди. Оғриқнинг зўридан сарғайиб кетган ориқ юзлари, майин киприклари қилт этмас, майиб оёғининг тиззасини мурғақдек қулоқлаб олган, дунё ташвишларидан холи кишидек сокин ётарди.

Унинг затъфарон юзи, озиб-тўзиб кетган чакаклари раҳмини келтирмади. У раҳм қиладиган алпозда эмас эди. Унда ўша босмачилик йилларининг ёвузи ҳирси уйғонган, кўзинга қон тўлиб кетган эди, у шундай ёвузлик, тажрибали қотилга хос совуққонлик билан иш тутарди, ҳатто қўли титрамас эди. Шундай бўлса ҳам яна жардан чиқиб, атрофга аланглади. Содиқнинг узоқлашиб кетганига қапоат ҳосил қилгач, барини орқасига силтаб ташлаб пастга ўзини урди. Тўғри келиб, оч қашқирдек Богуннинг томогига чаңг солиб, устига ўзини ташлади... Жон талвасасида типирчилашлари тинган, ҳатто майиб оёғи узатилиб қолган бўлса ҳам, Диловархўжа унинг ўлганига гумон қилиб, анча вақтгача қўлинни бўғзидан олмади. Лекин ўрнидан турганида қора терга ботган, тиззаси титрар эди. Бушлатининг барига юзларининг терини артди.

Богуннинг кўзлари очиқ қолган эди. Бу, қотил Диловархўжанин титратиб юборди. У кўзларин ёпишга журъат этмай, Богуннинг қалпоғини юзига тортиб қўйди. Бир оз ўзини тутиб олгандан кейин, Содиқ билан бўладиган савол-жавобини бир карра кўнглидан ўтказиб қўйди. Агар Содиқ Богуннинг ўзи ўлганига ишоимай, гумонсирайдиган бўлса, у билан ҳам ҳисоб-китоб қилишини мўлжаллаб, ҳужумга ҳозирлик кўрди.

Содиқ эса, қайтмас эди. Шу пайт Диловархўжаниннинг юраги сиқилиб, аччиқ чилим чеккиси, ўша «довруқли йиллари» қўлидан тушмаган мис қоплама чилиминнинг оловини бир қарич гуриллатиб чеккиси келди. Қани у чилим? Сарҳанаси учиб, қаерларда пачоқланниб қолиб кетган! Шунда Богуннинг вагонда бир тортиб берган аччиқ тамакисини эслади.

У аста босиб жарга, мурданинг олдига борди. Богун бир қўли билан тупроқ чангллаганича ётарди. Котил унинг чўнтагига қўл солиб, бўғма тўрвадаги тамакисини олди. Ураб чекди. Тўрвачани эса, оғзини яхшилаб боғлаб ўз ёнига солиб қўйди.

Содиқ анчадан кейин қайтди. Унинг қайтишини жар ёқасида мўралаб кутиб ўтирган Диловархўжа эгасини таниган итдек қаршисига югурди. Нафаси оғзига тиқилиб, гапира кетди:

— Богун ўлиб қолди. Ўйғонди-ю, томоғини бўғиб, типирчилади, сув сўради. Сув тамом бўлган экан, чопиб кетдим. Олиб келгунимча оламдан ўтибди. Энди нима қилдик, яхши йигит эди раҳматли! Олдига тушгани юрагим бетламай, боядан бери сизни пойлаб шу ерда ўтирибман.

Содиқ «ўлиб қолди»дан бошқасини эшитгани йўқ, чопиб кетди, гўё Богун ҳали ўлиб қолмагану, тезроқ борса олиб қоладигандек, елиб кетди. Диловархўжа ундан узилмай, олдинма-кейин чопиб, ўлим тафсилотини айтиб келарди. Содиқ жарга ўмбалоқ ошиб кетгудек елиб тушди, бир-икки тошга қоқилиб, думалатиб юборди. Унинг биттаси худди Богуннинг ёнига бориб тўхтади. Богунга тегиб, озор етказадигандек Содиқнинг юраги шиғиллаб кетди.

Содиқ энтиkkанича келиб, дўстининг юзига ёпиб қўйилган қалпоғини олди, гўё шу қалпоқ Богуннинг пафасини қайтараётгандек туюлди Содиққа. Богуннинг очиқ қолган бир кўзи «қаёққа кета қолган эдинг? Сенга сўнгги марта боқиш ва мудҳиш воқеадан сенга гувоҳлик бериш учун юмилмай турибман. Мана сени кўрдим, энди ўзинг мени ёпиб қўй!» дегандек төш қотиб турарди. Кутимаган бу фожнадан гангиб қолган Содиқ, дўсти қошида гир айланар, томирини ушлаб кўрар, кўзинга боқарди. Унинг бадани совий бошлаганини сезса ҳам, ўлганига ишонгиси келмас эди. Диловархўжа эса мурдадан қўрқадиган кишидек бир четда турар, бошини қўйи солиб Содиқни «ачиниш» билан кузатарди.

— Жуда қўрқиб кетдим, Содиқжон, юзига қарашга юрагим йўқ. Кўзини ёпиб қўйсангиз-чи!

Содиқ индамай, унинг айтганини қилди. Шундан кейингина Диловархўжа Богунга яқинроқ келди:

— Икки марта сизни сўради. Хайрлашмоқчи бўлган экан-да, бечора. Аксига олиб, сўнгги дамида бошида бўлмадингиз. Қадрдонингиз эди, оғзига ўзингиз сув томизар эдингиз. Мендан буюрди.

— Қаёқдан биламай бунақа бўлишини!— деди содда Содиқ унинг гапига ишониб. У ўзини Богун ўлимида гу-

ноңкордек ҳис қилди. Буни пайқаган айёр Диловархұја әнлатиб ҳужумга ўтди:

— Ахир кечаси алақлаб чиққанини ўзингиз гапириб турған әдингиз, яна кетіб қолдигиз.

— Қизиқмисиз, алақлаган ўлаверадими! Дарди бор ҳар қанақа касал ҳам кечаси безовта бўлади-да!

Диловархұја Содиқнинг қаршилик билдирганини кўриб, дарров ён босди:

— Ҳа, рост. Бундоқ бўлишини туш кўрибсизми! Бизнинг қишлоқда биттаси қирқ кеча алақлаган экан. Шундан кейин тузалиб, звара-чевара кўрган. У эмас, бу эмас, кўргилик, етган ажал. Иссик жоннинг иши шунақа. Ютган нафасинг қайтиб чиқиш-чиқмаслиги худоий таолонинг ўзидан бошқа ҳаммага сир. Банданинг иши шу, Содиқжон, лип этиб чироқдек ўчади-қолади.

Содиқ ҳеч нарса демас эди. Кутылмаган бу мусибат унинг идрокини шол, фикрини ўтмас қилиб қўйган эди. У фақат мурданинг атрофида айланарди...

Диловархұја кўрдики, Содиқ шошиб қолди. Уни йўлга солмаса, ўлик атрофида гирдикапалак бўлиб вақтини ўтказади.

— Содиқжон! Тепасида ёш тўкиб туришингизнинг энди фойдаси йўқ,— у ўпкаси тўлиб, кўзига ёш қўйилиб келган кишидек энтикиб, дастрўмолини кўзига тутди, димогини устма-уст чуқур тортди.— Начора, қисмати шу экан! Вақти соатида жойига қўяйлик, бир кафт тупроғи шу ердан олинган экан. Начора!

Қуёш жар ичига қиялаб боқиб, унинг ингичка ирмогини пиçoқ дамидек йилтиллатганда Богунни ерга қўйишиди. Содиқ қизариб кетган кўзларидан ёшини артиб, дўсти устига шағал аралаш ҳўл тупроқ тортарди...

1. ЭЛ БОШИГА ИШ ТУШГАНДА

Хотини уруш бошланганини айтгани кирганда Мирсалим донг қотиб ухлаб ётарди. Хотинининг йиғлаб:

— Faflat босмай ўлсин, туринг, дунёга ўт кетди!—
деганини ҳам эшифтади. Хотин жон ҳолатда елкасидан
силкиган эди, аранг кўзини очиб:

— Юз грамм борми?— деди.

— Юз грамм ҳам ўлсин! Уруш бошланибди!

— А!

Мирсалимга ана шундагина етиб борди. Ирғиб туриб, ўрнига ўтирди. Қовоғи шишиб, мижжаларининг чети ёпишиб қолган кўзларини ишқалади. «Нима деяпсан?»— дегандек хотинига боқди. Хотинига ҳам фақат эрини уйғотиш, унга урушнинг бошланганини билдиришгина керак экан шекилли, индамасдан чиқиб кетди. Эшникни ёпа туриб:

— Кап-кatta одам...— деб қўйди.

Хотин бу билан ярим кечада ичиб келиб, шу вақтгacha учиб ётган эрига «ачиб суйилмаган, қариб қуйилмаган» деб таъна қилдими, ёки уйнинг бир четига қайт қилиб қўйған «кап-кatta одамдан» нафратландими, билib бўлмас эди.

«Уруш» сўзи Мирсалимнинг кўзини очирган бўлса ҳам, ҳушига келтирмади, пахтавон ўқдек панг этди-ю, жароҳати кўринмади. Эринибгина ўридан туриб, икки қадам қўйди. Боши караҳт, оғзи елим эди. Хотинни кечаси бошига қўйған чойнакдан муздай сувни симириш олдидан бир кавшаниб, кейин туфурди: милклари қонаб кетибди!

Муздай сув бир неча лаҳза кўзини мoshдек очди. Ана шунда ўйлаб кетди: кеча «таги кўрган» бир ўрторинни кида меҳмонда эди. Анор сувини закуска қилиб анча ичди. Қазини парраклагани эсида. Думба-жигардан олиб турди. Ёнида ўтирган, гап-сўзидан жуда тайёрга ўхшаб турган бир сўрқилдоққипа бева ўқитувчинингсонига қўл юборган эди, қўлини омбирдай чимчилашиб олди, бунга ҳам иззат-пафси қонмадими, «турқинг қурсин, бит кўз» дегандай шунаقا бир хўмрайдикни, Мирсалим жойини ўзгартиришта мажбур бўлшиб қолди: ҳовлига чиқиб келиб, ўша хотин кўзи тушмайдиган томонга ўтиб ўтиреди. Шериги:

— Ҳа, у ердан мин чиқдими? — деган эди.

— Стул ибопроқ экан, яна синдириб товоонига қолмай, — деган баҳонани қилди. Яна иккι рюмкадан кейин хотиндан еган даккиси эсидан чиқди. «Сен, тўпка, мендан ҳазар қилиб ўтирибсан, ҳали менинг шунаقا ҳушарим борки, кокил ёйиб ўзинг келасан олдимга», дегандай танбурини олиб машқ қилди, бирининг кетига бошқасини улади. Күпининг охирпни олифтагарчилик билан чертиб, танбурини ёнига олиб қўяркан, ҳаммадан раҳмат ёғилди. Ҳалиги чимчилаган хотин ҳам кўп қатори қисқагина қилиб ташаккур айтди. Буни пайқаган Мирсалим: «Ул-а! Ёниндан кетгашимга энди ачиниётгандирсан!» — деб қўйди ичиди. У хотинининг кўнгли сув ичиб қолганига энди ҳеч шубҳа қилмас эди.

Шўрва тортилиб, ичкилик қизингандан кейин хотинлар бошқа уйга чиқиб кетишди. Хотинининг «бас, бўлди!» деб тирсак туртишидан қутулган эркакларининг «бити тўклидди». Норинни қанақа қилиб қорганини Мирсалим элас-элас эслайди, лекин порни тортилганини билмайди. Бир-икки ошамни оғзиға солганини сал-пал хотирлайди, лекин уни ютдими, қайтиб ташладими, ҳозир айттолмайди. Бир маҳал кўчага чиқса, ҳали тегишган хотини ҳам кишилар билан хайр-хўш қилиб кетяпти. Кетидан эргашди. Бир-икки гап ташлади. Хотин индамади. Мирсалимнинг назарида, хотин бояги қилган «маданиятсизлиги»дан хижолатда, Мирсалимнинг бошқа ерга ўтиб чалган ташибуридан эриб кетган, қўроғошиндек қалқиб турибди, истаган қолинга солиб олса бўлади!

Хотин унинг луқмаларига оғирлик билан жавоб қилиб борди. Мирсалим билиб билмасликка олиб биқининг тегиб кетган эди, бунга ҳам индамади. Мирсалим

яна бир поғона күтарилди. Хотиннинг бир жуфт қамчидек узунгина, бақувват сочини ушлаб тегишиди:

— Уламамасми?

— Йўқ, уламани сиз олиб берасиз-да.

— Жоним билан! Узи қаерда сотади?

— Олиб берадиган одам, сотадиган ерини билмайдими?— хотин жилпанглади.— Янгамга қаердан харид қилган эдингиз?

— Янгангизни қўйсангиз-чи, жонгинам, шарти кетиб, парти қолган. У кишига уламани ким қўйипти.

— Ҳамма эркаклар ҳам шунаقا: бегона хотинни кўрганда, уйидагини ёмонлади.

— Йўқ, рост гапни айтяпман. Шу маҳал олдингиздан чиқиб қолса борми, нақ лабингизга учук тошиб кетади!

Хотин индамади. Мирсалим, эритдим, қўлга олдим, деб шилқимликка кўчди. Бу маҳал хотин уйига етиб колган эди. Тўхтади. У пастки лабини тишлаб турар, кўзи нимадандир чақнаб ёнарди.

— Мен етдим,— деди у. Кейин сунъийроқ кулди. Кайфдан кўзи қисилиб бораётган Мирсалим буни пайқамади, у чангакдаги гўшт остида «сапчисам оламани, йўқми?» деган мушукдай, лабини ялаб, сукланиб турарди.

— Уламани энди қачон олиб берадиган бўлдингиз?— сўради боягидай ясама кулиб хотин.

— Истасангиз эртага-да, жоним!— ялпанглади Мирсалим ва хотиннинг бағрига қўл юбормоқчи бўлди.

— Тўхтанг! Ҳали ташлаб ҳам қочарсиз,— деди хотин бир қадам орқага тисарилиб.— Ҳу анави кўриниб турган эшигим. Ўғилчам билан иккимиз турамиз. Эримдан ажраганимга бу йил беш йил тўлади.

Бу гапларни эшитган Мирсалимнинг «нақдига йўлиқдим», деб кўзлари лўқ, хаёлида оппоқ тўшалган сим каравот эди.

— Йўлда ёлғиз келгани чўчирдим. Қузатиб келганингиз учун раҳмат. Мен сизни яхши биламан, Мирсалим ака, хотиннингизни ҳам танийман. Боринг уйингизга, ҳар кўринган жувонга эргашиб, тилингизни осилтириб юрманг. Уламанинг пулинин янгамга бериб қўйинг, эрталаб ўша кишидан оламан.

Хотин истеҳзоли кулиб, шарт орқасига бурилиб кетди. Мирсалим турган ерида шалвираб қолаверди. Үнинг

қимирлашга мадори йўқ эди. Фақат милиционернинг ҳуштаги ва «ким у?» деган нидоси унга жон киритди. У гандираклаб, икки бор ариққа йиқилиб, уйига етиб келганда қўшнисининг бобоқ хўроси тонг юлдузини қанот қоқиб қутламоқда эди....

Мирсалим бир пиёла муздай сувнинг далласида ана шуларни эслаб, юраги орқасига тортиб кетди. Урушдан ҳам тундаги аҳволи кўзига даҳшатли кўринди, чунки минг қилганда ҳам уруш узоқда, бу шармандалик эса, чақирса эшитилгудек жойда, ҳали-замон шармандасини чиқариши мумкин. «Лаънати нима қилиб ёнимга ўтира қолган экан,— ўзича пушаймон бўлди,— мен ҳам хотинимни олиб борганимда-ку, олам гулистон эди. Лекин хотин билан яйраб бўладими! Ўзи ким эди шу хотин? Қайси мактабда ишларди? Ортиқча шилқимлик қилганим йўқми? Шу вақтда «уламанинг пулини беринг» деб кириб келиб қолса-я! Ана шармандалигу, мана шармандалик!»

Шунинг ваҳимаси билан Мирсалим наридан-бери кийиниб кўчага чиқди. Кўча ҳар куни кўрган кўчасига ўхшамас эди. Одам қайнайди. Одамлар хомуш, лаблар қисиқ. Қадамлар зарворли, кўзлар ташвишли. Радио карнайлари бор овози билан гитлерчи Германиянинг жинояткорона уруш бошлагани ҳақида оламга жар солади. Одамлар тўп-тўп бўлиб жон қулоғи билан эшитишади. Ана, бир кампир йиғлаб, дока рўмолининг учини ҳимариб, кўзини артди. Бошқа бири Гитлерни «тўнғиз кўпдиради», асабдан соқолини ҳадеб тутамлаётган чол Гитлернинг сағанасига тош қалайди, ёш жувон эрини қўлтиқлаб туриш ғаниматдай, эрта-индин шунга ҳам зор бўлиб қоладигандай унинг қўлтиғига кириб кетгувек бўлиб, икки қўллаб ушлаб турибди, бошқа бири ташвишдан ёнида йиғлаб келаётган боласини эшитмайди, ҳар куни кулгиси билан кўчани тўлдириб юрган ёшлар бугун сокин, кулги ўрнига алланимани куйиб-пишиб гаплашади, бир-бирига маъқуллайди. Хуллас, мамлакат бошига зўр ташвиш тушгани еттидан етмиш ёшгача ҳамманинг фикри зикрида. Фақат Мирсалимгина катта дарёning, тўлқинли дарёning бир четида оқимдан узилиб, бир жойда айланётган чўпдек бақрайиб турарди. Бу узоққа чўзилмади, тўлқин уни ҳам қамраб кетди. Ана шундагина у кечаги хотиннинг «уламанинг пулини беринг!» деб одамлар орасидан чиқиб қолиши, уни

шарманда қилиши мумкин эмаслиги, юрт бошига тушган мүшкүлөт олдида ўзининг ташвиши урвоққа ҳам арзимаслигини фаҳмлаб, анча енгил тортди, «шундай пайтда жанжал кўтаргани келадими» деб ўзини юпатди. Ўйига қайтиб, юз граммни хотинидан ўғринча ютиб, ўрнига ўзини ташлади. Хотинининг:

— Ҳа, яна уйқуми? — деганига.

— Бошимни сал ремонт қилиб олай,— деди ва орқасини ўғириб олди.

— Камроқ ичинг, сизни бирор зўрламагандир. Ё зўрладими?

«Зўрлаш» сўзи Мирсалимнинг хаёлига ичкиликни эмас, тундаги хотинни келтирди. «Оббо лаънати, эрталаб келган экан-да!» деб юраги шувиллаб, кўз олди жимирлаб кетди. Хотини томонга бирдан ағдарилди.

— Кимни зўрлабман? — баланддан келди Мирсалим. Бу кутимаган дағдағадан чўчиб кетган хотин паст тушди:

— Бирорни зўрлабсиз деяпмани! Ичкиликни...

— Ҳа, бундай демайсанми! Менинг қулоғимга..

Мирсалим яна орқасига ағдарилди. Хотини пичинги қилди:

— Ҳа, энди бир камингиз бирорни зўрлаш қолувди. Утган йил Қаюм қўноқнинг тўйида ўйинчи қизга пул қистира туриб, томоғидан ушлаганингизни тўртта хотин йиғилишса ҳали-ҳали гапиришади.

— Буни ҳам йигитниң юрагида ўти бор, қони ўйнаб тургани қиласди! — чиранишамо ҳазил қилди Мирсалим.

— Сизнинг қонингиз қайноқми? Мен сезмайман-ку! — рашқ билан ачитди хотини. Бу гап чиранчиқ Мирсалимнинг эрлик нафесониятига тегиб, сирини фош қилиб қўйғандек бўлди. Бошини кўтариб, хотининга елкаси оша сигир қараш қилди: унныг кўзлари қинидан чиқиб кетай дерди.

— Қайноғини кўчада совитиб келаман!!

Эрининг астойдил жаҳли чиққанини кўргац хотини индамади, фақат чиқиб кета туриб, чимчилаб олди:

— Эҳтимол...

Бу гап Мирсалимга боягидан ҳам алам қилди. Лекин тундаги хотин келган бўлса, яна «олтин тўрва»нинг оғзи очилиб кетмасин, деган хаёл билан аччиғини ичига ютди. Агар шу томондан хавфи бўлмаганда хотинига

«бирор бўйни йўғонни топган бўлсанг, кетаверишинг мумкин» деган бўларди.

Урушнинг бутун даҳшатини Мирсалим эртасига мактабга борганида сезди. Кечаги кунни уйда хотини билан ади-бади айтишиб, бачканалашиб ўтказганига ҳайрон бўлди.

Мирсалим ўзи шунақа: бир нарсанинг таъмини ҳам, даҳшатини ҳам ўтиб бўлганидан кейин билади, била-ди-ю, вақтида пайқамаганидан ажабланади, ёмон нарсанинг ўтганидан хурсанд бўлса, ширинини сезмаганидан ачинади. Ҳозир ҳам шундай бўлди. Кечаги энг даҳшатли кун ваҳимасини шундай енгил-елпи ўтказганидан мамиуун.

Бир ҳафтада мактаб ёшлардан бўшаб қолди, мактаб тугул шаҳар бўшаб қолди. Военкомат эшигида одам тирбанд. Кунинга вокзалдан колонна-колонна ҳарбий эшелон жўнайди. Бугун кўрган одамингдан бир ҳафтадан кейин аллақайси шаҳардан «фронтга кетяпман» ёки «ҳарбий тайёрликдаман» деб хат келади. Бу ерда қолганларинг ҳам бутун хаёли фронтда. Фронтдан эса кунинга аҳоли яшайдиган қандайдир пункт, баъзан эса бутун бир шаҳарнинг «қаттиқ жанглардан кейин ташлаб чиқилгани» ҳақида кўнгилсиз хабарлар келади.

— Уҳӯ, қадам олиши тез-ку! — деди Мирсалим эрталаб радиога қулоқ солиб. Кейин тишини кўрсатмай сал иштайиб қўйди.

Яна бир ҳафта ўтди.

Мирсалим юзини ювмаёқ радио ёнига келди. Эшигмай қоладигандек қўлинни қулоғи орқасига ҳовуч қилди. Яна нохуш хабар.

— Зўр! Келиши ёмон,— деди, кейин тойчадай ўйноқилаб ювингани кетди. «Қичқир, хўрозим» ашуласини хиргойи қилиб ювниди. Ичидан севинчи тўлқин уриб чиқарди. Хотинига ҳам умрида бир марта кулиб қаради:

— Ишларинг яхшими, хотин?

Хотин ҳайрон: «Бу нима дегани бўлди?» Эрига қараб, кайфи борми ўзи, деб ўйлади. Үндай деса ҳозиргина ўрнидан турган. Кеча ҳеч қаёқقا боргани йўқ.

Нонуштадан кейин сурма ранг дўппини фуражкага, қора беқасам тўнини гимнастёрка билан энли камарга алмаштирган Мирсалим эшикдан чиқиши билан юзига жиддий тус берди. Юрт бошига тушган ташвишини бир-

га тортишаётган кишидек бошини сал қуян солиб кетди. Худди шундай алпозда кабинетига кириб борди. Бугун дарсга кечикиб келган ўқитувчани зуд билан чақиртирди:

— Ҳозир қандай вақт эканини биласизми? — деди зуғум қилиб.

Ўқитувчи важ кўрсатди:

— Қизимиз туни билан иситмалаб, эрталаб ухлаб қолибман.

— Важ қидирманг. Ҳозир важ қидирадиган пайт эмас. Мен бунга йўл қўёлмайман, совет болаларимизнинг тарбиясига путур етишига, айниқса шу масъулиятли кунларда йўл қўёлмайман. Бу жиноят.

Содда ўқитувчи жиноят қилганини энди англаған кишидек гангиг қолди, шошиб ўзини оқлашга киришди.

— Ўзингизни оқламанг,— унинг сўзини бўлди Мирсалим,— бу ёмон одат. Яхшиси, айбингизга иқрор бўлинг, тузатишга урининг. Мен, албатта, буни педсоветга қўймайман.

Бу «олижаноблик»дан юки енгиллашган ўқитувчи унга раҳмат айтиб чиқиб кетди. Мирсалим ўзи тутган йўлидан мамнун эди. Бурнининг остидаги туфланган посдек кичкина мўйловини кўрсатгич бармоғи билан силаб қўйди. «Қичқир, хўрозим»ни беихтиёр хиргойи қилаётганини сезиб қолиб, бирдан тўхтади: бу уйда айтиладиган ашула! Бу ерда ўзини раҳбарона тутиши лозим. Кнопкани босиб, котиб қизни чақирди, йўл-йўриқлар берди. Сўнгра ҳар қачонгидан сал юмшаб, ўзи ҳақида, мактаби ҳақида колективда қандай гап-сўз юрганини сурнштирди.

— Жимжит,— деди қиз қизаринқираб,— фақат Қурбоновни ёқтирганидан директорнинг ўзи телефон қилиб, фронтга юборди, дейишяпти.

— Масалан, сиз шуни кимдан эшитдингиз? — қаттиқ қизиқди Мирсалим, лекин мулоим қилиб сурнштирди.

— Ҳамма шунаقا дейди,— қиз дудуқланди. Аслида у кимдан эшитганини эслолмас эди.

— Менга ҳамманинг кераги йўқ. Биттасини айтинг. Уша биттаси керак.

Қиз «уша битта»ни айттолмади. Мирсалимнинг қанчалик жаҳли чиққан бўлмасин, ўзини босди: қизни хафа қилишдан фойда йўқ! Ҳали кўп керак бўлади. Лекин Қурбонов масаласидаги «сир»ни коллектив билиб қол-

ганидан ҳайратда эди. Ахир у жуда эҳтиёт билан ишлаган эди-ку! «Майли,— деб қўйди ичиди Мирсалим,— бундан буён шунга қараб иш тутаман. Шарт шу: мактабда менинг оёғимни босадиган ҳеч ким бўлмаслиги керак. Усиб чиққанини чеканка қилиб, кемтиб тураман».

Мирсалим хижолатдан бармоқларини қирсиллатаётган котиб қизин аста кузатди.

— Киши бунақа бепарво бўлмайди, қизим. Пишиқ бўлинг, чийратма бўлинг. Ҳали мен сизни директорликкача тарбия қиласман деб юрибман-ку...

Қиз бирдан қизариб кетди. Мирсалим унга яна биринки ширин сўз қилиб чиқариб юборди. Бу тадбиридан ҳам ўзи мамнун бўлиб қўйди.

Шу кунларда у яна бир одат чиқарган. Ишга сал барвақт келиб, ҳаммадан кейин кетади. Мақсад: мамлакат бошинга шундай оғир кун тушган кезларда ўзини қаттиқ ишлаётган қилиб кўрсатиш. Бирор ерга кетса, албатта, котиб қизга тайинлаб, келадиган соатигача айтиб кетади. Вақтида қайтса-ку майли, лекин сал кеч қолгудек бўлса, эшикдан терини артиб, аллакимдан нолиб, шу кунларда иш кўпайиб кетганини таъкидлаб кириб келади. Бу ерда у талай иши қолиб кетган кишидек дарров кабинетга ўзини уради. Бироқ... кабинетда бўлмағур хаёлларни сурниб, ҳадди спарадиган кишиларига телефон қилиб, ҳиринглашиб ўтиради, унча-бунча бозор-ўчар ишларини ҳам шу ерда битказиб олади. Лекин столининг устида донмтурли қоғозлар бўлади.

Яна бир ой ўтди. Мирсалим яна одатдагидек радио ёнига келди, қўлини қулоғи орқасига ҳовуч қилиб тинглади. Ҳамон фронтдан хушхабар йўқ, ҳамон душман босиб келарди. Миясига келган фикри шу бўлди:

— Шўро тамом! Нари борса яна бир ойга чидайди, кейин пчи пўйак дараҳтдай ағдарилади.

Яна «Қичқир, хўрозим»ни айтиб, ўтган даврларни эслади. Ўтган кунлар кўнглига чироқ ёқди. Бу чироқ тафтида бир вақтлар гўштга тушгани қуртдек ғимирлаган, кейинчалик замона зайлар билан ухлатиб қўйилган бойвачча орзулари уйғона бошлади, ҳа, хаёлинин олиб қочди. Бу орзулар инқилобдан у ёққа олиб ўтар, ўн ёшидаёқ бошига шохи салла ўраган тотли йилларини эслатарди. У бобоснинг қорабайирига мингашиб раслага тушарди, бежирим дўконларда ўтирган, кўкрак

чүнтагидан соат занжири чиқиб турган жужун камзул, дұхоба дүппилик бойваччалар ўринларидан ирғиб туриб бөбосынга салом беришар, отнинг жиловини ушлаб, хушоңад билан гап қотишар, бир пиёла чойга таклиф этишарди. Бобоси виқор билан кулиб, барчасынга ўзига яраша муюмала қиласын. Кейин карвонсаройга кириб, карвонидан хабар оларди, уйга қайтиб, мәжмөнхонада анча маҳалгача чүт соларди. Овқатдан кейин Мирсалим чой олиб киргана бобоси чүт қоқиб ўтирган бұларди. Мирсалимни күриши билан меҳрибонларча кулиб, құлидан чойнаки оларди ва мәжмөнхона охирдеги ҳужрадан тоғ бир кафт хандонписта, тоғ пащмак олиб унга берарди.

Бу давлатынг бир қисміні дадаси бобосидан кейин қиморга бой берган бұлса ҳам, қолгапини ички-ташқи ҳөвли билан инқилоб олиб қўйди. Вақтни ғанимат билған дадаси бир кечадаёт Пишпакдан шүнғиб, Мирсалим ҳозир турган шаҳардан чиқди. Бир оз вақт ўттач, оиласынни чақиришиб олди, «туя кўрдингми? Йўқ!» деб, тўнини ўзгартиреди, фуқаро бўлиб олди.

Мирсалим ҳозир ана шуларни ўйлаб туриб, дадаси ўлими олдида чақириб, мана буни олиб, хуфния ерга қўй, бир куни керак бўлади, деган тўрвани аллақаердан тоғиб чиқди. Уидан ўша Пишпакдаги уй-жой ва ер-сувларниң сарғайиб кетган васиқасини олиб, завқ билан кўздан кечирди, ёмби топган одамдек қувониб, кўзларига суртди, чангини қоқиб яна жойига солиб қўйди. Уйнинг у бошидан бу бешига ҳаяжонланиб юрди. Шу пайт унинг кўзига ҳамма нарса чиройли, ҳамма нарса кулиб қараётгандек кўринди. Шунда бирдан кўнглигига бир гап келди: у немис тилини билмайди-ку! Жилла бўлмаганда салом беришни, «хуш келибсиз», «Бизникига ташриф буюрсалар гоят хурсанд бўлардим!», «Қандай таом кўнгилларига хуш келади?», «Шу арзимас совғани олиб қўясиз-да» дейишини билиши керак-ку. Азизаннинг ўтар мактабда ўқиган немис тили китобини эслаб, уни аллақаердан топиб олиб, чангини қоқиб варақлади... Жонжаҳди билан ўрганишга киришди...

Эрининг ҳар куни ишдан келди дегунча уйга қамалиб олиб, аллақандай сўзларни ҳижжаласи, тилларини бураб талаффуз қилиши хотинининг ғашини көлтиреди, унга бачканы бўлиб кўринди. Бир-икки кун индамай юрди, бундок қараса, эри бу «қилинени» ҳали-бери тарк

қиладиган эмас. Битта-яримта одамнинг кўзи тушиб қояса, нима дейди!

Хотин дераза остидан бир оз қулоқ солиб турди. Мирсалим кичкина блокнот-дафтарнинг орасига бир бармоғини солиб, ушлаб олган, икки кўзи уйнинг бурчагида, у ёқдан-бу ёққа бориб келиб, ҳар хил сўзларни қироат қилади, эсидан чиқиб қолганини тўхтаб, ўша блокнотдан кўриб олади. «Тавба, ҳеч бунаقا одати йўқ эди-ку,— деб ўйлади хотини,— бунча астойдил кириш маса. Эрталаб намоз ўрнига ҳам шуни қироат қиладиган бўлиб қолди».

Эрининг бу иши хотинига ёқмади.

— Бу нима бачканалик, кап-катта одамга!— деди эшқидан кириб бориб,— «Гутин таг», «гут, гут»дан бошқа ишингиз қолмадими?

Бу Мирсалим учун кутилмаган танбех эди, жаҳли чиқди:

— Кирнингга сув ташиб берайми!

— Қачон ташиб беруадингиз, энди ташиб берасиз. Ёшнингизга яраша иш тутинг, бирам ярашмаяптики...

— Нима десам ярашади, томоғингни тут, бир ўпай десамми?— Мирсалим суюқлик қилиб келиб, хотинининг энгагидан ушлади. Хотини унинг қўлини силтаб олиб ташлади. Мирсалим салмоқлада:

— Нодонсан, хотин, подонсан!

— Ҳа, смз домосиз!

Мирсалим унинг таънасига парво қилмади:

— Ҳали сен тўхтаб тур, яқинда менинг кимлигимни билиб қоласан.

— Қуруқ жекироқ! Пуч ёнғоқнинг нархи кечи пулдан бўлди? Ҳали ёшроғини ҳам кўнглингиз тусаб қолар.

— Тусайди!

— Иўл қўйиб бўлибман!

— У вақт мен ҳам сендан сўраб бўлибман!!

— Нима подшоҳ янги бўлиб, тахтга ҳон ўтирасизми?

Хотинининг оғзидан беихтиёр чиққан бу сўз уни чўчитиб юборди, зотан, унга хуш ёққан бўлса ҳам, оғзига урди:

— Тесс! Деворнинг қулоғи бор-а!

Хотин хандон солиб, масхаралади:

— Ҳали шу юрак билан юрт сўрамоқчимисиз! Қочинг, том босиб қолади.

— Аҳмоқ! Бор, қозонингни юв, мушук ялаб кетади!

Мирсалимга бу сұхбат қалиб турған танбурнинг иппи узилгандек таъсир қилди. Бағрини әркалаб, руғини аллаётган ажойиб күй қала қолди. Мана шундай оромбахш онларни фаҳмламаган хотинидан ранжиди. Бу нима дардда ёнипти-ку, хотини нима деб юрибди, минг қылса ҳам хотин хотинлигига борар экан-да! Лекин Мирсалим бургага аччиқ қилиб, күрпа күйдириб ўтирасдан, яна машқини давом эттиришга киришди. Ахир күн эмас, ҳатто соат ғанимат! Фақат деразадан хотиннега қараб ичиде яниб қўйди: «Шу қилганинг ўша вақт устингга «боссам ер заха бўлади» деб нозу карашма қилиб турған бир дўндиқчасини олиб сени куйдирмасам, Мирсалим эмасман!»

2. ЭЛГА ҚЎШИЛГАН ЭР БЎЛАДИ...

Содиқ қора кунда ортирган дўсти Богунни кўмиб, жардан чиққанда кун алламаҳал бўлиб қолган эди. У йўл биладиган, борадиган ери аниқ кишидек бошлаб кетди. Қишлоқ четидаги бир қўрачанинг эшигини очиб, ичкарига кириб борди. Унга пешвоз чиққан, луччак шафтолидек бежирим кампир Содиқ орқасида хомуш келётган Диловархўжани кўриб:

— Юриб кетибди-ку, шу кишимиди? — деди.

Содиқ боши билан қандайдир имо қилди шекилли, кампир бошқа сўраб-суриштирмай хонага йўл бошлади. Ғаригина хонанинг тўридаги каравот шу яқин орада кўздан кечирилиб, аллакимга тайёрлаб қўйилгани ёстиги тўғрилаб, одеялининг бир чети қайрилиб қўйилганидан маълум эди.

— Мана шу ерга жой қилдим, болам... Бу хона холи, — деди кампир хона тўрига ўтиб.

Содиқ жавоб бермай, хона ўртасидаги стол атрофига қўйилган табуреткалардан бирига оғир ўтириди.

— Раҳмат, она, — деди у ахир. — Ҳимматингизга раҳмат! Энди унга ҳеч нарсанинг кераги йўқ.

Кампир сапчиб тушди:

— Вой, ўлмасам, нима қилди, вафот этдими?

Содиқ жавоб ўрнида бош қимирлатди. Кампир кўзидан ёш тўкканича, мункайиб қолди, пиқ-пиқ йиғлади. Содиқ ҳам бошини қуи солди. Диловархўжа унга тақлид қилди.

Кампир ўзи бир умр кўрмаган Богунга жони ачиб, унинг вафоти тафсилотини куйиниб сўради, кетидан гапириб юриб дастурхон тузатди, ҳатто унинг шерикларига далда берди:

— Киши умри бир қултум сув, қулт этди — вассалом, адойи тамом. Қани, дастурхонга қаранглар. Олинглар.

У бирпасдан кейин буғи чиқиб турган боршч олиб кирди. Сал титраган қўли билан идишларга сузар экан, нидамай ўтирган Диловархўжага гап қотди:

— Ҳа, сен нега жуда хомушсан? Тобинг қочдими? Қўрқиб кетдингми?

Шошиб қолган Диловархўжа кампирнинг гапига қўшилиб қўя қолди:

— Ёлғиз эдим...

— Шунақа бўлади: киши ўликдан қўрқади, энг яқин кишинг бўлса ҳам қўрқасан. Минг қилса ҳам жон чиққан тана-да! Қани, мана буни хўриллатиб, нон билан ичиб олгин, ўзиннга келиб қоласан.— Кампир лиммолим тўлдирилган талинкани унинг олдига аранг сурди.

Диловархўжа қорни тўйиши билан, Содиқнинг оёғини босиб, энди йўлга чиқайлик, деган имони қилди. Кампир ҳам уларни тутмади. Бир буханка нон билан докага ўралган муштумдек тузланган чўчқа ёғини улар қўлига берди:

— Озиқлик от ҳоримайди, олинглар,— деди.

Кампир ёнида турган Диловархўжа нонни олди-ю, ёғига келганда ундан ҳазар қилгандек оғринди, юзи буришди. Кампир ўзича тушунди:

— Қолгани шу экан, ола қол, болам.

Шундай кунда ҳам ирим қилиб юрган Диловархўжадан ижирғанган Содиқ, икки қадам босиб, ёғни ўзи олди:

— Раҳмат, она!

Хайрлашаётуб, кампир деди:

— Ўртоғинглар қабридан ўзим хабар олиб тураман, шам ҳам ёқаман. Бу томонидан кўнглинглар тўқ бўлсин!

Икки қоюқ узун-қисқа бўлиб йўлга тушди. Содиқнинг кўнглига қўрқув келмас, фақат олган йўлининг тўғрими эканлиги уни ташвишлантиради. Йўлда бирор ушлаб олиши, яна лагерга тушиш даҳшати гўё Богун билан бирга ўша жарда қолган, Богун бирга бўлганда-гина қўрқиш мумкинга ўхшаб туюларди.

Диловархўжа, нима содир бўлса ҳам аввал Содиққа мўлиқспи, дегандай ундан иккни-уч қадам орқада, етиб ололмаётган одамдек борарди. У безовта эдп. Богунни бевақт ўлдирганидан бир лаҳзагина афсусланди. «Жой тайёр экан, ўша ерда қоларди-қўярди» деб кўнглидан ўтказди. Лекин сал ўтмай бу фикридан қайтди. «Қолишишга-ку, иссиққина ер экан, қоларди, аммо бирор сурошиб қолса нима бўларди? Шармандамиз чиқарди. Узининг боши кетса майли, бизга зомин бўларди. Ула қолса, уларни билмайман, демасди! Жон шупақа ширин нарсаки, ошиа-օғайни тугул, ота-онадан тондиради!»

Ана шу мулоҳазага борган Диловархўжа бу томондан кўнгли тўқ эди. Бироқ йўл хавотирлиги, эртаги кун тақдирни, бундан кейин қиладиган ишлари темир занги бўлиб ич-ичини кемирар, учраган ҳар киши унинг жонинга қасд қилгаш бўлиб кўрниар, ҳар қишлоқ бир қолқондек туюлар эди. Содиқнинг ишонч билан боришини кўриб, унга ҳаваси келар, ҳатто: «Шу серка бўлмагандা, бу томонларда йўл топиш менинг учун ўзи бўлармиди!» деб кўнглида мамнун бўлиб қўярди, унга орқа қилиб, унинг далласи билан дадилроқ борар, бўлмаса шу вақтгача аллақайси ковакка уриб кетган бўларди.

Бир ҳафта деганда улар қишлоғи кўриниб турган ўрмонининг бир четида тунашга қарор қилишди. Содиқнинг тахминига кўра, фронт энди жуда ҳам олис бўлмаслиги керак эди.

— Энди бу ёғи нима бўлади, Содиқжон? — деди Диловархўжа хавотирланиб ва курсидаккина бўлиб турган тўнкага ўтириди.

— Бу ёғи ҳақида эрталаб бош қотирамиз. Ҳозир дам олиш — ухлаш керак, — деди Содиқ режасини аллақачон тузиб, қаноат ҳосил қилиб қўйган кишидек, сўнгра ҳазондан наридан-бери жой тайёрлаб, устига чўзилди.

— Қиши юраги шунақа ҳам дарё бўладими! — деганича Диловархўжа унинг ёнидан поилож жой олди. Унинг тахминича Содиқнинг юрагини дарё қилиб, кенг туттираётган нарса ҳамон ўз гуноҳига иқрор маслиги ва энди қочиб бўлса ҳам яна ҳаётдан ўз ўринни топаётганига бўлган ишончи эди. Бу нарса унинг юрагига юрак, ишончига ишонч қўшади, уни хотиржам тутади. Худди шуни тасдиқлагандек, сал ўтмай Содиқ бемалол хуррак отиб, уйқуга кетди. Диловархўжа ҳам кўзини юмди,

лекин ҳадеганда ухлолмади, хәел тизгинсиз отдеқ ҳар томонга судраб кетди, бир ерда тұхтамади. Үннің юрмаган тошлоғи, кирмаган күчесі қолмади, охири хәелнің кеті түшге улангандек бўлди-ю, ухлаб қолди. Қанча вақт үтгяниң билмади, бирдан сөқ товушлар келди. «Бўри қулоғи овда» бўлиб, қаш уйқусида ётган Диловархўжа, албатта, биринчи бўлиб пайқади. Дик этиб бошини кўтарди, қулоқ солди; чиндан сөқ товушлари...

— Содиқжон! Содиқ! Бизни қуршаб олишди. Туриңг! — деди нафаси бўғзилгача тиқилиб у.

Содиқ қаттиқ уйқуда эди, үннің қулоғига «туринг»дан бошқа сўз кирмади. У алан-қалан бошини кўтариб:

— Ухласангиз-чи! Мунча шошасиз, аchanгизнинг палови қирмоч олиб кетадими! — деди. Диловархўжа үннің гапи тугамасданоқ бояги гапни такрорлади. Содиқ ишонқирамай кўзини уқалади:

— Сиэннинг пимангизни қуршайди. Қаноти сингак қушдай чўзилиб ётибсиз-ку, керак бўлса босади-қолади.

Шу пайт беш-олти кишининг шарпаси кўринди. Улар тўғри шу томонга келарди: ҳарбий формада, қўлларида миљтиқ.

«Булар ким бўлди?» деб кўнглидан ўтказиб, Содиқ ёнига қараса, Диловархўжа йўқ: анча шаридаги энгашганича пилдираб кетяпти. «Қаёққа қочасан, подон» дей кумиб кўнглидан ўтказди Содиқ. Буни гўё эшитгандек Диловархўжа қўшалоқ ўсган дарахтнинг орқасига ўзиши олиб, үннің айрисидан қуён мўралаш қилди. Бу орда миљтиқли кишилар Содиқ олдига этиб келишди. Содиқ уларни кўриб жуда ҳайрон бўлди: кийим-бошлари кир-чир, соқол-мўйловлари ўсиб кетган, пойгадан қайтган отдеқ юз-кўзлари ҳорғин, миљтиқларишиңг қўндоғига лой теккан.

Улар Содиқнинг кимлиги билан қизиқмай, үннің қаршиисида тўхташди. Биттаси манзилимизга етдик, дегандек кечада Диловархўжа ўтирган тўнкага оғир чўкли. Бошқалар ҳам ўтиришди. Тўнкада ўтиргани ҳеч нарса-га нарво қилмай:

— Бир чектириңг! — деди Содиққа. Содиқ «йўқ» дейишига тили бормай, ҳамон бутоқ айрисидан «қани. Содиқни нима қилишар экан?» деб кўзи олма-кесак териб турган Диловархўжага қўли билан «бу ёққа келинг» деб ишора қилди. Ҳуркиб даракт орқасидан зўрга ай-

рилган Диловархўжа уч-тўрт қадам қўйиб, яна хавотирсираб тўхтаб қолди.

— Тамакидан олиб келинг!— деди Содиқ. Ана шундагина Диловархўжага жон битиб, қадамини тезлатди, юзида кулгига ўхшаган бир нарса пайдо бўлди.

— У ким?— қизиқди милтиқлилардан бири.

— Шеригим. Сизларни немис гумон қилди шекилли. Узинглар қаёқдан келяпсизлар?

— Қуршовдан чиқдик. Ўн кун деганда зўрға ёриб ўтдик. Кўплар қолиб кетди. Лаънатининг миномёти нафас олдирмайди. Солдатини танкка ўтқазиб, қўлига автомату, миномёт берганга ўхшайди.

Бу орада қўлида тамаки тўрвасини ушлаб Диловархўжа етиб келди. Унинг қўрққани ҳали ҳам қўлларининг титраб туришидан ва асабий боқишидан аён эди. У тамакини кир-чири, ўсан соқоллари билан ўзини ҳайратга солган аскарларга эмас, нима учундир, чекмайдиган Содиққа тутди. Содиқ:

— Уларга беринг!— деди боши билан аскарларни кўрсатиб.

Аскарлар донга ёпирилган товуқдек тамаки тўрвани қуршаб олишди. Сал кечикишса кайфи тарқаб кетадигандек шоша-пиша ўраб чекишиди. Кайфини баданга сингдираётгандек гап-сўздан қолиб, кўзларини сузиб ўтиришди, аччиқ тутун ҳам уларни ташлаб кетгиси келмагандек даврада ҳалқа-ҳалқа бўлиб айланарди. Папирослар чекилиб бўлганидан кейингина улар астойдил танишдилар. Содиқ ўзларини аскарликка чақирилиб, бомбардимонда қолган қилиб кўрсатди.

— Энди нима қилмоқчисизлар?— деди тўнкада ўтиргани.

Содиқ ҳали бир фикрга келмаган кишиндек елласини қисди.

— Бу кунларда қисмингларни топиш амри маҳол. Истасанглар, биз билан бўлинглар.

Содиқ умрида бир марта ёлгон ишлатди. У аскарнинг таклифини жон деб эшишиб турган бўлса ҳам, «нима дейсиз, ё ўз қисмимизни қидириб топамизми?» дегандек Диловархўжага қараб қўйди. Диловархўжа бу ҳаракатнинг маъносини тушунмай ҳайрон эди.

— Майли, жанг қиладиган фронтимиз бир, душманимиз битта бўлгандан кейин қайси қисмда бўлишимизнинг нима фарқи бор,— деди Содиқ.

— Тұппа-тұғри! — унга қүшилди аскар. Лекин бошқа бири ҳадеб сурештираверган эди, ўша тұнкада ўтирган силтаб ташлади, Содиқлар ёнини олди:

— Бунча сурештиравердинг, онаң терговхонада туққанми? Сендан ош-ноң сұраб, ўқ товуши келмайдын жойға олиб бориб қўйинг деятгани йўқ-ку, бирга жанг қилмоқчи. Ё сенга фашист камайиб қоладими? Хотиржам бўл, сен эмас, оға-инингга ҳам етади!

— Ҳушёрлик... — деб гап бошлаган эди у, яна тұнкада ўтирган оғзига урди:

— Енини тит, яна радиопередатчиги бўлмасин!

Бирдан кулги кўтарилди. Шу билан гап-сўз тугади.

Содиқ, гарчанд ўша ҳушёрлик ҳақида гапирган аскарнинг фикрига қалбан қўшилса ҳам, ўзининг яхши ният билан ноилож шу қалтис йўлни тутаётганидан, шу лаҳзада унинг турқи совуқ кўринниб кетди. «Бир балонни бошламасайди кейин», деб кўнглидан ўтказди. Диловархўжа ҳам ўша аскардан чўчиётган бўлса керак, унинг хатти-ҳаракатидан кўзини олмасдан, баъзан мана буносининг гаплари илмоқли-ку, кейин тахири чиқмайдими?» дегандек, Содиқ билан кўз уриштириб оларди.

Ваҳима билан бошланган бу тасодифий учрашув уларнинг жонига ора кирди.

Улар уч кундан кейин қуршовдан чиққанлардан тузилган қисмда, форма кийиб сафда туришарди. Ишининг бунчалик енгил кўчганидан мамнун Содиқ «қалай, энди хурсандмисиз?» дегандек, Диловархўжага кўзини қисган эди, у ҳам «охирин хайрли бўлсин» деб жилмайиб қўйди.

— Дўстлар билан бирга жанг қилишдан яхши нарса борми,— деди Содиқ кечқурун ўрнига чўзилар экан,— ҳалок бўлсанг бир чуқурда, тирик юрсанг бир тепада бўласан!

Ёнида ётган Диловархўжа уни эшитса ҳам, ўзини ухлаганга солиб, индамади.

3. ЕВУЗ НИЯТЛИ ҚИШИ

Мирсалим қанча уришмасин, йўлинин қилолмади — фронтга кетадиган бўлди. Гарчанд мактабга «эл бошига тушгани — эр бошига тушгани» деб мақол айтиб, мамнун кириб келган, «ўзим бориб, йўлинин тўсмасам бўлмайдиганга ўхшайди», деб керилган бўлса ҳам, ос-

тонадан ҳатлаб уйга кирди дегунча, бутур заурғиши хотининг сочди:

— Мана, хотин, бачканалик қиладиган эрдан қутулиб қолдинг. Куроқ кекирмайдига бирорта бўйни йўғонни топиб оласан энди.

Хотин гапининг нима ҳақида бораётганини дарров фаҳмлади. Бошқа вақт бўлса ҳақини юбормаган бўларди. Не чораки, у фронтга кетяпти, қайтиб келиши гумон ерга кетяпти. Бу албатта эри учун эмас, ўзига ҳам оғир эди. Лекин хотин эрининг турқини кўриб, ўзини тутиб олди, тиқилиб келгац аччиқ ёшни зўрга қайтарди. Агар у шундай қилмаса, бу йиги ё эрининг яна аччиқ таънисига дучор қиласар ёки унинг фарёдига сабаб бўлар эди. Хотин иккисини ҳам истамас, жуда бўлмаганда, шу оҳирги кузатув куиларида ўзини тутишга, шу билан эрига ҳам далда бернишга қарор қилди.

— Юртга келган тўй, дадаси. Ўзингизни бунақа диққинафас қилиб, қуйнуб-ёнишишгизининг фойдаси йўқ. Худо насиб қиласа тўрт кўз тугал кўришамиз. Қирқ йил қирғини бўлса ажали стган ўлади.

— Борди-ю, менинг ажалим ётган бўлса-чи...— Мирсалимнинг кўзида ёш қалқиди.

— Ниятингизни яхши қўшиш! Ҳар иш ниятга яраша бўлади.

Мирсалим кечаси билан безовталаниб, ағанаб чиқди. Сурмаган хаёли, кўрмаган туши қолмади, эрталаб шундай бўлиб ўрнидан турдик, туши билан хаёлини ажратолмай қолди. Кечаси иккى марта йиғлади. Хотинининг қилмаган тадбири қолмади. Ширин гапирди, далда берди, орқаларини узоқ силаб ётди, оёқларини уқалаб қўйди. Агар бошқа вақт бўлганда Мирсалим хотинининг қўлидан шунчалик меҳрибонлик келишини билиб қувонган бўларди. Лекин у ҳеч бирини ҳозир қадрламас, бунинг барчаси касалнинг ўлими муқаррар бўлганда доктор «энди парҳезнинг кераги йўқ, кўнгли нима тусаса, бераверинглар» дегандек туюларди.

— Мана мени айтди дерсиз, кипригингизга гард юқмай омон-эсон қайтиб келасиз,— деди хотини эрини хаёлдан чалғитиш учун.

— Йўқ, хотин, йўқ... сен билмайсан,— деди Мирсалим шифтга қараб, тоқи санаб ётганича. Лекин хотини нимани билмасдигини айтнишга тили бормади, юрагини оч мушукдек тимдалаб ётган дарди уни минг балога

мубтало қиларди, унга тинчлик бермас эди: у фроятга борса, бекорга ўлниб кетса, немис ғалабасидан кейин даври дарронни ким суради? У орезу қылганича, дард чекиб ёңганича күзини юмид кетаверадими! Йүк, бунга у асти чидолмас эди, чидагиси келмас эди.

Бу аламини Мирсалим хотинига айтмоқчи эмас, айтгани билан у тушунмайды, башарти тушунганда ҳам қўлидан нима иш келади. Мирсалимдан кейип «вой эримлаб» минг фарёд чексин, бир йил эмас, беш йил қора кийиб азасини тутсиз — бундан унга нима наф бор! У ўзи ўша кунларни кўрмоқчи, ўзи даврон сурмоқчи!

Мирсалим эрталаб барвақт уйғонди. Таҳорат олиб, узок намоз ўқиди, кўзидан ёш оқизиб, аллаиарсаларни жойнамоз устида инят қилди. Ихлос билан ўрнидан туриб, қизарган кўзлари билан икки ёнига салом берди. Эшикдан ионушта кўтариб кирган хотинга очиқ юз билан қараб, «бисмилло» айтиб дастурхонга ўтириди. Одоб билан ион ушатиб, бир бурдасини оғзига слар экан, қизи Азизани сўради:

— Келмадими?

— Келиб қолади, кеча тайпнлаб айтиб юборганман.

Азиза дадаси билан Қодир туфайли ўша гапга боришиб қолгандан бери бир қанча вақт ўтган бўлса ҳам, ҳамон яра битиб, изи йўқолмагап, қори кетиб, музин қолган эди. У ҳамон ётоқда турарди. Лекин илгаригидек дадаси билан «пўм» эмас, онасининг илтижо-илтимоси билан дадасининг бир оз тоби қочган бир кези салом бериб келган, ҳолини сўраган, шундан бери уйга келиб-келиб турарди. Ҳа, ростдан ҳам, ўша биринчи тўқнашувдан кейин Азиза яна дадасини бир ачитиб олганди. Бу Мирсалимнинг сурбетлик билан Адолат холаларининг уйини бўшатиб олғанидан кейин содир бўлганди. Бу гал Азиза дадасига тик турниб, башарасига очиқ айтмаган бўлса ҳам, унга эшилтириб, онасига бундай деди: «Бир дастурхондан ион еб, бир пиёладан юй ичгап одамиппг ҳовлини тортиб олгани уялматишиларми? Эртага эшик қоқиб кириб келса, қайси юз һилан башарасига қарайсизлар? Майли, бошқа одам элсин эди, ўша яхши эди. Лекин сизлар эмас! Бу пасткашлик! Қайси бола-чақангларга жой етмаётган эди. Мен ўлсам ҳам бу ҳовлида турмайман, илгари қайтиб келиш фикрим бўлса ҳам, энди қайтмайман. Қишилардан номус қиласман, уяламан. Уят».

Азида ўз сўзида турди. Бу ҳовлига қайтиб келмади, келиб-кетиб турди, эл-юрт олдида «ота безори, она бевори» бўлиб кўриимаслик учун онда-сонда келиб турди. Лекин ғишт қолипидан кўчган, муомалалар жуда «ўта расмий» эди. У дадасига букилиб пешвоз чиқмаганидай, дадаси ҳам эгилиб «кел қизим» демас, дейншга иззатнафси йўл қўймас эди. Шундай бўлса ҳам Мирсалим фронтга кетиши аниқ бўлгандан кейин, уни айтиб юборишини хотинидан илтимос қилди.

Азида, уларнинг тахминича, нонуштага етиб келиши керак эди. Чиндан ҳам нонушта охир бўлиб қолганда кириб келди. Орада ҳеч нарса ўтмагандек улар билан сўрашиб:

— Сиз хавотир олманг,— деди у Мирсалимга,— ойим ёлғиз қолмайдилар, хабар олиб тураман.

— Кўчиб кела қолсанг-чи!— майингина қилиб деди Мирсалим.

— Буни бир ўйлаб кўриш керак. Эҳтимол кечалари ойимни ёлғиз қўйиб, чўчитмаслик учун кўчиб келарман. Лекин ҳозир эмас. Сал имтиҳонларимдан қутулиб олай.

Бу гап шу билан тамом бўлди. Энди нима ҳақда гап боришини ҳеч ким билмас, ҳар ким шундай пайтларда бўладиган ўй-хаёл билан банд эди.

Охирги қултум чойини ҳўплаб, пиёлани бир четга суреб қўяр экан, Мирсалим Азизага қараб ҳазин товуш билан салмоқлади:

— Нима қилсам, сенлар учун қилдим, нима десам, сенларга жоним ачиғандан дедим. Мана энди фронтга кетяпман. Фронт борса келмасдай жой. Сени бир кўрай деб чақирирган эдим, қизим...

Азизанинг назаридаги дадасини бирор алмаштириб кетганга ўхшарди! Наҳотки, айтганини қилдирадиган, ушлаганини кесадиган дадаси шу киши бўлса!

Азизанинг ўзгариб қолган дадасига раҳми келди, уни «бағритош, дийдаси қаттиқ» деб юрганидан ҳозир ажабланди. Дадасининг кўзида қилт-қилт қилиб турган ёш унинг ҳам кўзига ёш чиқарди, лекин уни тўкишдан Азида ўзини эҳтиёт қилди. Қандайдир бир сўз айтиб, ўлни олдида хайрлашаётган кишидек кўзида ёш билан эзилиб турган дадасининг кўнглини кўтармоқчи бўлди-ю, шундай таъсирли бир сўз тополмади. Факат: «Ундай деманг, дада, фронт кетаётган битта сиз эмас»,— дея олди холос.

— Уларнинг йўли бошқа, менини бошқа,— деди бе-
ихтиёр Мирсалим ва бундан чиқадиган маънодан чў-
чиб, бошқа бир таърифга бурди:— Менинг ёшим улра-
йиб қолган...

— Ёшингиз катта бўлса ҳам, соғломсиз, бақувват-
сиз.

— Ажал соғлиқ суриштирмайди, қизим, учган ўқ-
пинг ақли йўқ.

Азида энди билдики, шу вақтгача қамчисидан қон
томиб, сўзидан илон пўст ташлаган ва ботир кў-
ринган дадасининг ичи пўнг экан. Фронтга боргиси
йўқ, ҳар қанча ботирлик керак бўлса, шу ерда қил-
моқчи.

Мана шуларни ўйлаб туриб, Азида кўзидаги пайдо
бўлган ачиниш ёшларининг қаёққа кетиб қолганини
сезмади. Унинг ўринини қандайдир бошқа бир ҳис олган
эди. Бу раҳм ҳисси эмас, балки бўлак бир нарса эди.
Шунинг учун ҳам у йиғлаб турган дадаси билан совук-
қина хайрлашиб қолди. Кейинчалик онаси:

— Бунча дийданг қаттиқ, қизим, кўзингга ёш ҳам
кељмади-я! Даданг ўгай эмас эди-ку!— деган эди,
Азида:

— Ўзим ҳам билмайман, нега шунақа бўлди, ойи-
жон,— дейишдан бошқа жавоб қилолмади ва нима
учундир кўзидан дув ёш тўқилди.

Мирсалимнинг режаси бўйича, у тўғри фронтга туш-
маслиги керак. У билан бирга кетаётганларнинг барча-
си тойланмаган паҳтадек бўш, хом кишилар. Умрида
қўлига милтиқ ушламаганлар ҳам бор. Демак уларни
бирор ерга олиб бориб ўргатишлари, машқ қилдириш-
лари шарт. Бу машғулот камидаги уч ой, бўлмаса ярим
йилга чўзилади. Бу муддат қисқа фурсат эмас. Бу ора-
да уруш тугаси, жилла бўлмаса, «яраш-яраш» бўлиши
мумкин.

Поездда кетаётган Мирсалимнинг фикрига шу хаёл-
лар келди-ю, кўнгли равшан тортди. «Саранжомингиз-
ни олинг, фалон куни кетасиз» деб буйруқ олгандан
бери бўғилган иштаҳаси очилди. Ҳамманикидан кўра
каттароқ сафар қопини олдига сурди. Унда нималар
йўқ эди: шакар аралаштирилган талқон, яхна гўшт,
патир, мева-чева, ширинликлар, бир қутичада чой, чой-
нак-пиёла, иккита қошиқ (биттаси запас), зарур бўл-
гандаги биронта командир билан «отамлашиш»да жуда

ұнг келадиган хом қази (пишириладын жой доим то-
плади!), иссек пайпоқ...

Мирсалим күнгли тусаган нарсаларни олиб, олдига
қўйди...

Учинчи кун кечқуруп Мирсалимни яна ташвиш бос-
ди: нега ҳалигача бирор ерга тушшымайди? Бу кетиши-
да ҳадемай фронтга етиб қолишади-ку! Йўғ-е! Машқ
қилдирмасдан-а!

Мирсалимни машқ, ҳарбий тайёргарлик эмас, шу
орада ўтадиган вақт қизиқтиради, албатта. У фронтга
тушиш, ёғилиб турган ўқлар, портлаб турган мина ва
снарядлар орасида жанг қилишин тасаввур этолмас
эди. Унинг назарида уруш тугаб қолди, вақтдан ютиш
керак, холос. Лекин поезднинг ҳамон елиб боришига
тушунмасди.

— Тўппа-тўғри фронтга олиб бориб туширдилар,
шекилли,— деди Мирсалим жўрттага ҳамроҳининг фик-
рини билиш учун. Қорачадан келган, дўнг пешона ҳам-
роҳи унинг бу қизиқ саволидан «бунинг ўзи соғ одам-
ми?» дегандек мийифида кулиб қўйди.

— Бўлмасам-чи!— деди қатъий қилиб у,— далага
чикиб «ҳоммопиш» ўйнамоқчимиднингиз?

Мирсалим ичидаги «тўнкага ўхшаб қўпол бўлмай ўл»
деган бўлса ҳам:

— Ахир машқ-пашқ деган нарса бўлади. Ҳали мил-
тиқ олганимиз йўқ,— деди ётиғи билан.

— Хавотирланманг, ёқалаштиргани эмас, жанг қил-
гани олиб кетишяпти. Ҳали қурол ҳам беришади, қана-
қа қилиб урушишини ҳам ўргатишади.

— Мен ҳам шуни сўраяпман-да, элат,— деди күнгли
бир оз тинчиб Мирсалим.— Юзингда кўзинг борми, де-
масдан, кишини сиятаб гапиришингиз яхшимас.

Дўнг пешона яна кулиб қўйди, уэр сўраган
бўлди:

— Кўнглингизга олманг-ку, қўшни, саволингизнинг
ўзи шунмаган таёқдек бесўнақай эди. Қанча тез фронт-
га тушсак, шунча яхши эмасми! Душман мамлакат ич-
карисига қанча кўп кирса шунча ёмон, ахир уни қувиб
чиқаришнинг ўзи бўлмайди. Унинг йўлига тезроқ ғов
ташлаб, тўхтатиш керак. Буни сиз билан мен қилмасак,
ким қиласди!

— Кейин орқасига қайтариш-чи?— унинг гапини
бўлди қаршида ўтирган қош-қўзларига сурма қўйған-

дек чиройли йигит.— Ҳали қиласидиган ишимиң күп, биродар.

— Эхтимол, сиз билан биз анати дүстүм айтганиндең, ғов бўлиб душманни тўхтатганча ўша ерда кўз юмармиң, бошқалар уни кетига сурин кетар. Шер ҳамласига қарши ташланган киши ўлимини ҳам бўйнига олиб қўйиши керак. Биз сайилга эмас, жангга кетяпмиз,— деди Мирсалимнинг ёнида ўтирган суюкларни бузуқ, елкаси кенг лўлинамо ўрта ёш киши.

— Албатта! Албатта!— деди жуда ўнғайсиз аҳволда қолган Мирсалим. Лекин у бу кишиларнинг ёниб гапиришига ишонгиси келмас эди: наҳотки кишилар ўлимга кета туриб, анати лўлинамо айтгандек, шер ҳамласига қарши бора туриб, шунчалик дадил бўла олади, бирор ерда беш-олти ой тинчгина машқ қилиб ётишдан кўра тезроқ қиёмат қирғип бўлиб турган фронтга тушини афзал кўради. Йўқ, бу одамлар ё мен кўриб юрган кишилардан эмас ёки ўшаларнинг ўзи-ю, фақат тилини сал қайраб олган ва ё бўлмаса, улар бирдан ўзгариб қолган, менинг ақлим етмайдиган даражада ўзгариб қолган. Бу ёғи энди душман билан қамти келганда маълум бўлади, деб кўнглидан ўтқазди Мирсалим, аммо яна ичида, булар ҳам фронтга тушшга кўзи стмаганидан шунака дейишияпти. Наҳотки буларнинг жони савил, деб қўйди. Пайти билан уларни бир-бир кўздан кечирди. Дунг пешонанинг бирор фирибгарлик қиласидиган турқи йўқ боянигаётганда қандай бўлса ҳозир ҳам шундай: хотиржам, бошини сал бир томонга ташлаб поезд тебратишшида аллаланиб бормоқда. На хомуш кўзида бир қувлик бор, на ўтиришида. Қош-кўзига сурма қўйгандек чиройли йигит сухбат тугаши билан яна қўлига китобини олиб завқ билан ўқиб кетяпти. Ҳатто чиройли қўзи, кам гўштиша юзида кулги аломатлари ҳам кезади. Ташвишли, қув, тиلى билан дили бошқа одам бунақа сафарда ўзини бунчалик эркни ва бемалол тутолмайди, ҳар қандай ичидан пишган бўягандага ҳам, сокталиги очилиб, миси чиқиб қолади. Анати суюклари бузуқ лўлинамо-ку, икки дунё менга бир қадам. Яшашни билардим, ўлишини ҳам биламан, курашни-ку қойил қиласман. Онам менин асли шунга туққан, дегандек оғир жангда ўзинга тент келасидиган йўлдош қидиргандек ҳаммани бир-бир кўздан кечирниб, ўзича хулоса чиқариб,

ишонч билан ёнбошлаб ўтирибди. Униг хатти-ҳаракати ва сўзида бирор ясамалик бўлишига қиши ишонмайди. «Менинг бўлганим шу. Менга ишонсанг мана, ишонсанг аchanгинг арвоҳига» дегандек, юзига нисбатан кичкина кўзларни сокин йилтиллайди. Унинг нимасидир Мирсалимга Содикни эслатди. Лекин нимаси ўхшашлигини толиб ололмади. Содикнинг эсга тушиши эса, Мирсалимни туни билан ухлатмади: уруш эрта-индин тугаса, Содик қайтиб келса, унда нима бўлади? Бутун сирларимдан воқиф бўлмаганида ҳам, у ўтирган ҳовлини тортиб олганимнинг ўзи бахтимни қора қилиш учун кифоя эмасми? Эй, калтафаҳм Мирсалим! Бошини ейишга-ку единг, шу ҳовлига чангол солишнинг сенга нима кераги бор эди! Мана энди нима бўлди? Арзимаган ўша ҳовлини деб, тилинг қисиқ, юзинг шувут. Ширинсўзлик билан бўшатиб олган бўлсанг ҳам майли эди. Адолат холанинг оппоқ соchlарни билан қон йиғлагани эсингдами? Нималар деб чирқилламади, нималар деб илтижо қилмади — ҳеч бирига қулоқ солмадинг, «давринг келди, сур бегим» деб орқа-ўнгингга қарамадинг. Энди-чи. Энди нима бўлади?

Эрталаб турганда Мирсалимнинг мияси бу ташвишлардан анча холи эди, ҳатто кечаси беҳудага шунча изтироб сурганидан мийнгизда кулиб қўйди: нодон бошим!

Поезд эса, ҳамон километрлар танобини тортиб, уфқа бигиздек санчилиб борарди. Кечаси саҳро тугаб, ўрнини рус ерининг манзаралари: ям-яшил қарағайзор, буғдоизор, кўм-кўк ўтлоқ, томи ниш, ёғоч уйлар алмашган эди. Ана, шапкасини бостириб олган рус бола ўтлатиб юрган сигни ёнида туриб поездга қўл силкияпти.

— Бу ерларининг ҳавоси бошқача,— деди қош-кўзи сурма қўйганцек чиройли йигит.— Ҳу анави ўрмонларни қаранг: ичи роҳатижон!

— Бўлганмисиз? — сўради дўнг пешона.

— Йўқ, ўқинганиман.

«Ёш-да, ўқинганининг ҳаммасини рост деб юради», дейа кўнглидан ўтказди Мирсалим уни эшишиб. Йигит эса бутун умри рус ўрмонида ўтгандек, оғзидан бол томиб таърифини қиласарди.

— Шундан озгинасини бизнинг томонга бермагандай — дейа ўқиниш билан сўзини тугатди йигит. Дўнг пешона эса, Ўзбекистон тоғларидаги арчазорларни мақ-

таб, турли-туман мевалари билан рус ўрмонидан қолишимайды, деган фикрни айтди. Суҳбат табиат бойликлари ҳақида кетиб, анча вақтни олди. Лекин Мирсалим фронтга, тиш-тироғигача қуролланган душман билан жанг қилгани кетаётган бу одамларнинг юрагига шу гаплар сифғанинга ажабланарди. Бу ҳам етмагандек, чиройли йигит китоби ичига газетадан қирқиб солиб қўйған бир парчани олиб:

— Ўқиб берайми? Эшитасизларми? — деди.

— Хўш? Хўш? Қани! — деди суяклари бузуқ лўлинамо киши гавдасига ярашмаган бир қизиқиш билан.

Йигит, сизлар нима дейсизлар, малол келмайдими, деган каби кўзларини атрофга югуртириб чиқди, кейин ўқиди. Бу севимли ўзбек шоири Мақсад Шайхзоданинг «Кураш нечун?!» деган оташин шеъри эди. Йигит бу шеърни илгари ҳам катта давраларда ўқиган ёки яхши машқ қилган бўлса керак, расмият учунгина қўлида ушлаб туради, аслида ёд ўқирди.

Бу кураш истиқбол машъали учун,
Лениннинг мужассам ҳайкални учун,
Бу — элнинг гўдаги, чоли, гўзали,
Навоний «Хамса»си, Бобир ғазали,
Дуторнинг мулоҳим унлари учун,
Ижоднинг муҳташам кунларни учун.

* * * * *

Шу учун курашмоқ бизга фарз бўлди,
Юраклар оташин нафратга тўлди.
Эй Ватан, эй дунё, эй инсон, қардош,
Халқлар эрки учун берамиш бардош.
Зафарнинг нащъасин тотиган эрлар:
«Эрк десаңг, урушда енгиб чиқ!» дерлар.

— Шоирлар ҳам ўлмасин, дўндириб айтади, дилингдагини топиб айтади,— завқланиб кетди дўнг пешона.

— Дўндиrsa ёэсин-да! Улникнинг нафасидай совуқ шеърнинг кимга кераги бор! — деди шеър завқидан кейин ўрнашиб ўтирас экан суюги бузуқ лўлинамо киши.

Мирсалим бу гапларга аралашмади, тўғриси, бу гаплар унинг юрагига сифмас эди. Поезд юрган сари унинг кўзига кўлоб бўлиб ётган фронтдаги қон, мурда-

ларни босиб-янчиб келаётган немис танклари, ўзининг жонигина кўрннарди. У бу хаёллардан ўзини зўрлаб ҳам ажратиб ололмас, боши зирқираб оғриб, чаккала-рига бирор бигиз санчайтгандек азобланар, қовоғи оғирлашиб, мудроқ босарди. Уйқусида ҳам боши-кетини тушуниб бўлмайдиган алламбалоларни кўрар, кўзи-ни очганда бирортасини эслаб ололмас эди. Ёнида кетаётган, ўзи билан сафари бир, тақдири бир кишиларга ўхшашни баъзан истар, уларнинг суҳбатига гоҳо аралашарди-ю, барни бир қўшилиб кетолмас эди. Бошқалар эса кундалик ҳаётини янги бир шароитда давом эттираётган, бундан кейин ҳам ҳар қандай шароитда давом эттириши мумкин ва Қўлидан келадиган кишилардек боришарди. Улар учун фронт Мирсалим тушунганидек даҳшат эмас, балки булар фронтга, фронтдаги душманга даҳшат солиш учун кетаётганга ўхшайди. Мана шуниси Мирсалимга яна ҳам қизиқ туяларди.

Поезд бешинчи кун кечаси бир станцияда тўхтади. Мирсалимнинг вагондан чиқши билан қилган иши атрофга қулоқ солиш бўлди: ўқлар овози келаётгани йўқми? Бу томондан хотиржам бўлганидан кейин станцияни кўздан кечирди. Бу ерда унинг диққатини тортадиган ҳеч нарса йўқ эди. Дала жойларда бўладиган оддий станция: икки қаватли бир бино.

Нарсаларни машинага солиб, ўзлари саф тортиб, йўлга тушдилар. Сокин тун. Осмон тўла юлдуз, лекин ёруғи йўқ. Йўл бўйидаги дараҳтлар ҳурпайган товуқга ўхшаб кўринади, қоп-қора. Саф ярим соатча юргандан кейин ўрмонга кириб кетди. Ўрмон ичи боягидан ҳам жимжит, фақат баланддан дараҳт бошларини тебратиб ўтган шамолнинг пихиллашга ўхшаш бўғиқ товуши бир текисда келади. Аскарлар ҳам бу ўрмон тинчлигини бузгиси келмагандек чурқ этмай боришарди, фақат баъзизда старшинанинг «Сочилмасдан юринг!» деган товуши янграб қолади, чопиб олдинга ўтгани кўринади. У колонна этагидагилар етиб олиб, саф тартибга тушгунича, саф олдида ўзи секин бошлаб борали, кейин яна ёнига ўтиб кетади.

Бир маҳал палаталар тикилган каттагина майдонга чиқдилар. Бу ерда аввал ҳам аскарлар бўлгани биринчи қарашданоқ кўринниб турарди. Янги келганларни отделениелари билан палаталарга бўлдилар...

Қош-кўзи сурма тортгандек чиройли йигит эрталғб юваниб келиши билан:

— Поездда менга «ўзинг ўрмонни кўрганмисан?» деяётган ким эди? Қани, ўша одам айтсин-чи, ўрмон ёмон эканми? Роҳатижон-ку! Анави дарахтларни қа-ранг, сафга тизиб қўйганга ўхшайди-я. Адллигини кў-ринг,— дея ўрмон сайлига келган кишидек қувонч билан кунини бошлади.

— Шунинг ўндан бирни мева дарахти бўлармиди!— гапга аралашди кеча Ўзбекистон тоғларини мақтаган дўнг пешона.

— Боғбонга ўхшайсиз-а, дарахтнинг мевасизини тан олмайсиз.

— Йўқ, деҳқонман, пахтакор. Дарахтнинг ҳусни бўйинда эмас, иним, мевасида.

Мирсалим уларнинг гапига қулоқ солиб туриб, уларпинг ҳамон йўлдагидек бу ерда ҳам беташвиш, бехавотир, ҳар кунгидек оддийгина ҳаёт бошлаётгандарига ҳайрон бўлди.

Шу маҳал отделение командири ёрдамчиси билан ион ва қанд олиб келиб қолди. Уларни палата ўртасидаги «қўл бола» столда тақсимлади. Эҳтиёт билан, имкони борича баравар қилиб бўлинган ион устига бир неча чақмоқдан қанд қўйди. Кейин ҳаммани тўплади. Мирсалим кутганидек ўзи улашиб қўя қолмади.

— Қани, ким чақиради?— деди атрофга қараб. Ҳеч кимдан садо чиқмади. Битта аскарни тайинлади. У аскар орқасини ўгириб турди. Отделение командири тақсимланган иондан қанди билан биттасини қўлига олиб:— Кимга?— деди, орқасини ўгириб тургани унга қарамасдан бир аскарнинг фамилиясини айтди, ионни номи чиқсанга узатди. Худди шуидай Мирсалим ҳам ўз ҳиссасини олиб тумбочкаси устига қўйди. Ҳамма тарқалиб бўлгандан кейин ёнида қолган суюклари бузуқ лўлиномо кишига:

— Бу нима бачканалик?— деган эди:

— Қўринишдан-ку, бачканаликка ўхшайди, аслида яхши нарса: бегидир бўлади. Финляндия урушида менга ҳам аввал сизга ўхшаб ғалати кўринган эди...

Мирсалим унинг сўзини бўлди:

— Финляндия урушида бўлганимисиз?

— Бир ҳафтагина.

— Күзи пишганларданмай дөнг. Бахтли экансиз, соғ-саломат қолибсиз.

— Урушга борган ўлаверадими, биродар, урушнинг бошидан охиригача қатнашиб, гард юқмаганлар бор.

— Йўғ-е! — ажабланди Мирсалим.

— Уз кўзим билан кўрганман. Одамлар ўқнинг ақли йўқ дейди, бу бекор гап. Уқ ақлли. Уқ аввалам қўрқоқни қидиради, кейин бошқага тегади. Боболаримиз, қирқ йил қирғин бўлса, ажали етган ўлади, деб бекорга айтишмаган. Уша ажал ёвқурлиги, довюраклигидан, ўлимни ўйламаганидан етмаган, ҳа, ботирлигидан етмаган, хўп деяверинг! — Унинг гавдасига нисбатан майдабўлган кўзлари, ишонаверинг, бу одам ёлғон гапирмайди, дегандек чақнаб кетди. Лекин бари бир, Мирсалим ишонқирамади. Мирсалим ҳар нарсани ўз қолипнига солиб, ўз гази билан ўлчарди. Буларнинг қолипни ҳам, гази ҳам уникнинг ўхшамайди, ўхшатаман деса ҳам ўхшамаяпти.

Биринчи кун ҳаммомга тушиш, кийим-бош — форма олиш, гимнастёркага ички ёқа тутиш, қуроллар олиш, уни кишиларга бириткириш билан ўтди. Эртаси тоғкоронгисидан бошлаб сиқса суви чиқмайдиган пишиқ қилиб тузилган жадвал билан машғулот бошланди.

Мирсалим муродига етган кишидек кўкрак кериб, мамнун нафас олди. Машғулотлар қанчалик оғир бўлмасин, фронтда қон тўкиш, ҳар лаҳза ўлим кутишдан енгил эди. Солдат камарини қандай қилиб боғлашдан тортиб, душманга қай вақтда қандай ўқ узишгача, бирбировга честь беришдан тортиб, яраланган жангчига ёрдам кўрсатиш, уни қуроли билан бир четга олиб чиқиб кетишгача, походда қанча ва қай вақтда сув ичишдан тортиб, окоп қазиш, мудофаа тутиш, кейин шиддатли ҳужумга ўтишгача — ҳамма-ҳаммаси ҳақида «бильмасанг ўргатамиз, истамасанг мажбур этамиз» деган қаттиқ шиор билан машғулот борарди. Ҳаммадан ҳам Мирсалимга командирнинг: «Бу ерда қанча кўп тер оқизсак, фронтда шунча кам қон тўкилади», — дегани ёкиб тушди. Кўнглида «қани энди шу ердаги тер тўкишнинг ўзгинаси узоқроқ чўзилса!» деб қўйди. Лекин ҳеч ким бу машғулотларнинг қанча вақт чўзилишини билмас эди. Бирор «Этигимизнинг ғарчи кетиб, милтиғимиз нишонга тегадиган, ўзимиз ҳар қандай қулфга тушадиган калит бўлган куни кетамиз», — деса,

бошқаси: «Ҳали замбаракдан отишни ҳам ўргатиша-ди»,— деб, муддатни орқага сурар, яна бири: «Ҳа, сен-ларни боқувга олиб келган, семириб қолинглар»,— деб пичинг отарди. Бу орада Қиевга душман кирди. Рота командирининг сиёсий ишлар бўйича ўринбосари шу кунни ўтказган машғулотида: «Бу жуда нохуш хабар, ле-кин бизни ваҳимага солмаслиги керак. Қиевни вақтин-ча босиб олган душманни ҳам тор-мор келтиришга ишонч билан ҳарбий техникани ўрганиб, маҳорат билан жанг қилишга ҳар соат тайёр туришимиз керак»,— де-ди. Политрук бу гапларни фронтга кетиш муддатини билib айтган эканми, эртаси тонготарда тревога билан йўлга чиққан батальон икки купдан кейин фронтга ке-либ тушди. Эртасига жангга кирди.

Батальон душманинг икки ҳужумини қайтарди. Би-рида суяги бузуқ лўлнамо жангчи бир танкни ёнди-риб, командирининг ташаккурини олди. Қош-кўзи сурма тортгандек чиройли йигитнинг танкка эргашиб келаёт-ган фашистларни жуда яқинга келгунича қўйиб бериб, кейин қўл пулемётидан тутдек тўkkанини ўз кўзи билан кўрган Мирсалимнинг кўзи ўйнаб кетди. Лекин бир вақт қараса, у йигит яраланибди, замбилда олиб ўтиб кетишяпти, бу унга боягидан ҳам таъсир қилди. Дўнг пешона жангчи эса, иккинчи марта душман ҳужуми бошланиши биланоқ побуд бўлди. У Мирсалимнинг кў-зи олдида манглайидан ўқ еди, милтиғи душманини ишонга олганича брустверда қолаверди. Шериги окопи ичига олиб ётқизди. Бу даҳшат Мирсалимга туши билан тинчлик бермади, эрталаб сарғайиб чиқди. Душман яна ҳужумини бошлаганда Мирсалим ҳеч нарсани фаҳмламайдиган девонасифат ағрайиб ўтирас, ҳар гал снаряд тушгандагина кўзини пирпиратиб қўярди. Душ-ман бугун кечагидан уч баравар кўп куч билан ҳужум-га ўтиб, батальонни чекинишга мажбур этди. Батальон тушга бориб чекинди.

Лекин Мирсалим ўтирган окопида қолаверди...

4. ҚОТИЛ ЯНА ҚОН ИСТАБ ҚОЛДИ...

Бундан сал кун аввал бирор «фронт шунаقا бўла-ди» деса, Диловархўжа асти ишонмас, «ваҳима ҳам сал эви билан-да!» деган бўларди.

Наҳотки, яқинлашиб келаётган фронт қаршисига

юриб, каттагина бир шаҳар бўсағасида мудофаа тутнишганидан бери немис кўзларини очирмаса! Гоҳ осмондан келиб бомбалайди, гоҳ узоқдан мина ташлаб бетиш қиласди.

Диловархўжа фронт деганда ўша кўрган пақпүқ билан қиличбозликни тасаввур қилиб юрган экан. Бомбалар ернинг ҳалқумидан тутиб, чангни минора қилиб, осмонга отишини, қулочга сиғмас азим дараҳтларни илдизи билан қўпориб ташлашини, гиштин иморатларни қумдек тўкишини, не-не тепаликларнинг қаншарини сал вақтда пастга тушириб юборишни ҳеч хаёлига келтириб кўрмаган эди. Ҳаммадан қизиги шу бўлдики, эрталаб бошланган шунча тўс-тўполондан кейин ҳам одамлар тирик қолибди. Диловархўжа шунча бомба ва мина портлаганини, ҳамма ёқнинг ўйдим-чукур бўлиб кетганини кўриб, «Фақат мен худо ёрлақаб тирик қолдим шекилли» деб ўтирган экан. Бир маҳал бомбалашув, мина ташлаш тугаб, гувиллаган бўғиқ товуш келди. Бу нотаниш товуш унинг ҳуркиб қолган миясига бир фикр келтиргунича бўлмай, кимдир томонги йиртилгудек бўлиб «Танк!» деб бақирди. Бу товуш хўроздарнинг тонгдаги қичқириғидай мудофаа бўйлаб кетма-кет такрорланди. Окопларда аввал милтиқлар наизаси йилтиллади, кетидан жангчиларнинг боши кўринди. Айниқса, атайин олдинга ташланган бронешарнинг ҳаракати тезлашиб кетди. Сои томондан кетма-кет ўшқириб чиқиб, дарров очиқ майдонга сочилиб кетган, тўшида иккита оқ плонни бир-бирига кўндаланг қўйғандек фашист белгиси бор танклар «бу майдон ўзимники, бу атрофда одам зоти қолмагандир, қолгани бўлса менинг емим» деган виқор билан мудофаа қаршисига ўрмалаб қолди. Лекин мудофаа линиясига яқинлашуви билан шувақа олатасир ўқса дучор келдики, олдиндаги иккитаси чўғ тушган хазондек гувиллаб ёнди, кетидагилар эсанкираб қолгандек бир зум тўхтади, кейин шартта орқасига бурилиб, елиб кетди. Нарироқ бориб яна биттаси ёнди. Ичида экипажи люкни очиб чиқиши билан кимнингдир автоматдан берган сидирға ўқи ер тишлатди, ҳатто биттаси танк устидан умбалоқ ошиб тушди.

Диловархўжа, олдинда битта-иккита мергаи қолган экан-да, деб унга аҳамият бермади. Душман учта танкнинг аламига чидолмади шекилли, бир пиёла чой ич-

гунча вақт ўтмай, мудофааны шунаңа түпга тутдикі, Диловархұжа, энді ажалим етди, боя бир худо асраган экан, деб юборди. Окопшынг тубига тушиб, бошини ел-калары орасыға олғанича ғужанак бўлиб, ҳар ер сил-кинишида бир қалқиб, жонини ҳовучлаб ўтируди. Түрли катта-кичикликдаги снарядлар бечора ерни минг оҳанг-га солиб, қўпориб ётар, зарралари қуюн бўлиб кўкдан ёғилар эди. Унинг назаридә боягиси ҳам ҳаловат экан. Бу ҳам стмагандек исмис яна танкни майдонга чи-қарди. Улар келаётгандан ҳам түпдан отишни тўхтатма-ди. Яна танклар ўша ерга келгандан қаршиликка учра-ди. Биттаси ёнди. Лекин бунга улар бу гал парво қилишмади. Танклар йўл-йўлакай ўқ узиб келар, ҳар ўқ узганда қаттиқ йўталган кишидек бутун вужуди билан бир силкниб тушарди. Улар мудофааннинг олдинги қа-торига келиб, окопларни чир айласиб изғилади. Ана шунида танкларни паноҳ тутиб уларниг орқасида ке-лаётган автоматчиларниг чагир-чуғури эшитилиб кол-ди. Диловархұжа бундоқ қараб, ҳашу манг бўлди. Ба-қа ранг кийимдаги бу кишилар калта автоматларини қоринларига тираб, баъзан қисқа-қисқа ўқ узиб йиқи-ла-қўпа келарди.

Диловархұжа бу ёғи нима бўлганини билмади, окоп ичида алланималарни пичирлаб, эси кетиб қолибди. Бир вақт кўзини очса, қўшни окопдаги Содиқ қўл пу-лемётини окопи четига қўйиб олиб, тариллатиб ўқ уз-япти. Ўқи тугул, кўзлари билан ўққа тутаётган киши-ларини еб юборгудай бир ҳолатда эди. Турган окопи торлик қилиб қолгандек, пулемётини кўтарганича чо-пниб кетди, ундан ўнгроқда бўлган бошқа бирига сакраб тушиб, яна ўқ ёғидирди.

Диловархұжа кўзи Содиқда бўлиб, пайқамаган экан, унинг бу ёнидагилар ҳам, умид билан келибсан, насибангни ол, дегандек ҳоли-қудрат ўқ узиб турибди. Танклардан биттаси ундан сал нарида занжирлари узилиб тўхтаб қолибди. Лекин у ҳамон ўқ узарди. Ди-ловархұжа ичида, бу нима қилгани, ишдан чиқса ҳам, тавба қилмайди-я! Тоза ашаддийси экан-ку, деб турган эди, ўрмонда учрашганда ҳадеб Содиққа савол бериб, кимлигини суриштира берган, кейинчалик «ҳушёр» ла-қабини олган жангчи (исми Шубин эди) окопидан чи-қиб, танкка қараб эмаклаб кетди. У худди сув остида сузив бораётгандек бошини қуйи эгиб борар, баъзан

тұхтаб, ёл-вернга қараб олар, терлаб кетғап юзига құрум үтирган, күзінде үт ёнарди. Бүйніга осиб олган автомати әмаклашга халақит берди шекилли, уни бир құлп билан силтаб, орқасында үтказиб юборди. Худди шу пайт танк ичидағилар уни пайқаб қолишиң шекилли, пулемётдан үқ узиши, чумчук галасидай чийиллаган үқлар бошидан бир қарич баланддан үтиб кетди. Энди үқлар панд беришиңа күзи етгап Шубин читтакдек чақ-қонлик билан олдинга сапчиб үтди, яна атрофга олазар-рак қараб әмаклади. Танкка беш метрча қолғанда چалқанча ётиб ёнидан, немис таъбирича, «Сталин коктейли» номлы ёнилғили шишани олиб, яна қорниңа ағдарилди. Автоматини бир құлида ушлаб туриб, шишани танкка ирғитди. Диловархұжа унинг танкка тегиб синганини эшитмади, лекин «гуп» этиб олов күтариғанини күриб чүчиб кетди. Аммо нима учундир Шубин орқасында қайтмай, ҳамон үша ерда автоматини үқталиб ётарди. Диловархұжа уни қотиб қолған фараң қилди. Пүк, ундағы бўлиб чиқмади. Шубин тирик, атайнин сичқон пойлаган мушукдек бўлиб ётган экан. Бир маҳал гулхан бўлиб ёнаётган танк жон талвасасында тушиб қолди шекилли, тўпидан устма-уст икки-уч үқ узди. Шу үқ билан нафаси ичига тушиб кетди. Шубин танк жуда гуриллаб ёнаётганидан ҳафсаласи пир бўлған кишидай орқасында хомуш әмаклаб қайтди. Диловархұжаның ёнидан үтар экан, чиқмади лаънатилар. Ичиде күйиши афзал кўрди, деб қўйди ва қурум босган юзидағи терини енгил артди. Диловархұжа шунда билдики, у танкни ёқиб юборганидан кейин ҳам кўнгли тўлмай, ичидан экипаж чиқишини пойлаб ётган экан.

«Бу одамларнинг жони бунча савил», деган Дилювархұжа немисларнинг шунга ўхшаш ҳужумидан кечгача яна иккитасында гувоҳ бўлди. Кечгача ўнга яқни танк ёнди, унинг орқасидан каламушдай ўрмалашиб келган солдатларнинг камида ярми майдонда қолиб кетди. Аммо мудофаани ёриб ўтолмади. Эртасында яна шу ҳолат такрорланди. Эрталаб барвақт учган иккита самолёти қандайдир қоғозлар ташлади. Улар ерга тушгунча, комиссарнинг буйруғи окопларда пайдо бўлди: «Варақаларга тегилмасин! Агитаторлар йиғиб олиб, куйдириб ташласин!»

Одатда ниманики моне тутилса, қизиқувчилар шунча кўп бўлади. Худди шундай Дилювархұжа ҳам қат-

тиқ қизиқди-ю, құлға туширолмади. Окопидан сал нарироққа тушган биттасини күзи остига олиб турған эди, Шубин пайқаб қолди. Диловархұжа, қани ўқирмикін, агар ўқиса мен ҳам сүраб күрамаң, деб турған эди у, ҳатто башарасига қарамади, ердан ола солиб қиймәқийма қилиб йиртіб ташлади. «Чийратма, лаънати бу «хүшёр» деб қўйди Диловархұжа ва бу орзуси армон бўлиб ичидা қолди.

Бир маҳал сал түс-түполон тинганда зарурат билан сойга тушса, бир нарса кўзига оқариб кўрпнди. Қўлига олса, ўшанақа қоғоз. Дарров қўйнинг тиқиб, ўз ишига кетди. Хилватга ўтиб кўз югуртди. Қўз югуртди-ю, кўнгли ёришгандек бўлди. Немис совет жангчилариға мурожаат этиб, Диловархұжаппиг кўнглига хуш ёқадиган гапларни ёзар, ўз хоҳинши билан немис томонига ўтганларга олтин төф ваъда қиларди.

Бу варақа Диловархұжанинг юрагида устини кул босиб ётган ўлимтік умид учқунини яллиғлатиб юборди. У қайта туғилгандек бўлди. Варақадаги гапларга юз фоиз ишонди. Агар шўроларнинг қурби етганда шунича ергача чекиниб келармиди! Демак шўро урушда ютқизди, бугун бўлмаса зартага ютқизади. Шундай экан, эси борида этагини ёниб қолиши керак. Ҳаммадаш ҳам варақанинг «уруш тугаши билан ҳар ким ўз юртига жўнатилади» деган ери Диловархұжага ёқиб тушди. Варақада қуролни ҳам ўзи билан олиб ўтиш алоҳида таъкидланган эди. Шунисига у бир оз ҳайрои қолди. «Қурол унга нимага керак бўлди, шу қурол билан яна урушга солмайдими?»

Шундай фикрлар билан Диловархұжа бир ҳаftача ўй суриб юрди. Бу орада полк, яхши қаршилик кўрсашиб турған бўлишига қарамай, тунда чекинди. Янги мудофаа тутган тепаликда ҳам узоқ туролмади, энди ўрнашиб олишганида чекиниш ҳақида бўйруқ келди: немис, ўнг томондаги қисмни ёриб, буларни ёнлаб ўтиб кетибди, қуршовда қолиш хавфи туғилибди. Уч кунллик поход — чекинишдан кейин полк яна мудофаа тутди. Уларга янги куч келиб қўшилди. Лекин Диловархұжа буларнинг барчасига энди ишончсизлик билан қарап, пропуск ўрнида ўтадиган, ёмон кўздан холироқ қилиб «ўғри чўнтаги»га солиб қўйған немис варақасини баъзан «жойнда турибдими» дегандек устидан ушлаб қўярди. Уни жон деб ишга солмоқчи бўларди-ю, йўлини

тополмас, топган йўлишинг оқибати «вой» бўлиб чиқа-ётганга ўхшаб кўринарди. Назаридан ҳамма ҳам ҳолдан толган, ҳатто Содиқ ҳам варақани кўрсатса «бормисиз, биродар, жуда увол бўлиб кетдик-ку» деяётгандек, «ўзим шу ергача бошлаб келувдим, бу ёғига ҳам ўзим бошчилк қиласман. Йекин шартим бор, у ёққа борганда менинг «қизил командир», коммунист бўлганимни ҳеч кимга айтмайсиз, ўтган ишга саловот» дейа ёлвора-ётгандек туолди.

Чиндан ҳам бу мудофаа жанглари Содиқни, ҳамма қатори ҳолдан толдиран, руҳан жуда эзиб юборган эди. «Қўнгил учун бир қадам олға силжишмаса-я! Жонни жабборга бериш жанг қилишади-ю, бари бир чекинишади, бу лаънати немисларнинг техникаси бунча кўп экан, қирган билан адо бўлмайди, ўзидан олдин техникаси ўрмалайди. Солдатининг ҳам кучи шу техникада, техникасини мажақладинг дегунча, ўзи қуён бўлади, яна техникасини олдига солиб ўрмалаб келади, яна техникаси бардош бергунича урушади. Бўлмаса солдати унча юракли эмас. Қани бпэда ҳам шунча техника бўлса!

Бизнинг шунча ҳарбий маеверларда қатнашган, таърифи оламга ёйилган техникамиз қани, қаёқда? Душманни бир қарич ҳам сримизга киритмаймиз, деган эди-ку! Қани ўша куч?

Ертўла оғзида Диловархўжа пайдо бўлди. Мўйловга ўхшаган бароқ қоши қовоғига ўюлиб тушган, бужур бетларн баттар қорайиб кетган. Қовоғидан қор ёғади. Бирор билан уришиб, бир-икки мушт ортиқча еб аламда қолган кишидек салом-аликни ҳам унутиб, бир четга оғир чўқди. Содиқ унга қўл узатар экан тегишиди:

— Мунча қўлингиз совуқ, йилингиз қурбақами? Салом-аликни ҳам еб қўйдингизми?

— Жанозага борган одамга «хуш келибсиз!» дейилмайди.

— Тағин нима гап? — тушуниади Содиқ.

Диловархўжа айтадиган гапи кўпу, бир оғиз сўз билан ифодалаб қўя қолишга қийналаётган одамдек оғзини бир-икки жуфтлаб яна жим қолди. Охир бошини қуий солиб:

— Содиқжон, биз ютқиздик, урушда ютқиздик,— деди. Кейин варақани узатди.— Мана буни қаранг.

Содиқ варақадаң ҳазар қылғандек қўлига ҳам ол-
мади.

— Олтин тувак ваъда қиляптими?— деди у, сўнгра
сўзига якун ясагандек ҳижжалади.— Олтиндан бўлса
ҳам, барни бир тувак!

— Аввало сиз буни бир ўқинг, бошқа гап бор.

— Биламан, ўқиганман. Бизни кафанга ўраб қўйинб-
дими? Ишонманг, ёлғон! Тушга нималар кирмайди,
душман нималар демайди.

— Ёлғон?— ажабланди Диловархўжа ва Содиқка
тикилиб қолди.

— Сабр қилинг, той минган, от ҳам миниб қолади,
немисни қанақа қилиб қийратаётганимизни кўряпсиз.
Қўплашса чивин филни ҳолдан тойдиради дейншади.
Биз-ку арслонлармиз. Шунақа қила-қила муккалата-
миз.

Диловархўжа гайри табиий ҳикоя эшитаётган одам-
дек бўлиб турди-ю, бирдан ғаши келиб пўнгил-
лади:

— Унгача суякларимиз чириб кетмаса денг.

— Чиримайди. Баҳорда лой кечган кузда мой чай-
найди. Тарихда бунақа фактлар кўп.

Диловархўжа очигига қўчди:

— Бўлса бордир. Лекин бунисини, ютқиздик, чув
тушдик. Борди-ю, чув ҳам тушмадик, шўронинг қайси
қылган яхшиликлари учун лой кечишим, эгар қучоқлаб
ўтириб от минишни орзу қилишим керак? Атала ичириб
тергов қылгани, бупдан кейин ватанинг бетини кўрмай-
сан деб, ўн йил бергани учунми? Йўқ, Содиқжоп, шу-
ларни эслаганда кишига жуда малол келади.

Диловархўжанинг бу гапидан Содиқнинг чойига
паشا тушгандек таъби хира бўлди. Унинг аввалги
сўzlари ёнидан ўтган бўлса, буниси жонидан ўтиб
кетди.

— Бўлмаса боринг, катта холангиз палов дамлаб
турибди! Уятмасми! Шу гапларни менга гапиргани
уялмадингизми! Қайси юзингиз билан гапирдингиз! Ки-
шида жиндай номус ҳам бўлиши керак. Бир марта
тузлигингизни булғаб, ўзингиз сув ичадиган қудуққа
туфлаб, азобипи тортган эдингиз-ку.

Диловархўжа бундоқ қараса, Содиқ уни деворга та-
қаб қўядиган. Бирдан тусини ўзгартириб, қаҳ-қаҳ со-
либ кулди.

— Яшанг, пухта экансиз, Содиқжон! Бир синамоқчи бўлган эдим.

— Мени синамаган энди сиз қолувдингиз.

— Аслсиз! Жуда асл,— бўш келмас эди Диловархўжа,— минг марта айтаман-ку, шўро сизни қамаб хато қилган, ўз оёғига ўзи болта урган. Қани энди барча ҳам сизга ўхшаб шўрода жонини тикса. Афсус, сиздақалар...

— Кам демоқчимисиз?

Диловархўжа худди шундоқ демоқчи бўлса ҳам, гапни бошқа ёққа бурди:

— Йўқ! Кўпи қамоқда ётибди демоқчиман.

— Очиқда ҳам кўп. Тўхтаб туринг, ҳали кучини кўрасиз!

— Аслсиз! Асл айнамас, олтин зангламас, деганлари шу. Лекин... аввал жиноятингиз бўлмаса ҳам, энди ҳиёнатга қўл уриб қўйдингиз.

Диловархўжа суҳбатдошига ер остидан муғамбirona қаради. У, бу гапни Содиқнинг тилини қисиб қўйиш учун атайин бошлади. Ахир Содиқнинг бояги ҳужумни ҳазилакам бўлмади, агар ҳазилга йўйиб, кулиб қутулмаса, худо билади, яна нима кунлар бошига тушарди. Содиқ, ўша аввалги Содиқ, шунча азоб чекиб ҳам эътиқодига куя тушмапти!

Диловархўжанинг нимага ишора қилаётганинга тушенган Содиқ яна аниқлаб олмоқчи бўлиб сўради:

— Қочибми?

— Ҳа, бўлмасам-чи!— Диловархўжа яна унинг юзидаги ўзгаришни кўрмоқчи бўлиб зимдан кузатди. Содиқ парво қилмади. Чўчиш ўрнига юзида табассум пайдо бўлди. Бу табассум узоқ чўзилмади, ўрнини ишонч тўлқини алмашди:

— Яхшилик йўлидаги ёлғон айб эмас!

— Шундай бўлса ҳам...

— Бўлмаса бориб айтинг!— пичинг қилди Содиқ.

Диловархўжа муродига етолмади: наинки Содиқни ўз нияти йўлига буриш, унинг тилини қисиб қўйишни ҳам уddyаломмади. Шу гапларнинг чин эканини билиб қолса-я, деган хаёл миясига келди-ю, унинг юраги сиқилиб кетди, чекмоқчи бўлиб тамаки тўрвасини қўлига олди. Ҳафсала билан папирос ўтар экан, Содиқнинг ҳайрон бўлиб қўлига қараб турганини пайқаб қолди. Аввалига унинг бунчалик термилиши сабабини билма-

ди, кейин унинг иккала қўзи тамаки тўрвасида эканини кўрди-ю, юраги «жиг» этиб метди. Қўлидаги тамаки тўрва Богунники эди. У эсини йигиб олгунча Содиқ:

— Богуннинг тўрвасими? — деб сўраб қолди.

— Ие, ҳали сизга айтмовдимми? Йўғ-е! Айтгандирман! Ёдингииздан кўтарилибди.— Узини тутиб, ўсмоқчилади Диловархўжа. Ундан қатъий «йўқ» жавобини олгач, бирор «ёлғон, гапинг ёлғон» деётгандек изоҳлаб кетди:— Раҳматли, бир маҳал тўрвасини узатиб, «ўранг, бир чекайлик» деб қолди. Шундан дардига даво изляяпти шекилли бечора, дедиму, қўлидан олдим. Ураганимча йўқ, сув сўраб қолди, бу ёғини айтувдим шекилли, бир вақт нафасим бўғзимга тиқилиб сувни олиб келсам, бечора дунёдан ўтибди. Қўли мен томонга узатиғлик қолибди: сувга узатганми, тамакигами — билмадим. Шу-шу тўрва менда қолиб кетди. Раҳматлинни эслаб ёдгорлик қилиб олиб юрибман. Ё сизга берайми?

— Йўқ-йўқ! Раҳмат! — ғалати бўлиб кетди Содиқ. Бундай ҳолат киши қўли қоронғида шилемшиқ нарсага тегиб кетса ёки жонли нарсани ногаҳон босиб олганда пайдо бўлади. Унинг хаёли чувалди: нега шу вақтгacha кўрмаганман ёки яшириб юрганми? Яширса, нега яширади? Узининг бошқа тўрvasи бор эди шекилли. Урмонда аскарларга тамаки сўраб олиб берганимда шу тўрвамиди? Йўқ, бошқа эди! Агар шу бўлганда таниган бўлардим. Демак яшириб юрган! Бир балоси борки, мендан яширган. Богуннинг ўлиши ҳақида ўша куни ҳикоя қилганида унинг чекмоқчи бўлганини айтмаган эди. Рост, айтмаган эди. Энди нега бунақа деяпти? Ранги ҳам ўзгариб кетди. Уни ҳеч маҳал шундай кўрмаганман. Богуннинг мурдаси тепасида ҳам худди шунга ўхшаган ҳолатда кўринган эди. Майли, унда қўрқкан бўлиши мумкин. Ҳозир нега ўзгарди? Нимадан ўзгарди? Бу ерда у қўрқадиган ҳеч нарса йўқ-ку. Демак тўрванинг тагида бир сир бор! Ана, папирос ўраётган бармоқлари ҳам сал титрайпти. Кўзини ердан ололмаяпти!

Содиқ ўз ҳаяжонини билдириб қўйишдан қўрқиб, бирпас Диловархўжани кузатиб турди-да, бир баҳона билан ертўладан ташқарига чиқди. Уфқа бош қўйган қуёшдан баркашдаги оловдек яллиғ кўтарилиб турибди. Унга яқин турган увада булутнинг этаги титилган

қизил латтадек товланади. Сал ўтмай, уфқ түқ қизилдан түқ сариққа ўтди, кейин сариқнинг туби қорага яқин тус олди, бориб-бориб ним малла рангга айланди. Унга яқин турган увада булут эса, бир парча қора дөгдек жойида қотиб қолди. Содиқ шу уфқдан кўзини олмас, хаёли ҳамон ўша тамаки тўрвада, қулоғида Богуннинг вагондаги гали: «Бу, хотинимнинг ўзи эккан тамакидан. Атайин мен учун экибди... Тўрваси ҳам ўзининг ҳунари... Жабр бўлди бечорага, болаларимиз бирбиридан кичик... Борсам, қўлни совуқ сувга урдишмайман...».

Содиқ бир нарса эсига тушгандек, шарт орқасига бурилди, қўлида хаёл билан эзғилаб ўтирган кесакнинг бир бўлагини зарб билан кукун қилиб, сочди. Ертўлага ўзини босиб кириб борди. Уни кўриб хомуш ўтирган Диловархўжа бирдан тетиклаанди. Қаёққа чиқиб келганини сўради. Бирор чақиргандай бўлди, деб баҳона кўрсатди Содиқ. Сўнгра Диловархўжанинг иккни бармоғи орасидан буралиб чиқаётган тамаки тутинига қараб қолди. Ертўланинг нишига қўйилган «жинчироқ»ни олди, унинг пилиги учидаги сўхтасини икки бармоғи билан уқалаб туширди, кейин ёқди. Атайин қилгандай уни ўртага қўйиб, ертўланинг оғзига тутиб қўйилган плаш-палаткани ташҳаринга ёруғ ўтмайдиган қилиб тўғрилади. Жойига ўтираётib, Диловархўжадан сўради:

- Богун уйғонганди сиз теспасидамидингиз?
- Ҳа, шундоқ ёнида чўзилиб ётган эдим.
- Чўчиб уйғондими?
- Иўталиб уйғонди-ю, типирчилайверди.
- Унда тамаки тўрвани сизга қачон берди?
- Шунда-да! Ишонмаяпсизми? Худо ҳаққи шунда берди.

Диловархўжанинг қасами Содиқнинг шубҳасини ошириди. «Наҳотки уни... Йўғ-е! Нима учун, вима учун уни ўлдириши керак. Бир тўрвачаю бир кафт тамакигами? Лагерда эмас эди-ку! Сўраса, Богуннинг ўзи ҳам берарди, сахий, танти йигит эди. Ё у ўлганидан кейин очкўэлик қилиб, ёнидан олдими? Чўчимасдан-а! Йўқ, гап тамакида эмас. Бу чиройли тамакидонда ҳам эмас, бу ерда бошқа бир сир бўлиши керак. Акс ҳолда Диловархўждай одам асабий титраб, қасам ичмас эди».

Содиқнинг қўли мурданинг совуқ баданига теккан-дек сесканиб кетди.

Диловархўжа Содиқнинг ёмон ўйга борганини се-зиб турарди-ю, уни очиқ рад этишга қурби етмас эди. Шунинг учун гинахонликка кўчди.

— Улникнинг ёнидан уялмасдан тўрвасини олиди, деб гумонсирајпиз-а, Содиқжон? Ўзим ҳам шундай дерсиз деб ўйловдим. Айтганим келди. Кўнглим бегидир одамман-да, бўлмаса, тамакисини олиб, ўзини бир. чистга улоқтирганимда билиб ўтирувдингизми? Айб ўзимда, ўзим аҳмоқман. Бу вақтда одамлар тўғри гапга ишо майди, ёлғонини ёқтиради. Ёлғон чин бўлиб, чинги чечак чиққан. Мана биттаси сиз. Эчкига салла ўратиб, имомликка ўтказяпиз. Наҳотки мен мурданинг ёнита қўл солсан, қўлим синиб, кўзим ситилиб оқса бўлмайдими!

— Нега қасам ичиб, ўзингизни қарғайсиз! Сизни би-ров бир нарсада айблаяптими?

— Саволларингизни кўрмайсизми, терговчиникидан ўтиб тушади, гўё мен Богунни ўлдириб, тамакидонини ёнидан олгандай зуғумли.

Содиқнинг кўнглига «ҳа, сенга гумоним бор. Гумоним фақат тамакидонгагина эмас!» деган сўз келган бўлса ҳам, ўзини тутди. У оғир аҳволда қолган эди. Даъво-ку қилиш мумкин, лекин исботига қўлида нима бор? Ҳеч нарса! Мана шу нарса тилини боғлаб, шахтини қайтарарди.

— Шу тўрвачани сиз олиб қўйининг, Содиқжон. худо хайрингизни берсин. Раҳматли, мендан кўра сизга яқин эди.

Диловархўжа Содиқ қўлинин узатгунча тўрвачани унга ирғитди. Тўрва Содиқнинг қўлига «пап» этиб тушиши билан тамаки ҳиди анқиди, унинг бурнини қичитди. Бир қўли билан димоғини эзғилаб, тўрвачага кўз солди: «шайтонтери»дан тикилган, устига Богун исми ва фамилиясининг бош ҳарфлари иш билан қайд этилган, оддийгина тамакидон. Оғзини бўғиб қўйган чиyrатма ипининг учларида бинафшадек попуги бор.

Содиқ тамакидонини олгиси келиб турган бўлса ҳам, Диловархўжанинг шубҳасини оширмаслик учун қайта-риб берди:

— Мен чекмасам, нима қиламан.

— Дўстингиздан эсдалик.

- Сизнинг қўлингизда кўриб юрганим ҳам бўлади.
- Ўқ тегиши бор, фронтдамиз...
- Менга тегмайдими? — кулди Содиқ.
- Тегишга-ку, ҳаммамизга тегиши мумкин. Кўнглингизга гап келгани учун...
- Олсам келмайдими? — яна ўша алфозда деди Содиқ.

Шу билан гап узилди. Диловархўжа яна бир тамаки ўраб чекди. Қолдигини ерга ташлаб, тупроққа қоришиб кетгунича оёғи билан эзғилади. У шу билан Содиқнинг шубҳасидан кўнгли олинганини билдиromoқчи эди. Чиқиб кета туриб:

— Нима бўлса ҳам босмачи ўтганмиз, Содиқжон, бизларга шубҳа билан қарамасанглар бўлмайды. Одатда, игна ўғирлагандан йўқолган сигирни ҳам гумон қилишади,— деди. Содиқ бир сўз дегунча у ертўладан чиқиб бўлган эди, шунинг учун парданн четлаб орқасидан қаради: у сувга тушиб бораётган одамдек қоронгиликка сингиб борарди.

У кетгач, Содиқ нима қилишини билмай қолди: ўтиrsa ўрни, юрса йўли куярди!

* * *

Диловархўжа ичидан ёнар эди. Гарчанд у Содиқнинг олдидан пичинг билан аразлагандек бўлиб чиқсан бўлса-да, аслида ўзининг бутунлай қармоққа илишиб қолишидан қўрқсан, асабларининг қақшаб бориши бунга гувоҳлик бермоқда эди. У ортиқча ўтиромади, ўтириши ҳам энди мумкин эмас эди. Унинг назарида Содиқ бутун сирдан воқифу, тамакидон шуничуватиб очишга бир восита бўлмоқда. Бўлмаса у шу вақтгача бунаقا тилда бирор билан гаплашган эмас, худди терровчининг ўзи-я! Аввалам менинг ўзим аҳмоқман. Унинг гумон қилганича бор. Бу лаънати латтани нимага ҳам олган эканман. Ҳа, яхши, тамаки-ку сенга керак экан, тўрвачаси билан олиб нима қиласан, чўнтағнингга бўшат, қўй. Е тешиб чиқармиди! Тешиб чиқмасди! Мана энди шу арзимаган нарса битган ярани газак олдириб, унут бўлганни эсга солиб ўтирибди. Ҳали бошингни емаса гўрга эди! Эй Диловархўжа, шунча қоқилганинг етмаганидай, яна ғадир-будур кўчадан юрасан-а! Ҳеч ақлинг кириб, тавбангга таянмас экансан-да! Зора

шу ҳам ўтиб кетса! Ўтиб кетармикин? Шу Содиқ бўла-
диган бўлса бости-бости бўлиб кетишига қўярмикин?
Қўймас, сира ҳам қўймас! Турқи бузук. Яхши ҳам шуб-
ҳа қиляпти, мабодо аниғини билиб қолса борми, нақ
ўша ернинг ўзида қозиқ қилиб қоқиб юборади. Хўш,
айт-чи, Диловархўжа, сен нима қилиб, унинг кетида
лайчадек эргашиб юрибсан: ўша станицяниг ўзида йў-
лингни терс солиб кетаверсанг бўлмасмиди? Майли,
урратишга-ку уни учратиб қолибсан, бу ёққа юр, де-
гандা «тақдиримиз бир тушган бўлса ҳам, энди йўли-
миз бошқа! Сен ўз йўлингдан боравер, мен ҳам жойим-
ни топиб оламан» деганингда «қаёққа, хўжам?» деб
ёқангдан бўғиб судармиди? Ҳеч ҳам-да! Ахир у ҳам
сендек иштонсиз, чўпдан ҳадиги бор эди! Уч-тўрт ой
бирор ковакда жон сақлаб турардинг. Немиснинг шу
босиб келиши бўлса, унчага ҳам бормайди. Эй, режа-
сини билмаган хом калла! Энди нима бўлди?. . Ҳа, май-
ли, станцияда, бомбалаш пайтида учратганингда-ку
хом эдинг, энди кўзинг очилган кўрдек қаёққа бори-
шингни билмасдинг. Кейин-чи? Кейин нега ақлинг кир-
мади, Содиқнинг сенга эш бўлмаслигини, қайнатса қо-
ни қўшилмаслигини билмасмидинг. Ё шўродан алам
кўрди, энди бошқа бўлиб қолди деб ўйладингми? Унинг
шўродан айнимаслиги ўша, лагердаёқ кўриниб турган
эди, бирор марта гунг дегани йўқ. Аксинча, унча-мунча
гингиллаганин оғзига уриб юрди. Шундай бўлгандан
кейин, яланғоч хацжарининг ёнида юришининг нима ке-
раги бор эди. Жуда бўлмаганда Богундан кейин, унинг
ҳам жанозасини ўқиб қўя қолгин эди. Бир лаҳзанинг
иши эди-ку. Ухлаб ётганда бўғиб кетиши қўлингдан кел-
маганда, бирорта темир ёки сўйил топилмасмиди?
Тош-чи? Каттароқ бир тош билан ухлаб ётганида мия-
сига ўхшатиб солиш кифоя эди. У маҳалда бу ёқларга
келиб, ҳар учга ўқдан кўзингни чирт юниб, мина порт-
лаганда астагфирулло айтиб, «ҳозир устимга тушади,
ҳозир устимга тушади» деб жон ҳовучлаб ўтирмас
эдинг. Ўзингдан кўр, хўжа! Аҳмоқ бош оёққа тинчлик
бермайди, деб шуни айтади.

Аслида Диловархўжа фронтга Содиқнинг маслаҳати
билин эмас, ўз режаси билан келганини ҳозир эсламас
эди. Ахир Содиқ фронтга бориш масаласини айтганда,
Диловархўжанинг хаёлига Советлар учун жанг қилиш
эмас, мана шу яқини йўл билан ўз мақсадига етиш —

яъни бир амаллаб немис томонга ўтиб олиб, жонини сақлаш учун келган эди. Имкони бўлиши билан бир маҳаллар кишилар орқали алоқа қилиб турган «мусулмонобод» Туркия ёки Афғонистонга сафар қилмоқчи эди. Лагерда кимдандир Иброҳимбек билан Кўршермат пингитларидан анчаси ўша томонда деб эшигтан, шундан бери ўша томонларга яна кўнгли суст кетиб юради. Уни танийдиганлар ҳам топилиб қолса ажабмас эди. Ана унда дориламон ҳаёт бошлайди. Ўлдимики, ҳали ҳам бирор эллик кишинга саркорлик қилолмаса. Немиснинг шу келиши бўлса шўроларнинг бошини ейиши муқаррар. Унда яна яхши. Шўродан азият чеккан, бир маҳаллар унга қарши курашган «ислом азамати» сифатида кириб келади, ҳаққи-хуқуқини олади, эҳтимол бир шаҳарга ҳоким бўлса! Қани ана шунда Содиқ қамти келса-ю, у билан гаплашса. Гаплашиб, ади-бади айтишиб ҳам ўтирумас эди. Бир бармоғи ишораси бунга ўхшаган юзта яланг оёқнинг товонига мих қоқарди.

Диловархўжа ҳозир бу орзулатини унугтган, ҳамма айбни Содиққа қўйиб, тақдиридан нолиб ўтиради, иччидан ёнарди. Иложини топса, унинг этини бир бурдаш қилиб ташлашга тайёр эди-ю, беиложлигидан яна баттар ўрганар эди. Асабдан сонидаги қичитмасини қичиб, қоп-қора қонга белади! Етмоқчи бўлиб ўрнига чўвилди — бўлмади, бир пиёла чой ичмоқчи бўлди — томоғидан ўтмади, папирос чекди — диққатини ёзмади. Тамаки тўрвача мудҳиш дақиқаларни яна бутун даҳшати билан эснiga солди, жаҳл билан уни ерга отди, сўкинди, яна бориб олди — тамакинн кўзи қнимади. Яна ўраб чекди, бармоғини кўйдирадиган бўлгунича чекди. Бари бир аламдан чиқмади. Тўппа-тўғри Содиқнинг олдига бориб: «Хўш, менда шима аламинг бор, очик айт. Қасдинг бўлса, майдонга чиқ, жуда жонимдан тўйиб кетдим!»— демоқчи, ҳатто тик бориб, томоғидан олиб бир ёқли қилмоқчи, кейин немис томонига ўтиб кетмоқчи бўлди. Шунда қандайдир ички бир товуш «бу нодонлик. Осмонга туфласанг бетинигга тушади! Узингни бос, модомики, қасдинг бор экан, ўйлаб иш тут. Уни ўлдирман, деб ўзингни сиртмоққа тутиб берма. Бир маҳал у билан олишиб, ўқинг тошга теккани эснингдан чиқдими? Нодон бўлма. Уни шундай ҳам бирорта ўқ ғажиб кетади. Сен аҳмоқ бўлиб у билан олишиб юрмасдан, ўз ишингни бил: этагингни қоқу, ҳайё-ҳу деб нариги то-

монга ўт-кет. Шундан яхиси йўқ» деса, бошқа бир алам ўтган, асабий товуш — «Йўқ, ҳезимкаш шунақа қиласди. Сен бу йўлдан бормаслигинг керак. Аввалам унинг бошини ейишинг шарт. Наҳотки уни тирик ташлаб кетиб, тинчгини яшай оласан! Яшолмайсан, яшатмайди. Уша от ўйнатиб, ўқ чақиатиб юрган кездаги журъатларингни эсла-ю, яна бир мардлик қил, худо ўзи мададкор бўлади, савобига қоласан. Сен учун бирдан-бир тўғри йўл — шу!» дея уни талвасага соларди, қўлинни мушт қилдиарди.

Диловархўжа ана шу кейинги товушга қулоқ солди, Содиқнинг жонига қасд қилди: бунинг учун фронтда озмунча имкониятлар борми!

Шу лаҳзадан бошлаб, итнинг хаёлидан ёғлиқ сувек кетмаганидек, Диловархўжанинг фикри-ўйни Содиқнинг жони бўлиб қолди.

5. ҚОДИРНИНГ ҚОРА ҚУНЛАРИ

Омадинг келмагандан кейин қийин, текис ерда қолласан.

Қодир худди шундай бўлди. Уруш бошланадиган кун кечаси қўярда-қўймай Азизани ўзи ишлаётган қишлоққа олиб чиқди. Шу кечаси у электринни қурган қишлоққа ялпи ток берилди. МТС клубида шунга бағишланган кеча бўлди, шаҳардан артистлар чиқиб концерт қўйиб берди. Зиёфат бўлди. Зиёфатда жиндай қизиб олган Қодир, ўтириш охиринда Азизага зўрлаб бир оз вино ичирди. «Рақибларимизнинг кўзи куйсин», деб қўлтиқлаб, қишлоқнинг чарогон кўчаларини айланди, кечаси ўзига теккан бир хонали квартирасида олиб қолди.

— Эшигтан қулоққа хунук, мени кузатиб қўйинг! — деган Азизага:

— Ҳайнқадинган одамингиз борми? Сиз учун сувга ҳам, ўтга ҳам кираман, деганингиз ёлғон экан-да! — деб хафа бўлди. Ўзининг инженер бўлолмаганини эслаб, шундан баҳона топди.

— Сиз докторга мен чорва албатта тенг эмас! — деб Азизани ҳам хит қиласди. Кайф аралаш ийғлади.

— Ҳой Қодиржон ака, сизга нима бўлди, бирор нарса деяптими! Ичкилик ҳам ўлсин! Қишини хурсанд қиласди дейишар эди, турган-битгани ғурбат экан-ку. —

деб Азиза Қодирнинг маъюс бошини тиззасига олди. Қодир шу ўтирганича «учиб» қолди.

Бир вақт уйғониб кўзини очса, томоги қақраб, бир писла муздай сувга муҳтож. Стол устида турган чойнакка қўлинин чўзиб, диванда ётган Азизани кўриб қолди-ю, вужуди титраб кетди. Сув ичишни ҳам унудти. Бошига келган биринчи савол «мени ким ечинтириб ётқизди?» бўлди. Азизани эслади-ю, баданидан муздай тер чиқиб кетди, кайфидан асар ҳам қолмади. Соатига қараса, тонг яқин. Боши лорсиллаб турнишига қарамай, иргиб ўрнидан турди, наридан-бери кийинди, юзини деворга қилиб ётган Азизанинг орқасидан яланг оёқ аста ташқарига чиқди, қўлидаги туфлисини кийиб, орқасидан бирор қуваётгандек йўргалаб қолди. Салқин шамол таптини олиб, эси ўзига келди. Гоголининг «Ўйланиш»и ёдига тушиб «Азиза уйғонса, нима деб ўйлайди» деган андиша билан орқасига қайтди. Лекин барни бир хонасига киролмай, кичкина хат ёзиб, очилганда ерга тушадиган қилиб, эшик тутқичига қистириб қўйди. Хатда шундай дейилган эди: «Азизахон! Мен бадбахтнинг бу беодоблигини кечирасизми, йўқми, лекин менинг бошим қаршингизда мажнунтолдек эгик. Сиздан узр сўраб Қ.».

Қодир «Азизанинг кўзига қайси юз билан қарайман энди!» деганича минг бор истиҳола билан МТСга келди. Устахонасини очиб, бирор иш қилмоқчи бўлди-ю, қўли ҳеч нарсага бормади. Хаёли чироқча ёпишган капалакдай кечаси бўлиб ўтган гап-сўзлардан нари кетмас эди. «Бунақа ичиш одатим йўқ эди-ку. Нима жин тегдп менга! Азиза «мендан чет, бу ёққа чиқиб олиб, шунақа ичадиган бўлиб кетган экан-ку, мен билмасдан юрган эканман», деб ўйласа-я! Ана шармандалигу, мана шармандалилар!»

Қодир пешонасини кафтига олиб, зўр бериб эзғиларди.

Кимдир буради шекилли, МТС ҳовлисидаги радио карнайи тилга кирди. Ундан берилган мудҳиш хабар олдиди Қодиржоннинг ташвиши урвоқ бўлмай қолди. У «Уруш!», «Уруш бошланиби!» деганича устахонасидан чиқиб, кимгадир хабар бериши жуда зарур кишидек учиб кетди. Энди унинг кўзига на тундаги кўнгилсизлик, на Азиза олдидаги хижолат кўринарди. У квартирасига кириб борганда Азиза ювиниб-тараниб, уй ўртасида сочини бошига турмак қилаётган эди. Бу муд-

ҳиши хабарни эшитди-ю, қўлидан соchlари елкасига илондек тўлғаниб тушди, ўзи ҳанг-манг бўлиб қолди.

Уч кун ўтгач, Қодир военкоматнинг ҳовлисида кетишга шай бўлиб туар, унга Азиза нималарнидир уқтирас эди. Марат эса этагига ўралашиб Чапаевникига ўхшаган қилич олиб келишини илтимос қилиб, қайта қайта такрорлар эди. Девор остидаги скамейкада ўтирган Адолат хола билан Жаниат Қодирдан кўзини олмас, баъзан «Жонболам хола», «йигитларнинг жонига кўз тикмай, кўзинг тешилсин» деб Гитлерни минг балога гирифтор қиласиди, баъзида қарнгандо шох-шаббасидан акралган дараҳтдек шўппайиб ўғилларисиз ёлғиз қолаётганидан ўксиниб йиғларди. «Ўғлим кўрмасин, эслаганда кўз олдига кўзимда ёшим билан келмайин» дегандай юзини четга ўгириб ёшларни артарди, ўзини тетик тутарди.

Қодир бу ердан ҳамма билан хайрлашиб кетган бўлса-да, эртасига ҳам ҳали шаҳардан жўнамаган эди. Унинг қаердалигини топиб келган Азиза, у фронтдан ғалаба билан қайтгандек бўйнига қўлинни ташлаб қулоқлади, юзларидан ўпди. Яна хайрлашар экан:

— Мендан кўнглингиз тўқ бўлсин, тошлар эриб, дарёлар қуриб кетгунча кутаман. Сизни деганим деган, — деди. Ана шунда Қодир кўнглида доф бўлиб ётган дарлани очди:

— Азизахон, ўша куни кечаси...

Азиза уни гапиртиргани қўймади:

— Ўша ҳам ўзингизга ярашди. Бошқа одамга ҳам шунақа қилинг-чи! Севигига ишониб, бепарво бўлгандан, ундан хавотир олиб, ардоқлаб турган яхши. Сиз шунақа эмасмикансиз деб қўрқар эдим, йўқ, кутганим келди. Хурсандман.

— Шунақами, Азизахон! — яшнаб кетди Қодир, — Ушандан бери кўнглим ғаш эди.

— Ҳа, айтгандай, фронтда ҳам кўнглингизни унар-унмасга ғаш қилаверманг.

Шу орада дараҳтда омонат ўтирган мусичаларни чўчитиб, сигнал янгради. Бу сафга чақириқ эди. Қодир шошганича, Азизани бағрига босиб, лабларидан чала-чулпа ўпди. Йўл-йўлакай қўлинни силкигапча чопиб кетди. Кўзи мўлтиллаганича Азиза қолди.

Бу уларнинг охирги учрашуви бўлди.

Эртасига поездга чиққанларнда ўйлаб қараса, Қо-

дирнинг Азизага айтадиган анча-мунича гаплари қолиб кетган экан, шунча бирга бўлиб, айтишга вақт топмабди!

Поезд йўлда икки марта осмондан душман ҳужумида қолиб, охирги фронт бўсағасида уларни туширди. Осмон тўла юлдуз бўлса ҳам, тун қоп-қоронғи эди. Узбек-ўзбеклардан тун сокинлигига ер остидан келгандек бўғиқ гумбурлаш эштиларди.

Улар туни билан қандайдир паст-баланд дараҳтзорлардан ўтишди. Туннинг қоронғилигиданми ёки даҳшат ва қон уфуриб турган фронт ваҳимасиданми, сафда ҳеч ким чурқ этмас, гўё ҳамма ўзининг ички дунёси билан яшар, бу дунё сирларини ташқарига чиқаришни истамас эди. Фақат баъзан олдинда бошлаб бораётган командирнинг «чуқурлик», «кўндаланг ёғоч», «чапда бот-қоқлик» деб сафни огоҳлантирган товушигина эштиларди.

Қисм эрталаб очиқ майдонга чиқиб, ўзини ўнглаб олгунча бўлмай, жанг бошланиб кетди. Бу жанг Қодир икки йил хизмат қилганида ўргатилган машқларга ўхшамас, жуда ҳам «бетартиб» эди. Душман ўзи кўринмайди-ю, ҳамма ёқ гумбур-гумбур. Осмонга чиққан учта самолёти тосадаги сувга солиб қўйилган балиқчалардай жилпанг-жилпанг қилиб, истаганича ўқقا тутди. Улар шунчалик пастлаб бемалол учардики, қорнига ёпишган тутун излари, қанотидаги илон нусха крести, баъзан бир томонга ёнбошлаганда учувчинининг жигар ранг шлёми ҳам аниқ кўринарди. Баъзан на бир, ўқ узар, на бир бомба ташлар, фақат қандайдир чинқироқ бир асбобини асабга тегадиган қилиб чинқиртирганича окопларга қанотини уриб олгудай бўлиб ўтиб кетарди. Жангчилар жоп ҳолатда қулоғини беркитади, асаби бутунроғи эса, машқда ўргатилганидек кетидан пақ-пуқ қилиб милтиғидан ўқ узиб қолади. Қодир ҳам бир шўнғанида нишонга олди, лекин улгурмади. Шўнғиб келаётган самолётни остидан худди унинг тепасига келганда икки-учта зулукка ўхшаш қора нарса ажралиб, ерга туша бошлади. Қодир уларнинг майдан бомбалар эканини билиб, кўзини чирт юмди ва ўзини окоп ичига олди. Бомбанинг ўзидан қанча нарига ва қачон тушганини билмайди, фақат салдан кейин ернинг гумбурлаб силкиниб кетганини элас-элас зелайди. Бир маҳал кўзини очса тупроққа кўмилиб ётибди, лекин ҳеч ерида

қон йүқ, яраланмаганидан, ёлғыз бомбанинг шамоли еллиб, окопини бузып устига ағдарганидан бир қадар хурсанд бўлиб, ён-верига қараса, бақа ранг кителли, камарининг тўқасида бургут нақши бор немис солдатлари юрибди. Бошқатдан кўз олдини қоронғилик босди. Қўзини очиб, ўзидан бир қадам нарида кимнингдир тирсагидан узилиб тушган қўлини кўрди. Узуқ билакдаги соат ҳамон чиқиллаб юриб туарди. Юрғага орқасига тортиб, бир зум шошиб қолди: ўзини ўлганга солиб ётаверсинми ёки ўқ узсинми? Ҳали бир қарорга келмай, устидаги тупроқни сал сидирпши билан орқасидан унга бирорванинг нотаниш тилда нимадир дегани эшитилди. Орқасига қараб, автомат ўқталиб турган исмисни кўрди. Қисминг чекингани маълум бўлди.

Шу куниёқ уни майдонда қолиб кетган бошқа ярадорлар билан ҳарбий асиirlар лагерига келтириб ташлашди. Қодир шунда билди, унинг бошига нимадир қилган, қулоги ёмои эшитиб, ҳамон гувиллайди. Миясида бўшлиқ пайдо бўлиб, у қандайдир ҳавога тўладек туюлади.

Қодир қўли, боши боғлиқ ёки ҳали ярасини боғлашга улгурмаган, кийим-боши қон аскарлар билан лагерга кирганда у ердаги кишиларни кўриб, яна даҳшатга келди: усти бошлари кир-чир, соқол-мўйловлари ўсиб ёввойилаштирган, фақат кўзларигина милтиллаб инсон боқишидан дарак беради, бечора ярадорларнинг қачонлардир оппоқ бўлган докасига қараб бўлмайди, қорадан ўтиб, йилтироқ қозон сочиқ туисига кирган эди. Буларнинг ҳам ўзи каби ҳарбий асиirlар эканини билди-ю, ваҳимага тушди. Эрта-индин ўзининг ҳам ўшалар аҳволига тушинши мумкинлигини ўйлаб, тирик қолганига пушаймон қилди: нега ўша кунти бомба ўлдириб қўя қолмантি!

Янги келганларни «томоша» қилиб турганларнинг орасида бир киши кўзига иссиқ кўриниб кетди. У одам ҳам Қодирни кўрди, бир зумгина бир нарсани хотирландек термилиб турди. Кейин орқасига шарт ўгирилиб кета бошлади. Бу вақт Қодир унинг кимлигини эслаган эди. Бу бир вақт акаси қамоққа олингандан кейин уйларини тиштуб қилиш учун келган НКВД ходимидан бири эди. Уни Қодир яна бир иш билан телефон қилганида ҳам кўришган, иккى оғиз гаплашган ҳам эди. Адашмаса унинг фамилияси Пушкарёв эди. Қодир

Пушкарёвнинг орқасига бурилиб кетиш сабабини билди: у ўзини эҳтиёт қиляпти. Ахир немислар унинг НҚВД ходими эканини билса тирик қўймайди-да! Шунда бирдан хаёлига келди: у бу ерда нима қилиб юрибди? Уруш бошланганига ҳали ҳеч нарса бўлгани йўқ-ку, бу қачон асир туша қолибди.

Гарчанд Қодир Пушкарёвни ёмон кунлари гувоҳи сифатида эсласа ҳам, ундан шахсан ёмонлик кўрмаганидан, ўша қабул қилган куни меҳрибонлик билан суҳбатлашганидан, бунинг устига мана шундай даҳшатли ерда биринчи учратган таниш кишиси бўлганидан унинг кўнглида қандайдир шафқат уйғонди. У билан гаплашгиси келди. Кетидан бориб:

— Салом, ўртоқ Пушкарёв! Мени танияпсизми?— деди.

Пушкарёв уни биринчи марта кўраётган кишидек елкасини қисди. Бу йўли эди. Аслида у ҳам боя қарашидаёқ Қодирни таниган, таниб туриб, «яна бир балони бошламасин бу» деган фикр билан ўзини олиб қочган эди. Қодир унинг лагерга тушганидан бери учратган биринчи таниши эди. Тағин қанақа таниш! Унинг НҚВДда ишлашинигина эмас, балки акасининг қамалишида, терговини олиб боришида бевосита иштирок этган киши сифатида билади. Қодирнишг бир оғиз сўзи унинг бошини ейди.

Бу даҳшатли хаёл Пушкарёвнинг юрагига ништар бўлиб қадалиб, дунёни кўзига қоронғи қилиб кўрсатган, нима қилишини билмай, икки ўт ўртасида қолиб келмоқда эди. У ўйларди: ишқилиб таниб қолмасин! Танигандан танишдан бошқа чорам йўқ. Лаънати тасодиф!

Мана ўша «ишқилиб, таниб қолмасин» деган одами у кутганидан ҳам тезроқ ишга киришиб, кетидан қувиб келиб, йўлинин тўсади. Демак унинг юрагида акасининг алами қат-қат бўлиб ётган экану, фронтга тушиши билан асир туша қолибди. Энди эса, унинг омадини бериб, қаршисидан мен лаққа гўштдек тайёр чиқиб турибман.

Шундай бўлса ҳам Пушкарёв ўзини йўқотмади. Ҳатто бундай ишларда чиниқиб кетган одамларга хос оғирлик билан бефарқ қараб туриб:

— Йўқ, танимаяпман. Сиз кимсиз?— деди.

Бу Қодир учун кутилмаган жавоб эди: наҳот уни танимаса? Йўқ, йўлинин қиляпти. Кўзидан кўриниб турибдикни, йўлинин қиляпти. Ҳа. Иложи қанчал Комму-

инстлигидан бир чүниса, НКВД ходимлигидан икки бор ҳайиқади! Наҳотки мени хоинлик килади, деб ўйласа-

Хоинлик ҳақидаги фикрни ўйлаб юраги орқага тортиб кетди. Бирор уни хоинликда айбләтгандек, сеска-ниб тушди. Ваҳоланки, унинг Пушкарёв тугул, бошқа бирорга ҳам ёмонлик қилиш хаёли йўқ. Фақат шу оғир дақиқада танишини, унинг жуда узоқда қолган она шаҳрини, Азиза билан бирга юрган кўчаларини, яйраб нафас олган боғларини кўрган танишини учратганидан кўнгли сув ичиб кетидан келган эди. Бу бўлса, кўзини лўқ қилиб, ўзини четга олиб турибди!

— Кўрқманг, сотмайман! — деди унинг сариққа яқинроқ юзларига, тикан бўлиб ётган малла соқолига дадил қараб.

— Нимадан қўрқаман? Қизиқ гапни гапирасиз-а! — Пушкарёв бўш келмас эди. Лекин шу билан баравар унинг олдидан қўрққан кишидек шоша-пиша жўнаб ҳам қолмоқчи эмас, «яна нима демоқчисан, гапиравер!» дегандек бамайлихотир турарди, ўзини тутишидан қилаётган ишига ишончи маҳкамлиги аён эди. Қодир аскарлик тамакхини олиб, папирос ўради ва ҳурмат билан унга тутди:

— Чекинг!

Пушкарёв раҳмат айтиб, бир чимдимгина олди.

— Кўпроқ олаверинг, тамом бўлса бирга хуморлашамиз.

Пушкарёв индамади, олганини ўрайверди, шу пайт уларнинг атрофида уч-тўртта кашандада пайдо бўлган, бири қўлини чўзиб, сўраб турарди.

— Сахий бўлсангиз ана уларга беринг! — деди Пушкарёв ўраётган папиросидан бошини кўтармасданоқ.

Қодир папиросини оғзига қистираётib:

— Тамаки одамдан аэиз бўлибдими! — деди ва атрофдагиларга бўлашиб берди.

Буралиб чиққан тутунни кўрибми ёки хумор диморларига ҳиди дарров бориб урдими, уларнинг атрофини бир талайтина асиirlар ўраб олди. Бир хили сўлакайини оқизиб, чекаётгандарнинг оғзига кўзини лўқ қилиб қараб турган бўлса, бошқа бирлари, ақлли одамнинг ўзи билади, дегандек ўзларини нима биландир машгулдек қилиб кўрсатарди. Бошлиб Пушкарёв ярмига бориб қолган папиросини устма-уст бир-икки тортиб, ёнида турган бирига узатди. Қодир ҳам шундай қилди.

Сал ўтгач, Қодирдан сўраб олган киши ҳам бошқага узатди. У ундан нарига узатди. Папирослар қўлма-қўл ўтди. Лекин энг биринчи сўраб олган чиноқ асир юзи иш бир четга қилиб, ёлғиз ўзи чекарди. Пушкарёв унинг тирсагига туртди:

— Уялмайсанми бир ўзинг чеккани!

Чиноқ асир ҳеч нарса демасдан, яна бир узун сўриб, қўшнисига узатган эди, у олмади:

— Аввал ўзинг тўй. Ўзи тўймаганинг сарқити юрак оғриғи қиласди! — деганича бурилиб кетди. Чиноқ ўсал бўлганича қолди.

Кечқурун Пушкарёв мудраб қолган Қодирни уйғотиб:

— Овқатга юринг! — деди. Уйқуга тўймаган Қодир телба бузоқдек унга эргашди.

Узун навбат туриб, минг қий-чув билан, идиш-оёқ етишмасдан, пачоқ котелокда иккалаларига олган нарсани бошқа ном топниша билмаганидан «овқат» деб аташса керак. Сув борлиги суюқлигидан аниқ, аммо ичидан бошқа нималар сузиб юрганини, унинг рангини алламбало нотайин тустга киритган нарса нималигини билиб бўлмас эди.

Эркинликнинг ширин таоми димогидан кетмаган Қодир қорни оч бўлса ҳам, кўнгли тусамади, иргангана ўхшаб, навбати келганда бир-инки ҳўллади. Бир гал унинг қўланса ҳидидан кўнгли ағдарилиб келди-ю, иштаҳа билан ичаётган Пушкарёв олдида номус қилиб, ўзини куч билан зўрга тутди. Пушкарёв билиб турса ҳам, ўзини билмасликка солди. Лекин Қодир мен «тўйдим, ўзингиз ичиди қўя қолнинг» дегандан кейин, қўлидаги нонни таклиф қилишга мажбур бўлди, чунки унинг нима сабабдан «тўйганини» яхши биларди: янги келган кезлари ўзи ҳам бир ҳафтагача оғзига ололмаган.

Анвалига рози бўлмай, оғриниб олган Қодир нонни ҳам тузук сёлмади. Ундан нондан кўра, бошқа бир нарсанинг таъми келарди, чайнаса оғзида у ёқдан-бу ёққа ўтиб, томогига кетмас эди.

«Ҳа, шу ерда очимдан ўлар эканман-да» деб ваҳимага тушган Қодир, бир ҳафтадан кейин бу «таъми овқатни» талашиб-тортишиб ейдиган бўлди. Лагерда каравот, кўрпа-ёстиқ йўқлигини ҳам унутиб, «ит ётиш, мирза туриш»га ҳам кўникиб қолди. Энди у ҳақини талаб қилиб, муштлашишдан ҳам тоймас, керак ерда эн-

тағини чўзиб ҳам борарди. Унинг ёш, қизиққонлигини билган Пушкарёв бу йўлдан қайтариб, дакки бериб турарди. Нима учундир унинг сўзи Қодирга дарров таъсир қила қоларди. Сабабини ўзи ҳам очиқ билмас эди.

Бир куни эрталаб Қодир кўзини очса, ёнида қорачадан келган, қоши-кўзи чиройли, бурни тўмтоқ, энгахи уч бурчак бир йигит турибди. Йигит шоша-пиша салом берди. Қодир алик олди. Йигит ғайри табиироқ бир ишшайиш билан:

— Мени танимадингиз, а? — деди.

— Йўқ! — деб ростига кўчди Қодир. Гарчанд уни аввал кўрган бўлганда ҳам, ҳозир таниши қийин эди. Унинг лосдек қоп-қора соқоллари то кўзининг остигача юзини қоплаб олган, паст томони кўкрагнинг жуниага улашиб кетган эди. Пешонасидаги икки қалин ажинига ўтирган кир қора ип ёпишгандек бўлиб кўринарди. Кўкрагнга қўйиб турган қўлларининг кирига-ку, қараб бўлмас эди: тирноғи қошиқ бўлиб кетган, ости тўла кир.

Йигит ўша қалбаки ишшайганича ўзини таништириди:

— Сиз Содиқ аканинг укасисиз, шундай масми? Мен у кишида ўқиганман. Заб муаллим эдилар-да, бунақаси бўлмайди. У киши синфга кирганда бирон бола қилт этмас эди. Дарсни ҳам кийидиринб юборардилар. Лекин имтиҳонни ҳам тоза олардилар. Мени жуда яхши кўрадилар. «Сендан ажойиб тарихчи чиқади» деб, нуқул «беш» қўярдилар. Ўзим ҳам тоза тайёрлардим.

Табиати хушчақчақ бўлиб кўринган бу йигит Қодирни қизиқтириб қолди:

— Сизники қаерда эди ўзи?

— Шундоққина мактабининг ёнида. Дириектор бўлиб турган ерларида қамалиб кетдилар-ку. Ушанда мен тўққизинчи синфда эдим. У кишидан кейин Мирсалим ака директор бўлди. Икковларни жуда қалин эдилар, лекин Содиқ ака қамалгандан кейин Мирсалим ака дарров тўнини ўзгартириб олди. У кишининг ёздиргани конспектларини, «халқ душманинин ярамайди» деб йиғидиринб олди, мактаб ҳовлисига гулхан ёқтириб, ўзи тепасида туриб, куйдирив ташлади. Лекин конспектларида хаю йўқ эди. Битта ўртоғим бекитиб олиб қолган экан, ўшани ўқиб имтиҳон бердик, ҳаммаси тўғри чиқди.

Акасининг шаънига айтилган бу сўзлар Қодирга хуш ёқди, унинг меҳрини товлади. Бу ёқимтой йигитнинг кимлигини яхши билib қўйиш, вақти-вақти билан ўтган кунлар ҳақида суҳбатлашиб туриш учун унинг исми-шарифини сўради. Шунда йигит нима учундир жуда ўнғайсизланиб, юзида боядан бери барқ уриб турган кулгиларини йиғишириб олди, алланечук булиб кетди. Қодир, бунинг бир балоси бор шекилли, деб сабр қилиб турди. Бир оз жимлиқдан кейин журъат этиб, оғзини гапга жуфтлади:

— Сизга тўғрисини айтмасам бўлмайди: асли исмим Мўрдахай, лекин Мардон бўлиб кетганман, ҳамма Мардон дейди. Сиз ҳам шундай деяверинг. Шу исм яхши, шуни ўзим ҳам яхши кўраман: акангиз ҳам «Шу исм сенга ярашади» дердилар. Рост! Бир неча марта айтганлар.

Қодир бу йигитнинг исмини айтишдан олдин нега бунчалик безовта бўлганини энди тушуниди. Ҳозир ҳам, айтиб бўлгандан кейин ҳам, кўнгли жойига тушмаганини, балки аввалгидан кўра бешбаттар ташвишда эканини ҳам фаҳмлаб турарди. Уни шундай нозик жойда «бухор яҳудийимисиз» деб, кўнглига баттар ғулгула солишни истамасдан:

— Ўқчиликман денг! — деди.

Мўрдахай ҳам тушунди, дарров жавоб қилди:

— Лекин ўзбек бўлиб кетганман. Ўйда ҳам нуқул ўзбекча гаплашардик. Дадам раҳматли, ўзбекдан бағри кенг ҳалқ йўқ. Жаҳали чиққандা ҳам кулиб тургандай гаппради, гапи оғир ботмайди, дер эдилар. Шунинг учун мени ўзбек мактабига берганлар. Тилимдан билинмайди, а?

Унинг талаффузида бухор яҳудийлиги сал-пал сезилиб турса ҳам, Қодир унинг юрагига ваҳшма солгиси келмади:

— Сира сезилмайди.

— Раҳмат! Катта раҳмат! Мен билиниб қоладими, деб қўрқиб юрган эдим. Энди сиздан битта илтимосим бор.

— Хўш? Хўш?

— Мабодо бирор суроштириб қолса «уни танийман, ўзбек» деб юборсангиз. Жон ака, шундай дейсизми?

Мўрдахай ҳали-замон бирор томоғидан хиппа бўғиб

олиб кетадигану, Қодирнинг бир оғиз сўзи олиб қолади-
гандек унинг оғзига илтижо билан термилиб турди.

Қодир унинг жавдираб турган кўзига қараб «бу
бечораларга биздан ҳам қийин. Билди — бесуд, бетергов
отиб ташлайди. Халқнинг ҳам яхши, ёмони бўладими!»
деди-ю, унга раҳми келди.

— Ҳавотирланманг! — деди.

Мўрдаҳай ташаккур айтганича юзида ўша таниш та-
бассум билан туриб кетди. Бир соатлардан кейин тўрт
чақмоқ қанд олиб келиб, Қодирга узатди. Қодир бу якин
орада қанд бетини кўрмаган эди, шундай бўлса ҳам
биттасини олди.

— Раҳмат! Қолганини ўзингиз енг, Мардон! — деди.

У табнати ёришиб ташқарига чиқди. Куз осмонида
тивитсимон булут сузиб боради. Этаги лагерни ўраб тур-
ган тикан симларга илиниб қолгудек паст. Эҳ, бу тикан
симлар! Шу занг босган тикан симларга, вишкаларда
тез-тез алмашиб турадиган бақа ранг кителли соқчи-
ларга кўзи тушганда Қодирнинг бутуни аъзойи бадани
жўшга келиб фарёд қилгиси, ана шу ҳайқириқ билан
соқчиларнинг тилка-порасини чиқариб, тиканли сим-
ларни бурда-бурда қилиб ташлагиси келарди. Лекин
бунинг мумкин эмаслигини танасига ўйлаб, юрак-бағри
эзилиб, бош ургани жой тополмай қоларди.

Ҳозир ҳам у худди ана шундай диққинафаслик билан
ҳар ер-ҳар ерда беҳол-бедармон чўзилиб ётган, кийим-
бошлари у ёқда турсин, башараларнига ҳам одам қараб
бўлмайдиган кир-чир аспирларга маъсум назар ташлаб
кунгай ерга ўтиб борар экан, ўзининг ҳам бора-бора
бир куни шу аҳволга тушиши мумкинлигини ўйлаб, юра-
ги орқасига тортиб кетди. «Йўқ, бунга йўл қўйиш ўзим-
ни ўзим ўлимга маҳкум қилишдир» деган фикр билан
яна ўзига далда берди ва кунгайга ўтиб ўтиргди. Куз
бўлишига қарамай, қуёш баданини иситди. Қўлтиғи ос-
тида бир нима гимирлаб, этини қичитди. Қодир бенхтиёр
қўлинни юбориб аста қичинар экан, ёнида ўтирган чиноқ
асир луқма ташлади:

— Тортинмай қичина беринг, у ўзимизнинг бит бўла-
ди, — деди.

— Йўғ-е! Бит эмасдир! — дея Қодир гимнастёркасини
бошидан чиқараркан, чиноқ унинг ёнига сурилиб келди
ва Қодирдан аввал кўзи синашта бўлиб қолган чок ора-
сига назар ташлаб:

— Бу-чи? Мана бу нима? — деди у. Қейин Қодирнинг соддалигидан кулиб биттасини кафтига олди, унинг кўзи олдига тутиб, яна тегишиди:

— Танияпсизми? Анчагина семиртириб қўйибсиз.

Битлаш у ёқда турсин, умрида бит зотини кўрмаган Қодир номусдан қизариб кетди.

— Мана, эртага яна келишармиш. Рози бўлсангиж, бу әзбларнинг ҳаммасидан қутулиб қоласиз.

Қодир ҳеч нарса тушунмай, чиноққа боқди. Чиноқ бошқа гапирмади. «Жонга тегди бу ҳаёт, ўлик бўлиб гурда, тирик бўлиб тўрда йўқсан. Онам ўлсин мени шу кунларга туғмай!» деганича тўнғиллаб туриб кетди, сал нари бориб яна қайтиб келди:

— Шу ҳам умр бўлдими! Итдан суяқ қарз бўлиб яшагандан... Йўқ, мен бундан ортиқ чидолмайман.

— Ахир бу аҳволга тушган битта сиэми!.. — уни юпатмоқчи бўлди Қодир.

— Ҳар кимининг гўри бошқа, биродар, фалончи ҳам юрибди-ку, деб ажал ёқамдан тутганича пойлаб ўтиришим керакми? Авваламбор урушда биз ютқаздик Ҳўш, энди нимани кузатамир? Бас, ўз жоним ўзимга керак.

Қодир унинг фикрига қўшилмаса ҳам, шу пайт бирор цума деб уни эпақага келтиришига ишонмади. Бир томондан унинг немислар томонидан қўйилган айғоқчи эканидан чўчиб:

— Жуда ҳам қисқа ўйламанг! — дейиш билан кифояланди.

Чиноқ «шў ҳам гап бўлибдими!» дегандек қўлини силтаб, жўнади.

Қодир унинг бунчалик изтироб билан нимага тайёрлик кўрганининг сирини эртасига билди.

Эртасига туш пайтида Ўрта Осиё республикаларидан всир тушган «мусулмон» аскарларни бир ерга тўпладилар. Улар қархисига лагерь идорасидан уч эркак, бир хотин чиқиб келди. Бир эркак граждан кийимида бўлиб, бошида шляпа, эгнида дазмоли бузилмаган жигар ранг костюм, ёқаси крахмалланган кўйлак, бўйнидаги бежирим қилиб тақилган қора галстукнинг тугилган ерида немис фашизмининг крест белгиси. Ўзи буғдој ранг, ориқкина, бошига нисбатан энгаҳи жуда кичкина ва учча нишли. Хотинчалиш юриш билан у ҳаммадан олдинда келар, ундан ўигда немис офицери, чап томонда эса,

яхши киийнгән бўлишига қарамасдан истараси сөвук хунук бир хотин. Орқада эса, автомат таққан солдат.

Костюмлик киши саф тортиб турган асиirlар олдига кулимираган бир алфозда хотинчалиш қадамлар билан келиб, ҳезалак товуш билан ўзбекчалаб сўрашди. Асиirlарнинг юриш-туриши «ҳол кўр, раиг сўр» бўлса ҳам, уларнинг ҳол-аҳволини сўради. Уларга ачинган бўлди. Узоқ гапири Кимнидир қарғаб, аллакимни кўкларга кўтариб мақтади, немис қуролининг кучига ҳасанот ўқиб, «жаҳонгир, музофар фюрер»га ташаккур билдириди. Ўзининг мусулмонлигини пеш қилиб, уларга «ҳиммат ва мурувват қўлини чўзишига жазм этаб, фюрери аъзамдан фатво олганини» таъкидлади. Яна алланималарни узундан-узоқ гапириб, «барча мусулмён болаларининг бир байроқ остига тўпланиш пайти келганини» уқтириди. Шу ниятда фюрери аъзам қаноти остида музофар мусулмон қўшин тузмоқчилигини, бу қўшин ўзагини мана шу рўпарасида турган азamat йигитлар ташкил этажанини, бу қўшинга ҳазрат Амир Темуршинг руҳи-поклари мададкорлигини гоҳ ғурур билан, гоҳ ҳазин бир ёлвориш билан айтиб чиққач, ёнида турган немис офицери билан бир оз немисчалашиб, кейин кийим-бошлари титилиб кетган, очликдан ранги рўйига одам қараб бўлмайдиган гариб асиirlарга мурожаат этди.

— Мана шу қўшинга ёзилишга хоҳиш билдирган мусулмон фарзанди бир қадам олдинга чиқсан!

Ўзини Али Наимхон деб таништирган костюмлик киши, «мен буларни ўз нутқим билан мойдек эритдим, бу оч-ялангоч ҳаётдан албатта воз кечишади, ҳаммаси гув этиб олдинга қадам қўйса, яна мени босиб кетишмасин» дегандек икки-уч қадам орқага чекинди. «Бу занфа менинг хотиним, немис фарзанди бўлсалар ҳам, Туркистонга иисбатан бўлгани ҳурмат ва эҳтиромлари сабабли мусулмонликни қабул этганлар!»— деб бундан сал аввал таништирган ёнидаги хунук хотинга назокат билан ишшайиб, чап қўли билан унинг билагини қисиб қўйди. Бўлажак аскарларининг сафдан чиқишини кутиб турди у. Оч-ялангочлар сафи бу кутилмаган командадан бир қалқиб, кейин шундай сокинлик чўккан элки, осмондан ўтган қушининг қанот қоқиши эшишилди. Али Наимхон сафи кузатиб турар, тоза қириб упа суртилган бўлса ҳам, соқолининг излари шундоқ қорайиб кўрниб турган юзлари тагида қандайдир шумлий яширинганд табассум

кезарди. Вақт ўтган сари бу табассум устига кул ўтирган чўйдек сўниб борар, ўрнини асабий бир ҳолат олмоқда эди. Бу ўзгариш охирига етмасдан, унинг кўзи бирдан чақнаб, тишининг оқи кўринди. У Қодирдан ўн одимча нарига қараб:

— Боракалло, азамат!— деди ва барчанинг диққатини ўзига торти. Қодир у «боракалло» деган томонга боқиб, кечаги чиноқ асприни кўрди. Чиноқ бир қадам олдинга чиқди-ю, атрофда ўзидан бошқа ҳеч ким йўқлигини кўриб шошиб қолди. Яна жойига қайтмоқчи бўлиб, тисарилган эди, унинг олдига етиб келган Али Наимхон:

— Бемалол, bemalol, азизим, тортишманг! Турк ўғли журъатли бўлиши керак!— деб уни тутиб қолди. Бу ташаббусдан руҳи кўтарилган Али Наимхон чиноқни мақтаб, бошқаларнинг ҳам чиқишини кутди, бу орада уларнинг «мусулмон аскарлигига» қандай кийинниши, қандай маншатда яшашларини оғиз кўпиртириб мақтади. Лекин бари бир саф қилт этмади, бошқа бир асрнинг чиқиши амри маҳол эканини аста-секин фахмлаб, сўзининг маромини ўзгартириб борди, охири асабий бир титроқ билан койиди, кейин яна «таналарига ўйлаб кўришини» ётири билан маслаҳатидан сўнг яна кутди. Барни бир чиноқ ёнига бошқа бирор қўшилмаслигига акли етгач, у ёнидаги немис офицери билан нималарнидир чуғурлашди, хотинига юзини ўгириб ўзини зўрлаб кулди.

— Кўрқишияти, маликам. Большевизм зулми буларнинг юрагини олиб қўйган-да,— деди у ўз хатти-ҳараратини оқлаган кишидек.

— Қизиқ, нимадан қўрқишиади! Ўз юртлари гўзал Туркистонга улуғ фюрер хайри-паноҳида голибона кириб боришади-ку,— деди хотини ҳаммага эшилтириб. Унинг оғзи калҳат боласиникидай жуда хунук ва бесўнақай катта эканини эндигина пайқаган Қодир: «Оғиз ҳам шунақа эски кавушдай бўладими! Лойтовоқдай юзига бирар ярашгани! Гитлер ҳам ўз немисидан қолган сарқитини ташлагани жой тополмаганидан кейин, бу «Туркистонпарвар» жанобга ҳадя қилганга ўхшайди. Дунёда бундан чиройли хотин зоти йўқдек ялаб-юлқашини қара!» деганича анча вақт бу лойтовоқ башара, калхатоғиз «малика»дан кўзини олмади. Шу пайт кимдир орқа томондан:

— Ўзинг ботқоққа тортма бизни!— деди. Яна бошқа бирор бу томондан:

— Биз хоин эмасмиз!— деб бақирди.

«Малика»нинг кўзи ўйиаб, шерикларига нимадир деди, немис офицери ҳам безовталанди. Лекин Али Намхон уларга нималарнидир қисқагина тушунтириб, сафга юзланди. Юзида остини заҳар босиб ётган ғалати бир жилмайиш бор эди.

— Ватандошлар!— деди у, ўзини аранг босиб,— бу нодонликни ташланг. Шайтонга мусулмон кўнглингиздан жой берманг. Биз яхши ният билан ташриф буюрган эдик. Бу жаҳолат нечун!

У анча гапирди. Лекин кўзи билан ўша луқма ташлаганларни ҳамон қидириб турарди. Уни топгандек бўлди шекилли, хотинча юриши билан олдига борди, суриштириди, койиди. Шу пайт, бирдан Қодир унинг бошқача товушини эшишиб қолди:

— Сен жуҳудбачча, бу ерда нима қилиб турибсан? Сенинг касофатингмиди бу!

— Ким? Менми? Мен ўзбекман,— деди сафдан бири. Бу товушни Қодир таниди, бу Мўрдахай эди. «Оҳ, бечора, қўлга тушди», деб эгилиб қаради: Мўрдахайнинг юзида қон қолмаган.

— Олдинга чиқ!— буюрди Али Намхон.

Ноилож қолган Мўрдахай саф олдига чиқди. У Қодир кутганидан кўра тетпик кўринарди.

— Нега әлғон гапирасан? Қани менга қара!— Али Намхон унинг кўзидан, серсоқол юзидан бир нарса уқиб оладиган кишидек спичклаб қаради. Кейин нима учундир оёғига, йиртиқ шинслининг куйган ерига кўз ташлади:— Ўзбеклигининг нима билан исбот қиласан?

Мўрдахай бундай савол қачонлардир берилишини кутмаганиданми ёки жавоб қайтаришга ожизлигиданми елкасини қисди, ажабланди, кўзини милтиллатди.

— Йўқ, сен жуҳудсан! Жуҳудлигинг кўзингдан кўришиб турибди,— деди қатъий ҳукмдек Али Намхон. Бу ҳукмини немис офицерига етказмоқчи бўлгандек, орқасига бурилиши билан Қодир:

— Мен уни танийман, афандим!— деди. «Афандим» сўзи қулогига хуш эшитилган Али Намхон юзида табассум ёйилди, Қодирга юзини ўғирди:

— Жуҳудлиги тўғрими?

— Йўқ! Мен у билан бир мактабла ўқинганман. Ҳазек, исми Мардон.

Али Наимхон бирдан қовоғи солинди. У ишонмади. Буни сеэган Қодир яна тасдиқлади.

— Рост!

Ҳеч ким легионига хоҳиш билдиrmай турган шундай позик бир пайтда «ўзимники тӯғри» деб гожлик қилиши ўринсиз билган Али Наимхон бир исқиrt асирининг гувоҳлигига ишониб қўя қолишини ҳам истамас эди. Бу ўта соддалик бўлар эди. Шунинг учун у яна бир исбот талаб қилди:

— Қани ўзбек бўлсанг, мусулмонлигинга калима келтири.

«Калима» нималигини умрида эшитмаган Мўрдаҳай яна ҳайрон бўлди. Унинг бу мушкулини яна Қодирнинг ўзи енгиллаштириди:

— Афандим, биз ёшлардан ким калимани билади! Ким ўқитибди-ю, ким ўқитгани қўярди. Наҳотки шуни билмасалар!

Али Наимхон бўшашиб тушди: ахир Туркистонда диний мактаблар бекитилган-ку! Бу йигитнинг гапида жон бор!

— Агар «калима»га қараб ажратадиган бўлсангиз, мени ҳам ўзбек демаслигингиз мумкин.— Яна исботини чуқурлаштириди Қодир. Лекин «мусулмоншунос» Али Наимхон Қодирни ўзбек демасликка ҳеч қандай асоси йўқ эди, чунки Қодир талаффузидан тортиб, қош-кўзи, юриш-туришигача қўйиб қўйган ўзбек эди.

Қодир «енгдим, энди нима важ топар экан?» деб турган эди, лагерининг дарвозаси даранглаб очилиб, ичкарига юк машинаси кирди. Устида уч-тўртта асир аскарлар. Улар ёнида ва кабинкада учта немис автоматчиси. Машина сафдан сал нарида тўхтади. Ҳамманинг кўзи машинада эди. Қодир уларга қаради. Қаради-ю, ҳангуманг бўлиб қолди: асирининг бирни Мирсалим, унинг севиклиси Азизахоннинг дадаси Мирсалим эди. «Бу ҳам асир тушибди-да!» деб ажаблангунича бўлмай, Али Наимхон битта ўзи саф олдида ҳамон тумшайиб турган чиноқ асирини машинага чиқишига буюрди. Ана шунда Қодир машинадагилар кимлигини тушуниб, ўз кўзларига ишонмади. «Наҳотки, кўкрагига муштлаб юрган «қизил Мирсалим» хоинлика розилик билдирган бўлса! Йўғ-е! Эҳтимол адашаётгандирман. Одам одамга ўх-

шаси мумкин». Қодир шундай ўйлар билан машинага кўзини қадади, ҳатто ўзининг сафдан ажralиб чиқиб қолганини ҳам пайқамади. Йўқ, ўшанинг ёзи. Қодир адашмаган! Худди ўшанинг ёзи! Ахир оралиқ киши адаштирадиган даражада олис ҳам эмас. Қодирнинг кўзи эса, яхши кўради.

«Шу яқиндаги лагерда экан-да, сотқин» деб кўнглидан ўтказган Қодир, зўр бериб, унинг кўзини учратиш ниятида ундан кўзини узмас эди. Мирсалим бу томонга боя бир қараганича, энди бошини ердан кўтармас эди. Аксинча, Қодирнинг бургут бўлиб тикилиб турганини пайқагандек, юзини терс ўгириб олди. То машина жўнаб хетгунича ҳам бу томонга қарамади. Қодир унинг кетидан чақириб, ўзининг кўрганини билдириб қўймоқчи бўлди-ю, бир томонда лагердошларининг «ҳали шунаقا танишларингиз ҳам бормиди!» деб таъна қилишидан, иккинчидан Али Наимхоннинг қаҳрига учраб қолишдан чўчиди. Ахир бу юмшоқ супургининг бир лаҳзада киркига айланиши ҳам ҳеч гап эмас-да! Мўрдахайнинг ёнига тушгани ҳам етади!

Ови кўнгилдагидек ўнгидан келмаса ҳам, бўрилигиги ни яшириб, қўзиларча муомала қилган Али Наимхон «мен сизларнинг сўзларингта ишонаман. Сизлар ҳам менинг айтганимга киринглар, бошлаган йўлимга юринглар!» дегандек, Мўрдахайнинг сафга қайтарди.

— Яхшилаб ўйланглар! Шайтон сўзига кирманглар. Биз яна келамиз! — деганича ширин хайрлашиб кетди.

Унинг бу ширин сўзининг тахири эртасига ёқ чиқди. Лагерь унинг яна келишига тайёрлик кўриб, нималити шундоқ ҳам номаълум бўлган «овқат»ни яна расво қилди, энди уни оғзиға олиб, нонини тишга босиб бўлмас эди — турган-битгани қипиқ. Бу ҳам етмагандек «овқат»нинг ичидан соч толалари, тирноқ, жун, темир-терсак, резина, тери ва яна алланимабало чиқарди. Буларнинг ўз азоб-уқубати ўзига етмагандек, бошқа бир қўшни лагердан озиб-тўзган, кийим-бошининг бутун ери қолмаган, умри саноғлик бир тўда асиirlарни келтириб ташладилар. Улар ўз лагерларида норозилик ғалаёни кўтаришган экан. Қўзголон бошлиқларини териб олиб, қўзлари олдида отиб ташлашибди. Қолганларини эса, иккиси ҳафта бутунлай оч-наҳор қўйиб, кейин ибрат бўлсанн учун бошқа лагерларга тақсимлаб юборишибди. Улар чиндан ҳам ҳолдан толган эди. Эшикдан криб, тақсимланган

баракларига етиб боришгунча бир нечтаси йўлда сочилиб қолди. Қодир улардан бирига кўмак бермоқчи бўлиб бориб чўчиб кетди: одам боласи ҳам шунаقا ориқлаб кетадими! Агар кўзининг милтиллаганини айтмаса, тирик ўлик эди у.

Бу ҳол Қодирнинг раҳмини келтириши билан бара-вар, уларни шу кунга солганларга нисбатан битмас-ту-ғанмас нафратини ҳам уйғотди. У бу ерда ҳам кураш зарурлигини англади. Лекин қандай қилиб? Буни билмас эди!

6. МАШЪУМ УМРНИНГ СҮНГГИ

Диловархўжа Содиқнинг жонига қасд қилганидан кейин безовталаниб қолди — ахир буни кечиктирмай бажариш керак-да!

Аввалига жуда енгил бўлиб кўринган бу тадбир, тафсилотига ўтган сари мураккаблаша борди. Содиқ инқиллаб ётган Богун эмаски, ухлаб ётган ерида кавушини тўғрилаб қўя қолса! Бунинг устига атроф тўла одам, арининг уясидай ертўлага бири кириб, бири чиқиб туради. У шундай йўлини қилиши керакки, наинки товуши, ҳатто ҳиди чиқмасин. Бу енгил эмас, албатта. Кечаси ёнига кириб, бўғзинга найза санчиб бўлмаганидек, биқиниб туриб пақ этиб отиб ҳам бўлмайди. Демак пайт, хилват, фурсат ва эпчиллик керак.

У «мушкулмии ўзи осон қилсан!» деди-ю, ўнг сибошини босиб ётди. Эрталаб барвақт туриб, таҳорат олди. Бир четга ўтиб намоз ўқиди. Дуо қилди, нола қилди.

«Эй худойим, бир меҳрибонлик қилсанг-чи! Мени қийнаб ўтирмасдан шунча учган ўқдан бирини, шунча бало уфурган бомбанинг аччиқ данакдек бир парчасини унинг жон ерига қадасанг нима қилади. Мен-ку сенинг мўмин-қобил бандангман. Эсимни танибманки, измингдаман. Фарзингни фарз, суннатингни суннат тутдим. Ешлигимдаёқ «бу сенинг амринг» деб қишлоқ имомининг оғизидан чиқиши билан рўза тутмаган, намоз ўқимаган, фитр рўза бермаганинг пўстагини қоқдим, қўли әгриларнинг таъзирини бердим. Қейинчалик ўзим шу йўлга кириб кетган бўлсам ҳам, сени унуганим йўқ, масжидингта бўйра, жойнамоз олиб бериб турдим, закот-

ни канда қилмадим. Ўйламаки, барча топганини ёлғиз ўзи босиб еди деб. Иўқ. Ниманки ўлжа қилган («ўғирлаган» дейишга тили бормади) бўлсам имомга ҳам, қозига ҳам, ўзбошига, аминга ҳам чўтал бериб турганман. Улар ҳаммасидан хабардор эди. Бир сафар бир деҳқоннинг қўшга қўшиб турган ҳўқизини ўмарганимда («ўғирлаганимда» дейишга яна тили бормади) қози поччамнинг ўзлари «бадбахт, қўни-қўшнига қиласанми! Нариги қишлоқда, сал нарироқда иш тутсанг, оёғиннга сл тушадими!» деб қутқариб юборганлар. Бу яхшиликларини, албатта, қуруқ қўйганим йўқ, бир овчининг иккита тулкисини (ўғирлаб, йўқ, сўраб) олиб берганман. Қишлоқ оқсоқоли-ку ўзимнинг отахоним эдилар. Бир почапўстин эвазига мардикор рўйхатидан ўчириб берганлар. Кейинчалик бериб турган «совфа-саломларим» бунга кирмайди. Омил қори кенжак хотини — аячамни ҳалала қилиб, мардикорга қўшганда, мардикор «энди менинг қўядиган хотиним йўқ» деб туриб олганда, унинг бошига ит кунини согланман. Ҳа, ростдан ҳам шуларнинг ҳаммасини «бисмилло» демасдан бошлаган эмасман, ҳар вақт ўзингин ёдлаб турганман. Демак ҳаммасидан ўзинг воқифсан, маъзур тутсанг бўлади.

Инқилоб бўлиши билан «Ислом туғи остига ўт!» дединг, ўтдим. «Йигит тўпла!» дединг, тўпладим. «Кофири ни қир!» дединг, қирдим. Ҳа, шуни ҳам сенга эслатиб қўяйки, бизнинг сафимизда кадет ўрислар ҳам бор эди, улар кофир бўлмаса керак, чунки ҳазрат муфти улар билан бир дастурхондан нон ушатиб, бир қозондан ошердилар, ҳатто саллаларини олиб қўймасдан ҳушчақ-чақлашиб ўтирас эдилар. Нечаки оидамни тифга тортирган бўлсам, сенниг номининг билан, байробинг остида қилдим. Ахир ўзинг «менинг ихтиёримсиш бандамнинг баданидан бир дона мўйи тушмайди» дегансан. Демак шуларнинг ҳаммасига ўзингининг ижозатинг бўлган, ўзинг буюриб тургансану, мен содиқ қулинг, бажо келтирганман. Ўша вақтларда, азиз қулинг бўлиб юрган вақтларимда, баъзан майшат билан бўлиб, беш вақт намозингни канда ёки қазо қилган бўлсам айб мендамас, мен билан «бу шаръийдир» деб майичишиган уламонгда. У кишининг бетидан ўтиб, ўзбошимчалик қилгани ботинмадим. У ҳазрат бўлса, кўп вақт майшатдан кечиб, намозга турмас эдилар... Байробингнинг сопи синиб, ўзи қизил аскар оёғига пайтава

бўлиб кетгандан кейин қўрган ит купларим ўзингга аён—қоқмаган эшигим, кирмаган тешигим, дайди итдек санқимаган кўчам қолмади. Қишида оч қолган қашқир ҳам мендан аъло эди. Шунда ҳам сени эсдан чиқарганим йўқ, ойнинг ўн беш куни қоронғи бўлса, ўн беш куни ёруғ деб, «бу — бирор қилган гуноҳимнинг жазосидир» деб сабр қилдим. Буёғи яна ўзингга маълум: қўлга тушиш, тергов, лагерь... Шундай қилиб ҳамма синовингдан «ғинг» демай ўтиб келяпман. Мана энди шу кунга келиб, ўзинг мусулмонободликка ибрат қилиб қўйган юртга юз тутай деб турганимда, яъни оғзим яна ошга етганида, Содиқ кофир томоғини балиқ қилтанаги бўлиб тиқиляпти. Содиқнинг кимлигини ўзинг биласан: бирор марта боши саждангана эгилгани гумон. Бу ҳам майлику-я, ўша йиллари байроғинг остида бўлганларнинг озмунчасини шаҳид қилганими! Бу қилмишларига яраша жазо берниб, қаматган, лагерга ташлатган бўлсанг ҳам, тавбасига таянгани йўқ, таяниш у ёқда турсин, хаёлига ҳам келтирмайди. Ҳали-ҳали аввалги дай, ҳамон ўз йўлум тўғри дейди, ҳамон гайридинлар измида. Мен ана шу кофирнинг жонига қасд қилдим. Шу мушкулимни ўзинг осон қил, йўл кўрсат! Ўзинг «сл қулим, баҳтиңг ёр бўлсин» демасанг, асти иложи йўқ. Бу лаънати юрсам йўлумда, ўтирасам дилимда тўғаноқ. Э, худованди карим, сендан шу ёшга келиб, ҳеч нарса илтижо қилган эмас эдим, шу биттаю битта тилагимни рўёбга чиқар. Содиқни немис тиф-ғи-барронига учрату, мени муродимга стказ — яъни немис томонига омон-эсон ўтиб олайин. Ишқилиб, шарманда қилма! Омин!»

Диловархўжа ўлкаси тўлиб, димогини тортиб қўйди. Аста туриб ертўталага қайтаётуб, Содиқقا дуч келди.

— Ҳа, йиғлабсиз? Тинчликми?

— Кечаги гапларнингизни ўйлаб, хўрлигим келди. Но-минг ёмонга чиққандан кейин, тавбангга ишонч йўқ экан!

— Тентак бўлиб қолибсиз, сизга бирор нарса деяптими.— Утган гаплар Содиқнинг хаёлидан анча кўтарилган эди.

Диловархўжа «ҳа, кечаги гапларнингиз-чи», демоқчи бўлди-ю, бетга чопишини ҳозир ўзига эп кўрмади. «Ҳа, найрангбоз, олдимга тўртта ёнгоқни ташлаб қўйиб, қўйнимга қўл соляпсан-а!» деган фикр кўнглидан ўтиб, ўпкаласади:

— Содиқжон, сиз билмайсиз, одам ўлдирғандан түх-мат ёмоң: иқрор бўлсанг дилинг оғрийди, рад этсанг ишонмайдилар.

Содиқ ана шундагина унинг бутунлай бошқа нарса устида ўйлаб келаётганини пайқаб қолди. Лекин ўзининг жонига қасд экани етти ухласа тушига кирмас эди. Шундай бўлса ҳам, уни зимдан кузатиб, кўнгли ғаш бўлди. Топшириқ билан келгани учун мақсадга кўчишга мажбур бўлди:

- Ўқ-дори олиб келарканмиз.
- Қачон? Ҳозирми?
- Албатта эртагамас! Ҳозир.
- Қаердан?
- Сойнинг нариги бетидаги чакалакзордан. Полк ўқ-дориҳонаси ўша ёқда-ку.
- Иккаламизми? Ё яна одам борми?
- Иккаламиз борсак бўлармиш.

Диловархўжанинг юрагида бир нарса чақмоқ чақ-қандек ялт этиб кетди. Унинг кўз олдига қонли режаси ва Содиқнинг оппоқ мудраси келди! «Эй худо, мушку-лимни ўзинг осон қиляпсан шекилли!» деган қувончли фикр уни энтиқтириб қўйди ва бўғилиб кетган кишидек гимнастёркаси ёқасини чиқарди, камарини бўшатди. Гарчанд бутун умиди милтиқда бўлса ҳам, ўзини гўлликка солиб Содиқдан сўраб қўйди:

- Милтиқни ҳам олайми ё ортиқча бўлармикин?
- Ўзингиз қанақа одамсиз, фронтда жангчи ҳам қуролсиз юрадими! Олдингиздан немис чиқиб қолса, «менга тегма, милтиғим йўқ» деб мақом қиласизми?
- Сизда бори-чун...
- Мендаги ўзимга керак. Ё навбатма-навбат ота-мизми?

Содиқнинг кулиб айтган бу сўзини Диловархўжа ту-зук идрок этмади. У ўлиб қолса ҳам милтиқни қолдир-моқчи эмас, бутун умиди шундан эди. У яхши билардики, ҳозир борадиган жойлари анчагина йўл. Сойни ёқалаб бориб, пастга тушилади, кейин чакалакзор бошланади, ўқ-дориҳона эса ана шу чакалакзорнинг аллақаерида. Гарчанд у ҳеч бормаган бўлса ҳам, шу ерда мудофаа тутганларида командир эҳтиёт юзасидан айтган эди.

Диловархўжа Содиқ билан олдинма-кейин бора ту-риб, пастдаги сойга қараб қўйди: сойнинг суви яхши, ле-кин чуқурлиги қалай экан, одамни кўмадими? Кейин

сойнинг у бетига назар ташлади: дарахтнинг орасида шиқоблаб қўйилган тўп-замбараклар, атрофида биттиккита аскар юрибди. Улар ҳам анча нарида. Ён-верида эса ҳеч ким йўқ. «Айни жой экану, қаршидан бирорта одам келиб қолиши мумкин-да?»—деди Диловархўжа ва икки қадам олдинда бораётган Содиқнинг сочи ўсиб кетган бўйнига, кўйлаги ёқасидан сал чиқиб турган оппоқ ички ёқасига, шалпангроқ кўринган қулоғига, ҳаммадан ҳам найза санчишни мўлжаллагани чап курагининг остига ички ҳаяжон билан яна бир қараб қўйди. Бу инятдан унинг бадани сесканмаса ҳам, юраги дов бермади. Сал нарироқ бораверайлик-чи! Ҳали вақт бор-ку.

Шу вақт олдинда уч жангчи кўринди. Уларни кўриши билан Диловархўжа ўзини шошмашошарлик қилиб қўймаганидан қувонди, ўз ақлига қойил қолди. «Шарманда бўлишимга сал қолган экан-а!» деб шукур қилди. Қаршидан келаётган жангчилар иккитадан қутини камарла-ри билан хуржун қилиб, елкаларига осиб олган эдилар. Лйниқса, жуссаси кичкинаси қора терга тушиб кетган эди, уларни кўриши билан:

— Шарбатга кетяпсизларми?— деб сўради, жавоб ҳам кутмай нолиди:— Тентаклик қилиб сизлар ҳам иккитадан олиб юрманглар. Жуда оғир экан. Олдинига билинмаган эди, энди елкани узиб юборай деяпти.

У юкини срга авайлаб қўйиб, гимнастёркасининг сенгига терини артди. Бошқа бири ҳам тўхтади, учинчиси эса, «тўхтаганинг билан бирор тақимингни мойлаб қўядимиш, юриб қолсанг-чи!» дегандек, индамай ўтиб кетди. Нарироқ бориб орқасига қарамай бақирди:

— Осмонга «юнкерс» амакинг чиқиб, ионуштангни бергунча турасанларми? Қапи юринглар!

Жуссаси кичкина жангчи пўнфиллади:

— Ҳамманинг сенга ўхшаб уруғидан фил чиққаним!— кейин Содиқдан кўтартириб юборишни илтимос қилди. Юк унча оғир эмас эди. У узоқлашгач Содиқ:

— Этагини ҳилпиллатиб, шоҳи кўйлак кийиб юрганлардан шекилли,— деди. Диловархўжа ўз мудҳиш хаёли билан банд эди. Эшитмади, шошиб қайта сўради:

— Нима дедингиз?

— Ҳаёлингиз қаёқда ўзи? Ниманинг ташвишига тушиб қолдингиз тағин?— У орқасига ўгирилиб ҳамроҳига қаради.

Диловархўжа сири фош бўлган кишидек типирчилаб

қолди. Содиққа жуда ғайри табиий кўринган бир ҳаракат билан важ кўрсатди:

— Шу бугун кечаси ёмон туш кўрдим.

Содиқ қаҳ-қаҳ солиб кулди:

— Шунинг мотамини тутяпман денг. Ҳалли-е, ким айтади сизни иссиқ-совуқни кўрган деб.

Диловархўжа шундай аҳволда эдикӣ, Содиқ ҳозир «німа туш кўрдингиз?» десса жавоб қилолмас эди. Унинг баҳтига тушга унча аҳамият бермайдиган Содиқ қизиқиб суриштирумади. Фақат кап-катта одамнинг кўрган тушидан мунчалик безовталанаётганига кулиб қўя қолди. Диловархўжа бундан жуда мамнун бўлиб, ўзини тутиб олди. Яна миясида ўша мудҳиш хаёллар изғиб қолди... Гўё унинг мушкулини чиндан ҳам осон қилаётган-дек сал юришгандан кейин бир томони тик қия, бир томони сувга бориб тақаладиган тор сўқмоқ йўл бошланди. Бу сўқмоқнинг полк мудофаа туттандан кейин пайдо бўлгани ҳали яхши топталмаганлигидан кўриниб турарди. Диловархўжага айни шундай жой керак эди. Ахир қўндоқ билан орқасидан бошига бирни ўҳшатиб солса, вассалом! У гангид сувга тушгунича бир неча тошга урилиши турган гап. Бу тошлар ҳам анча ерини чақа қиласи, кўкартиради, қонатади — бирор унинг қўндоқ билан урилганини билиб ўтирибдими! Кейин, то ҳуши ўзига келгунича оғзи-бурнига сув тўлади, бу ундан яхши! Маълумки, бўккан киши дарров сувининг юзига чиқа қолмайди. Ичи сувга тўлиб, шиншиши ксрак. Унгача Диловархўжа немис ташлаган варақани чанглалаб, фронт линиясидан ўтиб бўлади. У ёққа ўтиб кетиш дарров мумкин бўлмаса, Содиқнинг ўлганига кўзни етганидан кейин, айюҳаннос солиб бошига одам тўплаши, уни қутқармоқчи бўлниб ўзини сувга ташлаши ҳам мумкин. Бу йўл ҳам ёмон эмас. Фронт мамлакат ишкариси эмаски, ота гўри қозихона қилиб текшириб юришса! Ана шундан кейин, немисга бемалол ўтиб кетади.

Содиқ эса бу ёвуз ниятдан бутунлай бехабар, кечаги отишмадан жароҳат топган дарахтларнинг шох-шаббалирига, снаряд ёки минадан ўпирилиб кетган сой бўйнга, кўм-кўк майсалар ўртасида сўгалдек хунук кўриниб турган бомба чуқурликларига назар ташлаб, хаёл суриб борарди. Урушга тили йўқ дов-дарахтлар, бегуноҳ еру паст-баландликлар ҳам қатнашади, дарё, тог, унгурлар қатнашади, бир умр инсон оёқ қўймаган қияликлар,

эсдан чиқиб кетган сўқмоқ йўллар қатнашади, улар ҳам инсондек жароҳат топади, сафдан чиқади, бир умр ногирон бўлиб қолади. Демак урушнинг машақатини фақат кишилар эмас, бутун мавжудот тортади, унинг оғирлигини бутун мавжудот елкасида кўтаради, қалбида ҳис этади. Уруш пайтининг гулу чечагидангина эмас, унинг музикасидан, ашуласидан ҳам порох ҳиди келади. Уруш оқбилакларни ёмон кўради. Душмандан нафратланиш мардлик ва матонатни туғдиради. Курашда душманга бешафқатлик эл-юрга меҳр-муҳаббатнинг олни босқичидир.

Содиқ шундай одамий ўйлар билан парвойи фалак экан, Диловархўжанинг ичини ит тирнаб, ёвуз ниятини амалга ошириш учун елкасидан милтигини қўлига олди. Буни Содиқ пайқади-ю, яна ўшандай бепарволик билан тегишидн:

— Ҳа, милтиқни қўлга олиб қолдингиз, чумчук отасизми?

Диловархўжа ички бир мудҳиш ҳаяжон билан кўзида қон тўлиб турган бўлса ҳам, баҳона топа олди:

— Йўлнинг торлигини кўрмайсизми? Киши тойиб кетса...

— Қўлда кўтарган яхшими? Ундан кўра, менга бера қолнинг, унда жуда ҳам бемалол бўлади.— Содиқ орқасига ўғирилиб қўлини узатди.

— Йўғ-е! Бир кишига икки милтиқ оғирлик қиласди.

— Бўлмаса олдинга ўтинг, шошмасдан йўл бошлайсиз. Тағин тойиб кетсангиз балойнингизга қолмайин, ҳали қиласиган ишларимиз кўп-а!

Диловархўжа «оҳ, билиб қолди!» деди ичида ва бутун аъзойи бадани титраб, ранги қув ўчди, Содиқ қиялаб туриб, уни олдинга ўтказар экан, кўнглига «нега бу бунчалик безовта? Мана ранги ҳам девор бўлиб кегди!» деган фикр келди. Лекин шунда ҳам ёмонликка жўймади:

— Очигини айтинг, бирор ерингиз оғрияптими?

— Нега? Йўқ!

— Алланечуксиз-ку! Тобингиз қочиб турган бўлса орқангизга қайта бернинг. Бирорта одам топиб, ўзим олиб келарман. Бизга ҳам ҳалигиларники сингари танкка қарши ёнилғи берсалар керак-да!

Диловархўжа орқасига қайтишга рози бўлмагандек, нега бунчалик ўзгариб турганига тузуккина сабаб ҳам

кўрсатолмади. Содиқ эса «эркак киши эмасми, дардинни айтгани номус қиласпти» деб бир оз индамай борди. Лекин ўз взводидан икки жангчини учратиши билан уни зўрлаб орқасига қайтариб юборди:

— Уралиб ётинг,— деб тайинлади,— киши ўзига бепарво бўлмаслиги керак.

У, бу билан ҳам қаноатланмай, ёнилғиларни келтириб командирга доклад қилгандан кейин, доктор бошлаб Диловархўжанинг ертўласига кирди. Касали нозикроқ бўлса у менинг олдимда уялмасин деб, ўзи ташқарига чиқиб турди. Доктор бирор касал тополмай, елкасини қисганича чиқиб кетди:

— Қўрқсанми.... деди у холос.

Докторининг кетидан Содиқ ҳам ажабланиб елкасини қисди.

* * *

Диловархўжа ўзини бутунлай фош бўлган ҳисоблаб, ўтиргани жой тополмай қолди.

Содиқдай устаси фарангдан келгани йўқ. Кеча Бонунинг тўрвачаси туфайли гапни шунаقا айлантириб бордики, дод деб юборишимга сал қолди. Шунда ҳам дилидагини айта қолмасдан, чиқариб юборди. Бугун эрталаб гўё ҳеч нарса бўлмагандек мулоийим кириб. келди. Менинг нима туфайли яниб ўтирганимни пайқади-ю, яна олдимга хашак ташлаб, кўнглимни олди, «ўқ-дори олиб келамиз» деб йўл бошлади. Бу кураш тушаётган полвоннинг рақиби белидаги белбогини бўшатиб туриб, бирдан қўлига ўраб, ёнбошига олиши эди. Мен содда буни тушунмай уни йиқитаман деб, қасд қилиб юрибман. Айни долигулига келганда пайқаб қолди, шунда ҳам очигини айтмай, гўё меҳрибонлик қилиб соғлиғимни сўради, қўярда-қўймай ярим йўлдан қайтариб юборди. Ваҳоланки, ўша пайтда ҳамма нарса ранги-рафторимдан кўринниб, қўлларим титраб турувди. Шарт ёқамдан олиб, «Хўш, ниятинг нима?» деганда, қўлимдан нима иш келарди. Ҳеч нарса! Ё милтиқни кўтаришга улгуардим ёки йўқ. Шунда ҳам у юрагини кенг тутиб, яна арқонни узун ташлади. Кичик бир ҳазил билан чегараланиб қўя қолди. Лекин менинг олдига ўтқазиб олди, у билиб туриб шундай қилди. Тавба, кишининг шунчалик ҳам асаби маҳкам, юраги дарё бўладими! Бошқа одам бўлганда кечеақ

оіймни ўттыз күн қилиб, ҳисобимни тұғрилаб қўя қоларди. Бугун-чи? Бугунгиси-ку, жуда ўтиб кетди. Бунақаси бу ёруғ жағонда бўлмайди. Лаънатининг жони мунча сабил бўлмаса! Ўлмасликка хат олганим дегин. Пинагини бузмайди-я! Тавба! Унинг ўша инқилоб йилларидаёқ «қизил командир» лақабини олиб, бутун бева-бечорани эргаштирганича бор экан. Ахир мендай одам тан бериб ўтиргандан кейин, у ёини айтмаса ҳам бўлади. Ажаб, шўролар шундай садоқатли одамининг оёғига кишан солиб, лагерга ташлагани қизиқ. Бошингга кўтармайсанми, бошингга! Соянгга кўрпача солиб, йўлингда жонини фидо қилиб юборай деяпти-ку, «қоң, душмансан!» деб кўкрагидан итарасан! Булар ҳаммаси-ку майли, нега энди билиб туриб доктор бошлаб келди? Унинг жонига қасд қилиб турган одамининг соғлиги унга нега керак бўлиб қолди? Йўлдаги хатти-ҳаракатимни хаспўшлаб, ўз оғзимдан иқрор бўлгунимча қўйиб бермоқчими? Ҳаммасини билиб турган одамга, оғзимдан иқрор бўлдим нимаю, ёқамдан бўғиб иқрор қилдирди нима? Бу мушукнинг чала жон сичқонни у ёқдан-бу ёққа отиб ўйнашига ўхшайди. Иўқ, мен бунга чидолмайман. Модомики, яна ўқим тошга теккан экан, бошқа чорани кўришим керак. Эсим борида этагимни ёпиб олмасам, шармандам чиқади. Бу ер энди менга тор. Бугун бўлмаса, эртага унинг ҳиқилдогимдан тутиши турган гап. Ёзим бориб, унинг ҳам, ўзимнинг ҳам кимлигимни, қанақа қилиб фронтга тушиб қолганимизни айтиб берсаммикан? Ҳўш, бундан менга нима наф? Ўз бўйнимни ўзим тутиб берамми? Унга ҳам тикилган бало бордир. Мен ўз ишимни тўғрилаб кетаверай, то мен ўйчи ўйлагунимча, у таваккалчи ишимни тўғрилаб қўймасин тағин! Тўғрилаб қўниши ҳам ҳеч гапмас.

Диловархўжа устига ёпиб ётган шинелини бир четга отди, нрғиб ўрнидан турди. Содиқ иккита одамни бошлаб кириб, «қўлингни кўтар, қотил» деяётгандек, эшикдан кўзини узмай йиғиштирилди. Эҳтиёт юзасидан мильтигининг ўқдошига ўқ жойлади, ёнидаги немис варақасини «ўғри» чўнтағидан юзароққа олиб қўйди. Сафар тўрвасини олмоқчи бўлди-ю, кейин қайтди. Бирор «ҳа, йўл бўлсан!» деб сўроқлаб қоладигандек туюлди. Унинг ичидага бўлган колбаса консервани чўнтағига тиқди, ионни ҳам пайтава учун берилган, лекин ишлатишга кўзи қиймай юрган оппоқ газмолга ўради, қўйнига тиқди. Оғир

сафарга отланаётган кишидек қандайдир дуо ҳам ўқиди. «Ишимни ўзинг ўнгидан келтир», — деб юзига фоти-ха тортди. Ертўладан чиқди.

Унинг режасича, ҳамма ўзи билан овора. Бугун отишма бўлмаганидан хурсанд бўлиб, ертўлаларда дам ол-япти. Албатта, душман томонни кузатиб ўтирган навбатчи кузатувчилар бор. Уларнинг асосий вазифаси душман томонга кўз-қулоқ бўлиб туриш. Шундай бўлса ҳам Ди-ловархўжа уларни имкон борича узоқроқдан четлаб ўтишга қарор қилди. Бунинг учун бирдан-бир йўл тўғри немис томонга эмакламасдан, сойга ўтиш. У ерда нима кўп — паст-баландлик. У ерининг буталари ҳам ёт-ган кишини кўмиб кетгудай ўсиқ. Ана ўшалар жонига ора кириши мумкин.

У ўзини босиб, постга чиқиб кетаётган аскардек милитифини осиб, анча ергача борди. Бир-икки учраган одамга турли баҳона кўрсатди. У ҳаммадан ҳам Содиқдан қўрқарди. Фақат Содиққина унинг ичини билиши мумкиндай кўринарди. Унинг баҳтига Содиқ тугул, умуман, бу атрофда жангчилар кўринмас эди. У мўлжал қилган сригача юрак ўйноқилик билан келиб, «Худога шукур, энг оғир еридан ўтиб олдим», — деганича чуқурликка ўзини ташлади, кўкраги тўлиб нафас олди. То нафасини ростлаб олгунича бир ердан қимирамади. Бир кўнгли шом қоронгиси тушишини шу ерда кутгиси келди, бироқ бунга юраги дов бермади, бирор кетидан қувиб келаётганга ўхшади. Белини қаттиқ боғлаб чуқурдан чиқди-ю, «бисмилло» деганича эмаклаб кетди. Чиндан ҳам ўсиқ ўтлар, ўнқир-чўнқирлар, баъзан чакалакзорга ўхшаган ерлар уни бегона кўздан яшираётгандек эди. Аслида Содиқ «ундан хабар олиб тур» деб тайинлаб кетган жангчи, Диловархўжа ертўладан чиқиши билан унга хабар берган, бу қизиқ ҳаракатдан ажабланган Содиқ унинг изига тушган эди.

Содиқ Диловархўжа чуқурликка тушиб анча вақт жим бўлиб кетганида «ўзи нима гап?» деб тепасига боргиси келди-ю, тағин «тўхтаб тур, қани бу ёғи нима бўларкин?» деб қизиққанича узоқдан кузатиб турди. Диловархўжа чуқурдан тик туриб чиқиш ўрнига ўғри кишидек у ёқ-бу ёқга аланглаб қаради, кейин бошини паст қилиб елиб кетди. Сал нарироқ бориб, ерга ётиб олди, ётганича эмаклади. Бу ҳаммаси аввалига Содиққа галати туюлди, кейин бундоқ ўйлаб қараса, унинг нияти

бузук, оёқ олиши хунук. «Ха, ит,— деди Содиқ ичидә нафрат билан,— олтин тувак хумори тутиб қолибди-да! Тұхтаб тур сени!»

Содиқ то узил-кесіл ишонч ҳосил қылгунича уни қўйніп берди. Кейин «тұхта!» деганича тик туриб унга ташланды. Диловархұжа уннинг товушини эшитиши билан ўрнидан туриб немис томонға чопа кетди. Содиқ яна товуш берди. Қараса, у ҳадемай нәмис томонға ўтиб қоладиган, мұлжаллаб туриб ўқ узды. Диловархұжа ўқ теккандан кейин үйқилдими ёки ундан олдин ўзини ерга ташладыны, билмай қолди. Йўл-йўлакай милтиғининг ўқдонига ўқ юбориб, кетидан чопди. У етиб борганда Диловархұжа мукка тушиб ётар, милтиғи қўлидан учыб кетган эди. Содиқ уннинг ўқ еганига гумон қилиб, ғазаб билан:

— Тур, хоин!— деди милтиғини ўқталиб, Диловархұжа туриш ўрнинг ётған жойида ингради. Шундан Содиқ билдики, у оғир яраланған. Тепасига келиб, оғзи билан уни орқасыга ағдаради. Қўкраги, қорни қоп-қора конға белантан эди. Тили сўзга келмади. Чангалида ўша мудҳиш варақа.

Содиқнинг жиндей бўлсин унга раҳми келмади, аксинча, нафратидан дир-дир титрар эди. Уннинг жони узилишини кутиб ўтирамай, шапкасидаги совет аскарининг шонли белгиси бўлган «қизил юлдуз»ни юлқиб олди. Уннинг милтиғини ҳам бу елкасига осиб, беш қадамча юриши билан Богуннинг тамаки тўрвачаси эсига тушди. «Сотқиннинг чўнтағида қолиши увол» дегандек, қайтиб бориб, ёнидан уни ҳам олди.

Бу вақтда Диловархұжа тўнғиз қўпган эди. Уннинг мўйловга ўхшаган бароқ қошлари бўз кўйлакка тушган қора тукли шерстъ ямоқдай бадбашара кўринарди.

7. ЭЪТИҚОДИ БУТУН КИШИ

Содиқ ўзини ҳамон бир нарсада кечиролмас эди: нега у сўнгги дамгача Диловархұжанинг ёвуз ниятини пайқаб ололмади? Наҳотки у унча-мунча тош билан чақилмайдиган ёпишқоқ ёнғоқ эди? Уннинг-ку бир вақтлар атроғига йигит тўплаб, босмачилик қилганини биларди, шундай экан, нега энди кўз-қулоқ бўлиб кузатиб юрмади? Бу ҳушёрлигининг дами қайтиб қолганиданми ёки уннинг бир вақт «ўша йиллар тентаклик қилиб юрган

эканмиз-да, эсласа кишининг кулгиси қистайди» деб тавба қилганига ишонганиданми? Тұғри, гражданлар уруши йилларида тавбасига таяниб, бизниң томонга үтган, кейинчалик ўзининг оқкүнгиллилігі, мәрдлігі, садоқати ва ишбилармөнлигі билан үтмиш гунохини ювғанлар озмунча бўлмаган. Диловархўжани ҳам ўшанақалардан бири, мамлакат бошига оғир кун тушганда асқатар, ўзини оқлар деб ғафлатда қолдими? Ундаи деса, унинг варақа кўтариб келиши, «урушда биз ютқаздик» деб синамоқчи бўлганлари кўзини очиши керак эмасмиди? Иўқ, барча айб ўзимда, гражданлар уруши йилларининг бундай «сайёҳлар» ҳақида «уларга ишон, лекин изини йўқотма, тўрт кўз бўлиб тур» деган ажойиб шиорини унутиб қўйдим. У тулкининг тавбаси-ю, муғамбир йиғисига ишонмаслик керак эди. Энди нима бўлди. Ҳамманинг оғзида дув-дув гап: «Бир ўзбек жангчиси қўлида немис варақаси билан душман томонига ўтиб кетаётган экан, отиб ташлашибди. Қандай уят!»

Содиқ ҳаммадан ҳам шунга сира чидамас эди, ҳар эшитганда бир энлик этидан тушарди. «Мен уни яхши билардим, асли душман — босмачи эди, адашиб фронтга тушиб қолган» деса, бирор «ўзинг ҳам ўшанақалардан бўлма, сени ҳам бир текшириб кўриш керак» дейтгандек бўларди.

Бу итялоғни ўзимга ҳамроҳ қилишимнинг нима ҳожати бор эди? Кўчаларда дайди штдек санқиб, кўлга тушиб кетмасмиди! Бунақаларнинг жойи асли ўша ерда. Қонун буларни тиканли симдан ташқарига чиқармай тўғри киласди. Буларнинг оғзи теккаш сув ҳаром бўлади, сёёқ изи тушган тупроқда гиёҳ унмайди, нигоҳ ташлаган боғи қуриб, гулнинг исени, ҳаётнинг баҳорини ўғирлайди. Бир жиҳатдан шармандаларча бўлса-да, қўлга тушгани яхши бўлди, ичимиизда юриб, зимдан зиён етказаверганда нима қиласдик? Бундан даҳшати йўқ эди! Яхши бўлди, ҳар ҳолда яхши бўлди!

Шу сўнгги фикр унинг кўнглига тасалли берди, у майда-чўйда гапларни орқага ташлаб, эркин нафас олди, йўқ, шон-шараф излаган ҳам, ўлимни ўйлаган ҳам жанг қилолмайди. Лекин ўлимни писанд қилмаган ҳам панд ейди. Снаряд тушиши билан вақтида ётиб, вақтида туриш, вақтида бирор тепа орқасига ёки чуқурликка чопиб ўтиб олиш қўрқоқлик эмас, балки жанг санъати. Ана шу лаҳзадаги онгли ҳаракат яшаш мақсадида, душман-

га чап бериб, яна курашга имкон топиш учун қилинади. Кимки, ана шу лаҳзада ўлимни ўйлар экан, ваҳимага берилар экан ёки уни писанд қилмай бепарво бўлар экан, нобуд бўлиши турган гап. Жанг ваҳима ва манманликни ёмон кўради. Чунки майдон мардлар учун, эътиқоди бутунлар учун, кўплар қатори яаш умиди билан ёнгандар учунгинаадир.

Содиқ ана шуларни хаёлидан ўтказиб ўтириб, ўтган кунларини кўз олдига келтирди. Уни гражданлар урушидан соғ-саломат олиб чиқсан ана шу тушунчаси ва метин эътиқоди эмасмикин! Ахир ўша йилларда унинг жонига қасд қилиб отилган беҳисоб босмачи ўқлари тупроқларга қоришиб, тошлар орасида қолиб кетган. Мана, яна ўша душман қаршисида тишини ғижирлатиб, кўзинга қон тўлиб турибди. Фақат номи бошқа, жанг майдони бошқа, бўлмаса қонли ишти битта: совет тузумига қасд!

Содиқ ана шундай пайтда тасодиф билан, қингир йўл билан бўлса-да, фронтга тушиб қолганидан мамнун. Мамлакат бошига жуда мушкул ва оғир кунлар тушган шундай бир пайтда ўзининг маҳбуслар лагерида бўлишини тасаввур этолмайди. Борди-ю, станцияда ўша олтин тасодиф рўй бермаса, ҳозир лагерда ўтирган бўлса нима қиласди? Албатта «фронтга юборинг!» деб ариза берган бўларди. Лекин рухсат этишармиди? Ана шу даҳшатли савол ичидан муздек изғирин ўтгандек қалбини ҳувиллатиб юборди. Йўқ, дейишса, унда нима қиласди. Қийналарди, ёнарди, изтироб чекарди, балки ёлворарди — бошқа нима ҳам қила оларди. Ҳозир ўша лагерларда жонини қурбон бериш иштиёқи билан ёниб ётган, ариза устига ариза ёзаётганлар каммикин?

Йўқ, нотўғри йўл билан бўлса ҳам Содиқ ўз ўринини топди. Унинг жойи шу ерда, шу ўқлар чақнаб, миналар портлаётган, ҳар лаҳза ўлим совуқ ел уфуриб турган муқаддас ерда, шу окоп, шу ертўлада. Душман унинг мурдаси устидан босибгина бу ёқقا ўтади. Агар у душманга бефарқ қараса, ўз муқаддас Ватани учун жон тикмаса, ўзи ўқ учиб, ўзи ҳимоя қилмаса, бошқалар ҳам шундай қилмаса, унда юрт-эл тақдири, социалистик революция тақдири, Совет ҳокимияти тақдири нима бўлади! Йўқ! Буни у миясига сиғдира олмайди. Арғамчига қил қувват, дейдилар. У ана шу душман томогидан хиппа бўғадиган йўғон, бақувват арқонинг ингичка бир

қили. Бу билан у фахрланади ва охирги нафасигача шундай бўлиб қолади.

Содиқ ана шундай эзгу фикрлар оғушида мамнун бўлиб милтиғини тозалаб ўтирас экан, бирдан немис замбараклари ўқ ёғдириб қолди. Ертўланинг чеккаларидан шувиллаб тупроқ тўкилди, устунга илиб қўйилган котелок тарақлаб тушиб кетди, аллақаер қирсиллаб, нимадир шувиллади. Ушинг ёнида ўтирган жангчилар бундай вақтда қилинадиган одат бўйича, милтиғини олиб окопларига югурдилар. Гарчанд бу «зилзила» Содиққа янгилик бўлмаса ҳам, шошиб қолди. Чунки у милтиғини қисмларга бўлиб ташлаб, ҳафсала билан тозалаб ўтиради. Иғиштириш учун вақт керак эди. Шундай бўлса ҳам, «автоматчилари дарров босиб келиб қола қоладими, ҳозирча менинг ишим йўқ-ку» деб ўзига далда берди ва зуд билан милтиғини иғиштиришга киришиди. Шошганидан манглайи ва япалоқ бурунларин паррагида майдада тер зарралари пайдо бўлиб, ўз окопига етиб боргандага бўлинма командири уни суриштириб турган эди.

— Уэр, ўртоқ командир! Мен шу ердаман! — дея қўлидаги милтиғини окоп брустверига қўйиб, қўзини снарядлар вагиллаб чиқиб келаётган томонга тикди. Кейин бизнинг артиллерия жавоб қайтарди. Шундай қилиб тўпчилар дуэли бошланиб кетди. Икки томоннинг снарядлари ўртада ётган ўқчи, бронтешар, кузатувчиларнинг устидан хуштак чалиб ўтар, бўғиқ гумбурлаши асабга тегиб, тутун аралашган чангига ер бағирлаб сузиди. Нима учундир, бизнинг тўпчилар отишни сусайтириб бориб тўхтатди.

— Ҳийлага кўчди! — деб қўйди Содиқ ёнидаги ғўлабирдан келган отделение командири Зубенко.

— Ким? — тушунмасдан сўради Содиқ.

— Ҳозир кўрасиз.

Содиқ «нимани кўрар эканман» деб турганда уларнинг окопини миномёт шунаقا ўққа тутиб қолдики, убу яқин орада бунақасини кўрмаган эди.

— Ўзларингни четга олинглар! — деб бақирди Зубенко ва отделениедан битта кузатувчи қўйиб, ўзи ҳам яширинди. Улар узоқ кутди. Лекин немис миномёти ҳамон тинмас эди. Жангчиларнинг асабига тега бошлади. Содиқ ҳам чидолмади:

— Бизнинг артиллерия нима қиляти, жавоб қайтармайдими?

— Бояги дуэлдаёқ қирилиб битди шекилли,— ғұлдиради унинг ёнида милтиғини чоти орасига олиб ўтирган бири.

— Сабр! Жангда ҳам сабр керак,— деди Зубенко ишмениң үчундир осмонга қараб қўйди.— Сабр қилған ютади. Ҳозир ҳаммаси маълум бўлади.

Командирга ҳурмат юзасидан индашмади. Чунки Зубенко бундан аввал ҳам жанг кўрган, бу орада гостинталда ётиб чиққан, ўз ишининг маромини биладиган тадбиркор эди. Чиндан ҳам салдан кейин «ҳаммаси маълум бўлди». Немис танклар билан атакага кўчгандай тўпчилик шунаقا ўққа тутиб бердик, «қирилиб битди шекилли» деган жангчи қизариб қолди. Бирорта танк олдинги қаторга етиб келолмади, уч-тўрттаси майдонда дабдаласи чиққанича қолди, колгани қайтди. Лекин бояги миномёт ҳамон жангчиларни бош кўтартирасе өди. Кичик-кичик пауза қилиб «методик» ўққа туғарди.

— Бу сой томонда!— деди Зубенко миналарнинг ушишига қулоқ солиб,— пана жойга ўринашиб олганга ўхшайди. Лекин узоқда эмас.

Содиқ унинг гапини синамоқчи бўлгандек портлаётган миналарга қулоқ солиб, қаноат ҳосил қилгандек бўлди.

— Борди-ю, шуни ов қилсак нима бўлади? Окопда биқина бериб могорлаб кетдик-ку.

— Жонга тегиб кетди деяверинг,— бу Содиқ билан ўрмонда илк бор учрашгандай уларни суринширавериб, бир дўстидан «онанг терговхонада туққанми?» деб таъия эшишган жангчи — Шубин эди. У сўнгги вақтда ўша «беодоблигини» ювмоқчи бўлгандек ўзини Содиқка яқин тутиб юрарди. Окоп қазиса ёнидан жой кўрсатади, бир ертўлада турарди.

— Қандай ов қиласиз?— қизиқди Зубенко.

— Бўлмаса минаси тамом бўлгунича...— деб Содиқ гап бошлаган эди, Шубин илиб кетди:

— Е ўзимиз тамом бўлгунимизча бурнимиз билан ер титамиэмиз?

Миналар борган сари уларнинг окопи ёнинг яқинлашиб келар, ерга тегар-тегмас портлаб, кўм-кўк ерда қопқора доғ қолдиради. Ҳаммадан ҳам уларнинг чийиллаб келиб, қўнишга жой қидираётган қушдек бир лаҳза лапанглаб туриши қизиқ эди. Агар у кишига зарар ет-

казмаса, учишини томоша килиш мүмкин эди, бирдан ана шундай чийиллаган минадан биттаси уларнинг окопи тепасида лапанглаб туриб пастга шўнғиди, сал нарига тушшиб, уларнинг устига тупроқ сочди. Зубенко бўйнига тушган майда кесакларни териб олар экан:

— Майли, борнинг, лаънати ҳали-бери акиллашини қўядиганга ўхшамайди,— деди ва извод командиридан рухсат олиб берди. Ташаббуснинг нималигини яхши биладиган извод командири:

— Ким-ким боради?— деди.

— Мен!— деди Содиқ. У сўзини тугатмай Шубин ҳам:

— Мен!— деди. Ғўлабирдан келган жангчи: «Мен ҳам!» деган эди, командир кулди:

— Бу ерда ким қолади? Ёғочга каска илиб қўяминизми?

Командир Содиқ билан Шубинга рухсат берниб, муваффақият тилади:

— Эҳтиёт бўлинглар! Бу ерда ҳам ҳали қиласидиган ишинглар бор.

— Менга қара, Шубин,— деди Содиқ сал четга чи-кишлари билан.— Менинг бошимга бир фикр келди. Шунга сен нима дейсан?

— Хўш?

— Мақсад ўша олти қувурли миномётининг қаердагини билib, бу ёғини артиллерияга қўйиб беришми ёки сафдан чиқаришми?

— Ўддаласак сафдан чиқарган яхши-я!

— Албатта, тўппа-тўғри бориб бўлмайди. Бир ҳийла ишлатсак.

— Ҳийла?

— Ҳа. Биримиз немис, биримиз рус бўламиш.

Шубин тушунмади:

— Қандай қилиб?

— Кейин айтаман! Сен олдин менга маслаҳат бер-чи, қаердан немис формасини топса бўлади?

— Бунисини билмадим,— ўйлаб қолди Шубин, кейин бирдан яшнаб кетди.— Агар кечаси асирини жўнатмаган бўлсалар...

Шундай пайтда бўладиган одатдаги чақонлик билан Содиқ: «Бу ақлингга балли! Аслида Афлотунсану, ҳеч ким тан олмайди, холос!»— деганича чопиб кетди. Тўғ-

ри разведкачиларга борди, улардан асиринг қаердалигини билди. У штабга кирганда немис асирини олиб чиқиб келаётган эканлар.

— Шунинг формаси менга керак эди,— деди у штаб бошлигига ва мақсадини айтиб берди. Содиқнинг режаси қизиқчиликка ўхшаб, штаб бошлигининг кулгисини қистатди. Лекин у «ишончи бордирки, дадил кирияпти» деган фикрга келди.

— Эгнидан ечиб оласизми? Ирганимайсизми?— қўли ифлос нарсага тегиб кетган кишидек ижирғаниб деди штаб бошлиғи.

— Зарур бўлгандан кейин илож қанча! Кишилар дори бўлади деб илоннинг қусугини ютган экан.

Штаб бошлиғи бу жўяли жавобдан яна кулди:

— Урушгача ким бўлгансиз?

Содиқнинг юраги орқасига тортиб кетди.

— Ўқитувчи,— бўшашиб деди у.

— Циркда қизиқчи экансизми дебман.

Суҳбатнинг бунчалик сингил тугаганидан хурсанд Содиқ индамай қўя қолди. Чиқиб кетаётган ерида бирдан тўхтатилган немис нима гаплигига тушунмай, кўзи олма-кесак терарди. Узидан кўзини узмай турган Содиқдан хавотирда эди. Ваҳоланки, Содиқ унинг ўзини эмас, эгнидаги кийшини кўздан кечираётган эди, кимга сиғади: менгами — Шубингами?

— Майли, олинг! Лекин қайтиб бериш шарти билан.

— Омонлик бўлсал!

— Омонлик бўлишига ишонмайсизми?— бирдан ажабланди штаб бошлиғи кулгисини йигиб.

— Ишончсиз курашиб бўладими, ўртоқ капитан!

— Албатта, йўқ!

Немиснинг ихтиёри ўзига ўтганини билган Содиқ унга орқасидан юриш ишорасини қилди. Кўшни хонага олиб чиқиб, ечинтирди. Содиқ кутмаганда немис дир-дир титраб, ялингансимон алланималар гапира бошлади.

— Ҳа, лаънати, бунча титрайсан, музда ўтирибсанми, қаддингни кўтар,— деди у кителини қўлидан олиб бир четга қўяр экан.— Танк орқасидан келаётганингда жуда бошқача кеккаясан-ку! Жонинг шунаقا ширинми! Қўрқма, биз одам емаймиз, одамхўр! Қани шимни ҳам чиқар!

Содиқ немис формасини қўлтиғига қисганича Шубиннинг олдига келди:

— Мана бу ёғи бўлди! Энди ким кияди? Ўзим киярдим-ку, қорамағизлигим халақит беради, фрицнинг менга ўхшагани бўлмаса керак, гумонсираб қолмасин. Яхиси сен кий, ҳар ҳолда ўхшашлигинт бор.

— Гапирмал! Унга ит ўхшасин! — Шубиннинг зардаси қайнади.

— Ўзинг эмас, афтиңг ўхшайди,— ҳазилга олди Содиқ. Барибир Шубин ён босмас эди:

— Афтим ҳам ўхшамайди!

Содиқ қараса, Шубиннинг чиндан жаҳли чиқяпти.

— Майли, ўзим кияман бўлмаса,— деди.

— Кийишга-ку кияман, лекин ўхшатмагин-да,— бўшаши Шубин.

— Ҳа, майли, ўхшамайсан, сира ҳам ўхшамайсан.

— Албатта, сира ҳам ўхшамайман.

Болаларча бу тортишув Содиқнинг кулгисини қистатган бўлса ҳам, лабини тишлаб, ўзини босди. Лекин Шубин ҳамон тийилмас эди:

— Ростини айтами, бурнинг фрицинига ўхшайди десанг, кесиб ташлашга тайёрман. Бунақа буруннинг боридан йўғи яхши! Шу формасини ҳам ўлганимнинг кунидан кийяпман, бўлмаса-чи, теккаи қўлимни уч марта совунлаб ювниб ташлайман. Фашист одамми! Ҳайрон ундан афзал. Ҳатто тегмасанг ваҳший ҳайвон ҳам сенга даф қилмайди, ёнингдан индамай ўтиб кетади, овчи бўлганман, биламан. Бу ифлос-чи, эшигингин очмасанг, турмини бузади, уйга киритмасанг, ўт қўяди. Тавба, шуларни ҳам одам боласи туққанми?

— Бўлмасам-чи.

— Ишонмайман, худо ҳаққи, ишонмайман!

— Гап туққанда эмас, дўстим, тарбия қилганда. Тарбия эгрини тўғри қилгандек, тўғрини майиштириб кетиши ҳам мумкин.

— Ҳей, ўша тарбиячисини...

— Ҳа, балли, эпди ўзингга келдинг. Айб ўша тарбиячисида. Бўлмаса қайси онаизор ўз боласини ёмон бўлсин дейди. Ким онасининг қорнидан бомба қучоқлаб, автомат ушлаб тушибди!

Содиқнинг кўз олдига ўз меҳрибон оиласи — «Жонблам хола» келиб кетди. У ҳамма оналарни ўзиникига қиёс этар, ўзинникидек мўмину муштипар деб фараз этарди. Ҳозир қаерда ўтирганиким? Содиқ жим бўлиб кетганидан хавотирдамасмиким? Содиқ неча марта унга

хат ёэмөкчи бўлади-ю, тағин бирорта ғаламис изига тушиб қолишидан чўчийди. «Сал ўзимни тутиб, суягим қотсин-чи», деб орқага ташлайди.

— Жуда ярашди,— деди Содиқ Шубин немис форсини кийиб бўлгач. Унга эриш кўриниб бўйнини сал бир томонга эгиб, кўзини қисган эди, Содиқ дарров гапини бурди:

— Ҳазил! Энди қиладиган ишингни биласан-а? Мана бу автоматни қорнингга тираб ол, гўё мени асир олгансану, ҳайдаб келяпсан. Гут? Гутми? Қани бўл!

Улар то маълум ергача биқинишиб, атрофни кузатиб боришли. Ҳамон отишма тўхтамасди. Энди осмонга самолётлар ҳам чиққан. Аллақаерга яширинган зенит тўпларининг ўқлари осмонда гуп-гуп ёрилади. Қаердадир станокли пулемёт сидирғасига ўқ узиб қолади, автомат тариллайди, тўплар гумбурлайди.

Содиқ билан Шубин бир қанча жойгача индамай боришли. Фақат оёқлари остида эзилаётган сариқ ўтларнинг шитир-шитири ва қўллари билан ёриб ўтаётган майда новдаларнинг шивир-шивири эшитиларди. Фронт анча четда қолди. Энди тўплар овози бўғиқ ва ер остидан келаётгандек эштилади.

— Четлаб кетиб қолмадикми?— деди Шубин бир вакт.

— Ҳозир!— Содиқ югуриб бориб бир тепага чиқди, ундан ҳеч нарса кўрмади шекилли, дараҳтга тирмашди. Унинг енгил чиқиб кетаётганини кўриб Шубин тегишиди:

— Мушук бўлиб кетинг-е!

— Керак бўлгандан кейин мушук бўлиб тармашмай, ит бўлиб олишмай нима иложимиз бор!— деди дараҳтдан тушиб келиб ва бошлаб кетди.— Сал четга ўтибмиз. Лаънати ҳалиям отиб ётибди.

— Ўқи тамом бўлмабдими!— кулиб қўйли Шубин. Унинг ёдига окондаги сұхбат тушган эди.

— Ҳозирча тамом қилмай, отиб тургани дуруст, бўлмаса ориентировкани йўқотиб қўямиз.

— Ундей бўлса, қани товонингизни мойланг, тезлатинг, дўстларга жабр бўлиб кетди.

Яна бир оз юришгач, тахмин қилинган ерга чиқишиди. Улар полкига ҳужум қилаётган немис қисмининг сўл қаноти шу ер бўлиши керак эди. Кузатиш буни тасдиқлади.

— Толгап жойини қара, Шубин, буюртма-я! Осмондан келиб қарамасанг, топиб бўлибсан, артиллериямизнинг қийналганича ҳам бор экан. Ҳовонча-я, ҳовонча!— деди Содиқ Шубинни ёнига чақириб. Чиндан ҳам немис миномётчилари қулай жойда эди. Лекин улар ҳозир, нима учундир, ўқ узмай турарди. Содиқнинг мақтаганини эшитгац, ўз позициясининг жуда қулай эканини кўзкўз қилаётгандек бирдан ҳаракатга келиб қолиши. Сал орқароқда телефон трубкасини қулоғидан қўймай турган биттасининг аллапималар деб берган буйруғи ва бир қўлинин кўтариб силташидан кейин ёнма-ён қўйилган миномётларнинг учаласи ҳам баравар ўқ узди. Тошибўронга ўхшаб миномёт қувурларидан кетма-кет чиққан миналар вишиллаб кўкка тикка кўгарилиб, кейин олдинга интилиб шўнғиди, сал ўтмай пақпир-пуқур ер қўпоргани эшитилди. Яна такрорланди. Яна...

Фронтда душманинг ўзини бамайлихотир тутишини ва ўқ узишини кўришдан даҳшатли нарса йўқ. Чунки ўзининг кучига ортиқча ишонганидай, қаршисидаги рақибини писанд қилмаганидагина, у шундай иш тулади.

Режа билан кетма-кет отилаётган миналар ўзининг бошига ёғилаётгандек, Содиқ ортиқ чидаб туролмади. Ёнида кузатиб турган Шубиннинг ҳам кўзида ўт ёнарди.

— Шубин,— деди Содиқ унга ўгирилиб,— қани бўл, мени олдинга сол! Ҳайдай! Тўғри миномётга ҳайдай! Лекин ўзингни тут! Қиттай хато ҳам иккаламизнинг бошимизни ейди.

Эгнидаги немис формасини ирганиб кўздан кечирган Шубин юзини буриштируди:

— Шу роль менга ёқмаяпти-да, Содиқ, уддалолман. Кел, сал нарироққача эмаклаб бориб, тўғри ўқ узверайлик.

— Йўқ!— қатъий қаршилик билдириди Содиқ.— Шу ергача келдикми, бу ёғига ҳам таваккал қиласиз. Тўртта-бешта расчётини ўққа тутган билан иш битмайди. Ўрнига бошқаси ўтади.

— Артиллерия бор-ку!

— Артиллерия! Артиллерия дейдиган бўлсак, ҳозироқ орқамизга қайтиб, хабар қилишимиз мумкин. Лекин ўшангача булар жойида турадими, кўчиб қолсанима бўлади? Кел, қўй, дўстим, битиб турган ишни ор-

қага сурма! Қани, бўл, автоматингни қорнингга тира!
Мен кетдим. Маслаҳат бояги!

Содиқ «келишдикми?» дегандек, орқасига бир қараб, ёқасининг тұгмачасини ечди, бошидан пилоткасина олиб чұнтағига тиқди, гүё асир қиёфасига кирди.

— Мана буни ҳам осиб ол. Ұлжанг! — деди автоматини узатиб, кейин беш-олти қадам қорни билан сурилиб бориб аста турди, құлнини баланд құттарғанича юриб кетди. Роли ёқмаган Шубин иоилож қолиб, кетидан автоматини ўқталиб йўлга тушди.

Содиқнинг бир нарсадан қаттиқ хавотири бор эди: немислар шошиб қолиб орқадаги «немис» Шубинни кўрмай қолиб, бирдан ўқ узиб юборса борми! Лекин бошқа бир томондан кўнгли тўқ эди: уруш бошлангандан бери узлуксиз олға юравериб, кибри ҳавога берилган немис, чекинавериб гүё жанг жонига тегиб кетган «руслар»нинг бунчалик ҳийла ишлатишига ишонмаслиги мумкин. Үннинг назарида гүё совет аскарларининг қаршилик кўрсатгиси йўқ, фақат коммунист командирлар ва комиссарларнинг зўри билан бунга мажбур бўлмоқда. Бу қаршилик ҳам гүё узоққа бормайди.

Содиқ ўз позициясида бамайлихотир иш кўраётган душманни илк бор кўриши эди. Шунинг учун бўлса керак, уларга очиқ-ойдин кўзи тушиши билан эти жимирилаб, бенхтиёр бораётган кишидек кўнгли алланечук бўлиб кетди. У мўлжаллаган ергача ўзини тутолмай қолиб, ишнинг пачаваси чиқишидан қаттиқ қўрқар эди. Ана шунда у фавқулодда бир куч билан ўзини босиб, кўнглида: «Содиқ, бу умрингнинг синови, йигит бўлсанг ўзингни тут. Ё устидан, ё остидан. Яшашни-ку билардинг, зарур пайтда уддалаб ўла билиш ҳам бир санъат» — деди-ю, қадамини дадиллаштириди. Лекин бу дадиллик эҳтиётсизлик эканини, душман пайқаб қолиб, шубҳага тушиши мумкинлигини фаҳмлади-ю, яна дарров ўзини «тақдиридан нолиб» бораётган ҳарбий асир ҳолатига солиб олди, қўлларини шалвиратиб баландроқ қўтарди. Аммо энди яққол кўрина бошлаган немислардан кўзини узмас, мўлжалланган ерга етгуинча зарурат туғилиб қолса ўзини қаёққа олиш, қандай қаршилик кўрсатишни кўнглидан ўтказиб, ён атрофини кузатиб борарди.

Шубин эса, асабий бир сергаклик билан автоматини қорнига тираб, уни ҳайдаб борар, «ҳайдаб бораётган

асири»дан кўра, кўзи немисларда эди. Содиқнинг «Сен ўзингни тут, икки кўзинг менда бўлсин, иложини қилолсанг, мамнун одамдай сал кулиб тур, мабодо немис дурбиндан қараб қолса, гумонсирамасин!» деганини ҳозир унтиб бўлган эди. Гўё у олдида ҳамма нарсадан умидини узгандек хомуш бош эгиб, лапанглаб, баъзан туртиниб-суртиниб бораётган Содиқни кўрмас эди. Содиқ буни пайқагандек турқини бузмасдан лаб учидан аста шивирлади:

— Шубин, ўзингни қувноқроқ тут!

Ана шундагина Шубин ҳайдаб кетаётган «асири»нинг соchlари ўсга, ўртаси чуқур бўйинни, шалпанг қулоғини кўрди. «Нега қулоғининг шалпаниглигини аввал пайқамаган эканман? Ё ҳозир кўзимга шунақа кўриняптими?»— деб қўйди кўнглида Шубин. Шу маҳалда эсига шунақа бўлмагур нарсалар келганидан ўзи ажабланниб, сал жилмайиб қўйди. «Йўқ,— деди кейин ўзига ўзи,— ҳозир бундай бўлмагур нарсаларни ўйлайдиган пайт эмас, бутун диққатим шу қаршидаги немисда бўлиши керак. Ҳа, ростанам, ҳали ўз вақтида Содиқнинг автоматини ўзига беришим зарур-а! Яна ёдимдан чиқиб қолмасайди! Йўқ, нега эсимдан чиқсан, асосий вазифамдан бири шу-ку! У ёрдамлашмаса бир ўзим ёлғизлик қилинб қоламан. Ҳа, шу пайтда Содиқ нимани ўйлаб кетаётганини? Бирдан немис ўқ узиб қолса бошлаб уни майиб қиласди-я! Йўқ, унга тегмаслиги керак, мен шундай чаққонлик қилишим керакки, у зарар топмасин. Унинг юраги увшашётганминин? Увшса керак. Ҳар ҳолда қўлида қуроли йўқ. Қурол кишига катта далда. Йўқ, юраги увшаса керак, увшса, чўчиса, немисни пайқаши билан «бўлди, қани әниди қайтдик, жуда нокулай жойда экан, артиллерияга айтсак, ўзи боплайди!» демасмиди! Мен сал ишора қилганимда ҳам унамади. Демак ўзига ишончи зўр. Бу ишончмикин ёки душманга нафратмикин? Қиши душмандан қаттиқ нафратланса, кўзига ҳатто ўлим кўринмайди, дейишади. Шу жуда тўғри. Буни ўзимдан қиёс қилсан бўлади. Агар немис менинг бола-чақамни кўчада сарсон қилинб, ўз кучим билан тиклаган хатами ёндириб ташламаганида, балки ундан бунчалик нафратланниб, дарғазаб бўлиб, мана бундай қалтис ишга рози бўлмаган бўлар эдим. Бундай десам, Содиқка қандай алам ўтган? Унинг юрти узоқда, бола-чақаси тинч-ку. Йўқ, юрти узоқлиги тўғри, лекин оиласи тинч эмас. Шу

немис туфайли тинчлиги бузилган. Ҳаловати кетгап. Демак, уннинг ҳам дарди бор. У узоқдаги уйига ўт қўядиган, оқ соч онасини қон йиглатадиган фашистнинг қўлинин шу ерда, худди шу рус ерида узиб ташла-моқчи!

Шубинчувалиб кетгап ўйи билан бўлиб, бундоқ қараса, Содиқ анча узоқлашиб кетиб қолибди. «У чопади, немис қочиб кетаётгани йўқ-ку! Е асаби бардош беролмай қолишидан қўрқяптими? Йўғ-е!» деб кўнглидан ўтказди, немис уни ёлғиз пайқаб, бирдан ўққа тутиб қоладигандек қадамини тезлатиб, етиб олди.

— Ана, биттаси бизни пайқади! — деди Шубин салдан кейин.

— Кўриб турибман!

Содиқ немиснинг бунчалик кеч пайқаганидан хурсанд эмас эди. Бирортаси шошиб қолиб, ваҳима кўтариши мумкин эди. Йўқ, ундаи бўлиб чиқмади. Ҳаммадан аввал пайқагани югуриб бориб, телефон трубкасини кулогидан қўймай, минадан бўшаган темир қутилар устида ўтирган офицерга хабар берди. У бир лаҳзагина трубқани қулогидан узоқлатиб дурбинини қўлига олди, бош яланг, ёқавайрон, ҳолдан тойгандек гандираклаб келаётган «асир»га қаради. Уннинг орқасида мамнуният билан автоматини қорнига тираб келаётган «немис автоматчисини» кўриб бир зумда юзига табассум сочилди. Хабар берган солдат оппоқ тишларини кўрсатиб, нималардир деди. Бу орада бошқалари ҳам пайқаб, «қани, берироқ келсин-чи, бу қанақа коммунист экан, бошида шохи бормикин?» дегандек мўлтиллашиб, турган ерларнда қотиб қолишиди. Содиққа шу керак эди. У дарров уларни санаб чиқди. Дурбинли офицерни алоҳида назардан ўтказди. Худди шу вақтнинг ўзида, мабодо улар чекингудек бўлса, қайси томонга қочишларини ҳам тахмин қилиб қўйди. У Шубин билан келишиб қўйган шартига кўра, муқкалаб кетган кишидек бир ҳаракат қилди. Шу лаҳзада қиласига ишини хаёлидан қочирмай келаётган Шубин, фавқулодда бир эпчиллик билан қўлидаги автоматни унга иргитди ва ўзи ёнидаги «ўлжা» автоматга ёпишиди.

Эстафетада қўлига калтакча тегиши билан бирдан чопишини тезлатган чопқирдек, Содиқ автоматни илиб олган замон ўт очди. Кутимаган бу ҳодиса немис мино-мётчиларининг бир нечтасини турган еридаётқ ертиш-

латди, қочишга улгурганини эса, ўқ қувиб етди. Содиқ мильтиқдан нишонга олиб отишга ўрганиб қолганиданми, автомат қўлига тегиши билан олдинга ташланиб, бир тўнка устига автоматини қўйиб ўқ ёғдирмоқда эди. Ундан сал чапда Шубин тик турганича ўқ сочар эди. Содиқ атрофга қараб, оёқ устида бирорта ҳам немис қолмаганини кўрди-ю, олдинга югуриб кетди. Лекин нимага юргурганини ўзи ҳам билмади, осмонга оғзини очиб турган миномётлар олдига бориб тўхтаб қолди. Унинг орқасидан етиб келган Шубин «энди бу ёғи нима бўлади?» дегандек, Содиқдан кўзини олмасди. Кутимаган муваффақият уларни шошириб қўйган эди. Ахир немисни битта ўқ узишга қўймаслик, енгил гапми?

— Қани сен атрофни кузатиб тур! — деганича Содиқ немис солдатлари ёрдамга келишини гумон қилган томондаги тепаликка югуриб чиқиб кетди, разведкачилардагина бўладиган зийраклик ва қувалик билан атрофга кўз ташлади. Бу ёқдан хотиржам бўлди шекилли, Шубинга:

— Қани, миномётларини ишдан чиқар. Шундай қилгинки, бирортасидан отиб бўлмасин! — деди ва ўзи ўша ерда кузатганича қолди.

Дўстининг ишонч билан берган буйруғидан ғайратланиб кетган Шубин бошлаб миномётларининг узоқлик ва отиш бурчагини белгилайдиган асбобларини мажақлаб ташлади, кейин ўзини ағдариб, мумкин бўлганича пачақлади, синдириди-ю, «тағин нима қолди!» дегандек орқасига қараб, ётган ерида Содиқни нишонга олаётган немисга бирдан кўзи тушиб қолди, «қоч, Содиқ!» деб уни огоҳлантиргунича бўлмай ўқ унинг ўзини оёқдан йиқитди. Ўқ товуши билан ҳушёр тортган Содиқ ёнига ўгирилиб, эгилганича қочиб кетаётган немисни кўрди. Турган жойида ўқ узиб қўя қолиш ўрнига, нима учундир Содиқ уни қувиб кетди. Бутун жони фақат бўйнида, бўйнини яширса бошқа ерига теккан ўқдан зиён кўрмайдигандек, бўйнини икки елкаси орасига қисиб олган фриц пилдирлаб борарди. Содиқ эса, бўрига ташланган чўпон итидек қувар, ўқ узиш хаёлига ҳам келмас эди. У энди қувиб етиб, орқасидан ёқасига чангалини солай деганда немис ўзини таппа ерга ташлаб, ағдарилди-да, унга ўқ узди. Ўқ Содиқнинг шундоқ қулоғи остидан шанғиллаб ўтиб кетди. Қўрқув аралаш нафратдан дарғазаб Содиқ чопиб кела туриб унинг тўппонча ушлаган қўлига бирни

тепди. Түппонча учиб кетди. Немиснинг қўли оғриди шекилли, бўғилганга ўхшаш бир овоз чиқариб, жон ҳолатда оғзиға ўша қўлини тиқди. Лекин қаршисидаги қора терга тушиб, ҳаллослаб турган қорамағиз совет жангчиси унга қўлининг оғриғидан ҳам даҳшатли қўриниб кетди. У, қўл экан-ку, ўзини сафдан чиқариши мумкин эди. Қўрқув ичидан буни фаҳмлаган немис оғриқни унутиб, ётган ерда иккала қўлини барада кўтарди.

— Даюс, аҳволинг шу экан-ку, ўқ узиб нима қилардинг,— деди энтикиб Содиқ ва аламдан титраб биқинига бирни тепди. Немис юзининг томири тортишгандек буриштириб, «хиқ» этиб қўйди, лекин қинидан чиқиб кетай деб чақчайиб турган кўзини ундан олмас эди. Содиқ қаёққа юришини автоматининг учи билан кўрсатиб:

— Тур тўнғиз, олдимга туш!!— деди.

Немис, иштонига булғатиб қўйиб, онасининг шапатисини юрак ўйноқилик билан кутаётган гўдакдек кўзи жавдираб, олдинга тушди. У шу маҳал, Содиқ отиб ташламасликка ваъда берса, ит бўлиб акиллашга, чўчқа бўлиб чийиллашга тайёр кўринарди.

Содиқ уни олдига солиб, Шубиннинг ҳузурига келганда у ўқ теккан ярасини боғламоқда эди. Немис «мана энди, мени унинг кўз олдида отади! Ёки унинг ўзига оттиараммикин?» дегандек жуда эсанкираб қолди. У Содиқнинг:

— Кўрдингми, ифлос, қилган ишингни? Онангнинг ҳақи бормиди унда!— деганига тушунмай гоҳ унга, гоҳ бармоқлари қон Шубинга кўзини лўқ қиласади.

Содиқ, немиснинг ўзидан нарироқда орқасини ўғиртириб қўйиб, Шубиннинг ярасидан хабар олмоқчи бўлган эди, немис «мени отгани тўғирляяпти» деб, бағиллаб оғзи остига ўзини ташлади, улар билмаган тилда шафқат сўради, йиғлади, ёлворди.

— Ҳолинг шу экан-ку, ифлос, тағин аслзодалик, қаҳрамонлик даъво қиласан. Ўтир бўлмаса, мен унинг ярасидан хабар олай,— деди Содиқ ва Шубиннинг ҳолини сўраб, ярасини боғлашга ёрдамлашди, қўлидан ушлаб турғизди.

— Уҳ!— деди Шубин оғини босмоқчи бўлиб.— Ишим чатоқ, юриб бўлмайди.

— Хотиржам бўл, сени юргизмаймиз, олиб кетамиз,— деди Содиқ ва немисга ўгирилди,— қани, жаноб олни

ирқ, бир эшаклик қилинг,— кейин Шубинга қаради.—
Бунга опич! Олиб боради, олиб бормасин-чи. Бекорга
уни қувиб, ушлаб келдимми!

Фриц Содиқнинг ишорасини тушуниб, тирик қолиши-
га кўзи етиб, қандайdir миннатдор боққанича елкасини
Шубинга тутди.

— Тортинма,— деди Содиқ ийманаётган Шубинга,—
бизнинг шунча бегуноҳ қишиларимизни қонга ботирган-
да, бир марта эшак қилиб минисанг минисан-да!

Содиқ миномётчилар позициясидан чиқиб чакалак-
зорга кириб олгунча немислар билиб қолишидан, мабодо
отишишга тўғри келса ёлғизлик қилиб қолишидан юраги
чўчиб борди. Бугун унинг баҳти ростакамига кулган
экан. Ҳеч қандай ҳодиса рўй бермасдан етиб олди.

Уни қарши олган штаб бошлиғи Шубинни опичлаб
келаётган асир немис ефрейторини кўриб, тегиши:

— Сопини ўзидан чиқарисиз-ку!

Содиқнинг қисқача рапортини эшигиб яна ҳам қуво-
ниб кетди.

— Хилватга ўтиб, минабозлик қилиб ётган экан денг,
о, лаънатилар-е! Боплабсизлар!

Бу сухбат устига чиқиб қолган полк комиссари улар-
нинг гапига бир оз қулоқ солиб, кўзойнаги тепасидан
қараб турди-да, кўзойнаги халақит бераётгандек, қўли-
га олди, бир қулогнинг орқасига ҳовучини қўйиб тинг-
лади. Сўнгра мамнун термилганча бир қадам олдинга
юриб, Содиқнинг елкасига қўлини ташлади.

— Мана бу матонат! Мана буни маҳорат дейилади!
Балли, сизларга! Сизнинг ярангиз оғир эмасми?— деди
кейин Шубинга. Уни тезда санбатга жўнатиш ҳақида
фармойиш берди, самимий сўзлар билан кўнглини кў-
тарди.— Ишонаманки, сизларнинг бу қаҳрамонлигини-
гизни қўмондонлик керагича тақдирлайди. Энди дам
олинглар.

Шубинни носилкада санбатга олиб кетар эканлар,
Содиқ анча ергача эргашиб борди. Ўзи соғ-саломат қо-
либ, у яралангани учун бир нима демоқчи бўларди-ю,
нима деб гап бошлашини, тўғриси, нима дейиншини бил-
мас эди.

— Оғайнин,— деди у Шубиннинг қўли устига қўлини
қўйиб,— мендан хафа бўлмайсан...

— Нимага?

— Лаънатининг сенга ўқ узганини айтмайсанми...

— Сенга отса яхши бўлармиди? — ўзини зўрлагандек кулди Шубин.

— Шундай бўлса ҳам... яхши бўлмади,— деди иймануб Шубин.

— Борди-ю, нобуд бўлганимда нима қиласдинг? Бунинг отини жанг дейдилар, ҳаёт-мамот жанги. Қурбон бўлишимиз ҳам мумкин. Ҳаммасини бўйнимизга олиб майдонга кирганмиз, дўстим. Бу ерда сенинг нима гувоҳинг бор!

— Шундайку-я... — иқрор бўлиб бўшашди Содиқ.

— Лекин сен мени кечиришинг керак, Содиқ. Мен сенга бир беодоблик қилиб қўйганман.

— Беодоблик?

— Ҳа. Катта беодоблик. Биринчи марта учрашганимиз эсингда борми?

— Ҳа, бор.

— Шунда сендан шубҳаланиб, саволлар берганиман. Эсингдами?

— Тўғри қилгансан. Мана шеригим пачоқ чиқиб қолди-ку! — деди Содиқ хижолатомуз бир оҳангда.

— Шеригингни гапирма. У одамми! Қоши хунук эди! Ахир мен унимас, сени сўроқ қилганиман.

— Содиқ қараса, Шубин ўша қилган ишидан хижолатда. Жўрттага ҳазилга бурмоқчи бўлди:

— Сен ҳали ҳам ўшани эслаб юрибсанми? Менинг хаёлимдан ҳам кўтарилиб кетибди. Ўзи қачон бўлган эди?

— Биласанми, Содиқ, кишига ишонмасликдан ёмон нарса дунёда йўқ.

— Биламан! Жуда яхши биламан, дўстим, қалбинингга ништар бўлиб ботади.— Содиқ ўзининг шубҳа ва туҳмат билан қамалганини эслаган эди.

— Ана шунинг учун ҳам сен мени кечиришинг керак.

— Аллақачон кечириб юборганиман.

— Менинг гўллпгимни қара, келиб-келиб сендай одамдан шубҳа қилибман-а! Бу калламас мендаги, қовоқ, хом қовоқ.

— Үндай дема, Шубин, мен хафа бўламан. Қани ҳаммада ҳам сеникайдай бошу юрак бўлса!

— Шундайми? Чинингми?

— Чиним!

Икки ўртоқ ўпишиб хайрлашди.

Содиқ унинг орқасидан узоқ қараб қолди.

Содиқ билан Шубининг шу қаҳрамонлигидан ҳабар топган фронт газетаси, мухбирини юбориб, Содиқ билан суҳбат уюштири ва суратини олиб кетди. Бир неча кундан кейин каттагина материал билан сурат босилиб чиқди. Гарчанд бу жанговар очеркда мухбир ўзидаи ҳеч нима қўшиб-чатмаган, имкон борича бўлган воқеани ҳалоллик билан тасвирлаб берган бўлса ҳам, Содиқ ўзини аллавақўтгача ноқулай сезиб юрди. Ҳаммадан ҳам сурати чиққанига хурсанд эмас эди. Фронт жангчи, командирларига ибрат қилиб босилган бу сурат Содиқ учун ёмонликка хизмат қилиши мумкин эди. Ахир Содиқ, ўзининг қилган гуноҳини — қочоқ эканини бирор лаҳза унутмас, баъзан бу нарса қалбини исканжага олиб эзарди. Борди-ю, унинг қочганидан хабар топишган бўлиб, қидирув эълон қилишган, ўша қидирувчилар қўлига шу сурат тушиб қолса борми!

Содиқ ана шуларни ўйлаб беш-олти кун қаттиқ бозовталаниб юрди. Мухбириниг илтимосини астойдилрад этиб туриб олмаганига ачинди. Ахир, йўқ, керак эмас, деб оёғини қаттиқ тираб турганда зўрлаб суратга олмас эди-ку. Тўғри, камтарлик қилган кишидек бўйин товлади. «Шубин тузалиб чиққанди, бирга оларсиз. Ик-каламиз борганимиз» деб баҳоналар кўрсатди, суратга тушишни ёмон кўришини ҳам айтди, мухбир кўнгандай бўлган ҳам эди-ю, полк комиссари кириб қолиб, ишин катта қилиб юборди:

— Албатта сурати билан беринг, бу кичкина иш эмас. Қандай жанг қилишини бошқалар ўрганишсин! — деб слоҳида таъкидлади. Ноилож қолган мухбир «айб менда эмас, комиссарингиз илтимоси» дегандай аппаратини тўғрилади. Содиқ ҳам ичидан зил кетганича бир нарса деёлмади. Мана ўша сурат газетада. Кичиккина бўлса ҳам майли экан, каттагина. Яна бирам тиниқ чиқибди!

Содиқнинг уйқуси қочиб ташвишланганича ҳам бор эди.

Уни бир маҳал терғов қилган Чуханов ана шу дивизиянинг оператив группасида эди. Уруш бошланиб, фронтда унинг касбидаги кишиларга ҳам зарурат туғилгандан сафарбар қилинганди ва бир қанча вақтдан бери шу ерда эди. У эрталаб нонуштадан туриши билан унинг ҳазилкаш ўртоқларидан бири:

— Элатнингизнинг қаҳрамонлиги билан табриклаймиз, ўртоқ Чуханов! — деб тегишиди, қўярда-қўймай қўлини олиб сиқди.

— Қанақа злат? — бепарвогина сўради у.

— Ахир ўзбекистонликмисиз? Мана, марҳамат, элатнингиз билан танишувингиз мумкин!

Ҳазилкаш дўсти артистона ҳаракат билан газетанинг унга узатди. Чуханов газетанинг учинчи бетидаги Содикнинг суратини кўрди-ю, таниш одамини учратгандай бирдан юзи ёришиб кетди. Лекин қандай таниш эканини ҳадеганда хотирлаб ололмади. Унинг қувонганини кўрган ҳазилкаш ўртоғи яна тегниди:

— Таниш ҳам чиқиб қолдими? Демак, яримтага эрийсиз. Шу бугун кечқуруп столга қўясиз, ё ҳозир ташкил килиб юборасизми?

Чуханов индамади. У кўнгилсиз бир нарсани эслагандек юзидағи табассум пардаси туширилаётган саҳнадек йиғиштирила бошлади. Унинг бит кўзлари бир нуқтага қадалиб, сочсиз кенг пешонаси йилтиллади. У Содикни танигандек бўлди. «Наҳотки у? У қандай қилиб фронтга тушиб қолади? Йўқ, у эмас. Бирор ўҳшашидир», деб ўйлади Чуханов ва суратга яна тикилиб қаради. Узидан узоқроқ тутиб қаради. «Йўқ, худди ўшанинг ўзи!»

Бу сурат унга қизиқ бир жумбоқ бўлди. Ҳазилкаш ўртоғидан бир амаллаб қутулиб, ўзига ажратилган хонага кирди. Очеркни ўқиб чиқди. Суратни яна қаршишига қўйиб мулоҳаза юритди, тагига етолмади. Совет ҳокимиятидан дакки еган Содикдек бир одамнинг бунчалик матонат билан жанг қилишига, оддий тўқнашув пайтида эмас, балки ўз хоҳиши билан талаб этиб бориб қаҳрамонлик кўрсатишига Чухановнинг ақли бовар қилмас эди. Ахир бундай мардлик фронтда ҳар куни содир бўлавермайди. Очеркка кўз югуртириб туриб, полк комиссарининг у тўғрида айтган сўзини ўқиди: «Она-Ватанини жону дилидан севган кишигини, душманга қаҳруғазаб билан тўлиб-тошган жангчигина бундай мардлик кўрсатишига қодир!»

Чуханов бу фикрга қўшилди. Лекин у билган Қўчкоров шундай ишга қодирмиди?

Чуханов Содик масаласига жуда қизиқиб қолган эди. Бир хаёл билан ўзи ўша қисмга бориб, суриштириб келмоқчи бўлди. Аммо бу ерда вақти зиқлиигига ачиниб.

ўрнига бир ёрдамчисини юборди. Уни узатар экан, тайинлади:

— Штабга кир, ҳужжатларини кўр. Агар командири коммунист, ишончли киши бўлса аста сұхбатлаш: қачон, қаердан келган?

Эртасига ёрдамчи доклад қилди:

— Штабда ҳеч қандай ҳужжатлари йўқ. Қисм қуршовдан чиққан куни йўлдан қўшилган. Гунов куни немис томонига қочиб ўтиб кетаётганни отган ҳам шу жангчи экан. У қочган ўз ҳамроҳи, ҳамшаҳари бўлган.

Чухановнинг яна шубҳаси ошди. Содиқ, у билган Қўчқоровга, ўзи тергов қилган Қўчқоровга ўхшаса ҳам, унинг ватанпарварлик ишлари ўхшамас эди.

— Ажабо!— деди у бошпни чанглаб,— бу қанақаси бўлди? Бунақасини ҳеч учратмаган эдим.

У яхшилаб текширишга қарор қилди.

Худди шу куни кечқурун Содиқни ўзига яқин тутадиган, айниқса мана шу машҳур воқеадан кейин у билан фахрланиб юрган взвод командири уни бир четга чақириб, дивизия штабидан оператив ходим келиб, уни суриштириб юрганини айтди.

— Бу нима қилишгани? Бирор ишинги ўйқми?— деди.

Содиқ «йўқ!» деди-ю, юраги «шув» этиб, орқасига тортиб кетди.

8. ХОИН ВА ЖОСУС

Мирсалим ҳам ўша куни Қодирни кўрган эди.

Аввалига «Қодир бу ерда нима қилсан?» деб гумонсиради. Кейин синчиклаб қараса ўша, худди ўша зумрашанинг ўзи! Нима учундир у ҳатто бошқалардан ажралиб турарди. Мирсалим уни таниди-ю, баданини чумоли талагандек тирноғигача жунжиб кетди. Лекин Қодир уни кўрган-кўрмаганини аниқ билмас, шундай бўлса ҳам юзма-юз туришга бардош беролмай, орқасини ўгириб олишга мажбур бўлди. Бу билан ҳам кўнгли тинчимади. Қодир ҳамон унга кўзини ништар қилиб қараётган, бу ништар орқасини тешиб юбораётганга ўхшарди. Назарida, у югуриб келиб «ҳали сизнинг ичингиз билан ташқингиз бошқа-бошқамиди! Кўкракка уриб «шўроларга жон фидо!» деб юришларингиз пах-

тавон гаплармиди!» деб ёқасини тутиб, акасининг хунини талаб қилаётган, машинадан тортиб тушпраётгандек туюларди. Ана шунда янги бошлиқлардан бир оз ўпкалади: ҳа, хўп, ўз розилигимиз билан легионнингга ёзилганимиз тўғри. Лекин нега бу лагерга олиб келиб, дўст-душман олдида кўз-кўз қилиб юрибсан! Тўғри олиб кетаверсанг бўлмасми? Энди нима бўлди? Кишининг кўнгли хижил, хира: калтакесак чақмаса ҳам, кўзинг тушса этинг сесканади-да!

Иштонсизнинг ҳадиги чўпдан, дегандек, то машина гуриллаб, орқасига тутун қайтариб лагердан чиқиб кетгунча Мирсалимнинг ичидан қиринди ўтди. Ташқарига чиққандан кейин бундоқ қараса, баданида терга ботмаган мўйи қолмабди!

Мұҳтарам китобхонининг эсида бор, Мирсалим ўша фронтга тушган куннёқ отишмадан қуёндек дир-дир титраб, ўтирган окопида қолаверган эди. Бир маҳал ҳуши ўзига келиб, окопдан бошини чиқариб қараса, немислар жанг майдонини хазончинак қилиб юрибди. «Дам шу дамдир, ўзга дамни дам демал!»— деди-ю, милтигини окопда қолдириб иккала қўлини кўтариб, бров «Ие, сен тирик экансан-ку!» деб тарс этиб отиб қўядигандек баланд кўтариб, то немис пайқаб териб олгунча тоғ уни-сига, тоғ бунисига кўзини лўқ қилиб турди, беллари толиб, кўзлари тиниб кетди. Бир очатқи немис «окопдан чиқ!» деб ишора қилиши билан лип этиб олдига тушди. Уруш бошланиши билан ёдлаб машқ қилган немисча сўзларидан битта-иккитасини аранг эслаб, нимадир деди. Немис илжайиш ўринига хўмрайиб қўйди. «Немисчани билмайдиган немис шекилли бу» деган хаёл билан бошқа хушомад қилмади. Ўқ товушлари узоқлашиб кетганига шукур қилиб, немис имо қилган томонга қўйдек кетаверди. Уни сойда, бир катта шохи бомбадан синиб, осилиб қолган эманининг соясида ўтирган кишиларга олиб бориб қўшиб қўйди. Улар ичida оёқ-қўли бутун ёлғиз у эди. Шунинг учун бўлса керак, эманга суюниб ўтирган, бир оёғи узилиб тушган сержант у келиши билан «давангидай бўлиб соғ-саломат асир тушгани уялмадингми?» дегандек бир хўмрайдики, Мирсалим кайфи тарқаган кишидек ҳушёр тортиб, гандираклаб кетди, ўзини унинг кўзидан четга олди.

Мирсалим лагерга тушинши билан ҳеч кимга тузуккина аралашмади, ўзини якка тутди. Лекин у ўлимдан

қаттиқ қўрқар, бир ери сал санчса ҳам ваҳимага тушиб, худога иола қиласади, фиштнинг орасига кўмиб кеслағи, бувасидан қолган уй-жой, ер васиқаси кўз олдидан пир-пир ўтаверарди. Бу мол-мулклар у ўлиб, яна аллакимларга қолиб кетаётгандек ич-ичидан ёниб-куярди. Қизи Азида ҳам яхши чиқмади. Агар у отасининг измидан чиқмай, нима деса, лаббай деб турганида бирор тагли-тахтли йигитга узатган бўларди. Тагли-тахтли куёв албатта унинг сўзини иккита қилмас, фарзанд ўринини босиши мумкин эди. Шунда хотиржам бўлиб, ўша васиқаларни унга бериб келган, бирор баҳтсизлик рўй бериб (иссиқ жон-да!) қайтолмай қолса, у вақти соати келгандага ворис сифатида мулкни ундирган бўларди.

Мирсалим шуларни ўйлаб, оч-наҳор қолиши ҳам кўзига кўринмай юрган кезларда бир куни Али Намхон келиб қолди. У кўзига најоткор бўлиб кўриди, унинг эскича бир талаффуз билан муллабаччалардек юмшоҳ гапиришидан эриб кетди. Уруш бошлигандага йилтиллаб, фронт ва лагерга тушиши билан устини даҳшат кули босгани умид учкуилари яна чақнади. Ҳаммадан ҳам Али Намхон: «Эй, турк ўғлонлари, ғафлат уйқусидан энди уйғонинг! Ислом байробини поклаб, юкори ту-тинг!»— деганида кўзига ёш қалқиб келди. «Эй, хизир назар қилган банди, тур, энди ўз жойиннга ўт»,— деди-ю, биринчи бўлиб қўйл кўтариб чиқди. Шу онда қизипни тагли-тугли куёвга чиқариб, васиқани унга бериб келмаганидан хурсанд бўлди: ўзи ғолиб кириб бориб барчасини ундириб олади, даври-даврон суради!

Мирсалим Қодирни кўриб қолгунича мана шу ширинг хәёллар оғушида масти аласт эди. Қодир унинг ором-баҳш тушини бузиб, бирдан уйғотиб юборган кишидек даҳшатга солди. Ахир у Содикнинг укаси эди. Акасининг қамалишида унинг қўли борлигини яхши билмаса ҳам, ҳар ҳолда гумони бор, шу гумонини Али Намхонларга сал билдиrsa борми! Хайрият, Қодир бундай қиммади. «Бу ҳам худонинг марҳамати» деган Мирсалим машина лагерь дарвозасидан чиқиши билан оғир бир уҳ тортиб, шукроналик қилиб қўйди.

Машина шу кетганича ҳеч қаерда тўхтамай, уларни поездга солди. Кузатувчилар эртасига поезддан тушиби, яна машинада олиб кетди. Машина Германия босиб олган мамлакатлардан бирининг катта шаҳри ёнидаги ҳарбий лагерга олиб келиб ташлади. Шу куниёқ уларни

ҳаммомга тушириб, немис формасини кийдиришди. Форма немис-фашист солдатиникининг айнан ўзи бўлиб, фақат ёқасига «Олло, Туркистон биз билан» деб ёзиб қўйилган эди. Бўлинмаларнинг командири немислар эди.

Уч кун ўтгач Али Наймхоннинг ўзи келди. «Ассалом, турк ўғлонлари! Шонли ишларингизни олло хайрли қилин» деганидан кейин, барча билан бир-бир сұхбатлашди. Навбатини сабрсизлик билан кутиб турган Мирсалим, у якка-якка қабул қилаётган хонага бисотидаги бутун иззату икром ва назокатини ишга солиб кириб борди. Гарчанд устида ҳарбий форма бўлса ҳам, мулла-баччалардек қўл қовуштириб, қаддини эгиб турди. Али Наймхон сұхбат бошлади:

- Номи шарифингиз, афандим?
- Мирсалим Мирзоҳидий.
- Гўзал Туркистонимизнинг қаеридан бўладилар? У ерда ҳам шу ном билан юармидилар?

Мирсалим гап фамилияси охиридаги «ий» қўшимчаси ҳақида бораётганини тезда фаҳмлаб, айборларча ишшайди.

- Асли шундай эди, кейинчалик...
- Тушунарли!— Али Наймхон «бас, кўп эзмалик қўлма» дегандек унинг сўзининг дамини қайтарди. Лекин қўполроқ чиқиб қолганини ўзи ҳам пайқаб қолди шекилли, кетини табассум билан юмшатди.—«Мир», «амир» сўзининг ихчамлаштирилгани эканини биладиларми?
- Ҳавво, тақсир!— мамнун тиржайди Мирсалим.
- Мадрасада таҳсил кўрганимдилар?
- Бир оз. Қолгани уйда бўлган.
- Жуда яхши! Жуда яхши! Қуръони шарифдан ҳабарлари бордир, албатта?
- Бор, афандим, бор.

Қани бўлмаса, бирор суро тиловат қилсиплар. Кўпдан бери ватандошимизнинг табаррук овозларини эшитганимиз йўқ.

Мирсалим кўрсатилган ерга одоб билан ўтириб, биринки томоқ қирди. Қайси сурани яхши билишини хаёлидан ўтказди. Кейин қаршида турган Гитлернинг суратига кўзини тикиб, иккала қўлини тиззасига қўйганича бутун санъатини кўрсатиб қироат бошлади.

Али Наймхон бошими сал бир томонга эгиб қулоқ

солди, лаби билан нималаридир пичирлаб қўйди. Қироат тамом бўлиб, фотиҳа тортилганда, у ғайри ислом кишиларидагина бўладиган бир қовушимсизлик билан қўлини юзига олиб борди. «Мусулмонлиги бенакдур, лекин қўли бундай шшлардан чиқиб кетибди. Бўлмаса, қуръон ўқилган пайтда бош яланг ўтирамиди. Олло ўзи кечирсан!» деб қўйди уни кўриб Мирсалим.

— Сизга бир хизматни топшириш ниятида турибман,— деди Али Наимхон қуръон тиловатидан кейин чўккан жимликни бузиб,— албатта рад этмасалар кепрак.

Али Наимхон ўзига «тақсир», «кафандим» деб мурожаат этилишини хуш ёқтиради. Буни келган куннёқ кимдандир эштиб, кўнглига туғиб олган Мирсалим шу торни зарур-нозарур черта бошлиди:

— Бош устига, афандим! Гўзал Туркистонимиз шаъни-шукуҳи учун ўтга киришга ҳам розимиз, тақсир!

— Ҳа, балли! Офарин! Олло ниятингизни берсин!— деди Али Наимхон, гарчанд ёш жиҳатидан Мирсалимдан фақат икки-уч ёш катта бўлнишига қарамай ўзини улуғвор ва юксак мансабдор сифатида тутиб. Мирсалим эса, хушомад билан баттар чўкиб борарди:

— Ташаккур, афандим!

— Ёшларимиз ислом расми-русларидан анча бегона бўлиб қолибди. Бу, албатта, бандай мусулмонга уят. Шу гумроҳларни ўзлари йўлга солсалар, ибрат кўрсалалар.

Мирсалим вазифаси нимадан иборат эканини тўла ва аниқ тасаввур қилолмаса-да, бундай иззату ҳурмат ва мартабадан талтайиб, миннатдорлик билан қабул этди.

— Токи йигитлар орасида мавқелари мавжуд бўлсин учун зарур унвон ҳам берурмиз,— қўшиб қўйди Али Наимхон.

Сал кундан кейин бу амал ва унвон нималиги маълум бўлди. Шу кундан бошлаб Мирсалим Мирзоҳидий «обер-мулла» унвони билан бўлинма йигитларига қайси ёнбошни босиб ётиш шаръийлигидан тортиб, қандай таҳорат олиб, беш вақт намозни қандай ўқишгacha — ҳамма-ҳаммаси ҳақида таълим беришга киришди.

Мирсалим олдинига оддийгина кўринган бу вазифанинг кунлар ўтган сари мазасига тушуниб, мартаба да-

ражасини кўтарди. Бир хонани масжид учун ажратиб олди. Унинг қибла томонига меҳроб ўйдириб, қуръондан бир байт шеър ёздириди. Аллақаердан истамбул докасини топиб, салла ўрнида бошига ўраб, имомликка ўтди. Бора-бора йигитларнинг шапкасини тескари қилиб намоз ўқиши ҳам ёқмай қолди. Дўппини, иложи бўлса ҳар бирининг бошида салла бўлишини кўнгли тусади. Болалигини эслаб, оқ картон билан тушь топишларини буюрди. Ундан чуст дўппи ясаб, намуна қилиб кўрсатди. Гарчанд қалампир нусха гули тўйган зулукка ўхшаб қолган бўлса ҳам «дўппи — мусулмонлик рамзи» деб мақтади, ҳамманинг ўзига биттадан дўппи ясаб олишини, шу дўппи билангина намозга кириши шартлигини алоҳида таъкидлади. Эртасигаёқ бу фармойишини бажармагани, яна шапкада чиққани учун бир йигитни беш қамчи урдириди. Бошқа бирини сўз қайтаргани учун гаупваҳтага юборди. Шундай қилиб «ўз обрўйини тиклаб», ҳар ўтганида солдатларни мутеларча қўй қовуштириб турадиган қилиб олди. Бу табиатан мансабпаст Мирсалимнинг айни муддаоси эди. У ўзини сувга ташланган балиқдек эркин ҳис қилиб, эртанинг завқ-шавқи билан маст эди. У энди ғолиблар қатори Туркистонга кириб борнишига шак-шубҳа қилмас эди. Ез бўйи яхши ҳужумда борган немис армияси қиши кириши билан тўхтаб қолиши, кейин Москва остонасида пешонаси ғурра бўлиб чекиниши унинг кўнглига бир оз шубҳа солган бўлса ҳам, кейинчалик Али Наимхон билан бир қилган суҳбатидан сўнг яна ишончини тиклаб олди. Бу орада Али Наимхон нима учундир қисқа муддат Туркияга бориб келди.

У ердан олиб келган, лула билан ўқиладиган чўнтак қуръондан биттасини зўр ифтихор билан Мирсалимга узатди:

— Марҳамат, обер-мулла афандим, бу биздан сизга пињом!

— О, нақадар шараф бу! — Мирсалим қуръонни Али Наимхон қўлидан гарчанд кафтда йўқ бўлиб кетадиган кичкинагина бўлишга қарамасдан букилиб, икки қўллаб олди ва ўпиб пешонасига босди, аллақаёқдан кўзида ёш ҳам пайдо бўла қолди.

Обер-мулла Мирсалим Мирзоҳидий китобнинг дуч келган ерини очиб, ўқимоқчи бўлгандек кўз юритди, кўзи ўтмади, ҳайрон бўлди. Али Наимхон «эй гўл, шун-

та ҳам фаҳминг етмадими?» дегандек таъна билан ишшайиб, ёрдамга келди:

— Бу, мана бундай ўқилади, афандим!— деди ва қуръоннинг бир четига ингичка ипак лента билан биркитилиб қўйилган тангадек лупани олиб, сўзлар устида юритди.

— Бу мўъжиза!— яшнаб кетди Мирсалим. Хатга кўз юритди.— Жуда тиниқ кўринар экан! Қандай бежирим, ёнда олиб юрса бўлади.

— Худди шунинг учун ҳам ихчам ишланган.

— Қани ҳар йигитимизга биттадан бўлса!

Али Наимхон индамади. Унинг қараши «мен улардан ҳезалак муллабачча эмас, солдат тайёрлайман, менинг шаъни-шукуҳим учун жон олиб-жон берадиган автомат-солдат тайёрлайман. Бу қуръону сен қилаётган ишлар ҳаммаси бир гапики нарса! Буларга менинг ўзимнинг ҳам ортиқча ихлосим йўқ» деган маънони ифодалаб турарди.

Али Наимхон легиончиларнинг бир умум йигилишида «турк қардошлардан» бўшашибина салом топширди, бошқа бир нарса демади. Мирсалим бир вақт орзу қилган бу «ажойиб мамлакат» ҳақида сўраб-суриштиргиси келди-ю, ботинмади. Шунча қулай вақт қидирди— бўлмади.

Бугун эрталаб Мирсалим ҳар кунгидан ҳам барвақт туриб, казармани айланди. Эшик олдидан навбатчи легиончининг бош кийимини бир четга олиб қўйиб, мудраб ётганини кўриб жон-пони чиқиб кетди. Постда ухлаб қолгани бир айб бўлса, бош яланг ўтириши зўр гуноҳ эди. Олдига оёқ учида келиб, шарт қулоғидан олди-ю, чўзиб тортди. Кутнлмаган бу даҳшатдан чўчиб уйғонган навбатчи қархисида турган обер-мулла Мирзоҳидийни кўриб дағ-дағ титрарди. У немис командиридан ҳам бераҳм эди.

— Бу нима қилиқ, аплаҳ!— деди Мирсалим.

— Маъзур тутасиз, обер-мулла афандим, айб менда!

— Иккита совет разведкачиси кириб, ҳаммани ча-вақлаб кетса нима бўларди!— деди атайн баланддан келиб Мирсалим, гарчанд то бу казармага келгунича йўлда қанча соқчи борлигини у яхши билса ҳам.

Легиончи ҳамон дағ-дағ титраб, мўлтайиб турарди. Мирсалим бундоқ қараса, эндиғина мўйлаби сабза урган ёшгина йигит. Агар шу оқариб турган юзларига қон

югуриб, сал кулса борми, қыз боладек чиройли бўлади-қолади. Ахир унга ҳам бир хизматкор керак-да! Қачонгача бўлар-бўлмас ишларга ҳам ўзи югуриб, чойини ўзи дамлаб, ўрнини ўзи тузатади. Али Наймхоннинг ёнида ҳам доим миrzалик қилиб юрадиган бодомқовоқ чиройли йигитча бор.

Мирсалим шундай ширин ўйлар билан қаршисида турган легиончини яна бир бор кўздан кечирди, бирдан жиловини бўшатгиси келмади.

— Бунинг учун отиш керак!

Йигит йиғлаб юборди: бу ерда одам отиш ҳеч гап эмас-да!

— Афандим, афандим...

Мирсалим раҳми келгандек, оёғига ташланган йигитнинг бошига қўлини қўйди.

— Кўз ёшинг ҳаққи, кечираман, тур. Турк боласига йиғлаш уят! Сенга ўзимнинг алоҳида хизматларим бор.

— Бош устига! Жоним билан, афандим!

Шу ондан бошлаб йигитча унинг бармоқларига боғланган визвизак бўлди: истаса айлантиради, истаса ёнига солиб қўяди. Шу кундан бошлаб Ашрафхон (у йигитнинг иоми шундай эди) Мирсалим оёғини ювганда сув қуйиб, ҳаммомга тушса ходимчилик қилиб, кирини ювиб, ботинкасини тозалаб, ўрнини тузатиб, чой дамлаб бериб юрди. Қилган жинояти янгилигига унча малол келмаган бу ишлар кунлар ўтган сарп оғирлик қилиб, энсасини қотирди. Мирсалим Ашрафхоннинг пайига тушди. Бир куни зўрлаб олиб кириб, унча-бунча иш буюрди. Билдики, энди у билан муроса қилиб бўлмайди. Уни чиқариб юбориб, кетидан икки-уч ерини бир амаллаб кўкартириди, кийим-бошини йиртиб, орқасидан фарёд солиб югорди. Казарма дарвозасида унинг ёқасидан бўғиб ўзига сунқасд қилганини, улуғ фюрер шаънига ножӯя гаплар айтганини, қочиш ниятида ундан пул сўраб кирганини бичиб-тўқиб, қамоқقا олдириди, кейин оттириб юборди. Қўнгли тинчиб бошқа бирини кўз тагига солиб қўйди. Бу орада легионга келиб қолган Али Наймхон унинг зийраклигидан миннатдор бўлиб, қўнглини сўради:

— Шундай бўлди, афандим, сал бўлмаса лаънати бетавфиқ...

Унинг сўзини бўлди Али Наймхон:

— Олло ўзи бир сақлабди. Зийраклик ҳар вақт за-
рур, айниңса бизнинг ишда.

— Албатта, афандим, албатта.

Мирсалим бир ҳезалак легиончига буюриб тикирган
чуст дўппини иззату икром билан Али Наимхон бошига
кийгизди.

— Бай-бай, зап ярашди, афандим!— деся нархини
кўтариб қўйди.

Аслида ярашиш у ёқда турсин, уни жуда тасқара
қилиб юборган эди. Дўппи кийишнинг ўзи ҳам Али
Наимхоннинг эсидан чиқиб кетган бўлса керак, бошида
туппа-тузук турган дўппини пешонасига суриб, худди
калининг ўзи бўлди-қўйди. Кейин қўлига олиб, томоша
қилди, ношуд қўл тиккани кўриниб турган бўлса-да,
санъатини мақтади. Мирсалим буни қочириқ тушуниб:—
Гўзал Туркистонга муборак пойқадамлари етган куни
бир аъло дўппи биздан, афандим,— деди.

— Албатта! Албатта!— деди тамагирларча Али
Наимхон. Сўнгра дўппини катта оғзи чакаги узилган
эски кавушдек таноби қочиб турган ёнидаги хотинига
узатди. Хотин ўша хунук ишшайишда темир қанот қар-
қиноқ қўлига тушган боладек қотиб қолди. Икки-уч ай-
лантириб томоша қилди.

— Офарин! Минг офарин!— деди ўзининг лайлак уя
соши устига дўппини қурбақасалла қилиб қўндирап
экан.— Қаёқдан олдинглар?

Али Наимхон бу тайёрланаётган совғадан ўз айғоқ-
чилари орқали аллақачон хабар топган эди. Хотинининг
«легионда ҳали шунаقا ойимқизлар ҳам борми?» деган
хаёлга боришидан андиша қилган Али Наимхон Мирса-
лимга муғамбирларча кўз қисиб, ўзи жавоб қилди:

— Анқо қуши гўзал Туркистонимиздан келтирган,
хоним афандим.

— Бўлмаса бу сизга ярашади, жаноб президент,—
деди хотини ва яна калга ўхшатиб, эрининг бошига қўн-
қайтириб қўйди.

Али Наимхон мамнун табассумдан ўзини аранг ту-
тиб турарди.

Шу куни у Мирсалимни ўзи билан бирга овқатла-
нишга таклиф қилди. У келиб тушган меҳмонхонада ўт-
ган бу меҳмондорчилик Мирсалимнинг анча кўзини оч-
ди. Али Наимхон қанча «олло, худо» демасин, чўчқа
гўштидан ҳазар қилмайди, ҳаромдан қайтмайди, унда

миллий урф-одатлардан ҳеч нарса қолмаган: дастурхон устида буринни дастрўмолчага қоқади, овқат қолдиги устига уволдан қўрқмай папирос кули ташлайди, ерга тушган нон увоғини олиб қўймайди. Ўрнига дам олгани чўзилар экан, оёқ панжалари орасига бармоқларнин солиб кирини уқалади, кейин тишига кириб қолган гўшт толасини ўша қўли билан олиб ташлади. «Гўзал Туркистон» ҳақида фикри ҳам жуда ғалати. У ердагиларнинг барчаси аҳмоқ, нодон, гумроҳу, бефаҳм, фақат ўзигина маърифат олиб борадиган кўринади. У бормагунича Туркистоннинг ҳусни очилмайди! У ўзини қанча фуқаропарвар тутишга уринмасин, шиша орқасига чироқ шуъласини яшириб бўлмаганидек, унинг худбинлиги, шуҳратпастлиги, тезроқ Туркистон таҳтига ўтириш учун йичикиб ўлаётгани, бағритош, бераҳмлиги яққол кўрпиниб турарди.

— Қилич бир қонга белзаниши шарт, акс ҳолда Туркистон тўғри йўлга тушиб ололмайди,— деди у ётган ерида сигара тутатар экан, бошлиған сухбатни давом эттириб.— Давлатни бошқарадиган кишилар шу ердан бориши керак. Қилич кесмаганни сўз кесиши лозим. Биз учун ҳазрат Гитлердан ортиқ меҳрибон йўқ. У киши Туркистонни яхши кўрадилар. Фюершинг музaffer қўшини Туркистон дарвозаларига етиб бориши билан у ёғини ўзимизнинг йигитлар суреб кетади. Бунинг учун ҳам ташқаридан, ҳам ичкаридан тайёр бўлиб туришимиз шарт. Шундай эмасми, Мирзоҳидий афандим.

— Албатта!— тасдиқлади, у гарчанд винодан боши ғувиллаб гапнинг мағзига тушунмаган бўлса ҳам.

— Эҳтимол, сизга масъулиятли вазифалар юклашга тўғри келиб қолади. Барчасига ҳозир турмоқ ҳам қарз, ҳам фарз.

Гап Туркистонга боргандада бериладиган лавозим ҳақида боряпти, деб лабининг таноби қочган Мирсалим, қуллук қилиб:

— Сиз нимани маъқул топсангиз шу!— деди.

— Қани энди барча ҳам сизга ўхшаб зарбу шижоат билан ғайрат камарини боғласа!

Эртасига Али Наимхон уни ўзи билан Берлинга олиб кетди. Етиб боришган куни тушгача уни ўз машинасида шаҳар айлантирди, томоша қилдирди. Ярим ялангоч чиройли қизлар саҳначасида рақс тушуб турган мухташам бир ресторонда овқатланишди. Рақс тугагач, Али

Напмхонинг ишораси билан оркестр «Қичқир, хўроғиз» кўйини чалди, ўзи хиргойи қилди. Мирсалим ўзи яхши кўрган, кўнгли хушнуд бўлиб турганда хиргойи қиласидаги ашуулани Али Наимхон ҳам ёқтиришини кўриб ичишдан офтоб чиқиб кетди. Мароқланиб қўшилди. Кўй тугагач, Али Наимхон керилиб қўйди:

- Ўзим ўргатганман.
- Ўзингиз нима чаласиз? — жуда қизиқди Мирсалим.
- Най. Болалигимда сал-пал машқ қилган эдим.

Сиз-чи?

Мирсалим дутор, танбур чалишни пеш қилтиси келиб турса ҳам, шу онда ботинолмади:

- Бир оз танбурга ҳавасим бор.
- Биз ҳам Туркистонда мана шунаقا нозанинлар ўйин тушадиган ресторонлар ташкил қиласиз, албатта ташкил этамиз.

— Ҳа, ростанам, бояги гапингиз чала қолди,— деди Мирсалим йўлдаги суҳбатни эслаб,— кўп хотинлик масаласида ўз фикрингизни айтмоқчи эдинги!

— Модомики, шариат йўлини тутмоқчи эканмиз, бир эркакка тўрт хотингача ижозат берамиз. Бошқа илож йўқ.

— Демак учта запасим Туркистонда денг,— тиржайди Мирсалим. Али Наимхон уни маъқуллагандек кулиб қўйди.

Овқатдан кейин у Мирсалимни қаватини санаб ултурмаган кўп қаватли қоп-қора бинонинг дабдабали бир хонасига олиб кирди.

Эшикдан кирган заҳоти Али Наимхон «Хайл Гитлер!» дея олдинга қўлини узатган эди, қаршидан худди шундай ҳаракат билан бир ҳарбий киши чиқиб келди. Лицадан бери қўли ўрганиб қолган Мирсалим ҳам буни такрорлади ва кабинетга кўз ташлади. Шер панжали катта стол. Усти тўла телефон. Девор осталарида чиройли стуллар. Тўрда Гитлернинг жуда катта сурати. Унинг ўнг томонидаги деворда Гиммлерники, лекин у кичикроқ. Паркет полга патгилам тўшалган. Хуллас, кабинет жуда ҳашаматли.

Улар кабинет эгаси — чигирткадек кам гўшт, бурнига пенсне қистирган, ялтироқ этикли кишининг таклифи билан ўтиришди. Али Наимхон у билан немисчалашиб кетди. Легионга келганидан бери немис тилини ўрганишга астойдил киришган Мирсалим унча-мунча тушу-

ниб турарди. Гап Мирсалимнинг келажаги ҳақида борарди.

— Шу киши жуда боп. Синалган ва тажрибали,— деди Али Наимхон.— Айниқса ислом динига ижозат берилган ҳозирги Туркистон учун бу кишининг диндан хабардорлиги жуда қўйл келади.

Немис Али Наимхонга қаттиқ ишонганиданми ёки Мирсалимга ӯшаганлар билан учрашавериб, пих ёрганиданми, ортиқча гапни чўзмай:

— Яхши!— деди ва кнопка босиб, одам чақирди. Мирсалимни кирган кишига топшира туриб:— Қисқа муддатликка!— деб уқтирди.

Шу кундан бошлаб Мирсалимга жосуслик таълимни ўргатилиб, Ўрта Осиё шаҳарларидан бирига юбориш тайёрлиги кўрила бошлади.

9. СҮНГИ ШУБҲА, СҮНГГИ ТАШВИШ

Содиқ, дўсти Шубинни санбатда кўриб чиқиб келарди. У «узоқлашиб кетсан ўз полкимиň йўқотиб қўяман», деб госпиталга кетишга рози бўлмаган, бунинг устига яраси ҳам унчалик оғир эмас эди. Содиқ ўтган гал келганида «орденингни тақиб келмабсан-да, ярашган ярашмаганини айтиб берардим» деб тегишган, «бир савлат тўкиб келишини» илтимос қилган эди. Ҳали ўзиники қўлига тегмаганидан ҳаваси келяптими (унинг тузалиб чиқишини кутиб туришарди), майли тақсам тақиб келай, ҳарна қўнгли қўтаришганни. «Қўнгли қўтариқликнинг дарди тез арийди, дейишади» деган хаёл билан бугун Содиқ жанговар Қизил Байроқ орденини тақиб келган эди. Унинг кўкрагига кўплар суқланиб қараган, ҳатто баъзи тафсилотларини суриштирган, фахрланса арзигудек мукофот бўлса ҳам бари бир Содиқнинг дили равшан эмас, кўнглининг аллақаери хира тортиб, аллақаери ҳувиллаб турарди. Чунки бу зўр мукофотга сабаб бўлган воқеа қанчалик унинг обрўйини оширган бўлса, шунчалик ташвишга ҳам солиб қўйган эди. Сурати газетада чиқиб, қандайдир оператив ходим суриштириб кетганидан бери ўз қилмиши ўзига аён. Содиқ ўйлаб ўйига, юриб ўйлига етолмас эди. Шундан бери ҳаловати кетган, чақирилмаган ерга меҳмонга келган кишидек ўзини нохуш ҳис қиласарди, ранги рўйи ҳам ўзгарган бўлса керак, ўртоқлари «Сенга мукофот ёқма-

ди!» — деб тегишарди. У, ўша кўнгилсиз хабарни взвод командиридан эшигтан туни деярли киприк коқмади. Ётган ери тош битиб иккн-уч ташқарига чиқиб келди. Ертўла оғзида турган аекардан тамаки сўраб, кафтига олиб чекди, то бармоғи куйгунча сўриб чекди. Кейин окопдан чиқариб ташланган нам тупроқ устида ҳулкар оғишига, юлдузлар учшига қараб ўтиреди. Тун жимжит. Гир атрофда на йилт этган бир чироқ бор, на қильт этган ҳаракат. Дараҳтлардан тушган соялар слабужир, мудҳиш ва сирли. Фақат немис кузатувчисининг баъзан-баъзан отиб турган ёруғ мушаги борлиқни қоплаган қора пардани бирдан кўтариб, бир зумгина яна алланечук совуқ кўриниш кашф этади. Ана ўшандай мушакдан бирин камалак каби доира ясаб, нурли из қолдирганча кўкка вижиллаб кўтарилди, кейин пақ этиб товуш берди-да, ҳамма ёқин тииқ ёритди ва шўнгигиб кетди. Содиқ унинг сруғида кундузи отишма бўлиб ўтган, кўзига хунук кўринган қонли оралиққа назар ташлади. У ер ҳозир қанчалик тинч. Кундузи у ерда юзлаб мина ёрилганига, минглаб ўқлар учганига ҳозир киши ишонмайди. Бу соқинлик эмас, ҳатто кундузги ажал ҳиди келиб турган отишмалар ҳам шу лаҳзада унинг диққатини тортмади. Ҳаммасига қўл силтагандек бепарво ўрнидан турниб, кириб ётди. Барибир уйқуси келмади. Шу кечаси унинг ўйламаган ўйи, тузмаган режаси қолмади. Демак оперативчилар унинг пайига тушган. Эртами-индин келиб, ҳайдаб олиб кетади. Яна тергов, яна суд. Бу сафар албатта суд қилишади, ўтган галдагидек «максус кенгаш» орқасидан ҳукм чиқариб қўя қолмайди. Бу гал суд учун материал етарли. Яна ўша занглаган тикан симли лагерь. Конвой билан ишга бориш. Ишдан қайтиш. Эрксизлик. Яна уфқда йилт этган нури йўқ ҳаёт...

Содиқ эркин ҳаётнинг энди таъмига тушуниб, қоясига кўтарилган сор бургутдек парвоз қила бошлаган бир пайтда яна лагерга қайтишнинг оғирлиги учунгина эмас, балки элу юрт тақдирни жанг майдонида ҳал бўлаётган бир вақтда оёқ-қўли боғлиқ кишидек ёки қўлидан бирон тузук иш келмайдиган ногирон-мушфиқдек лагерда ўтиришига астин чидамас эди! У, бу гал ўзини маҳбусликдан қочгани кишидек айбдор ҳисобларди. Бу гуноҳнинг кечирилмаслигини биларди, биларди-ю, ич-ичидан куйиб-ёнарди. Ахир у бу гуноҳи содир бўлгунча бутун вужуди билан ўзини бегуноҳ ҳис этиб, истаган ташкилоти ва

кишисига мурожаат этишга маънавий эркинлик сезарди. Энди-чи? Энди унинг тили қисиқ. Энди унинг бу тарихини билган киши ҳеч ёнига тушмайди. Эҳ, қани ўша одамлар ҳаётида бўладиган нуқсону тасодифлардан қўрқмаса-ю, кишининг юрагига, ишу идрокига қулоқ солса. Эҳ, кўкси сўқирлик кўзи сўқирликтан қанчалик ёмон! Шунча ажойиб машиналар кашф этган доно одамлар нега кишининг юрагини, фикру эътиқодини рўйирост кўрсатадиган, аниқлаб берадиган бирорта асбоб ўйлаб тополмайдилар! Ана шунда қандай яхши бўларди. Терговчилар ҳам қаршисига турғизиб қўйиб, «қани кимсан, нимасан, юрагингни очиб ташла!» деб қон бўлиб ўтирас эди. Ана ўша машинага рўпарў қиласади-ю, ҳаммасини биларди-оларди.

Содиқ сой устига ташланган яккачўп «қўлбола» кўпrikка келганда, нима учундир, ундан ўтишга оёғи тортмади, кўнгли алланечук бўлиб, сув ёқасига ўтиради. Назарида, шу «қўлбола» кўпrik афсонадаги пулсиrotу, унинг устидан ўтиши тақдирини ҳал қиласадигандай эди.

Содиқнинг кўнглига шундай шубҳа тушувига жиндай сабаб ҳам бор эди. Сойнинг у соҳилида штаб ўришган бўлиб, уни зимдан суриштириб келган оперативчилар ўша ерда эди. Содиқ у соҳилдаги ёғоч уйларга назар ташлади: уни суриштириб келган ва бугун-эрта олдига солиб ҳайдаб келадиган оперативчи қайси бирида яшаркан? Анаин тунукаси кўкка бўялганидами ёки бўсағасидаги йўғон эманга болалар қушга тахта уя қўйганидами? Эҳтимол усти қамиш билан ёпилгапидадир! Иўқ, улар бу уйларнинг ҳеч бирида турмайди. Уларга алоҳида пухта ертўлалар қазишган — ахир махфий ҳужжатлар шундай омонат, бир бомба билан дабдала бўладиган уйларда сақланармиди! Демак улар хавфсиз ерларда яшашади. Ана шундай хавфсиз ертўлалардан бирида унинг ҳам янги очилган делоси сақланади. Унда нималар ёзилганикин? Эҳтимол, улар Содиқни бундан бехабар деб ўйлашса керак. Бўлмаса нега шунча вақтдан бери индашмайди. Ёки лагерга хат ёзиб, аниқлашаётганикин? Шундай бўлса керак, акс ҳолда, аллақачон унинг оёғини ерга тегизмай олиб кетишарди. Ёки «қочган билан сичқоп уясини ижарага олиб, бир ковакда тиқилиб ўтирамбди-ку! Жонини фидо қилиб жанг майдонида юрибди. Ёмон нияти бўлганда шу вақтгача ошкор бўлиб қоларди. Соғ бир совет граждани бўлса, шунчалик бўлар-да! Келинг,

уни безовта қилмайлик. Нотүрги ишлар қилиб қўймаслик учун зидан кузатиб турсак кифоя» деган фикрга келишганмикин? Қани энди шундай бўлса! Майли, истаганларича текширишсин, астар-аврамни ағдаришсин, кузатишсин, лекин эркимни қайтиб олишмаса, кўп қатори гражданлик бурчимни шу фронтда оқлашга рухсат беришса, бас! Менинг шундан бошқа олий орзум йўқ!

Бу ўйлар сув ёқасида хомуш ўтирган Содиқни бирдан жонлантириб юборди, туман босган тоғдек кўнглига нур тўлдирди, руҳини кўтарди, ҳатто бояги мудҳиш ўйларга борган ўзи эканига шубҳаланиб қўйди. Демак энди уни қамашмайди, унинг гуноҳини кечишган, у кўп қатори бехавотир жанг қила бериши мумкин.

Содиқ ирғиб ўрнидан турди. Сувни шалоплатиб юзи ни ювди, гўё сув билан унинг кўнглига ўтирган гард ҳам ювилиб кетгандек енгил тортди. Шу пайт ўзидан сал нарида, сувдан чиққан барги қалин ўтга бир оёғини тираб турган қурбақага кўзи тушди, унга гап қотди:

— Шунақа ишлар, оғайни, энди яна фрицнинг онасини учқўрғондан кўрсатамиш. То чиққан ковагига қўйиб келмасак асти ҳисобмас. У ҳали чучварани хом санаб, сичқон бўлиб, филга ташланиб юрибди.

Қурбақа унинг сўзига тушунаётгандек бўртиб чиққан йирик кўзини бир-икки пирпиратди, оппоқ бағбақасини серкиллатиб, бесўнақай катта оғзини очиб ёпди.

— Нима, сенинг ҳам юрагингда армонинг борми? Ким сени безовта қиляпти? Сен ҳам туҳматга йўлиқкан-мисан? Бечора! Сабр қил, ҳаётдан умидингни узмасанг бас. Ҳақиқат ўз ўрнини топади. Лекин унинг кўп вақт поездга ўхшаб кечикиб келиш одати бор. Шуниси ёмон! Майли, эзгуликнинг эрта-кечи йўқ. Яна яйраб қоласан. Мен ҳам ўз уйимга, бола-чақам олдига кетаман. Биласанми, менинг ерга урсанг кўкка сакрагудай шўх ўғлим бор. Сенга ўхшаб у ҳам сувни яхши кўради. Эртаю кеч сувдан чиқмас эмиш. Қогоз қайиқлар оқизармиш. Уша ариқда сенинг эзлатларинг бордир. Қайтиб борганимда сендан уларга салом айтайми? Албатта айтаман, кўнглинг тўқ бўлсин.

Қурбақа «яхши, бу олижаноблигингни сира эсимдан чиқармайман. Раҳмат! Хайр!» дегандек яна чақчайган кўзларини пирпиратиб, оппоқ бағбақасини серкиллади, кейин «шўлп» этиб сувга шўнгигб кетди. Содиқ меҳрибон суҳбатдошидан ногоҳ ажралган кишидек қўл

силкиб, кузатиб қолди. Содиқ, қурбақага юрагида йиги-либ ётган дардини түкиб согланидан бўлса керак, бояги-дан ҳам хурсанд, ҳалигина ҳаммомдан чиққан кишидек руҳи жуда енгил эди. У қиргоқдаги оқ қайиннинг жи-гар ранг чивигини синдириб олди, ўйин қилиб этиги қўн-жига урганича «қўлбола» кўприкдан ўтди. Ҳалиги таниш қурбақа яна сувдан чиқиб уни кузатиб тургандек орқаси-га қараб, боя шўнғиб кетган ерни кузатди. Қурбақа кў-ринмас эди, у оёғини қўйиб турган новча ўт эса, майни тўлқинга эргашиб силкинарди.

Содиқ папирос чекиб келаётган аскарни кўриб, кўнг-ли суст кетди, чекадиган одамдек хумори тутди.

— Бир чектирмайсанми, биродар?— деди у етиб ке-лиши билан.

— Шу қолганини беришм мумкин,— деди аскар, лекин уни ҳам дарров бера қолмай босиб-босиб икки-уч тортиди. Содиқ шунга ҳам рози бўлиб турар экан, аскар унинг кўкрагидаги орденни кўриб қолди, бирдан ўзгариб:

— Кечирасиз, мен бошқа бераман,— деди ва ҷўнта-тидан катта бир чимдим олиб, қофоз билан узатди,— мен сизни танимабман. Немис миномётчиларининг таъ-зирини берган сиз бўласиз-а! Жуда қойил қилибсиз! Ко-миссар кеча партия мажлисида сизни галирди. Партия-сиз экансиз-а?

«Партиясиз экансиз» сўзи Содиқнинг қулоғига алла-иечук эшитилиб, тамаки берган аскар кўздан ғойиб бўл-гунича ҳам қулоги остида янграб турди. Тўғриси, таъна-га ўхшаб эшитилди. Наҳотки у партиясиз! Ноҳақ қамал-гани қамалган, наҳотки партиядан ўчганича қолиб кета-веради!

У, шу муносабат билан батальон комиссарининг ту-нов кунги сұхбатини эслади. У ҳам Содиқни партиясиз ҳисоблаб, «Сиздақаларнинг ўрни партиядал»— деганди. Бечора, билмайдики, унинг стажи ўзиникидан кам эмас. Шундай бўлса ҳам Содиқ: «Анча тайёрлик кўриш ке-рак»,— деган баҳона билан орқага силтади. Комиссар: «Албатта тайёрланинг. Битта тавсияни ўзим бераман»,— деганича кетди. Содиқ эса, ёлғон гапирганидан яна виж-дони бешбаттар қийналганича қолаверди. Бир хаёл билан комиссарга ҳаммасини очиб ташлагиси келди, лекин унинг оқибатидан юраги чўчиди: оперативчилар уни бош-қа бир иш юзасидан суриштириб юрган бўлса буни эши-тиб, панд бериб қўйиншмасин. Комиссарнинг ўртага ту-

шишга, ажратиб олышга қурби етадимн? Етмай қолса нима бўлади? Йўқ, яна бир оз сабр қилиш керак. Чўнтағидаги партбилет эмас, виждан инобат, виждоним коммунистик бўлса бас-да!

Худди шу пайт кўк тушука уйлар томонда бетартиб отишма бошланиб қолди. Содиқ ўқлар товушига қулоқ солиб, немис автоматини дарров таниди. «Ие, немис автоматчиларими?» дея хаёлнини йиғиб олгунича, унинг қаршиидан бир тўда жангчилар елиб келаверди. Содиқ бундоқ қараса, энг олдинда полк комиссари, қўлида яланғоч тўппонча. Содиқ қаршиига чиқиб «нима гап ўзи, демасданоқ, комиссар! Немис десант!— деди-ю, елиб ўтиб кетди. Содиқ унинг ҳаракатидан билдики, немис штабни бирдан босиб олиш ниятида тўсатдан қандайдир десант ташлаган. Десант кечикиб пайқалган, акс ҳолда комиссар бунчалик шошиб, ўзи шу атрофдаги жангчиларни бошлаб, ҳужумга отланиб қолмас эди. «Ие, мен бу ерда нима қилиб турибман», деб қараб қолган Содиқ, автоматини елкасидан олиб, комиссарнинг ёнига ўтди. Улар бораётган ер майдада ўрмонлик бўлиб, йирик дараҳтлардан бачканаси, майда шохобчалиги кўп эди. Бу майда повдалар гоҳ юзга, гоҳ кўзга шарт-шарт урилиб, юришга халақит берарди, йўлни ўзгартириб туришин талаб этарди. Комиссарнинг бошлаб боришига қараганда улар мўлжалига етолмай ўрмонга, унинг ёнидаги паст-баландликка чекинган десантнинг ёнидан чиқишилари керак эди. Худди шундай бўлиб чиқди. Комиссар немис десантлари кўринини билан бенжозат битта ҳам ўқ узмасликни алоҳида тайинлаб, эмаклаб олдинга сурилишга буйруқ берди, ўзи олдинга тушди. Ёши анчага бориб қолган, кўзойнаксиз ёмон кўрадиган комиссарнинг бунчалик эпчилик билан қорнида сурилиб кетишини кўриб Содиқ ажабланди, умр бўйи шуни машқ қилган кишига ўхшарди. У аича ергача шу хилда боргач, тўхтади. Ўгирилиб орқасига қаради. Жангчиларнинг ҳаммаси этиб келишини кутиб турди, кейин ўрнидан ирғиб туриб, «Ватан учун, олға!» деганича олдинга ташланди. Ҳамма «ура!» билан унга эргашди. Отишма бирдан қизиб кетди. Буларнинг муваффақиятли маневридан руҳланиб кетган қаршидаги штабчилар ҳам ёпирилиб келди. Икки томонидан қуршаб олинган немис десанти жон-жаҳди билан қаршилик кўрсатарди. Аслинда унинг

бошқа иложи ҳам йўқ эди. Бу пайтда улар таслим бўлишни ҳали ўзига ор билар, ўз кучига ҳаддан ортиқ бинс қўйиб гожлик билан қаршилик кўрсатар, яраланса ҳам, охирги патронгача отишар эди.

Жанг қизингандан-қизиб борди. Содиқнинг икки кўзи комиссарда эди. У, шундай жанговар тўқнашувларга жангчи бошлаб кириб юрган командирдай зийраклик ва идрок билан ўз тўдасини йўлга солиб турар, нишон олиб тўппончасидан ўқ узарди. Ана, у тўппончида ўқ тугаб қолганини тепкисини бир-икки босганидан кейингина фаҳмлаб, уни қининг солди-ю, ҳалигина йиқилган жангчининг автоматини қўлидан олди, ғужанак бўлиб чекиниб бораётган десант кетидан йиқила-қўпа ўқ узди. У терлаб кетган, гимнастёркасининг бир енги тирсагигача йиртилган эди.

Содиқ комиссардан кўзини узмай, унинг ёнида душманга ўқ ёғдириб борар экан, ўзидан анча нарида бир командирнинг уч-тўртта немис автоматчиси қаршисида ёлғиз қолганини, ҳали-замон нобуд бўлиши мумкинлигини фаҳмлаб ўзини ўша томонга урди. Содиқ етиб келганда командир паноҳ тутиб турган тепалик орқасидан сапчиб чиқиб, немисларга ташланди, иккитасини ўқ билан йиқитиб учипчинини босиб тушди, бир-бирини аганатишиб олиша кетди. Елиб келганидан командир пафаси тиқилиб, энтишиб қолдими ёки барзангидай немисга чоғи келмадими, ҳадеганда остига тушганича чиқиб ололмади, то Содиқ улар тепасига етиб келгунича уddeалолмади. Қўтосдай немис эса, бирратўласи уни бир ёқлик қилиб қўя қолиш инятида қўлидан учиб кетган автоматига зўр бериб интиларди. Шунинг устига етиб келган Содиқ фрицнинг бошига автоматнинг қўндоғи билан бирни тушириб, уни сулайтирди-да, командирнинг устидан сурисиб олиб ташлади. Ҳамон ўзини ўнглаб ололмаган, усти боши қон командирни кўриб, Содиқ девор бўлиб қолди. Уз кўзларига ишонмади, мудҳиш туш кўраётгандек сесканди. Непложки, туш эмас, ўнги эди. У бир зумгина жанг майдонида эканини унубиб, турган ерида ўтириб қолди. Командир эса, ётган еридан зўрга туриб ўғирди. У яраланган эди.

— Раҳмат! Сиз етиб келмаганингизда... бу фриц бошимни ерди,— деди ҳолдан толган командир бўшашиб. Содиқнинг эса тили сўзга келмас эди!

Бу командир — Содиқнинг терговчиси Чуханов эди. Чуханов Содиқнинг қайси аҳволдалигини билиб турғаниданми, очигига кўчди:

— Мен сизни таниб турибман. Сиз ҳам мени танилингиз, албатта. Мени ўлимдан қутқариб қолганингизга жилла ҳам хурсанд бўлмасангиз керак. Шундай масми?

Содиқ уни эшитмас, унинг қулоги аллақачон том битиб қолган, кўзлари бир нуқтага қадалиб, хаёли мудҳиш камерада, бир маҳал тергов берган иомерли хоналарда сарсари бўлиб кезиб юради. У энди ўзининг адойи тамом бўлганига шубҳа қилмас эди. Ахир у Чухановнинг қанақалигини яхши билади. Ахир шу қаршиисида ўтирган ярадор ўша ўзи билган Чуханов бўладиган бўлса, унинг қўлидан нималар келиши маълум! Ахир энди уни кўраётгани йўқ!

Содиқ, бўлар иш бўлди, деб таваккал билан тик боқиб:

— Таниб турибман! — деди. Лекин уни ўлимдан қутқариб қолганига қандай муносабатда эканини айтмади. Бу эса, Чухановга ғалати таъсир қилди, очиқ айтиб қўя қолди:

— Ўлимдан қутқариб қолганингизга пушаймонингиз бўлса, отиб ташлашингиз мумкин. Бу тўполонда ҳеч ким билмайди. Бемалол!

Бу гап Содиқнинг нафсониятига теккан, ҳатто ғазабини келтирган эди, чидаб туролмади, у ҳам очигига кўчди:

— Сиз мени ким деб ўиласангиз ўйланг, лекин мени ҳақорат қилманг. Мен фронтга сизни учратиб, ўч олиш ниятида келган эмасман. Гарчанд тасодиф билан фронтга тушган бўлсан ҳам.

Чуханов унинг қизишиб бораётганини кўриб, жўрттага ҳазил билан қистирди:

— Диловархўжа босмачини отиб ташлатанингиз ҳам тўғри.

— Бу ҳам тўғри! — ҳамон ёниб тутақар эди Содиқ. — Хўш, айтнинг, энди нима қил дейсиз? Қуролимни ташлаб, лагерга қайтиб кетайми? Шуми муддаонинглар!

— Бирор сизни лагерга қайting деётгани йўқ. Агар қайтарадиган бўлсан, аллақачон ўша ерда бўлардингиз,— босиқлик билан деди Чуханов.

— Бұлмаса нега орқамдан сурштириб юрибензлар?

— Бу бошқа гап. Сурштирганимиз түғри. Сурштирипкі, білдік, муҳомама қилдік.

— Кейин... кейин... нима қарорға келдінглар?—шошиб қолди Содиқ. Боя сув бүйіда күнглиға севинч солған хаёл ҳақиқатта айланадек күзлари чақнаб кетди, илк марта Чухановнинг кўзига кўзини уриштириб, тик қаради. Чуханов бўлса, мурдага ҳаёт инъом қилаётган кишидек мамнун кулиб турарди.

— Индамай қўйганимиздан кейин нима қарорға келганимиз ўз-ўзидан маълум.

— Демак гуноҳимни кечдинглар?

— Биз кечганимиз йўқ, ўзингиз гуноҳингиз йўқлигини исбот этдингиз.

— Яъни?

— Кўкрагингиздаги орденни нимага олган бўлсангиз, ўша билан!

Содиқ кўкрагидаги ордени энди биринчи марта кўраётган кишидек унга суқланиб боқди, унинг нақадар кўркам ва салобатли эканини энди фаҳмлагандек бўлди, чанг ўтиргандек устини артиб қўйди. Шундан кейиннича Чухановнинг яраланиб ётганини эслаб, кўмак бермоқчи бўлиб чўнтагидан шахсий тиббий пакетини олган эди, Чуханов:

— Ўзимники бор,— деди.

Чуханов ўнг кўкрагининг тепароги — елкага яқин еридан ўқ еган, ўқ ичкарида қолибди. Содиқ унинг гимнастёркасининг олдини шарт йиртиб ташлаб, яра оғзига лахта қўйиб, докасини елкаси оша иккиси айлантирган эди, узоқлашиб кетган отишма бирдан яқинлашиб қолди, қандайдир ўқ улар тепасидаги қарағайнинг кўмкўк шохини ширт узиб туширді. Яна иккитаси шу атрофда чатнади.

— Қани туринг, чистроққа ўтмасак бўлмайдиганга ўхшайди,— деди Чуханов ва Содиқнинг елкасига қўлини қўйиб ўрнидан турди. Содиқ доканинг учини ушлаганича уни суюб борди. Улар панароқ ерга ўтиришди. Содиқ ярани боғлаб бўлгач, ачингандек:

— Ўқ ичиди қолибди,— деб қўйди.

— Ҳеч нарса қилмайди, магнит билан тортиб олишади,— деди Чуханов жилмайиб. Содиқ бу гапнинг чинми, ҳазилми эканини билмади.

Бир оздан кейин отишма тугади. Қирилиб битгандан

қолган немис десатчи-автоматчиларини ҳайдаб олиб ўтиб кетишди. Чуханов Содиққа суюниб санбатга борар экан, юрагини очди:

— Құчқоров! Бошқа күришамизми, йўқми — билмайман. Шунинг учун сизга бир ҳақиқатни айтмоқчиман. Мен сизни қаттиққұллик билан ўша вақтда тергов қилған эканман — бу тұғри. Хафа бўлишга ҳаққингиз бор. Лекин шуни унутмангки, мен сизни душман деб, душманга қилинадиган муомалада бўлғанман. Бу менниг бурчим эди.

— Қизиқ. Тұхмат бўлса ҳам-а!

— Бу сиз учун, бошидан кечирған киши учун қизиқ, холос. Ахир биз уч кишининг гувоҳлигига қандай қилиб ишонмаймиз. Лекин баъзан шубҳаланардим ҳам... Ўша суратингиз чиққан кунни яна шубҳам ошди, биз қилган хатони қандайдир бир мұъжиза йўли билан тузатаётганингизни билдим. Чунки сиз биз айبلاغан киши бўлганингизда фронтта әмас, бошқа ёққа йўл олган бўлардингиз, бирор хилватда Гитлернинг ғалабасини кутиб, унинг тани-жони соғлиғини тилаган бўлардингиз. Фронтта йўл олишингизнинг ўзи кифоя қилғани ҳолда, яна жонбоозлик кўрсатиб жант қиляпсиз. Буларнинг ҳаммаси бизга маълум бўлганидан кейин хатоимизнинг нақадар қўпол эканига иқорор бўлиб, сизни безовта қилмасликка қарор қилдик. Лекин сизнинг барча кузатувимиздан хабар топишингиз қизиқ. Бу сир қолиши керак эди. Сизга ким айтди?

— Бу сир,— кулди Содиқ.— Кечирасиз, айттолмайман, беодоблик бўлади.

— Энди аҳамияти йўқ, майли,— уни хижолатдан чиқарди Чуханов. Кейин барча гапиға якун ясагандек,— мана шунақа гаплар, ўртоқ Содиқ Құчқорович Құчқоров!— деди. Бир оздан кейин яна қўшиб қўйди:— Энди нима ёрдам керак бўлса, марҳамат.

Содиқ шу кунгача нафрат билан эслаб юрган одамининг юрагида шунча самимий гаплари боридан жуда ҳайратда эди. Унинг елкасига қўлини қўйиб, қоқилиб кетса яраси зирқираб келаётган Чуханов, у билган, уни бир неча кунлаб қаттиққұллик билан тергов қилған Чухановга сира ўхшамас, Содиқ уни қанча ўхшатишга ҳаракат қилса ҳам, ўхшатолмас эди. Ана шунда, наҳот одамнинг қалбида шунча эзгу ҳислари ётиб ана ўшандай ташқи кўриниш билан яшай олса! Ё хизматларини

шунга мажбур этадими деб ўйлади. Бир томондан унга раҳми ҳам келди — демак уларга ҳам енгил эмас экан.

Булардан ташқари, Содиқнинг ўз дарди ҳам унинг юрагини тирнарди-ю, очилиб гапиришга нимадандир хавфсиради. Шундай бўлса ҳам учини чиқаришга мажбур бўлди:

— Биласизми, менинг ҳужжатларим ҳали чатоқ. Шуни бир ёқлик қилиш керак эди.

— Биламан. Партия масалангиз ҳам.— Шунда Чухановнинг юзида бирдан табассум пайдо бўлди, ҳазил қилди.— Партияга кирмоқчи бўлсангиз иккинч тавсияни мен беришим мумкин.

— Шундан ҳам хабардормисиз?— деди Содиқ комиссарнинг «партияга биринчи тавсияни ўзим бераман» деганини эслаб.

— Ҳа, бўлмасам-чи! Овқатни қайси жағнингизда чайнашингиздан тортиб, чўнтағингизда бир украин ўртоғингизнинг ёдгор тамаки тўрваси борлигигача биламиз!

Содиқ ўзининг элакдан роса ўтказилганига энди сира ҳам шубҳа қилмади. Бу эса унга бемалол гаплаша бериш ҳуқуқини берди. Яна ҳалиги илтимосини такрорлади.

— Очигини айтайми сизга? Бу масала ҳозирча мурракаб, шернинг оғзидан ўлжасини қайтариб олишдек хавфли. Кўп жойларга ёзиш керак. Бирорта калтабин яна ҳалақит бериб қўйиши, ишнинг пачавасини чиқариши мумкин. Бунинг ҳозирча аҳамиятни ҳам йўқ. Виждингиз пок. Қийналаетганингиз йўқ.

— Шундай бўлса ҳам...

— Бу тўёри. Лекин кейинроқ тўғрилаш снгил бўлади. Уруш бир оз олдинга босиб, енгишимиз ҳаммага ошкор бўлсин. Ҳозир алғов-далғовроқ.

Содиқ «қўлбола» кўприкдан ўтишгач, бир оз дам олишга таклиф этди. Чуханов қаршилик билдирамади. Енидан тамаки чиқариб ўради, Содиқка ҳам тутди:

— Раҳмат, чекмайман.

— Чекардингиз-ку.

— Диққинафаслигимдан баъзан чекиб қўяман.

— Энди-чи?— боя йўлда кулганига ўхшаб жилмайди Чуханов.

— Энди зарурат йўқ.

— Ундай бўлса жуда хурсандман. Кераги йўқ, чекман!

Чуханов папирос тутатди, Содиқ боя ўтирган ерига бориб, сувга қаради. Таниш қурбақаны излади. Нариги соҳилда турган бир қурбақаны кўриб қолди. «Ўшаминкин?» деди-ю, термилиб қолди. Унинг оппоқ бағбақаси чиройли кўриниб кетди, бағбақаси эмас, ҳатто ўзи ҳам эски қадрданек меҳрини тортди. У билан юрагини очиб сұхбатлашгани эсига келди-ю, Чухановдан пймапиб, унга:

— Қурбақа ҳам қизиқ махлук: эртаю кеч сувда. Музлаб кетмагани! — деди.

Унинг кўзига фақат қурбақа эмас, қирғоқдаги анати тош ҳам, пўрсилдоқ сассиқ ўтлар ҳам, сийрак булатли кўкка учларини наиза қилиб санчиб турган анати қарағай, оқ қайин, эман, арча ҳам, кишилар оёғи остида энила бериб кукун бўлиб кетган қумлар ҳам — ҳамма-ҳаммаси ҳозир жозибадор бўлиб, ўзгача ҳусну латофат кашф этиб кўринарди...

...У шу кечаси биринчи марта оёғини бемалол узатиб ётди.

10 СИНОВ ДАҚИҚАЛАРИ

Қодир эрталаб кўзини очса, баракнинг ҳидига туриб бўлмайди. Бу аччиқ ва қўланса ҳиднинг ифлос кийимбош, бир қашча вақтдан бери ювинмаган бадандан чиққан тер, қони оқиб ётган яралар осталарига солинган пичан чириги ва яна алланимабалолардан мураккаб топганини у яхши биларди. Айниқса, ғалаён қилган лагердан келтирилганлар қўшилганидан кейин жуда ҳам сасиб кетди.

Қодир турли алфозда ғужанак бўлиб ётган одамлар орасидан ўтиб, иложи бўлмаганида устидан ҳатлаб ташқарига чиқди. «Эҳ, тоза ҳаво, бор экансан-ку» дегандек, чуқур нафас олиб, бурун катаклари керилди. «Шу пайт битта папирос бўлармиди?» деган фикр кўнглига келди. Унинг эрталаб чекиш одати бор эди. Ўзига ўхшаб тоза ҳавога чиқиб, тўдалашиб юрган кишиларга кўз ташлади: қани бирортаси чекаётган бўлса, уят бўлса ҳам сўрарди, таги билан эмас, бир тортиб бериш учун сўрарди! Йўқ, ҳеч ким чекмаяпти! Шу пайт, худди унинг ғашинга тегишини ният қилгандек бир немис солдати чекиб ўтиб қолди. Папирос унинг кўзига шунақа чиройли кўриниб, тутуни димогига шунақа хуш ёқдики,

кўзи тиниб кетди! Бундоқ ўйласа, бу яқин бир ой ичидагимаган эди. Немис, Қодирнинг кўнгли папиросга суст кетиб турганини сездими ёки одатдаги «эрмак»ларидан бирини қилгиси келиб қолдими, икки қадам бурилиб, чекиб турган сигаретини қаттиқ бир тортди-да, итга суюк ташлагандек ерга иргитди.

— Ол! — деди масхаралаб Қодирга.

Қодирнинг қанчалик чеккиси келиб турмасин, «офзинг тўла қон бўлса ҳам душманнинг олдида туфурма», деган хаёл билан ўзини тийиб:

— Раҳмат! Чекмайман! — деди.

— Чекишингни биламан. Ол! Сенга нозни ким қўйибди! Ўлиб турибсан-ку. Ол! — немис қўнжи калта этигининг учи билан сигаретани унга яқин сурди.

— Сарқит чекмайман! Гадой эмасман!

Немис истеҳзо билан қаҳ-қаҳ уриб ёнига қўл солди, сигарета олиб, масхаралаб узатди.

— Бутуннин чекасизми! Билмабман, ҳах-ҳах-ха. Совет кишисиман денг. Фурурим баланд денг!

Қодир билмади: «ҳа, совет кишисиман, шима дейсан!» дегандан кейин бир мушт солиб, немисни ағдардими, ёки ағдаргандан кейин шунақа дедими, бир вақт эси ўзига келиб, бундоқ қараса, бегона бир баракнинг даҳлизида турибди. Орқасига ўгирилиб, немис йиқилган ерда олағовур кўтарилганини кўрди. «Бир оз босилсин!» деганича шошиб ўзини баракка олар экан, эшик орқасидаги юмшоқ бир нарсага оёғи тегиб кетди, ундан чўчиб устидан ҳатлаган эди, умбалоқ ошиб кетишига сал қолди. Эшик орқасида ётган ўлиқ эди. Унинг устида қандайдир жонли нарсалар ўрмалашиб юрарди. Қодир уларнинг каламуш эканини дарров пайқади, чунки уларнинг барагида ҳам кечалари чийиллаб уйқу бермас эди.

Қодир тимирскилаб ердан тош топиб, каламушларга отган эди, у бориб мурданинг юзига «шалоп» этиб тушди. Бу товуш Қодирни шунчалик даҳшатга солдикли, додлаб эшикка чиқиб кетганини ўзи билмай қолди. Бунинг олдида немисга тарсаки солгани ҳеч гап эмас эди...

Шу куни кечқурун текширишда етти киши етмади.

— Улар қани? — деди лагерь фельдфебели аспирлардан ташлаб «Капо» — кузатувчи қилиб қўйган ўз кишисига.

«Капо» унинг олдиға итоаткорона югуриб бориб доклад қилди:

— Үлган.

— Үлган бўлса нима қилиш керак эди! Ё ҳар куни эслатиб туриш шартми!

— Йўқ, шарт эмас, жаноб фельдфебелы! Ҳозир!

Югурдак «Сен! Сен! Сен!» деб беш-олти кишини сафдан олиб, чопиб кетди. Салдан кейин ўликларни бараклардан судраб чиқиб, фельдфебелинг оёғи остига, саф олдига қатор қилиб ётқизиб қўйди. Қодир уларга боқиб «отган тошим башарасига тушгани қайси бири экан? Ҳа, анависи бўлса керак, қулоғини каламуш кемириб кетибди-ку» деб хижолат тортиб ачинди.

Ҳисоб тўғри чиқди. Саф тарқатилди.

Қодир ўгу кечаси «немис эртага таниб қолса нима қиласман?» деган ташвишда эмас, мурдага қилган беодблигидан даҳшатга тушиб ухломади.

* * *

Қодир умрида кўрмаган бир қуш келиб улар ўтирган ердаги баракнинг чети нураб кетган томига қўнди, ундан ниманидир чўқиб, тикка кўтарилди, қатор-қатор тикан симлар, унинг ёнида турган автоматчиларнинг устидан бемалол учиб ўтиб, кўздан ғойиб бўлди.

Қодирнинг унга ҳаваси келди: шу қушча ҳам бахти йўқ. Шу қушга айланишга рози эди.

Уни кузатиб турган Пушкин:

— Одам бахтили бўлиши учун кўп нарса керак эмас, шундаймасми, Қодир?— деб қўйди.

— Албатта. Масалан, менга ҳеч нарса бермасин, ҳеч нарса демасину, фақат ўз ҳолимга қўйиб берса бас. Тўғри дарвозага борсам, уни очсам, ундан чиқиб кетаверсам, кетаверсам.

— Кейин нима қиласдинги?— унинг соддалигидан жилмайди Пушкин.

— Кейин нима қиласдим? Жангга кирадим, душман енгилгач, маза қилиб яшардим.

— Тўғри, Қодир, бир инсонча яшашдан яхши нарса йўқ. Менинча, ҳар одам ўз тақдирни билан дунёга келади. Бирор умри бўйи эзгу ишдан бошқани билмайди, унча кўзга ҳам ташланмайди.

— Кузда, хазоиниҳак пайтида қалин барглар орасида қолган тўппидек беҳига ўхшаб,— гап қистирди Қодир.

— Беҳи ўсган боғларни тоза соғинибсиз-а?

— Соғинмай бўладими, айниқса мана бу жаҳаннамда. Очиғини айтсан, соғиниш нималигини энди билдим. Киши қанчалик оғир кунда қолса-ю, узоқ кетса, шунда қаттиқ соғинар экан. Эҳ!

— Бу тўғри,— деди Пушкарёв асл мавзуга қайтиб,— баъзи одам эса, умрида бир марта, фақат бир мартағина рўйирост туриб «олға!» дейиш учун туғилади, узоқ ҳам яшамайди. Модомики, шундай экан, умринг узунқисқаси йўқ. Дунёга келиб, бир шамча ялт этиб кетгани умр умрми? Одамдан «Қанча яшадинг?» деб эмас, «Дунёга келиб нима қилдинг?» деб сўраш тўғри бўлади. Бирор бутун бир китоб ёзади...

— Бошқа бирор «шилп» этган товуш эшитса, кирпига ўхшаб бошини ичига олиб яшайди,— унинг сўзини оғиздан олди Қодир.— Эҳ, ҳаёт, ҳаёт! Нақадар мураккаб нарса! Мен шу ҳаёт китобига бир вергул қўёлсан жон дердим.

— Ҳали вергул эмас, бутун-бутун сўзлар ёзасиз. Ҳали сизга аталган ишнинг бирорта қати ҳам бузилга-ни йўқ.

Буларнинг шундай жаҳаннамда ўтириб, баҳор чечакларининг иси билан маст бўлаётганларидан кулгиси қистаган Мўрдахай «буларнинг эси жойидами?» дегандек бир-бир кўздан кечириб, бўйинни қичиди. Бу гаплар унга эртак бўлиб туюлди. У, шу кунлари жуда забун юради, озиб-тўзиб кетган эди, бошини титроқ чолдай лиқилилатиб:

— Мен ташқарини ўйламай қўйдим. Қорним тўйиб турса бўлгани эди,— деди.

— Қорнинг тўйиб турса бўлдими?— кесатди Қодир.

— Бошқа нима илож бор? Қочганларни кўряпсиз-ку, отиб, оёғидан судраб келишяпти.

— Уша ҳам ўлимни олдидан бир неча минут бўлса-да, эркин нафас олиб қоляпти. Ўзингни тут, Мўрдахай!

— Ичи тўла заҳар бўлгандан кейин косаси олтин бўлди нима-ю, сопол бўлди нима, Қодиржон aka, барни бир эмасми!— Мўрдахай маъюс бир қараш қилиб, дўстларини менсимагандек туриб кетди. Бу Қодирга алам қилди.

— Бўлмаса легионга ёзилинг, устингиз бутун, қорнингиз тўқ бўлади.

— Нега мен ёэилишим керак экан? Сиз-чи? Сиз не-
га ёэилмайсиз!

— Чунки мен сизга ўхшаб қорним ғамига тушиб қол-
ганим йўқ.

— Қорним ғамига тушганим хонинлик қиласман дега-
ним эмас. Сиз мени яхши билмас экансиз. Акангиз сизга
уйда қанақа тарбия берган бўлса, менга мактабда шу-
нақа таълим берган.

Бу кутнамага жавобдан Қодирнинг нафаси ичига
тушиб кетди. Пушкарёв ҳам «керағи йўқ, тортишманг»
дегандек унинг тирсагини тутди. Мўрдаҳай жадаллаб
юриб кетди. Орқасидан Пушкарёв:

— Мана бу узоққа бормайди,— деди.

— Сабаб?

— Қорни ташвишига тушган узоққа бормайди. Бу
ерда қорни ғами билан эмас, қадр ғами билан яаш
керак. Ҳаёт пшончини, эркинлик ишончини йўқотмаслик
керак. Инсон ўзи ўйлаганиндан кўра, бардошли ва қуд-
ратли. Бундан ўз ўрнида фоидаланиш учун эса, юрак
ва ишонч керак. Яна бир-икки ой ўтсин, ўзигиз билиб
қоласиз.

— Яна бир-икки ой? Наҳотки!

Пушкарёв кеча қошиқ сопидан цементга едириб қи-
линган «қўлбола» устарада олинган, бир неча ери ке-
силган оқ-сариқ юзини йилтиллатиб жилмайди.

— Ҳа, эртага қўйиб юборади, деб ўйлайсизми?

Қодир эрта-индин қўйиб юборилишини ўйламаса
ҳам, бу ҳаётнинг яна бир неча ой чўзилиши мумкинлиги-
дан ваҳимага тушди, бирдан тутақиб кетди:

— Йўқ-йўқ! Яхиси ўзимни ўлдираман!

Кўпни кўрган бу ёши улуг Пушкарёв Қодирнинг бо-
лалигидан кулди.

— Бу мардлик эмас. Мана бу бадбаҳт ҳаётдан омон
чиқиши, кейин яаш ва курашин мардлик.

У синовчан кўзлари билан кузатиб турар экан, Қо-
дир у кутган жавобни қилди:

— Буни қараңг,— тиканли симларни кўрсатиб тўрт
томонга аланглади Қодир,— қуш бўлиб учиб ўтмасанг..
Йўқ, илож йўқ!

— Гап шунда-да! Иложи бор!— товушини пасайти-
риб қулоғига дели Пушкарёв.

— Иложи бор?

— Ҳа.

— Мен тайёрман.

— Тайёрман, дейишнинг ўзи етмайди, тайёрланиш керак.

Қодир тушунмади.

— Қандай тайёрланиш керак?

— Фақат сизу мен билан иш битмайди-да. Тўғизни ғоз ўқи билан отиб бўладими?

Қодир фаҳмлади, кўплашмаса бу зулм тошини кўтариб бўлмайди.

— Мен розиман. Қани, нима қил, дейсиз?

Пушкарёв Қодир тобига келганлигига қаноат ҳосил қилди, шунча вақт уни кузатиб чакки қилмапти, энди унга ишонса бўлади. Лагерда олиб борилаётган яширик ишдан уни хабардор қилди, лекин ҳеч кимнинг номини тилга олмади.

— Сиз биласиз вассалом, бошқа билан ишингиз йўқ. Мен эса сизга ишонаман.

— Раҳмат! — Қодирнинг қоронғи дунёси ёришиб кетди, лабининг таноби қочди. — Энди бу иш қачон бўлади?

— Тайёрлик кўришимизга боғлиқ. Лекин сизни огоҳлантириб қўйишим керак: тунов кундаги сингари қизишиб, немисни тарсакилаб юришни энди қўйинг, бефойда, тошга сув селгандай ўзингизга саҳрайди.

Қодир хижолат тортиб, ўзини оқламоқчи бўлди:

— Кишини масхаралагандан кейин...

— Масхаралаш? Отиб ташлаганда қўлинигиздан ни ма келарди. Яхшиям тополмади!

Қодир бошини қўйи солди.

— Гап шундай, дўстим, булар барчаси беҳуда уринишлар, бирлашиб, тагидан қўпориши керак. Шундай қилиш керакки, зилзиласи Гитлернинг уйқусини қочирсин! Келишдикми?

— Келишдик.

— Ҳа, ростданам, бирортаси гапга солса, оғзингиздан гуллаб қўйманг тағин. Патриот ниқобидаги иғворлар ҳам бор-а бу ерда.

— Хотиржам бўлинг!

Қодир бу томондан кўнгли тинчиб, бир неча кундан бери юрагини ғаш қилиб келаётган бир саволни унга берди:

— Тунов куни келган Али Наимхон ким? У қаёқдан Гитлер билан тил топишиб олибди?

— Пес билан пес қоронғида топишар, деган мақсат бор-ку, худди шунинг ўзи. Бир маҳал Германияга ўқиши га келиб, қолиб кетган савдогар боласи, ватанфуруш. Энди Гитлернинг тувагини ялаб юрибди.

Али Наимхоннинг қилмиши эмас, товушининг ҳам жунуклиги Қодирнинг эсига тушди, ифлос нарса босиб олгандек кўнгли беҳузур бўлиб кетди:

— Ватан, ватандошлар, эмиш! Қайси қўйган устунияни учун жонинг ачииди! Уялмагани!

Пушкарёв яна таъкидлади:

— Гап шу, ўртоқ Қўчқоров!

— Албатта, ўртоқ Пушкарёв! Ўлмоқ бор, қайтмоқ йўқ!

Қодирнинг хаёли баҳор қушларидек чаман кезиб кетди. Кўз олдига Аэиза келди. «Ҳани энди у юрган кўчадан яна бир юрсам, у узган гулдан ҳидласам, у чанқоғини босган ариқдан бир ҳовуч сув исчам, у севги уфурган ҳаводан кўксим тўлиб нафас олсан. Майли эди шундан кейин ўлсан, ўлдирсалар! Йўқ, шундан кейин ҳаётнинг қадрига етиб яшасам, маза қилиб яшасам. Яашим керак!»

Пушкарёв Қодирга топшириқ бериб, барак орқасига ўтиши билан, уни бир «капо» тўхтатди. «Оббо, лаънати, бутун галимизни эшишиб турган экан шекилли» деб у ўзини қаршилик кўрсатишга тайёрлаб улгурмай «капо» гап бошлади:

— Мен сиз билан очиқчасига гаплашмоқчиман. Ростини айтсан, сиз жуда қалтис иш тутяпсиз. Эҳтиёт билан иш кўраётганга ўхшайсизу, ҳаммаси сезилиб турибди. Мана ҳозир шу қорача йигит билан учрашувингизни олайлик. Нима гаплашганингизни эшифтмаган бўлсанм ҳам, билиб турибман.

— Нима гапиришибмиз? Ҳеч нарса гаплашганимиз йўқ!

— Ўзингизни гўлликка солманг! Ҳаммасини биламан: кеча оқсоқ украин билан кўришганингиз-чи! Анави пучуқ казак-чи! Тунда бурни катта арманини нимага четга олиб ўтдингиз. Тунов куни нега бошқа баракда ётиб қолдингиз? Ёнингиздагилар ким эди. Барчаси кафтимда.

Буни Пушкарёв кутмаган эди. У шак келтиrolмаса ҳам, иқрор бўлиши мумкин эмас эди. Бу хилдаги курашни ўзига касб қилиб олган кишиларга хос ирода ва ма-

тонат билан сира пинагини бузмади. Бундай кишилар әгилмайды, тик турганича йиқилади.

— Мени ким биландир адаштиряпсиз,— деди хотиржам.

— Сизнинг бу хотиржамлигингиз мени ажаблантирмайды, чунки сизнинг кимлигингизни биламан, жуда яхши биламан, ўртоқ чекист! Ҳозир гап бунда әмас, бошқа ёқда! Сиз мени сотқин ҳисоблайсиз. Бир томондан бу түғри. Менинг вазифамни бажариш ўзи хониллик. Лекин мен хониммами? Бу бошқа масала! Мен сиз билан бирга бўлмоқчиман. Ишонасизми?

Бу учрашув оқибати бундай кескин тус олиши Пушкарёв учун сира кутилмаган янгилик эди! У чексиз хаёл түфлонида қолиб кетди: бу ким? Үз қилмишидан пушаймон кишими ёки иғвогарми? Иғвогар бўлса ҳамма нарсадан хабардор экан, нега энди унинг ўзига айтиб ўтирибди? Үзини бир кўрсатиб олиб, кейин хўжайниларига хабар бермоқчими? Ёки шу атрофдаги яширин партия ташкилотининг топшириғи билан лагерда ишлаетган одамми? Унда бундай қўйпол бир йўл билан алоқа боғлашининг қанчалик зарури бор? Ё жони шириналлик қилиб қолган қўрқоқми?

Ишқилиб, Пушкарёв қанча уринмасин, унинг кимлигини тушуниб етмади. Лекин бир нарса аниқ эди: агар у чиндан ҳам иғвогар бўлса, уюштирилаётган қочишни барбод қилиш учун етарли маълумотга эга. Демак шундай экан, ортиқча ўйлаб ўтиришнинг ҳожати йўқ. Пушкарёв шарт кесди:

— Борди-ю, сизга ишонсак нима нафингиз тегади?

— Бу сизнинг қобилиятингизга боғлиқ! Мен лагерь корчалоилари қўйнига узатилган қўлингиз бўла оламан. Истасангиз юрагини, истасангиз жигарини сугуриб бераман.

Бу ўта ботирлик Пушкарёвни яна чўчитди: ё у чиндан ҳам довюрак ёки сояси юпқа чиранчиқ.

— Майли,— деди у,— эртага қош қорайганда еттинчи барак орқасида учрашамиз.

— Хўп! «Капо» хайрлашмасдан жўнаб кетди. Нарироқ бориб ҳуштак билан қандайдир куйни хиргойи қилгани эшитилди. У жуда бепарво борарди.

Пушкарёвнинг эртагача ваъдалашишдан мақсади шундай эди: эртагача ҳамфиклари билан маслаҳатлашади, агар қочишни уюштираётган яширин қўмита унга ишонса-ю, хўп-хўп, ишонмаса унда нима бўлади?

Беш кишилик құмита шу куни кечаси ва әрталаб узоқ маслағатлашды: бир фикрга келишнинг иложи бўлмади: ҳаммадан ҳам «капо»нинг олтин тоф ваъда қилиши, тили ботирлиги уларни эҳтиёт бўлишга ундарди. Шунда бирдан Қодирни иккита немис аскари келиб олиб кетганини эшитиб қолдилар.

— Тамом! Извогар экан ў! — деди бири.

— Агар извогар бўлса мендан бошлаши керак эди,— деди Пушкарёв.

— Сабр қил, сен билан менга ҳам навбат келиб қолади.

— Қизиқ, нега Қодирдан бошлашди? — тушумас эди Пушкарёв.

— Чунки у орқали калавани чувалатиш енгилроқ бўлса керак,— деди кеча «капо» тилга олган казак.

— Кечирасиз! Қодир унча·мунча тошда чақиладиган ёнғоқ эмас! — қатъий деди Пушкарёв.

— Мана энди маълум бўлади,— гапга аралашди «капо» тилга олганлардан бири — арманн йигит.

— Агар ўша менга учрашган «капо» хабар берган бўлса, Қодирдан сўраб ўтиришининг ҳожати йўқ. У ҳаммани билар экан. Қодир ёлғиз менигнина сотиши мумкин.

Пушкарёвнинг шу сўзидан кейин ҳеч ким ҳеч нарса демади. Ҳамма ўз фикри·ўйи билан бўлиб қолди.

— Тўдалашиб, хаёл суреб ўтиришимиздан фойда йўқ. Қани бир қарорга келайлик! — деди ташаббус кўрсатиб Пушкарёв.

— Бу хилда ўтиришимиз бўлса, қидириб юришмасдан ҳаммамизни шу ерда босиб олиб қўя қолишлари турган гап,— бошини кўтариб деди казак.

Қарор Қодирнинг иши бир ёқлик бўлгунича йигилиш-маслик, «капо»ни эса бўғиб ташлаш бўлди. Бу ишга киши тайинланди. Лекин бир маҳал ўлимга ҳукм қилинган «капо»нинг ўзи Пушкарёвни қидириб, баракка келиб қолди. Уни кўриши билан Пушкарёв «ҳа, ифлос, мени олиб кетиш учун одам бошлаб келяпсанми?» деб кўнглидан ўтказгунча, у жуда эҳтиётлик билан бир четга ишора қилди. Пушкарёв «бўлар иш бўлди — энди очиқ гаплаша бериш керак», деб кўрсатган томонга ўтиши билан «капо»:

— Қодирнинг ишидан хавотирланманглар,— деди ва тафсилотини айтмасдан бепарво юриш қилиб чиқиб кет-

ди. Пушкарёв суринтиришга улгурмади, кишилар хала-
қыт берди.

Пушкарёв бу хабардан ҳайрон бўлганича қолаверди.
Ҳамфирларига маълум қилди. Улар яна ишонни мади.
Ҳамма нарсани яна бирор кишининг лагердан турмага
олиниши ҳал қиласди. Агар «капо»нинг қўли бўлса, у
билиган кишилардан бирортаси бугун-эрта қўлга олинниши
керак эди. Кечгача ҳеч қандай ҳодиса содир бўлмади.
Қош қорайиб келарди. Тайнланган кишилар «капо»
 билан ваъдалашилган ерга келса, уни нобуд қилиб қў-
йишлари мумкин эди. «Эҳтимол у иғвогар эмасди!»—
шундай фикрга келган Пушкарёв шерикларига учрашди,
қарор ижросини орқага сурини маслаҳат кўрди:

— Чиндан ҳам иғвогар бўлса-ку хўп-хўп, бир эмас,
минг бор ўлдирансанг ҳам оз. Борди-ю... йўқ, ўртоқлар,
яхши ўйлаш керак. Унинг бизга кўп фойдаси тегиши
мумкин.

— Пушкарёв, сен бу мулоҳазаларинг билан ҳамма-
мизни қопқон бир-бир оёғимиздан қисгуича сабр қила-
диганга ўхшайсан. Мен бу фикрингга қўшилмайман.
Биздан биттамизни олдими, иложи бор экан, биз ҳам
биттасининг бошини еймиз,— деди казак.

— Сеники жуда христианчасига-я: тиш учун тиш,
бош учун бош!— ҳазилга олди Пушкарёв.

— Қандай тушунсанг, шундай тушунавер! Лекин мен
душманга шафқат қилолмайман!

— Бу шафқат эмас, эҳтиёткорлик, дўстим! Бегуноҳ
чиқиб қолса, айт-чи, кейин виждонинг қийналмайдими?

— Бегуноҳ бўлса «капо»лик қиласдими! Қўйсанг-чи?

— Бу менинг фикрим холос. Яна кўпчилик билади.

Кўпчилик ҳукмни икки кун орқага сурди. Бугунги
учрашувга Пушкарёвнинг ўзи борадиган бўлди. Қодир-
нинг нимага турмага олинганини, ўзини қандай туваёт-
ганини билишни унга топшириқ қилиб беради.

Бир жиҳати бу «капо» учун синов — тақдирини ҳал
қиласди.

* * *

Қодирнинг қўлга тушиши қизиқ бўлди.

Қодир, қизнинг ўзидан ҳам хаёли ширин бўлар экан,
деб кўнглида Азизани ўйлаб, қуёшдан қўзини пана қи-
либ ёнбошлаб ўтирган эди, бирдан кимдир:

— Тур, камарни еч,— деб қолди.

Юзига ташлаб қўйған рўмолчасини олиб, тепасида турган немис фельдфебелининг ўзини кўрди. Кундан-кун дармонсизланиб бораётган тиззаларини қирсиллатиб ўрнидан турди. Фельдфебель ушинг кир бўлиб кетган гимнастёркасининг этагини кўтариб, шимини тутиб турган энлик камарни кўрсатди.

— Чиқар!— деди яна.

Қодир дарров фаҳмлади: фельдфебельни камар эмас, ушинг тўқасидаги қизил аскар рамзи бўлган беш қирралли юлдуз бетинч қиляпти. Пушкарёвнинг «энди қизишиб иш тутманг» деган насиҳати эсига тушиб, камарни чиқариб бермоқчи ҳам бўлди-ю, шимининг тушиб кетишини ўйлаб хаёллаб қолди. Лагернинг ҳокими мутлақ хўжайини фельдфебелга шунинг ўзи етиб ортарди. У тувақиб кетди. Бир тарсаки туширди, сўкинди. Қодирнинг тарсаки зарбидан кўз олди чақнаб кетган бўлса ҳам, Пушкарёвнинг танбеҳини эслаб, индамади, ноилож беш қиррали юлдуз қадалган қизил аскар камарини чиқариб берди. Лекин фельдфебель, айтган заҳоти чиқариб бермаганиданми ёки ўзининг итлиги тутдими, иккита кишисини чақириб, уни бериб юборди. Кетидан ўзи бориб:

— Нима учун қизил юлдуз олиб юрганингни биламан. Яна кимларда бор?!— деб дағдага қилди. Қодир бўш келган сари ошиб кетаверди, яна бир-икки уриб қолди. Шунда Қодирнинг сабри тугаб, ишмалардир деб бақириди, сўкди, турмага тушди.

Турма лагердан девор билан ажралган бўлиб, лагерь ва кўча томондан эшиги бор. Бу ерда девори қалин, поли цемент қоронғи ва зах камералар бир талай. Шулардан бирига Қодирни киритиб, устидан шарақлатиб қалин тахтадан бўлган, қўш қулфли эшигини ёпдилар. Қодир бу турма ҳақида аввал эшитган — ушинг тирик мозор эканини биларди. Шундай бўлса ҳам, ортиқча қўрқмади, «битта камар учун отиб ташламасалар керак, ахир» деган умид билан қоронғи ва каталак камеранинг бир четига, цемент полга ўтирди. Камерада на каравот, на табуретка бор эди. Фақат бурчакдан, тўпнинг оғзицек туйнукдан ёруғ тушиб турарди, у ёруғнинг ҳам ярмини темир панжараси бўғиб қоларди. «Панжара тутмаса, бу ердан одам қуш бўлиб учиб чиқиб кетадими?» деб ўйлади у. То зах цемент ҳиди келиб турган мудҳиш бу хонанинг қоронғисига ўргангунича кўп вақт кўзини

юмб турди. Аста-секин күзи күніккан сары бу камера-нинг дағшати очила борди: деворлари дөг-дуғ, қолган қон излари, шифтнинг бурчакларини ўргимчак уяси боссан. Полидан муз чиқади, бирпас ўтириши билан бутун баданини совуқ қоплади. Кейин туриб юришга мажбур бўлди. Унинг нима қилаётганини кузатаётгандек эшикдаги тия кўзидек тешикдан кимдир тез-тез қараб турарди.

Ана шуларнинг ҳаммасини аниқ кўриб, тасаввур қилгандан кейин, Қодирни ваҳима босди: арзимаган бир иш учун шундай жойга ташлаган фельдфебель нега отиб юбориши мумкинмас? Ким ундан ҳисоб олади-ю, кимдан у ҳайиқади!

Эртаси тушгача Қодирнинг бор-йўғини ҳеч ким суриштиrmади. На бир бурда нон бор, на бир қошиқ сув, фақат тунда бир-биридан тўрт энлик олисликда ёнма-эн михланган тахта-шита узатдилар. Шунинг устида ётди. Ётиш қаёқда, ағанаб чиқди. Тахтанинг қаттиқлигидан эмас, камеранинг захлигидан, тақдири қоронилигидан кўзига уйқу келмади.

Эртасига туйнукдан тушган ёруғдан кун ёришганини сезиб ўтирган эди, бирдан қўш қулфли эшик дараинглаб қолди. Уни олиб чиқиб кетдилар. «Яна қаёққа олиб борадилар?» деб юрак ўйноғи бўлиб борган Қодир, беш минут ўтмай, ўзини ўша фельдфебель билан яна бир СС офицери ҳузурида кўрди. Русчани унча-мунча билган фельфебель СС офицерининг сўроқларини яримта-юримта қилиб таржима қилиб турди. Берилган саволларнинг юлдузли камарга алоқаси йўқ эди. Офицер жуда баланддан келарди:

— Лагерда сенинг нима иш қилишинги биламиз. Агар ўзинг иқрор бўлиб, шерикларнингни ҳам номма-ном айтиб берсанг ҳаётнингни сақлаб қоламиз. Истасанг Туркистон легионига юборамиз.

Қодир аввалига чўчиб тушди: кўз оллига Пушкинёв келди. Наҳотки булар ҳаммасидан хабардор? Агар билса, нега энди мендан суриштириб ўтиради? Билмайди. Билса бундай қилмас эди. Менинг нимамга жони ачийди. Булар қоронғи уйда тахмин билан тош отиб юрибди.

Шу ишонч унга куч бағишлиди ва ўзининг ўлимдан хабари бор, аммо бундай «аҳмоқлик»лардан мутлақо бехабар қилиб кўрсатди. Офицер бари бир унга ишонмади, конкрет сўроққа кўчди:

— Апави рус туюв куни сенга нима деди?

Қодирнинг юраги шифиллаб кетди:

— Қайси рус?

— Ўзингни гўлликка солма, офтобда учрашганинг.

— Эсимда йўқ. Ҳеч ким билан учрашмадим. Кимни кўрибман?

Бирдан унинг қулоги тагига шапалоқ тушиб қолди:

— Нега ёлғон галирасан. Мана бу нима? — у сурат кўрсатди. Унда Қодир Пушкарёв билан ёнма-ён турарди.

— Мана бу-чи? — яна бирини узатди.

Мана энди сени қўлга туширдим деб кибрланиб турган офицер, Қодирнинг жавобидан бешбаттар тутоқиб кетди.

Қодир эса, суратни кўриши билан «бу факат сурат, сўзимизни қаёқдан билади. Шу билмаганидан мени тергаяпти-да, акс ҳолда, унинг оёғини ерга тегизмай олиб келарди. Демак, бу ёғи менга боғлиқ. «Эй қалбим, энди метин бўл, тилларим тош қот! Үлсанг ўлу, лекин сиринг ичингда қолсин» деган фикр билан жавоб қайтарди.

— Ҳа, буми, бир маҳал бизнинг томонларда бўлган экан, ҳозир ўзгариб кетгандир деб сўраётган эди.

— Яна нима деди?

— Ҳеч нарса.

— Исли нима экан? Қизил Армияда ким бўлган экан?

— Бунисини айтмади, мени ҳам суринтирганим йўқ. Унинг исмини билганим билан қорним тўярмиди.

— Қоринингни тўйғизсан, билиб берасанми?

— Айтармиди? Айтмайди. Бу ердаги одамлар пишиқ экан.

Унинг соддалиги офицерга ёқди, мағрур жилмайди. фельдфебель билан кўз уриштириб олди:

— Биз ёрдам берамиш.

— Уддалолмасман... Уддалолмайман! Бекорга айроқчи деб ўлдириб қўйишади.

— Жонинг шунаقا ширинми?

— Кимниг жони ширин эмас. Қари онам бор...

— Ҳа, балли, ўша қарип онангни кўргинг келса, биз билан ишлашинг керак. Устинг бутун бўлмаса ҳам, қорнинг тўқ юришига кафилмиз.

— Йўқ. Қўлимдан келмайди, уддалолмайман.

— Очликдан ўлиб кетасан-ку, бу ҳолда.

Қодир «бошқа қандай иложим бор?» дегандек ел-

касини маъюс қисди. Шунинг устига тунов куни Пушкарёвни тўхтатиб, ўз хизматларини таклиф этган «капо» эшик тақиллатиб, кириб қолди. У эгилиб салом берди, лекин офицер ҳам, фельдфебель ҳам менсимагандек сал бош иргаб қўя қолди.

— Демак, сен советлар келиб, озод қилишидан умидворсан, ҳа, қизил шайтон! — Офицер яна қутура бошлади. Унинг энгажидан кўтариб қўйди, — бўлмаса нега очдан ўлишга розисану, биз билан ишлашмайсан?..

— Қўлимдан келмайди,— яна бўшашиб жавоб қилди Қодир.

— Келади! Келтирамиз. Рози бўлсанг бас.

Бу гал Қодир индамади. Тўғриси, нима деб жавоб қилишни билмасди. Яна ўша жавобни қайтариш қутурган ит оғзиға қўл тикиш эди.

Офицер унинг оғзини пойлаб турди, ҳадеганда жавоб бўлавермагач:

— Хўш, нима дейсан?— деди сабри тугаб.

Қодир жўрттага яна бўшашибди, «йўқ, қилмайман» дейишга ботинмай ётиғи билан:

— Қилолмайман, уддалолмайман,— деди.

— Уддалайсан!!

— Йўқ.

— Қиласан!

— Йўқ!

Ана шундан сўнгра Қодир етти ухлаб тушига кирмаган қийноқин кўрди. Уни бегона қўрага кирган дайди итдек уриб-суриб қўшни хонага олиб чиқдилар, бир сёғига арқон солиб, шифтдаги ҳалқага осиб қўйдилар. Бутун еган-ичгани оғзиға келиб, оғидан ушлаб, бозордан олиб келинаётган жўжахўрöz қанотидек қўллари шалвираб, анча вақт қолиб кетди. Бу орада офицер шошмасдаш битта сигарета чекди. Алланияма ҳақида «капо» билан немисчалашди, фельдфебель қаёққадир чиқиб келди. Яна папирос тутатиб чиқиб кетди. Кейин офицер «капога» немисчалаб гапирди, у Қодирга таржима қилиб бериб турди. Савол яна бошидан бошланди: «Анави рус сенга ишмалар деди? Ниманинг режасини туздиларинг? У қарса ишлаган экан? Биз билан ишлашга рози бўласаши-иёқми?

Қодир тушундикни, жавоб бериш бефойда. Модомики, ўзига маълум спрни очмоқчи эмас, улар билан ишлаш нияти йўқ экан, ҳар қандай жавоб фақат ортиқча калтак

ва ҳакорат учун восита бўлиши мумкин. У индамади. Назарида оёғи узилиб кетаётганга ўхшарди. «Иккى оёғимдан осгандан ҳам бунчалик бўлмасдим» деган хаёл билан тишини тишига қўйди. Аввал тўпиги, кейин тиззасининг кўзи, ундан кейин бели кесак бўлди, сезиш ҳиссини йўқотди. Бора-бора иккى қўли ҳам ўзига оғирлик қилиб қолди, қўлтигининг ости зирқиради, томоғига нафаси тиқилиб, кўз олдини туман босиб келди. Худди шу пайтда офицернинг:

— Хўш, ўйлаб бўлдингми? — деган товуши аранг қулоғига кирди. Салдан кейин ўйлаш эмас, эшишидан ҳам қолди: қулоғи том битиб, кўз олдини тун қоронгилиги босди.

У ҳушига келганда бошқа бир камерада ётарди. Бу ер аввалгисидан сал катта бўлиб, иккита занг босган каравот ҳам қўйилган эди. Биттасида ётган одам у кўзини очиши билан ўрнидан туриб, саломлашди. Нимага қамалганини сўраб, ўзиникини айтиб берді. Шу билан камерада одатда бўладиган дастлабки суҳбат тугади. Салдан кейин у одамни олиб чиқиб кетдилар. Туни билан қайтмади. Эрталаб:

— Гитлерни кўмишга чиқдим. Мендан бошқа ҳеч ким йўқ, оёғидан судраб кўмиб келдим,— деб қаҳ-қаҳ солиб кириб қолди. Куни билан кулгидан тўхтамади. Туйнукдан тушиб турган ёруғга қараб, қушга ўхшаб талпинди, каравоти устига чиқиб сакради. Жим қолди. Яна қаҳ-қаҳ урди. Камерада Қодир боринни пайқамади ҳам. Ўзи билан ўзи сервар бўлиб, кунин ўтказди. Кечга яқин олиб чиқиб кетдилар, бошқа қайтмади.

У жинни бўлиб қолган, уни отиб ташлаган эдилар.

Қодирнинг унга раҳми келиб, ўз тақдиридан ваҳимага тушди: мен ҳам жинни бўлиб қолмасам!

Эртасига бу даҳшатли ваҳимадан қутулиб, камерага «кўнинккан»дек бўлди. Уни кўздан кечирди: аввалгисидан сал ёруғ. Ташқаридан сал-пал товуш ҳам эшитилади. Бу товуш қулоғига илк бор кирганда бағрини тилиб кетди: инсон товушининг бунчалик ҳаётбахш эканини энди туйгандек эди. Чанқоқ киши сувга ёпишгандек қўлинин ҳовуч қилиб, ташқарига қулоқ солди, лекин товуш келарди-ю, уни англаб бўлмас эди. Бу ҳам бора-бора жонига тегди. Камера деворларини «томоша» қиналаётсиб, бирдан чумчук кўзидек ковакдан бир нарсанинг чиқиб турганини пайқаб қолди. Гавҳарга йўлниқкан га-

дойдек энтикиб, уни тортиб олди. У ҳимарилган қофоз эди. Бу кафтдек қофозга хат ёзилганини ёруғга солған-дагина билди ва ўқиди:

«Бу ерда сиёҳ йўқлигидан қоним билан гугурт чўпидан ёзяпман. Мен оддий совет кишисиман. Маслагим йўлида ҳалок бўляпман! Қалбим тинч. Хайр, дўстлар! Биз енгамиз! А. Овчаренко».

Бу хат унга бир олам куч-қувват бахш этди.

* * *

Пушкарёв, умуман қочишни уюштирувчи яширин қўмита Қодирдан кейин ҳеч кимни немислар безовта қилмаганидан ҳайратда эди. Мана бугун бешинчи кун. Уни кузатиш учун топшириқ олган «капо» ҳам еттинчи барак орқасида ўша бир учрашгандан кейин лагерь зонасида кўринмай қолди. Бу яна қизиқ эди.

Бу жумбоқ қўмитанинг қўлини боғлаб қўйган эди. Агар шу ҳодиса рўй бермаса ёки «капо» орага тушиб қолмаганида шу бугун-эрта лагерь оёққа турган ва ўз бахтини синаб кўрган бўлар эди. Ҳозирги ҳолатда иш бошлаб бўлмас эди. Балки немислар шу ҳодисанинг бошланишини бутун лагерни қириб ташлаш учун бир баҳона сифатида атайин кутиб тургандир. Унда барча тайёрлик бир пул бўлиши турган гап.

Қодирни яхши таниган Пушкарёв жуда безовта эди, қўмитанинг иши орқага судралиб путур етишидан бир чўчиса, ёшгина ажойиб йигит Қодир учун яна бир жони ачир эди. «Нима ҳодиса рўй берди экан» деб ўйлаб ўйига етмас эди. Шу пайт фикрдоши арман йигит уни қидириб келиб қолди:

— Чиқ, «капо» ҳовлида юрибди. Сени қидираётган бўлмасин! — деди.

Пушкарёв шошганиданми ёки ҳаяжониданми иргиб ўрнидан туриб, эшикка отилар экан, орқасидан етиб келган арман йигит фақат у эшитадиган қилиб:

— Ҳовлиқма! — деб қўйди. Шундагина Пушкарёв ўзининг ноўрин ҳаракат қилганини сезиб, дарров бепарво тусга кирди.

Чиндан ҳам «капо» уни кузатиб юрган экан, Пушкарёвга кўзи тушиши билан бир четга ишора қилиб, унинг орқасига ўтди. У орқасида юрганича гапириб кетаверди.

Пушкарёв ҳам ўзича кетаётгандек қулоқ солди. «Капо» Қодир ҳақида түплаган хабарини етказиб, кегидан:

— Унингиз унча мунча олмос кесолмайдиган ойна экан! — деб қўйди.

— Яхши! — деди хотиржам бўлиб Пушкарёв, лекин Қодирнишг тортган азобидан юраги ачишди. — Энди ни-ма бўлади?

— Айтотмайман. Қамерада ётибди.

— Аниқ айби бўлмаса чиқариб юборишлари ҳам мумкинми?

— Айтиш қийин. Лекин йигит ўн йил ётгандага ҳам сизларга касри урмайдиган. Бу ёғидан хотиржам бўли-шингиз мумкин. Бунақаси кам бўлади.

— Худди шунақалиги учун ҳам уни қутқариш ке-рак-да! Акс ҳолда сатқайисар дердик.

«Капо» бош қашиб қолди: бу жуда оғир жумбоқ эди.

— Сенга топшириқ шу: бир йўлини қил! — деди Пуш-карёв қатъий.

Боши қотиб қолган «капо» ўйлаб туриб:

— Бирор тўполон бўлганда эди, мен уни олиб чиқ-сан... — деб қўйди.

«Капо»нинг бу гали қочишини уюштирувчи «яширин қўмита»нинг ишини тезлатишга турткі бўлди.

Қодирдан кўнгли тинчиган қўмита, яна икки автомат қўлга туширганидан кейин қочиши кунини белгилади. Отишма вақтида Қодирни камерадан олиб чиқишини тур-мани яхши билган «капо» билан яна беш-олти кишига топширидилар.

— Бу бошқа гап! — деди «капо». Кетидан қистир-ди: — Омон-эсон бу жаҳаннамдан қутулиб олсак, ме-нинг кимлигим ҳақида ўзингиз гувоҳлик берасиз-да.

— Бу ёғидан кўнглинг тўқ бўлсан.

— Бу амалим хатоимнинг мажбурий оқибати эди. Бир куни ҳаммасини айтиб бераман.

— Албатта.

Якшанба куни немислар айни ширин уйқуда ётади-ган тонготарга яқин лагерь оёққа турди. Тайёрлик пух-та бўлганидан операция шунақа тез ва муваффақиятли амалга ошдики, қочоқлар бир соат ичидаги мўлжаллан-ган ўрмонларига кириб олдилар.

Қодирни камерасидан жуда эпчиллик билан олиб чиққан «капо» лагерь дарвозасида ўқ еб йиқилгач, уни икки кишилашиб ортмоқлаб келган Қодир салдан ке-

Иппи йўлда, ўрмон оғзида қолдиришга мажбур бўлди. У ҳаётдаги ўз бурчини ўтаб бўлган кишидек кўзини мангу юмган эди. «Қапо» ўз ҳалокатини билгандек, қўпнидаги бир парча қофозга шундай деб ёзиб қўйган эди: «Павлинский Вадим Тодорович, немис тили ўқитувчи...», кейин адреси.

Бир ойдан кейин ўрмонда пайдо бўлган партизанлар отряди оғизга тушди, бу атрофда немисларнинг ҳаловати йўқолди.

11. ОНА ЮРТГА ҚАЙТГАНДА

Қодир она шаҳрига кириб келганда айни ёз эди.

Бу юртнинг ёзига нима етсин: ишкомида чарос қорайиб, полизида қирқ хил қовун дум беради, нашватиси атир таратиб, қимизак олмаси кўнгил очади, гилоси кўз қамаштириб, анжири тил ёради. Қайрағочдаги сават уясида лайлак томоқ қоқиб мусичалар кукулашганда захча чағиллаб, булбуллар боғу чаманин куйга ғарқ қилганда, ариқ суви осмондек тиниб, қўнғироғини бир текис чалганда, кундузи тупроғига тухум кўмсанг пиширгулек исиб, оқшоми оромбахш салқин тортганда бу ўлкани айланғанмисиз? Миришкор боғбон супасида бир бош ҳусайнини ёки эчкиэмариини сувга чайиб, еб бободеҳқон чайласида тунаб, саҳарда апанас, кўкча, оқуруғнинг тарсиллаб ёрилишини эшигтанғанмисиз? Шода-шода кўсак боғлаган кўм-кўк паҳтазор бошида, айни туш пайтида, уста паҳтакор қўлидан бир пиёла кўк чой ичиб, ёғлиқ паловдан кейин ўилаб канал, юзлаб анҳорлардан бирига шўнғиганмисиз? Йўқ? Демак, мўъжиза юртни кўрмабсиз, дунёда шундай оромижон ҳам бўлишини билмабсиз!

Ана шуларни ўйлаб она шаҳрида поезддан тушган Қодир, илк қарашидаёқ ҳамма ёқда бундан неча-нечада минг километр узоқдаги даҳшатли урушнинг таъсирини кўрди. Юзидаи ёшлик шоду хуррамлиги, қувноқ шўхлиги сочнилиб турган йигитлар сийрак. Отаси, акауласи, эри, фарзандини фронтга жўнатиб, уларнинг ўринини босган қиз-жуvon, ўсмир-кексаларнинг ранги-рўйида аввалги завқ, шукуҳ, табассум йўқ. Кийим-бошларни ҳам соддалашган: енгил ботинкалар, туфлилар ўринини қўпол этик, иппи қайншли оғир ботинкалар, ишак ўринини ип алмашган эди. Қарашлар оғир ва ўйчан. Бошига мушкул иш тушиб, пардоз-андозни унутган жу-

вондек кўча-кўйларнинг бурунги файзи йўқ. Трамвайнинг жиринглаган товушида ҳам қандайдир ўзгачалик бордек. Уруш гўё бу шаҳар, бу юртнинг ҳуснини ўғирлаб қўйганга ўхшарди.

Қодир телеграмма бермаган эди. Ҳамманинг ўз иши бошидан ортиб ётган ҳозирги тифиз пайтда ҳеч кимни овора қилгиси келмади. Азизанинг фронтдалигини хатдан билади. Уни кутишга ойинси-ю, Жаннат кенойиси чиқа олади, холос. Ким билади, онаси акасининг ғами устига Қодирнинг шунча вақт бедому дарак бўлиб кетганидан кейин қандай аҳволга тушган? Эҳтимол ғам букиб қўйган, станцияга чиқишига ё кучи етади, ё йўқ! Бу оила бошига қора кун тушганда меҳрибонлик қилиб турган кенойисини безовта қилишини ўзига эп кўрмади. Иннайкейин, бу кунларда вокзалда киши кутиш, гул тутиш қабристон тепасига «Марҳабо, хуш келибсиз» деб ёзиб қўйгандек эришга ўхшаб кўринди. Шошмасдан кириб борса ҳам бўлаверади. Нимани қойил қилиб келяптики, уйига телеграмма бериб, вокзалга одам тўплайди!

Уша тонгда немис лагеридан қочгандан кейин Пушкарёв тузган партизан отрядида жанг қилиб юрди: поезд қулатди, кўпприк портлатди, кўп қатори чоғи келган немис гарнизонларнга ҳужум қилди, хониларни тутиб отди, разведкага борди. Хуллас, нима буюрилса йўқ демади, қўлидан не иш келса, бош тортмади.

Шундай тўқиашувлардан бирида сони ва қорнидан ўқ еб, узоқ ётди. Охир бўлмагач, самолётда «Катта ер»га эвакуация қилишди. Денгиз ёқасидаги бир шаҳарда керагича даволаб, мана эндп олти ой отпускага юборяптилар.

Қодир таниш кўчалардан ўтиб, эшигига яқинлашган сари юраги гуп-гуп уриб, нафаси ўпкасига тиқиларди.

Бу нима? Ҳаяжонми? Иўлида кўзи тўрт меҳрибон онасининг соғинчими? Немис лагерида тортган азобуқубатларнинг ҳоврими? Тўккан қоннинг шукухи, она шаҳрининг олов меҳрими? Нима бу?

У, бир бурда қора нонга зор бўлиб, лагерда озибтўзиб, битлаб юрганда, ифлос немис офицери калтаклаб-калтаклаб, оёғидан шифтга осиб қўйганда шу лаҳзани, шундай totли лаҳзани ўйлаганими? Ҳа, булар барни осмондаги ойномага қараб талпинган гўдакницидай ширин хаёллар эди, холос. Мана, кўз олдидаи бир

лаҳза ҳам нари кетмаган ўша оддийгина эшик! Мана, унинг остонаси тубидан шилдираб оқсан кумуш ариқ. Мана, чинорга бир шохини эркалик қилиб қўйиб турган акация дарахти. Шохлар орасида чумчуқлар ҳам аввалгицек чуғурлашади, осмон ҳам ўша, қуёш ҳам ўша. Ҳамма-ҳаммаси ўз жойида. Фақат, улардан уруш туфайли файзу ором кетган., тинчлик кетган. Ана шу чинор, ана шу ариқ, ана шу чумчуқлар, ана шу осмон, қуёш, ер, эсган шамол, ана шу она шаҳар, гўзал юртниңг ҳусни, латофати, кўрки жозибаси бўлмаса, завқи шавқи, фарогати, файзи ҳаловати бўлмаса, уларниңг дарди билан ёнмаса, фронтларда қон кечиб, лагерда зардоб ютиб, душман орқасида жанг қилиб юармиди! Шулар борки, ушиг бағри бутун, кўнгли тинч.

Қодир ҳаяжондан титраган қўллари билан эшик зулфини ушлади, аста штарди: қани илк бор кимни кўраркин?

Ҳовли сув қўйгандек жимжит. Адолат хола қўшни-никидан ўтган балхтут соясидаги супачада нима биландир ивиресиб ўтирибди: кўзида кўзойнак, бошида оппоқ дока рўмол. «Мен кетганда кўзойнак тутмас эди, демак, анча қарибди-да. Тағин ҳам фил экан — шунча ғамга бардош бериб келяпти», деб ўйлади Қодир. Бирдан кириб бориб уни қўрқитиб юбормаслик учун томоқ қириб йўталди. Ҳар қачонгидай зийрак «Жонболам хола» кексаларга хос сиполик билан товуш келган томонга қаради, қаради-ю, эшикда турган одамнинг кимлигини аниқ кўрмаган бўлса ҳам, оналик қалби билан унинг Қодир эканини тыйди. Дарров кўзидан кўзойнагини олиб, яна термилди, энди яхши таниб, шошиб қолди. Үрнидан турман деб, супа четидаги пиёлани тушириб юборди.

— Қодиржон, болам, болагинам! — она бошқа бир сўз айттолмай, яланг оёқ келиб, ўғлининг елкасига қўлинни ташлади, йиғлаб юборди, севиничидан ҳўнг-ҳўнг йиғлади. — Ўз оёқларинг билан эшик қоқиб кириб кела-диган кунларинг бор экан-ку! Онанг бечорани бунча қийнамасаларинг. Бирингники етмагандай сеники ҳам бормиди, жон болам. Сен-ку, қамоқда эмас эдинг, бунча жим бўлиб кетмасанг. Онам куйиб ўлсин дедингми!

Адолат хола йиллаб юрагида йиғилиб ётган севинчини ҳам, гинасини ҳам айтиб тугатолмас эди. У дам куйиниб йиғлар, дам кўз ёшларни орасидан кулиб, ўғ-

лини қаерга ўтқазини билмас эди. Қодирнинг ҳам ўпкаси тұлиб, димоги ачиб келса-да, ўзини араңғ тутиб, әшини ичига ютди. Елкасидаги сафар түрвасини супа четига құйиб, ўзи ҳам шолчага омонат ўтирди. Адолат хола уйдан нимдошгина күрпача олиб чиқиб түшади:

— Тур, болам, ерда ўтирасанми, күрпачага ўт. У ер захлик қиласы.

Қодир этигини чиқариб ташлади. Она нимдош бир калиш олиб келиб, супа остига қўйди:

— Акангники, болам келса кияди деб олиб юрибман. У келгунича сен кийиб тура тур. Ака-уканикнинг айби йўқ. Бориб келганимиздан берни ундан дарак йўқ, болам. Нималигини билмайман. Хат ёзамиз, жавоб йўқ, суриштираман бирор бир нарса демайди. Ўз ёғимга ўзим қовурилиб юрибман.

Она бу гал ўртаниб, юрак-бағри зэилиб, кўзига ёш олди. Лекин бари бир қаршиспда ўтирган ўғлининг келиш севинчи устун чиқиб, дока рўмолининг бир учни билан кўзини артди, бу қилмишига узр сўрагандек:

— Сен хафа бўлма, болам, кўзим шунақа серёш бўлиб қолган, киши қаригандан кейин шунақа бўлар экан!— деди ва самоварга олов ташлаб юборди. Даствурхон ёзар экан, нонга бўлган очереддан нолиб қўйдii:

— Қаллаи саҳарлаб очередга чиқаман, мана бугун гафлат босиб ухлаб қолган эканман, нонсиз қолдим. Энди кечқурун келганидан оламан. Очередим бор. Ҳуриинсонинг кетиданман.

Адолат хола даствурхонга биттагина қора гижда қўйиб, қуруқ мева-чева сочди:

— Бу ўзларингга асраб қўйганимдан. Бултургисига қурт тушиб кетган экан, данагини чақиб едик. Буниси янги. Барака топкур Икром ота ҳар йили бир-икки челянда ўрик, тоғолча, шафтоли берниб юборади. Ҳеч кимга бийлатмай «бу ердагиларнинг оғзи тегиб юрибди» дейману қуритаман-қўяман.

Қодир сафар түрвасини олдига тортиб, ундан нон, консерва концентрати олиб, даствурхоннинг ойнисига яқин томонига гўё совға-саломдек қўяр экан, Адолат холанинг юзи ёришди: шукур, тузатиб кутиб ололмаётганимга яраша ўғлим ўзига тўқ экан!

Адолат хола аввалгидан апча чўккан, чакак тишлари тушиб, лунжлари ичига ботиб кетган эди. Сочининг ҳам қораси қолмабди ҳисоб. Кўзининг қорасини парда

босгандек, оқиши тортган, унча-мунча нарсага чимшириліб қааради.

«Темирни занг, одамни ғам кемиради» деб күнглидан үтказди Қодир, ялпиз ҳиди келиб турган шафтоли қоқидан оғзига солар экан. Кейин ҳаммани бир-бир суриштириб чиқди.

— Кеннийим соғ-саломат юрибдими?

— Шукур. Яхшиям бахтимга ўша бор экан.

Онасининг жавобидан күнгли алланечук ҳолга келган Қодир Маратни сўради. Она бирдан яшнаб кетди:

— Дастёр бўлиб қолди. Бирам ширин бўлган шу кунда...

Адолат хола ўғлиниң жим бўлиб қолишини ўзича тушуниб, ёрдам бермоқчи бўлди:

— Азиза томонни сўрамайсан, хабаринг борми?

Қодир сал қизариб:

— Ҳа, Азизаниң фронтдалигини биламан. Хат олгандим,— деди.

— Иўқ, Мирсалим шумқадамниң келганини айтяпман.

— Мирсалим? Мирсалим ака келдими? Қаҷон? — чўчиб тушди Қодир.

— Ҳа, анча бўлиб қолди. Тут пишигининг охирида эди.

— Шу ердами?

— Қаерда бўларди, болам, шу ерда. Ёмонни бало ҳам урмайди! Юрибди. Тани носоғроқ шекилли, боласини ташлаган биядай бўшашиб юрибди. Тунов куни узоқдан бир кўзим тушган эди. Сен уни фронт-мронда учратганинг йўқмиди?

— Иўқ. Нима қилди?

— Шундай, ўзим айтяпман.

— Ё бирорга мени кўрдим дебдими?

— Иўқ. Безовта бўлганингга айтяпман.

— Дарров қайта қолганига ҳайрон бўляпман,— гапни бурди Қодир.

— Бунақалар тегирмондан ҳам бутун чиқади, йўлини топали.

«Чиндан ҳам йўлини топганмикин?» — ўйлаб кетди Қодир. Унинг кўз олдига ҳамма лавҳа бир бутун келди: ҳарбий асиirlар лагери, галстугида фашист белгиси бор Али Намхон, дарвозадан кириб келган усти очиқ машина, унинг устида Мирсалим...

«Ажабо, бу қандай бўлди? Ахир у легпонга ихтиёрий ёзилганлар қаторида эди-ку? Еки кейин эса ўзига келиб, яна бу ёққа қочиб ўтдими? Бошқа иш билан, ёвуз ният билан келган бўлса-я! Али Намхоннинг темир чангалидан чиқиш ўнғай эмас, бунинг бир балоси бор! Суриштириб кўриш керак».

Шу мулоҳазаларга борган Қодир уни у ёқ-бу ёқдан чўқилаб кўриб, ишлётган жойинни сўради.

— Жанинат, куздан ўз мактабига борар эмиш, деяётган эди. Ҳозир бекор юрибди шекилли! Ҳа, болам, бунча сўраб-истаб қолдинг?

Қодир култита олди:

— Қайнатам бўлганидан кейин қизиқаман-да!

Адолат хола лақ этиб тушди, ишонди:

— Аэзанинг ўзи яхши бола, отасига ўхшамайди-ю, тилим қисиқ. Бўлмас...

— Хўп, демасмидингиз?— яна ҳазилнамо қилиб сўради Қодир.

— Менинг жағнимни очма, болам,— оғрингандек бўлди Адолат хола,— пайғамбар бўлса умматлигидан чиқиб кетарди. Дарё бўлиб эшигим тагидан оқса оёғими ни чайқамасдим, қизини келин қилиш экану! Одамми? Ундан тўрт оёқли ит яхши. Кет десанг тушунади, боқсанг дўстлик қилади.

— Шундайку-я... — хаёл суриб кетди Қодир. Адолат хола буни «гапим боламга оғир ботди, минг қилганда Азиза унинг севгани-да» деб ўлади, юпатди:

— Лекин, болам, сен кўнглингни бўлма! Азиза топилмайдиган қиз. Сендан кейин то фронтга кетгунича биездан хабар олиб турди, мен ҳам ширин сўзимни аяганим йўқ. Сен йўқ десанг ҳам, мен йўқ демайман. Кейин, болам, сени деб озмунча азнат чеккани йўқ. Минг балога қалқон бўлди.

— Мен бир нима деяпманми, ойн!— ўзини оқлагандек деди Қодир.

— Шундай бўлса ҳам... Берган сўзинг устида тур, йигитлик бурдингни кетказма, болам.

Қодир Азиза ҳақида ўйламаётганидан бу тавбеҳлар унга оғир ботмади. Унинг фикри-ўйи Мирсалимда эди. Унинг қандай қилиб келиб қолганидан ҳайрон.

«Ҳар ҳолда бир суриштириб кўриш шарт. Ножӯя ҷақилган битта гугурт оламни ёндиради-я!» деган қарорга келди.

Бу орада күча беткайидаги қатор теракләрнинг шамдек ёниб турган учидан олов ўчди. Жаннат билан боғчадан қайтган Марат амакисининг бўйнидан қучоқлаб кўришиб, бир вақт, фронт кетаётганида буюриб юборган «Чапаевникига ўхшаш қиличини» даъво қилиб қолди.

— Қани? Олиб келдингизми?

Қодирнииг эсидан чиқиб кетган эди, хижолат тортгандек бўлди. Уртага Адолат хола тушди:

— Дадангнинг ўзи олиб бораман, дебди.

— Шунақами, амаки! Маза!

Марат ўзида йўқ қувониб, амакисининг бўйнидан яна қучоқлади, бошқалар хомуш тортди.

* * *

Мирсалим Қодирнинг олти ой отпускага келганини эшилди-ю, чўғ босиб олган яланг оёқ одамдек типирчилааб қолди.

«Энди қандай бўлди? Қодир ўшанда мени лагерда кўрмаган бўлса-ку, хўп-хўп. Кўрган бўлса-чи? Унда иш тамом». Йўқ, кўрмаган. Умрида мени ҳеч ҳарбий формада кўрмаган одам қандай қилиб дарров таниб ола қолади? Ҳа, мен уни таниганимда, нега у мени танимайди? Таниган! Кўрган! Менинг бу ерга қайтганимни ҳам эшилган. Эшилгану органга хабар берган. Орган «қани, ўзинги келиб исбот қилиб бер» деб уни отпуска баҳонаси билан чақирган. Йўғ-е, жуда ҳам бунчалик эмасдир! Ҳа, айтгандай, ўзи қандай қилиб бу ёққа ўтиб қолди? Мен уни лагерда ўлиб кетгандир деб юрибман. Улмабди-да. Шунча азоб-уқубатга бардош берганини қара! Бўлмаса, қанча одам очдан қирилиб кетди. Тавба, жони пўлат эканми дейман! Эҳтимол ўзининг ҳам этаги ифлосдир. Тағин подадан олдин чанг чиқариб, ўзимни-ўзим балога қўймай! Сабр қил, Мирсалим, сабр. Сени бу ёққа ўтказиб юбораётганиларида нима деган эди бошлиқларинг: устингга тоф қуласа, дод демасанг ютасан! Ҳали бу нима бўпти? Фақат шубҳа-ку! Эҳтимол ҳеч нима бўлмас. Йўқ, бепарво ҳам бўлма, отингни қамчила, олдини ол! — шундай мулоҳазалардан кейин Мирсалим Қодир билан тасодифан бир учрашиш, унинг қўйнига аста қўл солиб кўриш фикрига келди. Мис чилимини бир-икки босиб тортиб, хотинининг: «Ҳой, да-

даси, айтган щирчойингизни қиляпман», дейишига қарамай наридан-бери кийиниб чиқиб кетди. Эрининг келганидан бери бугун кечасидай бетоқат бўлганини кўрмаган хотин, «ўзи бунга бир нарса бўлдими, чаён чақ-қан одамдай бир ерда ўтиrolмай қолди!» деганича ширчойинг оловига сув сепди.

Мирсалим кўчага Қодир кутиб тургандек қанчалик шошиб чиқкан бўлса, хўжайниларнинг: «Шошиб иссанг, совуқ сув ҳам оғиз кўйдиради» деганини эслаб, бирдан шунчалик тез ҳовридан тушди. Бошидаги сурма ранг чор қирра дўпписини олиб, жияигига ёпишган гардни бармоғини ҳўллаб, тозалади, кичкинагина қулоқлари тепасидаги энди оқ оралаган сочини бостириб қайта кийди, ёқасини тузатди. Бу орада у анчагина юриб қўйган, катта кўча юзига чиқиб қолган эди. Муюлишда тўзиб ётган қандайдир қуш патларини кўриб, нима учундир, юраги орқасига тортиб кетди: унинг кўзи олдидан мушук босган парранда кетмай қолди. Бағритош Мирсалимнинг ўша қушга сабабсиз раҳми келди, кейин кўнглини ғаш қилиб, дикқатини оширди. Нега? Узи ҳам билмас эди. Ё шу парранда куни бошига тушадими?

Мирсалим кўчани анча айланиб юрди, Қодирларнинг эшиги рўпарасидан бир-икки ўтди, у юриши мумкин бўлган кўчаларга бурилди. Ҳеч қаерда Қодир йўқ эди. «Аксига олади, бир маҳаллар рўпарамдан чиқавериб, ғашимга тегарди, энсамни қотирарди. Энди-чи? Энди хоҳласанг кундуз чироқ ёқиб қидир!» деганча, Мирсалим қорни очиб уйига қайтди. Унинг рўзгори ташқаридан ғарибона кўриниса ҳам, аслида бут эди. У жуда катта пул билан бу томонга ўтган, хўжайнилари унинг бир-икки йилиннинг ғамиши етан. Фақат пулгина эмас, у керакли ҳужжатлар ва алоқа қилиб турнишга зарур турли-туман аппаратлар билан ҳам таъминланган, бу ихчам нарсалар кийим-бошининг чоқи, тугмачаси, астари, елкаси, пошнаси, чарми орасига жойланган эди. У омон-эсон етиб келган кунининг эртасига ёқ буларнинг барчасини ўргатгандаридек қилиб, шаҳар чегидаги гадой топмас бир хилват жар ёқасига яширган ва хўжайишлари билан боғланишга ҳам улгурган эди. Унинг асосий вазифаси бу атрофга ички Россиядан кўчирилган ҳарбий объектларнинг қаердалигини хабар қилиш ва халқнинг аҳвол-руҳиясини билиб турниш, ке-

рак ерлэ тутантуроқ тутиб юбориш эди. Али Нашмхон бир сүхбатда айтганидек, унинг зиммасиңга «Туркистанни ичдан тайёрлашдек олижаноб бурч» юкланды. Бу иш қанчалик оғир ва мураккаб, Мирсалим қанчалик тихирлик қылған бўлмасин, бунинг оқибатидаги шону шараф, бойлик, обрў, қолаверса, «Хайл Гитлер!» деб ичган қасами мажбур этган эди. Кейин бу иш узоққа чўзилмайди, то немис келгуннича, вассалом. Унинг Туркистанга кириб келиши эса, узоқ эмас. Ундан кейин, оғинни узатиб ётади: дегани деган, айтгани айтган!

Мана булар барчаси энди худди саробга, айниқса, Қодир келганини эшилган дақиқадан буён аллақачон кўрилган ёки аллакимдан эшилилган тушга ўҳшарди. Берлинда таълим олиб юрган кезлари беш-олти ой эрта-индин келадиган кундек жуда яқин туйилган бўлса, энди ҳар соат бир йилга, бир ой бир асрга ўҳшар, санаб тугатолмас эди. Агар немис-фашист қўшинларининг ёзчиқиб, қилиб турган ҳужумлари бўлмаса, у «ўзи хон, ўзи бек, дориламон кунлар»ни кута-кута, унинг илинжиди аллақачон жинни бўлиб қолган бўларди. Ҳозир эса уларнинг ҳеч бири унинг эсига келмас, фақат жони кўзига кўриннар эди. Қодир уни лагерда кўрмаган бўлса-ю, уни тинч қўйса бас! Унга бошқа ҳеч нарса керак эмас! Йўқ, аслида бундаймас, ҳозир дўпинси тор келиб тургани учун шундай деяпти. Эртага тинчиди кетса, яна ўша тотли орзуси кетидан қувади, уни деб бутун бир шаҳарга ўт қўйишга тайёр бўларди!

Мирсалим диққинафас бўлиб уйига қайтди. Хотини эрталабки ширчойни иситиб, олдига қўйган эди, зардаси қайнаб кетди:

— Мен буни ионуштага буюрганман! Тишга босадиган бирор нарса пиширсанг ўласанми, падар лаънати!

— Падаримни ўқимасангиз ўрнига ўтмайдими? Сизга падарим нима килди? Қизини сизга чўриликка бериб, ҳеч кимга энёни тегмасдан гўрида ётибди!

— Ҳа, бир зиёни тегмаган ўша гўрдаги даданг қолувди! Гапир!

— Шунча қора кунни кўриб, тавба қилмаган ношукур бандада! — деди хотин унинг олдидан ширчойни олиб, ошхонага бурилар экан.

Аламини кимдан олишини билмай турган Мирсалимга шу кифоя эди. Иргиб ўрнидан турди. Зарб билан ош-

хонанинг эшигини очиб, бир зумда дакангхўроздай хотини қошида пайдо бўлди:

— Нима дединг? Яна бир қайтар!

Хотин ўгирилиб қарагунча бўлмай, Мирсалим бир тарсаки қўйди, бунга ҳам кўнгли тўлмай тепиб юборди. Ағанаб тушган хотинининг тепасига бориб яна ўдағайлади:

— Мен шу ёмон кунларнинг не-не азобини ким учун чекиб юрибман? Сен учун, манжалаки! Қизинг учун! Отасининг юзинг туфуриб кетган қизинг учун!

Қўлидан учиб кетган коса синиқларини йигиб олар экан, хотини йиги аралаш деди:

— Худо хайрингизни берсии, мен учун бўлса, ҳеч нарса қилманг. Узатган оёғингизни йиғманг. Мен ўлаю, сиз қутулинг.

Мирсалим шу куни кечгача қилар ишини билмай, овсар одамга ўхшаб юрди. Шом қоронгисида яна чиқиб Қодирнинг йўлини пойлади. Яна қоп бўлиб қайтди. Назарнда Қодир қаердадир унга чоҳ қазиш билан овора эди!

Айвонга ўтса хотини ўршини бошқа солиб ётибди. Бу яна алам қилиб кетди. Жаҳл билан бориб «мен «пуп сассиқ» бўлиб қолган бўлсан, бор, яхшисини топиб ол» деб тепиб-тепиб юборгиси келди-ю, яна шайтонга ҳай берди, ўзини тутди. Ўрин устида бошини солиб ўтири. Туриб ҳовлида юрди. Бир кўчага чиқиб келди Фикрини қанчалик ширин хаёлларга бурмасин, охири айланниб бориб. Қодирга тақаларди. Қодир эса, уни томогидан хиппа бўғиб, НКВДга судраётганга ўхшарди. Ўѓа кириб яшириб қўйган эҳтиёт ампуласини кўздан кечирди — уни сичқон тортиб кетган ёки бирор олиб қўйгандек кўринарди. «Наҳотки сен жонимга қасд қилиб, шу ерда турган бўлсанг!» — деб унинг оғирлигини салмоқлагандек кафтига олди. Бу хўжайниларнинг «керак бўлишига ишонмаймизу, қоидада бор. Энг сўнгги чора сифатидагина зарур бўлади» деб берган заҳарларидан бири эди.

Мирсалим ампулани кафтида ушлаб туриб, ўзига жуда-жуда раҳми келди. Эртаги ажойиб кунлардан маҳрум бўлаётган одамдек жони ачили, бекорга ўлиб кетаётганига хўрлиги тутди. «Али Намхонга маза, ўша ёқда юрганларга маза! Уларни ҳеч ким таъқиб қилмайди. Истаса, яланғоч хотинлар раҳс тушган ўша ҳашаматли ресторонларда айш-ишрат қиласди. Оғини бемалол уза-

тиб ётиб, эрталаб хотиржам ўрнидан туради. Мен-чи? Мен шина ютган итдек бетоқатман. Бугуним қанақа ўтишип билмаганим устига эртамдан хавотирдаман. Аслида ўша ёқда «йўқ» деб туриб олсан бўлар экан. Мен ҳам ўшаларга ўхшаб тайёрига кириб келардим. Катта бўлмаса, кичикроқ бир амал тегарди, албатта. Йўқ, яхши бўлмади! Ажойиб, бахти кунларнинг келишини билиб, бунга ишониб туриб ўлиб кетиш қандай даҳшат! Наҳотки ўша кунларни кўрмайман? Йўқ, кўраман, кўришим шарт. Фақат бардош керак, бардош»— шундай ўйлар билан ўзини овутган Мирсалим, заҳарли ампулани жойига қўйди. Унинг ўрнига токча орқасида турган шишадаги спиртни олиб, жиндаккина сув аралаштириб ичди. Бирпасда боши гувиллаб, шерга айланди. Қодир кўзига чивиндек кўринди. Ўзининг бояги ҳолатидан кулиб айвонга чиқиб келди. Қатиқ тўкилгандек олачалпоқ ойдинда ётган хотинининг ёнига ўтиреди. Ҳамма нарсани ўнутиб, унинг бағрига қўлинни юборди. Хотини чўчиб уйғониб:

— Бу нима қилиц?— деган эди:

— Ҳа, қизлигинг эсининг тушдими, жоним,— деб устига ўзини ташлади.

У, нима учундир, хотинини йиғлаб қучоқларди.

* * *

Қодир Мирсалим билан учрашиб, уни шубҳалантитириб ўтирасдан, тўғри керакли идорага хабар қилди. Қархисидаги мўъжазгина майдонида денгизчи йигит ҳайкали турган бу идора ходими, Қодирнинг ҳикоясини бир сўз қўшмай охиригача эшитиб, ўзи папирос тутатди-да, унга ҳам тутди:

— Сиз кечикиб хабар беряпсиз, ўртоқ Қўчқоров,— деб кулди у.— Мирзоҳидов сизнинг устингиздан аллақачон анонимка ташлаб бўлгани. Марҳамат, мана ўқинг!

Қодир кўзларига ишонмади: анонимка унинг тўғрисида нималар демас эди — уни ўз ихтиёри билан душманга топширилнишиндан тортиб, гитлерчиларга қилган аллақандай хизматларда айбларди. Сўнггида «партизанда бўлгали бекор. Ҳужжатлари сохта» дейилган эди.

— Қалай, бунга нима дейсиз?— илжайди ходим.

— Текшириш керак, эҳтимол шунақадир.

Ходим яна кулди:

— Бунда ҳам кечикдингиз.

— Йўғ-э!

— Ҳа,— иккала кўзини чирт юмиб қўйди ходим.

Анонимка Мирсалимнинг дастхати эмас эди. Қодир ҳайрон бўлиб:

— Бу Мирзоҳидовнинг хати эмас-ку! — деди.

— Ҳали ҳам соддасиз, Қўчкоров, шунча чийриқдав ўтиб ҳам пишмабсиз. Анонимка ёзган киши очиқ имзо қўйиб, ўз хати билан ташлайдими!

Бунақага ҳеч ишни тушмаган бечора Қодир бу найрангларни қаёқдан билсин! У елкасини қисиб қўя қолди. Ходим унинг қўлини сиқди:

— Раҳмат, ўртоқ Қўчкоров! Катта ёрдам бердингиз. Бу ёғи энди, бизнинг ишимиз. Ишонамизки, барчасини сир тутасиз. Шундай қилингки, Мирзоҳидовнинг ўзи ҳам сиздан шубҳаланмасин!

...Бир қанча вақтдан кейин Мирсалим бутун ашқолдашқоллари билан жиноят устида қўлга олинди.

12. ҲАҚ ЖОЙИГА ҚАРОР ТОПАДИ!

Содиқ бугун эрталаб кўзини очди. Кўзини очди-ю, бошини боғлиқ, ўзини госпиталда кўрди. Лекин қачон яраланганини эслолмади. Фақат кўкда немис самолёти пайдо бўлгани ва кимнингдир «Қўчкоров! Қоч!» дегани ёдида. Демак шунда...

Содиқ бошини ёстиқдан сал кўтариб, ярасининг зирқирашига қулоқ солди: унча оғриқ сезмади. Ён-верига назар ташлади: оқланган оддий хона. Шифти тилимтилим тахтадан. Эшиги бир тавақалик. Итальянча дезрасининг кўзларига очиқ қайчи шаклида қофозлар ёпиштирилган. Юқоридаги бир кўзи ўрнида кўкимтирикардон. Ёндаги ярадор унга орқасини ўгириб ётганидан ухлоқми-уйғоқми билолмади. Битта ўрин бўш. Ундан наригисида соchlари сариқдан жигар рангга ўтиб кетган биттаси ётибди, кўзи очиқ бўлса ҳам, қилт этмайди: ё қаттиқ хаёлда, ё яраси оғир. Содиқ уни безовта қилишни истамасдан ўзи ҳам шифтга кўзини тикди, хаёл уни судраб кетди.

Эшикни аста очиб, тиббий ҳамшира кирди. Ўйноқи кўзлари Содиқга тушиши билан дўндиқ юзини кулги тўлқини қоплади. «Тез юрсам этагимнинг шамоли озор бермасин сизларга» дегандек, қадамини мулойим босиб

ҳаммани бир-бир кўздан кечирди-да, Содиқ қошида тўхтаб, сал энгашди:

— Кўзингизни очиб ётганингиз қандай яхши! Ҳадеганда ўзингизга келавермай, бирам ҳаммани қўрқитиб юбордингиз! Азиза Мирсалимовна сизни танир эканми, жула қўрқиб кетди.

Содиқнинг кўз ўнгидаги чақмоқ чақилгандек бўлди! Лекин бу таниш исмни дарров хотирлаб ололмади:

— Азиза Мирсалимовна?

— Ҳа, бияшинг врач. Танийсиэмий? Мирзоҳидова!

Содиқ инма дейишини билмай қолди. «Танийман» деса, эҳтимол бутун тарихни очишга мажбур бўлиб қолар, шунинг учун дудмал қилди:

— Кўрсам танимасам...

— Вой, мен ҳозир чақираман! — Тиббий ҳамшира ўлжаси бегона бўлиб кетаётган кишидек шошиб қолди. Кўлидаги дорини Содиқ каравоти олдидаги тумбочка устига қўйинб, энди югуриб чиқиб кетмоқчи бўлган эди, Содиқ қўлидан тутди:

— Менга аввал бир пиёла сув беринг, томоним қуриб кетяпти.

Ҳамшира чиқиб кетгач, Содиқ ўзини қандай тутишини ўйлаб, стакандаги сувни чўзиб ичди.

Бир маҳал коридордан тапир-тупур оёқ товушлари эшитилди. Кейин қия эшик шарт очилиб, оstonада оқ халат кийган, Содиқ назарида, у юз йилларча бурун кўрган қиз пайдо бўлди. Азиза ўша-ўша эди. Фақат кам гўшт юзларида, чақнаб турган кўзларида, асабли қисилған лабларида ёшига яраса улуғворлик, силолик ва билимдонлик барқ уриб турарди. Тўғри, Содиқ у билан ҳеч қачон ёзилиб гаплашган эмас, лекин орқаваротдан таърифини кўл эшитган эди. Кейин билса, Қодир билан иккиси бир-бирини севишиб қолибди. Шундан кейин-ку, унга спира кўринмайдиган бўлиб кетди, ҳатто Мирсалим уйига меҳмонга чақирганда ҳам у бўлмас эди. Ана шунда Содиқ ўзини тутган, ақли бутун қизга ўхшайди, ўз обрўйини тутиб юрибди, олдимга чиқиб «мен укангизнинг маъшуқаси бўламан» деб жилпанглай бергандана нима бўларди, деган фикрга келган, агар Қодиржон уйланишдан оғиз очса, тўйинга бош-қош бўлишни орзу қилган эди.

Азиза шиддат билан очган эшикни ёпишни ҳам унтиб, тўғри Содиқнинг тепасига келди, келди-ю, нима

дэйишини билмай йиғлаб үборди. Мижжасидан тирқираб чиққан маржон ёшлар оқаринқираган кам гүшт юзида йилтироқ излар қолдириб, Содиқпинг узатилган қўлига томди.

— Сизни ҳам кўрадиган кун бор экан-ку! — дея олди Азида ва титраган қўллари билан ғойибона қадрдан бўлиб қолган Содиқпинг қўлини ушлаб, кўксига бошини қўйди. У пиқ-пиқ йиглар, оқ қалпоқ кийган боши, энсиз елкаси силкиниб-силкиниб тушарди. Нималардир деб сўзларди-ю, йиги товушини бўғиб, эшнишга халақит берарди.

Бундай самимий учрашувдан шошиб қолган Содиқ унинг титраб турган елкасига қўлини қўйиб, оталарча силар, зўр берниб:

— Нега йпелайслиз? Йнгламанг, қўйинг! — дер эди.

Азизанинг кетидан кирган бояги ҳамшира эса уйнинг ўртасида қотиб қолган эди.

— Фронтда экансиз-ку, бир энлик хат ёзмайсиз-а! — дея гап бошлади Азида. — Бизлар... уйингиздагилар минг хаёлга бориб ўтиришибди. Уша-ўшасиз-а, Содиқ жон ака. Ҳеч ҳам ўзгармабсиз! Фронтга юборишдими, ё ўзингиз талаб қилдингизми?

— Ўзим... — астагина жавоб қилди Содиқ.

— Жуда яхши-да! Ҳозир одаминг сараси фронтда.

Азида дастрўмолини олиб, юзидаги йилтиллаб турган ёш изларини артди, пешонасига тушган майда сочларини тузатди. У севинчини қанақа қилиб ифодалашни билмас, эсига келган гапларни палапартиш гапириб ташламоқда эди. Унинг бу оқкўнгиллиги ва самимий соддалиги Содиқни бир зумда мафтун этди. Ичидан уласининг дидига тасанно ўқиб қўйди, Азизага ҳурмати ошди.

— Адолат холам яхши юрибдилар, иккни кўзлари сизнинг йўлингизда, қиши келса узум асраб, ёз келсарайхон ўстириб, «ўғлим келса, ошига кертиб ичади» деб ўтирибдилар. Марат-ку, азамат йигитча бўлиб қолган, қачон бўлса «дадамни поездда борсангиз кўрасиз» деб паровоз бўлиб қичқиргани-қичқирган. Жанинат кенпо-йимдан ажралмайди, боғчаларига бирга бориб, бирга келади. У киши ҳам соғ-саломат.

Содиқ «Қодирни қанақа қилиб таърифлар экан» деб Азизанинг оғзини пойлаб турган эди, у буни пайқади шекилли, бирдан қизариб, сипо тортидиган.

— Қодир акам фронтдалар,— деб қўя қолди.

— Анча бўлдими кетганига?

— У киши уруш бошидаёқ кетган.

Содиқ Азизанинг баттар қизариб кетаётганини, ҳатто бурни устига майда тер тошганинн кўриб, Қодир тўғрисида бошқа гап сўрашни лозим топмади.

— Дадангиз-чи?— дея бошқа ёққа бурди. Бу Азиза учун кутилмаган савол бўлиб тушди. У дадасининг сўралишини, айниқса, ундан озор чеккан киши томонидан шу лаҳзада сўралишини кутмаган эди. У бирдан ҳушёр тортди. «Жўрттага сўрайпти, мени синаяпти. Муносабатимни билмоқчи» деб ўйлаб, пинагини бузмасдан жавоб қилди:

— Фронтдалар, «урушга кириб кетяпман» деб икки энлик хат ёзганларича дом-дараксиз кетяптилар.

Содиқ бир нарсани фаҳмлагандек димоғи билан астагина «ҳимм» деб қўйди. Нима учундир, кўэ олдинга Мирсалим эмас, Диловархўжа келди.

Содиқ Азизани зидан кузатиб, «дадаси туфайли мулзам қилиб қўйдим шекилли» деган фикрга келган эди, йўқ, ундаи бўлиб чиқмади. Азиза «дада танлаш менинг ихтиёrimda бўлса, ўзим билардим» дегангага ўхшаб малол чекмай ўтирас, ҳар қанча савол бўлса ўзига олмасдан жавоб беришга рози кўринарди. Ана шундан кейин Содиқ бир вақт мактаб илмий мудирининг «қарқи-ноқдан булбул чиққан» деганини, Жаннатнинг «Мирсалимнинг қизи дадаснга ўхшамайди, ўз ишига пухта, мустақил, унча-бунча совуққа барги қовжирамайди» деб таърифлаганини эслади ва уларнинг фикрига қўшилди. Унга меҳри товланиб:

— Ўзингиз кўлдан бери бу ёқдамисиэ?

— Ҳа, институтни тугатдиму, сафарбар қилишди.

Эшикда шошинқираган кишининг боши кўринди:

— Доктор Мирзоҳидова! Янги ярадорлар келди— деди у ва ўтиб кетди. Азизанинг оғзидағи оғзида, бўғзидағи бўғзида қолиб, кечирим сўраганича чиқиб кетди. Содиқ орқасидан «булар ҳаётдаги ўз ўрнини яхши билади, ота боласи бўлишдан одам боласи бўлишнинг нақадар афзаллигини тушунади. Булар совуқда музламайди, иссиқда айнимайди!» деб қўйди, кўнгли таскин топгандек ўрнига бемалол чўзилиб, сёғини узатди. Лекин сал кўзи илинганд экан, кўнгли хира тортиб уйгонди. Бундоқ ўйлаб қараса, Азизага ёлғон гапириш билан иш

битмайди. Шунинг учун у Азиза янги келган ярадорларни қабул қилишда ёрдамлашиб, яна кириб келгандан барча воқеани очиқ-ойдин айтиб берди.

— Шунаңа гаплар, синглим,— деди у охирида,— уруш тугасин-чи, кейин нима бўлса бўлади. Ҳозир «ҳайт» деган туяга дармон бўлиб турган пайт.

Азиза хомуш тортиб қолди. Зийрак Содиқ буни сезса ҳам, аччиқ-чучукни кўра бериб пішиб кетганидан ортиқча парво қилмади.

— Азизахон! Кечирасиз, албатта. Бир вақтлар Қодир билан учрашиб туришингиз қулогимга чалингай эди. Ҳозир қандайсизлар, деб сўрашга тилим бормаяпти. Менинг фожиам зарар бермадими?

Энтиккандек қизариб кетган Азиза уялинқираб жавоб қилади:

— Олдинига сал... кейин ўзимизни тутиб олдик.

— Раҳмат, синглим («келин» деб юборишига сал қолди), Қодир ёмон йигит эмас,— деди Содиқ, кейин кулиб қўшди:— Бизнинг уруғда ёмон йўқ, лекин ёмонга чиққан бор. Масалан, менга ўхшаб.

— Қани ҳамма ёмон сизга ўхшаган бўлса, шаҳарга соқчи-ю, дарвоза керак бўлмас эди!

Азизанинг бу ишончи Содиқни руҳлантириб юборди:

— Ростини айтайми, Азизахон, турмаю лагерь менинг юртимга, партиямга бўлган меҳру муҳаббатимни қилнинг қийигича сусайтирмади, аксинча, уларни қалбимда яна ҳам яхшироқ ардоқладим, мана шу меҳр мени шу кунгача омон сақлаб келаётган бўлса ажаб эмас. Йўқ, шу меҳр, фақат шу меҳр туфайли барча қийинликларга бардош бердим. Ишончи комил бўлмаган, умидсизликка тушганларнинг озмунчаси нобуд бўлиб кетдими! Бу йиллар мен учун бир синов бўлди, зўр синов бўлди.

— Бундай эътиқод, бундай иродада ҳар кимда ҳам бўлавермайди,— деди Азиза кўпни кўрган одамлардек ҳикматомуз қилиб.

— Чунки виждоним пок эди. Виждон пок бўлса киши бардошли бўлар экан! Жисмоний азобдан виждон қийноғи ёмон-да! Уша ерда ажалим етганда ҳам балки қийналмасдан ўлардим. Виждони тоза одам енгил ўлади, дейишади.

— Қўйинг, ўлим қурсин! Шунча одам ўлиб, ер тўйялтими?

— Йўқ, синглим, ўлимдан қўрқанинг куни қурсин. Ўлим қўрқоқка даҳшат! Ҳаётда ўз ўрини топган, идеали юксак одам учун ўлим умранинг қонуний якунланиши! Чунки у нима мақсадда яшаб, нима учун ўлаётганини билади. Олий мақсад йўлида яшаб, дунёдан ўтиш нақадар шараф! Масалан, мен ҳозир яраланиб ётибман, оғирми-енгилми билмайман...

Азиза «ярангиз оғир» дейишга тили бормай:

— Унча оғир эмас!— деб қўя қолди.

— Оғир бўлганида ҳам, жиндай бўлсин ташвишим йўқ, чунки тўкилган қонимнинг қимматини биламан. Эҳтимол эртага ҳалок бўларман. Шунда ҳам беармон кетган бўламан. Нега десангиз, эл-юртимнинг энг оғир кунларида йиртиғига ямоқ, узуғига улоқ бўлдим, гарчанд фирромлик қилиб фронтга тушган бўлсам ҳам, меҳнатимда, жангимда фирромлик йўқ. Ахир файласуфлар «тасодиф зарурат элчиси» дейишади-ку.

— Бу ҳам сизнинг баҳтиңгиз, Содиқ ака, жуда катта баҳтиңгиз. Бўлмаса сиз тушган вагон қулармиди!

— Секинроқ айтасизми! Агар шу тасодиф рўй бермаганда, билмадим, лагерда қандай яшардим. Ўзимни еб қўйсан керак эди! Шу кунларда юртига астойдил хизмат қўлмаган одам, бир куни келиб «мен чин совет кишисиман» деса бекор! Инсоннинг марди ҳозир майдонга чиқиши керак. Бу кунлар зўр синов: сараги саракка, пучаги пучакка ажраладиган пайт.

— Баъзи бир пучаклар кейин ўнгланиб олишади!— кулиб қўйди Азиза. Унинг эсига олий маълумотли бир қўшнисининг уруш бошланиши билан бир заводга бро ни учун ишга киргани келди.

— Виждонини-чи? Виждон теракнинг барги эмаски, икки бети икки хил бўлса. Партия бунга йўл қўймайди, йўл қўймаймиз! Ҳозир асосий масала улар эмас, фронт. Фронтни тўғрилаб олиш керак. Душман Москва бўсағасида манглайидан зарба егани билан ҳали кучли. Ҳали анча-мунча иш бор: талай куч, талай одам керак.

Содиқ дардини тўкишга ҳамдард топган, юрагини бўшатган, энди дунёда армони қолмаган одамдек енгил эди. Ичиди қамалиб ётган ўша оғир ҳавонинг энг сўнгисини ҳам чиқариб ташлаётгандек узун нафас олди.

— Уруш яқинда тугармикин?— хотин-қизларга хос соддалик ва кўнгилчанлик билан сўради Азиза.

— Жонингизга тегдими? — яна мийигида кулиб деди Содиқ.

— Менинг-ку жопимга теккани нима бўларди, ярадорларни кўриб раҳмим келади.

Ҳалок бўлаётганларни айтмайсизми! Иигитларнинг сараси кетяпти. Начора! Биз уруш бошлаганимиз йўқ. Урушишга мажбурмиз, еримизда охирги гитлерчи автомат билан юрар экан, жанг қиласиз — бу бурчимиз. Гитлерчининг бу иши семиз қўчқорнинг қутуриб, темир дарвозага калла қилишига ўхшайди, шохи синиб, боши пачоқлашишини билмайди.

Содиқ мизғиб қолганида бўш каравотга келтириб ётқизилган ярадор уйқу аралаш инграб уларнинг диққатини торти. Азиза иргиб ўридан туриб, унинг қошага борди, одеялини бошидан тушириб, юзига боқди.

— Қаттиқ оғрияптими? — деди. Ярадор кўпдан бери аёл кишининг майин ва ёқимли товушини эшитмаганинданми, бирдан кўзини очди. Тепасида ёшгина қизнинг меҳрибонона боқиб турганидан иймангандек, бошини кўтаришга уринди.

— Кўзғалманг! Кўзғалманг!

Барис бир ярадор хотин киши олдида узала тушиб ётишни ўзига эп кўрмагандек ярим туриб ўтири, оғриқни куч билан енгаётгани юз гўштларининг таранг тортилиб, тишини тишига босиб туришидан сезилмоқда эди. У аввал Азизага, кейин боши салладек қилиб докалар билан ўраб ташланган Содиқса салом берди. Содиқ ярадорларнинг илк учрашгандага бир-бирига берадиган саволи билан янги қўшнисига мурожаат этди:

— Қаерда яраландингиз?

Янги ярадор шундай шаҳарчанинг номини айтдики, Содиқ ўз қулоқларига ишонмади. Аниқламоқчи бўлди:

— Ташлаб чиқиши дейсизми?

— Йўқ, озод қилишди. Кечаки фрицини у ердан қувиб чиқардик. Ҳозир бизникилар анча илгарилаб кетишиди.

Гарчанд бу хушхабар бўлса ҳам, Содиқни ташвишга солиб қўйди. Ярадор тилга олган шаҳарчани Содиқ яхши билар, у ерда ўз сапёр отделениеси билан (у сўнгги вақтда сержант унвони олиб, отделение командири эди) жанг қиласан, тутиб туришнинг иложи бўлмаганидан кейин, полк ташлаб чиққан эди. Ана шунда командир уни чақириб, шаҳарчада бўлган биттаю-битта тўрт қаватли мактаб биносини миналаштириб чекиниши

топширган, Содиқ буни икки жангчиси билан немис киришидан салгина олдин тутатган, бино учинчи куни кечкурун портлаши керак эди.

Содиқ шошинқираб туриб, ўрнига ўтириди:

— Ростданми?

— Фронда ҳам ёлғон гапирадими киши! — ярадорнинг нафсониятига теккандек бўлди. — Кеча ўша шаҳарчадаги дала госпиталида эдим, мактаб биносида.

— Мактаб биносида? — Содиқ баттар энтиди. — тўрт қаватли-а?

— Ҳа, биласизми?

— У бино миналаштирилган эди-ку! Ана холос!

Содиқ нафаси оғзига тиқилиб, Азизадан қачон бу ерга келганини сўради. Сўради-ю, яна бенебаттар бўлиб, оёғи куйган товуқдек зир югуриб қолди. Каравоти тепасида турган гимнастёркасига ёпишди. Уни кийиб, тугмасини солмасданоқ эшикка югурди, эшикда қиладиган ишини шу ерда ҳам битириш мумкинлигини идрок қилиб қолдими, орқасига қайтиб, Азизага тушунтира кетди:

— Мана, ҳозир соат бир, яна беш соатдан кейин бино портлайди. Ичи тўла одам, ярадорлар.

Азиза ўзининг нима ёрдами тегишини тушунмай кўзи жовдираб турарди. Янги келган ярадор ҳам ўрнига ўтириб олган, бу даҳшатнинг ваҳимаси билан ўз оғригии унугланган эди.

— Госпиталнинг машинаси борми? — деди қатъний бир фикрга келиб Содиқ. Азиза бор, дейиш ўрнига ўша ваҳиманинг ташвиши билан шошиб эшикка отилди, орқасидан Содиқ югурди. Азиза майда қадам билан чопиб борар, унинг орқасидан етиб олгудек бўлиб Содиқ шошарди. Азиза коридорнинг у бошига бориб, бир эшикни тортди. У очилмагач, ёнидагини тортди. У ҳам берк эди. Кейин Содиққа:

— Сиз шу ерда туринг! — деганича пастки қаватга тушиб кетди. Ҳар лаҳзаси бир соат туяулган бир неча минутдан кейин Азиза паканадан келган, дум-думалоқ бир кишини — госпиталь бошлигини бошлаб чиқди. Бошлиқ шошмас, бунаقا нарсаларни кўравериб эти ўлиб қолганлигидан салмоқлаб гапиради:

— Бугун кечкурун портлаши аниқми? Ё портлаб бўлганмикин? Яхши биласизми?

— Албатта! Ўз қўлим билан мина қўйганман!

— Сиздан бошқа биладигаплар ҳам борми?

— Бор! Лекин портлағични қаерга ўрнатылғанини ёлғыз мен биламан. Мендан бошқа одам знёнызлашти-ролмайди.

Бошлиқ «аттанг, сендан бошқаси ҳам билғанда яхши бүларди. Сени шу ақволда қандай юбораман» дегандек уни күзатиб, ахир:

— Бошлиғиздан жилдий яраланғанингизни биласизми?— деди.

— Биламан, ўртоқ медицина хизмати майори. Лекин илож қанча! Шунча одамнинг побуд бўлиши...

— Хабар бериб қўя қолсак нима қиласди? Ярадорларни тезда олиб чиқишади — вассалом!

— Бино-чи, бино?

— Шунча вайрон бўлган биноларнинг биттаси-да!

Содиқ —«шундай дейишга уялмайсизми?» деб юбо-ришига сал қолди.

— Уша машинада ўзим бора қолсам бўлмайдими?

— Мен сизга тушимни айтяпманми?— деди жеркиб бошлиқ. У Содиқнинг бу «беодоб»лиги учун ўзидан ба-ланд турган бошлиқлар олдида жавобгар бўлиб қолишибдан чўчиётган эди. Бу қўполликдан Содиқ «смирно» ҳолатига келди. Бошлиқ калта оёқларини катта-катта босиб пастга тушиб кетди. Уз бошлиғининг бу қўполлигидан хижолатда қолған Азида, изоҳ берди:

— Ўзи ёмон одам эмас, бир оз юраги торроқ.

— Машина бермаса бермасин, бари бир бораман!— деди Содиқ ғазабдан кўзлари чақнаб. Бу асабийликдан боши зирқираб кетди, қўллари билан икки чаккасини чангллади.

— Кўряпсизми?— деди Азида ҳам раҳми келиб,— бошлиқнинг рози бўлмаганича ҳам бор. Ярангиз оғир.

— Ўша бинода ётган, кечқурун кули кўкка совуриладиган ярадорларга енгилми? Уларнинг жони эмасми? Бошлиғининг оқламанг, кимлигини кўриб турибман: дунёга ўт кетса кетсин, менинг кабобим пишса бас, дейдиганларга ўхшайди.

Содиқ шу гапларни айтди-ю, зарда билан қўлини силтаб пастга тушиб кетди, бирор ўтқиңчи машина билан жўнашини мўлжаллаб, катта кўчага чопди.

Салдан кейин Азизани кабинетига чақиртирган бошлиқ:

— Тажанг ҳамشاҳарнинг қани? Айтинг, ташқарида

машина турибди, бориб келсин,— деди. Азида эшикдан чиқар экан, яна огоҳлантириди:—Иссиқроқ кийинсин!

Сал бўлса Содиқнинг назарида қораланиб қолай деган яхши бошлигининг бу меҳрибонлигидан хурсанд бўлган Азида, Содиқни қидиришдан аввал ўз хонасига кириб, сафар қопчиғидан оппоқ иссиқ пайтава олди, ўрни устидаги одеялни қўлтиғига қисди.

Бу пайт Содиқ катта кўча четида совуққа қотган одамдай у ёқдан-бу ёққа асабий бориб-келиб турарди. Ёнга келиб тўхтаган машинани кўриши билан унга ташланди, бояги гина-кудурати эсдан чиқиб, Азизанинг қўлини сиқди.

— Раҳмат, Азидахон! Мана бу бошқа гап!

Азида бошлигини оқлаб олмоқчи бўлиб:

— Майор юборди!— деди.

— Бошлиқ деган мана бундай бўлибди! Хайр, Азидахон.

— Нега хайр бўлади, ҳали қайтиб келасиз-ку.

— Албатта!— Содиқ машинага ўринашиб ўтириди,— у ерда бошқа қиладиган ишим йўқ. Бирорта жонон врачми, ҳамширами ушлаб қолмаса!

— Шунақа ишларингиз ҳам борми?

— Бўлмаса-чи!— Содиқ мамнун эди.

— Ҳали тўхтаб туринг, ҳаммасини Жапнат кено-йимга айтиб бермасам.

— Йўқ, йўқ! Тавба қилдим. Бўйнимга осилса ҳам ташлаб келаман.

Азида хандон солди:

— Ҳа, қўрқмас экансиз!

— Буни қўрқиш эмас, ҳурмат дейдилар, Азидахон, ҳурмат!

Содиқ Азизанинг зўрлашига қарамасдан фақат иссиқ пайтавани олди, одеялни қайтарди.

— Кишини тантиқ қилиб юборманг жудаям!

Азида шунга ҳам хурсанд бўлиб, қўл спилкиб қолди. Сал ўтмай машина уфқа бигиздек санчилиб бориб, кўздан фойиб бўлди.

Қорасовуқ эди. Яланғоч дарахтлар чўлтоқ супургига ўхшайди. Унда-бунда учраган арча ёки қарағай «совуқ менга чўт эмас» дегандек кўм-кўк бўлиб турарди.

— Неча соатда етиб борамиз?— деди Содиқ машинанинг бензинидан бошини четга тутиб.

— Уч соат вақт кетади,— деди шофер унга қарасдан. Кетидан изоҳ берди— Иул ёмон! Күрятпизми, чўтирининг бетига ўхшайди, рессорни синдириб юбайр деяпти. Кейин сизнинг бошингизга тез юриш тўғри келмайди, бошлиқ тайинлаган.

— Машинангиз тез юра оладими, ҳайдайверинг!
Уз қасбини яхши кўрган шоферга жон кирди, ичида «бормисан, ўзимнинг ҳам юрагим сиқилиб бораётган эди» деди-ю, учирив кетди.

— Мана бу бошқа гап!

Содиқнинг мамнун бўлганини кўрган шофер мийинида кулиб, гап ташлади:

— Ҳалиги доктор қиз сизга ким бўлади?

— Ҳамشاҳар.

— Ажойиб одам-да. Бунақаси кам бўлади. Баъзан жаҳли чиқиб койнса ҳам, мукофот берабётганга ўхшаб туюлади. Бўлмаса унар-унмасга ишшая бермайди, қовогини солиб юради. Ўзи кўрган замонинг юрагингдан «жиз» этиб оладиган чиройли ҳам эмас, шу нимадан бўларкин? Одамлар кўнгли очиқлигидан дейишади.

— Эҳтимол,— деди Содиқ оҳиста. Унинг бутун фикри-ўйи ўша мактаб биносида эди: вақтида этиб борадими? Безиён қилишга улгурадими? Ё ҳисобда адашган бўлса, портлаб бўлганми? Анча одам ҳалок бўлгандир. Йўғ-еъ Ҳали вақт бор. Албатта этиб боради!

Бино портлаб кетгудай бўлса, у кечирилмас жиноятга қўл урган, фақат у туфайли шунча киши нобуд бўлган, умрбод виждон азобида қоладигандек ўзини ҳис қиласди. Шу маҳал сапёрликка ўтганидан ҳам хафа бўлиб кетди: жангчилигини қилиб, пақ-пуқ отишиб юраверса бўлмасмиди? Энди нима бўлди? Худо кўрсатмасин, портлаб кетгудай бўлса, шунча одамнинг уволи бўйнида!

— Ҳайданг, иним, ҳайданг. Кечиксанг бўлмайди, ҳа, айтгандек, ҳеч нарса олмабман, бирор ердан ломми, кирками топиладими? Болта ҳам бўлади.

— Топилади. Йўлда ишлаётгандардан оламиз.

— Шундай қилинг. У ерда қидириб юрамизми. Қайтишда ташлаб кетамиз.

Шофер жавоб ўрнида бошини қимирлатди. У рулга ётиб олгудек энгашган, икки кўзи йўлда эди. Йўлнинг четида пачоқ машиналар, дабдаласи чиқиб кетган аравалар, ёнбошига ағдарилиб тушган бузук тўп-замбарак ва унинг ускуналари, занжири узилганича ўтириб қолган

ёки күйиб қорайиб кетган немис танклари түпларининг ҳалқумини кўкка тираганча қотиб қолган. Ана биттасининг люки қнийшайиб кетибди, замбарак ўқи теккан бўлса керак. Текис ерлардаги қорларни шамол ялаб кетган бўлса ҳам, бомбадан пайдо бўлган чуқурларда оллоқ түпланиб ётибди. Ана, анави тепачанинг орқасидан бир гала ола қарғалар бири қўниб-бири учади, қағ-қуғи оламни тутади, ниманидир хомталаш қилади. «Одам мурдаси эмасмикан?» деган фикр Содиқнинг хаёлидан ўқ тезлигида ўтди ва этини жимиirlатиб юборди, кетидан «фрицники бўлса, бу ҳам кам!» деб ўзига тасалли берди.

Машина учиб борарди...

Икки қишлоқдан босиб ўтишди, бирнда хумча илгудек қозиқ ҳам қолмаган, ҳамма нарса вайрон бўлган, қолганини олов кемирган. «Ҳаммом» деган тунука вивеска битта михга илиниб қолибди, шамолда соат маятнигидек бориб келади. «Кишилари қаёққа кетганикни?» деб ўйлади машина ойнасидан қараб бораётган Содиқ... Бундан кейинги қишлоқ анча бутун қолган, баъзан ёгоч уйлар мўрисидан «бу ерда ҳаёт бор» дегандек тутун бурқсийди. Кимдир кўча юзидағи вайронаси чиқкан ғиштин иморатининг деворига плакат ёпиштириб кетипти. Сочига оқ тушган ишчи кийимдаги бир киши, сенга гапирияпман, дегандек бармоғини билгиз қилиб турибди, остида: «Ўртоқ! Душман устидан ғалабамизни яқинлаштириш учун бугун сен нима иш қилдинг?» деган ёзув бор. Бу плакат Содиққа ёқди, «ҳамма ерга буни ёпиштириш керак экан, ҳатто жангчанинг окопида ҳам бўлсин» деб кўнглидан ўтказди.

Машина бирдан тормоз бера бошлади. Содиқ бузилдими, деб чўчиб кетди. Бунни пайқаган шофер:

— Ломми, кирками керак деяпсиз-ку. Анавилардан оламиз,— дея изоҳ берди. Содиқ «ҳа-ҳа!» дегунча шофер машинани кучанинг бир четида тўхтатиб, кўприк тузатётган аскарлар олдига кетди. У аскарлар билан нима ҳақдадир тортишди, лекин Содиқ эшифтади. Бир маҳал шофер битта киркани елкасига олиб, кетига бурилган эди:

— Ўзингдан оламан, машинанинг таниғлиқ! — деган товуш қулоғига чалинди. Унга шофер:

— Қўрқма, маҳоркага алиштириб чекмайман, дадангдан мерос қолган бўлса ҳам! — деганича орқасига қарамай келаверди. Лекин унни машинага ташлар экан:

— Пишиқ йигитлар экан, бунақалар отининг нушхўртини ҳам бегона қилмайди,— деб қўйди.

Машина яша йўлга тушди, Содиқ безовталаниб, не мисдан ўлжа туширган, тунда ёнадиган соатига қараб қўйди, ўзича ҳисобни чиқарди: улгуради! Машина бузилиб қолмаса ёки бирор ҳодиса рўй бермаса, бас!

Лекин ярим соат ўтар-ўтмас, у хавотир олган нарса содир бўлди. Қаердандир пайдо бўлган иккита «Миссер-Шмит» йўл ҳаракатини тўхтатиб қўйди, узун йўлнинг у ёғидан бу ёғига шўнгигиб машина, араванигина эмас, ҳатто кўзга ташланган ҳар бир кишининг кетидан қуварди. Бунақа йўлларда юравериб, пих ёрган шофер, самолётни кўриши билан машинасини чакалакзорга урди, устига шох синдириб ташлаб ниқоблади, ўзини четга олди.

Самолётлар ҳали-вери кетадиганга ўхшамас эди. Содиқнинг ичини эса, мушук тирнарди: кўзи кўкда сурлик қилиб вағиллаб юрган самолётда, хаёли миналаштирилган бинода эди. «Кечгача шу ҳол давом этса-я!» деб ваҳимага тушиб кетди. Шу пайт йўл устида бифиллаган бола товуши келди. Бенхтиёр югуриб борган Содиқ билан шофер йўл ёқасида, чуқурда қонга беланиб ётган кампирни ва унинг тепасида бигиллаб турган 5—6 яшар қизчани кўрди, самолёт уларни пайқаб, ўқса тутиб кетган эди. Содиқ бора солиб, қизчани бағрига олди, кейин уни шоферга узатиб, ўзи кампирнинг бошинни кўтариб, ҳаёт сўниб бораётган кўзинга боқди. Кампир:

— Неварам... неварамни,— деди-ю, бошқа сўз айтолмай унинг қўлига шилқ этиб тушди. Шу лаҳзада яна улар тепасида пайдо бўлган самолёт, ўз «санъати»нинг самарасини томоша қилаётгандек, бир қанотини қия қилиб шўнғиб ўтди, сочган ўқи улардан сал нарини нуқталаб, қора чангини чиқарди. Шу кетганича самолётлар қайтиб келмади. Содиқ қизчани тўплланган бешёнта қишлоқ аҳолисидан биринга «қайтиб келгунимча, омонат» деб топшириб, ўзи машинага сакраб чиқди:

— Ҳайданг, жуда кечикиб кетдик.

Чиндан ҳам вақт жуда зиқ қолган эди. Энди Содиқ хаял ўтмай соатига қарап, йўли боргани сари олис тортиб кетаётгандек туюларди, умрида машинанинг бунчалик секин юришини кўрмаганга ўхшарди. Охири чидолмади:

— Ҳайдасангиз-чи, бунча эҳтиёт қиласиз, ҳар мурвати олтин бўлса ҳам!

— Юз ўнда кетяпмиш, ортиғини мотор кўтармайди!

Содиқ «наҳотки шу кетишда соатига юз ўн километр босяпмиз» деб шофер олдидағы тезлик күрсатгичнің шубҳа билан қараган эди, тұғри чиқиб, шофердан хижолат тортды, кейин то етиб боргунча оғиз очмади. Шағарга яқинлашған сары мудхіш фожнадан хабар топиб, ёрдамға келаётған одамдек юраги дук-дук уриб нафаси оғзига тиқилди, ҳатто тер чиқарып юборди. У нима учундир бинонинг бутун турганига шубҳа билан қарап, бу шубҳа уннің виждонини бешбаттар қийнар эди. Ана у күчадан бурилиши билан бино күзға ташланышы керак: мана юз метр қолди, мана әллік мана ўн.. «Ха хайрнят, ҳали бутун экан!» деб юборди, бағридан тұғон күтариб чиққан севинч юзига мамнуният табассуми сочди, боши зирқираб, күән чақнаб кетди. Лекин соатига қараб бағрига мұздай ел уғурғандек бўлди: бинонинг портлашига йигирма беш минут қолган эди!

У бино олдида машиналдан тушганды ҳаммаёқ жимжит, бинога ўрнашған дала госпитали ўзининг одатдаги иши билан машғул эди. «Наҳотки уннің йигирма минутдан кейин портлаб кетишниң ҳеч ким билмаса!» деганиң ча подвалга ўзинш урад экан, шофер:

— Менинг керагим йўқми? — деди.

— Нима эди?

Шофер нозик иши бор бўйдоқ йигитлардек маъноли қилиб кулди:

— Бир ерга кириб чиқаман.

Содиқ «севған қизи шу ерда экан-да» деб рухсат берди-ю, ўзи подвалга шўнгіб кетди. Подвал қоронғы, ундан зах ҳиди келарди. Содиқ шофердан олган қўл фонари билан йўлини ёритиб, таниш бурчакка ўтди. Яна йигирма минутчадан кейин портлашига ишора берадиган «машина» мана шу ердаги деворининг гиштни фундаменти орасига жойлаштирилган эди. Уни Содиқ ўз қўли билан шундай пухталаб қўйған эдик, ҳозир зиёнсизлантириш анчагина вақтни оларди. Бунинг устига немис шубҳа қилмасин, деб подвалда турган ўтин қақири-қуқириларни иккى жангчиси билан шу бурчакка қалаштириб ташлаган, энди уни олиб, жой очиш ҳам ҳазил иш эмас эди. Ана шунда шоферга рухсат бериб чакки қилганини билди. Бир хаёл билан госпиталдан ёрдам сўрамоқчи бўлди, лекин кишилар билиб қолиб, тўс-тўполон, шов-шув кўтарилишидан, бу орада вақт ўтиб, улгуролмай қолишидан чўчиди. «Ўзим қилганим

яхши!» деди-ю, ўтинни жадал билан олиб ташлай бошлади. Утин унинг назарида шунчалик кўп эдикى, қанчалик зез ва зуд билан олмасин, бу яқин бир-икки соат ичида тугайдиган кўринмас эди. Унга сари қўли-қўлига тегмай ишлар, бармоқларининг тимдаланиб кетганига, аллақаерининг чанг кириб ачишига қарамай қучоқлаб олиб ташлар, иккни кўзи очиладиган девор фундаментида эди. Унинг ҳатто соатига қарашга юраги бетламас, борди-ю, бир-икки минут қолган бўлса нима қиласди.

Ахийирни энг сўнгги тўнканн олиб, бир четга улоқтириди. Қора терга ботгани юзини чангли бармоқлари билан сидириб, киркани қўлига олди. Мўлжал қилиб, зарб билан урган эди, фундаментдан ялт этган олов чиқди-ю, кирка орқасига силтаниб кетди, камарига қистириб қўйган қўл фонари ерга тушиб чил-чил синди, ҳамма ёқни қоронғилик қоплади. Чироқ қидирадиган пайт эмас эди. Содиқ фонарь қиэғниш шуъла сочиб турганида эсида қолган ерга тусмол билан яна кирка урди. Қўли билан пайпаслаб, олмадай ғишт кўчиб тушганини билди. Яна урди. Бу гал ҳалиги ғиштнинг қолгани кўчиб тушди. Кейин унинг ёнидагиларни кўчириш қийин бўлмади. Содиқ мўлжални тўғри олган экан, бир оз ўтгач ҳосил бўлган ковакка қўлини тиқиб, ҳозир унинг назарида энг катта даҳшат бўлган ўлимбахш қутининг муздай «танасини» сезди. Энди унга қутидан тортиб олиб кетилган симни узиш керак эди. Пичноқ қани? Пичноқ тугил, ёнида бирор дами ўткир буюм ҳам йўқ эди. У ўйлаб ўтирамай, қутини ковакдан сугуриб олди-да, бир оёғини деворга тираб, силтаб тортди. У шундай шиддат билан тортган эканки, сим узилибгина қолмай, ўзи орқаси билан силтаниб бориб, йиқилди, боши қаттиқ нарсага урилиб, кўзидан ўт чиқиб кетди, кўнгли беҳузур бўлди. Шуида ҳам даҳшат тўла қутини ташлаб юбормади. Эсими йиғиб, унга қулоқ солди. Портлашга сигнал берадиган қутидаги пружина физиллаб бориб, чиқ этиб урилди. Демак, портлаш муддати бўлди, лекин у безиёни эди! «Икки минутча қолганда улгирибман-а!» деган Содиқ оёқ-қўллари бўшашиб, ўтирган еридан турди ва мастишидек гандираклаб эшикка йўл олди.

У кийим-боши тупроқ, юз-кўзи тердан лой, бошидаги докаси қонга беланиб подвалдан чиққанда, госпиталдагилар бинонинг миналаштирилганидан энди хабар

топиб, қий-чув билан ярадорларни ташшар, деразалардан күрпа-ёстиқ ҳовлига учар, ит эгасини, мушук бекасини танимас эди!

Холдан толган Содиқнинг подвалдан гандираклаб чиқиб келаётганини кўрган командир кийимидаги бир киши «санави ким?» дегандек ёнидаги шеригининг тирсагидан тортди. Шериги бир нарсани фаҳмлагандек Содиқнинг қаршиисига шахдам юриб келди. Содиқ ҳам ўшалар томонига девонасифат боқиб келарди. Улар етиб келиши билан куч-қуввати узилган кишидек зўрға оғзини очиб «бино зиёнсизлаштирилди!» деди-ю, ўрилган пи-чандек турган ерида йиқилди, қўлидаги қути учиб кетди.

Бу унинг охириги сўзи бўлди. Шу ҳушидан кетганича қайтиб ўзинга келмади. Узи ўлимдан қутқарган ярадорлар ётган шу бинода ярим соатдан кейин жони узилди.

Эртасига ўтказилган дафи маросимида унга партияга киришни таклиф қилган комиссар қабри устидা:

— У олтин одам эди! Олтин эса, зангламайди! Эр йигит эл учун туғилади, эл учун ўлади. Унга шон-шрафлар бўлсин! — деди ва қабрига ўз қўли билан Содиқнинг исми-шарифи ёзилган, уни беш қирра юлдузли темир таёқ қадади, ўз тўппончасидан ўқ узиб, унинг шаънига берилган салютга қўшилди.

13. ХОТИМА

Кечагина чирсиллаб турган қаҳратон бирдан бўшаши.

Ийлт этиб кўзи кўриниши билан тарновдаги кумуш сумалак учидан чиқ этиб бир томчи ерга тушди ва ойна синиқларидек чил-чил бўлиб, нурланиб кетди. Тушга бориб, тарновлар тўлиб сув оқди, том бошида қор қолмади.

Сал кундан кейин ариқ лаби кўм-кўк сабза уриб, балхтут шохида турган чумчуқ илдек ингичка чўпни кўндаланг тишлаб бўғот остига кириб кетди.

Кейин бинафша лаб очди, чучмома бўй чўэди, лола хандон кулди. Кейин оппоқ бўлиб бодом, чўғдек бўлиб шафтоли гуллади, ёнғоқ кучала ташлади, кейин... кейин баҳор, тенги йўқ гўзал баҳор барқ урди!

Шу баҳор майсасидай мўйлаби сабза урган, қуралай

кўзларида баҳор қуёши яширинган, бўйдор ва миқти вужудидан ўсмирлик камолоти гуркираб, бир боқишаётқ дадаси Содиқни эслатиб турган Марат ўртоқлари билан боғ сайрига чиқиб, бир ҳовуч довучча олиб келди. Айвон устунинг суюниб, хира кўзларини ҳовлида чир айланәётган оқ тўш қалдирғочларга тикиб ўтирган бувисига:

— Буни қараңг, буви, данаги қаттиқ бўлибди! — деди ва оппоқ зич тишларига бир данагини чирс этиб босиб, мағзини айриб олди, этини эса, бувисининг ҳавасини келтираётгандек касир-кусир чайнади. Адолат хола ҳам йўлини топди: бир кафтини ошга бостиради, иликдек юмшатиб нордонгина тамшади.

— Ойим ҳақларини кетказиб бўлибдилар! — деб кулди буни кўриб Қодир. Тиззасида ўтирган бир ярим яшар Лоланинг ҳам оғзиға довуччанинг этидан эзиб солди. Лола аввалига нотаниш бу хушхўр таъмдан аяси Азизанинг жуда-жуда ўхшаш қош-кўзларини бир чимириб, кейин чапиллатиб еди. Унинг акаси Алишер эса, 6—7 ёшли болаларга хос шўхлик ва «очкўзлик» билан дадасининг олдидан чиққан довуччаларни сапчиб олиб оғзиға солар, кимнингдир ҳавасини келтираётгандек бошини сарак-сарак қиласади.

— Бунаقا қилма, уят бўлади, жон болам! — деди унга таълим бериб мункиллаб қолган Адолат хола. — Яхши бола бўлсанг, Марат аканг эртага ҳам олиб келиб беради.

Маратнинг ёнида ўтирган, соchlари оқ бўлса ҳам юзларини унча ажин босмаган, ёниқ кўзларинда бардош ва матонат олови гуриллаб турган Жаннат, ўзига хос меҳрибонлик билан олдидан чиққан довуччани Алишерга узатиб турарди, у билан кўз уриштириб «бемалол еявер, яна чиқса сеники» ишорасини қиласади. Алишер мамнун ишшайиб, Маратнинг болалигини унга эслатарди.

Самовар ёнида ўтирган Азиза ошдан кейин биринчи пиёла чойни ўрнидан сал қўзғалиб иззату икром билан қайнапасига узатди.

Жамоат жам, шу тотли дам олиш оқшомининг эртасига почталъон ташлаб кетган тўрт энлик хат сийланинг шаънига ҳамон иснод келтириб, дилини ғаш қилиб ётган доғни баҳор тошқинлари қиши қирмочларини сидирган-дек тозалаб, ювиб кетди.

Бу Содиқнинг пироварди расмий жиҳатдан ҳам реабилитация қилинганини ҳақидаги хабар эди!

Қодир олти ой отпускасидан кейин яна фронтга кетган, уруш тугагач Венадан қайтиб, Азизадан акасининг тарихини эшишган, кетидан қувган эди. Бари бир ҳеч иарса чиқмади. Фақат партияниң XX съездидан кейингина баҳор кунларидан бирида унинг ҳам аризасига кенг йўл очилган эди.

Оила ўз ҳақ-хуқуқларини сал кунда тиклаб олди. Марат дадаси ҳалок бўлган шаҳар комсомол комитетига хат ёзив, у портлашдан олиб қолган мактаб пионерлари билан алоқа боғлади. Пионерлар Содиқнинг қабрини топиб, уни кузатиб туриш оталигини олганликларини хабар қилишди. Кейин ўз мактабларини Улуғ Ватан уруши қаҳрамони Содиқ Кўчкоров номига қўйиш масаласини қўзғаб, бунга муваффақ бўлишди. У билан бирга жанг қўлишганларни қидириб топишли. Ўз навбатида Марат ҳам суриштириб, унинг дағи маросимида иштирок этган, муҳтарам китобхонимизга таниш, батальон комиссари билан боғланишди. Комиссар Содиқнинг ўша қаҳрамонлиги учун олий мукофотга тавсия этилганини батафсил ёзив, Москвадан, архивдан суриштиришни маслаҳат кўрди, ўзи ҳам ҳаракат қилажагини билдириди. Чиндан ҳам Содиқ Ленин ордени билан мукофотланганини маълум бўлди.

Мана шу жума куни кечқурун ана шу мукофотини марҳумнинг оиласига топшириш маросими бўлди.

У директор бўлган мактабнинг катта залига одам сиғмас эди.

Умрида биринчи марта президиумга чиқиб ўтирган Адолат хола, ҳамма фақат унга қараётгандек ўзини ноқулай сезиб, атрофга кўз юритар экан, кимнингдир пастдан «ҳой, айланайлар, ўтирайлик, мажлис увол бўлмасин» деганини эшишиб, мийигида кулиб қўйди. У билан бирга президиумнинг олдинги қаторида бутун оила аъзолари ўтирибди, орқада — саҳна тўрида эса, Содиқнинг катта қилингани фотосурати гулларга ўраб қўйилган. Ҳаммадан ҳам Марат терисига сиғмай мамнун.

Мажлис олдидан орденни кимнинг қўлига топшириш ҳақида гап боргандада кўпчилик Адолат холани маъқул топган бўлса-да, «Жонболам хола»нинг ўзи қарши турди.

— Угли олсин, отасининг чироғини ёқадиган у. Мен

мингдан-минг розиман! — деди. Маратнинг шу вақтдаги гурурини кўрсангиз!

Район партия комитетининг секретари шахсга сифи ниш даврининг хунук оқибатлари түерисида гапириб келиб, охирида шундай деди:

— Совет кишилари — олтин кишилар. Олтин эса, зангламайди. Ҳатто шахсга сифиниш йилларининг рутубатлари ҳам унга путур етказолмади. Коммунист Содиқ Кўчқоровнинг қисмати бунга ёрқин мисол бўла олади. У бутун ақлу идроки, меҳру садоқатини энг оғир кунларда Ватан йўлига бағишлий билди. У доим биз билан бирга, биз уни унутмаймиз.

Район халқ маорифи бўллимининг мудири Содиқнинг маориф соҳасида қилган ажойиб хизматлари ҳақида, кекса ўқитувчи-пенсионер Икром ота Содиқнинг инсоний фазилатлари ҳақида гапирди:

— Кишиларнинг оғирини енгил қилиб юрар эди, умрининг охирида ҳам кишиларнинг фалокатини аритиб, дунёдан ўтиби, йигит бечора. Чироқнинг сасиб узоқ ёнгани эмас, қисқа бўлса ҳам чараклаб, барчанинг дилини ёритиб ёнгани ииобат. Содиқжон ана шуидай чироқ бўяди! — деди у кўзига ёш олиб.

Икром отадан кейин ҳарбий комиссар минбарга чиқиб Содиқ ҳалок бўлган шаҳардаги Содиқ Кўчқоров номли мактаб колективининг хатини ўқиб берди. Мактаб колективи ўз мактаблари биносини, ундаги юзлаб ярадор кишиларнинг ҳастини ўз жони эвазига сақлаб қолганини алоҳида қайд қилиб, шундай фарзандни тарбиялаган онага, халққа миннатдорлик билдиради, унинг онаси, хотини ва ўғлини шаҳарларнига таклиф қилярди. Қасиданома бу хат шундай сўзлар билан тугалланарди: «...Содиқ Кўчқоровнинг ўқитувчидан чиққалиги бизни айниқса фахрлантиради. У қандай яшаш ва курашишини ёш авлодга синфдагина ўргатиб қўя қолмай, вақти келганда унинг ажойиб намунасини ўз тимсолида кўрсатди. Биз унинг номини пок сақлашга ваъда берамиз!»

Сўнгра комиссар гулдурос қарсаклар остида Маратга орденни топширди. Гайрат ва чаққонлик билан ўринидан турган Марат бутун залнинг ўзига иштиёқ билан боқаётганини кўрди-ю, боядан бери ҳижжалаб ўтирган чиройли сўзларни эсидан чиқарди-қўйди. Ҳаяжондан титраган қўллари билан олий мукофотни олар экан:

— Отам каби яшашга, отам ишини давом эттиришга тантанали сүз бераман! — дея олди. Бу қасам Марат кутганидан ҳам зёр қарсакка сабаб бўлди.

Адолат хола эса, севинчидан ҳўнг-ҳўнг йиглаб ўти-рарди.

Тантана тугаб, Жаннат Адолат холанинг қўлтиғидан олиб турғизар экан, чидолмади, унинг нимжон елкағаз-рига бошини қўйиб, йиглаб юборди, ёшларини тислмай йиғлади. Бу ёш шунча йиллардан бери ичидаги йиғилиб ётган алам, ҳасрат, кудуратини ювиб чиқараётган ўкини ёши эди!

Уэ қисматидан рози Азиза йўлда келаётib эри, а деди:

— Ху анави гапиңгиз эсингида борми, Қодиржон ака?

— Қайси гапим? Сизга жуда кўп гаплар гапирганман.

— Иўқ, биттаси жуда алоҳида. Улсам ҳам эсимдан чиқмайди.

— У қайсиси экан?

— Акангиз қамалиб, сизни институтдан бўшатишга-дан («ҳайдашгандан» дейишга тили боғмади) кейин биз учрашдик-ку, чинорли хиёбонда. Мен сизни уйнигиздан чақириб чиқдим.

— Хўш? Хўш? — Қодир ўша мудҳиш кечани эслади.

— Ана шунда «энди орани очди қилиб қўя қолайлик, Азиза!» дегандингиз. Шундай дейишга қангай тилингиз борган? Шу гапингиз эсимга тушса, ҳали-ҳали сесканиб кетаман.

Қодир юраги орқасига тортгандек бўлиб кулди:

— Шунақа деганманми, а, Азиза? Үзимиз ҳам ҳази-лакам кунларни бошимиздан кечирмадик-да!

— Тўғри! Ҳеч кимнинг севгиси бизникичалик қаттиқ синовдан ўтмагандир! Ё бизга шунақа кўринадими, да-даси?

— Билмадим, аяси! — ҳазилга олди Қодир ҳам.

Қодирни қўлтиқлаб келаётган Аэнэ унинг қўлларига шундай қаттиқ ёпишдикни, пинжига кириб кетгудай бўлди, эркаланди.

Шу пайт Марат улар орқасидан етиб келли

— Дарров кетиб қолибсизлар. Мен сизларни қидириб юрибман.

— Биз сени Гули билан танца тушганга қоидинг деб ўйлабмиз.

— Ойиси билан келган... — деди Марат уялинқираб.
— Ойиси бўлса танца тушолмайсанми?

Марат индамади, кеннойисини қўлтиқлаб олди. Азида
«болани қизартирманг!» дегандек эрининг қўлини қисиб
қўйди.

Кумуш баркашдек ой қоқ тиккага келган эди.

Шунча фам-ғуссага чидаган Адолат хола, яхши кун-
лар севинчили кўтаролмади: тантанадан кейин уч кун
ётиб, вафот этди.

1963 — 1965.

Тошкент — Москва — Тошкент



ХИКОЯЛАР



Улмасхоннинг кўнгил ғашлиги Варвара Петровна-
нинг келаётганини эшитган кунидан бошлиб яна ку-
чайди.

Кече биш инженер уни чақириб «кутишга сиз ҳам чиқинг» деди. Буни биш инженер атайлаб қилгани йўқ, балки яхши инженерлардан бири сифатида таклиф этди. Лекин бу нарса Ўлмасхонга: «Мана, сен танқид қилмоқчи бўлган проект инженерларидан бири ўз оёғи билан келяпти, ўз қулоғи билан эшитиб кетади. Қалай, бу сенга ёқадими?» дегандек бўлди, кўнглидаги ғашликка ғашлик қўшилди.

Улмасхон студентлигиде Варвара Петровнадан иккى йил лекция тинглаган. Варвара Петровна жуда серзак, күшфеъл ва меҳрибон, айниқса миллий республикалардан келган студентлар билан жуда иноқ эди. «Оламни қуёш, инсонни илм ёритади. Билмаслик айб эмас, ўқимаслик айб» деб уларга насиҳат қиласарди. Уларни жондан севар, ҳатто уларнинг биографияларигача билар, исми ва отасининг исмини айтиб чақиради. Баъзан шанба кунлари дачасига олиб кетиб, зиёфат қиласар, ийманган студентларни кўриб, «уялманг, буларнинг ҳаммаси қарз. Юртларингизга меҳмон бўлиб борганимда ортиғи билан узасиз» деб куларди. Кейин, ўзининг ёқимли ва жарангдор товуши билан шеър ўқишга бошларди. У, айниқса, Маяковский билан Есениннинг муҳлиси эди. Уларнинг кўп асарини деярли ёд биларди. Унинг шеърга бунчалик ишқибозлигини кўрган студентлар тегишардилар.

— Шоира бўлишингизга сал қолган-да, Варвара Петровна!

— Нега сал қолади? Мен шоирман. Лекин шеър ёзадиган эмас, халқа шоирона уй-жойлар яратиб берувчи ижодчиман. Йўқ, кулманг. Қурувчи-инженер шоир бўлиши керак. У проект қилган, у қурган бинодан шоирона руҳ барқ уриб турсин. Халқ унда завқ ва ғуур билан яшасин. Хўш, врачдан Чеховдек ёзувчи чиққандা, инженердан шоир чиқса, ажабланадиган нимаси бор?!

Лекин кўп афсус, ўшанақаси кўринмай турибди. Умид қиласманки, чиқиб қолар. Ё орангларда машқ қилувчилар борми? Бўлса, тортинмай ёза беринглар. Бу икки касб оға-ини! Мана кўринглар, шулар шоирнинг ижодидан камми?— деб ўзи проект қилган биноларнинг суратлај и қўйилган альбомни варақлаб қоларди.

Улмасхон учинчи курсдалигида бир ойча тоби қочиб касалхонада ётди. Үзлуксиз хабар олиб турганлардан бири шу Варвара Петровна бўлди. Бош врачга учрашдъ. Консилиумга ўзининг қандайдир таниш врач-профессорини бошлаб келди, камёб дорини топишга ёрдамлашили. Унга сари Улмасхон ўнғайсизланарди. Бир куни Варвара Петровна пайқаб қолиб, уни койиб берди кетидан кулиб мақол ўқиди:

— Узуғингнинг улоғи, йиртиғингнинг ямоғи бўлмаган дўстнинг боридан йўғи яхши. Дўстнинг синови ташвишли кунлар, айрилиқ, шундай масми? Ахир сиз билан биз бир дарахтнинг баргларнимиз, нега ўнғайсизланасиз!

Улмасхон тузалиб қайтиши билан Варвара Петровна уни яна дачасига олиб кетди. Бир ҳафта олиб қолди:

— Шошманг. Аввал соғлиқ керак, бусиз илм олиб бўлмайди. Ойнага боқдингизми? Касал одам ёғ ичиза яйрамайди. Чаман ҳам соғлом кишига завқ беради

Кейин ўз фанидан унга алоҳида консультация берди. Бошқа профессорлар билан ҳам гаплашиб берди. Хуллас Улмасхонни етқизиб олди.

Мана беш йилки, Улмасхон обод бўлаётган шу янги шаҳарда қурувчи-инженер бўлиб ишлайди. Олган назарий билими тажриба билан бойиди, бойидигина эмас, апча камол ҳам топди. У аввал бешинчи курилиш участкасида прораб эди. Унда уч йил босим ишлади. Бу орада қурилаётган биноларнинг проекти ва услуби ҳақида ўзининг фикрларини билдириб, кўпчиликнинг диққатини ўзига тортиди.

У ҳозир бош прораб. Яқинда катта бинолардан бирини эксплуатацияга топшириб, бошқасини тиклашга

қиришди. Ана шу бошланиши лозим бўлган улкан, беш қаватли бинонинг министрлиқдан тушган проекти билан танишаркан, ҳар битта детални алоҳида-алоҳида ўрганди. Айниқса, унинг дижқатини бинодаги ортиқча ҳашамат тортди. Кунботар томонга чиқариладиган балконларининг бунчалик сербезак ва дабдабали кўриниши унга итальян архитектурасининг узоқ ўтмишини эслатди. Бунишг устига унинг қимматга тушувини айтмайсизми! Ана шунда Ўлмасхоннинг хаёлидан Бутуниттифок қурувчилар кенгashi ўтди. Бу кенгашга Ўлмасхон қатнашган, илгор қурувчи мутахассисларнинг ажоиб нутқларини зўр иштиёқ билан тинглаган эди. Шу эшитганларини қўлидаги проектга татбиқ этиб кўрса, проектда анчагина ортиқчаликлар бор. Кўра туриб, проект авторларидаи бири ўз севимли муаллимаси Варвара Петровна бўлса ҳам, индамай кетишга, шу проект бўйича иш бошлашга кўнгли бўлмади.

Бу ҳақда бир куни дугонаси Ҳанифага гаширди. Ҳанифа унинг болаликдан сирдоши. Улар институтнинг учинчи курсигача бирга ўқишган, кейин нима бўлди-ю, Ҳанифа ўқишидан совиди, арзимаган парсани баҳона қилиб институтни ташлаб кетди, дугоналарининг гапига қулоқ солмади. Бу енгилтаклигига ҳали-ҳали ачинади. У ҳозир Ўлмасхон ишлаётган қурилиш бошқармасида чертёжница. У, умуман, Ўлмасхоннинг бирорлар проектига тузатишлар киритишини ёқтирмас, «ўз ишингни билсанг-чи, бирорлар бобига тош отиб нима қиласан» деб юради. Варвара Петровнанинг проектини танқид қилмоқчи эканини эшишиб, тепа сочи тикка бўлди.

— Ҳали сен Варвара Петровнанинг совунига кирювиб кўрмаган экансан. У сенга ўхшаш энди «темир қанот» бўлган инженерларни икки оғиз гап билан лол қилиб қўяди. Ўқитувчи Усов билан бўлган воқеа эсингдами? Унинг узини қабул этмаган-а!

— Ўшанда улар ўртасида нима гап ўтган экан?

— Нима ўтганини билмайману, лекин Варвара Петровнанинг унинг кўришга кўзи йўқ эди,— деб Ҳанифа Ўлмасхонга тик қаради ва давом этди:— Иннакейин, Ўлмас, ўз муаллимангни танқид қилиншинг яхши эмас. Сенга бу иш ярашмайди. Жуда қаттиқ хафа бўлади. Яхшиликларни унутмагин-да.

— Ахир, мен унга ёмонлик қилмоқчи эмасман.

— Барибир. У иенса, таиншдингни күтара олмайди. Нақ Үсовнинг куни бошингга тушади. Ўйлаб кўр.

Ўлмасхон аввалига Ҳанифанинг сўзига парво қилмади, ваҳима, деди ва ўз ишини давом эттира берди. Лекин, кунлар ўтган сари унинг сўзлари ёдига тушиб, Усон кўз олдидан кетмайди ан бўлиб қолди. Иккиланиш бошланди. Баъзида Ҳанифа ҳақдек бўлиб кўринарди. Баъзан кўз олдига Варвара Петровна келар: «Балли-балли! Шунча яхшилигим эвазигами бу? Қачон яхшиликка яхшилик қайтибди!» деяётгандек кўринарди. Бошқа ички бир нидо: «Фикринг тўғри. Айт, Варвара Петровна хафа бўлмайди» деб даъват этарди. Шу томон енгди. У ўз фикрини узоқ тунлар ўйлади, пишитди, узил-кесил ҳал этди ва бош инженерга маълум қилди. Атоқли инженерларнинг проектига қарши чиқиши бош инженер учалик ёқтириласа ҳам, Ўлмасхоннинг ўринли таклифидан кейин, умум муҳокамасига ташлашни лозим топди. Ана шу муҳокама шу ҳафтанинг ўртасида ўтиши керак эди. Бу орада Варвара Петровнанинг келаётгани маълум бўлиб қолди. Бу хабар Ўлмасхонни анчагина шошириб қўйди. Яна иккиланиш, шубҳалар бошлайди.

Ҳанифанинг сўзлари қулоги остидан кетмай қолди. Бу ҳам етмагандек Ҳанифа қурилишда уни учратиб:

— Хўш, энди нима бўлди? Шунча яхшиликлар қилган оппоқ сочли муаллимангнинг башарасига қараб: «Сиз мендан ўрганинг», дейсанми? Яхшимас, Ўлмас! Кишига ҳаё керак. Билимдонлик ҳам эви билан! Хали ҳам шу ишингдан қайт, ҳали кеч эмас. Кейинги пушаймон — ўзингга душман. Мана мени айтди дерсан: Усовнинг кунига тушасан! — деди.

У астойдил жон кўйдириб гапиради. Шунинг учунни ёки Варвара Петровнанинг ўзи келаётганиданми, бу гал Ўлмасхон ҳар галгидек Ҳанифага қаттиқ қаршилик кўрсатмади. Яна ўйлаб кўрадиган кишидек, индамай қўя қолди. Ҳанифанинг сўзлари қалбини тирнарди. У қаттиқ ўйга толди. «Ахир мен ном чиқариш учун, ўзими кўрсатиш учун танқид қилиб бирор юқори мансабга кўз тикаётганим йўқ-ку. Мақсадим кўркам, ихчам, пухта ва арzon тушадиган бино қуриш, холос. Варвара Петровна ҳам худди шу ниятда проект тузган. Шундай бўлгач, нега хафа бўлади! Хафа бўлмаслиги керак!» деб ўйларди. Лекин Варвара Петровнанинг Усов билан

нимагадир юз кўришмас бўлиб кетгани эсиға тушса, яна юраги орқасига тортиб, шахтидан қайтарди. Ҳанифа «қалайсан энди» деб қулаётганга ўхшарди. Тўғри, проект билан танишиб, унинг камчилигини айтмоқча бўлганида авторларидан бири Варвара Петровна эканини яхши билса-да, юэма-юз туриб гапиришини ҳеч хаёлига келтирмаган экан. Бетма-бет туриб танқид қилиш, айниқса шунча яхшиликлар қилган, ўқитган кишигни танқид қилиш нақадар оғир эканини энди чуқур ҳис қила бошлади. У, назарида, Варвара Петровна ёзган дастурхонга оёқ узатиб, ёмонлик, кўрнамаклик қилаётганга ўхшарди.

Улмасхон, Варвара Петровнани кутиб олишга борар экан, ҳамон шундай ўйлар қучогида хомуш эди.

— Телефонда йўқлатсак йўқ экансиз? — деди Улмасхонни қарши олиб бош инженер станцияда. — Тобингиз қочдими, рангингиз?..

— Йўқ. Яхшиман, — деб қўя қолди Улмасхон. Лекин «Наҳотки, рангим ўзгарган? Йўғ-е, унчалик эмасдир!» деган ўй кўнглидан ўтди.

Поезд келиб тўхташи билан Улмасхоннинг юраги гуппуп уриб, ўзи алланечук бўлиб кетди. Бу узоқ вақтдан бери севимли муаллимасини кўрмаганиданми ёки муаллимасининг келишини эшигандан бери чекаётган изтиробининг сўнгги чўққисими — билиб бўлмасди.

Варвара Петровна уни дарров таниди, самимият билан бағрига босди. Узоқ вақт фарзандини кўрмаган она-дек унинг кўзларига термулди. Унинг балоғатга етиб, мустақил ҳаёт йўлига чиқиб олганидан мамнун бўлган-дек кулиб қўйди:

— Дийдор кўришганимиздан жуда-жуда хурсандман, Улмасхон Сафаровна, ҳатто сизга олиб келган поезддан ҳам миннатдорман, — деди у Улмасхонни бағридан қўйиб юбормай.

— Хуш келибсиз, Варвара Петровна! Мен келишинизни эшитиб, жуда хурсанд бўлдим, — деди Улмасхон ҳаяжонда.

Варвара Петровна ўша-ўша: Улмасхон таниган ватарбия олган вақтидек ширинсўз, қувноқ. Аввалгидек ҳамма нарсани бирдан кўриб олгиси ва билгиси кслади. Шунинг учун ҳам Улмасхонни саволларга кўмиб ташлади. Ҳатто ундан қизининг помигача сўраб олди.

— Мен меҳмонхонага тушаман,— деди машинага ўтираётib Варвара Петровна, Үлмасхоннинг шоферга ўз адресини айтганини эшитиб.

— Қўйинг-е! Бизники турғанда меҳмонхонага тушганингиз нимаси! Эшигтан олам нима дейди?— Үлмасхон қаршилик билдири. Варвара Петровна куллига олди:

— Нима дерди? Муаллимасини иззат-икром билан станциядан кутиб олибди, меҳмонхонагача бирга узатиб қўйибди, дейди-да. Ё яна бирор нарса дейиши мумкинми? Демас! Мен сиз ўзбекларни биламан: меҳмондўстсиз. Сизникига тушсам меҳмондорчиликдан бошим чиқмай, ишларим қолиб кетади. Ахир иш билан келганман. Сизникига алоҳида бошқа келаман.

— Ҳали бирор кун ҳам меҳмон бўлмайман денг?

— Йўғ-е... Бир бораман, албатта. Йигилиб қолган анча гапларим бор.

«Ҳамма гапдан хабари бор шекилли» деб ўйлади Үлмасхон.

Үлмасхон меҳмонхонада Варвара Петровна билан анча вақт сұхбатлашиб қолди. Сұхбат орасида ўзини безовта қилаётган масала юзасидан неча бор гап очмоқчи бўлди-ю, ботинолмади. Улар тузган проект бўйича қуриладиган бинога прораб қилиб тайинланганини айтиб, у ёғига тили бормади. Охири:

— Шундай, Варвара Петровна, фақир киши панада дегандай ишлаб ётибмиз,— деди.

— Бу жуда яхши, азизим. Ролларнинг катта-кичиги бўлмайди, артистларнинг катта-кичиги бўлади. Марказдан узоқроқ бир қурилишда бўлсангиз, бу сизнинг қўйингиздан ҳеч иш келмайди, деган гап эмас,— деди у кулиб.

* * *

Үлмасхонни не-не ўйларга олиб борган проект муҳокамаси уч кундан кейин бўлди. «Қани, Үлмасхон ўз муаллимасининг проектини қандай қилиб танқид қилар экан» дегандек бундай йигилишларга келмайдиган мастер ва бригадирларгача келганди. Үлмасхон залга кириб борганда Варвара Петровна бош инженер билан шу бугун муҳокама қилинадиган проектнинг сметасини синчилаб кўздан кечиради. Үлмасхонни кўриши билан у сметадан бош кўтариб, ҳар галгида кўра бошқачароқ кўришиди. Бу унинг иш билан қаттиқ бандлигиданми ёки бугун-

ги муҳокамадан норозилигиданми — Үлмасхон билолмади. Құнғли бир хил бўлиб кетди.

Муҳокама бошланганда ҳам Варвара Петровна ўша ўтиришини бузмади. Фақат бир маҳал кимнингдир унчалик ўринил бўлмаган даъвосидан кулги кўтарилиганда ҳаммага қўшилиб кулди. Ана шунда пайдо бўлган табасум юзидан анча вақт аримади.

Ҳаммадан қизиги шу бўлдикни, Үлмасхон кутгандек унинг танқидидан кейин ҳам Варвара Петровна ўз проектини ҳимоя қилиб сўзга чиқмади. Қурилиш бошлиги «Варвара Петровна, сўзлайсизми?» деганда у қуруққина қилиб:

— Йўқ, ўйлаб кўришим керак,— деди.

Бу сўзлар Үлмасхонга оғир ботди. Чунки у ўз даъволарининг қанчалик тўғрилигини Варвара Петровнанинг сўзига қараб баҳоламоқчи, шу билан кўнглини тинчтмоқчи эди. Демак, яна қўнғли тинчимайдиган бўлди. «Варвара Петровна танқидимни тан олмади. Мендан хафа бўлди. Ҳанифа тўғри айтган экан», деган хаёлга келди. Мундоқ атрофига қараган эди, Ҳанифанинг кўзини учратди. Унинг кўзлари «хўш, энди қалайсан? Ким ҳақ экан? Маслаҳатимга кўнмадинг, айб ўзингда» дегандек эди. Бунинг устига, муҳокама тугагач, Варвара Петровна бош инженер билан суҳбатлашиб чиқиб, Үлмасхон билан хайрлашмай кетиб қолгани унга жуда галати туюлди.

Үлмасхоннинг қўнғли баттар хира бўлиб уйига қайтди. У ўз режасича, шу кеча Варвара Петровнани театрга таклиф этмоқчи эди. Энди нима бўлди? Бирдан унамай қолса-я? Йўқ, яхшиси кутиш керак. Қани, охир нима бўларкин. Зора Варвара Петровнанинг ўзи муҳокама ҳақида биронта одамга оғиздан гуллаб қолса. Ана шунга қараб тош қўяди.

— Театрга бормоқчи эдик шекилли, хоним. Қечикмайлик тағин,— деди кутиб ўтирган эри соатига қараб.— Устозингизни ҳам таклиф этмоқчи эдингиз.

— Шундай эди-ю, сал тобим қочиб турибди. Бугун бормасак нима қиларкин,— деди Үлмасхон. Унинг ўпкаси тўлиб турганини ва ёлгон гапирганини эри пайқади.

— Муҳокаманлар яхши ўтмадими? Наҳот фикрини гизни...

Үлмасхон бардош беролмади. «Ҳа, эплолмадим. Устозимни хафа қилиб қўйдим» деган фикр яна кўнглини эзиб келди-ю, кўз ёшларини аранг тутиб, ичкари хонага

кириб кетди. У ўз устозини хафа қилиб қўйганига асти чидомасди. «Наҳотки, Ҳанифа ҳақли?» дерди нуқул.

Эрининг далда беришларидан анча кўнгли тинчиган бўлса ҳам, барнибир туни билан тинч ухломади: алла-қандай мужмал тушлар кўрди. Эрталаб оғир касал бўлган кишидек ранги синиқиб турди. Лекин руҳи кечагидан анча енгил эди. Соатга қараб анча кеч уйғонганини кўрди-ю, наридан-бери юниниб ионушта тайёрлашга киришди.

— Ухлаб қолибман. Уйғотмабсиэ ҳам,— деди у эрига ўпкалаб.

— Ўзингиз ухладингизми?— деб кулди эри,— ухласангиз ҳам тонгга яқин кўзингиз илингандир-да.

Ўлмасхон ҳеч нарса демади — тўғриси ҳам шу эди. У эрини ионушта қилдириб ишга жўнатди-да, қизини боғчага олиб боришга тайёргарлик кўраркан, эшик қўнғироғи жиринглаб қолди. «Ким экан шу маҳалда келган?» деди ичида. Эшикни очди-ю, қаршисида «безовта қилмадимми бевақт келиб» деб турган Варвара Петровнани кўриб, жуда шошиб қолди: унинг назарида Варвара Петровна уни холи топиб, аламини олгани келган эди. Ундаги ўзгаришни кўриб, Варвара Петровна:

— Тинчликми? Соғмисиэ? Нега рангингиз ўзгариб кетди?— деб сўради.

— Йўқ, соғлигим яхши. Яхши келибсиз. Сизнинг шу одатингизни яхши кўраман,— деди Ўлмасхон ўзини тутиб.

Улар ичкари киришди. Стол атрофида бир-бирларига рўбарў ўтиришди.

Варвара Петровнанинг юзида ҳар вақтдагидек хуш-фөъллик, дилкашлик, меҳрибонлик барқ уриб турарди.

— Сафарим қариди, Ўлмасхон Сафаровна, эртага қайтаман. Қетишим олдиндан сиз билан бир отамлашай деб келдим.

Ўлмасхон «мана энди бошланди» деб ўйлади-ю, кўз олди жимирилашиб кетди.

— Мен кечаги мулоҳазаларни туни билан синчиклаб ўргандим. Мен шахсан розиман. Қани, шерикларим нима дейишади. Айниқса, сизнинг чуқур ва атрофлича фикр юритишингиз мени қувонтирди. Бу ақлий балогатингиздан далолат. Мен хурсандман. Меҳнатларим бекор кетмабди. Сизнинг келажагингиз порлоқлигини ўша вақтдаёқ пайқагандим. Бугун самарасини кўриб,

бениң оя мамнун бўлдим. Ўз шогирдингнинг балоғатини кўрмак — ўзи зўр баҳт, катта баҳт.

Ўлмасхон қулоқларига ишонмасди. Наҳот шуларни гапираётган Варвара Петровна! У энди жуда шошиб қолди, ҳаяжондан титради, чимчилагандек бежирим бурнининг парракларини майдада, нозик тер босди. Беихтиёр ўридан туриб столни айланаб борди-да, Варвара Петровнанинг бўйнидан қучоқлаб, оқ тушган соchlаридан ўпди ва деди:

— Раҳмат... Раҳмат, Варвара Петровна! Сизни хафа қилиб қўйдим деб кечадан бери кўнглим фаш эди.

— Мени? Нега? Таңқид қилибми?

— Ҳа,— деди Ўлмасхон аранг.

Варвара Петровна қаҳ-қаҳ уриб кулди:

— Ана холос! Ҳали шунинг учун сизни ҳайратда кутиб олдим, шунинг учун рангим синиқсан денг. Бара-калла! Хафа бўлиш хаёлимга ҳам келгани йўқ. Аксинча, сенинг ўсганингни, балоғатингни кўрниб қувондим. Нима, сен менга тұхмат қиласмидинг. Ийқ, ийқ, түғри дарахтдан эгри соя тушмайди! Мана энди, шу гапингдан хафа бўлдим. Чиндан хафа бўлдим. Сен мени билмас экансан! Наҳот мен дўстона фикр, танқиддан юз ўғирсам. Ахир сен билан бизни балоғатга етказган, улғайтирган мана шу дўстона танқид ва тузатишлар-ку! Демак сен менинг ўрнимда бўлганингда хафа бўларкансан-да. Шундайми?

Ўлмасхон жавоб ўринида бошини қўйи солди.

— Танқиддан хафа бўладиган киши келажагидан умидини уза берсин. Дўстона, түғри танқид, тузатишларга қулоқ солмаган одам илдизига бузоқбоши тушган мевали дарахт. Ҳосилдан қолади. Түғри танқид жizzаки, ўз кучига, уқувига ишонмаган кишиларда қасос, алам туйғусини уйғотади. Ахир шамол ҳам енгилни учпрадида, оғирни қўзатиб кўрсинг-чи!

Бу гаплардан кейин Ўлмасхоннинг бағрига ел тегиб, ечилиб кетди.

— Сизнинг бу ерга келишингизни эштибманки, хаёлимдан бир нарса кетмайди. Усов билан ўртангиизда бўлиб ўтган жанжал эсингизда бўлса керак. Мен билан ҳам юз кўрмас бўлиб кетасизми, деб қўрқардим.

Варвара Петровнанинг юзида яна кулги кўринди:

— Унга ҳеч ким ўхшамасин! У туҳматчи-ку! Устимдан шундай анонимкалар ёзибдики, ҳар биридан илон пўст ташлайди. Охир нима бўлди у? Эл назаридан қол-

ди. Наҳот сен ўшанга ўхшасанг! Сен юзимга ҳалол, бега-
раз танқид қилдинг. Биз қурувчилармиз. Яшайман
десанг ертўла ҳам жой. Лекин инсонга турар уй-жой
қуриб бермоқчи эканмиз, унинг кўрки, санъати, ҳисоби
ва файзи бўлмоғи ксрак. Шу ниятда берилган ҳар бир
холис таклиф ва танқид ҳурматга сазовор.

Варвара Петровна ионуштадан кейин ҳам анча сух-
батлашиб ўтирди. Кун тиккага келганда кетишга ижо-
зат сўради.

— Қаёққа шошипсиз? Ҳали қишининг бир куни бор,—
деди Ўлмасхон кулиб.

— Бир оз дам олмоқчиман. Кексаларнинг мадор
манбаидан бири — уйқу.

Ўлмасхон севимли устозини шу ерда дам олишга қан-
ча қистамасин, у кўнмади, яна бошқа ишлари борлигини
айтиб меҳмонхона тинч, беташвиш эканини қўшиб қўйди.

— Қариб қолибсанз, Варвара Петровна,— деди Ўлмас-
хон устозининг сўнгги жумласидан холоса чиқариб ҳа-
зил билан.

— Юзимдаги ажинларимни кўриб айтапсизми? Бу
қайғу ва қариллик белгиси эмас, кулгиларнинг изи. Улур
мақсад йўлида хизмат қилувчи кишилар қаримайди, фа-
қат йил ўтган сари ёши улгаяди.

Эртасига Варвара Петровна бу ердаги ишларини
тугатиб жўнаб кетди. Ўлмасхонни «балофатга етган шо-
ғирдим» деб эркалади, қуюқ хайрлашди. Бир ҳафтадан
кейин, «Танқидий фикрларингиз қабул. Проектнинг янги
вариантини кутинг» деган телеграмма келди.

Ўлмасхон беҳад шод, ҳатто ҳовлисидан ўтадиган
ариқ ҳам унинг шодлигига жўр бўлаётгандек чиройли
куйлаб оқарди.

Нима бўлди-ю, вақтида уйланолмадим, ёшим ўтия-
қираб қолди. Тепа сочим сийраклашиб, чаккамда уч-
тўртта оқ тола ҳам пайдо бўлибди. Сўлиган гулдан
асалари бол эммайди — бу тўғри гап. Бўлмаса бирорта
қизга ёқиб қолардим. Ё ўзим хушомад қилишни бил-
майманми? Ундоқ эмас. Атроф-теваракка кўз қири
ташлаб тураман.

Тўғри, бир хил бўйдоқлар бўладики, улардан қизлар
қочади. Чунки ундаи бўйдоқларнинг муҳаббати кеч
баҳорда ёқсан қорга ўхшайди: бир ёқдан ёғса, бир ёқ-
дан эриб кета беради. Меники зинҳор ундоқ эмас. Мен
астойдил севмоқчиман, севилмоқчиман ва сафана тошини
босгунимча бирга-бирга умр кечирмоқчиман. Бу гапим
рост, бунга ишонса бўлади. Ахир мен шу ёшга киргунча
умримни бекор ўтказганим йўқ. Ўн йилликни битириб,
армияда уч йил гражданлик бурчимни шараф билан ўтаб
келдим. Кейин ўқишга кирдим. Уни яхши баҳолар би-
лан тугатдим. Аспирантурада олиб қолишиди. Мана бу
йил иккинчи курсдаман. Хуллас мендан, назаримда,
камчилик топиб бўлмайди: йигитмисан, йигитман. Бир
жонон, санама раста қизнинг қўлтифида юрсам хижо-
латда қўймайман. Бир шоҳда очилган қўшоқ гулга ўх-
шаб кетсак керак.

Худди шу ниятда Назокатхон билан танишганман. Тўғриси, мен уни кўз остигма олиб юриб, пайти билан
танишганим йўқ. Тасодифан танишиб қолдик: ўртоғим
Қосим қўярда-қўймай Янги йилни бирга кутишга кўн-
дирди.

— Қўйсанг-чи, ўртоқ, сенлар оиласи үтириш қиласаринг ораларингда буғдойга тушган қорамиқдай мен нима қиласан,— дедим.

— Нима қиласдинг, ўғлим Элдор билан уч филдиракли велосипед минишасан,— деди Қосим кулиб, кейин жиддий давом этди:— Бундай одам ёни бўлиб юрсанг, юра берасан-да. Бўйдоқ деган ўтли-шудли бўлади. Томирингдаги қонми, сувми? Иннайкейин биласанки, мен кийимнинг янгисини, дўстларнинг эскисини яхши кўраман. Сен билан биз эски қадрдонлармиз. Пўлатхўжа қўноқнинг теракларига чумчуқ бола излаб чиқканларимиз эсингдами?

— Шундоқ бўлса ҳам...— дедим бўшашиб.

— Унугма... Турмуш тасодифга кон. Эҳтимол, бахтинг шу кеча очилар?!— деди дўстим бир нарсага ишора қилгандек. Шу гапдан кўнглим сув ичгандек бўлди, юрагим бир орзиқиб тушди.

Тайнинланган кеч бир жуфтгина беш юлдузли коньякни хитой қофозига ўраб, ўртогимникуига кириб бордим. Жамоат жам, фақат менгина етишмагандек. Қосим менга жой кўрсатар экан, тегиши:

— Узукка кўздай ярашиб турибсан, бормайманмиш...
Бўйдоқ.

Сиримни фош қилиб қўйгандан сал ўнғайсизландим. Қаршимда ўтирган холдор, хунукина жувон, ёнидаги кўркам, ёшгинна қўшинисига маъноли қараб, пастки лабини тишлаб қўйди. Қўшиниси менга бир қаради-ю, одоб билан бошини эгди.

Ҳадемай, соат ўн иккининг занги урилди. Қадаҳлар жаранги хонани тўлдирди. Қадаҳлар сўнгига қадаҳ улангандек, сўзлар кетига сўз уланиб борди. Бирор соатлар ўтгаҷ, ҳамма ўзи билан овора бўлиб қолди. Бир оздан кейин танца бошланди. Қосим менинг бир четда турганимни кўриб, хотини билан қаршимга келдида, кулиб деди:

— Мана сенга шерик. Фақат сенга ишонаман.

Биз бир жуфт танца тушдик. Ундан кейинги музика жуда тез ҳаракат талаб этгани учун шеригим розилик бермади, бир четга чиқиб томоша қилдик. Келганимдан бери қаршимда ўтирган, бир неча бор қадаҳ уриширишга ултурган бояги холдор жувон ҳамроҳи билан биздан сал нарида гаплашиб турарди. Бизнинг танца тушмаётганимизни кўриб, олдимизга келишди. Ҳар бир ҳарака-

тидан нозу истиғно барқ уриб турған күркам қизнинг исми Назокатхон экан. Қайси мавзуда гаплашмайлик у аралашмади, гоҳ-гоҳ табассум билан гапимизни тасдиқлаб турди. Фақат суҳбат охири бўлиб қолганда мендан сўради:

— Сизларнинг институтга ҳам кириш жуда қийин-дир-а?

— Яхши ўқиган кишига қийинлиги йўқ,— деб кулдим. У ҳам юмшоққина кулди. Кўзимиз учрашди. Уяландек табассум билан кўзини ерга олди. Шу маҳал менинг руҳимни бир нарса ёритгандек бўлди. Дўстимнинг хотини буни фаҳмладими, ҳарқалай бир нарсани баҳона қилиб ташқарига чиқди. Холдор жувон бирпас суҳбатимизга аралашиб турди-да, у ҳам қаёққадир кетди. Тушунадиган кишининг садағаси кетсанг бўлади, деб қўйдим ичимда. Лекин, у кетди-ю, суҳбат ҳам бўлинди. Қосимнинг: «томирингдаги қонми, сувми?» дегани ёдимга тушди-ю, ташаббусни қўлга олиб, гап бошладим. Қиз уялиб, қисқа-қисқа жавоб берарди. Лекин унинг бунчалик уятчан эмаслиги кўзидан кўриниб туради. Мен билардимки, бундай тортинчоқ қизларнинг баъзилари ичидан пишган бўлиб, кейинчалик очилиб кетади. Шунинг учун узоқ мулоҳаза қилмай, танцага таклиф этдим. Аввалига «вой, мен танца тушмасдим-ку» деди-да, кейин розилик билдириди. Эпчилик билан белидан ушлаб, даврага олиб кирдим. У чакки танца тушмас экан. Унинг юмшоқ бадани қўлимни куйдургудек қиздиради.

— Яхши тушаркансиз-ку,— дедим, ўйиндан кейин тирсагидан ушлаб, бир четга ўтарканмиз.

— Вой, зўрға тушдим. Икки марта оёғингизни босиб олдим-ку, яхши эмиш,— деди Назокатхон таманно билан.

— Биз танца тушиб турсак бўларкан,— дедим, «учрашиб турсак бўларкан» деган маънода. У ҳам пайқади шекилли, паст лабини астагина тишлаб, кўзини четга олди. Бу орада холдор ҳамроҳи келиб қолди, кўнгилдан бошланган суҳбат бўлинди. Мен ўз жасоратимдан терлаб кетгандим. Ташқарига чиқдим. Ҳаво очиқ. Юлдуз чаман. Тун совуғи чарсиллаиди. Ҳовлида вақтингча ўчақ қуриб ош қилаётган ошпаз олдига бордим. Ўчақда олов гуриллаб ёнарди.

— Зерикдингизми?— сўради ошпаз.

— Бир оз,—дедим бенхтиёр. Аслида оёғим шу ёқса тортган, лекин сабабини аниқ билмасдим. Ошпаз стул қўйиб берди. Оловнинг тапти юзимга уради. Бир оздан кейин елкасига қоракўл ёқали пальтосини ташлаб Назокатхон ҳам чиқиб келди. Мени ногоҳ учратгандек:

— Вой, сиз ҳам шу ердамисиз? Мен сизни кетиб қолдингиз деб юрибман,— деди.

— Сиз кетяпсизми?

— Йўқ, шамоллагани чиқдим. Уйни бир тутун босиб кетдики... Сиз нима қилиб ўтирибсиз?

— Қишинг гулини томоша қилиб,— дедим оловга имо билан.

— Қишинг гули олов эканми?— кулди у.

— Бўлмасам-чи. Ҳам ўзингизни, ҳам кўзингизни яшинатади.

Олов ҳам ўз мақтовидан фахрлангандек гурилла бўнар, Назокатхоннинг кулча юзида товланарди. Мен унга стулимни тутдим. У ўтирмади. Қаршимиздан оромбахшисиқ ураг, орқамизни муздек тун совуғи яларди.

— Сизларнинг институтингизда ўқиш беш йил-а?— деди бир оздан кейин Назокатхон узилиб қолган суҳбатни бошлаб ва жавоб олмаёт давом этди,— ўқимай қолганимга ачинаман.

— Ҳали ёшсиз, ўқисангиз бўлади.

— Итнинг кейинги оёғи бўлиб-а? Мен тенгилар институтни битириб бўлишиди.

— Илм олишнинг эрта-кечи йўқ.

У ўзи ҳақида сўзлаб берди. Саккизинчи синфи битирган йили отаси вафот этиб, рўзгор унга қолибди. Яна битта укаси бормиши. Ўзи универмагда ишларкан.

— Наҳотки мени ҳеч кўрмагансиз? Энг ходовой ипак кийимликлар бўлимида ишлайман. Мен сизни танийман. Хосият опам билан бир маҳал киргандингиз. Мен иккалантурмуш қургандирсизлар, деб юрадим. У киши бошқага турмушга чиқсан эканлар-да, а?— деди Назокатхон очилиб, кейин эркаланиб деди.— Барибир у киши сизга бўлмасди.

— Шунақами? Сабаб?

— Ўзингиз ҳам биларсиз, ўсмоқчиламай қўя қолинг,— деди у карашмали кулиб.

Лекин, мен ҳеч нарса билмасдим.

Қаёққадир кетган ошпаз келиб, сўзимизни бўлди. Назокат: «Совуқ едим» деб қўзғалди. Мен: «Совуқ бўл-

са нега ейсиз, иситиб енг» деб тегишдим-да, у билан бирга юрдим. У мени тұхтатиб:

— Сиз сал кейинроқ киринг,— деди ва шириң бир кулиб, уйға кириб кетди.

Бутун кеча ўтгунча у менга күз ташламади ёки ташлаган бұлса ҳам мен уни учратмадим. Қайтишда уни ҳамроҳи холдор жувон билан бирга кузатиб қўйдим. Тун совуқ әди. Назокатхоннинг тивит рўмолга ўралиб олганини кўриб тегишдим:

— Аямажизми?

— Аямажиз бұлса, сиз эркакларга нима, бош ювармидинглар?

— Ювса нима?

— Кишининг боши титроқ бўлиб қолади,— деди Назокатхон жиддий. Мен шундай мода билан кийинган ёш қизнинг ишимга ишонганига ажабланиб, кўзига қарадим. У рост, деб яна тасдиқлади.

Назокатхон менга ёқиб қолгандин. Кунлар ўтган сари унинг ўзидан ҳам хаёли шириң бўла бошлади. Хаёлимда аслидан ҳам чиройлироқ кўринар, йўқ фазилатлари очиларди. Энди унинг ўзи эмас, у турган кўча ҳам жозибали бўлиб хаёлимдан ўтарди. Бир кун ҳатто тушимга ҳам кириб чиқди. Уша куни дарсдан кейин универмагга келдим. Одам кўп. Олдига боришнинг иложи йўқ. Бир оз кузатиб турдим. Одам бир оз товсилди. Яқинлашдим. Юрагим эшитилгудек гуп-гуп уради. Рангум ўзгарган бўлса ҳам ажабмас. Назокатхон мени кўрниши билан қўлидаги метрни ўйнаб, сэфира кетди:

— Ҳеч кўринмай деб аҳд қилган экансиз-да. Икки марта телефон қоқдим — бирортасида чақириб беришса қани. Нуқул, қанақа танишлари бўласиз, деб қиҳ-қиҳ кулишади. Сингиллари бўламан, десам, у кишининг сингиллари йўқ, деб ўшқиришади. Жуда қулоқларини бураб қўйган экансиз-да.

— Шунчалик керак бўлиб қолганимидим?— деб кулдим мен. У нозланиб:

— Бемеҳр,— деди. У бугун дадил әди, тортина масди. Мен ҳам бўш келмай, учрашувга ваъдасини олиб қайтдим.

Буни қаранг, худди ўша ваъда куни эрталабдан ёмғир ёғиб, тушдан кейин роса авжига чиқса бўладими. Таъбим хира бўлиб кетди. Бахтимдан нолидим. Унинг келишига гумон қилиб қолдим. Шундай бўлса ҳам бордим. Не кўз билан кўрайки, кутиб турибди. Мен андак

кеч қолибман — соатларимиз турлича юаркан. Бир оз гаплашиб турдик, кейин кинога кирмоқчи бўлдик. Ёмғир ҳамон ёгарди. Мен уни авайлаб, зонтикини деярли унинг боши устида ушлаб борардим.

— Кўрқманг, қоғоз гул эмасман,— деди у кулиб.

Шу-шу бўлди-ю, гоҳ-гоҳ кечқурунлар учрашадиган бўлиб қолдик. Сўзларимизга муҳаббат шакари сепила бошлади. У энди мени қаердан топишни биларди. Бир куни халқ кутубхонасида мутолаа қилиб ўтирадим, у жуда ясаниб-тусаниб келиб қолди. Пардоз бошқача. Қўш қамчидай бир жуфт улама соч тақим ўпади. Турмуш ташвишидан холи бўлган ёш қизлардек майдада қадам билан дикиллаб келди-да, қошимда тўхтади:

— Мунча китобга мукка тушмасангиз, мойи чиқадими. Соғлиқ ҳам керак. Ташқариди бирам ажойиб ҳавоки, юрган сари, юргинг келади. Шунча машқ қилганингиз етар,— деди минг бир карашма билан атрофга атир ҳидларини таратиб.

— Машқ қилиб, бойитиб турилмаган илм сувнинг буғланшига ўхшайди, яхши қиз, бирор йилдан кейин ҳеч нарса қолмайди.

— Бугунгисини холодилнийга солиб қўя қолинг, буғланмас,— чиройли кулди Назокатхон.

Ташқарига чиққаҷ, у мени мурти шафтоли тукларидек энди сабза урган бир ўсмири билан таништириди:

— Укам. Бу бечоранинг яқинда етуклик аттестатига имтиҳони бошланади. Бир оз дам олсин, деб ола келдим. Иннайкейин сиз билан танишиб қўйисин — ўқимишли кишиларни яхши кўради.

Кун чиндан ҳам яхши эди. Баҳор кўкраги тўлиб нафас оларди. Куртаклар лабида эрка табассум. Ариқ бўйларида барра ўт.

— Бу киши,— деди йўлда Назокатхон менга ишора қилиб, укасига — сен яхши кўрган институтда аспирант, ўқитувчи. Эҳтимол сени ҳам ўқитарлар. Унда ишинг беш бўлади. Шундаймасми?

Сўнгги савол менга қаратилганди. Ҳазилга олдим.

— Яхши ўқиса, албатта беш бўлади.

— Ундан сал пастроқ ўқиса «беш» қўёлмайсизми, мен учун-а? — кулиб, ўзига ярашган назокат билан деди Назокатхон.

Мен нима дейишимни билолмадим. Бахтимга қаршидан ўт ўчирувчи машина ғайри табиий ҳайқириб ўтди-ю,

фикриимизни бўлди, гап чалғиди. Учаламиз концертга кирдик. Қайтишда уларни кузатиб борарканман, Назокатхон укасига деди:

— Мулла акангни яхши таниб олдингми? Ҳа, таниб ол. Қўй боради қўзи билан, бир-бирининг изи билан. Этакларидан маҳкам ушласанг бўлгани.

Уч кун ўтгач, универмагга кирсам Назокатхон олдида бежиримгина бир хотин турибди. Иккиси ниманидир пичирлашарди. Назокатхон мени кўрса ҳам сўзини бўлмади, бош иргаб қўя қолди. Охири хотининг қўлига хайрлашган кишидек бўлиб яширинча бир нарса қистирди. Бир четини кўриб қолдим: чек. Бежирим хотин узоқлашгач, Назокатхон изоҳ берди:

— Укам ўқийдиган мактаб директорининг хотини. Бир нарса илтимос қилувди, бугун мавриди келиб қолди. Оила бошлиғи бўлганингдан кейин қийин: укам бечора қийналмасин, битириб олсин дейман.— Маъюслангансимон сўзлади у, кейин кулибгина қўшиб қўйди:— Шунақа Носиржон ака, бурга тутиш учун ҳам бармоқни ҳўллаш керак!

Бу гап ўзига ҳам ғалати туюлди шекилли, гапни бошқа томонга буриб юборди.

— Ҳай, мана булардан бир кийимлик-бир кийимлик олиб қўйсангиз-чи, кеннойимга. Қерагида излаб тополмайсиз.

— Вақтида, киядиганнинг ўзи билан танлармиз. Ош ҳам эгаси билан ширин. Иўқ бўлиб кетса сиз бор-ку!

Кейинги жумлани учуриқ қилиб айтдим. Назокатхоннинг бугунги хатти-ҳаракати кўзга тушган оқдек менга ғалати кўриниб кетди. Тезроқ чиқиб кетгим келиб қолди. Лекин нимадир ушлаб турарди. Назокатнинг кўзига қарадим: ўша-ўша Назокатхон! Балоғатга етган қизларга хос ҳуси билан порлаб турибди, бояги гапни айтган у эмас. Ички бир товуш менга «қаёққа борасан шундай қизни ташлаб. Кимда нуқсон йўқ» деб ҳайқиради. Оёғимдан дармоним қуриди. Ана шунда унинг муҳаббати юрагимга қўрғошин бўлиб қўйилиб кетганини бутун вужудим билан ҳис этдим. Унинг нуқсон бўлиб кўринган хислатлари ҳам дабдаба билан кўқдан тушиб, бир неча дақиқада эриб кетган дўл доналарига ўхшарди. Менга унинг нуқсони ҳеч гапмасдек туюлди, ўзимни совудим; тарбиялаб оламан, тарбия тақани тўғрилайди!

Баҳорнинг қанақа қилиб ўтиб кетганини билмадим. Киши баҳтли, шод ҳаёт кечирса шунақа бўлади. Аспирантуранинг иккинчи курсини ҳам муваффақиятли таомладим. Бир оз қимиизхўрлик қилиб, дам олиб келиш мақсадида Қирғизистонга жўнадим. Келишимни кимдандир эшиятган Назокатхон гулдаста билан кутиб олди:

— Сиз хабар қилмасангиз ҳам чиқдим. Симсиз телефонмиз-да, ҳаммасини биламиш.

Чиндан ҳам у ҳамма нарсадан хабардор эди. Кечқурун кўлда сайр қилиб юрарканмиз, мени институтга кирувчилардан имтиҳон олишга тайинланганим билан табриклаб:

— Мен жуда-жуда хурсандман. Бу — катта ишонч, обрўй, баҳт. Дўстингни баҳтли кўрмак ўзи бир баҳт,— деди.

Унинг бу қувончининг сири бир ҳафтадан кейин билди: укаси шу институтга ариза берган экан! Бу орада Назокатхоннинг шириинсўё, меҳрибон бўлиб кетганини асти қўяверасиз. Соямга салом берарди. Меҳрибонлик муҳаббат элчиси, дегандек мен содданинг меҳри унга борган сари ошиб борарди. Ҳатто бир куни у менга бир украинча кўйлак совға қилди: бу яшги нусха эмиш. Яна бир учрашувимизда укасининг институтга киришига кўмак беришимни сўради.

— Жоним билан,— дедим мен,— консультацияларга келиб турсин. Китоблар керак бўлса — марҳамат!

Менинг жавобим у кутгандек бўлмади, Назокатхон ўзгаринқиради.

— Ўзи нимжон. Бир оз дам олса. Институтда ўқиш — куч! Орқасидан бир амаллаб юборишнинг иложи йўқми? Ҳойнаҳоӣ, ҳамма ўқитувчилар танишингиз, ўртоғингиз.

Мен лол бўлиб қолдим. Ўз қулоқларимга ишонмасдим. Бу илтимос бўйнимга осилган тош бўлиб бошимни эгди. Олдимда икки масала турарди: ё ошна-оғайнигарчилик, ё ҳаққоният, тўғрилик. Қейнингиси енгди. Очик айтиб қўя қолдим:

— Бу иш яхши эмас-ку, Назокатхон. Бу қўлимдан келмайди.

Шу гапни зўр билан айтдим-у, кўз олдимдан унинг укаси ўқиган мактаб директори хотинининг чекли қўли ўтди. Назокатхон бирдан мен танимас ҳолда ўзгариб

кетди, бурун катаклари кенгайиб, оқарди, қошлари чимирилди, лаблари чүччайди.

— Нокас тароғлик бўлди, тароги керакли бўлди!— деб бир ўшқирди-да, шартта бурилиб, орқасига қарамай юриб кетди. Мен ўз ўлжаси қўлидан учган овчидай ортидан термилиб қолдим. Ўз кўэларимга ишонмасдим Эртасига кўчада кўрдим, тескари қараб ўтди. Уч кундан кейин бир бола келиб, у совға қилган «янги нусха» украинча кўйлакнинг пулини сўради...

1956

Ҳалигина пари олинган уккидек ҳурпайиб ғазаби тұлиб, кимга зақрини сочишни билмай турған Ҳури хола өри әшикда күрениши билан унга ташланди:

— Ҳа, қариб қүйилмаган, ачиб сүйилмаган чол! Қизимда нима аламингиз бор эди, дунёдан тоқ ўтсин, дөвмидингиз? Эл-юртдан уялмадингизми? Эшитган одам нима дейди?

Рустам ота гап нима ҳақида бораётганини дарров фақылаб олди. Ҳудди шундай бўлишини боя хаёлидан ўтказган эди. Ҳотинининг «куйди-пишди»лиги ўзига маълум. У ётиғи билан жавоб қайтарди.

— Нима дерди, Рустам чол яхши қилибди, дейди-да.

— Ҳа, яхши қилибди! Ҳамманинг сизга ўхшаб қариганда мияси сүйилмаган, эс-ҳуши бутун. Олдингизда индамаса ҳам орқангиздан кулишади.

— Орқадаги гап — охирдаги нушхўрд. Мард бетга гапиради. Ҳеч ким гапираётгани йўқ.

— Қулоғига пахта тиққанлар эшитмаётган бўлмаса...

— Ҳа, баракалла! — деди Рустам ота дадиллашиб, — ўз қадрини билган кишилар бировлар ўртасидаги гапга қулоқ осмайди. Сен ҳам қулоғингга пахта тиқиб олсанг яхши бўларди. Ишдан ҳориб-толиб келган кишини әшикдан қопиб кутмасдинг, олдига дастурхон ёзиб, кеин...

— Ӯша сизга ақл ўргатганилар ош дамлаб кузатмати-да! Бу душманнинг иши. Ӯша сизга ўргатган — душманингиз. Мирсаиджонга кўз тика-тика қўлини бурнига тиқиб қолтанларнинг иши! Сиз лақма ўшаларнинг

гапига учиб, қўй оғзидан чўп олмаган йигитни хафа қилиб ўтирибсиз... Шошиб-пишиб фотиҳа қилмай — мен ўлай. Энди эл-юрт кўзига қандай қарайман, шарманда бўлдим! Фотиҳа бузилса нима деган одам бўласиз?

Шу гап Рустам отанинг иззат-нафсига тегди:

— Қизимни ташлаб кетади, деб юрагинг ёрияптими? Шунга ташлаб кетса, кета қолсин. Боши туйнукдан чиқиб кетаётган қизим йўқ. Мен уни ақлли, ҳушли деҳқон деб ўйловдим.

— Ҳа, бўлмаса аҳмоқ эканми?

Рустам ота шарт кесди:

— Агар ўнга хафа бўлса — аҳмоқ. Бу галга асл деҳқон хафа бўлмайди.

Ҳури холага бу гап дард устига чипқон бўлди. У бидиллаб кетди:

— Ўёлинни тўсиб, қаршисида қўлингизни пахса қилиб, дакки берингу — хафа бўлмасин!

— Кўриб турувдингми? — кулди Рустам ота.

— Ҳа, кўриб турувдим,— деди жеркиб Ҳури хола,— кўрмасам ҳам биламан, сизнинг қанақа қилиб гапиришингизни. Онангиз сўзга туқдан! У сизнинг икки тугишиб бир қолганингизми! Минг қилса ҳам бегона! Колхознинг сиздан бошқа киши кутувчиси йўқми? Эртага қизингизга уйланиб, куёв бўлай деб турган кишига дакки бергани уялмадингизми? Қандай юзингиз чидади? Қизингиз кўзингизга кўринмадими? Жилла бўлмаса ўшанинг иззатини қилинг эди!

— Олов учқунларидан қўрқдан киши темирчилик қилмайди, хотин. Мен зўрлаб куёв қилаётганим йўқ.

Ҳури хола «ўзлари севишган, топишган деб оёқ ости қиласерасизми!» деб бидиллай бошлаган эди, Рустам ота унинг сўзини бўлди:

— Ҳай хотин, мунча чакагингга суюна бердинг. Шунча кучинг бор экан, далага чиқ! «Ҳа» деган карвонга дармон. Осмон ҳам сенга ўшаб, заҳрини қаерга сочиши билмай турибди. Ҳар соат ғанимат.

— Ҳа, энди ёпишмаганингиз мен қолувдим. Вақтида терганиман, энди ёшлар терсин. Ярим чепак сувни сойдан зўрга олиб чиқаман-ку...

— Бўлмаса ёшларнинг йўлига чўп ташлама.

Ҳовуридан тушунқираган кампир киноя билан кулди:

— Сиз ҳам ёшми?

— Ҳа, бўлмасам-чи! — деди чол.

— Бу яқин орада ойнага қарадингизми?

— Қараганда нима! Кишининг ёшини ажин босган юз, бевақт оқарган соч-соқол эмас, иши, меҳнати белгилайди. Эчки ҳам соқолли туғилади-да!

Рустам ота касалманд хотинининг хафалиги ошиб кетиб, эртага кўрпа-ёстиқ қилиб ётиб қолишидан қўрқан эди. Унинг шунаقا одати бор: хафаликни кўтаролмайди. «Тўқнашув»нинг бунчалик «хайрли» тугалланишидан мамнун бўлган Рустам ота бари билан ағдарма этигининг чангини қоқиб ичкари кирди. Ҳовуридан тушса ҳам кампир ҳамон гапириб келарди.

— У бечора қопни тешган сичқонга ҳам ҳеч нарса демайдиган мўмин-қобил йигит бўлса-ю, сиз унга дакки берсангиз...

— Мунча узиб улай бердинг, хотин. Ке қўй! Овқатни олиб кел. Йигит деган шунаقا қилиб пишийди. Пишиган лойнинг чинниси тоза бўлади. Уларнинг осқ яланг лой кечиб, колхознинг оғир хизматини қиласидан пайти. Ҳа, сен унинг ёнбошига пар ёстиқ қўя берма, эртага тўрга чиқиб олиб, қизингга «Мени ишлаб боқ!» дейди. Ушанда нима қиласан? Уйингга кўчириб келиб боқсанми? Йигитнинг бахтини меҳнатнинг зўри очади.

Кампирнинг хира кўзлари чараклаб кетди. У хаёлига келмаган гапларни эшитарди. «Чиндан ҳам шундай бўлиб қолса-я!» — деб ўйлади. — Дунёда нима ёмон: «қайтиб келган ёв билан қайтиб келган қиз!» Аслида бу гапларни Рустам ота жўрттага айтган эди.

Воқеа бундай бўлган эди: эрталаб нима бўлди-ю, Рустам ота Чуқурсой томонга ўтиб қолди. Бўлмаса унинг бригадасининг бу томонда ери йўқ. Мусобақадош Норбўта карвоининг бригадасида теримнинг бориши суст. Шундан хабар олмоқчи бўлди. Дўстингга отилган кесакнинг чангি сенинг ҳам кўзинигга тушади-да, ахир!

Рустам ота мусобақадошининг ерига кирпи билан арава йўлига тушиб олди. Атрофда ишлаётганиларни кўздан кечирди, бальзи ердагиларни кўзи билан санаб қўйди. Бирдан кўзи Султонсовуқга тушди. «Модомики,— деб ўйлади ота,— шу Султонсовуқни далага чиқарибди, демак, энди иш жўнашиб кетади». Шу пайт йўл устида ётган бир сиқим паҳтага кўзи тушди. Уни тупроқдан олиб, «пуп-пуфлаб» тозалади. Сал юргач, яна учратди. Уни ҳам олди. Лекин бу гал шундайгина энгашиб эмас, жаҳл билан ўзича сўкиниб олди. Чунки ундан

нарироқда яна бир сиқими сочилиб ётарди. Энди чолнинг тоқати тоқ бўлди. Пахтани қўйиб, арава кетган томонга қаради. Нимагадир қулоқ солди.

Рустам ота энг кейин курган бир сиқим пахтани ҳам фижимлаб олди-да, арава изидан кетди. Юрагидан тошиб чиқаётган ғазаб қадамини борган сари тезлатарди. Ўзича ниманидир пичирлаб борар эди. Бунинг устига йўлда яна бир-пкки жойда тўкилган пахтани кўрди. Бу унинг ғазабини баттар қайнатиб юборди. Ҳадемай араванинг қораси кўринди. Ота қадамини тезлатди. Унинг бу хилда шошилиб кетаётганини кўрган одам «бу кишининг арзанда фарзандининг касали оғирлашиб қолибди-ю, докторга кетяпти» деб ўйлаши мумкин эди. Отанинг манглайнин муздек тер босган бўлса-да, ўзи тобора қизиб борарди. Аравага етиб боргунча сабри чидамай, эллик метрча қолганда, «арава!» деб бақирди. Аравакаш эшитмадими, индамади. Ота яна такрорлади. Бу гал арава тўхтади. Аравакаш отдан тушиб, қаршисига чиққунча, Рустам отанинг ўзи етиб келди-ю, от устида ўтирган бўлажак куёви Мирсаид эканини кўриб, ҳайрон бўлиб колди. Ахир бу биттаю битта қизи, кўзининг оқи-қораси, умрининг гавҳар донаси Комиланинг кечаги ҳафта унаширилган куёви. Ҳадемай йифим-терим олиниши билан тўй бўлади, фақат шунга қараб туришибди.

Рустам ота қизиқ ҳолга тушди. Уни икки нарса қийнарди: бири бўлажак куёванинг иззат-ҳурмати, иккинчиси тўкилган меҳнат терининг қадри. Инсофли киши учун иккаласи ҳам азиз. Буни яхши билган миришкор деҳқон Рустам отага бири деб, бирини қурбон қилиш жуда мушкул эди. Иккиси икки бармоги: қайси бирини тишиласа, ўшаниси оғрийди. Қаршисида турган Мирсаидни номус букиб, куёвлик ҳаёси босаб бошини қўйи эгди. Бир лаҳзада терга ботди. У Комилахонга унашилганидан бери, қайната ёки қайнанасига кўриниб қолишдан уялиб, уларнинг боф кўчасидан ўтмайди. Йўлни узайтиб бўлса ҳам нариги кўчадан юради. Улардан биронтасини узоқдан пайқаб қолса, йўлини терс солиб кетарди. Энди бўлса қайнатаси унинг қаршисида турибди. Қўлида тупроқقا қоришган бир сиқим пахта. Рустам ота дарров ўзини тутиб олди. Аммо шахтидан қайтмади. Етифи билан деди:

— Мана шу сизнинг аравангиздан, ўғлим. Киши бундай беларво бўлмайди. Асл деҳқонга бу нонтепкилик.

Рустам ота тупроққа қоришган қўлидаги пахтага яна кўзи тушибми, ёки Мирсаиднинг куёви эканини бирлаҳза унутиб қўйдими, бирдан тутақиб кетди:

— Кун тигида кетмон урмабмидингиз, қадрига етмайсиз. Аравангиз орқасидан түя ямлаб кетса ҳам билмайсиз. Номус керак кишига. Сиздан бошқа нимжонроқ киши йўқ эканини арава мингани! Уят!

Мирсаид чурқ этмади. Боши яна қуйи тушди. У оғир, уятчан йигит эди. У, ота қачон кетди, қўлидаги тупроққа қоришган пахтани қачон аравага иргитганлигини кейинчалик аранг эслади. Ота кетгандан кейин анча вақт караҳт бўлиб туриб қолди. Отга «чув» деб қамчи босиш эсига ҳам келмасди. Фақат, от думи билан ниманидир ҳайдаб бир сесканганда, ўзининг от устида ўтирганини пайқади. Атрофга бир назар ташлаб, терини артди-да, отга қамчи босди. Сал юриб, яна тўхтатди. Эгардан тушиб, арева орқасига ўтди. Қопларга назар ташлади. Оғзи бўш тикилган қопнинг пахтасини шиддат билан муштлаб, пухталади. Уидан бир кафт пахта ҳали-замон тўкилгудек ҳурпайиб туради.

Аравадан тушаётуб отанинг тўп сада остида ранс билан гаплашаётганини кўрди. Юраги шигиллаб кетди. «Албатта менинг ҳақимда гаплашяпти, эй! Аравасидан ўргилай! Нимага энди, Аширмат букурнинг гапига лаққа учиб, аревасига миндим, ўша далам тинч эмасмиди! Қашча гап-сўз, шармандалик. Ҳали чол «бунақа аревакашга берадиган қизим йўқ» деб қолса-я. Ана унла...»— Мирсаиднинг юраги орқасига тортиб кетди. Аревани жадал ҳайдади. Бригаданинг ери этагидан пахта тераётгандар ичидан Аширмат букурни чақирди-да, у етиб келгунча отдан сакраб тушди ва қамчини тутди:

— Раҳмат, карвон! Бопладинг! Ўчнинг бормиди, букур! Ҳе, ўша аревангдан ўргилай! Қани, этакни еч!

— Ўзи нима гап, хўжам, тинчликми? Эзилиб кетдинтиз, бирор кун қаддингизни ростлаб олинг, деб бергандим. Ёқмаса, ўзимизга тан. Хафа бўлмасинлар. От ҳам ҳунарини чавандозга кўрсатади.

Мирсаид Аширмат букурнинг гапларига қулоқ солмай, унинг бўйнидан этакни чиқариб оллаб, пахтазорга кириб кетди. Кечқурун Комилахонни кўргандагина уечилди:

— Дадаңгиз бугун мени тоза тузлади-да. Ер ёрилмади-ю, ерга кириб кетмадим. Гуноҳинг бўйнингда бўлган-

дан кейин кишининг тили буралмай қоларкан. Бошимни кўтаролмасам-а. Мааст кишидек учиб қолибман. Бир вақт бундоқ қарасам, йўл устида — отда бир ўзим турибман, отангиз кетиб қолиптилар. Мени жин урмаса, туппа-тузук пахта териб турган одам Аширмат букурнинг фирром сўзига учиб, бугун арава минаманми! Бунинг устига йўл-йўлакай пахта экиб боришимни айтмайсизми!

— Эшитдим,— деди Комила.

У, бу гапни кундузи эшитган, ўшандан бери «Мирсаид хафа бўлмадимикин? Дадамнинг тезлиги қурсин» деб ташвишда эди. Мирсаиднинг очиқ юз билан кутиб олиб, дилхушлик билан ҳикоя қила бошлаганидан қувониб кетди. Шундай бўлса ҳам атайлаб сўради:

— Ишқилиб хафа бўлмадингизми?

— Тўғри гапдан киши хафа бўлмайди. Отангиз ўзи учун бунчалик куйинаётгани йўқ. Азбаройи жони ачиғанидан деди. Ўша тупроққа қоришган пахта сиз-бизнинг меҳнатимиз эмасми! Дадангиз-ку, ўзимизники, борди-ю, райкомданми, райисполкомданми бирортаси кўриб қолганда нима деган одам бўлардим. Дадангизни хафа қилиб қўйдим, яхши бўлмади.

— У киши кек сақламайди. Агар сиз сақламасангиз...

— Мен сиз учун ҳаммасини мойдек сингдириб юборман. Рост, аввалига анча оғир ботди, лекин сиз ёдимга тушишингиз билан баҳорда ёқсан қордек дарров эриб кетди. «Минг қилса ҳам қайнатам-да!» деб қўйдим. Ахир, отангиз менга ёмонлик кўзламас, ё пичоқ ўз сочини кесадими?

— Йў-ўқ!— деди Комила эркаллангандек,— ахир сиз ҳам ўшанақа қилиб арава минмассиз энди.

Комила бу билан «энди сиз шунақа ножъя иш қилмассиз» демоқчи эди, буни Мирсаид пайқадм.

— Аравасини елкамнинг чуқури кўрсин.

Мамнун кўзлар табассумда учрашли. Узоқдан уларни кузатиб турган Ҳури холанинг ҳам қаримсиқ босган юзига табассум югуриб, ажинлар орасида сингиб кетди.

Кўнглидан: «Э аттанг, чолни бекор хафа қилган эканман», деган фикр ўтди:

БАҲРИНИСА

Садирнинг айтишича, унинг ўтган умрида энг қувончли куни битта. У ҳам бўлса мана шу иккинчи хотини Меҳрининг ҳомиладор бўлганини пайқаган куни! Агар хотини омон-эсон бўшалиб олса, иккинчи бахтли ва зўр қувончли куни шу бўлади...

Дард ҳам қизиқ нарса: кутмаган жойда бошланиб қолади. Бўлмаса Садир Меҳрининг қорни сал қаппайиб, эл кўзига ташланадиган бўлганидан буён ташвишда. Ишда ҳам баъзан хаёли уйга кетади, қўшнисини безовта қилиб бўлса ҳам кунда бир маҳал телефон қилишни канда қилмайди. Ишдан чиқиши билан уйига югурди. Иўлда учраб гапга тутмоқчи бўлган таниш-бишлишларига не-не ёлгон важларни кўрсатиб, қўлидан чиқиб қочади.

Узоқ йўл юргизмай (ваҳоланки, докторлар ой-куни яқинлашган сари кўпроқ юришни маслаҳат берарди) ардоқлаб олиб ўтирган хотини зерикиб кетиб, далани кўнгли тусаб қолди.

Садир сапчиб тушди:

— Шу вақтда-я? Э, қўй-э!

— Ҳа, билиб қўйинг: болангизнинг бурни қийшиқми, кўзи ғилайми бўлса, мендан эмас,— деди Меҳри ана шундай пайтларда қўл келадиган эркалик билан. Гапнинг бу оҳангি Садирга таниш эди. У кимданdir эшитган эдики, ҳомиладор хотиннинг раяйини қайтариб бўлмайди. Қайтарса, болага зиён: унинг бирон ери кемтик, нуқсонли бўлиб туғилади. Садир эса, шунча йил орзу қилиб юргаи фарзанднинг нуқсонли бўлиб туғилишини аст-

ти истамасди. Ахир у Мәхрининг «боши қоронги» кезларыда озмунча қийналдими. Хотини ҳам ўчакишгандек лимонга боши қоронги бўлди. Октябрь ойида бу томонларда лимон қаёқда: отлиққа йўғул Садир бир ўртоғидан илтимос қила-қила Батумидан олдириб келтирди. Бу гал ҳам хотинининг истагини қайтаролмади. Кўчага чиқиб, такси машинани тўхтатди, ўтиргичининг прўжинасини қўли билан босиб кўрди. Кейин ёллади.

— Мәхрихон, мана машинани олиб келдим, лекин шу ишингга юрагим чопмай турибди,— деди у эшикдан кириб.

Улар ана шундай дилхушлик билан қариндошлари никига қулупнайхўрликка чиқишли. Чиқишди-ю, дастурхонга қулупнай тергани кетган бола келгунча Мәхрини дард тутиб қолди. Улар тушиб келган такси аллақачон кетиб қолтан, бу атрофда шу пайтда енгил машина топиш амри маҳол эди. Шаҳарга яқин бўлса ҳам майли экан! Бунинг устига қариндош хотин ҳам рози бўлмади:

— Вой, айланай, шу вақтда қаёқса олиб борасиз, шаҳар озмунча йўлми! Районимиз туғруқхонасига олиб бора қолинг, шаҳарнидан қолишмайди: топ-тоза, ёруғ. Доктор ҳам пишиқина жувон.

Қариндош хотин Мәхри атрофида гирдикапалак бўлар, Садирнинг «ҳа, майли» сўзини тоқатсанзлик билан кутарди. Садирнинг ҳам бошқа иложи қолмаганди.

Мәхри оғриқдан жағ тишларини бир-бирига босиб, дардга бардош берар, маъюс, илтижо кўзларини эрига тикиб турарди. Унинг бу қарашилан, «Раҳмлинигиз келадими? Фарзанд орзуси билан унга етишмоқ ўртасида шундай машаққатлар бор» демоқчи эканини тушуниш мумкин эди.

Машина келди. Шофер ҳам Мәхрининг азобини ҳис этаётгандек дам-бадам сигнал бериб, юришни тезлартарди.

Қариндош хотин айтгандек, туғруқхона яқиндагина пишиқ ғиштдан солинган, қўш қаватли кўркам оппоқ бино экан. Садир хотинининг бир қўлтиғидан ушлагалича ҳамширага кўмаклашиб зинадан чиқди. Биринчи хонага киришлари биланоқ Садирга қолишини таклиф этдилар. Сал ўтмай Мәхрининг кийим-бошларини дуррасига тутиб чиқиб Садирга берган ҳамшира навбатчиға қараб:

— Баҳриниса Раҳимовна бош врач кабинетидами?— деб сўради. У жавоб бериб улгурмаган ҳам эди, юқори қават зинасидан:

— Я иду!— деган товуш келди.

Бу товуш Садирни титратиб юборди. Бу товуш унга таниш, ўн йиллар давомида унинг қулоги остида туну кун жаранглаган, эркалаган, куйлаган товуш эди: бу ўша, Садирнинг боласизлик важидан ажралишган хотини Баҳрпнисанинг товуши эди! Сал ўтмай зинадан пилдираб ўзи тушиб келди. Бу ўшанинг айни ўзи — ўша тулаш қошлар, чилвир соч, ҳеч кулгига тўймаган гилосдек қип-қизил лаблар... Ўзини тутиб олган ўрта ёш жувонлардек турғун ҳуснга кирган. Оқ халат унга жуда ярашганди.

Баҳриниса зинадан тушаётib унга тикилиб турган Садирни таниди-ю, бир зум энтикди, сал ортига тисарилди, лекин шу лаҳзадаёқ ўзини тутиб олиб, енгилгина бош иргаб саломлашди. Бу салом Садирга берилдими, ёки уни сўроқлаган ҳамширага берилдими — билиб бўлмасди. У зинадан қандай шижоат билан тушиб келган бўлса, худди шундай суръатда баланд пошна туфлисини тақилятиб ўтиб кетди. Унинг нарироқ бориб ҳамширадан: «Шу турган кишининг хотиними, келтирилган ҳомиладор?»— деб сўрагани Садирнинг қулоғига кирди. Юраги орқасига тортиб кетди. Қўлидаги тугунчалиси тушиб кетишига сал қолди. «Наҳотки, шу Баҳри, Меҳрига доялик қиласа!» деган фикр унинг хаёлидан чақмоқ тезлигига ўтди.

Унинг ташвишини пайқагандек навбатчи сўради:

— Биринчи туғишими?

Садир бош иргаб тасдиқлади.

— Биринчиси оғирроқ бўлади, лекин қўрқманг. Баҳтингиз бор экан. Баҳриниса Раҳимовнанинг навбатчилигига тўғри келдингиз. У эпчил, тажрибали.

Садирнинг кўнглидан «қачон доя бўла қолган экан, оддийгина ҳамшира эди-ку» деган фикр ўтди.

Навбатчи Садирдаги қизиқ ўзгаришни пайқаб, «бу одам ўзи соғми?» дегандек бошидан-оёқ кўэ ташлади. Ахир, у ҳомиладор хотинларни олиб келган эркакларни кўп кўрган, лекин бунга ўҳшаганини учратмаган эди. Чиндан ҳам Садир қаттиқ ташвишда эди. Айниқса, хотинини Баҳриниса туғдиришини эшитгандан кейин ўзини қўйгани жой тополмай қолди. Унинг назарида Баҳ-

риниса ғайирлик қилиб болани нобуд қилаётгандек бўларди.

Ахир у фарзанд орзусида озмунча куйдими! У отона орзуси билан ёш уйланганди. Аввалига фарзанд нима, унча қадрига етмади. Кейин-кейин тенгдошлари уйланиб, битта-иккита болалик бўлганда, у ўкина бошлади. Ҳаммадан ҳам қалин ўртоғи Бурҳон тамтамнинг Бинринчи май куни ўғлини елкасига миндириб, қўлига байроқча тутиб параддан ўтгани жуда кор қилди. Ўша куни уйига келиб ҳеч қаёққа чиқмади, концерт бериб турган радиони ўчириб қўйди. Кечқурун туз тотмай ётиб, эртасига ваъдалашган бўлса ҳам маёвкага бормади. Бу соатларда унинг фикрига фарзанд келар, дадалаб қаҳ-қаҳ урар, бўйнига осилиб, эркалик қиларди. Бу фарзанд жуда-жуда узоқда: ойдай кўзини ёритарди-ю, кўнглини иситмасди!

Бу фарзанд ана шу хотини Баҳринисадан бўлмайди. Докторларнинг фикри шундай. Буни билган Баҳринисадан кўнглига, бир неча йилки, чироқ ёқса ёrimайди. Бу хонадонда ўзини омонатдай, вокзалда юки устида ўтирган кишидай ҳис этади. Эрининг сал хафалигини шунга жўяди, айб ўзида эканини эслагандা юраклари зирқираб, ҳали-замон даҳшат тоғи устига ағдариладиганга уҳшайди.

Фарзанд кўрмаслигига ишончи комил бўлгач, гуноҳига кечирим сўраётган айбдордек эрига кўз тикиб қолди. Имкон борича унинг кўнглини овларди, лекин ўз кўнгли ёришмасди. Маҳалла-кўйда тўй-томоша бўлса, буларнинг уйини оғир сукунат босарди. Дастурхон қандай ёзилиб, қандай йифилганини билмасди бечора Баҳриниса. Вазмин қадамлар билан эшикка йўл олаётган эрининг орқасидан маъюс қараб қоларди. У билардики, эри фарзандсизликдан ўксениб, кўнгли намозшом бўлиб чиқиб кетаётпир. Лекин иккисининг юрагида бўлган бу армон тилга чиқмасди, тилсиз ҳам иккиси бир-бирининг қалбида ётган зил-замбил қайғуни, армонни кичик бир ҳаракатдан тушуниб олардилар. Ана шунда, юраклари суви сиқилаётган анордек эзилиб кетарди, ҳалқумига ёнгоқдек нарса тиқилиб келиб, нафасини қайтарарди; бу — қалбларнинг чуқур тубидан сирқиб-сирқиб йифилиб, сўнгра тўлқин уриб ташқарига интилаётган изтироб, алам эди.

Охири Баҳриниса бардош беролмай ҳаммасини га-

пириб берди.. Бу унга жуда оғир бўлди, чунки улар аҳил яшардилар, бирининг елкасидаги юк иккинчисининг белини қайиштиради.

Баҳриниса дам олиш кунларидан бирида нонуштага тайёланган ширчойни гардим косада эри олдига қўйиб, ўзиникига нон тӯғрар экан, Садирни аста ер остидан кузатиб, деди:

— Садир ака, ўзингизни бундай қийнаманг, занг — темирни, қайғу-армон — кишини адою тамом қилади. Агар рози бўлсангиз менда бир фикр бор.

Садир ялт этиб хотинига қаради, ширчойда маза қилиб ивиган оппоқ нон қошиққа олинганича, оғзига етмай косанинг лабида тўхтаб қолди. Баҳриниса гап бошлишга бошлаб, фикрини қай йўсунда ётиғи билан айтишни билмасди. Мўлжалидан ортиқ юк кўтариб тепаликка чиқиб бораётган одамдек нафаси тиқилди, тиззалиридан дармон қуриди.

— Садир ака,— деди у ниҳоят,— розилик берсангиз, биронта бола асрардим, детдом бераркан.

— Бирорнинг боласиними?!— деди Садир афтини буршистириб. У бошқа сўз айтмади. Қошиқдаги ивиган оппоқ нонни яна косага туширди, хотинида шу кунгача пайқамаган бирор нарса пайқагандек унга тикилиб қаради ва бир оздан сўнг:— Мен фарзанд кўришдан умидимни узганим йўқ!— деди.

Баҳриниса боладан гап очганига пушаймон қилди. Садирнинг бу сўзи унинг юрагини очиб ташлаган, сўнгги кунларда йигилиб ётган аламдан қалбини бўшатган, шу билан бир вақтда Баҳринисанинг умид косасини чил-чил қилган эди. Баҳриниса ҳанг-манг бўлиб қолди. «Ширчой, ширчой бўлмади, заҳар-заққум бўлди»— деб эслади кейин у.

Баҳринисанинг бугунги гапи керосин қуйилган хашкка гугурт ёқиб ташлаш билан баробар бўлган эди. Чунки сўнгги кунларда Садирнинг муносабати ўзгариб қолганди. Унинг яқин қариндошларидан бири ўтган ҳафта бир ўтиришда гап очиб, «Садиржон, қилган меҳнатларинг, орттирган давлатларинг орtingда туёқ қолмагач, бекор. Фарзандинг ишдан қайтганингда бўйнингдан қучоқлаб, ширин тили билан «ада!» деганига нима етсин!» деб унинг кул босган юрагини яллиглатиб юборган эди. Баҳринисанинг меҳрибонлиги, муҳаббати, садоқати, ҳамма-ҳаммаси ўша дақиқада унутилган,

бошқага уйланишга энди астойдил аҳд қилған эди. Тұғри, унинг бу ниятини пайқаб, бола асрашни масла-хат берувчилар бўлди, лекин бунга баъзи кишилар «ҳали белинг тўла фарзанд, бола асраш нима қилиб юрибди» деди. Хуллас, Садирнинг ниятини бузишди, йўлдан уришли. Саратонда бўйра остида ётган етти бўғинлик чаён заҳридай бугунги аччиқ жавоб Садирнинг юрагида анчадан бери қат-қат бўлиб ётган сокин вулқоннинг отилиши эди. Бу жавобни Баҳриниса албатта кутмагаш эди. Шу-шу бўлди-ю, оиласа совуқлик тушди, ғишт қолипдан кўчди. Баҳринисанинг тұғри гаплари ҳам эрига ёқмайдиган бўлиб қолди, ҳатто бир куни «сўзларингдан эзғилаб ўлдирилган қандала ҳиди келади» деди. Яна бир куни у қўноқ ўтни кўрсатиб:

— Бу нима? — деди. Ҳеч нарсадан хабари йўқ бечора Баҳриниса, оқ қўнгиллик билан жавоб берди:

— Қўноқ ўт.

— Буғдойга ўхшайди, тўғримасми? Бошоғи худди буғдойникининг ўзи. Солда шаҳар одами буни буғдой ҳам дейиши мумкин, шундаймасми?

— Тұғри.

— Бошоғи-ку бор, буғдойга ҳам ўхшайди, лекин ичидан дони йўқ, қуруқ савлат. Сен ҳам худди шунга ўхшайсан: донсиз буғдой нусха бошоқсан.

Бу сўз Баҳринисанинг у ёқ-бу ёғидан ўтиб кетди. Шу кунгача бўлган аччиқ-чучук ҳам бир бўлди-ю, бугунги бу ўхшатиш ҳам бир бўлди. У бардош беролмади, кўзига жиқ тўлган ёшни аранг тутиб:

— Шу нияtingиз бор экан, очиқ айта қолмайсизми, мунча хўрламасангиз кишини!! — деди-ю, унга қарамай югуриб кетди. Унинг пиқиллаб йиглаб бораётгани эшитилиб турарди. Шу кетганича у Садирникига қайтиб бормади, бир ойча ўтгач, ажралишиди.

Ҳозир мана шу нарсалар хаёл китобида бирма-бир варақланди-ю, Садирни янада бетоқат қилиб қўйди. Боланинг нобуд бўлишига у энди ашиқ ишонарди: Баҳриниса қасос олади, бутун таҳқирланганлари, ўксинганлари эвазига қасос олади!

Шу фикр хаёлига келиши биланоқ уни совуқ тер босди. Тезда чора кўриш тараддудига тушди:

— Баҳриниса Раҳимовнадан бошқа одамнинг доялик қилишини илтимос этиш мумкинми? — деди у ўзи-ни аранг босиб.

— Үнга ишонмайсизми? — деди навбатчи ажабланиб.
— Иў-ғ... шундай бўлса ҳам...

Садир фикрини айтиб улгурмасдан бояги, Меҳрининг кийим-бошларини олиб чиқиб берган ҳамшира пайдо бўлиб: «хотинингиз қиз туғди» деди ва салгина тўхтаб қарши томонга ўтиб кетди Садирнинг қулоғига чақалоқ йиғиси киргандек бўлди. Хаёлини исканжага олиб турган даҳшатли ташвишдан қутулгандек кўринди. Қандай овқатлар келтиришни сўраб, саросимада қолган кишидек аланглаб ташқарига чиқиши билан кўнглини яна ғашлик тумани чулғаб кела бошлади. Бу ғашлик қариндошиникига етиб боргунча яна зўр ташвишга айланди. Гўё унинг назарида не-не умидлар билан топган боласи ёвуз ниятли киши қўлида қолгандек, дунёга келиш вақтида улгурмаган-у, энди албатта нобуд қиладигандек кўринарди. Кечаси билан ўнқир-чўнқир ерга чопон ташлаб ётган кишидек ёнбошидан ер ўтиб ухлолмади, аллақандай бир-биридан дудмал, чалкаш ўйлар тинчлик бермади. Эрталаб уйғонгаңда мияси ичига худди арилар қамалиб қолгандай ғувилларди. Қариндош хотин ундаги бу безовталпкни севинчдан қўриб бир нарса демади.

Нонуштадан сўнг Меҳрига керакли нарсаларни рўмолга туғиб, Садирнинг қўлига тутди. Садир минг хаёл билан йўлга тушди. Меҳри шошинқираброқ ёзилган бир хат чиқарди. Хатда эрининг Баҳринисадан бадгумон бўлиб, зўр ташвишда юрганини билгандек Баҳриниса ҳақида ёзарди: «...Шу опа бўлмаганда билмадим нима бўлардим. Жуда қийналдим. Шунда бечора оёғи куйган товуқдек атрофимда зир югуришини кўрсангиз, бегона ҳам шунчалик жонкуяр бўларканми — жигаринг шунчалик қилмас. Кейин ҳушимдан кетиб қолибман. Ўзимга келиб мундоқ кўзимни очсам, тепамда яна Баҳриниса опа ўтирибди. Қон қўйди. Айтишларича, ўзи қон берганмиш. Туғруқхонада менинг қонимга хил келадиган қон узилиш бўлиб қолган экан. Нима билан миннатдорлик билдиришга ҳайронман. Садир ака! Агар сиз рози бўлсангиз, қизимизнинг исмини шу доя шарафига Баҳриниса қўярдик, қаршимасмисиз? Ундан кейин, мени олиб кетар куни шу опага бирор яхшироқ совға олиб келсангиз. У, интизор бўла-бўла топган қизингизнинг доясигина эмас, унинг онасини ўлимдан сақлаб қолган киши ҳам. Мен у билан опа-сингид тутинмоқчиман, ўзи

ҳам бирам дилкаш, дилдор хотин эканки, асти қўйнинг, бу ердаги хотинларнинг ҳаммаси ундан хурсанд, соясига салом беришади. Ҳа, айтгандек, сизни суриштириди. «Яхши турасизларми? Бу нечанчи болангиз?» деди. Назаримда сизни танийдиган кўринади. Сизни қаёқдан танишлигини суриштирай дедиму, тағин, эрини қизғанияпти, демасин деб истиҳола қилдим...»

Садир ўз кўзларига ишонмасди. Хотини ҳамма нарсадан хабар топиб, қасддан шундай хат ёзаётганга ўхшарди. Аслида Мехри очиқ кўнгиллик билан ёзар, эрининг аввал уйланганини билса ҳам, ўша ажрашган хотини мана шу меҳрибон доя эканидан бехабар эди. У эмас, ҳатто Садир ҳам биринчи йилиёқ Баҳринисанинг изини йўқотган, фақат қаердадир касалхонада ишлашини биларди. Тасодиф уни мана шу жойда дуч келтирди. Ана ўша дакки еб, талоқ олган хотини бугун унга яхшилик қилмоқда, билиб туриб, кўриб туриб яхшилик қилмоқда. Мана шунга Садир тушуниб етмасди. У аввалига ҳамма нарсани меҳрига очиб ташламоқчи, уни Баҳринисадан эҳтиёт бўлишга чақирмоқчи бўлди, лекин ички бир товуш «Йўқ, у ёмонлик қилса ўша туғиш вақтида, қолаверса Мехри ҳолсизланиб ётганида қиласди. Ваҳланки, Меҳрига мос келадиган қон туғруқхонада бўлмаганидан ўзи қон берди, шу билан онани ҳам, сенинг фарзандингни ҳам асраб қолди. У қалби пок хотин, доялик бурчини шараф билан оқлаган хотин. У таҳқирлашга эмас, тақдирлашга сазовор хотин», дерди. Бу товуш устун чиқиб, Садир ўз шахтидан қайтди. Меҳрининг ўзи гап бошламаса, бу сирни очмасликка қарор қилди.

Бир ҳафта ўтгач, Меҳрини боласи билан олиб кетгани машинада келди. Меҳрини кузатиб чиққан Баҳринисага (уни Меҳри қўярда-қўймай олиб чиққан эди) қандай қилиб совғани беришни билмасди, ҳатто унинг юзинга тик боқолмасди. Охири бир журъат билан олдинга одимлаб, гулдастага қўшиб кийимлик совғасини узатди.

— Гулингизни оламан, лекин совғангиз учун раҳмат, олмайман. Меҳрихонга нимаки хизмат қилган бўлсам, бу менинг бурчим, мен фақат ўз хизматимни ўтадим,— деди қизаринқираган Баҳриниса. Унинг туташ қорақошлари чимирилиб, сўзларини тасдиқлагандек бўлиб турарди. Шу маҳал соchlарига «булочка» қилиб бантик таққан етти-саккиз яшар қизча билан, ундан сал кичик, лямкаси елкадан ошириб кийиладиган калта шимлик

дүндиққина ўғил бола бир-бируни қувлашиб келиб, аввал ҳаммага салом беришди, кейин Баҳринисага уқдира кетдилар:

— Ая, бувимлар келишди,— деди қызча.

— Менга бураса юрадиган автомобиль олиб келдилар,— деди ўғил бола қувониб, Баҳринисага қулочини ёзаркан.

— Яхши! Яхши!— деди Баҳриниса уларнинг манглайини силаб ва сал туриб боражагини айтиб, уларни жўнатди. Кейин Садирга қараб ёлғиз у тушунадиган оҳангда:

— Қалай, болаларим яхшими?— деди ва жавоб кутмасдан хайрлашувга қўл узатди. Меҳри қанча қистамасин совғани олмади.

— Раҳмат! Ҳаммаси учун раҳмат!

Садир бу ташаккурни «шунчалик меҳрибонлик билан хотинимга доялик қилганингиз ва қон берганингиз учун» деган маънода айтган бўлса ҳам, Баҳриниса ўзи-ча «мендан ажралиб шундай бола кўришимга муяссар әтганинг учун раҳмат демоқда, ажралиш чоғидаги қўпоплик ва таҳқирлари учун узр сўраётир» деб тушунди, унинг қўлини маҳкам сикди.

Машинада боришар экан, Меҳри эрига деди:

— Болаларининг ёқимтойлигини қаранг: кишини ҳаваси келади, чақмоқдек кийинтириб қўйибди. Бизнинг Баҳринисамиз ҳам ўшалардақа бўлармикан-а!

— Албатта. Бу тарбияга bogлиқ,— деди Садир ва Баҳринисанинг ўз орзусига етиб, икки бола асраганини кўнглидан ўтказди, лекин буни Меҳрига айтишни эп кўрмади.

Машина кенг асфальт йўлда уфққа бигиздек санчилиб бораради.

Нодир «уруш-уруш» ўйнашни жуда яхши кўрарди. Дадасига олдиргани нуқул милтиғу тўппонча эди. Уни кўрган ўртоқлари ҳам дадаларига худди шундай қилишарди. Ўртоқлари билан иккига бўлиниб олиб, милтиқларини елкаларига осиб, турли истеҳкомлар қуриб гумбир-гумбир отишгани-отишган эди. Баъзан Нодир командир бўлиб қоларди. Лекин фашист бўлишни ҳеч ким истамас, шунинг учун навбати билан душман бўлишга тўғри келарди. Ахир кимнинг совет солдати билан урушиси келади!

Нодир уруш деганда осмон тўлиб учган самолётларни, катта-катта сувлардан кечиб, ўнқир-чўнқирлардан ўтиб кетаверадиган азamat танкларни, доим душманин ўққа тарсиллатиб тутадиган пулемёт ва автоматларни, ура деб елиб-югурладиган ботир солдатларнингина тасаввур этарди. Лекин урушининг хунук оқибатлари унинг бола ақлига келмас, у билан Нодирнинг иши ҳам йўқ эди. Ана шунинг учун ҳам, у уруш ўйнашни яхши кўрарди. Лекин ана шу «уруш-уруш» ўйнашни Нодир бу йил бутунлай ташлади, ўзигина ташлаб қўя қолмай бошқа ўртоқларини ҳам бу ярамас ўзинини ўйнамайдиган қилди. Энди у бутун қилич-қалқонларини ёндириб ташлаган.

Эҳтимол сиз бу қандай қилиб содир бўлди, деб сўрарсиз. Истасангиз батафсил айтиб бераман. Бу шундай бўлди.

Ўтган йил Нодирнинг дадаси ўзининг фронтчи ўртоғини кўргани Украинаға борадиган бўлди. Ушанда, айни ёз пайти, Нодирларнинг каникулга чиққан вақти эди.

Нодир бу сафар дадасининг оғзидан Украина сўзи чиқиши билан бўйнига осилиб олди:

— Жон дада, мен ҳам борай!

Дадаси Нодирнинг бунчалик астойдил осилиб олишини, қолаверса, хотинининг ҳам розилик беришини сира хаёлига келтирмаган эди. Мундоқ ўйлаб қараса, Нодирнинг бирга бўлгани яхши, ҳамроҳ бўлади.

Ичикиб ўйлга чиқдан Нодир учинчи куни поездда зерикеб қолди. Шу зерикканидан бўлса керак, борадиган ерларининг қанақалигини, неча кунда етиб боришларини, у ерда кимлар билан учрашувларини суриштира бошлади. Ана шунда дадаси фронтдош ўртоғини таърифлай кетди:

— Худди Чапаевнинг ўзи. Мўйлови ҳам ўшанақа. Лекин у отлиқ эмас, танкист эди. Танкист бўлганида ҳам жуда кўп душман танкини қириб ташлаган қаҳрамон тацкчи. Учта ордени бор.

— Сизники иккита, а, дада?

— Йўқ, менини битта, биттаси медаль.

— Сиз каттами, ўртоғингиз каттами?

— Ўртоғим мендан сал катта, у фронтда менга командир бўлган, душман танкларини қанақа қилиб атка қилишни ўргатган.

— Ҳозир нима иш қиласди, танк ҳайдайдими?

— Йўқ, инвалид.

Нодир дадасининг ўртоғини қанақа инвалид экани билан қизиқмади, тўғриси, у инвалидлик даҳшати пима эканини тасаввур қилолмас эди. Шунинг учун бўлса керак, яна сўроқ беришда давом этди. Лекин бу инвалидликнинг нима эканини ўз кўзи билан кўргандан кейин нафаси ичига тушиб кетди.

Дадасининг ўртоғи уларни кутгани чиқмади. Укаси билан ўғли кичиккина бир станцияда уларни қарши олди. Дадасининг ўртоғи эса, ўрнидан туролмайдиган майниб ва иккала кўзи кўр экан. Исми Микола экан, дадаси билан ҳам ётган ерида кўришди. Лекин жуда қувноқ ва тетик экан. Дадаси билан ўпишиб кўришгач:

— Үғлинг қани?— деди ва Нодирни ётган ерида бағрига босди.

— Үзингга ўхшайдими?— леб сўради.

Нодир аввалига Микола амакининг юзига қараб чўчигандек бўлди, унинг кўзлари ўпирилган ўрадек чуқур ботиб кетган, кўзларининг икки атрофида ҳаво ранг си-

әх саңрагандек дөглари бор. Лекин унинг жонли ҳаралатлари ва ширин сўзлари Нодирни дарров ўзига мафтун қилиб олди. У ҳикояларга шунаقا бой эканки, асти қўяверинг, ўғли билан иккаласини каравоти қошига ўтқизиб қўйиб, кечаси қизиқ-қизиқ ҳикоялар айтиб берди. Нодир бунақасини ҳеч эшишмаган ва ўқимаган эди. Ана шунда Нодирда Микола амакининг чуқур кўзларидан ва дөғли юзидан чўчиш эмас, балки унга раҳм уйғонди. Ўгинг қачон бу аҳволга тушгани билан қизиқди. Дадасидан сўради.

— Урушда бўлган,— деди дадаси.

Ана шунда биринчи марта Нодирга урушнинг муддиш даҳшатларидан бирн аён бўлгандек бўлди. Ахир уруш у ўйлагандек ва ўртоқлари билан ўйнагандек ураура, пақ-пук ва мардлик эмас экан. Унинг мана бунақа даҳшатлари ҳам бор экан. Ана шу куни биринчи марта Нодир урушда кишиларнинг умрбод ногирон бўлишлари мумкинлигини тасаввур этди. Наҳот уруш кишиларнинг кўзини кўр қилиб, белини майиб қилиб, ўринидан туролмайдиган этиб ташласа! Ахир уруш бўлмаганида Микола амаки бу аҳволга тушмас эди! Кечакида Микола амакининг ўғли Олесь дадасининг ёшлигидаги суратларини кўрсатарди:

— Дадам жуда келишган бўлган эканлар-а, кўрдингми, ўртоқ!— деди у хўрсишиб. Демак, Олеснинг ҳам юрагида армони бор. Дадасининг бу аҳволидан кўнгли ўксийди.

— Дадамнинг кўзлари кўриб, юролгандарига ўрмонга борар эдик, қўзиқоринлар терардик эртага,— деди бир оздан кейин у.

Буни эшитиб қолган дадаси дарров ўғлининг кўнглини кўтарди:

— Эртага, албатта, борасизлар. Меҳмонларни ўзиниг бошлаб бор. Мен болалигимда ҳаммасини кўрганман. Тепаликнинг ўнг томонидаги бақалоқ қарағайнинг айрисига чиқсанглар пастда ясланиб ётган текислик кўринали, сой ялт-ялт этади, худди бирор кунга солаётган қиличга ўхшайди. Ундан тушиб ўрмоннинг ичкарисига кирсанглар, бирпасда саватинглар қўзиқоринга тўлади. Қуритиб берсанг Нодир шаҳрига олиб кетади. Уларда Сўлмайди бунақаси.

— Шунақами, сизларда йўқми?— бирдан ўз ўрмонни билан фахрланиб, сўраб қолди Олесь.

Эртасига Олесь дадаси айтгандек Нодирни бошлаб ўрмонга борди. Урмонда ҳеч бўлмаган Нодирга ўрмон қизиқ таассурот қолдирди: тепага қараса осмон зўрга кўринади. Дараҳтлар таги кўм-кўк. Қушлар нағмаси оламни тутади. Салқин. Турли-туман чечакларни айғ-майсизми! Нега одамлар уларни териб олишмас экан! Кўп-ку, қанақа қилиб одош қилишади!

Қайтишда Олесь теришган қўзиқоринларини йўлда ўтиб қолган қўшнисининг аравасига солиб юбориб, ўзи Нодирга деди:

— Уруш бўлган жойни кўрсатайми?

Уруш бўлган ерни кўрмаган Нодир учун бу жуда қи-зиқ эди. У дарров розилик берди. Олесь йўл-йўлакай бу ерда қандай жацглар бўлганини ўз кўзи билан кўргаи кишидек гапириб кетди.

— Ху анави ер-чи,— деди Олесь, қўли билан вайрон бўлиб ётган паст-баландликни кўрсатиб,— аввал бизнинг қишлоқ бўлган экан. Урушда фашистлар ўт қўйиб юбор-ган.

— Нега? — ажабланди Нодир.

— Кўп партизанлар чиққани учун. Ўша ўт қўйилганда Павло деган ўртоғимнинг қари бувиси хатасидан чи-қолмай куйиб кетган. Бечора «ёрдам беринглар!» деб ба-қирганда ҳам фашистлар ҳеч кимни йўлатмаган, бир қўшниси қутқармоқчи бўлганда уни фашист отиб таш-лаган.

Олесь Нодирни бошлаб вайронага борди. Яксон бўл-ган ўй-жойларини излари ҳали ҳам шундоқ билиниб турарди. Ҳатто нураб кетгап деворларда ёнғиндан қол-ган қора дөглар бор. Нодир шундай катта қишлоқнинг куйиб, ер билан яксон бўлишини ҳамон тасаввур қилол-мас эди. Мана уруш дегани қанақа бўлар экан. Бутун бошлиқ қишлоқдан из қолмас экан! Одамлар ичиди қо-либ куйиб кетар экан!

Нодир урушнинг бу даҳшатини аввал ҳеч хаёлига келтирмаган экан. Энди ўз кўзи билан кўриб, нафрати қўзгади. Шу вақтгача ўйин қилиб юрган «уруш-уруш» энди унга жирканч кўрина бошлади. Уруш — ўйин эмас, қирғин, вайроналик ва ногиронлик экан. Эртасига маҳо-батли бир кўприкнинг қолдиқларини кўрганда яна бат-тар тутоқиб кетди. Ахир уруш бўлмаганида бу кўприк бузилмас, ўрнига қанча пул сарф қилиб янгисини нари-роққа солмас эдилар. Олесларнинг қишлоғи ҳам ўз ерида

бўларди. Микола амаки ҳам бунақа аҳволга тушиб кўкка боқиб ётмас, балки ўғлини бошлаб ўрмон кеёган бўлар, шаҳарга олиб тушиб, томошалар қилдирган бўлар эди! Нодир ана шу кундан бошлаб уруш деган сўздан ҳазар қиласиган бўлиб қолди. «Уруш-уруш» ўйинини мутлақо ташлади. Уруш — ўйин эмас, даҳшат экан! У уруш деган сўзни эшилса, кўз олдига Микола амаки, Олесларнинг вайрони қишлоғи ва унда куйиб кетган кампир, дарё устидан ўтган маҳобатли кўприкнинг мажруҳ қолдиқлари кўз олдига келади, уруш дегувчилардан жоп-жаҳди билан нафратланади, қўли ўз-ўзидан (тўғриси, ғазабдан) муштга тугилади!

1965

АРЛБ БОЛАСИННИГ ҚУВОНЧИ

Бу воқеа Африка мамлакатларидан бирнда бўлган эди.

Кун иссиқ. Қумга тухум кўмсанг пишади. Биз бир ҳафтадан бери бу беқиши ўлкани сайд қилиб юрибмиз: нималарни кўрмадик! Лекин бугунги воқеа ҳаммасидан ўтиб тушди.

Биз тушлик овқатни энди тутатиб, муздек манго шарбатини майда-майдо қултум билан эрмак қилиб турган эдик, эшикда бир бола пайдо бўлди. Юпунгина кийинган, оёқ яланг, бош яланг. Тим қора сочи ажриққа ўхшаб қалин ва бир-бирининг орасига чирмашиб кетган. Фақат араблардагина бўладиган қорачиги йирик олов кўзлари чақнайди. У аввал бежиримгина бу ресторанин тезда кўздан кечириб чиқди. Кейин, кийик боласидек чаққонлик билан ичкари кириб, сигил столларни бир-бирига яқинлаштириб, стулларни четроқ сурди. У зарур бир иши қилаётгандек жуда жиддий, ҳаракатлари чаққон эди.

Шундан кейин уст кўйлагини очиб ташлади. Биз ҳаммамиз унинг бу ҳаракатларидан ҳайрон эдик. Фақат ҳалигина бизга табассум билан елиб-югуриб хизмат қилган ресторан хўжайнини билан биттагина официанти, бир четда кулиб турарди. Улар болани танишса керак.

Бола югуриб, зал юқорисига ўтиб кетди. У ердан туриб, юз-кўзини нурга тўлдириб, ширин салом берди. Кейин шундай акробатик ўйинга тушиб кетдики, биз ёқа ушлаб қолдик. У жуда чаққон, цирк акробатчилари га хос бир енгиллик ва усталлик билан ғоят нозик ва қалтис

ҳаракатларни аввал ерда, сұнгра иккى столининг четлари-га құлларини қўйиб бажарди, биз жоя ҳовучлаб томоша қилдик: сал қўли тойиб кетса ё стол сурилиб кетса борми, унинг майиб бўлиши турған гап. Лекин у буни хаёлинга келтирмас, бутун санъатини намойиш қилиш билан банд эди.

Бу кутилмаган ажойиб акробатия бир неча минут чўзилди. Бола қора терга ботди: Африка қуёши жездек қорайтириб, матонат баҳш этган бадани ва юзлари йилтиллаб, кўзлари яна ҳам чараклаб кетди. Анчагина чарчагани энтикишидан кўриниб турарди. У ана шу энтикиш билан атрофга ширин таъзим қилди-да, қўлини узатиб бир чеккадан тилана бошлади.

Мен унинг маъюс узатилган жажжи қўлларига қараб туриб, юрагим шифиллаб кетди: нахотки тиланчилик учун шундай ажаб санъатни намойиш қилган бўлса! Шу маҳал унинг тилини билмаганимдан жуда ўқиниб кетдим. Агар билганимда:

— Жигарим, бу серзаҳмат ва қалтис ҳунаришни хор тутма, елга совурма! — деган бўлардим.

Битта мен эмас, ҳамроҳларимнинг ҳам кўнгли эзилиб кетди шекилли, анчагина инъом беришди. («Садақа» дейишга тилим бормайди!) Бола жуда ҳам яшнаб кетди, юз-кўзини нур қоплади, дарров уст кўйлагини кийиб, стол-стулларни жой-жойига тўғрилаб қўйди. Кейин яна бир эгилиш билан иссиқ салом бериб, юргурганича чиқиб кетди.

Бизни бошлаб юрган мадам Абдураҳмон ҳам боланинг кетидан: — Жуда хурсанд бўлди. Бу яқин орада бунчалик даромад қилмагандир, — деди табассум билан.

— Нечанчи синфда ўқир экан? — дедим мен ўз режамга солиб.

— Ўқимаса керак, — жавоб қилди мадам Абдураҳмон, — ўқиса тирикчиликдан қолади.

— Бўлмаса бу ҳунарни қаерда ўрганган?

Мадам Абдураҳмоннинг юзида «шуни ҳам билмайсизми?» деганга ўхшаш бир жилмайиш пайдо бўлди:

— Бирортасидан бозор бошидами, қаҳвахонадами ўргангандир-да.

Мен унинг жавобидан шуни фаҳмладимки, бу ўлкада болага ўхшаган кишилар кўп. (Кейинчалик бунга иқор бўлдим.)

Биз кўчага чиқсан, бола ҳали шу ерда экан. Бизни

күриб, яна юз-күзини нурга тұлдириб табассум қилди. То биз машинаға ўтириб, жұнаб кетгүнімизча атрофимизда гирдикапалак бўлиб юрди. Кетимиздан узоқ қўл силтаб қолди.

Эртасига яна болани кўрдик. Бу гал у улкан бу шаҳарнинг нариги четида, дengiz қирғоғида «ҳунарини сотиб» юради. Бизнинг машинани таниди шекилли, тўхташи билан эшиги олдида пайдо бўлди. Қутоқ салом бериб, ҳиндчасига кафтларини бирлаштириди, ҳатто қўл ҳам узатиб кўришди. Кетимиздан қолмади, бир нечта ёдгорликларни биз билан бирга томоша қилди, бирга дengiz қирғоғига тушди. Биз билан юрганидан жуда мамнун шекилли, пишиб кетган юзларидан кулги аrimасди. Баъзан ёқимли ажиб ҳаракат билан ўзининг хурсандлигини билдириб қўярди.

Машинага чиқар вақтимизда яна кечаги «репертуарини асфальт устида тақрорлади. Биз бу гал боланинг қўл узатиб хайр-садақа сўрашини кутмасдан илтифот кўрсатмоқчи бўлгандик, у қўлнимизни қайтарди, олмаслигини билдириди. Биз ҳайрон бўлдик. Нима билан уни хурсанд қилишни билмасдан турар эканмиз, бола менинг кўкрагимдаги значокни кўрсатиб, илтимос қилди. Имо-ишора билан кўксига тақиб юражагини қайта-қайта тақрорлади.

Кўкрагимдаги Ленин силуэти туширилган значок эди. Мен уни олиб боланинг қўлига тутқазганимда, унинг қувониб кетганини бир кўрсангиз эди! Ўзича алланималарин мамнуннат билан сўзлаб «Ленин! Ленин!» деб қўяр, бу билан ҳам қаноатланмасдан бошмалдоғини тикка қилиб: «Ажойиб одам, менинг кўнглимдаги одам!» ишорасини қиласарди.

У значокни шу ердаёқ кўкрагига тақиб олди. Тили билан миннатдорлик билдиргани етмагандек, шу заҳоти ерда умбалоқ ошиб, бир неча «помер» кўрсатди.

Бизнинг машина жилар экан, у қўлинин кўтариб самимият билан силкиб қолди.

Нарироқ боргач, машина ойнасидан қараб, уни бирталай ўз тенгқурлари ўраб турганини кўрдим.

Менимча, унга ҳамма болаларнинг ҳаваси келаётган бўлса керак!

— Ҳой, зумраша, оқиб кетасан. Сен чўмилмасанг кимнинг кўнгли қолибди. Ҳафтада бир чўмилтириб қўяман-ку ўзим,— деб Қўлдошнинг кетидан бағиллаб қолди. бувиси. Қўлдош чўмилгани кетди. Қўлдошнинг бувиси бунақанги қаттиқ бағиллагани билан ўзи жуда меҳрибон, набирасини жонидан ортиқ кўради. Яхши кўрганидан уришади, уни эҳтиёт қиласди. Қўлдош эса, жуда шўх. Биринчи синфга энди борган болалар сингари ҳар нарсани билгиси келади, катталарга ўхшаб юргиси келади. Айниқса у сузишга, тўғриси, чўмилишга ишқибоз. Бунга у кинода ғаввосларни кўргандан бери ишқибоз. Яна бир куни телевизорда бир солдатнинг сузишни яхши билгани туфайли командирнинг муҳим топшириғини бажарганини кўрди. Ахир бир куни Қўлдош ҳам солдат бўлади-ку, ўшанда командири топшириқ бериб қолса дарёдан сузиб ўтишга тўғри келса, унда нима қиласди?

Демак...

Қўлдош сузишни билиб қўйишга аҳд қиласди. Лекин чўмилишига қулай ер йўқ. Улардан икки юз метрча наридан бир тегирмон сув ўтади. Аммо бу сув ўзи саёз бўлса ҳам жуда тез оқади. Қўлдошга ўхшаган болаларни бир-пасда думалатиб кетади. Шундай бўлса ҳам Қўлдош чўмилади. У йўлини топган соҳилда битта бақалоқ тол бор. Уининг иккита шохи сувга осилиб тушган. Сув уни ўзи билан олиб кетмоқчи бўлгандек пишиқ ва кўм-кўк шохларидан тортқилайди. Лекин шох-шаббалар аввалига «майли сен билан кетаман» дегандек сал эргаша-

ди-ю, яна тұхтаб қолади. Бу ҳол әрталабдан кечгача тақрорланади.

Құлдош ана шу шохларга осилиб оёқларини тапніллатади, баъзан кучини синамоқчи бұлғандек бир құлниң қүйіб юборади. Ана шундай «күч сипаш»лардан бирида у оқиб кетди. Бир-икки думалагандан сүнг зўрға соҳилга чиқиб олди. Бу ҳодиса ким орқалидир бувисининг қулоғига етибди. Бувисининг бояги бобиллаши ана шундан эди.

Құлдош бу гал ҳам маза қилиб чўмилиб қайтди. Бироқ бувиси бу гал кечирмади. Кечқурун ишдан қайтган боғбои бувасига чақди:

— Буваси, мен бу неварангизнинг кафилинин ололмайман. Гапимга қулоқ солмайди. Бугун ҳам чўмилди.

Құлдошнинг дадаси касалманд аясини курортга олиб кетган. Құлдошнинг бутун изми бувиси билан бувасида. Шунинг учун улар ҳар вақтдагидан кўра қаттиққўлроқ. Шундай бўлса ҳам буваси бувисининг ёнига тушмади. Құлдошга сал хўмрайиб қаради-ю, кетидан мийнгиде кулиб қўйди.

— Сузишни биласанми, ўғлим? — деди у.

Қўлдошга жон кирди, сайраб кетди.

— Гап шунда-да, бува, билмайман. Тенгқурларимнинг ҳаммаси билади.

— Эркак боланинг сузишни билмагани, албатта, яхшимас. Бу керак нарса!

— Бўлмаса-чи!

— Ҳой, ҳой буваси, нима деяпсиз? Бир фалокатни бошламоқчимисиз, ота-онаси йўғида-я! — буванинг шахтини қайтармоқчи бўлди буви, лекин бува бўш келмади:

— Аввалам бор катта ота-онаси сен билан меп. Кеин улар. Улар бўлса, нима қилса қилаверадими? Йўқ. Үғлиниң ақлли бола. Сен билан менинг сўзимдан чиқмайди. Шундайми, Қўлдошжон? Аммо лекин сен билан мен ҳам боланинг раъйини қайтараверишимиз яхши эмас. Баъзан ёрдам беришмиз керак.

Буви гапнинг тагига тушумади.

— Мен билмайман, бир фалокат бўлса, ота-онасига ўзингиз жавоб берасиз, — деди буви ва сиғирии соққани оғилхонага ўтиб кетди. Бува орқасидан гапириб қолди:

— Сен хавотир олма, худо хоҳласа, ҳеч нарса бўлмайди.

Аммо сараңжом бува бу сұзнинг ҳам тадбирини күрди. Бир куни ишдан қолиб, Құлдошни ёнига ҹакырди:

— Лаббай, бува? — югурғиб келди Құлдош.

— Сенга үхшаб чўмилишни яхши кўрадиган ўртоқларниг кўпми? Нечта бор?

— Кўп. Анча бор. Нима эди?

— Барини йигиб кел!

— Ҳўп бўлади.

Құлдош бу гапнинг тагига етмаса ҳам буваси яхши бир инят қилаётганини қалби билан сезиб, елиб кетди. Тенгдошларини уйма-уй юриб, йигиб келди. Ярим соат ичиде унинг ўзига үхшаган қора-қура ўнтача бола буванинг қошида қатор турарди.

— Ҳаммаларинг ҳам чўмилишга ишқибозмисанлар?

Болалар нима гап эканига тушунмай аввалига ийманнишиб туришди. Кейин чуғурлашиб жавоб бернишди.

— Ундаи бўлса, менга ёрдам беринглар! Қани, азamatлар, кетдик.

Бува болаларнинг қуршовида йўлга тушди. Ўша бир тегирмон сув оқадиган катта ариқнинг ёйнқроқ ерига келиб бува тўхтади. Болалар ҳам.

— Гап шу,— деди бува,— ариқнинг мана шу еридан мен сизларга бўғиб бераман. Дами қайтади, кейин сизларни оқизмайди. Бемалол чўмилаверасизлар. Бўптими?

— Бўпти!— болалар маъқуллашди.

— Бўлган бўлса, ҳу анави тошларнинг йирик-йирикларини мана бу ерга тўпланглар. Лекин эҳтиёт бўлинглар, оёқларингга тушиб кетмасин.

Болаларга қанот битди. Чумолидай ўрмалашиб, бир оз вақт ичиде анчагина тош ташиб қўйнишди. Уч-тўртта каттасини буванинг ўзи бир-икки дам олиб кўтариб келди. Бирпас дамини олгач, ҳалиги катта тошлардан бирини мўлжал билан сувга думалатди. Унинг ёнига яна бирини туширди. «Менинг йўлимни тўсма» дегандек, шиддат билан оқиб келаётган сув аввалига бир зарб билан тошни оқизиб кетмоқчи бўлди. Йўқ, кучи етмади шекилли, унинг устидан, ёнидан жаҳл билан ўтиб кета бошлади. Тошлар ташланиб борган сари сув кўтарилиб, унинг шиддати ҳам қайта бошлади. Бориб-бориб йўлига тўғаноқ бўлган катта-кичик тошларнинг орасидан отилиб, устидан тошиб ўтиб, йўлига кета бошлади. Тош тўғоннинг бу томони анча кўтарилиб, сув секинлашди,

у томопи эса ҳамон аввалгидек тез ва шиддат билан оқарди.

То бу тош түғонин эпақага келіргунча бува қора терга тушди. Қийим-бошлари шалаббо бўлди. Тоғ суви муздай бўлмайдими, бува сувда узоқ туролмасди. Соҳилга чиқиб исиниб оларди.

Хуллас, кун тиккага келганда иш тамом бўлди. Болаларнинг севинчи ичига сиғмасди.

Бува болаларнинг раҳматига кўмилиб, қўргонига қайтаркан, яна бир таъкидлашни унумади:

— Тўғонин устига чиқманглар, у ҳали яхши ўрнашгани йўқ, босиб қолади. У ёғига агапсанглар оқизиб кетади. Хўпми?

— Хўп, бува! Минг раҳмат!

— Хўп, бува!

Болалар баравар чуғурлашарди. Бува кўздан ғойиб бўлар-бўлмас ечиниб, сувга тушишди. Бунн қарангки, сувининг тез оқиши бўғилгани устига анча чуқур тортибди. Энди Қўлдошнинг кўкрагидан келади. Бу жуда яхши. Энди қулоч отиб сузса ҳам бўлади. Бу бетидан шўнғиб, нариги бетидан чиқса ҳам бўлади.

— Қўлдош! Зап буванг бор-да! — деб фахрланишди болалар. Лекин Қўлдош кеккаймади:

— Сенинг буванг ёмонми? Сенини ҳам яхши. Баҳорда ҳаммамизни йигиб гуллайванд қилишни ўргатганиларни эсингдами?

— Бўлмасам-чи!

Болалар куни бўйи маза қилиб чўмилишди. Куни бўйи тилларидан бувалари тушмади.

Жанг ўрмон бўсағасида борарди.

Айни баҳор.

Кечагина оламни овозга тўлдириб турган қушлардан бугун ном-нишон қолмаган. Улар кеча кечгача ҳам унда-бунда кўринниб, баъзан товушлари келиб қоларди. Бугун эрталаб бошланган шиддатли отишмадан кейин жимиб қолишиди. Қушпарат солдат Бўтакўзниңг уларга раҳми келди:

— Бу лаънати уруш дастидан кишилар эмас, қушларга ҳам тинчлик йўқ, бечоралар уяларини ташлаб қаёкларгадир тўзиб кетишиди. Товушлари ҳам келмай қолди.

У атрофга аланглади, кафтини қулоғи орқасига қўйиб тинглади. Қушларнинг на шитирлаши, на бирор овозини эшитолмаганидан юраги ачидими, окопдош шеригига қушлар ҳақида алланималар ҳикоя қила кетди.

— Қушлар ҳам кишига ўхшаб хуш муомала гадоси. Агар сен унга бирор меҳрибонлик қилсанг асти унутмайди. Бувимнинг иккита мусичаси бўлар эди. Қишинн-ёзин қўлларидан дон ерди. Ҳатто бола очганда боласини ҳам эргаштириб бувимнинг олдинга келган. Гўё болаларини бувимга таништиргани олиб келган эди. Бувим ҳам буни пайқади шекилли, уларга сўз қотди:

— Болаларингга эҳтиёт бўл, бу атрофда мушук ўлгур кўп.

Бўтакўзниң эртакнамо сўзларидан юзига мамнуният кулгиси сочилиб қулоқ солаётган ҳамроҳи тегишиди:

— Демак, сиздаги қушпаратлик ҳам бувингиздан месрос экан-да!

— Эҳтимол. Лекин бувим ҳеч қүшни қафасга солиб боққан эмас. Ағсус у нүқсон мендә бўлиб ўтган. Бола эканман, билмабман, бувим бечора нүқул: «Эркини бўғма, олтин қафасда булбул ҳам сайрамайди», деб койир эдилар. Мен болалигимда саъва, беланани, қумрини бир оз вақт тўрқовоқларда боқканман. Кейинчалик қўйиб юборганман. Ана ўшандаги қуш бечораларнинг яйраб учиб кетишни кўрсангиз! Шу-шу қуш зотини қафасга солған одамни кўрсан нафратим қўзгайди. Эркинликда, ўз хоҳиши билан сайраши қандай яхши. Товушларни эшитсан кетаётган еримда тўхтаб тинглайман. Инидан тушиб кетган боласини кўрсанму, албатта жойига олиб қўяман. Жойини тополмасам учиб кетадиган бўлгунча боқаман.

— Сизнинг томонда қушлар кўпми? — қизиқди ҳам-суҳбати.

— Минг хили бордир. Эрталаб туриб боғларга қулоқ солсанг, баҳринг очилади. Дўстим, окопда ана шуларнинг ҳам хумори тутади-да. Фронтга тушибманки, яйраб бирор марта қуш сайроғини эшитганим йўқ.

— Шунинг учун окопни ҳам шундоқ ўрмон оғзида қазиган экансиз-да.

— Топдингиз. Қадрдои дўстсиз-да, ичимдагини биласиз! Бир томондан қушларнинг ўзини соғингаш бўлсан, иккинчидан уларни ҳам бу бераҳм ёвуз душмандан ҳимоя қилишим керак. Қуш бечораларнинг қўлида ўқдориси йўқ!

Бўтакўзининг окопдош ҳамроҳи узоқ Сибирдан эди. Бўтакўзининг қушлар ҳақидаги сўзлари, мевалар ҳақидаги кечаги ҳикоясига ўхшаб унга жуда қизиқ туюлди. Душманга Бўтакўздек қирон келтираётган, Бўтакўздек довюрак, азamat, ҳар бир бармоғи олти ойлик боланинг болдиридек келадиган йўғон ва бақувват йигитнинг митти қушлар ҳақида, уларга меҳрибонлик ҳақида нозик ҳис, нафис ҳаракатлар билан сўзлашни унга жуда ғалати кўринарди. «Бу улкан кафтида саъва эмас, капитар ҳам кўринмай кетса керак. Бу қўллар шернинг томоғидан олса, нафасини чиқармай қўяди», деб кўнглидан ўтказди. Сибирлик бу йигитнинг зуваласи эса кичкина, ихчам эди. Лекин Бўтакўз ҳамон қушларнинг ишқибоз бўлмаган одам илғаб ололмайдиган хислатлари, фазилатлари, қачон ва қандай сайрашлари, нечтадан бола очишлари, болаларига муомалалари ҳақида завқ-шавқ билан сўзлар-

ди. Ҳатто ҳамроҳи умрида кўрмаган баъзи қушларнинг қанақалигини қизиқ-қизиқ ҳаракатлар билан тушунтириб, сайрашларини қилиб беради. Үнга сари ҳамсұхбатининг ҳаяжони ошиб, кулгидан ўзини тийиб ололмасди.

Икки соатча давом этган отишма орасидаги тинчлик қушлар суҳбати билан тугади. Яна ўқлар чақиши, яна замбараклар гумбурулаши, аллақаерда самолётларнинг бўғиқ хириллаши... Бир маҳал пулемётчи икки ўртоқнинг окопи тепасидаги оқ қайнининг катта бир шохи тўп ўқидан шартта узилиб тушди. Сал ўтмай нимадир чийиллади. Буни ҳаммадан олдин Бўтакўз пайқади. У дарров шеригига:

— Қуш боласи-ку! Сен ҳушёр тур, мен ҳозир...— деди-ю, окопдан эмаклаб чиқди. У дастлаб дўппидек тўнтарилиб ётган қуш уясини кўрди. Ичиди ҳашакка ёнишиб қолгаи яримта тухум пўчоги. «Демак, чийиллаган қуш боласи», деган фикр Бўтакўзниң хаёлидан учган ўқ тезлигида ўтди. Кўзи билан ана шу қуш боласини қидирди. Уннинг бу мушкулини қушчанинг ўз чийиллаши осон қилди. Ундан сал нарида, буталар остида бир қуш боласи дир-дир титраб, кўзларини мўлтиллатиб турарди. У ўз ҳимоячисини кутиб тургандек Бўтакўздан қочмади. Бўтакўз ҳам қушларнинг хислатларини билалиган, раҳмдил кишилардагина бўладиган эҳтпётлик билан ғариб қушчани улкан кафтига олди, у ёқ-бу ёғини кўздан кечирди: ҳайрият, ҳамма ёғи бутун!

Қуш энди темир қанот бўлиб келаётган эди.

Бўтакўз қушчанинг уясини ҳам олиб, окоп ичиди, бир чеккага жой тайёрлади. Уяси устига қушчани қўйиб уннинг устига эрталабки отишмада ҳалок бўлгап жангчининг каскасини тўнтарди. Бу орада қушга гап отиб қўйди:

— Сен шу бехавотир ерда дамнингни олиб тур. Биз сенинг тинчингни бузган анави газанданинг адабини бериб олайлик.

Бўтакўз ўз жанговар ишига киришди. Душман устига бир-икки ўқ ёғдирди. Айниқса, сўнгги марта қойил қилди: душманин анча яқингача қўйиб бериб, кейин роса ўққа тутди. Тутдай тўқди. Хурсандлигидан каска остидаги қушга тегишиди:

— Сенинг ўчингни ҳам олиб қўйдим, дўстим!

Қушча Бўтакўзнинг окопида уч кун яшади. Тўртинчи кун баятсиз ҳодиса рўй берди. Тонгда бошланган отиш-

мада бир замбарақ ўқи шундоққына пулимётчилар око-
пи ёнига келиб тушди. Бұтакұз оғир яраланди. Тушдан
кейин ўзига келди. Үнинг сұраган нарасаси ана шу қуш-
ча бўлди. Ростини айтишга мажбур бўлишди: қуш ўл-
ган эди.

Бұтакұзга бу хабар ўз ҳолидан ҳам оғирроқ туюлган-
дек бўлди. Раҳмдиллик билан деди:

— Аттанг, бечора нобуд бўпти-да!

Салдан кейин үнинг ўзи ҳам оламдан ўтди. Үнинг
жасади ёнига қушчани ҳам қўйиб кўмдилар.

1970

Табиатнинг қизиқ сирлари бор.

Буни қарангки, Жамшиднинг буваси қазиган қудуқнинг суви бу қишлоқда ҳамманикidan ширин. Нега? Ҳеч ким билмайди. Бўлмаса бу қишлоқда деярли ҳар хона-донда қудуқ бор. Ҳаммасидан яхши сув чиқади. Лекин Жамшиднинг буваси тоғ этагидан ер ажратиб, тошлардан тозалаб ер очиб, экин экди, қудуқ қазиди-ю, қўни-қўшни уникига қатнаб қолди. Аввалига девор-дармиён қўшнилар, кейин нарироқдагилар ҳам кела бошлади. Молларига ўз қудуқларидан берсалар ҳам, овқат ва чой учун, албатта, Жамшиларникidan челаклаб олиб кетардилар.

Жамшиднинг буваси ғалатироқ одам. Кўп прим-сиirimларга риоя қиласди. Шундай бошқалардан ҳам талаб этиб юради. Қазиган қудуғининг суви ширин чиққанидан, кишиларниг манфаатдор бўлганидан ортиқча ажабланмаса ҳам, қўни-қўшнининг бўш чеълак билан кириб, тўлдириб чиқиб кетавериши бувага ёқмай қолди. Буванинг наздида бу яхши белги эмас: хонадондан барака кўтарилади!

Бува авваллари ўзича пингиллаб юрди, кейин битта-яримтага дардини ошкор айтди. Шунда ҳам кишилар қудуқка қатнашини кўймади. Ҳатто бир уста қўшни икки киши билан келиб қудуқнинг атрофини яхши тахталар билан ўради, қўлда тортадиган сувни чиғириқ билан айлантириб оладиган қиласди. Устаси тушкур қизиқчироқ экан, бувага тегишиб қўйди:

— Бу бош қудугимиз, яъни ош қудугимиз. Тартибли бўлгани яхши.

Бува индамади. Устага бу ҳол малол келди шекилли:

— Ҳа, қўшни, ишимиш сизга маъқул тушмадими?— деди.

— Нега, яхши...— Лоқайд жавоб қилди бува.

Аслида бу иш бувага ёқмаган эди. Унинг назаридаги қўшнилар у қазиган қудуғини узил-кесил ўзлариники қилиб олишаётган эди. Бунга эса унинг асти розилнги йўқ. Ичидан «бу қўрами, карвонсаройми?» деб қўйди. Лекин қўрасининг эшигини кишилар кирмайдиган қилиб орқасидан бекитиб олишга ботинмади. Кўздай қўшниларнинг бетига қанақа қилиб эшик ёлади! Ичидан гижиниб юрди. Эшикдан чеълак билан кирган ҳар кишини кўрганда бир ити қўзғаб, қудуқ чийиллаганда ғаши келди. Аммо бирортасига ботиниб бир нарса демади: кўпга кесак отиб бўлмайди, нақ тошбўронда қолиб кетасан!

Бува шу зайлда қишини ҳам ўтказди. Баҳорга чиқиб қудуқнинг атрофига турли-туман экин экди, қудуққа борадиган йўлни жуда тор қолдирди. Бошлаб бу билинмади. Экинлар ўсан сари йўл торайиб бораверди. Кейинчилик шундай ҳолга келдикк, ўткинчининг барига илашадиган бўлди, юришини оғирлаштирди. Челакдаги сувга барглари тушди. Бу ҳолни кўрган қўшнилардан бири:

— Экинлар жуда ғовлаб кетибди-ку, бува!— деб тил тегизди. Бува ҳам сир бой бермади:

— Яиги ер-да, бақувват!

Экин авж олиб, қудуққа борадиган сўқмоқ бекилгани сари баъзи қўни-қўшни оёғини тийди: буванинг ниятини англай бошлади. Бува бундан ичидан мамнун эди: бўэчининг мокисидек қатнайдиганлардан қутулдим Ахир инсоф керак-да, бир йил — ўн икки ой бирорникидан сув ташиб ичишадими! Ўзлариники сал бемазароқ бўлса, тешиб чиқмайди. Яхши қилдим, деб юрди.

Лекин бунинг чуви чиқа бошлади. Қудуқдан оёғини тийган ҳамқишлоқлар бувадан қўлинни ювиб қўлтиққа урмаган бўлса ҳам, муносабатларига совуқлик тушди. Баъзи бир маъракаларга уни айтишмади, кўрганда ҳам ортиқча мулозамат қўрсатишмади.

Буни бува сезса ҳам аҳамият бермади: гармседлек ўтиб кетади, вақтинчалик. Гармсел узоққа чўзилди. Бува ичидан зил кетди.

Шу орада севимли эрка набираси Жамшид бир куни

мактабдан йиғламсираб қайтди. Бувасига сезилар-сезилмас салом бериб, ичкарига ўтиб кетди. Ўйга кира солиб портфелини хөнанинг бир четига улоқтириди, ўзи ҳүнграб йиғлаб юборди. У ҳеч қачон бунақа хўрлиги келиб, ўпкаси тўлиб йиғламаган эди. Бува ҳайрон бўлди. Кириб аҳволни сўрагунча Жамшиднинг аясига айтаётган сўзини эшитиб қолди. «Мактабда ҳамма болалар «зиқналар, хасислар» дейди. «Табиатнинг сувини аяган очкўзлар», дейди. Энди мактабга бормайман. Уяламан!»

— Қанақа сув? — сўради аяси.

— Қанақа сув бўларди, қудуқники-да! Бувам ўтиб бўлмайдиган қилиб ҳамма ёғига атайнин экин экиб ташладилар-ку! Кишилар бунинг сабабини билмайдими, ер остида илон қимирласа билади, ҳаммасини билади.

Бува неварасининг олдиға киришга журъат этмади. Оғзига бир кафт нос ташлаб кўчага чиқиб кетди...

Эрталаб турса қудуққа олиб борадиган сўқмоқнинг икки ёнидаги жўхори ҳали пишмасдан ўриб ташланган, йўл кенг қилиб очилган эди.

Буни ё келини, ё невараси Жамшид қилганини бува билди-ю, индамади. Яна тилининг остига бир кафт нос ташлаб, кўчага чиқиб кетди.

ОҚҚУШНИНГ КЕҢЖА БОЛАСИ

Бу қызық ҳикояни менга йўлда бир қозоқ киши айгиб берган эди.

...Чорсанбойнинг дадаси овчи. Овчи бўлганда ҳам тиниб-тинчимаган овчи. У қуш отади, қуш тамом бўлгандан кейин, совуқ тушгач, балиқ тутади. Бунинг сабаби бор, албатта. Уларнинг уйи шундоқ катта кўлнинг ёқасида. Эшигидан чиқиб қарасанг кун тифида жимиirlаб ётган кўлнинг кўм-кўк сувини кўрасан. Соҳиллари қумлоқ ва қамишзор. Бу ерда шунаقا қамиш қалин ўсадики, орасига киролмайсан, одамлар ўриб кетса ҳам, ҳеч тамом бўлмайди. Бу қамишлар қушлар уяси Чорсанбойнинг дадаси шу қамишзорларда қўйжи тизздан ошадиган узун этигини кийиб ов қиласди, баъзи икки-уч кунлаб қолиб кетади. Қанчалаб тустовуқларни елкасига хуржун қилиб ташлаб қайтади, ҳатто энлик камарига ҳам қатор қистириб олади.

Баҳор чиқиши билан кўл гўё қайтадан ёшаради, кузда сарғайган соҳилдаги қамишлар орасидан нов-ниҳоллари қад кўтариб, кўм-кўк тусга киради, осларида аллақандай ўтлар ниш уради, ҳатто бутун ёз бўйи қумлоқ бўлиб ётадиган ерларда ҳам турли-туман кўм-кўм гиёхлар пайдо бўлади. Қушлар галаси кўл устидан чукурлашиб ўтади. Оламни завқ-шавққа кўмиб юборади.

Бугун якшамба. Чорсанбой қайиғини тузатаётган дадасига кўмаклашарди. Қайнқ дадасининг ҳамроҳи. Ез бўйи унда сузади. Қузга бориб қирғоққа тўнтариб қўяди. Мана энди баҳор чиқиши билан уни кўздан кечириб,

көрак ернга мих қоқиб, баъзи ерининг тахтасини алмаштиряпти.

— Сен оловга қара,— деди дадаси Чорсанбойга. Улардан нарироқда бир эски челякда мўм қайнарди. Бу мўм билан қайнқнинг сиртини мойлашади, дарзлари беклинб, сув ўтмайдиган бўлади.

Дадасининг огоҳлантирганича бор: челяк остидаги олов сусайиб қолган экан. Чорсанбой ўт қалади, гуриллатиб юборди. Сал ўтмай мўм яна биқиллаб қайнай кетди. Бу ишидан Чорсанбойнинг ўзи ҳам хурсанд бўлди. У «қалай, шундай ёнгани яхими, дада?» дегандек унга назар ташлаган эди, бирдан бир гала қушларнинг жўр овози унинг хаёлини олиб қочди. Бу оққушлар эди. Чорсанбой уларни хурсанд бўлиб кузатиб турди. Улар анчамунча эди. Улар кўл устида чуғурлашиб бир айланишди-да, этак томонга ўтиб, кўздан гойиб бўлиши. Лекин бир-икки жуфти шу заҳоти яна ортига қайтиб, сувга тушди. Оппоқ улкан қанотларини елкандек ёзиб, сув бетида беланчак бўлиб туриши.

— Булар қолди шу ерда,— деди Чорсанбойнинг дадаси.

- Қаёқдан билдингиз?
- Бизнинг кўл уларга ёқиб қолди. Ҳали бола очади.
- Иўғ-э!— қувониб кетди Чорсанбой,— боласини ушлаб берасизми? Боқса бўладими?
- Ушлатмайди. Отсанг майиб бўлади.
- Иўқ, отманг,— деди ҳалитдан Чорсанбойнинг оққуш болаларига раҳми келиб.

Дадаси айтгандек ўша оққушлардан бир жуфти эртасига ҳам шу кўлда кўринди, индинига ҳам. Чорсанбой жўрттага кунда, кун ора улардан хабар олиб қўярди. Гарчанд уларга дахли бўлмаса ҳам, уларни боқмаса ҳам, улар яқинига йўлатмаса ҳам: «Менинг оққушим», деб гапиради, фахрланарди.

Бир куни бундоқ қараса, оққушлар йўқ. Эртасига ҳам кўринмади. Бир ҳафта ўтди — ҳамон дарак йўқ.

- Кетиб қолди!— деди у ўқиниб дадасига.
- Ҳеч қаёқка кетмайди. Шу ерда!— деди дадаси бамайлихотир.
- Қани бўлмаса? Сузмайдими? Уйнамайдими?
- Бола очяпти.
- Бола очяпти? Вой, маза! Боласидан оламан. Қаेरда очяпти, дада?

— Қамишзорда, тополмайсан.

Чорсанбой бир ҳафта кутди. Икки ҳафта кутди. Болалари у ёқда турсин, уларниң ўзидан дарак йўқ эди. Кўлга қарай бериб, кўзлари тиниб кетадиган бўлди. Охирн умидини узди.

— Кетиб қолди! — деди.

— Йўқ, шу ерда! — деди дадаси яна қатъий қилиб. — Бу йил ёзни шу кўлда ўтказади.

Чорсанбой дадасининг сўзини ёлғонга чиқаришга ботинолмади. Унинг дадаси қанақаки, бу атрофдаги қушва ҳайвонларнинг ҳамма қилигини, ҳунарини, турқини, қачон келиб қачон кетишини, қанақа ерда нечтадан бола очишини, болаларини қанақа қилиб катта қилишини — ҳамма, ҳаммасини яхши билади, яхши бир китобдай ёдакам билади. «Даданг учган қушнинг қўнадиган ерини олдиндан билади», деб унга тегишади қўшнлири.

Шундай бўлса ҳам Чорсанбойда дадасининг сўзига шубҳа уйғонди. Кўлга чиқмай қўйди. Аста-секин оққушлар ёдидап кўтарила бошлади. Сигири туғиб, бузоқ билан овора бўлиб кетди.

— Оққушларингни кўрдингми, болаларини эргаштириб юрибди, — деди дадаси бир куни овдап келиб.

— Ростданми?

Чорсанбайнинг юрагида оққушлар меҳри қайта уйғонди. Ҳозироқ югуриб соҳилга чиқарди-ю, бари бир қоронги, тун. Оққушлар кўринмайди. Болаларини қаноти остига олиб, ким билади, қайси қамишзор қумлоқда мудраяпти?

Чорсанбой тунни зўрга ўтказди. Буни қарангки, туни билан безовталаниб, неча бор уйғонган Чорсанбой тонгга яқин тош қотиб ухлаб қолибди. Мундоқ кўзини очса, кузнинг илиқ шамоли кун тушиб турган деразанинг юмшоқ пардасини ҳилпиллатарди. Уйда ҳеч ким йўқ. Юзқўлини наридан-бери юви-ю, онасининг «чойингни ичиб кет!» дейишига қарамай кўл бўйига чопди. Оққушлар ҳам «соғинган бўлсанг, мана болаларим, яхшилаб кўриб ол!» дегандек қирғоқдан салгина нарида сузиб юради. Лекин болалари ўзига ўхшамас, худди тупроққа думалаб олгандек «ифлос» эди. Наҳотки, шундай споқ ва чиройли қушларнинг болалари шунақа хунук бўлса! Унинг ихлоси қайтди.

У кўнглидагини яширолмасдан:

— Дада,— деди у,— нега болалари бунақа ғалати? Оппоқ эмас?

— Кейин оқарыб кетади,— деди балиқ тутиб ўтирган дадаси.

Бир ой ҳам ўтди — оққушлар оқармади. Лекин улар шунақа тез ўсадыки, сал вақтдан кейин ота-оналаридан фарқ қылмай қолди, фақат рангларигина ажралиб турарди. Учишолмас эди. Бу орада күз тушиб, совуқ бошланди. Оққушларнинг учиб кетадиган вақти бўлган эди. Буни она оққуш сезди шекилли, болаларини учишга машқ қилдира бошлади. Сокин қирғоқни танлаб олди. Болаларини қатор тизиб қўйиб, ўзи олдинга ўтди. Учиб кўрсатди, кетидан болаларини бир-бир йўллади. Улар оналарига ўхшаб кўл бетида улкан қашотларини келг ёзиб, сувни шапиллатиб уриб, яхмалак отгандек сувиз кетдилар. Лекин оналарига ўхшаб сув бетидан кўтарила олмадилар. Машқ яна такрорланди. Бу гал боягидан кўра тез ва чаққон елиб кетдилар, бироқ сувдан ҳамон азод кўтарилиб кетолмай, сал-сал юқорилаб қўйишарди. Она қуш уларни шунчалик сабр-тоқат билан машқ қилдирардик, бирортасини «койимас», «туртмас» эди, машқни тинимсиз такрорларди, ўзи намуна кўрсатарди. Эртасига бу машқ яна давом этарди.

Чорсанбой дадаси олдида қармоқни сувга солиб қўйиб, маза қилиб томоша қилди. Икки қўзи қушларда эди. Бир маҳал:

— Ана кўтарилди, учиб кетди! — деб қичқириб юборди.

— Учади-да, бекорга онаси қунт билан машқ қилдиряптими! — деди дадаси, шундай бўлишини неча марта кўрган кишидек беҳаяжон.

Бу маҳал оққушлар тўдаси кўл устида доира ясамоқда эди.

— Вой, анави биттаси қопти-ку! — деди Чорсанбой сув бетида, тўлқинда қалқиб турган оққушчани кўриб.

— Учади. Шошма. Ахир ўқувчиларнинг ҳаммаси «беш»га ўқимайди-ку. «Уч» оладигани ҳам бор, шундайми?

— Албатта,— тасдиқлади Чорсанбой.

— Бу ҳам ўшанақа зўрга «уч» оладиганига ўхшайди.

Совуқ тез тушди. Буни пайқаган катта оққушлар болаларини учишга жадаллик билан ўргатишарди. Кўпчилиги кўл устида икки-уч доира ясайдигани бўлса ҳам,

анави кенжаси ҳэмон узоқ учолмас, тезда сувга қўниб оларди, ҳурпайиб турарди. Афтидан кимжонга ӯшарди.

Бир куни қуёш ботишига яқин барча қушлар баравар кутарилишиди. Кенжа ҳам кутарилди. Лекин кўл устида бир доири ясаб, яна ўз жойинга келиб қўнди. Шу кечаси жуда қаттиқ совуқ бўлди. Чорсанбой эрталаб чиқиб ҳайрон қолди: ҳамма ёқ оппоқ, худди қор ёққандек. Аслида бу қиров-булдуруқ эди. Атроф эртаксимон туғса кирган. Бу ажойиб кўринишдан завқланиб турган Чорсанбойнинг эсига оққушлар тушди: уларнинг холи нима кечди? У кўлга чопди. Қай кўз билан кўрсинки, кўл муз қотган. Кенжа оққушчанинг қанотларини муз «ушлаб» қолибди. Катта-кичик оққушлар унинг атрофида уймалашиб ётибди. Лекин унти муздан ажратиб олишолмас эди.

Чорсанбойнинг юраги ачили. Нима қилишини билмасдан уйга чопди:

— Дада! Дада! Кичкина оққуш музга ёпишиб қопти. Энди нима қиласди? Улиб қоладими?

Дадаси нима гаплигига дарров тушунди. Саройдан болта, узун тахта олиб йўлга тушди. Оққушлар ҳамон ташвишланиб, уймаланиб ётарди. Улардан чўчимади ҳам.

Дада қирғоқ музини телиб кўрди, болта билан урди. Қаттиқлигига қаноат ҳосил қилгач, музга ёпишиб қолган оққушча олдига аста-аста юриб борди. Оёғи остига тахтани узун ташлаб, болта билан секин-секин атрофни чопиб, оққушчани муз панжасидан қутқариб олди ва ёнида турган ўғлига узатди:

— Ма, уйга элт! Исим!

Чорсанбой қувонишини ҳам, хафа бўлишини ҳам билмасди. Шерикларининг бу фожиали ҳолатдан қутулганини кўрган бошқа оққушлар кўлни бир айланиб, Чорсанбойнинг тепасига келганда пастлаб ўтишди. Гўё шерикларининг меҳрибон қўлда эканига ишондилар ва яна бир доири ясаб, кўл ортида кўздан ғойиб бўлдилар.

Кенжа оққуш эса қиши билан Чорсанбойларнида қолди. Олдинига ётсираб ҳеч кимнинг қўлидан ҳеч нима емади, сув ҳам ичмади. Чорсанбойни яна ваҳима босди:

— Улиб қолади!

Яна дадаси далда берди:

— Үлмайди, сабр қил, ўғлим. Үрганиб кетади.

Бу гал ҳам дадасининг сўзи тўғри чиқди. Оққушча

аввалига уйга, одамларга күнүкди. Кейин ивитеилган нон ушоқларини чүқиди, кейин сув ичди. Кейинчалик эса, ўзи овқат тилаб келадиган бўлди, кишилар дастурхонга ўтиrsa, ёнларига келиб, чироили кўзларини мўлтиллатиб туради. Бора-бора унинг ўзига идиш айришди. Кишилардан эмас, ҳатто ҳовлида доим мудраб юрадиган қарни итдан ҳам энди ҳайиқмайди. Мушук билан эса ўйнашади, думини чўқиб қақиллади.

Баҳор чиқиб, ариқда сувлар шарқираб оқадиган бўлганда у кўлга бир-икки марта ўэича бориб-келиб юрди. Бегона болалардан ҳам чўчимади. Илк оққушлар товуши кўл томондан келган куни бир кетганича қайтиб келмади. Чорсанбой ўқингандек бўлган эди, дадаси юпатди.

— Яхши бўлди, элатини топди.

1971

МУНДАРИЖА

Ҳикоялар

Олтин зангламас. Роман	:	3
Балогат	.	410
Алданиш	.	420
Дакки	:	429
Баҳриниса	.	435
Нодирнинг пафрати	.	444
Араб боласининг қувончи	.	449
Тез оқар сув	.	452
Солдат ва қуш	.	456
Қудук	.	460
Оққүшилнг кенжা боласи	.	463

На узбекском языке

Шұхрат

ЗОЛОТО НЕ РЖАВЕЕТ

Роман

РАССКАЗЫ

*Печатается с изданий: Издательство
художественной литературы и искус-
ства им. Гафура Гуляма. Ташкент,
1970 г. Гослитиздат — УзССР — Таш-
кент, 1958 г., Издательство «Еш гвар-
дия» — Ташкент, 1973 г.*

Редактор Х. Мансурова

Рассом А. Байдасарян

Расмлар редактори А. Бобров

Техн. редактор Э. Сайдов

Корректор Р. Садикбекова

ИБ № 175

Босмахонага берилди 7.02.79. Босишига рух
сат этилди 17. 01. 80. Формати **84x100/12**.
Босмахона қоғози № 1. Адабий гарнитура.
Юқори босма. Шартли босма л. 24,78. Нашр
л. 25,11. Тиражи 60000. (7-муковада 10000,
б-муковада 50000). Заказ № **84**. Бадоси
7-муковада 1 с. 80 т. б-муковада 1 с. 80 т.
Ғафур Ғулом номидаги Адабият из санъат
нашриёти Тошкент, 700129, Навонӣ кӯчаси
30.

Ўзбекистон ССР Нашриётлар, полиграфия
ва китоб савдоси ишлари Давлат комите-
тининг Тошкент «Матбуот» полиграфия иши-
лаб чиқарниш бирлашмаси. Тошкент, Ҳамза
кӯчаси, 21.

Шұқрат.

Олтын зангламас: Роман; Ҳикоялар.—Т.: Адабиёт па санъат нашриёти, 1980.—472б.

Атоқлы адид Шұқраттннк үшбу китоби «Олтын зангламас» романн үз ҳикояларда ташкил топди. Муаллиф асарларыда совет кишиларийннг коммунистик әзтиқоди үз олижноблагини тараннум этады.

Шұхрат. Золото не ржавеет. Роман. Рассказы.

ББК 84У₃
Уз